

CONTOEALIAM

THE HISTORY OF THE CONTOEALIAM

ARTICLE I. OF THE CONTOEALIAM

SECTION I. OF THE CONTOEALIAM

ARTICLE II. OF THE CONTOEALIAM

SECTION II. OF THE CONTOEALIAM

SECTION III. OF THE CONTOEALIAM

ARTICLE III. OF THE CONTOEALIAM

SECTION IV. OF THE CONTOEALIAM

SECTION V. OF THE CONTOEALIAM

THE HISTORY OF THE CONTOEALIAM

THE HISTORY OF THE CONTOEALIAM



1

2



MOYSES.



S. MATTHEVS.



S. LVCAS.



PHILOSOPHIA.



# PARATITLA THEOLOGICA

In quibus  
*VERA ANTIQVITAS, ET  
Phraseologia Sacrorum literarum &  
Patrum, siue priscorum ecclesie Docto-  
rum, ita illustratur, ut universum sa-  
cro sancta theologia syntagma hâc  
veluti clavi refere-  
tur.*

OPUS METHODO THEOLOGICÆ  
ANTEHAC IN LUCEM EDITÆ  
PRÆMITTENDUM.

Authore  
IOHANNE HENRICO ALSTEDIO.

✠(o)✠  
FRANCOFURTI,  
Sumptibus CONRADI EIFRIDI.  
Anno M. DC. XXVI.



Balth. Schwan. fecit.



CHRISTVS.



S. MARCVS.



S. IOHANNES.



THEOLOGIA.

2. *Timoth. 1. v. 13.*

Expressam formam teneto sanorum sermonum, quos a me audisti, cum fide & charitate, quæ est in Jesu Christo.

*Iuda vers. 4.*

Necesse habui vobis scribere, ad vos hortandos, ut decertetis pro fide, quæ semel tradita est sanctis.

*Plato in Gorgia.*

Ὅς ἀντὰ ὀνόματα εἰδῇ, εἴσεται καὶ τὰ πρῶτα, Quæ gnarus est vocabulorum, gnarus erit & rerum.

*Epicetus.*

Ἀρχὴ παιδείας ἡ τῶν ὀνομάτων θήσκεισι, Principium eruditionis est nominum trutinatio.



## LECTORI CANDIDO S.

**I**n finita propemodum est copia hostium, Lector Christiane & φιλαρχαῖε, qui veritati cœlesti, jam inde ab incunabulis ecclesiæ, bellum ἀσπονδον atque implacabile indixerunt. Ex omni autem illa hostium turba nescio equidem, an infestiores ei sint ulli alii, quàm sunt duo hominum genera, qui diversis, imò in speciem contrariis, illam modis aggredientes, & cursum ipsius omni conatu impedi-  
dentes, detrimentum ingens ecclesiæ sæpe attulerunt. Et alii quidem opinione sui inflati, καινοφωνίας, hoc est, novas voces, doctrinasque novas inducere: alii verò antiquitatis umbone sua virosa dogmata tegere sunt conati. Sive annalium replicare memoriam voluerimus; sive ad hæc nostra tempora oculos referre; inveniemus profectò, non gladios, non equuleos, non flammæ, non ungulas, non craticulas, non μερομᾶ-  
χίας, h. e. cū bestiis decertationes, aliave ulla priscæ crudelitatis instrumenta, ecclesiæ tantum unquam nocuisse; quātum ei nocuerunt, hinc novarum opinionum authores, illinc præposteri antiquitatis non-an-  
tiquæ defensores. Quæ duo hominum genera, cū videantur inter se opposita, & revera ducantur affectibus, ut plurimum, contrariis: si quis tamen propiùs rem spectet, in effectu consentire, utrorumque conatibus eòdem recidentibus, faciliè intelliget. Nam quid est antiquitas non vera, nisi latens sub larva novitas? aut quæ vetustas contra veritatem stare potest: cū sit extra omne dubium, id verius esse, quod prius: id prius, quod à principio? Itaque hæreses non minùs arguit novitas, quàm revincit veritas. Deinde cupiditas novandi annon est & ipsa antiqua? Intellige antiquitatem ψευδάνυμον, hoc est, falsò dictam. Et enim primis statim nascentis Christianismi temporibus tantus φιλο-  
καινίας, hoc est, studii novitatis, pruritus, multorum ingenia titillavit, ut ex hoc veluti arvo innumeræ fructificaverint hæreses. Quæ cū ita  
A 2 sint,



# P R Æ F A T I O.

sint, videor mihi facturus non parvum operæ pretium, si de utroq; hoc malo vel potius in illud, nonnulla dixerō. Et ut à *Φιλοκαλνίσκῳ* proficiſcatur oratio mea, quis nescit Apostolum 1 *Tim.* 6. v. 4. invehi in eos, qui insaniunt circa quæstiones, ac *λογομαχίας*, h. e. verborum pugnas? Quis porro mediocriter versatus in veteri historia, non legit portenta illa *Basilidis*, qui virtutem quandam summam, ut summum Deum ingenitum, vocavit *Ἀεραξας*, quod nomen tanquam sanctum commendavit: & Christum novo & inusitato antea nomine *Goala* & *Goalna*, ab Hebraico *קאל*, quod redimere significat, appellavit, proculdubio hac de causa, quod nomen Iesus, tanquam nō satis augustum, fastidiret? Quis est in choro τῶν *Φιλαρχαίων*, qui ignoret intolerandam *Valentini* *Φιλοκαλνίσκου*? Is confinxit triginta Aeonas, tanquam deos, quos dixit nasci, nubere, & generare. Illorum principium dixit Profundum sive Bythum, & Silentium sive Sigen, ita ut illud vicem patris, hoc matris obierit. Ex his itaq; parentibus infelici huic homini nati sunt νοῦς & ἀλήθεια, h. e. mens & veritas: ex his rursus λόγος & ζωή, h. e. verbum & vita: ex his denique ἄνθρωπος & ἐκκλησία, h. e. homo & ecclesia: Ex prima Aeonum syzygia producti sunt octo alii Aeonas: ex secunda, decē: ex quarta duodecim. Quibus simul collectis, fiunt triginta Aeonas, qui, ut ait Tertullianus, crimina sunt, non numina. Sunt, inquam, nomina abominanda. *Secundiani* ad octo præcipuos *Valentini* Aeonas addiderunt lucem & tenebras, & nomina ipsa Aeonum immutarūt. *Marcus*, à quo *Marcitæ* orti sunt, duo rerum principia sibi contraria constituit, Silentium & Sermonem. Pro binario Aeonum, qui reliquos genuerint, substituit quaternarium: nempe Sigen, Logon, & præterea duos alios Aeonas innominatos. Literis, syllabis, & characteribus singulos homines, & singula singulorum hominū membra subjici & gubernari dixit, atq; adeo hæc universa; ut cū omnia ad unam eandemq; literam redierint, sint omnia instauranda, & futurus sit rerum omnium finis. Sic autem literas divisit, ut α & ω regerent atq; haberent caput hominis: β & ψ, collum: γ & χ humeros: δ & φ, pectus: ε & υ, septum transversum: ζ & τ, dorsum: η & σ, ventrē: θ & ρ, femora: ι & ω, genua: κ & ο, tibias: λ & ξ, calos: μ & ν, pedes. Nomen *ἰησοῦς* uti angustius cæteris præferebat. Mutas novem, quæ vocantur à Grammaticis, retulit ad Deum Patrem, tanquā illius proprias Semivocales octo, ad λόγον & ζωήν: vocales septem ad hominem & ecclesiam, *Ptolemaeus* quoq; discipulus *Valentini*, novam condere inci-

# P R Æ F A T I O.

piens hæresim, octonarium quidem Aeonum numerum, tanquã fontem aliorum omnium retinuit, sed alios, aliterq; quàm Valentinus cõstituit & appellavit. Valentinus n. Bytho unam duntaxat cõjugem dedit, eamq; Sigen nominavit. At Ptolemæus Bytho duas uxores planè liberaliter gratificatus est, quarum unam quidem *έννοίαν*, *cogitationem*, alteram verò *θέλησιν*, *voluntatem*, vocavit. Ex utraq; illa coniuge Bythus propagines emisit, ut essent earum rerum, quæ sunt apud se invisibiles & inconspicuæ, visibiles imagines. *Έννοίας* quidem inconspicuæ imago conspicua est *Νοῦς*, *mens*; *Θελήσεως* autẽ typus visibilis est *Ἀλήθεια*, *veritas*. Itaq; & nominibus, & modo ipso procreandi Aeonas diversus fuit à præceptore Valentino Ptolemæus. *Heracleon*, & ipse Valentini discipulus, duo rerum omniũ principia constituit, è quibus tamen ipsis unum altero sit prius tempore. Et Bython quidem dixit primum illum & præcipuum Deũ, ex quo nata sit Sige, i. e. silentium. Ex Bytho & Sige reliqui oēs Aeonas variis coitionibus nati sunt, qui cæterarum rerum, creatarum sunt principia. Primariam quoq; Aeonũ Ogdoada, à Ptolemæo excogitatã, probavit *Heracleon*, & ejus divisionem in dextros sinistrosq; Aeonas, tanquam bonos & malos, sive, ut postea Manichæi locuti sunt, in gentem lucis & tenebrarum retinuit. Sed quid ago? si per oēs omnium temporum hæreses ire velim, & saltem *πυρίαις δόξαις* recensere, non præfationẽ, sed integrum volumen scribere necesse fuerit. Legatur itaq; potiùs Augustinus de hæresibus, & in singulis capitibus observetur studiosè quantus amor novitatis, hominũ mentes, inde à Simone Mago (ab hoc n. orditur August.) usq; ad Pelagiũ (in quo definit.) veluti afflatas quodam pestilenti sidere, & invaserit, & infederit. Persequitur Augustin⁹ ita prædictas hæreses, ut singulis tribuat singula capita. Sunt a. in universum capita octo & octoginta. Tot itaq; novitates, ut ita dicã, ibi occurrũt. Quid? In plerisq; capitibus, adeoq; & hæresibus, nō sũt singule *φιλοκαλνίαις*, sed plures: interdũ tres, quatuor, quinque, & ampliùs. Non possum, quin nomina Novatorũ adscribam. Sunt autẽ hoc ordine. Simoniani, Menandriani, Saturniniani, Basilidiani, Nicolaitæ, Gnostici, Carpocratiani, Cerinthiani, Nazaræi, Ebionæi, Valentiniani, Secundiani, Ptolemiani, Marcitæ, Colarbasii, Heracleonitæ, Ophitæ, Caini, Sethiani, Archontici, Cerdoniani, Marcionitæ, Apellitæ, Severiani, Tatiani seu Encratitæ, Cataphryges, Pepuziani seu Quintilliani, Artotyritæ, Teslares & decaritæ,

# P R Æ F A T I O.

Alogiani, Adamiani, Elcese seu Sampseji, Theodosiani, Melchisedechiani, Bardefanistæ, Noëtiani, Valesii, Cathari, Angelici, Apostolici, Sabelliani, Origeniani, Origenistæ seu Adamantii, Pauliani sive Samosatreniani, Photiniani, Manichæi, Hierachitæ, Melitiani, Arian, Audiani, Semiariani, Macedoniani, Aëriani, Aëtiani sive Eunomiani, Apollinaristæ, Antidicomarianitæ, Messaliani, Metangismonitæ, Seleuciani sive Hermiani, Proclianitæ, Patriciani, Ascitæ, Pattalorinchitæ, Aquarii, Coluthiani, Floriani, Æternales, Nudipedales, Donatistæ sive Montenses, Priscillianistæ, Feri, Rhetoriani, Theopaschitæ, Triformii seu Tritheitz, Aquei, Melitonii, Ophei, Tertullii, Liberatores, Nativitarii, Luciferiani, Iovinianistæ, Arabici, Helvidiani, Paterniani, Tertullianistæ, Abelonitæ, Pelagiani. Atque hæc sunt nomina hæreticorum, quos Augustinus partim collegit ex Epiphanio & Philastrio, partim ipse addidit. Vixerunt autem isti Novatores inde ab anno Christi 50. usque ad annum 420. His jam adde Nestorianos, Eutychianos, Timotheanos, Mahumedanos, & similia portenta. Sed missis Novatoribus hæreticis veniamus ad Scholasticos. Deus bone, quātus pruritus φιλοκαϊνίας istorum hominum ingenia titillavit? quæ licentia passim est vagata fingendi vocus & fabulas ineptissimas, & ridicularum opinionum portenta? quàm multæ denique περσολογίαι ex arvo ecclesiæ fructificaverunt, degeneres veritatis, grano & mendacio silvestres? Non ab realiquis secula ista καιρὸς περσολογίας, hoc est, tempora portentiloquiorum, nominaverit. Secuta est tandem, Dei immortalis nunquam tacendo beneficio literarum & religionis παλινγε-  
νεσία, hoc est, quasi à morte ad vitam revocatio. Sed hanc felicitatem infelicitas nihilo minor, in religionis negotio, est comitata. Nam φιλο-  
καϊνία hoc effecit, ut unius & ejusdem religionis Christianæ duplex, & multum diversa, sit theologia: in maximi quidem momenti capitibus doctrinæ, arcano divinæ providentiæ beneficio, ut plurimum, consen-  
tiens; in aliis dissidens, & in mutuam perniciem conjurata. Tantum scilicet potest cupiditas novandi: ut non immeritò vir magni nominis exclamet, ipsam lacerare tunicam Christi inconsutilem. Quod in pri-  
mis verum est de illa, quæ nova dogmata gignit, φιλοκαϊνία: & interdum quoque de istà, quæ novas voces phrasisque fingit. Contra utramque non uno in loco agit sanctus Apostolus ad Timotheum & Titum. Nec  
minùs



## P R Æ F A T I O.

minùs tamen Ecclesiæ Dei priscis juxta & nostris temporibus obfuerunt clamores illi assidui & importuni hominum *ψαδοφιλαρχαίων*, i. e. falsæ antiquitatis studiosorum, qui religionis suæ & ceremoniarum à majoribus acceptarum antiquitatem stultè jactitarunt. Hic itaq; cauto est opus, ut antiquitas falsa discernatur à vera. Est autem falsa antiquitas, quæ vel in solâ prioritate temporis consistit, vel prioritatem temporis falsò sibi vendicat. De primâ *ψαδωνύμω* antiquitatis specie loquitur *August. tom. 8. enarrat. Ps. 61.* Oēs qui terrena sapiunt, omnes qui felicitatem terrenâ Deo præferunt, oēs qui sua quærunt, non quæ Iesu Christi, ad unam illâ civitatem pertinent, quæ dicitur Babylonia mysticè, & habet regem diabolu. Omnes autè qui ea quæ sursum sunt sapiunt, qui cœlestia meditantur, qui cū solitudine in seculo vivunt, ne Deum offendant, qui cavent peccare, quos peccantes non pudet confiteri, humiles, mites, sancti, justi, pii, boni, oēs ad unâ civitatē pertinent, quæ regem habet Christu. Illa (*scil. civitas diaboli.*) in terra quasi major est tempore, non sublimitate, non honore. Civitas illa prior nata, civitas ista posterior nata. Illa enim incepit à Cain, hæc ab Abel. De secundâ falsæ antiquitatis specie accipe illud *Cecilii, Oratoris pagani apud Minutium Felicem*: Quanto venerabilis ac melius, antistites veritatis majorum excipere disciplinam, religiones traditas colere, deos, quos à parentibus antè imbutus es timere, quàm cognoscere familiariùs, adorare: nec de numinibus ferre sententiam, sed prioribus credere. His verbis idololatria appellatur antiqua: cū revera sit heri vel nudius tertius nata. Contra utramque falsæ antiquitatis speciem teneantur illa. *Clemens I. Romanus Episcopus lib. 4. recognit.* eleganter ait: At dicunt Gentiles: Impium est, si non colamus ea quæ nobis tradita sunt à patribus nostris, & religionem prævaricamur à majoribus datam. Hac ratione, si cujus pater latro fuit aut leno, à patribus sibi datam consuetudinem non mutabit. *Lactant. lib. 5. divin. instit. c. 20. sic ait de ethnicis*: Inherentes persuasioni vulgari, libenter errant, & stultitiæ suæ favet. A quibus si persuasionis ejus rationem requiras, nullam possint reddere, sed ad majorum judicia confugiant, quod illi sapientes fuerint, illi probaverint, illi scierint; quid esset optimum: seque ipsos sensibus spoliant, ratione abdicant, dum alienis erroribus credunt. *Basilius Magnus in epist. ad Eustathium Medicum*: Illi (*Ariani.*) accusantes hoc proferunt, quia consue-



## P R Æ F A T I O.

consuetudo ipsorum hoc non habet : sed Scriptura non assentitur. Quid igitur ad nos hoc? Non putamus justum esse, obtinentem apud ipsos consuetudinem, legem ac regulam facere rectæ doctrinæ. Si enim fortis res est ad rectitudinis demonstrationem ipsa consuetudo, oportet & nos omnino illos sequi. Igitur Scriptura diuinitus inspirata arbitretur nobis constituatur, & apud quos inventa fuerint dogmata divinis sermonibus concordantia, his omnino etiam veritatis suffragium accedet. *Ambros. lib. 5. epist. 31. Sic introducit Christianam Romam loquentem. & refutantem Symmachi urbis præfecti, hominis ethnici, relationem: Quid mihi veterum exempla profertis? Odi ritus Neronum. Et mox: Pœnitet lapsus, & vetusta canities pudendi sanguinis traxit ruborem. Non erubescō cum toto orbe longæva converti. Verum certè est, quia nulla ætas ad perdiscendum sera est. Erubescat senectus, quæ se emendare non potest. Non annorum canities est laudanda, sed morū. Nullus pudor est ad meliora transire. Simillimè Symmachus scribens ad Valent. Theodos. & Arcadium Auggg. Si longa ætas, inquit, auctoritatem religionibus faciat, servanda est tot sæculis fides, & sequendi nobis sunt parentes, qui secuti sunt feliciter suos. Sera & contumeliosa est emendatio senectutis. Augustinus tom. 2. epist. 48 refert, Donatistas, cū rectius instituerentur, dixisse, Durum est nobis traditionem parentum relinquere. Idem tom. 4. libro questionum V. & N. T. cap. 114. de paganis ait, quod per traducem antiquitatis commendaverint suam fallaciam. Et ibidem: Pagani antiquitatis causā verum se tenere contendunt. Quia quod antè est, inquit, falsum esse non potest. Quasi antiquitas aut vetus consuetudo præjudicet veritati. Possent enim homicidæ, aut molles, aut adulteri, vel cæteri criminosi per hoc illicita sua defendere, quia antiqua sunt, & ab ipso mundi initio cœpta. Bernhardus epist. 91. ait: Recedant à me & à vobis qui dicunt, Nolumus esse meliores quàm patres nostri: tepidorum & dissolutorum se filios protestantes. Quorum memoria in maledictione est; quia manducaverunt uvas acerbæ, quibus dentes filiorum obstupuerunt. Quæ cū ita sint, religio vera non est æstimanda qualicunque antiquitate & duratione, nec consuetudine quantumvis diuturnā; sed antiquitate divinā, hoc est, ex eo, quod à Deo, illo antiquo dierum, ortum ducit. Audiamus de tali antiquitate iudicia Patrum. Tertullianus in apol. getico adversus gentes, c. 47. sic ait:*

# P R Æ F A T I O.

*ait:* Et hoc mihi proficit antiquitas, præstructa divinæ literaturæ, quò  
facile credatur, thesaurum eam fuisse posteriori cuique sapientiæ. *Et*  
*mox:* Quis poëtarum, quis sophistarum, qui non omninò de Prophetarum  
fonte potaverit? Inde igitur philosophi sitim ingenii sui r'gave-  
runt. *Et aliquantò post de hereticis ait:* Expediè præscribimus adulteris  
nostris, illam esse regulam veritatis, quæ veniat à Christo, transmissa  
per comites ipsius, quibus aliquantò posteriores diversi isti commen-  
tatores probabuntur. *Et in libro de præscriptionibus adversus hereticos, cap. 6.*  
Nobis verò nihil ex nostro arbitrio inducere licet, sed nec eligere  
quod aliquis de arbitrio suo induxerit. Apostolos Domini habemus  
authores, qui nec ipsi quidquam ex suo arbitrio, quod inducerent, ele-  
gerunt: sed acceptam à Christo disciplinam fideliter nationibus adsi-  
gnarunt. Itaque etiam si angelus de cœlis aliter evangelizaret, anathe-  
ma diceretur à nobis. *Item libro 4. adversus Marcionem c. 4.* Quis inter nos  
determinabit, nisi temporis ratio, ei præscribens auctoritatem, quod  
antiquius reperietur, & ei præjudicans vitiationem, quod posterius re-  
vincetur? In quantum enim falsum corruptio est veri, in tantum præ-  
cedat necesse est veritas falsum. Prior erit res passione, & materia æmu-  
latione. *Ibidem c. 5.* In summa, si constat id verius, quod prius; id prius,  
quod ab initio; ab initio, quod ab Apostolis: pariter utique constabit id  
esse ab Apostolis traditum, quod apud ecclesias Apostolorum fuerit  
sacrosanctum. *Idem de præscriptionibus adversus hereticos c. 21.* Constat om-  
nem doctrinam, quæ cum illis ecclesiis Apostolicis, matricibus & o-  
riginalibus fidei, conspiret, veritati deputandâ, id sine dubio tenētem,  
quod ecclesiæ ab Apostolis, Apostoli à Christo, Christus à Deo susce-  
pit: reliquam verò omnem doctrinam de mendacio præjudicandam,  
quæ sapiat contra veritatem ecclesiarum, & Apostolorum, & Christi,  
& Dei. *Ibidem c. 32.* Ad hanc itaque formam provocabuntur ab illis ec-  
clesiis, quæ licet nullum ex Apostolis vel Apostolicis authorem suum  
proferant, ut multò posteriores, quæ denique quotidie instituuntur;  
tamen in eadem fide conspirantes, non minùs Apostolicæ deputan-  
tur pro consanguinitate doctrinæ. *Ignatius epistola ad Philadelphenses:* Au-  
divi enim quosdam dicentes, Nisi Evangelium invenero in archivis,  
non credo. Talibus ego dico, ὅτι ἐμοὶ ᾠχθεῖα ἐστὶν Ἰησοῦς ὁ Χριστός, οὗ ᾠδεύουσιν  
πρὸς δὴλῶ ὁ λαός, id est, Mihi Jesus Christus pro archivis est, quem nolle  
audire, manifesta perniciēs est. *Arnobius lib. 2. adversus Gentes.* Religio-

# P R Æ F A T I O.

nis authoritas non est tempore æstimanda, sed numine: nec colere quæ  
die, sed quid cœperis, convenit intueri. *Cyprianus epist. 63. sect. 11.* Si solus  
Christus audiendus est, non debemus attendere, quid alius ante nos  
faciendum putaverit, sed quid, qui ante omnes est, Christus, prior fe-  
cerit. Neque enim hominis consuetudinem sequi oportet, sed verita-  
tem; cum per Esaiam Prophetam Deus loquatur & dicat, sine causa  
autem colunt me, mandata & doctrinas hominum docentes. *Idem epist.*  
*71.* Non vincimur, quando offeruntur meliora, sed instruimur. *Ibidem.*  
Non est autem de consuetudine præscribendum, sed ratione vincen-  
dum. *August. lib. 3. de baptismo cōtra Donatistas:* Veritate manifestata cedat  
consuetudo veritati: planè respondeo, quis dubitet veritati manifesta-  
tæ debere consuetudinem cedere? *Item:* Nemo consuetudinem ratio-  
ni, & veritati præponat: quia consuetudinem ratio & veritas semper  
excludit. *Idem tomo 6. lib. de utilitate credendi:* Sequere viam catholicæ  
disciplinæ, quæ ab ipso Christo per Apostolos ad nos usque manavit,  
& ab hinc ad posterum manatura est. Vidit hoc *Cæsar Baronius, quando to.*  
*6. annalium ecclesiasticorum, in anno Domini 490,* non quamlibet antiquita-  
tem sequendam iudicavit, sed eam duntaxat, quæ conjunctam habet  
veritatem. *Et rursus tom. 2. in anno Christi 118. sect. 5. de traditionibus quas di-*  
*bapho antiquitatis quidam vestiunt, satis cautè pronuntiat in hanc sententiam.*  
Ex quibus facile intelligas, in traditionibus habendum esse delectum,  
ut non mox ut quis se aliquid ex majorum traditione accepisse tradit  
(ut de Papia accidit.) fidem illi omnes adhibeant: sed illam esse tradi-  
tionem tenendam & amplectendam, quæ ab ecclesia catholica sibi au-  
thoritatem vendicat. Quæ postrema verba si intelligantur de tradi-  
tione rituali, omnino probanda sunt: dummodo nomen ecclesiæ ca-  
tholicæ non vendicetur ecclesiæ vrbis, sed intelligatur de ecclesia or-  
bis. Sed finis sit hujus compilationis & coacervationis dictorum ex Pa-  
tribus de vera & falsa antiquitate. Sufficiat nobis illud Christi *Matt. 19.*  
*A principio non fuit ita.* Hunc gladium assiduè rotemus, quando disputa-  
tur de trās substantiatione, cōcomitantia, genere sacrificii Christiano-  
rum, calice laicis adempto, Scripturis populo ablati metu hæreseos,  
lingua in sacris non intellecta, traditionum etiam recentium autori-  
tate, invocatione Sanctorum, adoratione imaginum, cultu reliquia-  
rum, purgatorii credendi necessitate, indulgentiis, denique de tota  
ratione & modo legitimi cultus divini celebrandi, & superstitionibus  
infini-



## P R Æ F A T I O.

in finitis in eum admissis. Quando, inquam, de huiusmodi rebus incidit disputatio, rotemus illum ex ore ipso Christi manantem gladium: **A PRINCIPIO NON FUIT ITA.** Intellige hîc principium partim creationis seu primæ institutionis ecclesiæ V. T. partim prædicationis Christi & Apostolorum, partim denique vigoris ecclesiæ ante annum Christi sexcentesium. Hæc enim est antiqua, ut ita dicam, antiquitas, quam in religionis negotio spectare decet. Hæc ego antiquitatem in his paratilis hinc inde in medium produco, & oculis τῶν φιλαρχαίων subjicio. Sed & hoc ago, ut φιλοκαμνίας morbum si non per sanem, attamen mitigem. Digitum quippe intendo ad phraseologiam canonicam & ecclesiasticam. Tuum est, candide & pietatis antiquæ piæque antiquitatis studiosè lector, hoc meum studium benignè accipere, & his paratilis uti tanquam clavi sacrosanctæ theologiæ. Cùm enim hujus facultatis ea sit natura, ut sit omnium antiquissima, utpote origini suæ proxima: nemo non videt, optimam navari operam ab iis, qui antiquitatē primò primam, id est Scripturam sacram, conjungunt cum antiquitate primæ proximâ, id est, cum doctoribus nascentis ecclesiæ N. T. & vigentis usque ad annum ferè Christi sexcentesium. Rursus cùm philologia ita serviat Theologiæ, ut sit interioris admissionis, arctioreque vinculo reginæ illi & dominæ sit conjuncta: planum evadit, optimam quoque ab iis navari operam, qui phraseologiam verè antiquam explicant, itemque asserunt à nova & inepta. Quæ duo in hoc opere adornando mihi fuerunt proposita. Faxit Deus immortalis, ut hæc lucubrationes meæ, & aliorum omnium, qui in iisdem literis excolendis desudant, ad sanctissimi sui nominis gloriam, & ecclesiæ ædificationem cedant. Herbornæ Kalendis Junii. anno 1625.

# INDEX CHRONOGRAPHICUS PATRUM, SCHOLASTICORUM, ET ALIORUM Authorum, qui in his Paratitlis citantur.



Quoniam interest ad antiquitatis ecclesiastica genuinam *ἡλικίαν*, scire quo tempore vixerint authores, quorum testimonia in medium adducuntur, visum nobis fuit faciendum, ut hunc indicem chronographicum operi huic praemitteremus. Vbi velim observari tempus, quo auctor aliquis vixit, non uno modo notari. Aut enim natiuitas, aut mors, aut aetas intermedia adnotatur. Interdum etiam tempus scriptiois alicuius libri attenditur: aut aliud accidens insigne respicitur. Sic v.g. Hieronymus obiit anno Domini 422, aetatis suae 91. ut adnotat Prosper in Chronico. Natus itaque est anno Domini 331. scripsit proculdubio inde ab anno 360. usque ad an. 422. Itaque si quis scribat, Hieronymum floruisse anno 331. 340. 350. 360. 370. 380. 390. 400. 410. 420. non errat. Sed iam texamus Indicem. Scriptores ecclesiasticos hic dicimus, qui neque inter Patres, neque inter Scholasticos referuntur.

## A.

**A**bdias Babylonius. Dicitur fuisse vnus ex discipulis Domini.

Abbas Urspergensis 1215. Historicus.

Ado Viennensis 879. Scripsit *Chronicum*.

Ado Treuerensis 1070. Scripsit *Martyrologium Romanum*.

Aegidius Romanus 1290. Ex Scholasticis.

Aeneas Sylvius 1450. Primum à secretis Imperatoris, deinde episcopus Senensis, tum Cardinalis, denique Papa Pius II. multa scripsit: in omni doctrinarum genere.

Albertus Magnus 1265. Ex Scholasticis.

Albinus Alcuinus 780. Ex Scriptoribus ecclesiasticis.

Alexander de Ales 1245. Ex Scholasticis.

Alphonfus Tonstatus 1440. Scriptor ecclesiasticus.

Ambrosius 370. Ex Patribus.

Ammonius Alexandrinus 226. Scripsit canones Evangelicos seu harmoniam Evangelicam.

Amphilochius 380. Scriptor ecclesiasticus.

Anastasius Bibliothecarius 858. Scripsit vitas quorundam &c.

Anastasius Sinaita, episcopus Antioche-

nus 544. Ex Scriptoribus ecclesiasticis.

Anselmus Lucensis 1077.

Anselmus Cantuariensis 1081. } Scri-  
ptores ecclesiastici.

Apollinarius 365. Multa scripsit, è quibus solū extant Psalmi Davidis ab ipso carmine heroico descripti.

Arator 345. Poeta Christianus.

Arnobius 285. Ex Patribus.

Arnobius Junior. 445. Ex Scriptoribus ecclesiasticis.

Athanasius 326. Ex Patribus.

Athanagoras 150. Ex Patribus.

Augustinus 420. Ex Patribus.

Avitus Alcimius 520. Scriptor ecclesiasticus.

Aufonius 420. Scripsit quadā carmina sacra.

## B.

**B**aldus 1390. Ictus. Scripsit etiam in libros Decretalium.

Balsamon 1191. Fuit Patriarcha Antiochenus, Bellarminus & Baronius ipsum habent pro schismatico: quia Romana ecclesia fuit infensus.

Baptista Mantuanus 1500. Poeta & theologus.

Barla-

Barlaamus episcopus Hieracensis 1303.  
*Scriptis epistolas multas ad Græcos de unione  
cum ecclesiâ Romanâ.*

Basilii Magni 370. *Ex Patribus.*

Beda Venerabilis 700. *Ex Patribus.*

Bernhardus 1120. *Ex Patribus.*

Bessarion Cardinalis, patriâ Trapezun-  
tinus 1440. *Scriptis multa Theologica &  
Philosophica.*

Boëcius 520. *Scriptor ecclesiasticus.*

Bonaventura 1265. *Ex Scholasticis.*

C.

**C**æsarius Arelatensis 499. *Scriptor eccl.*

Cajetanus 1500. *Scriptis multa.*

Cassianus 440. *Scriptor ecclesiasticus.*

Cassiodorus 530. *Scriptor eccl. & histori-  
cus.*

Cedrenus 1070. *Historicus Græcus.*

Chrysostomus 398. *Ex Patribus.*

Claudianus Mamertus, presbyter. 440.

*Scriptor ecclesiasticus.*

Clemens Alexandrinus 203. *Ex Patribus.*

Clemens Romanus, Papa. 70. *Ex Patrib.*

Comestor 1150. *Ex Scholasticis.*

Constantinus Magnus Imp. 306. *Eius o-  
ratio, scripta ad Sanctorum cœtum, extat.*

Curo palata. *Vide I.*

Cyprianus 240. *Ex Patribus.*

Cyrillus Alexandrinus 430. *Ex Patribus.*

Cyrillus Hierosolymitanus 365. *Ex scri-  
ptoribus ecclesiasticis.*

D.

**D**amascenus 700. *Ex Patribus.*

Damasus Papa 367. *Ex scriptoribus ec-  
clesiasticis.*

Didymus Alexandrinus 360. *Ex scriptori-  
bus ecclesiasticis.*

Dionysius Areopagita. 60. *Ex Patribus.*

Dionysius Carthusianus 1450. *Scriptis in  
omnes libros scripturæ, & alia quadam.*

Dionysius Exiguus 525. *Scriptis canones sa-*

*crosex Conciliis &c.*

Dorotheus Archimandrita 560. *Ex Homi-  
listis.*

Dorotheus Tyrius 285. *Ex scriptoribus ec-  
clesiasticis.*

Duns 1308. *Ex Scholasticis.*

Durandus 1320. *Ex Scholasticis.*

E.

**E**gesippus 177. *Scriptis historiam ecclesia-  
sticam.*

Eligius 640. *Ex Homilistis.*

Ephrem Syrus 365. *Scriptor ecclesiasticus.*

Epiphanius 370. *Ex Patribus.*

Evagrius Scholasticus 596. *Scriptis histo-  
riam ecclesiasticam.*

Eucherius 440. *Ex scriptoribus ecclesiasticis.*

Eusebius Cæsariensis 326. *Ex scriptoribus  
ecclesiasticis.*

Eusebius Emesenus 430. *Homilista.*

F.

**F**austus Regiensis 480. *Fuit Pelagianus.*  
Franciscus Mayronis 1320. *è Scholasti-  
cis.*

Fulgentius 500. *Ex Patribus.*

G.

**G**abriel Biel 1490. *Ex Scholasticis.*

Gaudentius 390. *Scriptor ecclesiasticus.*

Gelasius Papa 492. *Scriptor ecclesiasticus.*

Gennadius Massiliensis 490. *Scriptor ec-  
clesiasticus.*

Germanus Constantinopolitanus 720.  
*Ex scriptoribus ecclesiasticis.*

Gerfon 1420. *Fuit Camellarius Parisiensis.*

Godefridus Viterbiensis 1186. *Historicus.*

Gratianus 1140. *Compilavit Decretum.*

Gregorius Bœticus 350. *Scriptor ecclesiasti-  
cus.*

Gregorius Nazianzenus 370. *Ex Patribus.*

Gregorius Neocæsariensis 233. *Ex Patri-  
bus.*

Gregorius Nyssenus 370. *Ex Patribus.*



# I N D E X.

Gregorius Magnus Papa 600. *Scriptor eccl.*  
 Gregorius Turonicus 596. *Scriptor eccles.*  
 Gregorius Thaumaturgus 233. *Ex scripto-*  
*ribus ecclesiasticis.*

Gregorius Protosyncellus 1440. *Scriptit*  
*responsionem contra epistolam Marci Ephe-*  
*sii.*

Gulielmus Antistiodorensis 1240. *Ex Scho-*  
*lasticis.*

Gulielmus Parisiensis 1240. *Ex Scholasticis.*

Gulielmus Tyrius 1180. *Historicus.*

## H.

**H**Aymo 850. *Ex Patribus.*

Hermannus Contractus 1050. *Histo-*  
*ricus.*

Hermes, alias Hermen. 72. *Ex Patribus.*

Hervæus 1320. *Ex Scholasticis.*

Hesychius 601. *Scriptor ecclesiasticus.*

Hieronymus 380. *Ex Patribus.*

Hilarius Arelatenus 445. *Ex scriptoribus ec-*  
*clesiasticis.*

Hilarius Pictavenus 340. *Ex Patribus.*

Hincmarus 860. *Scriptor ecclesiasticus.*

Hugo de S. Victore 1130. *Scriptor ecclesia-*  
*sticus.*

## I.

**I**Dacius Clarus 380. *Scriptor ecclesiasticus.*

Ignatius Martyr 71. *Ex Patribus.*

Innocentius III. Papa 1200. *Scriptor eccles.*

Interpretes LXX. an. Mundi 3699.

Ioachim Abbas 1195. *Scriptit varia, inter*  
*que sunt eius vaticinia.*

Iohannes Curopalates 1070. *Historicus.*

Iohannes Diaconus 873. *Historicus.*

Iohannes de Turrecremata 1440. *Fuit*  
*Theologus, & Ictus eximius.*

Iosephus Hebræus 70. *Ex historicis.*

Irenæus Martyr. 180. *Ex Patribus.*

Isidorus Hispalensis, cognomēto Iunior.  
*Ex Patribus.*

Isidorus Pelusiotes 440. *Scriptor ecclesiast.*

Iulius Africanus 222. *Scriptit historiam, qua*  
*periit. Eius epistola ad Origenem extat.*

Iulius Firmicus 340. *Ex scriptoribus ecclesia-*  
*sticis.*

Iunilius 545. *Scriptor eccles.*

Iustinus Martyr 150. *Ex Patribus.*

Iuvenus Presbyter 330. *Fuit Poëta Chri-*  
*stianus.*

## L.

**L**Aetantius Firmianus 285. *Ex Patribus.*

Lambertus Schafnaburgensis 1077.  
*Historicus.*

Lanfrancus 1059. *Scriptor ecclesiasticus.*

Laurentius Iustinianus 1440. *Scriptor eccl.*

Laonicus Chalcōdyla Atheniensis 1460  
*Historicus.*

Leo Magnus, Papa 440. *Ex Patribus.*

Linus Papa 70.

Lombardus 1145. *Ex Scholasticis.*

Lucianus Martyr 420. *Scriptor ecclesiasticus.*

Lucifer Caralitanus 350. *Ex scriptoribus ec-*  
*clesiasticis.*

## M.

**M**acarius Senior 340. *Ex Patribus.*

Marcellinus Presbyter 717. *Histori-*  
*cus.*

Matianus Scotus 1083. *Historicus.*

Martialis Lemovicensis 71. *Ex scriptoribus*  
*ecclesiasticis.* (*storicus.*)

Matthæus Paris, sive Parisiensis, 1254. *Hi-*

Maximus episcopus Taurinensis 420. *Ex*  
*scriptoribus ecclesiasticis.*

Maximus Martyr 650. *Scriptor ecclesiast.*

Melito Sardenis 150. *Ex scriptoribus eccles.*

Methodius Martyr 285. *Ex scriptorib. eccle-*  
*siasticis. Fuit episcopus Tyri.*

Micrologus 1077. *Scriptit de ecclesiasticis ob-*  
*servationibus.*

Minutius Felix 206. *Ex scriptorib. ecclesiast.*

Moses Barcepha 980. *Fuit episcopus Syrus,*  
*& scriptit de paradiso.*

## N.

- N**Auclerus 1500. *Historicus.*  
 Nicephorus Callistus 1305. *Historicus Græcus.*  
 Nicephorus Constantinopolit. 811. *Historicus & Theologus.*  
 Nicephorus Patriarcha 811. *Scriptor historicus & eccles.* (cus.  
 Nicephorus Gregoras 1330. *Historicus Græcus.*  
 Nicetas Choniates, alias Acominatus 1205. *Scriptit historiā, item de fide orthodoxa.*  
 Nicetas David 858. *Historicus: scriptit vitas quorundam.*  
 Nicolaus Cabasilas 1350. *Fuit Archiepiscopus Thessalonicensis, vir doctissimus. Bellarmino est schismaticus.*  
 Nicolaus de Lira, ex Iudæo Christianus 1320. *Scriptit in universa Biblia; item alia.*  
 Nilus Abbas Constantinopol. 445. *Ex scriptorib. ecclesiasticis.*

## O.

- O**Ccam 1320. *Ex Scholasticis.*  
 Oecumenius 1070. *Ex Patribus. Alii eum collocant inter annum 800. & 900.*  
 Olympiodorus 1070. *Scriptor ecclesiasticus.*  
 Optatus Milevitanus 365. *Ex Patribus.*  
 Origenes 226. *Ex Patribus.* (cus.  
 Orosius presbyter Hispanus 425. *Historicus.*  
 Otho Frisingensis 1145. *Historicus.*

## P.

- P**Achomius 340. *Fertur scripsisse Regulam Monachorum, angelo dicante.*  
 Paschasius Diaconus 499. *Ex scriptoribus ecclesiasticis.*  
 Paulinus Aquileiensis 780. *Script. eccles.*  
 Paulinus Nolanus 420. *Ex scriptorib. eccles.*  
 Paulus Burgensis 1430. *Ex Iudæo Christianus, scriptit additiones ad Postillā Lirani &c.*  
 Paulus Diaconus 774. *Historicus.*  
 Pelagius Alvarus 1320. *Script. ecclesiast.*

- Petrarcha 1350. *Poëta & polyhistor.*  
 Petrus Blesensis 1177. *Scriptor eccles.*  
 Petrus ab Alliaco 1410. *Fuit episcopus Cameracensis.*  
 Philastrius 380. *Scriptor ecclesiasticus.*  
 Philo Iudæus 40..... *Ex scriptoribus ecclesiasticis, iuxta Hieronymum.*  
 Photius Constantinopolitanus 858. *Scriptit Nomocanonem & Bibliothecam.*  
 Platina 1472. *Scriptit de vitis Pontificum.*  
 Polycarpus 71. *Ex Patribus.*  
 Primasius 545. *Scriptor ecclesiasticus.*  
 Prochorus 60. *Fuit unus ex septem primis diaconis. Circumfertur narratio sub eius nomine: quæ ipsi Bellarmino videtur conficta.*  
 Proclus Constantinopolitanus 430. *Ex scriptoribus ecclesiasticis.* (chum &c.  
 Procopius Gazæus 560. *Scriptit in octateuchum.*  
 Prosper Aquitanicus 445. *Ex Patribus.*  
 Prudentius 390. *Ex Patribus.*

## R.

- R**Abanus Maurus 830. *Ex Patribus.*  
 Richardus de S. Victore 1130. *Script. eccles.*  
 Rufinus Presbyter 390. *Script. eccles. Hieronymi quondam amicissimus, deinde amulus factus.*  
 Rupertus Tuitiensis 1119. *Scriptor ecclesiast.*

## S.

- S**Alvianus 460. *Ex scriptorib. ecclesiasticis.*  
 Scorus. *Vide Duns.*  
 Sedulius 430. *Scriptor ecclesiasticus.*  
 Serapion episcopus 330. *Ex scriptor. eccles.*  
 Severus Sulpitius 420. *Script. ecclesiasticus.*  
 Sidonius Apollinaris 440. *Scriptor eccles.*  
 Simeon Metaphrastes 850. *Scriptit vitas Sanctorum.*  
 Socrates 440. *Scriptit historiā ecclesiasticā.*  
 Sophronius, episcopus Hierosolymitanus 630. *Ex scriptorib. ecclesiasticis.*  
 Sozomenus 440. *Scriptit historiā ecclesiast.*  
 Syne-



# I N D E X.

Synefius , episcopus Ptolemaidis 420.

*Scriptor ecclesiasticus.*

T.

**T**Aulerus 1350. *Concionator egregius. Eum contempsit Eccius. defendit Ludovicus Blofius.*

Tatianus 170. *Ex Patribus.*

Tertullianus 203. *Ex Patribus.*

Theodoretus 430. *Ex Patribus.*

Theodorus Balsamon. *Vide B.*

Theophylactus 880. *Ex Patribus.*

Theophilus Alexandrinus 390. *Eius epistola Paschales, numero tres, extant.*

Theophilus Antiochenus 170. *Ex Patribus.*

Thomas Aquinas 1224. *Ex Scholasticis.*

Thomas de Kempis 1460. *Scriptit multa.*

Thomas Waldensis 1420. *Scriptor ecclesiasticus.*

Trithemius 1500. *Historicus.*

V.

**V**Enantius Fortunatus 570. *Poëta Christianus.*

Victor Africanus 530. *Scriptor eccles.*

Victor Capuanus 540. *Scriptor eccles.*

Victorinus Afer 350. *Scriptor eccles.*

Vigilius 495. *Ex Patribus.*

Vincentius Bellovacensis 1250. *Ex Scholasticis.*

Vincentius Lirinensis 440. *Scriptit de profanis vocum novitatibus.*

X.

**X**Yphilinus 1191. *Fuit Patriarcha Constantinopol.*

Z.

**Z**Acharias Chrysopolitanus 1101. *Scriptor ecclesiasticus.*

Zeno Veronensis 260. *Ex Scriptorib. eccles.*

Zonaras 1118. *Historicus. Fuit monachus Graecus.*

## F I N I S.

PARA.



# PARATITLA THEOLOGICA.

**A** & Ω. His duabus literis significatur id quod est primum & ultimum in aliquo genere. Nominatim Iesus Christus, æternus Dei Filius, se ita appellat *Apo. I. v. 18. & 2. v. 16. & 22. v. 13.* Declarationis causâ additur *primus & ultimus*. Iis verbis se Deus describit *Esa. 41. v. 4. & 44. v. 12.* Exponitur *Esa. 43. v. 10.* Ante illum, qui verus est Deus, nullus fuit, neque ullus erit post eum: & omnino ante eum nihil fuit, & omnibus licet creaturis in nihilum relabentibus, ipse tamen immutabilis manet in æternum. Idem ergo dicitur, atque Deum esse *ἀναρχον καὶ ἀτελεύτηλον*. Sic Deus est primus & ultimus in se & etiam principium & finis omnium quatenus ab ipso, per ipsum, & in ipsum sunt omnia *Rom. 11.* Cum enim à Deo facta sint omnia, oportet ad illius vnus gloriam omnia referri. Quomodo hæc specialiter competant Christo, vide infra ad tit. **VRIM & TYMMIM.**

**AARON.** Fuit primus Pontifex maximus in populo Dei, typusque Christi sacerdotis æterni, cuius sacerdotium & sacrificium est *ἡμετέριον* intransituum, hoc est, eiusmodi, quod morte sacerdotis non interrumpitur, neque devolvitur ad successorem aliquem. *Hebr. 7. vers. 24.*

Hac de re insignis est locus apud *Athanasium orat. 3. contra Arianos*: Fidelem obtulit victimam, perdurantem, scilicet ac non intercidentem. Quæ enim secundum legem offerebantur, nihil fidei in se possidebāt: quippe caducæ prætereuntisque quotidie, & quibus noua purgatione opus erat. Contrâ Salvatoris hostia semel oblata absoluit omnia, fidaque in omne tempus perdurat. Et Aharoni quidem successores dati sunt: & omnino legale sacerdotium, mortis & temporis progressu alios atque alios Pontifices accepit. Dominus autem sine transitione, & sine successore sacerdotium obtinens, fidus firmusque Pontifex factus est in perpetuum perseverando.

**ABBA.** Est Syriacum: à radice *אבא* voluit, bene affectus est erga aliquem. Quoties ergo Deum Abba, id est, patrem vocamus, summam eius erga nos clementiam atque misericordiam, vel potius *σπῆλν*, erga nos deprædicamus. Hæc vox iuxta Lutherum, aperit cælos, & infernum claudit.

**ABADDON.** Hæc vox significat perditionem, & opponitur nomini *Iesus*, quæ admodum & vox *Apollyon*. Vtroque hoc nomine insignitur *Apo. 9. rex locustarum* quem

quem qui sequuntur, relicto Salvatore Christo, illi meram perditionem consequuntur præmium. Extra Christum enim nulla est salus, sed mera perditio: & qui illum deseruit, in manus Abaddonis necessariò incidunt. Hic non caret mysterio, quod Antichristus, rex ille locustarum, nomine Hebræo & Græco, nō aliter atq; Dn. noster Iesus Christus, insignitur. Hoc nēpe ideo fit, vt intelligamus Antichristum in vtroque Testamento, Veteri & Novo, ecclesiam infestare, & nocere Iudæis & Gentibus in Novo Testamento, quemadmodum Christus est Salvator Veteris & Novi Testamenti, & Iudæis æquē ac Gentibus in N. T. datus est Salvator. Quis verò est Abaddon Veteris Testamenti? Resp. Non tantum Antiochus Epiphanes, sed etiam summus Pontifex post tempora Maccabæorum. Tum enim Pharisei, Sadducei, & alii tanquam locustæ militarunt Pontificibus apostatis & confundentibus regimen ecclesiasticum & politicum in vnū. Ad Novi Testamenti Antichristū quod attinet, sunt qui adnotant nomen *Hildebrand*, quod fuit Gregorii VII. antequam ad Papatum fuit evectus, convenire cum nomine *Abaddon*, non tantum sono, sed etiam significatione.

**ABYSSUS.** Est vorago infinite profunditatis. De hac sic annotat H. K. in *Amph.* Abyssus est rerum naturalium, supernaturalium, spiritualium, divinarum, æternarum, & infernarium, profundissima, abstrusissima, occultissima, imperscrutabilis & ineffabilis causa, origo, sedes, fons, recessus, produciens effectus admirandos, nullo humanæ rationis acumine comprehensibilis. Est autem abyssus creationis *Gen. 1. v. 2.* Est abyssus Scripturæ sa-

cræ *Ezech. 47. Ecclesiast. 1. v. 2. & 24. v. 8.* Est abyssus providentiæ, *Ps. 139. toto.* Est abyssus omnipotentia & sapientiæ divinæ, *Esa. 40.* Est abyssus prædestinationis, *Ephes. 1. v. 4.* *Rom. 9.* Est abyssus dilectionis, redemptionis, & meriti Christi *Ioh. 3. Rom. 5.* Est abyssus iudiciorum Dei *Ps. 36. v. 7. Eccles. 38.* Est abyssus humanæ miseriæ & peccati. *Ier. 17. v. 9. Ezech. 26. v. 19.* Est abyssus inferni *Apoc. 9. v. 1. 2.* Est denique abyssus vitæ & gaudiæ æterni. *Ezech. 31. v. 4.*

**ABRAM. ABRAHAM.** Mutatio nominis Abram in Abraham inter alia significat vocationem gentium, ut Deus ipsemet explicat *Gen. 17. 15.* *Quia patrem turba gentium constitui te.* Primò dictus fuit *Abram*, i. e. pater excelsus, utpote ex quo Christ⁹, *ὁ υἱὸς τοῦ ἀνδρὸς ἐκλεκτοῦ*, nasci debebat. Postea sub renovationem fœderis dictus fuit *Abraham*, i. e. pater numerosæ sed cōfusæ multitudinis. Atque hanc etymologiam Spiritus S. respicit iis in locis, ubi de vocatione gentium verba facit: nominatim *Esa. 11. 9.* *Repleta enim est terra cognitione Domini, non aliter quàm sicuti aqua fundum maris cooperiunt.* & *1. 54. 23.* *Dilata locum tentorii tui (alloquitur autem synagogam Iudaicam) & cortina habitationum tuarum extendantur, ne parcas. Producat in longum funiculos tuos, & palos tuos firma. Quia ad dextram & sinistram erumpes, & semen tuum Gentes hereditabunt.* Ubi radice *אברהם* perquam significanter utitur, ut & in apertum invalescētis in mundo fœderis gratuiti, & difficultatem articuli de vocatione Gentium, quæ ipsis etiam apostolis tantum negotii facessit, quasi ad oculum demonstraret. Quā in sententiam Daniel *6. 9. 27.* Pronuntiat, Christum effecturū, ut prævaleat fœdus ad multos per septimanam unam: *Hebr. אברהם* De quo ipse Christus testa-



Matth. 9. 37. & 21. 12. *Messis copiosa est, sed operarii pauci.* Et, à diebus Iohannis Baptista regnum Dei impatitur, & violenti abripiunt illud. De voce *יָבִיחַ* nota, illam propriissime loquendo significare, Alicui virile robur & virtutem conferre, quâ valeat, & aliis praevalcat. Unde nomen *יָבִיחַ* heros fortis, virtute præditus: quod tribuitur Messiae ab Esaia 6. 9. 5. q. d. heroica virtute præditus. Emicuit autem ista Christi virtus in munere prophetico, sacerdotali & regio: quia nõ docuit ut Pharisei & Scribae, sed quasi auctoritatem habens: & morte sua vicit mortem, nobisque vitam attulit: erexit deniq; in cordibus nostris regnum, quod destruit regnum tenebrarum.

**ABSINTHIUM.** Mystice significat amaram illam humanarum traditionum & opinionum farraginem, qua fontes & flumina Scripturae sacrae inficiuntur, & animae hominum corrumpuntur. Confer Jer. 9. 14. 6. 23. 34. & Apoc. 8. Ubi notandae sunt causae propter quas Deus amara ista plaga homines afficit. Quia nempe 1. verbum ejus deferunt. 2. ipsi non obediunt. 3. propriae rationis inventa sequuntur. 4. in his ipsis traditione Patrum nituntur.

**ABSTINENTIA MUNDI.** In hymno Ambrosii, *Iam lucis orto fidere*, sub finem ita canimus:

*Ut cum dies discesserit,  
Noctemq; fors reduxerit,  
Mundi per abstinentiam  
Ipsi canamus gloriam.*

Hic vox mundi accipitur passivè, hoc sensu: à mundo, id est à rebus, quas mundus habet in amoribus & deliciis. Hoc itaq; vult Ambrosius. Ut totum diem transmittamus sanctè abstinendo ab immundo hoc mundo.

**ABSTRACTUM.** Abstractum & con-

cretum in loco de persona Christi sic usurpantur, ut abstr. actum sit nomen naturae concretum, personae. Unde regula: *Communicatio idiomatum valet in secreto.* Hac de re Damascenus lib. 3. de orthod. fide c. 4. sic ait: Sciendum igitur, quod deitatis & humanitatis nomen substantiarum, id est, naturarum, est repræsentativum: at Deus & homo, & de una natura ordinatur: quæ admodum cum dicimus, Deus est incomprehensibilis substantia, & unus est Deus: sumitur etiam de hypostasis, ut particulariori suscipiente universalioris nomē, ceu cum dicit Scriptura, propterea unxit te Deus, Deus tuus. Ecce enim Patrem & Filium ostendit. Et cum dicitur, erat homo quidam in terra Ausiride: nam Iob solum ostendit. In Domino igitur nostro Iesu Christo, quia duas naturas agnoscimus, & unam hypostasim ex utraque compositam, quando naturas respicimus, deitatem humanitatemque vocamus. At verò, quando ex naturis coniunctam hypostasim, quandoque ex utrisq; simul, Christum nominamus, & Deum, & hominem secundum idem, & Deum incarnatum; quandoque verò ex una partium, id est naturarum, Deum solum, & Filium Dei, & hominem solum, & filium hominis; & quandoque ex sublimibus solis; quandoq; ex solis humilibus, Nam unus est, & hoc & illud similiter existens. Et mox: Divinitatem igitur dicentes, non de illa nominamus ea, quæ humanitatis sunt propria: nõ enim dicimus deitatem aut passibilem, aut creatam. Neq; de carne, id est humanitate, prædicamus ea quæ deitatis sunt propria: nam neq; dicimus carnem, id est humanitatem, increatam. At verò de hypostasi, sive ex utraq; sive ex una naturarum, eam nominamus, utrius-

que naturarum propria illi adjicimus. Et *eis finem capituli*: Secundum hoc possumus dicere de Christo, hic Deus noster in terra visus est, & hominibus conversatus est: & homo iste increatus est, impossibilis, & & incircumscriptus.

**ACEDIA.** Corruptè etiam dicitur *Acidia* & *Accidia*. Scholasticis theologis definitur *tristitia, quâ homo redditur tardus ad spirituales actus, propter corporalem laborem*. Est itaque pigritia seu non curantia circa res divinas, seu recessus à bono divino, cui mentem oportet ex necessitate inhorre-  
re. Filias acidia dicunt sex: malitiam, rancorem, pusillanimitatem, desperationem, torporem, & evagationem mentis. Vulgatus Latinus interpres inde fecit verbum *acediari*, sive *acidiari*, *Sirach. 22. vers. 16.*

**מֶרְכָּס.** Est finis & merces: quia merces finito labore tribuitur, tãquam ejus fructus. Ita salus animarum dicitur *finis fidei* ab apostolo: quod *Augustin. tractat. 86. in Iob. reddit mercedem fidei*, & ait: Si nunc tempus est fidei, salus autem animarum merces est fidei; quis dubitet in fide, quæ per dilectionem operatur, peragendum diem ultimum, atq; in fine diei recipendam esse mercedem &c.

**ACOLUTHUS.** Acoluthi olim in ecclesia dicebãtur sacerdotum ministri seu afsectæ. Nunc in Romana ecclesia cum cetero accenso sequuntur diaconum ad locum evangelii, & ut ceolos atq; ampullas ad sacrificium missæ præparant, ut subdiacono porrigant: aliter *ceroferarii*. Cæterum de etymo vocis non constat inter etymologos. Alii enim acoluthos putant dictos à *ακλύνω*, q. *ἀκωλύω*, quod non prohiberentur à consortio eorum, qui muniis ecclesiasticis fungebantur. Alii

*ἀκωλύω* malunt ita dictos, quod essent velut pedisequi sacerdotum. Et hæc notatio plerisque placet.

**ACTIONES DEI AD INTRA & EXTRA.** Actiones sive opera Dei usitatè ita distribuuntur: quia terminantur vel ad ipsum Deum, vel ad creaturas. In priori censu sunt illa, quæ terminantur ad essentiam Dei, ut intellectio qua Deus seipsum intelligit: itè ad personas, ut est generatio, processio. De operibus personalibus est vetus regula: *Opera Deitatis ad intra sunt distincta, seu diuisa*, hoc est, certis psonis Deitatis propria. Quæ ve-ò Deus extra se agit, tribus personis deitatis sunt communia, iuxta regulam: *Opera deitatis ad extra sunt indistincta, seu indivisa*, v. g. creatio, de qua eleganter *Ambrosius: Per verbum Dei omnia facta sunt, Patre loquente, Filio creante, Spiritu sancto animante.*

**ACTUS NOTIONALES.** Quod Patres vocant *ἡ δόξα ὑπὲρ χάριτος* & *ἰδιώματα χάριτος* (Damasce. l. 1. orat. fid. c. 8. 11. 15.) id Scholastici appellant actus notionales & notiones in personis SS. Trinitatis: quæ his veluti notis internis distinguantur personæ. Tales sunt *ἀγέννησία*, *innascibilitas*, Patris; *γέννησις*, generatio, Filii; & *ἐκπαράγωγος* processio, Spiritus sancti.

**ADAM.** Est 1. Nomen proprium primi hominis, *Gen. 2. & 3. Rom. 5. v. 14.* 2. Nomen appellativum, homo, homines *Gen. 1. v. 26.* 3. Nomen Christi, *1. Cor. 15. v. 45.* 4. Nomen urbis, *Ios. 3. vers. 16.* Sæpe videas ab interpretibus confundi nomen *Adam* appellativum cum proprio. Sic *Ios. 14. vers. 15.* vetus translatio habet: *Adam maximus inter Enacim ibi situs est.* Hinc nata est opinio, Adamum sepultum esse eo loco, ubi Christus fuit crucifixus, quique inde sit appellatus *Golgotha*, id est,

est, locus calvariae. Sed verti debuit appellativè, *Ille homo*, ὁ ἄνθρωπος. Porro usitata est vox & phrasis in ecclesia, ut *vetus Adam* significet desideria carnis, sive corruptam naturam: & *novus Adam*, naturam instauratam per Christum. *Primus Adam* est parens universi generis humani: *secundus Adam* est Christus; parens universi generis humani reparati. Vide 1. Cor. 15. vers. 45. 46.

ADER. Author est Hieronymus, locum illum prope Bethlehemum, in quo pastores audiverunt vocem angelorum Luc. 2. appellatum fuisse *Turrim Ader*. In scripturis loci ita nominati, sive *Migdal-Heder*, bis tantum fit mentio: Genes. 35. v. 21. Mich. 4. v. 8. Et apud Micheam quidem nullum est dubium, vel urbem ipsam Hierosolymam ita dici, vel aliquam ejus partem, ex qua tota urbs intelligatur. Multi veterum prodiderunt, sic quondam locum fuisse appellatum, ubi postea templum fuit extructum. In Genesi utrum idem locus intelligatur, an alius prope Bethlehem, dubitant Hieronymus, & alii interpretes. Verisimile est à Christianis inditam illi loco, ubi pastoribus vox angeli audita, eam esse appellationem: quod putarent spiritu prophetico Jacobum *monstrasse iam tunc mysterium futurum*, ut loquitur Hieronymus in Traditionibus Hebraicis.

Ἀδελφός θεός. Est epitheton Jacobi, qui fuit frater Domini nostri Jesu Christi, ὅς ἐστι θεός ἀλογητός εἰς αἰῶνας.

Ἀδικεῖν. Propriè significat alicui facere injuriam, aliquem per vim opprimere. Vulgo vertunt nocere: quod non satis exprimit vim significationis, ut ex illo Aristotelis 2. Rhet. ad Theod. intelligi potest: τὸ ἀδικεῖν ἐστὶ τὸ βλάπτειν ἐκόντως.

ἄδικον ὄντων, aliquem praterius & contra leges opprimere. Sic 1. apoc. 9. dicitur ministros Antichristi per cauda um suarum capita ἀδικεῖν, h. e. injustè affligere homines, quatenus nempe sponsam Christi liberam & redemptam denuò in servitutem redigunt, ut eam primùm per summam injuriam à libero Dei verbi Dei pastu arceant, ejusque deinceps liberos in suorum stabulorum olentia fimeta recludent. Atque hoc est homicidium internum & spirituale, longè deterius externo illo & corporali. Apostolus 2. Cor. 7. ait εἰδέναι ἡ δίκην σου μὴ, εἰδέναι ἐφ' οὗ ἐγμὲν. Quae verba apostolus mutuatus est ab Heraclio Ephesio, qui epistola 1. ad Hermodorum idem de se confitetur, εἰ φθείρω, οὐκ ἀδικῶ εἰδέναι τῶν ἀπάντων.

ADSERVATIO SACRAMENTI. Veteres adservabant sacramentum, non ad ullam adorationem, vel publicam circumgestionem, sed ut privatim proximis diebus uterentur. Tertull. lib. 2. ad uxorem: Non sciet maritus, quid secretò ante omnem cibum gustes? & si sciverit, panem, non illum esse credit, qui dicitur. Huc spectat quod Hieronymus refert de Romana consuetudine communicandi *semper*, id est, quotidie: idque, ut probabile est, in privatis ædibus. epist. 50. ad Pammachium: & epist. 28. ad Lucinium. Hoc probatur ex Basilio, qui epist. ad Caesarem Patrit. scribit hoc modo: In Alexandria & Ægypto unusquisque de populo habet communionem in domo sua, acceptam à sacerdote sacrificante, & distribuente. Sed & hæc adservatio quandoque à veteribus est improbata. Orig. in Levit. homil. 5. Dominus panem, quem discipulis dedit, dicendo, Accipite, manducate, non distulit, nec servari jussit in crastinum.



stinum. *Cōcilium Tolet. i. c. 14. epist. 2.* Quòd si remanserint, in crastinum non referentur, sed clericorum diligentia consumantur.

ADVENTVS CHRISTI. Duplex vulgo statuitur *παρουσία*, sive adventus, Christi. Prior, qui demonstratio etiam in carne mortali ab Augustino appellatur, & à quibusdam Expiationis, seu Redemptionis dicitur, humilis fuit, abjectus, contemptus, & mundo ignotus, in quo *παθητὸς, καὶ ἄτιμος, καὶ ἀειδὴς* voluit conspici. Alter, qui Iudicii & Liberationis ultima, erit quidem & ipse in carne, sed gloria & maiestate immortalior nata, *ἐνδοξος, καὶ λαμπρὸς, καὶ ὑπερφανὴς*. Bernhardus Adventum Christi triplicem statuit: Unum ad homines, alterum in homines (qui Augustino dicitur adventus in ecclesiam.) tertium contra homines, hoc est, mundum, & principem ejus diabolus. Alii statuunt quadruplicem Christi adventum: videl. in carnem; in urbem Hierosolymam ad patiendum *Matth. 21.* in cor hominis; denique ad iudicium.

ADULTER. Est 1. qui alterius torum violat. 2. impius idololatra. 3. qui mundi voluptatibus planè immerfus est. Similiter accipitur vox *Adultera*, & *Adulterium*. Vide Concordantias Bibliorum vulgatæ versionis. Est itaque adulterium carnale, & spirituale: & rursus adulterium carnale est simplex, vel compositum. Adulterium simplex est vel ex parte viri, cum maritus cognoscit fœminam solutam: vel ex parte fœminæ, cum solutus cognoscit cōjugatam. Adulterium compositum est ex parte viri & fœminæ, quando conjugatus accedit ad fœminam conjugatam. Quod hic dicitur adulterium ex parte fœminæ committi, quan-

do solutus cognoscit conjugatam, non habet hunc sensum, quasi solutus non adulteretur: sed comparatè est intelligendum, quòd solutus non æquè graviter peccet atque conjugata.

ADULTERO-CHRISTIANI. Sic appellantur, qui Christianam religionem suis dogmatibus perversis adulterant: cujusmodi sunt *ποτηριοκλέπται*, qui usum calicis è sacra cœna sacrilego ausu sustulerunt, decalogum mutilarunt, simplicitatem baptismi contaminarunt, & omnino verbum Dei adulterant, id est, glossis suis impiis corruperunt scientes volentes.

ÆDIFICO. In concordantiis Latinis Bibliorum vulgatæ æditionis hæc summatim habentur de ista voce. Ædifico propriè est construo, ut *Gen. 4. 17.* metaphorice, est creare *Gen. 2. 22.* continuare & conservare familiam *Deut. 25. 9.* instaurare ecclesiam *Psal. 51. 20.* instaurare, erigere, & fovere homines, illosq; pristinae conditioni restituere *Iob 22. 23. Ier. 21. 16.* benedicere *Psal. 127. 1.* regere benè vel malè ecclesiam vel remp. *Ier. 1. 10. Mich. 3. 10.* rem familiarè curare ut decet *Prov. 14. 1.* excitare è mortuis *Marc. 14. 58.* sapienter disponere *Amos 9. 6.* verbis & re ipsa se ipsum & alios in vera pietate instituere *1. Cor. 8. 1. 10. 6. 14. 4.*

ÆGYPTUS. Ecclesia Romani Antichristi appellatur Ægyptus, partim propter persecutiones, quibus ecclesiam Dei affligit, partim propter plagas, quibus à Deo afficitur. Sanè plagarum Ægypti præcipuarum mentio fit *Apoç. 11.* ut sunt Ulcera, Cruentati fluvii, Tenebræ, Rana, Grando. Quæ plagæ indicio sunt, illa in regno Antichristiano peccata puniri, quæ olim divina Nemesis in veteri Ægypto

pro ultra est: qualia erant illa plusquam  
bruta idolomania, ollæ carnibus reple-  
tæ, populiq; Dei crudelis & tyrannica  
oppressio, & contrà veri Dei ignoratio.  
Quo loco & illud adnotare oportet, ec-  
clesiam Romanam in Apocalypsi quo-  
que Sodomam & Babylonem appellari.  
Ad Sodomorum historiam primæ &  
quintæ phialarum effectus referri pos-  
sunt: Babylonis autem septima plaga ex-  
pressè meminit, phialaq; sexta mentione  
Euphratis exsiccati ad ejusdem histo-  
riam alludit. Quæ tamen omnia spiri-  
tualiter & mysticè intelligenda sunt.

Ἀειπαρθένος. Latine per ὑφ' ἐν dices  
*Semper-virgo*. Est nomen Mariæ, matris  
Domini, de qua Hilarius ita canit:

*Hæc Deum cæli, Dominumq; terra  
Virgo concepit, peperitq; virgo,  
Atque post partum meruit manere  
Inviolata.*

Pertinet huc illud *παρθένου*: Ma-  
ria mansit virgo ante partum, in partu, &  
post partum. Et in hymno Fortunati,  
*Agnoscat omne seculum*, eleganter dicitur:

*Radix Iesse floruit,  
Et virga fructus edidit,  
Fæcunda partum protulit,  
Et virgo mater permanet.*

Mirabilis profectò hæc fuit conjun-  
ctio sive consociatio: ad quam Bernhar-  
dus annotat, tria longè diversissima hîc  
fuisse conjuncta, videl. virginem & ma-  
trem, Deum & hominem, animam & fi-  
dem. Qua de re poëta:

*Mater virgo, Deus caro, Mens humana fi-  
desq;*

*Hæc ignota ipsis mystica cælicolis.*

Pertinet huc oraculum:

*Virginitas, partus, discordes tempore longo,  
Virginis in gremio fœdera pacis habent.*

Prudentius eleganter ait, virginem gra-  
vidam factam

— *sub lege uteri, sine lege mariti.*

Sedulius etiam ait, quod Maria facta  
fuerit mater,

— *Fætu clausa ingrediens, & clausa re-  
linquens.*

Putabant nempe veteres, Mariam ute-  
ro clauso peperisse: quod existimarent  
hoc pertinere ad formale rationem vir-  
ginitatis. Quod non ita est. Nam virum  
non cognoscere est illa formalis ratio, ut  
loquuntur. Hinc Græci Patres Mariam  
eleganter vocant *ἄχραντον ἀειπαρθένον*,  
*intaminatam semper-virginem*. Et rectè Pru-  
dentius:

*Fit caro vivida Sermo Patris,  
Numine quem rutilante gravis,  
Non thalamo, neque iure thori,  
Nec genialibus illecebris  
Intemerata puella parit.*

Ἀγέννητος. Eunomius, scum de natura  
Filii malè sentiret, ut venenum suæ hæ-  
refeos incautis propinaret, vocem *ἀγέν-  
νητος*, *ingenitus*, de Patre usurpare cœpit. Fa-  
teretur Basiliius contra Eunomium, pium  
esse vocis illius sensum: Et addit tamen:  
*ἀλλ' ὡς ἰδαμεν τῆς γραφῆς κειμένην, καὶ  
πρῶτον σοιχεῖον εἶπεν τῆς βλασφημίας αὐ-  
τῶν, σιωπᾷ δὲ ἂν δικαίως ἀξίαν εἶναι φήσαι-  
μι*: Sed ut quæ nunquam in Scripturis extet, sit-  
que istorum blasphemia primum elementum,  
iure dixerim dignam esse vocem qua taceatur.  
Verum enim verò hæc vox *ἀγέννητος* re-  
ctè usurpatur de Patre, quatenus signifi-  
cat notionem seu characteristicam pri-  
mæ personæ. Alioqui Filius & Spiritus  
sanctus æquè sunt *ἀγέννητοι* atque Pater,  
quatenus originem essentia, seu Deitatis  
suæ, nullam habent. Nimirum Pater est  
prima Trinitatis adorandæ persona, à se,  
non



non ab alio, tum ratione essentiae, tum ratione personae existens. Filius est secunda persona, ratione personae quidem à Patre existens, sed ratione essentiae à seipso. Spiritus sanctus est tertia persona, à Patre & Filio *omniū dīos* ratione personae suae procedens, ratione verò essentiae, Deus à se cum Patre & Filio.

**AGNUS.** Christus appellatur agnus partim ob innocentiam & puritatem, partim ob victimam, quam pro nobis obtulit. Hic est agnus ille

— quem dulcis amor, quem

*Suasit amor dulcis pro nobis fundere vitam:*

Ut canit Scaliger: & ut Capitiuſ,

*Hic est, hic generis delet qui crimina nostri*

*Innocuus, verusq; Agnus —*

*Qui reuehit mundo, primo concessa parenti*  
*Munera, & humanum genus omne in pri-*  
*stina reddit.*

Vulgo *Agnus Dei* appellatur cereus ille agnus, quem consecrat ecclesia Romana. Hujus mentionem primi faciunt *Alcuinus de sabbato S. Pascha*, & *Amalarinus de eccles. officiis* l. i. c. 7. Unde colligere est prioribus & purioribus seculis hanc superstitionem fuisse ignotam in Ecclesia.

**AGENDA.** Agenda, æ; & Agenda, orum; est descriptio quædam ordinis servandi in sacris celebrandis. Græci vocant *λειτουργίαν* & *αἰνολογίαν*. Latini *Ordinem Agendi*, & *Officiū*. In Ritualibus Hebræorum partim ejusdem, partim affinis significationis sunt *חורין* q. d. *forma agendi*: *חורין* ordo: *חורין*, ut si dicas, *Circulum in se redeuntem*. Vide infra **LITURGIA**.

**AGUR.** Occurrit hoc nomen semel duntaxat *Proverb.* 30. v. 7. Putant autem quidam, tempore Salomonis fuisse virum quendam integræ vitæ & magnæ

sapientiæ, nomine Agur: cujus dicta & sententias Salomon trāstulerit in librum suum: & hujus viri socios, vel discipulos fuisse *Ithiel* & *Uchal*, ad quos locutus sit Agur. Alii verò putant, Agur hunc fuisse Salomonem. Sonat enim *אגור* cōgregationem. Salomon autem congregavit verba sapientiæ; & evomuit, sive depromsit ea: id quod *אגור* significat. Itaque Salomon hoc modo fuerit *אגור* *אגור* Agur filius depromentis, seu evomentis. Verum simplicius est, si dicamus, istum Agur, filium Jake, fuisse virum à Salomone diversum, qui fuerit homo *Ithieli* & *Uchali* charus, id est, Deo dilectus. Vide tit. *Ithiel* & *Uchal*.

**AER.** Mysticè significat genitalem vigorem, quem ecclesia percipit ex verbi Dei libera prædicatione. *Apo.* 9. v. 2. c. 16. v. 17. Ratio allegoriæ est: quia aër est quoddam veluti balsamum, quo sustentatur vita nostra. Est enim in aère spiritus quidam vivificus. Unde humiditas oleosa à medicis & physicis plurimum commendatur. Dicitur autem in apocalypsi aër obscuratus & infectus, i. e. ecclesiæ vigor debilitatus per fumum traditionum.

**ÆTERNITAS.** Alia est à priori, alia posteriori. Illa est solius Dei, & eleganter definitur à Boëtio, *interminabilis vita tota simul & perfecta possessio*. lib. de consol. philosoph. Nimirum æternitas Dei non tantum in eo est posita, quod carer principio & fine, sed in eo potissimum, quod vita ejus non fluit, sed stat: nec in ea ulla est successio partium (sic enim vitæ suæ aliquam portionem jugiter amitteret) sed totam suam vitam & perfectionem simul eodemq; momento possidet. Atque ut homini sedenti ad ripam fluminis,

nis, sola aqua præsens est, quæ ei hoc temporis puncto obversatur, at non ea pars fluminis quæ nondum accessit, nec ea quæ dudum recessit: eidem verò homini totum flumen præsens esset, si supra summam æris regionem evectus, uno aspectu fontem & ostium fluminis posset aspicere: ita oculo Dei, qui est supra tempus, simul eodemque momento obversatur totus rerum labentium fluxus, nec ei quidquā affluit, ut nec quidquam effluit, quia omnia sunt ei præsentia.

AGAPE, & plurali numero AGAPÆ. Fuit convivium Christianorum in primitiva ecclesia: de quo ita *Casaubonus exercit. 16. num. 31.* Præter cœnam mysticam fuit Christianis in usu aliud convivium, quod Tertullianus etiam *Cœnam* appellat, fusè describens *Apologetic. c. 29.* Vulgo *Agape* dicebatur. Et paulò post: Hæc cœna à mysteriis toto genere diversa fuit: & postea templis est ejecta, ac tandem penitus sublata. Sicille. Nimirum *Agape* erat convivium clericis vel pauperibus exhibitum charitatis ergò: sed tandem propter abusum fuit sublatum, & prohibitum canone 28. Concilii Laodicensi.

ALBI. In Arabico tractatu de vitis quatuor evangelistarum, quem vulgavit Kirstenius, Apostoli dicuntur *Albi*: sive quòd albis uterentur vestibus, sive propter doctrinæ candorem, sive propter vitæ puritatem, sive denique quòd Christus *Luc. 22. v. 31.* apostolos comparaverit tritico, ex quo paratur panis albiissimus. Porro Dominica prima post Pascha vocatur *Dominica in Albis*; quia baptizati die Paschæ incedebant vestibus albis, quas deponebant exacta hac Dominica: quæ alio nomine appellatur Do-

minica *Quasi modò geniti*, ex 1. Petr. 2. v. 2. nimirum à textu Introitus, *Quasi modò geniti infantes.*

Ἀκρατον. Est vinum merum, non mistum, nou dilutum aqua. Huiusmodi vinum in Eucharistia non esse adhibendum, contendunt Patres. Existimant enim Christum discipulis suis vinum aqua mistum propinasse, habita ratione orientalis & calidissimæ regionis. Quidam etiam, non habita ratione discriminationis regionum & differentiæ vinorum, necessariam esse vini & aquæ mitione contendunt, & mitione illa docent significatam Christi & ecclesiæ adunationem & copulationem: quam significationem pluribus persequitur *Cyprianus epistola ad Cæciliū de sacramento Domini calicis.* Verum enimverò diligenter considerandum est, Christi in instituendo Eucharistiæ sacramento cōsiliū, nempe ut spiritualis alimonie, id est, sui ipsius *νοινωvίαν*, sub communis cibi & potus symbolis repræsenteret. Ideo sicubi cōmunis portio est ἄκρατον, adhibeat in Eucharistia. Quod attinet ad argumentum à circumstantia regionis Judaicæ petiitum, illud non est necessarium. Quid si enim Christus ἄκρατον bibit, & discipulis porrexit? Itaque hæc res annumeretur adiaphoris.

ALIENUS. Ambiguè sumitur hæc vox. Nam 1. alienus est, qui planè ad nos non pertinet. 2. alienus est, qui extra nos quidem est, veruntamen ita, ut ad nos pertineat certo respectu. Posteriori sensu dicimur justificari corā Deo, non propria, sed aliena iustitia, nempe iustitia Christi, qua nostra fit per applicationem geminam; unam ex parte Dei, alteram ex parte fidei. Rectè itaque *Bernhardus epist. 190. ad Innocentium Papam*: Quid enim ex se

D

agere

agere poterat, ut semel amissam justitiam recuperaret, homo servus peccati, vin-  
ctus diaboli? Assignata est ei proinde  
aliena, qui caruit sua. *Augustinus* *tomo 8. in*  
*psalmum 30.* Quia non invenisti in me ju-  
stitiam meam, erue me in tua, hoc est, il-  
lud me eruat, quod me justificat. Et su-  
per *psalm. 70.* In justitia tua erue me. Non  
in mea, sed in tua. Si enim in mea, ero ex  
illis, de quibus ille ait: Ignorantes Dei ju-  
stitiam, & suam volentes constituere, ju-  
stitiæ Dei non sunt subjecti. *Anselmus su-*  
*per Rom. 5.* Per unius justitiam venientem  
in omnes homines electos, itum est in  
justificationem, ut participatione justi-  
tiæ Christiificentur. *Gregorius Nyssen-*  
*ius orat. 2. super Cantic.* Christus in se trans-  
latis peccatorum meorum sordibus, pu-  
ritatem suam mecum communicavit,  
meque pulchritudinis ejus, quæ in ipso  
est, participem fecit: postquam ex deor-  
mi primùm me amabilem fecit, ita dein-  
de amore complexus est. *Augustinus enchi-*  
*ridio ad Laurent. cap. 41.* Ipse ergo pecca-  
tum, ut nos justitia: nec nostra, sed Dei:  
nec in nobis, sed in ipso: sicut ipse pecca-  
tum non suum, sed nostrum: nec in se,  
sed in nobis. *Idem* *tomo 10. serm. 61. de ver-*  
*bis Domini sub finem:* Ut nos simus justitia  
Dei in ipso. Si enim non in ipso: nullo  
modo justitia. Si autem in ipso, totus no-  
biscum vadit ad Patrem: *Idem* *serm. 6. de*  
*verbis apostoli:* Ipsum Christum, qui non  
noverat peccatum, Deus Pater pro no-  
bis peccatum fecit, ut nos simus justitia  
Dei in ipso. Videte duo: Justitia Dei, non  
nostra: in ipso, non in nobis. *Idem* *tom. 9.*  
*tractatu 3. in Iohan.* Omnes qui ex Adam  
cum peccato, peccatores: omnes qui per  
Christum justificati, justii, non in se, sed in  
illo: nam in se si interrogas, Adam sunt:

in illo si interrogas, Christi sunt. *Bern-*  
*hardus sermone 61. super Cantica.* Domine  
memorabor justitiæ tuæ solius. Ipsa est  
enim & mea. Nempe factus es mihi ju-  
stitia à Deo. Numquid mihi verendum,  
ne non una ambobus sufficiat? Non est  
pallium breve, quod secundum prophe-  
tam non possit operire duos. Justitia tua  
justitia in æternum. Quid longius æter-  
nitate? Et te pariter & me operiet largi-  
ter larga & æterna justitia. Et in me qui-  
dem operit multitudinem peccatorum,  
in te autem, Domine, quid nisi pietatis  
thesauros, divitias honoris?

ALIUS & ALIUD. Hæc duo ita differ-  
runt, ut illud personam, hoc naturam  
significet. Hinc dicimus in Deo non esse  
*ἄλλο καὶ ἄλλο*, aliud & aliud, sed *ἄλλοι*  
*καὶ ἄλλοι*, alium & alium. Nam personali-  
ter alius est Pater, alius Filius, alius Spiri-  
tus sanctus. At essentialiter non est aliud  
Pater, aliud Filius, aliud Spiritus sanctus.  
Nam esse Patris est esse Filii & Spiritus  
sancti. Sed esse Patrem non est esse Fi-  
lium, & Spiritum sanctum. In Christo  
res aliter se habet. Nam ibi est *ἄλλο καὶ*  
*ἄλλο*, aliud & aliud, id est alia atque alia  
natura: sed non *ἄλλος καὶ ἄλλος*, alius &  
*ἄλλος*, id est alia atque alia persona. Hinc  
multa prædicantur de CHRISTO κατ'  
*ἄλλο*, id est, de persona Christi aliquid  
dicitur, quatenus illa denominatur ab  
altera natura. e. g. Dominum gloriæ  
crucifixerunt κατ' *ἄλλο*. Viderit, seq.

ALTERNATIO. Græcè *ἀλλοίωσις*,  
& *ἀντιδοσις*. Est ipsissima communica-  
tio idiomatum. *Damasceus 3. de orth. fide:*  
*c. 4.* sic definit: Et iste modus est alter-  
nationis, alternatæque attributionis u-  
triusque naturæ, alterutri propria vicis-  
sim reddentis propter hypostaseos iden-  
titatem,



ritatem, & ipsarum in invicem immu-  
nientiam ac infessionem. Secundum hoc  
possumus dicere de Christo, Hic Deus  
noster in terra visus est, & hominib. con-  
versatus est: & homo iste increatus est,  
impassibilis, & incircumscriptus.

AMEN. Idem est in precatione quod:  
Ita fiat: Etiam atque etiam: *πεπεσμένον*  
*ἔσω*: Est formula partim optantis, partim  
asseverantis. Occurrit hæc vox in V. &  
N. T. Et in veteri quidem testamento  
*Deut. 27. v. ult.* Et dicit omnis populus Amen,  
id est, Sit verum, sit ratum *Esa. 65 v. 16.*  
Qui juraverit, jurabit *יֵאָמֵן ה' אֱלֹהֵינוּ* h. e. in  
Deo veritatis, vel, ut alii malunt, jurabit  
Amē in Deo. In psalmis libri distinguun-  
tur hac voce. Ubi enim scribitur in He-  
breo in fine versuum *יֵאָמֵן יֵאָמֵן*, ibi novus  
incipit liber: ut *Psal. 41.* & ita in reliquis.  
In N. T. Christus aliquoties asseverando  
dicit, *Ἀμὴν ἀμὴν λέγω ὑμῖν*. Quæ for-  
mula non rectè dicitur esse jurantis: cum  
sit vehementer & serio asseverantis. In  
formula precationis, quam Christus do-  
cuit, vocula Amen est signaculum ora-  
tionis, ut loquuntur. Receptum quoque  
fuit in primitiva ecclesiā, ut populus post  
recitatas preces responderet Amen. Hoc  
autem nemo rectè dixerit, qui preces  
non intelligit. Talis quoque mos fuit  
apud Judæos, ut constat ex *Massecheth*  
*Succa*: ubi, inter alia, hæc leguntur: *Sug-*  
*gestus ligneus in medio erat, & lector synago-*  
*ga in eo stabat, ut legem recitaret. Et synagoga*  
*presectus Sudarium circumagebat, & ipsi re-*  
*spondebant Amen.* Hic mos videtur sum-  
tus ex *Deut. 27.* quem locum paulò ante  
allegavimus. Hic non ab re fuerit ob-  
servare, quod Talmadici, suorum homi-  
num somnolentiam carpentes, dicunt,  
triplex esse Amen, nimirum *הַיְיָ* pupil-

lum, *הַיְיָ* surreptitium, & *הַיְיָ* sectile  
Quodnam est Amen pupillum? Respon-  
det Rabbi Henna: Est cum quis preca-  
tione teneretur, nec intelligit, quod re-  
spondet. Surreptitium, cum surripit &  
dicit Amen, antequam absolvat pre-  
catio. Sectile, cum secatur in duas partes,  
nempe oscitanter audiens, & alias res  
agens.

AMOR. Hoc nomine Christus infig-  
nitus. Ita enim Ignatius: Amor meus  
crucifixus est. Quod fertur semper in ore  
habuisse. Sic Augustinus: Ama, inquit, amo-  
rem illum, qui amore amoris tui descen-  
dit in uterum virginis, & ibi amorem  
suum amoris tuo copulavit, humiliando  
se, sublimando te, conjungendo lumen  
sue æternitatis limo tue mortalitatis  
Eodem sensu appellatur ardor, in hymno:  
*Iam quod quasi vi video: ubi cis finem ita ca-*  
*nitur:*

*Iesus flos matris virginis,  
Ardor nostra dulcedinis.*

Cæterum amor Dei dicitur activè &  
passivè. Activè amor Dei est, quo ille nos  
complectitur. Estque antecedens, vel  
consequens. Amor Dei antecedens est, qui  
antecedit omnes causas, ut *Iohan. 3. 16.*  
Sic Deus dilexit mundum, ut Filium  
suum unigenitum daret. Hic amor est  
veluti *ἡ ἀγάπη*, de qua poëta

*Δεσμῶ γὰρ συνέδησε θεὸς τοκέας τε γο-*  
*νέας τε.*

Hæc storge est causa beneficiorum quæ  
Deus in nos confert, tanquam pater in fi-  
lios. Amor Dei consequens est quo Deus  
nos amat, propter bonum datum: ut propter  
fidem & sanctimoniam. Hic amor est inter  
similes: prior est inter dissimillimos, ut in-  
ter Deum & nos in malis jacētes. Amor Dei  
passivè est, quo nos ipsum complectimur tā-

quam Patrem. Estq; generalis, vel specialis. Ille nititur jure creationis & sustentationis: hic jure redemptionis. *Caritas Dei, cognitio Dei, & alia hujus generis, similiter accipiuntur activè vel passivè.*

**ANAGOGÈ.** Est modus applicandi verba Scripturæ, quo illa referuntur ad significandum vitam æternam: ut cum Hierosolyma dicitur significare cœlestem patriam. Vulgo appellatur *sensus anagogicus*: qui dicitur esse unus ex quatuor sensibus Scripturæ, qui hoc modo recensentur: *Sensus literalis, allegoricus, tropologicus, & anagogicus.* Sed tenendum est, unicum duntaxat esse sensum scripturæ, putà literalem: reliquos, qui dicuntur sensus, esse aliam atque aliam literæ accommodationem seu applicationem.

**Ἀναλῦσαι.** Duorum sanctissimorum virorum, Simeonis & Pauli unū votum est, sed dispari de causà. Mori uterq; cupit: alter, quia Christum viderat: alter, quia Christum videre desiderat. Verbis etiam penè iisdem utuntur. Simeon: *Νῦν ἀπολύεις τὸν δούλόν σου, Nunc dimittis servum tuum* Luc. 2. h. e. Nunc sine me mori. Nam ita accipitur verbum *ἀπολύει* Gen. 15. & Num. 20. Nō alia mens Apostolo Phil. 2. v. 23. nisi quod significantiore verbo utitur, videl. *ἀναλῦσαι*: quod nec dissolutionem, ut vertit vulgatus, nec dimissionē, ut reddit Beza, sed migrationem, reversionem, & reditum significat. Neque n. apostolus dixit *ἀναλῦει*, passivè, sed *ἀναλῦσαι*, forma activa; q; hoc loco est *ἀπελθεῖν, ἀπείναι*, migrare, scil. ad Dominū, sive in patriam: ita ut non sit sermo de dissolutione animæ & corporis (quæ horrorem incutit carni) sed de abitu ad Christum, qui non potest nō exhilarare quoties illum cogitamus. Quod autem *ἀνα-*

*λύνειν* sit redire domum, constat ex Luc. 12. v. 36. 2. Maccab. 9. v. 1. Sap. 2. v. 1. Sic quoq; apud Patres usurpatur vox *ἀναλύνειν*. Dionysius hierarchia eccles. 6. 3. *ἀναλύσας δὲ πᾶλιν ὅτι τὸ θεῖον θυσιαστήριον, Reversus verò iterum ad divinum altare.* Nyssen orat. in Basilium fratrem: *περὶ μωτέρε εἰ πεπλανομένη βίη ἢ πρὸς δεσποτὴν ἀνάλυσιν, Potior profectò perfectiorq; erra: in hac vita reversio ad Dominum.* Nazianzenus oratione ad eos qui ex Ægypto venerant, de Petro Athanasii jam mortui successore loquens, inquit: *ὁ δὲ πρὸς τὴν αὐτὴν κατέλυσιν ἢ ἀνάλυσιν ὅτι τοῖς αὐτοῖς ἄθλοις ἐπείγεται, Hic verò ad eandem dissolutionem vel reversionem ob eadem premia festinat: ubi κατέλυσιν, mortem; ἀνάλυσιν, reversionem ad superna loca intellexit.* Hieronymus 2. apologia adversus Rufinum utitur verbo reverti. Tertullianus lib. de patientia hunc locum Apostoli eleganter ita interpretatur: Cupio recipi jam & esse cum Christo. Rursus Nyssen ait *ὅταν γὰρ ἀναλύσῃ, τότε σὺ χρεῖσθαι γίνεσαι Vbi autē migraveris, cum Christo es.* Huc proculdubio respexit Christianus I. Elector Saxoniz, qui moribundus an. 1591. 25. Sept. subinde ingeminavit hæc verba, *Ich begehre außgespannet zu seyn.*

**ΑΝΑΘΕΜΑ.** Ἀνάθεμα, seu ἀνάθημα, est vox generalis, significans tum id q; servatur ac consecratur, tum id quod è medio tollitur & perditur. Est itaque synecdoche, quando significat rem perditā in specie, vel rem sanctificatam & Deo consecratam. Sic Luc. 21. v. 5. templum dicitur ornatum bonis lapidibus, & ἀνάθημασιν, h. e. donariis Deo dicatis, & in templi certa parte sepositis. Hinc Iustin, q. 121. ait: Ἀνάθεμα id dicitur, q; Deo est dedicatum atq; destinatū (*ἀνακείμενον ἢ ἀφωρισμένον*) & in communem usum amplius non conver-

convertitur: aut id, quod à Deo per malitiam est abalienatū, τὸ ἀπηλλοτριωμένον τοῦ Θεοῦ διὰ κακίας. Κατὰ θεμα verò est eorum, qui se pacto conjungunt anathematizantibus & execrantibus. Ceterum ἀναπθέναι non tantum dicitur de rebus, sed etiam de personis: ut apud Iustin apol. 2. pro Christianis, ἀνεθήκαμεν ἑαυτοὺς τῷ Θεῷ καὶ νοποινθέντες διὰ τοῦ Χριστοῦ, *Dicavimus nos Deo, per Christum renovati.* Ita quæst. 21. & 52. homines ἀνακέμενοι Θεῷ, qui se Deo dicant. Tertullianus ἀνάθεμα vertit *devotamentum*, quod scil. devotatum est, hoc est, planè devotum, seu voto subtractum de communi usu. Quidam distinguunt inter ἀνάθημα, & ἀνάθεμα. Illud vocant donarium, hoc rem aeterno exitio destinatam. Illius exemplum est Luc. 21. vers. 5. de quo paulò antè, hujus Rom. 9. v. 3. ubi Apostolus optat anathema esse à Christo, pro fratribus suis, hoc est, deleri ex Christianorum numero, modò sic possent Iudæi ad fidem in Christum adduci & servari.

ANGELI BONI. Hos Alcimus ita scribit

— Cætus famulantiæ suæ

Ferre ministeria, & iussu parere supernis.

Appellatur etiam πνέματα λειτουργικά, ἀκίνητα τῇ Θεοῦ χάριτι, πρὸς τὸ καλὸν, *Spiritus ministratorij, immobiles, Dei gratiæ, ad malum.* Hi, ut canit Alcimus,

— Iustus fragilis dum vita fatigat,

Tutantur, mundiꝝ inter discrimina servant.

Hos Dionysius discrevit in trinos ornatu, ut loquitur Damascenus libro secundo, de orth. fid. capite tertio. Primum quidem dicit illum esse, qui circa Deum semper & è vicino & immediatè uniri traditus est: estque Seraphim sexti pennato-

rum, & Cherubim multioculorum, & sanctorum thronorum. Secundum autem, qui dominationum, & virtutum, & potestatum est. Tertium verò, & in fine constitutum, eum qui est principatum, archangelorum, & angelorum. Hæc Damascenus. Sed tenendum est, ante 400. à Christo annos, neminem veterum docuisse, novem distinctos esse angelorum ordines seu hierarchias. Itaque Dionysium, qui hos ordines tradidit, non est ille Areopagita, cujus Acta meminerunt. Quidam è veteribus aliquando hanc distinctionem evertunt. Theodoret. in Colos. 1. Existimo eum thronos dicere Cherubim (divinum enim thronum super eos vidit positum Propheta Ezechiel) dominationes autem, principatus, & potestates, eos, quibus credita fuerat cura gentium. Augustinus enchir. c. 58. ait, omnes generali nomine angelos dici: & utrum archangelis nominentur virtutes, & quid inter se distent quatuor ista vocabula (sedes, dominationes, principatus, & potestates.) dicant qui possunt; si tamen possunt probare quod dicunt: ego me ista ignorare confiteor.

ANGELUS. Hæc vox tria significat in Scripturis. 1. Spiritus creatos, corporis societate non gaudentes: eosque vel in genere, Rom. 8. 38. vel in specie bonos, Hebr. 1. vers. 4. 5. 6. 7. 13. aut malos, Matth. 25. 41. 2. Filium Dei Zach. 1. 2. 3. 4. 5. & 6. 3. Fidos Dei servos: ut Johannem Baptistam, Malach. 3. v. 1. Matth. 11. v. 10. & pastores ecclesiarum, Apoc. 1. & 2. Quod attinet ad bonos angelos, de officio illorum tenendum, quòd illud, Theodoro teste, consistat partim ἐν τῷ ὑμνεῖν, cujus illustria exempla sunt passim in Apocalypsi, & Esa. 6. unde à Phosphoro illo Theologorum, Nazianzeno lib. 2. de Theol. appellantur



lantur ὁμινοὶ θείας μεγαλειότητος, θεο-  
ροὶ δόξης αἰδίου, καὶ αἰδίου: partim ἐν τῷ  
Ἀγγελνεῖν, de quo Hebr. 1. Nostrum est  
imitari hoc officium angelorum, & sem-  
per oculis & animis nostris circumferre  
illud Bernhardi in explicatione Psalmi, Qui  
habitat &c. *serm.* 12. In omni loco, in om-  
ni angulo, reverentiam habe tuo ange-  
lo, neque illo præsente facias, quod me  
præsente erubesceres. Et hoc Basilii in  
Psalm. 33. Παντὶ πεπιστυκόπῃ εἰς τὸν Κύριον  
ἄγγελος παρεσθῆναι, εἰὼν μήποτε αὐτὸν ἡ-  
μεῖς ἐκ τῶν πονηρῶν ἔργων σκοπώμεθα.  
Ὡς γὰρ τὰς μελίσσας καπνὸς φυλάσσει, καὶ  
τὰς περὶ τὴν θύραν δισυδιά ἐξελαύνει· οὕτω καὶ  
τὸν φύλακα τῆς ζωῆς ἡμῶν ἄγγελον ἢ πο-  
λύδακρυς καὶ δυσώδης ἀφίστησιν αἰμαρτία,  
Omni credenti in Dominum angelus as-  
sit, nisi forte illum nos malis nostris operibus abigamus.  
Sicut enim apes fumus fugat, & columbas fœtor  
abigit, sic custodem vite nostra angelum, multis  
lachrymis deflendum & fœdum abigit pecca-  
tum.

ANGELUS FACIERUM DEI. Hoc titu-  
lo Esaias cap. 63. 9. Messiam intelligit: qui  
appellatur Angelus facierum eo sensu, quo  
Hebr. 1. 3. dicitur ἀπαύγασμα τῆς δόξης καὶ  
χαρὰς τῆς ὑποστάσεως αὐτοῦ, id est, re-  
splendentia gloria, & character personæ illius: si-  
ve, ut idem Apostolus Coloss. 1. 15. loqui-  
tur, Imago Dei invisibilis. Cæterum Esaias  
non dicit ἄγγελος ἄγγελος Angelus facierum:  
sed ἄγγελος ἄγγελος Angelus facierum eius, perin-  
de ut Paulus, χαρὰς τῆς ὑποστάσεως  
αὐτοῦ. Eius, id est, personæ Patris. Sed vi-  
deamus verba Esaiæ: In quacunque angustia  
eorum ipse non afflixit eos, sed angelus facierum  
eius salvavit eos: quasi dicat, Angelus ille, in  
quo æterni Patris facies perfectè relucet,  
& qui coram facie Dei pro nobis inter-

cedit, suum salutare officium semper &  
ubique interposuit, per quod servati  
sunt. Et ideo dicit *vers.* 10. Tulit & portavit  
eos omnibus diebus æternitatis: ut ostendat  
hoc officium ei proprium & æternum es-  
se, ut sit perpetuus Dei Patris commissa-  
rius, & legatus natus cum plena & hære-  
ditaria potentia, adeoque non vulgaris  
angelus, sed angelorum ministrantium  
Dominus.

Vide plura ad seq. titulum.

ANGELUS FŒDERIS. Hic est titulus  
Messiæ apud Malachiam cap. 3. 1. & do-  
cet, fœdus illud à conditu mundi cum  
Patriarchis super nulla realia, quàm su-  
per Christo eiusque officio percussum  
fuisse; cuius nempe officii vis & ratio,  
per addita sacrificiorum signa præfigura-  
ta, & credentibus obsignata fuit: qui et-  
iam nulla re alia, teste epistola ad He-  
bræos cap. 11. 4. Sacrificia sua Deo pro-  
barunt, quàm fide in Christum, tan-  
quam fœderis, cuius fiducia niteban-  
tur, faciem, arbitrum, vadem, inter-  
cessorem, & defensorem. Quæ omnia  
continentur appellatione *Angeli fœderis*:  
quem propterea Rabbini nonnulli ex  
vetustissima Cabbala מַלְאָךְ הַבְּרִית, q. d.  
virum intermedium, sive mediatorem.  
Vide librum Cabbalisticum, qui inscri-  
bitur מַלְאָךְ הַבְּרִית Fons Iacobi. Porò hoc  
Messiæ attributum opponitur nomini  
Satanas, quem aliquis rectè מַלְאָךְ הַבְּרִית  
ἄγγελος, angelum adversarium, vel ex Dan.  
11. 22. מַלְאָךְ הַבְּרִית adversarium fœderis, di-  
cere possit. Diabolus enim, quantum in  
ipso est, fœdus illud irritum fecit, cu-  
ius fundamentum & protector est Iesus  
Xps. Atq; ita ἐν τῷ μόνῃ hoc Apoc. 12. 10. expli-  
cat: Quia deiectus est accusator fratrum nostrorum,  
qui

q̄ accusabat eos ante cōspectū Dei nostri, die ac nocte. Huc p̄tinet, q̄ Judei etiam nū, quando sacramentum circūcisionis, quod מילה ברייתא vocant, solenniū administrant, tres sellas in forma triquetra disponunt: quarū uni insidet is, qui puerum circumcidēdum tenet: alterā circumcisor occupat: tertia vacua relinquitur, quam dicunt positam esse angelo fœderis, utpote p̄sidi & p̄tectori sacramenti circūcisionis: quem angelum opponunt Sammaeli, id est, angelo mortis. Porro nullus angelus, qui est mera creatura, potest appellari angelus fœderis: quia, ut rectē annotat Vatablus, legatus fœderis dicitur ille, qui suo sanguine novum fœdus confirmaturus erat. Unde liquet, angelum fœderis debuisse esse Θεάνθρωπον, hoc est, Deum & hominem. Et Deum quidem, ut posset fœdus æternum confirmare: hominem verò, ut posset suo sanguine confirmare. Idem iudicium est de titulo proximè præcedente. Nam angelus faciei Dei est, qui partim est imago Dei, tum in se, ratione æternæ generationis, tum nobis, ut in ipso videamus Patrem, Iohan. 14. v. 9. Partim ut sacerdos æternus appareat coram facie Patris, ibique pro nobis intercedit, atque adeo est in sinu Patris, Iob. 1. v. 18.

ANNAPROPHETISSA. Luca 2. vers. 37. laudatur ista Anna, quod non discesserit de templo, jejuniis ac deprecationibus serviens die & nocte. Hinc Baronius conatur elicere, Annam inhabitasse templum, & fuisse monialem. Sed errat. Est enim locutio petita è vulgo: qua denotatur assidue frequenter loca sacra. Simile est illud Pauli 1. Timoth. 5. vers. 5. precibus immorari diebus ac noctibus. De-

inde quod attinet ad testimonium Cyrilli Hierosolymitani, quem Baronius dicit Annam vocare monialem: iterum errat. Nam Cyrillus dicit Annam fuisse ἀσκη-  
τησαν, id est, exercitatricem. Quam vocem interpretes Cyrilli vertit monialem. Quam rectē, patet ex iis quæ infra adnotavimus de voce ASCESIS. Uno verbo: Est ineptissimè sic versum: quia ἀσκήν in genere notat severius exercitium religionis Christianæ, aut etiam virtutis cuiuslibet. Apud Philonem locis infinitis ὁ ἀσκητής, ὁ ἀσκητής δρετής, & ὁ φιλάρετος, exercitator, exercitator virtutis, & amans virtutis, pro eodem ponuntur. Eidem in libro allegoriarum, Isaschar dicitur asceta; & de Patriarchis loquens sæpe meminit ἀσκήσεως, & τῶν ἐν ἀσκήσει, exercitationis, & eorum qui versantur in exercitatione. Patres quoque nomen Ascetæ tribuunt Patriarchis: ut Clemens Alexandr. libro primo pedag. οὐτὸς ἦν ἄνδρων ὁ ἀλείφων κατὰ τοῦ πνήρου τὸν ἀσκητὴν ἰακώβ, Hic erat homo ille, qui ascetam Iacob contra malitiam ungebat. Et mox eadem verba repetit. Ambrosius libro primo, de Abele capite quarto, eundem Jacobum Patriarcham nominat virum cognomento exercitationis praditum. Et Chrysostomus homiliā in tres sanctas ait, Jacobum obiisse μυέους ἀθλους, μυέας σπάμματα, μυέας παλαίσματα, infinita certamina, infinitas vivendi rationes, infinitas luctas, & plurimas coronas è certaminibus retulisse: quæ omnes locutiones propriè ascetis veterum Græcorum conveniunt. Eodem spectat, quod Cyrillus Hierosolymitanus catechesi 3. scribit, JOHANNEM BAPTISTAM τῆς ἀσκήσεως τὸν τύπον ἐν αὐτῷ δεῖξαι, formu-



*formulam in se ostendisse exercitationis*, quam nempe sequerentur ascetæ sub lege gratiæ. Igitur si Anna debet haberi monialis, quia idem Cyrillus illam nominavit ascetiam; etiam Issaschar, Iacob, & alii exactioris disciplinæ pii sub lege fuerint monachi.

**ANTICHRISTUS.** Vox hæc significat non tantum adversarium Christi, sed etiam ipsius vicarium, q. d. Pro-Christus, & generalis ipsius in cælo, terra & inferno vicarius. Rursus Antichristus κατ' ἐξοχήν est magnus ille Christi tum adversarius, tum vicarius, cujus regnum Spiritus sanctus *Apoc. 16.* resolvit in tres partes principales, Draconem, Bestiam, & Meretricem. Intellige regnum Antichristi, quatenus illud jam ad perfectionem suam deductum est, Christo quæ & tripartito ejus officio directè adversatur, ita nimirum, ut illa omnia κατὰ φύσιν quadam æmuletur, & veluti repræsentare studeat. Nam habet *os draconis*, per quod regia ipsius potestas, quam sibi ex donatione Constantini M. arrogat, intelligitur. Os draconis Johanni est verus Romanum imperium seu Roma ethnica, à qua Pontifex Romanus hanc dominandi libidinem est mutuatus. Deinde *os bestia* significat potestatem sacerdotalem, à qua omnis negotiandi, sive Pontificandi, h. e. cōsecrandi, expiandi, & offerendi, facultas immediatè pendet. Deniq; *os pseudopropheta* indicat officium doctorale: per q. Pontifex Romanus tam excellens est Propheta, ut habeat omnia jura in scrinio pectoris sui. Atque hæc est plenitudo potestatis Pontificiæ, quam diadema ipsius tergeminum sine dubio significat. Porro ut Antichristus ipse est Cerberus triceps, putà œcumenicus rex, sacerdos & do-

ctor: ita triplex est ipsius cohors. Et primò quidem ritui draconis accensentur דִּמְרָצֵי. *Robusti illi*, qui res Pontificis procurant, id est, seculares, devoti sed Romanæ. Deinde ori bestiaæ adjudicantur ecclesiastici superioris ordinis, putà legati à latere, & prælati, qui utriusque gladii potestatem habent. Denique ad Pseudopropheta classem pertinent monachi, Iesuite, & reliqui ecclesiastici inferioris chori. Primi appellari possunt draconici; secundi, bestialitæ; tertii, Scribæ Pseudopropheta. Videamus jam hujus regni Antichristiani interitum. Draco, Bestia & Meretrix sunt veluti tres orbes, qui se invicem includunt, ut Papatus sub Bestia, Bestia sub Dracone comprehendatur. Hos ita destrui oportere docet Johannes *Apoc. 19.* ut Meretrix, quæ & Babylon, quæ ultimo loco emerferat, primò; Bestia, quæ hanc antecessit, secundò; Draco autem, tanquam istorum Patriarcha, ultimo loco evertatur: quo in inferni abyssum recluso, diaboli in terris imperio finis imponitur. Videamus, quid veteres senserint de Antichristo. Illi ferme conjecturas adferunt. Aliquando tamen in Romana ecclesia quærendū subindicant. *Chrysostomus homil. in 2. Thess. 2. homil. 4.* apertè asserit, Antichristum successorem Romano Imperatori, postquam Imperium è medio sublatum fuerit. *Hilarius ad Auxentium, Hieronymus ad Algasia* quest. 11. & *Oecumenius in 2. Thess. 2.* docent, Antichristum sedere non Hierosolymis, sed in ecclesia Dei. *Joachim Abbas Revel. lib. 10. part. 5.* Nonnulli, inquit, sub specie sedis Dei, id est, universalis ecclesiæ, facti sunt sedes bestiaæ, quæ est regnū Antichristi regnantis ubique in membris suis à principio ecclesiæ, i. e. in cleri-

cis & monachis, & monasteriis. *Rursus*: Traditum est à nobis, quòd Roma est in spiritu Babylon. *Iterum*: Negotiatores terræ sunt ipsi sacerdotes, qui vendunt orationes & missas pro denariis, facientes domum orationis, apothecam negotiationis. *Rursus*: Scimus quòd non solum nonnulli episcopi & sacerdotes implicantur negotiis Babylonis, ut divites fiant, verum etiam nonnulli abbates & monachi & religiosi: imò non qui sunt, sed qui esse videntur. *Otto Frising. Chron. lib. 7. cap. 3.* Habitudo quædam inter Babyloniam & Romam elucet. *Aventinus annal. l. 5. & 7.* author est, plerisque omnes tum principes, tum episcopos Germaniæ & Italiæ, Gregorium VII. & Johan. XXII. Antichristos dixisse & prædicasse.

*Ἀντίδωρον*. Propriè est remuneratio. Sed in prisca ecclesia hoc nomine dicebatur panis, qui locum obtinebat *δώρον*, id est, eucharistiæ. Hoc namque significat τὸ *δώρον*, donum, ut ostendimus infra ad titulū *δώρε*. Cæterum solebant partes panis consecrati in primitiva ecclesia mittere ad alias paræcias, aut ad peregrinos, *Ἐπιδημοῦντας*, declarādē dilectionis ergo & consensionis in fide. Hinc *Eusebius in quinta historia cap. 26.* *πέμπειν ἑχαρίσταν*, mittere eucharistiam, id dixit. Postea illa consuetudo fuit prohibita in concilio Laodicensi. Similiter etiam Latini *eulogias* dixerūt frustra panis benedicti quidē, sed non in usum eucharistiæ; qui & mitebatur ad absentes, ut sepe legit in epist. *August. & Paulini*; & sacris peractis à sacerdote, *dabatur iis qui communicare non fuerant parati*, ut est in Decreto, q̄ Pii I. nomine circūfertur. Dabatur eadē Eulogiæ & Catechumenis, qui jus sumendæ Eu-

charistiæ non habebant. Itaque hoc illis erat loco sacramenti: atq; adeo sacramentū quoddam hoc illis erat: nam ita disertè appellat *Augustinus lib. 2. de peccatorum meritis & remiss. cap. 26.* laxiore videl. notione, quia precibus sanctificabatur. Ac propterea panem illum vocarunt *ἀντίδωρον*, quoniam locum obtinebat *δώρον*, id est, eucharistiæ. Extremè Basili liturgiæ subiecta sunt hæc verba: *μετὰ τὴν ἁγίαν ἑξέρεται ὁ ἱερεὺς καὶ δίδωσι τὸ ἀντίδωρον*, Post ultimam liturgia precationem exit sacerdos, & dat panem benedictum. Dixerunt eundem panem & *κλάσεν* aut *κατάκλασεν*, fractum: ut *μεταδοῦναι κατὰ κλάσιν*, dare partem panis benedicti.

ANTIQUUM. Hæc vox significat primævam, vel præsumtam antiquitatem. De primæva antiquitate accipe illud apud Danielem: *Antiquus dierum. cap. 7. v. 9. 13. 22.* & illud *Apoc. 12. vers. 9.* *Serpens antiquus*: item quæ dicuntur *Deut. 4. v. 32. Ier. 5. v. 15. Act. 15. v. 7.* De præsumta antiquitate loquitur Christus *Matth. 5. 21. 22.* *Audistis, quòd dictum fuerit Antiquis, Non occides: Quisquis verò occiderit, eum iudicij reum fore. Ego verò dico vobis, &c.* Hæc verba Christi non de tempore & actu promulgatæ legis intelligi possunt. Textus enim non dicit: *Legistis antiquis dictum esse* (qua tamen loquendi formula haud dubiè usus fuisset, si de lege Moysi scripta cogitasset) sed, *Audivistis*: mentione nimirum auditus ad legem Judæorum non-scriptam, id est, ad traditionem majorum & Scribarum glossas alludens: quasi dicat: Hactenus sic quidem in synagogis vestris edocti estis, quòd qui ab externo homicidio abstinerit, Dei præcepto plenè satisfecerit, quomodocunq; interim cor ira, odio,

invidia, & vindictæ cupiditate contra proximum ardeat. Ego verò vobis longè aliud dico. Deinde hoc idem ex illis verbis colligitur, *Quisquis verò occiderit, eum iudiciū reum fore*. Atqui hæc pœna in lege & in monte Horeb nusquam expressa fuit, nec ibidem ab antiquis illis audiri potuit. Tertio Christus in pœnarum assignatione iis terminis utitur, qui non ex Mosis stylo, sed ex recentibus Judaicarum traditionum legibus, ut illæ adhuc in Talmud extant, petiti sunt: quales sunt *Iudiciū, Sanhedrin, Ignis gehenna*. Huc denique facit, quod Christus eodem capite dicit; *Audistis dictum fuisse, diliges proximum tuum, & odio habebis inimicum tuum*. Atqui hoc posterius in lege Mosis nusquam extat, sed ad traditionariam Rabbiorum mensam pertinet. Illi enim notionem vocis *proximus* ad solos Judæorum tribules restringunt, & his deinceps contra incircumcisos gentiles nullum non licentiæ genus permittunt, ita quidem ut in his offendendis filium Israel vix peccare existiment. Ceterum de vera antiquitate vide infratitul. **PRINCIPALITAS.**

**ANTIPHONÆ.** Sunt cantica, à reciprocando sic dicta, quòd alternis cantantur. Ἀντίφωνον enim est contraria voce respondens, contrā sive reciproce sonans. Fuit autem primò hæc consuetudo apud paganos, ut populus aut initiatorum turba sacerdotibus responderet in mysteriis. Ad hoc exemplum in vetere ecclesia institutum fuit, ut duobus modis alternatim psallerent: quod in historia ecclesiastica dicitur ἀντίφωνα λέγειν, vel ὡδὸς ἀντιφώνους, ut apud *Socratem libro sexto, capite octavo*. De consuetudine paganorum scribit Aristophanis Græcus

interpres, in quibusdam sacris Bacchicis, daduchos aut alios ministros sacrorum solitos adstantium coronam ita compellare, Αἰνεῖτε θεόν, *Laudate Deum*: illos autem respondisse, Σεμάλῃ ἰῶκχε πλουτοδότῃ, ὁ *Semele fili Lacche, opum largitor*. Quod videtur esse principium hymni allicuius in honorem Bacchi. Affine est apud *Eusebium historia libro secundo, cap. 17. τῶν ὕμνων τὰ ἀκροτελῆτα συναρτῆσαι, hymnorum ultima verba repetere concinendo cum ministris sacrorum*: quæ verba sumta sunt è libro Philonis de Essenis. Exemplum huius modulationis apud veteres Christianos illustre erat in celebratione sacræ cœnæ: ubi sacerdoti canenti, Ἀνακαρτίαις, *Sursum corda*, respondebat cœtus fidelium, Ἐχομεν πρὸς κύριον, *Habemus ad Dominum*. Radulphus de canend. observant. prop. 8. ait: Ut chori in duas partes divisi ipsos psalmos alternatim decantent, jam tempore Constantini Imperatoris in Ecclesia Antiochena primi instituerunt Flavianus & Diodorus, viri probatæ vitæ & doctrinæ: quod inde ad terminos orbis usque pervenit. Et prop. 12. Ambrosius ritum antiphonarum in ecclesia canendarum primus à Græcis trātulit ad Latinos.

**ANTITYPUM.** Vide infratitul. **ARCA NOE.**

**AORISTUM TEMPUS.** Est technologia Grammaticum, quod sic appellatur à Græcis. Eius vis est, ut denotet celeritatem, rem paulò ante perfectam, & adhuc quasi pendentem: cum *tempus præteritum* usurpetur de actione aut passione multò antè perfecta. Placèt hac de re adscribere insignem locum ex *Casauboni exercitatione 2. sect. 10. Advenerunt, inquit, Magi*



Magi τοῦ Ἰησοῦ γεννηθέντος, *Christo nato*: hoc est, paulò antè nato. Ea namque vis est vocis Græcæ & locutionis. Uti si dicas, Ἰωάννου γενηθέντος ἦλθον οἱ ἰατροί, verba quidem nihil ampliùs sonant quam hoc, Johanne vulnerato venerunt medici: sed participii aoristi ea vis est, ut simul denotet celeritatem adventus, multò magis, quàm si dixeris περὶ αὐτοῦ. Istud igitur primùm observemus, dixisse Evangelistam γεννηθέντος, non γεγεννημένου: hoc de pe facta multò etiam actione rectè usurpatur: illud de paulò ante perfectum, & adhuc quasi pendente.

ΑΠΟΣΤΟΛΟΣ. Non uno modo in Scripturis & apud Patres hoc nomen reperitur usurpatum. In communi Græcorum usu ἀπόστολοι dicebantur certi homines, qui negotii gerendi causa, magis quàm deferendi nuntii, aliquò mittebantur. Sic accipitur Iohannis 13. vers. 16. Et Hebr. 3. vers. 1. Christus ipse dicitur ἀπόστολος καὶ ἀρχιερεὺς τῆς ὁμολογίας ἡμῶν, *Apostolus & Pontifex confessionis nostræ*: vel quia caput ipse est & princeps Apostolorum, unde omnis in illos vis divina atque auctoritas manavit: vel quia ipse quoque in hunc mundum à Patre ἀπεστάλη, missus est, Matt. 15. vers. 24. Sic & Epaphroditum vocat Paulus, scribens ad Philippenses, illorum ἀπόστολον, cap. 2. vers. 25. tanquam ad se missum ab illis, qui ipsi ministraret. At notione peculiari & propria, illi duodecim Christi discipuli sic dicti sunt, quibus ipse orbem terrarum, non solum prædicatione verbi erudiendum commisit, sed etiam auctoritatem amplissimam dedit, Ecclesiam suam fundandi, constituendi, verbo scriptisque docendi, & episcopos illi pastoresque alios imponendi, qui deinceps iure ordinario essent

eam recturi. Inter proprias Apostolorum notas sunt primò hæc duæ, quòd à Christo immediatè electi & missi sunt; ut essent testes resurrectionis ipsius & omnium quæ vidissent. Ad priorem notam respicit Paulus, cùm asserens sui Apostolatus dignitatem, initio epistolæ ad Galatas, factum se ait *Apostolum, non ab hominibus, neque per hominem, sed per Iesum Christum, & Deum Patrem*. Ad posteriorem notam pertinet, quod ait Dominus initio Actuum, ἔστε δὲ μοι μαρτυρεῖς, testes mihi eritis in totâ Iudaâ, Samariâ, & usque ad ultimos mundi fines. Confer Act. 1. vers. 21, 22. cap. 10. vers. 41. 42. cap. 22. vers. 11. 1. Corinth. 9. vers. 1. Tertiam notam Apostolatu propriam norant Evangelistæ, cùm dicunt, iussos fuisse illos ire per totum mūdum, & prædicare Evangelium πάση τῇ κτίσει, omnibus creaturis, Marc. 16. vers. 15. Propterea Chrysostomus eximia quadam homiliâ, tom. 8. pag. 110. editionis Savil. Ἀρχόντες, inquit, εἰσιν ὑπὸ Θεοῦ χειροτονηθέντες οἱ Ἀπόστολοι ἄρχοντες, οὐκ ἐθνικὰ πόλεις ἀεφόρους λαμβάνοντες, ἀλλὰ πάντες καὶ τὴν Οἰκουμένην ἐμπιστεύοντες: Principes sunt Apostoli à Deo constituti; principes, qui non gentes aliquas aut urbes diversas regendas acceperint, sed quorum fidei orbis terrarum in commune fuit concreditus. Quarta nota est potestas & dignitas longè maior & augustior, quàm ulli unquam alii functioni spirituali fuerit attributa. Solis enim Apostolis dictum est à Christo, *Sicut misit me Pater, & ego mitto vos*. Iohan. 20. vers. 21. quod etiam significat Apostolus 1. Corinth. 12. vers. 28. Et Chrysostomus eum locum tractans, ea quam diximus homilia, ut magnitudinem muneris Apostolici exprimeret, cōparationem spiritualium dignitatū (ipse ἀρχὸς i. e. principatus, nominat) cum civi-

libus, quas *ἐκκλησιαστικὰς* appellat, instituit; & ait apostolatium inter spirituales esse *ἐκκλησιαστικὴν πνευματικὴν*, hoc est, consulum spirituales, id est, supra omnes alias functiones spirituales sic eminere, ut supra omnes civiles magistratus eminet potestas consularis. Itaque apostolatium nominat *ἐκκλησιαστικὴν πνευματικὴν πᾶσιν*, potestatem omnium maxime spirituales; item *ἐκκλησιαστικὴν πνευματικὴν ἐκκλησιαστικὴν*, potestatem potestatum; & præterea *ἐκκλησιαστικὴν πνευματικὴν κεφαλὴν, καὶ ῥίζαν, καὶ ὑπόθεσιν*, potestatem spiritualium caput, radicem, & originem, seu fundamentum: quoniam inquit, apostolatu continentur omnes inferiores potestates, quas eo loco Paulus enumerat. Hæ notæ cum nemini unquam mortalium competierint, aut competere possint, præter illos XII. Apostolos, qui sunt à Domino instituti, & Matthiæ, Paulo, & Barnabæ, qui postea in illum divinum chorum sunt cooptati; certum est, appellationem Apostolorum nemini præter illos, quos dixi, posse tribui, nisi fortasse figuratè & æquivocè. Sic in scriptis Cypriani & aliorum Patrum est invenire episcopos non rarò nominari Apostolos: scilicet improprie & ὑμῶν ὅμως, h. e. diversa significatione: idque non sine Scripturarum exemplo. Nam in Actis Petrus Apostolatium vocat *ἐπισκοπὴν*, episcopatum, id est, præfecturam spirituales, c. i. v. 20. Et notum est, nomina illa, *Apostolus, Episcopus, Presbyter, Diaconus*, etsi multum inter se diversas functiones significant, sæpè tamen nullo discrimine ab authoribus sacris usurpari. Quare etiam Apostolus vocatur *ὑποπλάγιον*, ministerium, Petro in eadem illa oratione. Adde quòd primis ecclesiæ temporibus omnes episcopi, præter peculiarem curam propriæ sibi ecclesiæ, in solidum sibi commissam, ut

loquitur Cyprianus, etiam universam, suo quodam modo curabant, tanquam *τὴν καθολικὴν ἐπισκοπὴν πεπιστευμένοι*, habentes fidei suæ creditum universalem episcopatum: sicut scriptum est in Constitutionibus Clementis lib. 6. c. 13. ut hac saltem ratione Apostoli aliquo modo dici potuerint. Igitur in epist. 65. Cypriani, & alibi episcopi nominantur Apostoli: & scribit idem nò semel, *Apostolis vicariâ ordinatione succedere episcopos*. Epiphanius in epistola operis initio præfixa, vocatur *νέος ἀπόστολος*. novus Apostolus: cui appellationi congruit vox *ἰσαπόστολος*, æqualis Apostolo, inter titulos frequens, quibus Græci insignioris nominis episcopos vel Patriarchas solent ornare. Sæpe item Apostolatus ponitur pro Episcopatu. Sidonius Apollinaris lib. 4. epist. 4. ad Lupum Tricassium Episcopum: Præter officium, quod incomparabiliter eminenti Apostolatu tuo debetur. Epistola 7. ad Fontelum Episcopum Vasionensem: Ego quoque ad Apostolatus tui notitiam plenior cum prærogativæ domesticæ familiaritatis accedo. Hinc etiam Ecclesiæ, siue sedes, dictæ sunt Apostolicæ: primò quidem illæ, quas Apostoli opera sua fundarant, & quas, ut loquitur Tertullianus de præscriptionibus cap. 21. ipsi Apostoli condiderunt, ipsi eis prædicando, tam viva, quod ajunt, voce, quàm per epistolas posita. Deinde verò quævis ecclesiæ, aut sedes episcopalis, dicta est Apostolica, pro consanguinitate doctrinæ, ait idem Tertullianus cap. 32. quæ in fide semel ab Apostolis tradita conspiraret. Sic & Sidonius eidem Lupo, Tricassium in Gallia Episcopo, tribuit Apostolicam sedem epist. 1. lib. 6. ubi etiam Petrum Apostolū vocat Lupi collegam. Et ita loquitur illius ætatis & inferiorū pii atq; eruditi scriptores: impro-

impropiè quidem & durè, sed tamen frequenti admodum usurpatione. Alii episcopos vocabant, non apostolos, verum apostolicos. Extant epistolæ duæ Venantii Fortunati ad Euphronium episcopum Turonensem, quarum prior ita inscribitur: *Domino sancto, & meritis Apostolico, domino & dulci patri Euphronio Papa, Fortunatus*: & in fine, *Ora pro me, domine sancte & Apostolice*. In eadem tamen epistola Apostolarum attribuit Euphronio: *Multipli me prece, Apostolatui & sancta charitati vestra commendo*. Accidit verò in appellationibus *Apostolici & Sedis Apostolica*, quod in aliis pluribus, & nominibus, & ritibus ecclesiasticis videmus accidisse, ut quæ erant initio communia omnium, fierent propria paucorum, propter præcellentem eorum dignitatem. Sic *Papa* nomen olim commune fuit omnium episcoporum, ut certò constat ex Athanasio, Epiphanio, Eusebio, Sidonio Apollinari, & aliis scriptoribus: postea tamen episcopo Romano *ἀντωνυμικῶς* est tributum. Sic mos osculandi pedes, olim genus fuit reverentiæ, & episcopis & abbatibus, & aliis sanctimonia claris viris ex hiberi solitæ: postea is ritus ad cultum Romani Pontificis propriè est translatus. Sic igitur *Apostolicus, & Apostolica sedes, de Romæ episcopo, & sede Romana, ἀντωνυμικῶς, mutato nomine, in Occidente* usurpare cœperunt. Dico in Occidente & apud Latinos scriptores: nam in Oriente & apud Græcos authores præsertim paulò vetustiores, nunquam id invenias: cum ipsi contra similem, aut eundem honorem suis Patriarchis haberent. Sic *αὐθεντίαν τῆς Ἀποστολικῆς Μητροπόλεως, auctoritatem Apostolica successionis*, celebrat Synesius epist. 56. non utique Romanam,

sed Alexandrinam sedem intelligens: de qua etiam scribit initio epistolæ sequentis, *ἀνάγκη μοιθεῖα, νόμον ἡγεῖσθαι, πᾶν δὲ, πρὸς ἐν ἐκείνῳ ὁ θρόνος θεοπείση*, Divinitus imposita est mihi necessitas, ut pro lege habeam, quid quid illa sedes constituerit. Tanta fuit olim, cum ecclesiastica disciplina vigeat, sedium patriarchalium apud minores episcopos reverentia. Ut mirari nemo debeat, Romanum Papam, cujus in toto occidente maxima erat autoritas, Apostolicum esse dictum, & ejus sedem Apostolicam: quod videtur circa annum Domini 400. cœpisse, ut ex Augustini, Vincentii Lirenensis, & aliorum scriptis potest colligi. Quemadmodum autem negare non possumus, nec debemus, veterum illius sedis episcoporum, ea extitisse in universam Dei ecclesiam merita, ut hoc honore, & quovis alio, essent dignissimi: ita non sunt ferendi Bellarminus, & alii hodierni disputatores, qui etiam illas appellationes in argumentum Monarchiæ trahunt: quasi ignorarent, aliud esse, præstare dignitate inter fratres, & ejusdem ordinis viros; aliud monarcham esse, & cum in fratres, tum in universi orbis reges ac principes omnes absolutam dominationem sibi vindicare. Notandus etiam hoc loco est error Baronii, qui unius Papæ Romani proprium esse ait, Apostolos creare, id est præcones evangelii apud gentes: quo sensu Adalbertus dicitur Ungarorum apostolus, alii aliarum gentium. At verò quis misit Evnuchum Candacæ, qui Æthiopibus evangelium prædicavit? quis Pantænum? quis Frumentium? Non certè Papa. Vide Casaub. exerc. 16. nu. 4. ex quo hæc sumimus. Colophonis loco, teneatur illud Siberi: Apostoli appellantur duodecim-



viri illi Iesu Christi, qui in universum terrarum orbem legati, ab idololatria homines averterunt, tyrannidem Satanæ destruxerunt, & cœleste regnum constituerunt, propagarunt, protenderunt, stabilierunt.

APPELLATIONES ECCLESIASTICÆ. Fiebant olim appellationes ecclesiasticæ ad episcopum Romanum, non tanquam ad iudicem, à quo iudicium determinativum, aut coactivum daretur, sed tanquam ad opitulatorem, ut daret iudicium discretivum & directivum: sicut etiam ad alios episcopos occidentis. Marcion excommunicatus in Ponto, Romam venit ut absolveretur: sed responsum tale accepit, *Non possumus hoc facere sine permisso venerandi Patristui*. Epiphani. hæres. 42. Et Chrysostomus epist. 1. ad Innocent. I. tomo 5. petit opem non tantum ab Innocentio, sed etiam à cæteris episcopis occidentis, & ad Synodum appellat, *Socrat. lib. 6. cap. 14.* Sed accipit responsum à Papa, non posse à se juvari, neque à se posse concilium convocari. *Basilii ad Athanas. epist. 52.* sic consulit Athanasio: Visum est mihi consentaneum, ut scribatur Episcopo Romæ, ut quæ hîc geruntur, consideret, detque consilium. Sed & appellationes istæ à quibusdam fuerunt improbatae. *Cyprian. lib. 1. epist. 3. ad Cornelium:* Oportet utique eos, quibus præsumus, non circumcursare, sed agere illic causam suam, ubi & accusatores habere, & testes sui criminis possint. Et *epist. 4.* ait, eos, qui cum Basilide communicant, deificam negligere disciplinam. *Concilium Africanum can. 92.* Quod si & ab iis provocandum putaverint, non provocent nisi ad Africana concilia. Ad transma-

rina qui putaverit appellandum, à nullo intra Africam in communionem recipiatur. Confer *Concilium Milevitanum can. 22.*

Ἀπαξ λεγόμενον. Quod semel duntaxat in aliquo libro, ut in Scriptura sacra, occurrit, Rabbini vocant ἁπλῶς, Græci ἁπαξ λεγόμενον. Sic vox *Abrech Gen. 41. v. 43.* semel duntaxat occurrit in canone.

Ἀπαύγασμα. Propriè est fulgor aliunde prodiens: nominatim splendor solis. *Usurpatur Sap. 7. vers. 26.* de sapientia: ἀπαύγασμα γάρ ἐστι φωτὸς αἰδῶς καὶ ἔσπερον ἀκηλίδων τῆς τοῦ θεοῦ ἐνεργείας, καὶ εἰκὼν τῆς ἀγαθότητος αὐτοῦ. Splendor est enim aterna lucis, & speculum sine macula maiestatis Dei, & imago bonitatis illius. *Usurpatur etiam de hypostatica Patris sapientie, id est, de Iesu Christo, Hebr. 1. v. 3.* Nimirum Christus est splendor gloriæ Patris, qui à Patre affulget per aeternam & ineffabilem generationem & semper apud eum fuit, sicut semper emicās splendor cum sole. Hinc eleganter *Anastasius diss. 1. contra Arianos:* τίς γὰρ ἔχ' ὁρᾷ, ὅτι ἀδιαίρετόν ἐστιν τὸ ἀπαύγασμα πρὸς τὸ φῶς, καὶ ἴδιον αὐτῷ συνάραχ' ἐστὶ τὸ φύσι, καὶ ὅτι ὅλην ὁπληγόνεν ὕπερον, Quis enim non videt, iubar sive proradiationem apud lucem esse, & proprium illius substantia, & coexistere, & non posterius supervenire? Et in epistola de decretis Synodi Nicenæ super Ariana hæres. 1: τίς γὰρ διώεται καὶ λογίσασθαι, μὴ εἶναι ποτε τὸ ἀπαύγασμα, ἵνα καὶ πλημμελῆσαι εἴπῃ, μὴ εἶναι αἰετὸν τὸν υἱόν, ἢ ὅτι ὅλην ἦν ὕψος πρὶν γεννηθῆναι ἢ τίς κενὸς διελθὼν ἀπὸ τοῦ ἡλίου τὸ ἀπαύγασμα, Quis enim vel cogitare poterit, non fuisse aliquando splendorem soli, ut ausit dicere, non semper fuisse Filium, nec antea fuisse quàm nasceretur? aut quis splendorem à sole

*forte segregabit ?* Vide plura ad titulū CHA-  
RACTER.

**APOCRISIARIUS.** Est legatus ecclesiæ negotia tractans. Incepit hoc nomen & munus temporibus Constantini Magni. Primitus autem episcopi fungebantur hoc munere: postea diaconi & presbyteri adhibiti fuerunt. Regebat verò apocrisiarius omnem clementum palatii, dicebaturque etiam *Capellanus* & *Custos palatii*. Apud Justinianum Novell. 6. dicuntur, οἱ τὰ πρῶτα πρῶτοντες τῶν ἀνωτάτων ἐκκλησιῶν.

**APOCRYPHUS.** Libri apocryphi sic dicuntur, quasi occultæ originis, de quorum authoribus non certò constat: vel, qui in occulto manere debent, non autem in lucem proferri ad probandum dogmata fidei: vel denique, qui in crypta ecclesiæ, non verò in Ἀγῶν (quam vocem vide) asservabantur. Eusebius, Athanasius, Hieronymus, & Rufinus appellant *ecclesiasticos*: alii, *hagiographos*, & *deuterocanonicos*. Sunt autem libri apocryphi ordinis primi vel secundi. Illi adiunguntur canonis veteris testamenti tanquam *προθήκη*, *appendix*, ut sunt Judith, Tobias &c. hi sunt simpliciter reiecti. Huc pertinet, quòd primitiva ecclesiæ quosdam libros dixit *ὁδῶδες*, Euseb. lib. 2. cap. 23. & nonnullos vocavit *ἀνπλεγόμενους*, quia à multis ecclesiis sit eis contradicendum: & denique *ἀκανόνιστος*, q. d. *non-canonicos*. Porro causæ, quòd libri Apocryphi, qui inter V. & N. T. interponuntur, non debeant haberi pro canonicis, hæ sunt. 1. quia prophetico spiritu non sunt editi, utpote post tempora Artaxerxis scripti, quibus explorata ampliùs non fuit pro-

phetarum *Ἀποδοχή*, *successio*, ut constar ex Josepho contra Appionem. 2. quia neque in arca, ut tabulæ legis; neque juxta arcam, ut libri Moysi & prophetarum, fuerunt repositi. Epiphanius. *de mens. & pond.* 3. quia in lingua Hebraica non sunt exarati, neque ab ecclesiâ Judaica, cui oracula Vet. Test. fuerunt concredita, unquam pro *θεοπνεύστis* sunt agniti. 4. quia neque à CHRISTO, neque ab apostolis fuerunt citati. 5. quia à primitiva N. T. ecclesiâ pro adulterinis sunt habiti. Amphilocheus apud Balsamonem, & Nazianzenus apud eundem. 6. quia à succedentis ævi ecclesiâ non sine magna varietate & dissensione, tandem admissi sunt, ut ecclesiastici. Synod. Carthag. 3. August. *de doctr. Christ.* Rufinus. *ad symb.* 7. quia continent quædam absurda & fabulosa. Porro quidam libros N. Test. distinguunt in canonicos & apocryphos: & in posteriori ordine reponunt epistolam ad Hebræos, epistolam Jacobi, Judæ, posteriorem Petri, secundam & tertiam Johannis, denique Apocalypsin. Rationem adferunt hanc: quòd isti libri non ab omnibus in primitiva ecclesiâ pro certò apostolicis recepti sint: sed nonnullæ ecclesiæ de iis aliquamdiu dubitavit, nonnullæ etiam aliquibus diserte contradixerint. Verum non statim apocryphum est, de quo dubitatur, aut cui contradicitur: sed illud, quod non habet characterem divinum. Vide infra CANONICUS.

**APOSTOLO EVANGELIA.** Ita inscribitur Lectionarium Græcorum, in quæ describuntur dies festi totius anni. e.g. primus dies Januarii sic notatur:

εις την α κατὰ σάρκα ᾠστομή τῆ χειρὸς ἐν τῷ ὄρθρῳ καὶ λειτεργίᾳ. *In primum (diem) secundum carnem circumcisio Christi in diluculo, & ministerium. In antiquis ritualibus dies iste Kalend. Jan. (ut hoc obiter addam) simplicem præ se fert titulum, Octavo nativitatis: id est, octava feria post natalem Domini.*

ΑΠΟΔΙΧΙΣ THEOLOGICA. Summum necessitatis gradum habet ille syllogismus, in quo medium concludendi ductum est ab autoritate Dei. Hic enim syllogismus tantò excellentioris est necessitatis, quantò excellentior est præ creaturis omnibus Deus. Hæc verè est fidelibus *μεγίστη καὶ ἀληθεύσα δόξαισις, maxima & verissima demonstratio*, ut ait Justinus Martyr apolog. 2. pro Christ. Hæc ἡ ἀνωτάτω ἀπόδειξις, *suprema demonstratio*, ut ait Clemens Alexandr. lib. 2. Stromatum. Et lib. 7. τῇ τῷ Κυρίου φωνῇ πιστέμεθα τὸ ζητῆμενον. ἡ πασῶν δόξαισεων ἐχεγνώτερος, μᾶλλον δὲ, ἡ μόνῃ δόξαισις ἴσα τυγχάνει, *Voce Domini probamus quod queritur, qua est magis fide digna quàm quavis demonstrationes, vel potius qua est sola demonstratio.* Et paulò pòst: ἡμεῖς ἀπ' αὐτῶν ὡς αὐτῶν τῶν γραφῶν τελείως δόξαισκύντες ἐκ πίστεως πεθομέθα δόξαισιν κηώς, *Nos ex ipsis de ipsis Scripturis perfectè demonstrantes, ex fide persuademus demonstrativè.*

ΑΠΟΤΕΛΕΣΜΑ. Est opus perfectum, ut citatur ex Dioscoride. Aliàs est effectus seu influxus siderum. Unde astrologia solet appellari scientia δόξαιτελεσμάτων. Prior significatio attenditur in theologia: ut cum Patres opera Christi θεανθρώπων appellant δόξαιτελέσματα θεανδράκα, i. e. actiones Dei-viriles, ut vertit Jacobus Faber apud Damasc. lib. 3. de orth. fid. cap. 19.

ARCA NOE. Fuit figura ecclesiæ juxta illud Alcimi:

*Arca vetus Noë Christi est ecclesia, per quam, Extra etiam quam nemo potest salvari.*

Diluvium itaque hoc modo figurat mundum in maligno positum, & eluvie peccatorum obrutum. Sed & conservatio in arca fuit typus baptismi 1. Petr. 3. v. 21. ubi apostolus ait: *Cui rei nunc correspondens typus baptismus.* Verba Græca sic habent: ὡς καὶ ἡμᾶς ἀντίτυπον νῦν σώζει βάπτισμα. Pronomen ὡς referendum est ad totam sententiam proximè præcedentem de servatis in arca octo animabus. Isti enim conservationi, tanquam typo conservationis spiritualis credentium, è regione respondet baptismus, tanquam typus seu imago ejusdem conservationis. Itaque ἀντίτυπον est typus è regione respondens. Aliàs hæc vox refertur ad rem typo adumbratam, & tum ἀντίτυπον usurpatur pro simplici τύπος. Hebr. 9. v. 24. Porro vulgus theologorum ἀντίτυπον etiam vocat rem ipsam typo significatam. Itaque triplex est significatio hujus vocis. 1. Est idem, quod typus. Heb. 9. v. 24. 2. Est typus, typo respondens. d. l. Petri. 3. Est restypi. Hinc efficitur, conservationem octo animarum in arca fuisse duplici nomine typum, 1. baptismi, tanquā antitypi. 2. cōservationis spiritualis, tanquam rei significatæ. Similiter Pascha est typus S. cœnæ tanquam antitypi, & Christi, tanquam rei typo adumbratæ.

ARCHIDIACONUS. Ita dicebatur, qui inter diaconos diutissimè fuerat. Neque enim eligebatur, sed à tempore constituebatur.

Ἀρχιερεὺς, *Summus Pontifex.* Hic titulus tribuitur omnibus episcopis in Constitutionibus Clementis lib. 8. Malè itaque soli

Papæ



Papæ hodie tribuitur. Nimirum omnis inferior sacerdos, seu antistes ecclesiæ, appellatur Pontifex. Ergo episcopus rectè appellatur summus Pontifex.

ARCHIMANDRITA, Græcè ἀρχιμανδρίτης. Est præfectus cœnobii, quod μάνδρα dicitur. Nam sicut in ecclesia sunt oves & pastores: ita ecclesiasteria dicuntur ovilia seu μάνδρα. μάνδρα siquidem est stabulum.

ARIDA. Sic Gen. 1. appellatur terra mole aquarum liberata: de qua Tertulianus: Segregatis aquis in cavatiorem sinum, emicantior facta est arida, quæ antè aquis tegebatur. Et in hymno Ambrosii.

Telluris ingens conditor,  
Mundi solum qui detegens  
Pulsis aqua molestiis,  
Terram dedisti immobilem.

Cyprianus ita canit hac de re:

Tertia lux faciem terrarum fulva retexit.

Et Dracontius:

Eruitur terra iniusto demersa profundo,  
Et solidante globo gravior per inane pendit.

Hæc arida, cum primùm aquis fuit liberata, protinus germinavit ad mandatum Dei, cum nondum essent stellæ, à quibus fecundaretur. Quæ de re Philo eleganter ait: Ante solem & lunam stirpes fructusque omnigeni è terra sunt proditi: ne creaturæ adscriberentur primæ partes, sed cœlestis parentis arbitratui, cui omnia possibilia. Ejus itaque imperio

Promittitur herba vixens, & surculus omnis in auras,

Ut canit Dracontius: & ut Anitus,

Pulchra repentino vestita est gramine tellus.

Dicit repentino gramine: quia desubito factum est,

Vt germen aptum proferens,  
Fulvis decora floribus,

Fecunda fructu sifteret,  
Pastumque gratum redderet.

Sicut canitur in hymno Ambrosii. Refer huc illud Christiani poetæ:

O arbor vita, sine te sumus arida ligna,  
Si tibi conferimur, florida palma sumus.

ARMA. Sunt bellica instrumenta, eaque defensionis & offensionis. Deinde sunt arma spiritualia, eaque iniquitatis Rom. 6. vers. 13. vel justitiæ, ibid. & c. 13. v. 12. Et hæc rursus dextra & sinistra 2. Cor. 6. v. 7. Quæ phrasi apostolus intelligit vel arma duplicia, quibus vincendæ sunt res secundæ & adversæ: vel ἀμφοτέρωθεν, quæ possunt applicari utrique lateri, ut circum circa simus muniti. Videtur enim alludere ad morem illum, quæ miles dextra ferebat ensen, sinistra gladium: quæ putabatur optima armatura.

ARON. Fuit arca seu capsula ecclesiastica, in qua primitiva novi testamenti ecclesia reposuit libros canonicos. Est autem Aron aliud ab arca fœderis, in qua nihil omnino erat nisi tabulæ legis 1. Reg. 8. v. 9. Hac dere insignis est locus apud Epiphanium lib. de mensuris ac ponderibus. Καὶ αὐταὶ χεῖρις μὴ εἰσι καὶ ὡφελίμοι, ἀλλ' εἰς θρόνον ῥητῶν σὺν ἀναφέρονται. διὸ εἰδὲ ἐν τῷ Ἀαρὼν ἀνετέθησαν, ὅτι ἐν τῇ τῆς Ἀγθῆνης κιβωτῷ, hoc est, Utiles hi quidem libri sunt & commodi (loquitur de libris apocryphis.) sed in numerum dictorum (puta canonicorum) non referuntur. Quapropter neque in Aron repositi sunt, neque in fœderis seu testamenti arca.

ARBOR SCIENTIÆ BONI ET MALI. Hac arbore homo protoplastus admonebatur, ne plus sapere appeteret quàm decebat: & ne proprio sensu confusus, excusso Dei iugo se arbitrum boni

& mali constituerit, atque ipso eventu & experimento discere necesse haberet discrimen inter bonum & malum.

**ARBOR VITÆ.** Erat symbolum ac memoriale vitæ divinitus acceptæ, & continuandæ. Itaque singulari quadam virtute fuit prædita. Nam in sacramentis est similitudo illarum rerum, quarum sunt sacramenta.

**ARTICULUS PRÆPOSITIVUS.** Sciunt periti linguæ Græcæ, articuli vel adjæctione, vel omiffione, sæpe multum fieri diversam verborum sententiam. Sic *Iohan. 3. vers. 22.* Tu es Filius meus dilectus, ὁ ὕὸς μου, q. d. ille unicus & solus DEI Filius. Vim enim articuli in ea locutione sic exponunt Patres. *Theophylactus*: μετὰ τῷ ἄρθρῳ ὁ ὕὸς, τῷ τέτρῳ, αὐτὸς ἐκείνῳ, ὁ εἷς καὶ μόνῳ, h. e. cum articulo Filius, i. e. ipse ille unus & solus. Similis locutio est *Iohan. 1. v. 50.* Observa tamen, non semper in Scripturis articulos urgeri debere, nec raro omiffos periti.

**ἄρτος.** Sacramentum cænæ à Patribus appellatur ἄρτος, panis. Sic apud Iustinum in dialogo cum Tryphone, ἄρτον ποιῆν, panem facere, vel conficere, est exemplo Christi εὐλογεῖν καὶ διαχρῆσθαι, benedictione & gratiarum actione consecrare in sacramentum corporis Christi. Sæpius tamen adijciunt epitheta: ut sunt ἄρτος ὀπρωσίου, panis angelorum, ἄρτος ὑποβολιμαῖος, ἄρτος θεῖος, ἄρτος ζωῆς, ἄρτος ἁγίος, ἄρτος τῆς θεῆς, ἄρτος προθέσεως. Videtitur **PANIS & Ἐπίσσιος.**

**ASCENSIO CHRISTI.** Appellatur etiam assumptio, apprehensio gloriæ ἀνάληψις, κατέληψις, & ὁποχώρησις ἀναλήψιμος. Quæ verba opponenda sunt furori illorum, qui ascensionem Christi inter-

pretantur evanescentiam, quæ ex se pererit aut πολυτοπίαν, *multipresenciam*, aut πανταχούσιαν, *omnipresenciam*, corporis Christi.

**ASCESIS. ASCETA. ASCETRIA.** Religio Christiana Patribus dicitur ἀσκησις, *exercitatio*: ut cum ait *Clemens Alexandrinus lib. 4. Strom.* ἡ κυριακὴ ἀσκησις ἀπάγει τὴν ψυχὴν τῷ σώματι εὐχαρίστως, id est, Dominica exercitatio (*religio quam docuit Dominus*) abducit animum à corpore, cum gratiarum actione. In apostolicis canonibus 51. & 52. abstinencia à carnibus & vino certis diebus priscæ ecclesiæ usurpata, fieri dicitur δι' ἀσκήσιν, *propter exercitium pietatis*: quia eo modo affligitur caro, & seriæ meditationi mysteriorum salutis præparat. Quicumque igitur eo animo abstinent vino & esu carniū, ii & ἀσχεῖν & ἀσκηταὶ εἶναι, h. e. *exercere & exercitatores esse*, rectè dicuntur. Transtulerunt autem veteres Patres verbum ἀσχεῖν à ludis veterum ad res sacras: Paulum imitati, qui petitis inde locutionibus utitur 1. Cor. 9. v. 24. ubi Christianos comparat currentibus in stadio, & in agone certantibus. Nimirum ἀσχεῖν propriè est præparare se ad certamen, & abstinenciam in eum finem exercere. Quo factum, ut Patres hoc verbum ad Christianos transtulerint, & ipsam religionem ἀσκήσιν, *exercitium*, seu *exercitationem*, dixerint, quasi regulam exercentium & continentium, in qua jugiter Christiani se exercere deberent: atque inde dicti sunt *asceta & ascetria*. Et hæc tamen quidem generaliter hæc duo nomina tribuerunt omnibus, qui in studio pietatis præ cæteris desudassent. Peculiariter deinceps usurparunt de monachis & sanctimonialibus seu monialibus. Omnis igitur monachus.

monachus est asceta, omnis sanctimonialis ascetria: at non omnis asceta est monachus, neque omnis ascetria est monialis. Voci Græcæ ἀσκητὴς respondet Hebraica שׂוֹמֵר: quam vide infra. Porro ἀσκητήρια sunt monasteria, & omnino secellus exercitationis.

**ATTRIBUTA DEI.** Sic appellantur proprietates essentiales, quæ Deo tribuuntur. Scholastici etiam appellant perfectiones divinas, item passionēs: ubi vox passio idem est, quod proprietas. Ita enim usitatè illi loquuntur, *propria passionēs rei*, id est, ἰδια πάθη. Porro attributa Dei dividuntur in negantia & affirmantia seu positiva, ἀκοινωνήτα & κοινωνήτα, *incommunicabilia*, & *communicabilia*, quiescentia & operantia. *Attributa Dei negantia* remouent à Deo omnem imperfectionem: cuiusmodi sunt simplicitas, immutabilitas, immensitas, & æternitas: *affirmantia* notant omnimodam perfectionem; ut sunt omniscientia, omnipotentia &c. Intellige perfectionem θεοπρεπή. Nam perfectiones creaturarum, quæ sunt vel remedia malorum, vel levamenta & subsidia imperfectionū Deo non competunt: ut est ratiocinatio humana. *Attributa Dei incommunicabilia* sunt, quæ sunt infallibiles deitatis notæ, ita ut nullum effectum in creaturis edant: ut immutabilitas, immensitas, æternitas à priori, omnipotentia: *communicabilia* ita sunt in Deo, ut ipsorum effectum, vestigium, & imago cernatur in creaturis: ut sunt bonitas, sanctitas &c. *Attributa Dei quiescentia* notant actum immanentem, ut immensitas: *operantia*, emanantem, ut sanctitas. Vide infra PERFECTIO DEI.

Ἀυτοζωή. Est nomen Dei apud Dio-

nysum: quo significatur, Deum per se vivere, & aliis vivendi authorem esse. Græci soli possunt hanc Dei perfectionem exprimere: ut patet ex sequentibus nominibus, soli Deo convenientibus: αὐτάρεκτος, αὐτενέργητος, αὐτοκίνητος, αὐτεξέσιος, αὐτεπιτάκτης, αὐταυτός, αὐτοάγαθος, αὐτοαλήθεια, αὐτοαπλότης, αὐτοβελος, αὐτογόνεθλος, αὐτογενής, αὐτόγονος, αὐτοδιώαμος, αὐτῶν, αὐτοεῖναι, αὐτόνομος, αὐτοπάτωρ, αὐτοφῶς: quo postremo nomine Gregorius Nazianzenus appellat Spiritum sanctum, quoniam ipse vera lux est & unica, & sine eo nemo φωτίζεται. Budaus ex Dionysio Areop. ait p. 462. Deus à theologis vocatur τῷ αὐτοεῖναι & τῆς αὐτοζωῆς nomine, ὡς ὁ αὐτὸ τὸ εἶναι τὸ ζῆναι καὶ ὑπῆσεναι. Porro pronomen αὐτός in hac compositione notat vel perfectionem DEI essentialem, vel ideæ excellentiam: ut cum dicimus cum Scaligero, τὸ αὐτοάνθρωπος, & τὸ αὐτοάγαθος, esse ideam ipsa substantia, i. e. specie nobiliorem exerc. 6. sect. 4.

Αὐτόθεος. Hæc vox sumitur latè & strictè, seu εἰσιωδῶς & εὐπροσαδικῶς. Priori modo Filius æquè est αὐτόθεος atq; Pater: quia communis est assentia. De Spiritu sancto idem est iudicium. Posteriori modo solus Pater est αὐτόθεος. Et hoc quoque sensu Pater dicitur Deus καθ' ὑπεροχὴν per excellentiam: quia ipse solus non habet principium & originem subsistendi, & est fons, à quo principium & originem habet Filius: unde & Pater dicitur major Filio: quāquam etiā Pater sit major Filio quantum ad humanam naturam, & officiū mediatoriū. Hinc paret, Bellarminū non rectè reprehendere Calvinū, quādo hic docet Patrem dici Deum κατ' ὑπερο-



χὴν. Nam hoc idem docent Patres ex Scriptura. Et primò quidem Ignatius in epistola ad Philippenſes ſic inducit Chriſtum loquentem ad Satanam tenratorem: Οὐδα τὸν ἕνα, ὁπίſταμαι τὸν μόνον, ἔσὺ δὲ πω-  
σάτης γέγονας. σὸκ εἰμὶ ἀντίθεος, ὁμολο-  
γῶ τὴν ὑπεροχὴν, ὁπίſταμαι τὸ τῆς ἐμῆς  
γεννήσεως αἰτιον, τὸν πατέρα, hoc eſt,  
Novi unum illum, cujus tu deſertor fa-  
ctus es. Non ſum Deo adverſarius, con-  
fiteor excellentiam, novi generationis  
meæ cauſam, Patrem. Idem docet Atha-  
naſius oratione 2. contra Arianos: μείζων εἶ-  
πεν, ἔμεγέθει πνί, ἔδὲ χρόνω. ἀλλὰ διὰ  
τὴν ἐξ αὐτοῦ τὴν πατέρα γέννησιν, id eſt,  
Dicit quòd major ſit, non quidem ma-  
gnitudine, aut ætate, ſed propter genera-  
tionem ex Patre ipſo. Gregorius Nazian-  
zenus orat. 4. de theologia, dicit Patrem eſſe  
majorem Filio καὶ τὸ αἶπον, ſeu ratione o-  
riginis, quam Filius habet à Patre. Et  
orat. 2. de Filio ait: ὅτι τὸ μείζον μὴ ἐστὶ τῆς  
αἰτίας, τὸ δὲ ἴσον τῆς φύσεως, id eſt, Mani-  
feſtum quòd majus dicatur ratione cau-  
ſæ, æquale autem reſpectu naturæ. Baſi-  
lius Magnus lib. 1. adverſus Eunomium verba  
illa Chriſti, Pater maior eſt me, ſic explicat:  
Relinquitur ergo ut majus dicatur eo lo-  
co atione cauſæ. Quoniam ergo Filii o-  
riigo eſt à Patre, eo reſpectu Pater major  
eſt ut cauſa & origo. Cyrillus lib. 2. theſauri  
cap. 3. idem docet.

Αὐτολεξεί. Idem eſt quod καὶ ῥητὴν, id  
eſt, totidem verbis. Ita dicimus aliquid  
extare ſeu proponi in S. literis vel ex-  
plicitè, expreſſè, totidem literis: vel im-  
plicitè, analogicè, & καὶ ἀγόρευαν. Hic te-  
renda eſt regula Nazianzeni lib. 5. de  
theologia: Perinde ſunt ea, quæ ex Scripturis  
colliguntur, atque ea quæ ſcribuntur. Si enim  
quod diſcretè poſitum eſt in Scripturis,

verum ſit, tum & illud etiam, quod inde  
neceſſariò conſequitur, verum eſſe neceſ-  
ſe eſt. Quædam non ſunt, & tamen di-  
cuntur eſſe in Scripturis, ut Deum habe-  
re oculos: quædam ſunt, nec dicuntur ta-  
men, ſcil. totidem verbis, ut Spiritum S.  
eſſe Deum: quædam verò neq; ſunt, nec  
dicuntur, ut Deum eſſe authorem pecca-  
ti: quædam deniq; & ſunt, & dicuntur, ut,  
Deum in principio creaviſſe cælum & ter-  
ram. Nazianzeni hæc diſtributio eſt: τὰ  
μὴ σὸκ ἐστὶ, λέγεται δὲ τὰ δὲ ὄντα ἔλεγε-  
ται. τὰ δὲ ἔτε ἐστὶν, ἔτε λέγεται. τὰ δὲ ἄμφο, καὶ  
ἐστὶ καὶ λέγεται.

AUXILIUM DEI. Eſt aliud generale,  
aliud ſpeciale: & hoc naturale, ſive ſin-  
gularis providentiæ; vel ſupernaturale,  
idque externum, vel internum. Auxi-  
lium Dei generale eſt, quo a deſt omnibus  
creaturis: Speciale, quo aliquiſ homini-  
bus a deſt. Eſtque vel extra Chriſtum  
(hoc fluit ex providentia Dei) vel in  
Chriſto, quod deſcendit ex prædeſtina-  
tione. Hic memineris auxilium ſpecia-  
le ὡς ἐπὶ πλὴν ſignificare gratiam DEI  
in CHRISTO. Et hoc modo auxilium  
DEI ſpeciale dividitur in excitans, &  
adjuvans. Ibi ſunt divinæ illuſtratio-  
nes atque inſpirationes: hic eſt coopera-  
tio & directio divina. Denique cum  
auxilium ſpeciale dividitur in ſufficiens  
& efficax: τὸ ſufficiens eſt idem, quod  
ſufficiens ad ἀναπλοχίαν, & τὸ efficax  
idem, quod ſufficiens ad σωτηρίαν.  
Aliàs hæc diſtinctio non poteſt conſi-  
ſtere. Vide plura infra ad titul. GRA-  
TIA.

BABYLON. Urbs hoc nomine eſt no-  
ta. Myſticè ſignificat Romam & mun-  
dum, propter diſſutum & diſſolutum u-  
triuſque ſtatum. Quid enim mundus, &  
nomin-

nominatim Roma, hodiè aliud agit, quàm ut per intestina bella & crudeles persecutiones sub auspiciis Papismi & Mahomedismi inter se acerrimè confligat, idque sub prætextu propagandæ vel tuendæ veteris & avitæ religionis. Ut nunc deum Romæ & mundo propter has intricatas turbas Babylonis nomen & omne propriissimè conveniat. Quare huc pertinet quod Zacharias c. 5. v. 9. 10. 11. dicit *Epha illud* (in quod execrabilis illa abominatio compacta erat) *à duabus mulierculis in terram Sinear deferri, ut ibidem sacra sua basi imponatur.* Eo ipso nimirum indicans, in terra Sinear, sive Babylone, id est, in media mundi gentilitate aliquando ad eandem impietatem & religiosam fraudem eundem effectum secuturum; quem videl. nos hodiè in prædictis bellis oculis cernimus, & amaro sensu experimur. Atqui malum hoc etsi universum orbem graviter affligat, ferri tamen adhuc posset. Illud verò magis dolendum est, quod ii, qui hoc ipsum ex Dei verbo observare & aliis ad præmonitionem suam monstrare debebant, per ejusdem fermenti reliquias, quas secum ex Ægypto contra interdictum extulerunt, ad eum modum instantur, ut & ipsi in partes secedant, & in mutua prælia ruant: dumque his suis contentionebus reliquam orbis confusionem adaugēt, sophistarum simul malitiam crudelem & tyrannorum malitiosam crudelitatem, qua illi quidem veritatem calūniari, blasphemare & persequi, hi verò illorum decreta exequi non desinunt, quantum in ipsis est, approbant & justificant. Atque hæc est illa pestis, quam Ezechiel cap. 8. 3. 5. vocat *idolum zelotypia: ad amulationem provocans*, quod dicit interiorem partem templi versus Septentrio-

nem obsidere. Spiritus sanctus autem per huiusmodi spectrum excecatum illum zelum indicare voluit, per quem non solum vetus synagoga circa suum cæcutiēs præcipitium in varias sectas scindi, & & schismatibus exagitari, sed etiam Christiana religio ecclesiæque gentium circa ultima mundi tempora vastari debuit, & unà cum politiæ statu gravissimè perturbari. Et hoc est illud, quod Propheta ibi LXX. viros ex senioribus domus Israel videt, quorum singuli sua propria thuribula manibus tenent, in quibus unusquisque in peculiari sua cella de suo, quod vult, offert. Num qua verò illustrior pictura præsentis status ecclesiæ ab Apelle ipso fingi potuisset? Sanè ipsissima jam regnat confusio Babylonica, in qua olim in varias partes & sententias itum est,

—— *subitas discordia linguas*  
*Cum daret, & varius confunderet omnia*  
*sermo,*

Ut canit Alcimus. Cæterùm Babylonis mysticæ sexies fit mentio in Apocalypsi: putà cap. 14. vers. 8. cap. 16. vers. 19. c. 17. v. 5. c. 18. v. 2. 10. 21.

BACULUS. Propriè est idem quod scipio, Gen. 32. v. 10. Exod. 12. v. 11. impropriè significat i. auxilium, idque divinum Ps. 23. v. 4. vel humanum, Esa. 36. v. 6. 2. Reg. 18. v. 21. 2. robur bellicum Esa. 10. v. 5. 24. ca. 14. v. 5. Jer. 48. v. 17. 3. idolum Hof. 4. v. 12. 4. vim arcanam. quo sensu baculus sive scipio panis dicitur à Deo confringi Levit. 26. v. 26. Ezech. 4. v. 16 c. 5. v. 16. Sunt qui ex loco Esaie probant, per baculum panis non intelligi ipsam alendi vim, quæ est in pane, sed ipsummet panem, idque propter vim alendi: quia ut homo, præsertim senex aut imbecillis, baculo seu scipione se sustentat, ne collabatur: ita

pane sustentatur homo ne collabatur ex inedia. Verum prior interpretatio est posterior: quia Deus frangit baculum panis, quando maledicit pani *Deut.* 28.

**BATA.** *Bator* est palma. Hinc in veteri ecclesia *Bata* dicebantur dona, quæ ab Imperatore & Patriarcha quotannis distribuebantur septimana, quæ ante diem palmarum: unde & nomenclatura. Imperator autem palatinis suis, Patriarcha clericis dabat. Fiebat hoc etiam in aliis solennitatibus: unde & *Bata* quælibet bona vocantur. *Bata* σείειν vel *Πασείειν* apud Patres est ramos palmarum quatere seu concutere: scilicet in honorem eius, cui pompa ducitur. Vide sermonem Epiphaniæ *eis τὴν Βάτα*, i.e. die palmarum habitū, & infratitulum. **HOSANNA.**

**BAPTISMUS.** Elegans est sacri baptismi descriptio apud Prudentium:

*Cultor Dei memento*

*Tesantis & lavacri*

*Rorem subisse sanctum.*

Itaque baptismus dicitur *font sacer, & lavacrum sanctum*. Quibusdam etiam dicitur *lavacrum renaissance*. Videas quoque in neutro genere *baptisma* & *baptismus*: ut apud Ambrosium lib. 2. de sacram. cap. 6. Quia Pharisei, qui noluerunt baptizari baptismo Johannis consilium Dei spreverunt: ergo baptismum Dei consilium est. Alias etiam patet hæc vox ad veteris Testamenti ablutiones, quibus defungebantur qui secundum legem impuri erant. De hac voce sic annotant *Concordantia Latina Bibliorum vulgata vers* Baptisma, baptismus, id est tinctio, immersio, & ab effectu ablutio, lavacrum. L. propriè est sigillum & sacramentum primæ institutionis nostræ cum Deo per Christum in carne manifestatum. *Matt.* 3. v. 7. *Marc.* 1. v. 4. *Röm.* 6. v. 4.

2. baptismata, i.e. lotiones Judaicæ & legales *Marc.* 7. v. 4. *Heb.* 9. v. 10. 3. baptismus Johannis, id est, Johannis Baptistæ doctrina & sacrum ministerium *Matt.* 21. 25. *Marc.* 11. 30. *Act.* 18. 25. & 10. 3. 4. Baptismus Christi, i.e. crux & passio amarissima. *Marc.* 10. 38. 39. *Luc.* 12. 50. Pertinet huc distinctio baptismi in eum qui est fluminis, fluminis, luminis, & sanguinis. Tertullianus usurpat hanc distinctionem, sed ita ut omittat baptismum luminis. De baptismo fluminis seu aquæ vide *Matt.* 3. 11. fluminis seu spiritus *Act.* 1. v. 5. sanguinis seu martyrii *Marc.* 10. 38. luminis seu doctrinæ *Act.* 18. 25. Baptismus fluminis est sacramentum, quod veteribus appellatur *δῶρον* donum sive munus. *Φῶς* πνομα, illuminatio, vita, & vitium. Quos titulos vide suis locis.

**BAPTIZO.** Significat religiosam actionem in Christianismo. Cum eius vim Latini exprimunt, dicunt *tingere*, quod fit immergendo, vel aspergendo. Atque ita baptizo est externum baptismi signum confero; baptizor, illud recipio. *Matth.* 3. v. 6. Deinde idem est, quod rem faciam, symbolo visibili & externo significatam confero, vel recipio *Matth.* 3. 11. cap. 1. 8. Tertio est sordibus corporis abluere *Marc.* 7. 4. Quod est in afflictiones gravissimas, & mortem amarissimam immergi *Marc.* 10. v. 38. 39.

**BARACHIAS.** Multi hoc nomine celebrantur in factis: quos inter etiam est Jojada. Ille enim fuit binominis ut constat ex *Matth.* 23. v. 35. Ubi quidam annotant J. hojadah & Barachjah convenire significatione. Nam illud sonat *laudans Dominum*, hoc, *benedicens Domino*.

**BARBARUS.** Est *ἐπεὶ ὄγλωσ*, qui est diversæ linguæ, ita ut non possit à nobis intelligi, nec nos ab illo. Vide 1. *Corinth.*



14. vers. 11. Etelegāter Ovidius in Ponto:

*Barbarus hīcego sum, quia non intelligor ulli.*

Origo vocis est Chaldaica. Nam Chaldaeis *ܒܪ* est ager, silva, desertum: item foris, extra: denique exterus, peregrinus. Duplicatio vocis notat admodum extraneum. Quidam derivant à *ܒܪ* *filius* q. d. filius, filius nempæ terræ, vel ignotus.

BAR JONA. Hieron. putat legēdum, *Ἰωαννᾶ* Matth. 16. vers. 17. Latine *Iohanan*. Sed prior lectio est recepta. Est autem cognomen Petri Apostoli: de quo infra. Cateiūm aliquot nomina propria occurrunt in N. T. in quibus vocula *Bar* ingreditur compositionem. e. g. *Βαρθολομαῖ* *Θ*, nomen Apostoli, Hebr. *filius haurientis aquas*. *Βαρεμοῦς* *Θ* *filius Iesu*. *Βαρνάβας*, *filius consolationis*. *Βαρσαβᾶς*, *filius quietis*. *Βαρτύμαι* *Θ*, *filius immundi*. Vocula *Bar* est idem quod *Ben*: quæ vox cernitur in *Beniamin*, filius dextræ: item in *Βουαεργῆς* Marc. 3. 17. quæ vox est Syriaca, Græcè *ὑοὶ βροντῆς*, *filius tonitruī*. Sic Johannes & Jacobus fuerunt dicti. Vide paulò pōst titul. *Βροντᾶν τὴν θεολογίαν*.

*Βασανίζω*. Proprie est ex postulo examinando, inquirendo fatigo, molestiam exhibeo, torqueo. Hoc verbum tribuitur testibus veritatis Apoc. 11. Quemadmodum itaque exercitus bestię præter ius affligit filios Dei, quod verbo *ἀδικήσαι* significatur Apoc. 9. ita testes Christi de injuria facta expostulant, authoremque in jus vocant, & multum negotii eis faciunt. Quam in sententiā etiam usurpatur vox *βασανισμός* Apoc. Aliàs eadem radix Græca Apoc. 14. 10. 11. de æterno cruciatu eorum, qui bestiam adorarunt, usurpatur.

BASILICA. Regum habitacula primò appellata sunt basilicæ. Deinde templa

cœperunt etiam hoc nomine insigniri: vel propter regiam structuræ magnificentiam, vel quia Deo regi regum cultus ibi exhibetur.

BATTOLOGIA. Deo vitia insunt in battologia: repetitio eorundem verborū, odiosa, inanis, ac vana: item multiloquium. Christus in precibus damnando battologiam, utrumq; vitium damnat Matt. 6. v. 7. Quid verò, inquiet aliquis, an non licet Deum precari multis adhibitis verbis? Resp. Christus damnat ejusmodi *πυλλολογίαν*, quæ 1. intentionem orantis frangit, & à proposito abducit. 2. copiā verborum, quasi agmine facto, ut loquitur Tertullianus, putat se posse aliquid impetrare, adeoque in multiloquio ponit meritum. Ita Dominus d. l. de Gentibus ait, ipsas *τῇ πυλλολογίᾳ δοκεῖν εἰσαπεσθῆναι*, ob multiloquium putare se exaudiri. Polybius id vocat *μαργανθῆν* *πρὸς τοὺς θεοὺς*, q. d. lenocinium & indecoras blanditias adhibere ut deos flectas. Hoc modo accipere oportet, quæ Clemens Alexandrinus libro 7. *Stromat.* Chrysostom. comment. in *Matthæū*, & orat. de Anna Samuelis matre, Ambrosius libro primo, de *Abel & Cain* c. 9. differunt de multiloquio, illud Deo displicere in precibus: scil. non per se, sed propter duo illa quæ diximus.

BATUS. Apud Hebræos erat mensura liquidorum, decima pars chomeris, quanta est epha aridorum. Fit tamen, ut eadem aliquando mensuræ aridorum & liquidorum dicantur: & tum aridorum majores sunt, liquidorum minores; quia arida accumuluntur. Hinc nonnulli conciliant loca 1. Reg. 7. vers. 26. & 2. Paral. 4. vers. 5. ubi mentio fit lacus fusi & in templo Salomonis dicati. Illi duo millia batorum, hīc tria cepisse dicitur: quòd illi.

illuc de liquidis, hinc de aridis sit sermo. Alii malunt dicere, minorem fuisse mensuram quæ ordinariè inferebatur; maiorem verò totam capacitatem usque ad summitatē labri. Prior conciliatio est Schindleri, posterior Fr. Junii.

**BEELEZEBUB.** Sunt duæ voces Chaldaicæ: *ܒܠܕܝܢ* dominus, *ܒܠܝܬܐ* musca. Erat idolum Ecronitarum in Palæstina, ex eo dictum, quod muscas perniciosas & pestilentes abigeret, cum ipsi litatum esset. Et Jupiter, qui muscas depellebat aut interficiebat, apud ethnicos appellatus fuit *μυιαῖος*, & *μυιαῖδης*, muscarius: item *δομυῖος*, & *δομυιαῖος*, muscarum depulsor. Idē vocabatur *Achor* à nomine urbis Ecron, siue *Acron*. Cæterum *Matth.* 12. v. 24. *Marc.* 3. v. 2. *Luc.* 11. v. 15. princeps dæmoniorum vocatur *Beelzebub*, corruptè *Beelzebub*; quod tamen apud Chaldaeos est dominus stercoreis. *ܒܠܕܝܢ* enim illis est sterco. Sed prius etymon est *γνήσιον*, quod nempe diabolus ab illo Ecronitico idolo nomen accepit: qui alioqui etiam dominus muscarum dici possit, i. e. reliquorum immundorum spirituum. *LXX.* 2. *Reg.* 1. v. 4. *Baalzebub* verterant *Βάαλ μυιαῖος*.

**BELIAL.** Est vox Hebræa, significans nequam: q. d. *ἀχρεῖος*, ex *ל* sine, & *ל* prodesse: vel q. indomitus, ex *ל* sine, & *ל* iugo. Græci dicunt *ἀκόλαστον*, impunibilem. Dicitur de personis & rebus *Deut.* 15. v. 19. & usurpatur ut nomen appellativum, & proprium Satanæ 2. *Cor.* 6. v. 15. Sunt qui putant Belial esse idem cum Hebraico Bel: ut sit nomen idoli.

**BELLUM.** Metaphoricè ponitur pro multiplici lucta, quam experiuntur filii Dei in Ecclesia militante. Unde Poëta:

*Nunquam bella piis, nunquam certamina desunt:*

*Et qui cum certet mens pia semper habet.*

**BENEDICO.** Dicitur de Deo, homine, & aliis creaturis. Nam Deus benedicit, vel influendo *Gen.* 1. 22. vel sanctificando, siue destinando sancto usui *Gen.* 2. 3. Benedicit homo vel laudando Deum *Genes.* 14. 48. vel bene precando homini *ibid.* v. 19. Benedicunt aliæ creaturæ, testando de maiestate Dei *Psal.* 103. 21. 22. Porro benedico per ironiam etiam ponitur pro maledico 1. *Reg.* 21. 20. *Iob.* 1. 5. 11. 6. 2. 5. 9.

**BENEPLACITUM.** Scholastici beneplacitum Dei vocant benevoluntatem Dei affectum erga nos in Christo: Scriptura appellat *ἡδοκίαν* Θεοῦ. Placitum Dei vocant eius voluntatem in genere.

**BESTIARIUS.** Duo significat. 1. qui cum bestiis pugnabat ludis publicis in amphitheatro. 2. qui ad id periculum damnatus erat. Græcis dicitur *θηριομαχος*. Christiani in primitiva ecclesia ante Constantini M. tempora hoc supplicio sæpe fuerunt affecti. Unde *Amm. libr.* 15. Quanquam ut bestiarii obiceremur intra tabilibus feris. Cæterum *θηριομαχῆν* etiam aliam habet significationem, quā vide infra in lit. τ.

*βδελυγμα ἐρημώσεως*, ABOMINATIO DESOLATIONIS. Vulgo intelligunt per hanc phrasin desolationem illam urbis & templi per Romanos. Sed revera Christus *Matth.* 24. & *Marc.* 13. intelligit per has voces corruptelam cultus divini, quā comitatur pœna. Intelligit, inquam, ultima Iudaismi & Mundi tempora, ita ut ibi cum profanatione cultus sacri cohareat tyrannis Romanorum, hinc cum extrema morum impietate & publica idolatria certissima variarum plagarum confluxes, ut ita dicam. Ubi notandum est *βδελυγμα* Græcorum ad unguem exprimere

primere Hebræorum יִרְשָׁן *Dan. 9. v. ult.* & מִשְׁכַּן respondere voci ἐρημωσις. *ibid.* Nam יִרְשָׁן propriè illud significat, quod immundum reputatur, quodque in cibo aut potu non citra nauseam abominamur: qualis nempe Judæis est caro suilla. Hinc deinceps admodum eleganter ad idola, & quæcunque cultus idololatriæ instrumenta transfertur: quibus nempe hæc appellatio ab affectu tribuitur, quem huiusmodi σκύβαλα apud pios & fideles movent & cauantur: Qui videl. illa non leviori indignatione, quàm ipsissima diaboli excrementa, ave santur. Nam hæc propria vis & verbi יִרְשָׁן, *aliquid cum nausea avertari, abominari.* Qua ratione vox hæc alteri מִשְׁכַּן è diametro opponitur, in eo quòd Daniel similiter per eam indicat idololatricorum instrumentorum effectum, quem apud impios & infideles in primis habent, dum eos incusso stupore effascinant, & magica quadam vi ad superstitionem pelliciant. Nimirum מִשְׁכַּן significat huiusmodi desolationem, qua locus aliquis ad horridam & vastam solitudinem redigitur, quæ intrāti protinus horrorem incutit. Unde hoc verbum non semel significat: *attonitum fieri præ admiratione obstupescere.* Ab hoc ergo fonte angelus apud Danielem vocem istam transfert ad profanationem templi & tyrannidem Romanorum, ita ut significet ista tria. 1. *Profanationem templi internam & spiritualem:* qua Judæi sanctum illud sanctorum, quod olim tale fuerat, in horridum delubrum, & cultum ipsum in detestandam idololatriam transformarunt, non aliter quàm si dæmon aliquis impurus locum illum à Deo deferrum occupasset. Sic enim Spiritus sanctus totius templi, & ipsius præcipuè sanctua-

rii, statum ab eo tempore æstimat, quo verum Christi sacrificium extra templū, imo extra urbem, in cruce oblatum est, per quod omnis sanctitas templi ablata, & sub apricum cælum ad universas gentes translata fuit. Cur verò Apostoli atria templi frequentarunt? Resp. Ut in iis populi concursus captarent, vel in gratiam infirmorum adia phoras quasdam ceremonias ibi peragerent, non verò ut operoso sacrificiorum cultu defungerentur. Universus enim ille cultus post ablatum nucleum, id est, repudiatum Messiam, & consummatum illius æternum sacrificiū, prorsus vanus & merè idololatricus fuit: à quo propterea tantum abest, ut Deo placeat, ut potiùs iram eius provocet, & fatales calamitates exasperet. 2. *Externam & realem profanationem;* quæ peracta fuit per depictas aquilas Imperii Romani & Imperatorum imagines, & similia, quæ Romani ad maius ludibrium Judæorū in templum intulerunt. 3. *Externam tyrannidem populi Romani;* quam detestanda illa populi Judaici ingratitude ab eo tempore, quo Christus obtulit suum sacrificium in ara crucis, contra se irritare & exacerbare non desinebat. Atque hæc omnia significantur phrasi βδέλυγμα ἐρημώσεως. Ubi non est prætereundum hanc eandem phrasin Antiocho Epiphani & Antichristo competere, hoc modo. Antiochus Epiphanes Jovem suum Olympium in templo Dei super altari collocavit, atque ita intulit מִשְׁכַּן יִרְשָׁן *abominationem desolantem* q. d. idolum, quod vastitatem secum adfert. Eandem quoque phrasin Spiritus sanctus transfert ad Anrichistū eiusdemque multijugam idololatriam & splendidum religionis apparatus, cui ad stupefaciendos mortales Dei nomen



prætendit. Illius enim universus religionis apparatus cōtendit, ut spectatores & auditores ad cæcam devotionem inducantur, & imperatorum animi injecta pro vera Dei cognitione superstitione, percellantur & attoniti reddantur. Pertinent huc stupendę templorum moles, monumenta antiquitatis, splendor ceremoniarũ theatricarũ, & in primis missa cui tanq̃ centro & basi cultus profanati vox **ἱερὸν** propriissimè competit: sicuti etiam videmus eos, qui templa Antichristi ingrediuntur, ad Missę spectaculum pectus contendere, & ceu attonitos in terram procidere. Est autem hoc diaboli artificium valde antiquum. Nam ethnicorum sacrificuli in suis delubris & fucis varias ceremonias adhibebant, & heroum suorum miracula allegabāt. Quid? Ipse populus Dei per Jeroboamum eodem artificio seductus fuit. Collocavit enim ille suos vitulos in tribu Dan, & in Bethel suar tribus oppido, ut ex his ipsis locis antiquę Patrum religionis, & miraculosę conversationis sanctorum Patriarcharum prætexitum captaret, per quem vulgus Israeliticum effascinat, ut relicto vero Dei cultu idola ipsius amplecterentur. Confer *Genes. 28. 17. & seqq. Iud. 18. 30. 1. Reg. 12. 29. 30.* Græci huiusmodi idolatricum spectrum *μορμόν*, & illius delubrum *μορμολυκεῖον* vocant. Daniel *cap. 9. vers. ultim. & cap. 11. 31.* in historia Antiochi, item *cap. 12. 11.* in explicatione negotii Antichristi appellat, ut iam aliquoties diximus **ἱερὸν Ἰησοῦ** quod Christus in prophetia de ultimis mundi temporibus *βδελυγμα ἐρημώσεως* interpretatur. Hinc ergo liquet, per hanc phrasin non tantum externam urbis templique destru-

ctionem & vastationem indicari: sed etiam internam & spiritualemente templi profanationem, quę in tribus est posita. 1. Ordo sacerdotalis cum primoribus populi sua hypocrisis & avaritia templum templique cultum multipliciter corruerat, & ex domo precationis speluncam latronum effecerat. Confer *Matth. 21. 13. cum Ierem. 7. 11. & Ezech. 8.* 2. Christus huic iniquitatis mysterio superveniens, extra templum ipsamque civitatem in ara crucis unicum illud Deo Patri verumque & æternum sacrificium obtulit, per quod vetus ceremonialis cultus, qui templum hætenus sanctificaverat, consummatus & de facto cassatus fuit, ut ab eo tempore illud templi ædificium nihil aliud quam vastum delubrum esset. 3. Ad spiritualemente istam profanationem accedebat Romanorum multiplex protervia, qua illud de facto violabant. Hæc autem omnia sunt typus Antichristianę desolationis, ut in superioribus diximus. Hodie sanè plus satis experimur, quomodo religio Romana sit **ἱερὸν Ἰησοῦ**.

**Βεβαιός.** Est firmus. *Βεβαιός*, confirmo. Occurrit hæc vox *Hebr. 13. vers. 9.* *Bonum est enim gratiā constabiliri* (*βεβαιώσθαι*). cor. Intelligit gratiam Dei in Jesu Christo vera fide apprehensam. Hæc enim sola constabit, sive confirmat cor nostrum. Hinc *Cyprianus de mortalitate, sect. 2.* Quis hinc anxietatis & sollicitudinis locus est? quis inter hæc trepidus & mæstus est, nisi cui spes & fides deest? Et *Augustinus tom. 10 de verbis Domini serm. 28.* Præsume non de desperatione tua, sed de Christi gratia. Et *Fulgentius libr. 1. de prædestinat. ad Monitum:* Justus ex fide vivens, fiducialiter dicit,

cit, Credo videre bona Domini in terra viventium. Sic *Bernhardus epist. 190. ad Innocentium Papam*: Non est enim fides æstimatio, sed certitudo.

**BEHEMOTH.** *Behemah* Hebræis propriè est pecus, iumentum in genere: *Behemoth* plurali numero *Iob. 40.* significat maximam bestiam inter iumenta. Etenim is numerus Hebræis aliquando ad rem vnam, sed grandem, significandam traducitur. Est autem elephas maximum in iumentis, Quod autem *Behemoth* d. l. significat elephantem, ex scopo promptum est colligere. Nam Dei propositum est eò loci duobus clarissimis & incomparabilibus exemplis, ex animalium ordine desumptis, immensam suam potentiam palam asserere. Delegit ergo hanc ad rem animalia omnium maxima: qualia sunt elephas inter terrestria, & balæna inter aquatilia. Illum appellat *Behemoth*, hunc *Leviathan*. Hanc sententiam sequuntur posteriores Judæi, & plerique ex nostris.

**BENONI.** Sic Hebræi appellant participium prælens, cuius hæc est ratio, ut de omnibus temporibus, de præterito nimirum, præsentis, & futuro intelligi possit.

**BESTIA.** Per bestiam in prophetia Danielis & Apocalypseos intelligere oportet imperiū seculare. Huiusmodi bestias quatuor describit *Daniel cap. 7.* quæ sunt notæ hieroglyphicæ quatuor Monarchiarum. In Apocalypsi per bestiam intelligitur Imperiū Romanū *c. 13.* hoc modo. Archidraco, i. e. diabolus, postquam vidit, se in bello, quod in cælis gesserat, succubuisse *Apoc. 12.* illud in terras transtulit. Ut autem ibi felicius illud administret, alium quendam Subdraconem sibi adsciscit, quem sibi pro generali legato siue

locumtenente substituit. *Apoc. 13. 2.* Draco iste est bestia septiceps & decemcornis. Hæc est ipsissima quarta bestia Danielis, ut vel ex eo patet, quod Johannes in bestia suæ descriptione textū Danielis magnam partem repetit, ut nihil dicam de experientia totiusque mundi historia. Ubi non est prætereundum, quartam Danielis bestiam esse reliquarum trium cōpendium: quam ob causam ipsi tribuentur symbola sive notæ hieroglyphicæ trium præcedentium: puta *os leonis*, propter imitationem formidabilis tyrannidis, & blasphemiarum, quas leo Babylonicus olim in populum Dei & templum, ipsiusque cultum exercuit & evomuit: *pedes ursi*, propter imitationem Persicæ rapacitatis, libidinis & avaritiæ: denique *figura pardis* propter similitudinem lucisus & degenerantem *à Corian* & sævitiam imperii Macedonici. Nimirum, quidquid Israelitæ à leone Babylónico, urso Persico, & Pardo Macedonico sigillatim sunt perpeffi: hoc Ecclesiæ N. T. sub quarta bestia coniunctim est exantlandum: ut huic Bethulix nec Nebucadnezaros, & illorum duces Holophernes, nec Ahasveri, & illorum Hamanes, nec Antiochi, & illorum duces atque satelites defuturi sint, qui eam perpetuò exerceant. Itaque Ecclesia N. T. potest dicere cum Davide *Psal. 3. 2. 3.* Domine quantum multiplicantur inimici mei? Multi insurgunt adversum me. Multi dicunt anima mea, non superesse ei salutem in Deo. Ubi Rabbini annotant, querelam hanc à Davide nomine totius Ecclesiæ institui super persecutorum suorum tam tyrannorum quàm hypocritarum multitudine, ita ut vox רבים significet quatuor bestias Danielis puta Romam, Babylonem,

Javanem & Medos: ubi Romana primo loco sit posita, quod reliquarum trium bestialem malitiam sub se comprehendat, eamque longius propaget, quam tres priores. Atque hæc est bestia illa Danielis quarta, & quam etiam describit Apocalypsis, unam quidem subiecto sive corpore, sed geminam tempore & spiritu. Bestia siquidem apocalyptrica est antiqua, & rediviva, seu primaria, & secundaria. *Antiqua & primaria* est verus Romanum imperium & ethnicam. Septem ipsius capita notant plenitudinem potestatis, quam in septem montibus, & per septem reges exercuit. Decem ipsius cornua notant externum ipsius robur in totidem provinciis. *Rediviva & secundaria bestia* est Roma Christiana degenerans, in qua veri & nativi Antichristi medulla nobis exhibetur. Hæc bestia ascendit è terra, hoc est, non è cælo habet suam originem, ut ecclesia, sed tota è terresti fastu & ambitione componitur, & ex obscuris atque sordidis initiis ad supremum in terris maiestatis culmen pervenit. Cornua huius bestiae sunt similia cornibus agni, hoc est, mitis & innocentis imperii speciem præ se fert. Sunt autem cornua duo, per quæ Mahumedismus & Papismus intelliguntur, ita ut alterum cornu in Oriente, alterum in Occidente suam operationem exerceat. Sanè hæ duæ potentissimæ Antichristi familiæ ex collapsis primæ bestiae ruderibus, hoc est, ex veteris Imperii Romani ruina, sub habitu doctorali seu prophetico extiterunt. Et Papa quidem Romam occupavit, avitam illam sedem, Mahumed autem Constantinopolin, alteram Imperii Romani Metropolin. Rursus Papa habitu meretricio utitur, & ideo comparatur mulieri,

quæ dicitur insidere bestiae, Mahumed verò bestiam totâ subvertit. Sed in pauca contrahamus significationem vocis *Bestia* in Apocalypsi. Ufus eius est æquivocus, quia iam latè, iam strictè eo utitur Propheta. *Latiùs* utitur, quando Bestiae appellationem etiam antiquo Imperio tribuit, ut 6. 13. 4. 12. & tum vox hæc nihil aliud quàm apud Danielelem significat, potens aliquod & vulgare mundi regnū, quod sanctis præcipuè & Dei populo formidolosum est. Utitur eodem est i-ctiùs bifariam. Primò enim sub Bestiae appellatione illud Imperium indicat, quod ex Agni & Diaconis heterogeneis speciebus conflatum in prioris Bestiae regalia succedit *cap. 13. 11.* deinde specialissimè per vocem hanc Papatum indicat, ipsamque Italiam, & Urbem Romam præcipuè: Et hæc ferè capitis 17. significatio est. Ceterùm bestiae mysticæ semel & tricies fit mentio in Apocalypsi, hoc modo. *cap. 11. v. 7. 6. 13. v. 1. 2. 3. 11. 12. 14. 15. 17. 18. 6. 14. v. 9. 11. 6. 15. v. 2. 16. v. 2. 10. 6. 17. v. 3. 7. 8. 11. 12. 13. 17. 19. 20. 6. 20. v. 4. 10.* Memineris quibusdam in versibus bis occurrere hoc nomen, ut 6. 13. v. 12. 6. 17. v. 8. 20.

BETHLEHEM. Duæ urbes occurrunt hoc nomine: altera in tribu Juda, quæ & Ephrata cognominata: altera in tribu Zabulon, id est, in Galilæa inferiore. In priori Christus est natus *Matth. 2. vers. 6.* Nimirum panis vitæ natus est in domo panis. Id enim sonat *Bethlehem*. Hic disputatur, in urbe ne an extra urbem Christus sit natus. *Iustinus Martyr in dialogo cum Tryphone*, ad urbem, non in urbe, versatam esse tum B. Virginem scribit: ἐν ἀσχηλαίῳ πνὶ, αὐτ, σύνεγγυς τῆς πόλεως κατέλυ-  
Cen, *In aliquam speluncam vico propinquam divertit.* Et *Eusebius libr. 7. demonstr. evang.* agrum



agrum ostendi solitum ait, ubi virgo partum admirabilem esset enixa. *Baronius in annalibus suis ad an. i. ait*, speluncam, in qua dicitur Christus esse natus, non in urbe, sed in subuibiis Bethlehemiticis fuisse positam. Sed *Casaubonus exerc. i. doctè ostendit ex verbis Lucæ*, Josephum & Mariam non invenisse locum in diversorio, sed in stabulo jumentorum, quod erat diversorio conjunctum, aut saltem propinquum.

**BIBLIA.** Per excellentiam Biblia dicuntur libri sacri canonici & ἐκδοθέντες, prophetici & apostolici. Quinquam sub hac appellatione aliquando etiam comprehenduntur libri apocryphi. Sunt autem in universum libri canonici utriusque testamenti; si omnes sigillatim enumeremus, LXVI. veteris quidem XXXIX. novi vero XXVII. Veteres Judæi, pro numero alphabeti Hebræorum; ad XXI. redigunt libros V. T. *Ioseph. contr. Appion.* Sic & *Athanasius in synopsi scripturae sacrae*: Sunt itaque Canonici veteris instrumenti libri viginti & duo, literis Hebraicis numero pares. Totidem enim apud Hebræos sunt literarum elementa. Præter istos autem sunt adhuc alii veteris Instrumenti libri non-canonici, qui catechumenis tantum leguntur: Sapientia Salomonis, Esther (*id est, adiectiones ad librum Esther.*) Judith, Tobiae &c. Hic verò librorum numerus ita efficitur, ut liber Judicum & Ruth, uterque Samuelis, Regum, Chronicorum, itemque Esdræ & Nehemiae, prophetia Jeremiae & Threni, denique duodecim prophetæ minores, sub uno singuli comprehendantur. Vide *Melitonem apud Eusebium*, *Origenem apud eundem lib. 6. hist. eccles. c. 19.* *Hieronymum in prologo Galeato, & alios.* Ele-

gans hac de re est carmen apud *Gregorium Nazianz. in carminibus*:

Ἀρχαίαις μὲν ἔθηκε δῶν καὶ εἴκοσι βίβλος,

Τοῖς τῶν Ἑβραίων γράμμασιν ἀντιθέτας.

Atque pro duplicium literarum Hebraicarum numero, quinque duplices designari volunt, videl. duos Samuelis, Regum, Chronicorum, Esdræ & Jeremiae. Nonnulli tamen supputant **XXIV.** libros V. T. ita nempe ut historiam Ruth & Threnos Jeremiae sejungant. *Hieron. in prologo.* Unde posteriores Judæi Scripturam V. T. **תנ"ך** appellant. Et ita quidem enumerari solent libri canonici. Enumerationi subjiciemus distinctionem. Ea verò est varia. Nam primò libri sacri distinguuntur secundum aucthores: quod nempe scripti sint à Mose, Esdra, regibus, ut Davide & Salomone, luminis sacerdotibus, prophetis, evangelistis, & apostolis. Deinde distinguuntur secundum tempus scriptionis, quod sint exarati ante captivitatem Babyloniam, in illa, vel post illam. Tertiò distinguuntur certis classibus, quæ Judæis, Græcis, & Latinis non sunt uniusmodi. Antiquissima partitio est ea, quæ ab Esdra putatur facta, qua usus est verus synagoga, quamque approbarunt Christus & apostoli: qui libros V. T. distribuunt vel in duos ordines, legem Moysi (quæ simpliciter Lex, & Moses dicitur) & in prophetas *Act. 18. v. 23. Matth. 5. v. 17. Luc. 16. v. 29.* vel interdum in tres, nempe & Psalmos *Luc. 24. v. 44.* sub quibus tanquam præcipuo libro Hagiographos comprehendunt. Discrimen tantum est in numero. Josephus secundi ordinis facit **XIII.** Jobo & Daniele prophetis

phetis annumerato; reliquos quatuor tertii ordinis facit. Hieronymus ex Judæorum sententia secundo ordini assignat octo, qui sunt Josua, Judices & Ruth, Samuel, Reges, Esaias, Jeremias, Ezechiel, & *Tereasar*, id est, duodecim prophetæ, qui & liber prophetarum dicitur *Ast. 7. v. 42.* reliquos verò novem hagiographis accenset. Vide infra titul. HAGIOGRAPHIA. Cum hac distinctione eadem est hodierna Hebræorum: quamvis in quatuor ordines facere videantur. Nam post legē, quam חמשה חומשי תורה *Chamisicha Chomesche Tora*, id est, πέντε βιβλία νόμος, seu quiniones, id est, quintas partes legis appellant: subiiciunt, seu potius conjungunt cum lege Sepher seu חמשה חומשי, id est, quinque volumina: putà Canticum canticorum, Ruth (quem librum ab initiali voce appellant *Echa*) Ecclesiasten, & Estherem: non tanquam secundam Bibliorum partem, sed ob singularem Synagogæ usum, anniversariam scil. certis temporibus, juxta legem eorum, lectionem, ab hagiographis divulgata. Secundus itaque illis ordo est prophetarū, seu נביאים, quos distinguunt in priores & posteriores. Illi à Josua usque ad Esaiam, hi reliqui, fortè à tempore, quo scripserunt, & eorum libri in thesaurum ecclesiæ repositi sunt, sic nominati. Tertiū denique ordo est כתובים, quem *ῥαφεία* & *ἀγιοῦ ῥαφα* vocāt. Græci & Latini hunc ordinem observant, ut libros V. T. distinguant in historicos, dogmaticos, & propheticos. Inter Græcos *Gregorius Nazianzenus libro carminum* historicos facit XII. Mose historicis annumerato: quinque metricos seu poëticos: denique prophetarum, duodecim prophetis uno volumine conjunctis. *Epiphanius lib. de mens.*

*et pond.* Paulò aliter constituit classes horum librorum. Eum sequitur Damascenus, hoc modo. Quatuor sunt Pentateuchi, seu quinarii, & unus binarius. Primus est νόμος, seu νομοθεσία, lex seu legislatio: secundus *ῥαφεία* seu ἀγιοῦ ῥαφα; ut sunt Josua, Judicum cum Ruth, Samuelis duo. Regum duo, & duo Chronicorum: tertius *ῥαφεία*: quartus, *ῥαφεία*. Binarius deniq; est Esdras & Esther. Alii partiuntur libros historicos V. T. in pentateuchum Mosis, expressa Hebraica voce *פנתי*: & octateuchum, ut sunt Josua, Judicum, Ruth, libri quatuor Regum, duo Paralipomenon, Esdræ duo libri, & Esther. Sunt etiam qui libros historicos dividunt in pentateuchum Mosis, trireuchum (ut sunt Josua, Judicum & Ruth) & octateuchum; ubi sunt duo Samuelis, duo Regum, duo Chronicorum, Esdras cum Nehemia, & Esther. *Scholastici* libros V. T. distinguunt in legales, historicos, dogmaticos sive sapientiales, & propheticos, quos ratione magnitudinis scriptorum dividunt in majores & minores. Porro libri N. T. distinguuntur vulgò in quatuor classes. Prima complectitur quinque evangelia: secunda, Acta apostolorum: tertia, epistolas: quarta, Apocalypsin. Commodè autem hi libri distingui possunt in historicos, dogmaticos, & propheticos. Historici sunt quatuor evangelia & Acta apostolorum: dogmatici, epistolæ: prophetici, apocalypsis. Quod attinet ad epistolas, illæ dividuntur in particulares & catholicas. Epistolæ particulares sunt XIV. Paulinæ: è quibus aliæ inscriptæ sunt particularibus ecclesiis, putà Romanæ, Corinthiæ &c. aliæ particularibus personis, nempe Timotheo: aliæ integræ nationi, putà Hebræis.

Hebræis. Epistolæ catholicæ sunt, quæ inscriptæ sunt ecclesiæ catholicæ: ut sunt septem epistolæ aliorum apostolorum. Dicuntur autem catholicæ à potiori. Nam duæ Johannis, ad Electam Dominam & Gajum, sunt particulares. Cæterum epistolæ catholicæ etiam dicuntur canonicæ, & formales. Causam vide ad titul. CANONICUS.

BLASPHEMUS. Theologis dicitur, qui est maledicus in Deum, qui divinam majestatem injurioso dicto, vel etiam cogitatione lædit: etsi de dicto propriè usurpatur. Hinc est verbum fiequens ecclesiasticis scriptoribus, *blasphemo*. Porro blasphemus dicitur de persona & re. Sic *Act. 6. v. 13. βλάσφημα ῥήματα καλῶν*, verba blasphemia loquens. *Βροντᾶν τὴν θεολογίαν*. *Chrysostomus in editione Etonens. tom. 5. pag. 696.* tres evangelistas, Matthæum, Marcum, & Lucam comparat fulguri; *οἱ μὲν, αὐτῶν ἐκέλευσαν τὴν οἰκονομίαν*, fulguribus similes Christi dispensationem, i. e. incarnationem, illustrarunt: at Johannem tonitru; quem αὐτῶν βροντᾶν τὴν θεολογίαν, scientiam de deitate Christi tradere, quæ sit instar tonitru ad percellenda hominum ingenia. Alludit ad illud Christi, qui Johannem & Jacobum vocat *Boanerges*, i. e. filios tonitru. Quæ appellatione non solum Johannes & Jacobus, sed universus apostolorum chorus edoctus est, brevissimo quodam doctrinæ compendio, Dei verbo nihil esse potentius, nihil violentius: neque illi magis à potestatibus hujus mundi resisti posse, quàm tonitru potest arte humana impediri. Vide *Psal. 29. vers. 3. & seqq.* Quæ Davidis verba explicant egregiè vocem *Boanerges* כְּנִיָּרִים. Nec dissimile est illud *Ierem. 1. v. 18.*

BULLÆ INDULGENTIALES.

Ita dicuntur diplomata sive literæ Pontificis Romani, in quibus datur absolutio pro reatu pænæ temporalis, per applicationem meritorum Christi & sanctorum. Hæ non fuerunt notæ per ecclesiam catholicam, mille amplius annis à Christo. Alexander III. qui sedere Romæ cœpit anno Domini 1159. in epistola ad Archiepiscopum Cantuariensem sic scribit, *Decretal. lib. 5. tit. 38. cap. 4.* Quod autem consuluisti, utrum remissiones, quæ sunt in dedicationibus ecclesiarum, aut conferentibus ad ædificationem pontium, aliis profint quàm nis, qui remittentibus subsunt; hoc volumus tuam fraternitatem tenere, quòd cum à non suo iudice, ligari nullus valeat vel absolvi, remissiones prædictas illis tantummodo prodesse arbitramur, quibus ut profint, proprii iudices specialiter indulserunt. Hinc colligere est. 1. ad omnes tum episcopos pertinuisse, indulgentias dare. 2. indulgentias Alexandri sæculo vix notas: eò quòd Archiepiscopus Cantuariensis Romam misit, ut cognosceret quibus specialiter prædescent. Ante tamen annum 1095. Urbanus II. Papa indulget omnium peccatorum veniam, & in retributione justorum salutis pollicetur augmentum, ut ait *Matthæus Paris in VVilhelmo II.*

BYSSUS. Est genus lini optimi, tenuissimi, mollissimi, & candidissimi: quod in Ægypto, India, & aliis quibusdam paucis locis feritur, inde quæ distrahitur per varias orbis partes. Ex eo conficiebantur vestes, præsertim sacræ & regiæ. Nomen habet à colore, quòd sit albissimum. Nam כִּיץ est albare adhuc Arabibus. Mysticè seu spiritualiter byssus explicatur justificationes sanctorum.



etorum, hoc est, iusta & pura opera hominum in Christo justorum significat *Apec. 18. v. 12. 16.* Itaque sicut vestis purpurea Christianorum est sanguis Jesu Christi per fidem aspersus cordibus: ita vestis byssina est sanctimonia vitæ Deo placentis in Christo. Ibi cernitur meritum Christi: hinc efficacia. Nam ut ab Adamo habemus malum meritum, & inefficiam ad bonum: ita à Christo habemus bonum meritum, & efficaciam ad bonum.

**CABBALA.** Est doctrina aliunde accepta, seu audita. Tribus modis usurpatur ista vox. 1. Est doctrina patriarcharum, quam accepit unus de ore alterius, & tradidit posteris de manu in manum, inde ab Adamo usque ad Moysen, qui legem scripsit. 2. Est lex axiomatice, seu ore tenus tradita, expositio legis scriptæ, quam Moyses in monte Sinai ex ore Dei accepit spatio quadraginta dierum. De hac Judæi sentiunt quod Moyses eam tradidit Josuæ, Josua LXX. Senioribus, hi prophetis, hi viris magnæ synagogæ, hi suis successoribus per multas ætates usque ad illud tempus, quo tandem fuit mandata literis, & inde confectum Talmud. 3. Est ars illa Bereschit & Mercabah, item Gimatria, Notarjekun & Temurah: de qua rectè aliquis dixerit,

*Sunt bona mixta malis,*

*Sunt mala mixta bonis.*

*Scaliger lib. 1. poet. c. 1. de traditionibus huiusmodi* ait: Artes per manus tradi dictæ sunt, quod adeo declararunt Græci, cum dicere consueverunt *ὅς τις ἰατρῶν*. Neque enim scripta edebantur, sed certo sacramento per successiones *ἀπαφά*: quod & Pythagoreos fecisse ajunt, & Druidas ex historiis observatum est: & Chaldæos

scimus ex eo, quod sonat Cabbale nomen.

**CADESA.** Quibusdam veteribus ita dicitur meretricis, ex Hebræo *קדשה*: quod est à *קדש* sanctum esse (per antiphrasin) vel paratum esse, ut prostibulum intelligatur, quod publicè se prostituit, & paratum est ad nutum cuiusvis. Hinc deducunt Græcum *καία*, & nostrum *Roge*. *Ambrosius exhort. ad virg.* honestè interpretatur *Cades*, in primigenio scilicet significatu: *Cades, inquit, innupta est, quæ est sancta corpore & spiritu. Et mox: Cades est, quæ filios nescit.*

**CADUS.** Est vox planè Hebræa: sed Græcis & Latinis trita pro sua. Sic enim *Virgilius Aen. 1.*

*Vina bonus quæ deinde cadus onerarat Acestes.*

Est autem cadus nomen aliàs generale, aliàs speciale: quippe quod significat æqualem *Gen. 24. v. 14.* ollas fictiles *Iud. 7. v. 20.* vas farinæ condendæ *1. Reg. 5. v. 12. 14. 16.* &c. Alioqui cadus, sive meretricia Græcorum, est ipsissima amphora Artica sive Aheniensis, & respondet Hebræorum *Epha*, quæ tantum in aridis capiebat, quantum in liquidis Bathus. Porro *Cadus* non est *Cabus* Hebræorum. Hæc enim erat minima aridorum mensura, definita ovibus 24.

**CÆDO.** Est 1. abscindo, amputo, præscindo, scindo, seco. *Levit. 1. 8. Deut. 19. 5. Ios. 9. v. 21. 23. 27.* 2. ferio, percutio, verbero. *Exod. 5. v. 16. Num. 22. v. 27. Hof. 7. v. 12. Marc. 12. v. 3. 5.* 3. interficio, jugulo, mactō *Num. 11. v. 22. Ios. 10. 19. Ezech. 2. 6. v. 11. 4.* Offero, sacrifico. *Levit. 4. v. 33. c. 6. ver. 30. c. 23. v. 12. 1. Sam. 15. v. 21.* Vide Concordantias Biblic. vers. Latinæ vulg.

**CALENDARIA FESTA.** Sic dicebantur calendæ, quibus veteres mensem auspiciaban-

spicabantur. De quorum abrogatione vide *can. 62. synodi in Trullo habitæ*. Cæterum vox *Calendæ* interdum notat illa festa: ut *Calendæ primæ, secundæ, tertiæ*, id est festum Calendarium primi, secundæ, tertii mensis.

**CALCANEUS.** Metaphoricè ponitur pro parte sive re minùs præcipua, ut caput pro præcipuâ. Sic *Gen. 3. v. 13. Ipse conteret caput tuum, & tu insidiaberis calcaneo eius*: significatur, Christum Satanæ potestatem ademturum, & in nihilum redacturum, irreparabili & lethali damno dato, sicut est quando serpenti caput quassatur: rursus Diabolum contritum esse Christum in calcaneo, id est, non admodum magno detrimento affecturum, & omnino facilè sanabili, sicut vulnus in calcaneo facilè persanatur. *Ambrosius enarrat. psal. 40.* ait: Non divinitatem Christi, sed corporis extremum calcaneum vulneravit: temporali scilicet morte. Chaldæus à nervo veri sensus abit, & caput pro principio, *calcem* pro fine accipit. Sic enim habet: Ipse observabit tibi, quod fecisti ei à principio, & tu servabis ei in finem. *Augustinus*, secutus versionem, quæ habet *τηρεῖν, conc. 1.* sic explicat hoc protevangeliū: A Deo quid dictum est serpenti? Ipsa tuum observabit caput, & tu ejus observabis calcaneum. Diabolus calcaneum observat, quando laberis, ut dejiciat te. Ille observat calcaneum tuum, tu observa caput illius. Quod est.

**CALIX.** Hebræa consuetudine calix, sive poculum, usurpatur de eventis, & iis quæ alicui contingunt. Ita mortis poculum est ipsum supplicium. Hac de re sic adnotant *Concordantiæ Biblicæ vers. vulg.* Calix 1. poculum, & potus qui in eo cō-

tinetur ad corpus refocillandum. *Gen. 40. 11. 13. 2. Sam. 12. 3. Matth. 10. 42. 2. calix afflictionis & mortis Matth. 20. 22. 23. 39. 42. Marc. 10. 38. 39. 36 Luc. 23. 42. Ioh. 18. 11. 3. calix maledictionis & judiciorum Dei Psal. 11. 6. Esa. 51. 17. 22. Jer. 25. 15. 17. 28 cap. 49. 12. 6. 51. 7. Thren. 4. 21. Ezech. 23. 31. 32. 33. Hebr. 2. 16. Apoc. 14. 10. 6. 16. 19. 4. Calix mysticus & benedictionis. Psalm. 16. 5. & 23. 5. & 75. 9. & 116. 13. Matth. 26. 27. Marc. 14. 23. Luc. 22. 17. 20. 1. Cor. 10. 16. 21. 6. 11. 25. 26. 27. 28. Sic tibi observa calicem mysticum significare auctori concordantiarum partim beneficia Dei, partim gratiarum actionem, partim *πρωτόγον* mensæ Domini, de quo Bæda refert, suo tempore Hierosolymis illud fuisse poculum *ἀμφοτέρων*, siue *ἀμφοῶν*, ex utraq; parte ansatū: cuiuscemodi poculorum usus apud Græcos fuit antiquissimus. Hinc patet frustra litigari de forma calicis in Eucharistia.*

**CAMELVS.** Tria sunt loca in N. T. ubi fit mentio camelorum. *Matth. 3. v. 4.* Iohannes dicitur habuisse vestimentum de pilis comelorum. Vestis è pilis camelorū non fuit in aliquo usu apud Iudæos: sed primò hoc usurpatum fuit à Iohanne. Nimirum convenientissimum erat, ut, qui pœnitentiam prædicabat, habitum pœnitentiæ præ se ferret. Quò etiam pertinet austeritas victus ipsius. *Matth. 19. v. 6* dicitur, facilius esse ut camelus transeat per foramen acus, quàm dives intret in regnum cœlorū. Hoc est proverbium *τὸ ἀδυνάτον*. Nam quia Dominus indicare voluit rem admodum factu difficilem, contulit bestiam maximā cum angustissimo foramine. Frustra itaq; sunt, qui camelum hoc loco, interpretantur de fune nautico. Denique *Matt. 23. v. 24.* Christus

H

ait,

ait, Pharifæos excolare calicem, & camelum glutire. Objicit eis hoc proverbio, quòd parva peccata, aut etiam non-peccata curiosè observent, ad magna interrim conniveant, eaque excusent & defendant. est caput illius? Initium malæ suggestionis illius. Quando incipit mala suggerere, tunc repelle, antequam surgat delectatio & sequatur confusio: & tunc vitabis caput ejus, & non apprehendet ille calcaneum tuum. Quare autem Evæ hoc dixit? Quia per carnem labitur homo. Eva nobis interior caro nostra est.

CANA. Triarecententur oppida aut vici hoc nomine apud Eusebium & Hieronymum, sed tribuum diversarum: videl. Cana tribus Ephraim, Cana tribus Manasse, Cana tribus Aser, in qua Dominus aquam convertit in vinum, Nicephorus Callistus, ut hoc obiter adnotem, narrat tanquam rem certam, Simonis Cananæi fuisse has nuptias, quas primo suo miraculo Dominus decoravit. Nimirum id ille colligebat ex ipso Simonis cognomine. Sed cognomen Κανανίτης vel Καννίτης Matth. 10. 4. non fuit ἐθνικόν, nomen gentis, seu à patria illius, verùm professionis, pietatis, & zeli elogium: cuius interpretamentum posuit Luc. 6. 6. 15. 15. Ζηλωτής, amator.

CANDACE. Theologus quidam Hispanus regionem ex homine facit, dum pro regina Candace, cuius in Actis 6. 8. fit mentio, reginam de Candacia convertit: quasi sit nomen regionis. Atqui Scriptura sacra reginam Æthiopum ita vocat: & Strabo sua ætate, Tiberio imperâre, Candacem regnâsse scribit virilem sanè mulierem, sed altero captam oculo: à qua, ut Plinius & Suidas referunt, Candaces nomen ad alias Æthiopum reginas deriva-

tum est, & dignitatis haberi cœpit. Sic nomina ista Pharaos, Ptolomæus, Cæsar, Augustus ex personalibus facta sunt honoraria seu ἀξιομαππὰ apud Ægyptios & Romanos. Sic Poeta canit de nomine Sylvius: *Sylvius Albanum nomen*— Cæterum ab ista Candace usque in hodiernum diem Evangelii doctrina sonuit in Æthiopia: unde ecclesia olim divisa fuit in Græcam, Latinam, & Æthiopicam, q. d. Orientalem, Occidentalem, & Meridionalem.

CANDIDATUS. Est habitu candido vestitus, 4. Esdr. 2. v. 40. Conclude candidatos tuos, qui legem Domini impleverunt. Intelligit indatos splendidis tunicis, de quibus, v. 39.

CANICLINUS, Græcè κανικλείων. Erat magna dignitas caniclini apud imperatores Græcos. Exponit πατρίκιον καὶ ὑπεκκλησίον, q. d. imperatoris partes in rebus ecclesiasticis obibat, honore par Patriarchæ. Poterat filio suo petere uxorem filiam imperatoris, & filix filium maritum. Nomen haber inde, quòd canonum sanctionem & observationem curæ haberet q. d. κανόνας κλείων.

CANIS. Est hieroglyphicum infidelium, qui sunt extra gremium ecclesiæ. Siberus ad illud Thomæ Aquinatis.

*Ecce panis angelorum*

*Factus cibis viatorum.*

*Verè panis filiorum.*

*Non mittendus canibus.*

Sic annotat: Canes à vera religione alieni sunt, hypoerytæ, & ecclesiæ perduelles, qui sunt hæretici. Cæterum in Scriptura canis significat aliàs bestiam latrantem, 1. Reg. 21. v. 19. aliàs malos doctores verbi, seu pastores animarum, Esa. 56. v. 10. 11. aliàs impudicos, Deut. 23. v. 18. aliàs sordidos, profanos,



pfanos, ingratos, & maledicos, *Matt.* 7. v. 6. 2. *Pet.* 2. v. 21. *Phil.* 3. v. 2. *Apo.* 22. v. 13. denique viles & cōtemtos, 1. *Sam.* 17. v. 43. & 24. v. 15. 2. *Sam.* 3. v. 8. & 9. v. 8. & 16. v. 19. Concordantiæ Bibl. vulg. vers. sic adnotant. Canis 1. animal irrationale. *Exod.* 11. v. 7. 2. impius, impurus, persecutor, pfanus homo, *Pf.* 22. 17. 21. *Matt.* 7. 6. c. 15. 26. *Marc.* 7. 27. *Phil.* 3. 2. *Apo.* 22. 15. 3. mercenarius, pastor seipsum pascens. *Esa.* 56. 10. 11.

CANON. In genere est regula. Apud theologos canon dicitur 1. numerus librorum V. & N. T. ad quos, tanquam ad regulam examinanda sunt dogmata & mores. 2. ecclesiastica constitutio, quæ est velut amussis, secundum quam se ciues ecclesiæ gerant. 3. caput aliquod decretorum synodorum, quod nempe est regula reliquorū. 4. distinctio seu regula, per quam invenitur harmonia evangelistarum. Sic *Isidorus lib.* 16. c. 15. dicit canones evangeliorum. 5. catalogus & classis aliqua, quæ est tanquam regula, secundum quam, quæ sunt in illo numero, reguntur & judicantur. Hic quæritur, quomodo constitutus sit canon V. & N. T. ? Resp. Συνογή, collectio & digestio, sacerdotū librorum facta est divinitus: idque partim immediatè, partim mediatè. Immediatè: ut libri Moysi divino mandato in sacrarium sunt illati. Mediatè: ut per Esdrā, qui post exiliū Babylonicum constituit totum ferè Canonē V. T. tum p propriæ manus scriptionem aut subscriptionem *Gal.* 6. 11. tum p fidos testes: tum denique per iudicium prophetarum, cū donum prophetiæ adhuc vigeret 1. *Cor.* 12. & 14.

CANONICUS. Hæc vox primò usurpat de re. Sic libri canonici dicuntur libri Sacræ Scripturæ, qui sine contradictione in ecclesia sunt recepti, tanquā canon, regula, & amussis divinæ veritatis: seu fidei

catholicæ, ut quidquid cum eis consentit atq; cōvenit, p recto & vero sit acceptandum, quiddam ab eis dissentit, p obliquo & falso sit rejiciendum. *Synopsis Athanasii* vocat anchoras & sustentacula fidei nostræ. Appellare et possis catholicos, & ex veteribus γνησίους, ἀναμφιλέκτως ἐνδιαθήκας, & ὁμολογητέους, testamentarios. Chrysostomus homil. 1. in 2. Cor. Scripturam eleganter vocat ἀκριβῆ ζυγὸν ἀπάντων, & γνῶμονα, & κανόνα. Porro liber canonicus Patribus dicitur latè vel strictè. Utraque significatio in illo Augustini lib. 18. de civit. Dei. c. 36. occurrit his verbis: Supputatio illa temporū nō in Scripturis sanctis, quæ Canonice appellant, sed in aliis inveniunt, in quibus sunt & Maccabæorū libri, quos nō Iudei, sed ecclesia p canonicis habet, ppter quorundā martyrum passionem. Sic Augustinus. Ad quē locum oportet observare libros canonicos strictè sive speciatim dici, qui ab omnib. ecclesiis catholicis semper, sine ulla contradictione æqualiter suscepti sunt, tanquā canon fidei, vitæ, & vocationis: latè sive generali etiam illos, qui in ecclesia leguntur ut regula vitæ atq; morū, ad edificationē tum fidei, tum morum. De priori acceptione accipe definitionē illam canonis apud Varinū: Κανὼν ἐστὶ μέτρον ἀδιάρητον, πᾶσαν πρῆσθεσιν & ἀφαιρέσιν μηδαμῶς ὑπὸδεχόμενον, Canon sive regula, est mensura infallibilis, nullā additionem vel deductionē ullo modo admittens. Viderint itaq; Papistæ, quomodo mereantur de Canone V. & N. T. quando ipsi tot heterogenea admiscunt, nō aliter atq; aurifaber, q cuprū auro miscet. Porro libri canonici à Leōtio, eodē sensu, appellantur βιβλία κανονικά: ab Augustino libri Domini: à Cōstantino Magno libri evangelici & apostolici, antiquorūq; prophetarū sagmationes: rursus ab Augustino canō ecclesiasticus:

ab aliis *Protocanonicis*. Ad extremum ob-  
serva epistolas Jacobi, Petri, Johannis, &  
Judæ appellari *canonicas*, quod sub unâ  
formula ad plures mitterentur: ut voce ea  
utitur *Cassiodorus lib. 11. epist. 33.* Unde *Suet.*  
*in Domit. c. 13.* eos vocat formales: ita ut  
vox canon notet unam formulam. Et ita  
quidem vox *canonicus* usurpatur de re. De  
persona usurpatur, quando *canonicus* dici-  
tur qui sub certo canone vitæ vivit, inter  
viros ecclesiasticos: & *canonica* similiter  
inter fœminas. Latine dixeris *regularis*. In-  
ter epistolas Basilii est una ad Θεοδώρου  
καλονικην πρὸς βίαν καλονικῆν. Monachum  
interpretantur. Quales hodiè sint cano-  
nici, discere est ex *V Voluino abbate; homi-  
lia de zizanii*: Rara avis in terris hodiè  
canonicus à canone vitæ. Unde ergo?  
Audi, unde. Est namq; canon vitæ, & est  
canon pecuniæ, videl. alicujus pensionis  
certæ: unde solet dici, Solve mihi cano-  
nem meum, id est, pensionem meam. Eja  
ergo, ô canonice, inveniamus canonem  
tuum, à quo derivaris, id est, à canone pe-  
cuniæ, non à canone vitæ, id est à canone  
regionis, non à canone religionis. Porro  
*Canonica* est jus percipiendi fructum præ-  
bendæ. c. *Relatum de prabend.* Canonica  
est nomen tituli & juris: Præbenda verò  
nomen facti: & cadit in extraneum, cum  
Canonica cadat in eum, qui receptus  
est in fratrem. *Innoc. in cap. cum. M. de con-  
stit.* Quidam pro Canonica scribunt Cano-  
nia. Denique *Canonium* est locus destina-  
tus viris sacris, canonicè viventibus. Sed  
redeamus ad primam significationem  
vocis *Canonicus*. Patres Canonicum & di-  
vinum appellant vel ἀπὸ αὐτοῦ, vel κατὰ τὸ.  
Priori modo canonicum est perfecta re-  
gula fidei & morum. Et hoc sensu libri  
apocryphi appellantur ἀκανόνιστοι. Poste-

riori significato canonicum est, quod  
continet regulam vitæ, proximam Scri-  
pturæ canonicæ dignitate. Et hoc pacto  
libri apocryphi appellantur canonici, &  
deuterocanonici. Intellige libros apo-  
cryphos ecclesiasticos. Sunt enim etiam  
quidam apocryphi planè abdicati, ut τῆς  
ἀποκρυφῆς potius, quam ἀναγνώσεως  
ἄξιον, occultatione potius quàm lectione digni  
sint judicati, ut loquitur Athanasius in  
Synopsis.

CANONISTÆ. Sic dicuntur, qui  
Canones interpretantur. Hi multa pane-  
gyricè, declamatoriè, & denique adula-  
toriè dicunt, ita ut de illis meritò illud  
*Anea Sylvii de gestis Concilii Basil. lib. 1.* possit  
usurpari: Alius clamat subditorum facta  
judicari à Papa: Romanum verò Pontifi-  
cem solius Dei reservari judicio: Alius di-  
cit quia primam sedem nemo judicabit.  
Alius asserit ejectionem summorū Pon-  
tificum sibi Dominum reservasse. Alius  
asserere non veretur Romanum Pontifi-  
cem quamvis animas catervatim secum  
ad inferos trahat, nullius reprehensionem  
fore subjectum. Nec considerant miseri,  
quia quæ prædicant tantopere, verba,  
aut ipsorum summorum Pontificū sunt  
suas fimbrias extendentium, aut illorum  
qui eis adulabantur. Ceterum colle-  
ctores & expositores canonum apud Bel-  
larminum *lib. de ecclesiast. scriptorib.* hi sunt:  
Dionysius Exiguus, Martinus Bracarēsis,  
Cresconius, Isidorus Hispalēsis, Burchardus  
Vormaciensis, Ivo Carnotensis, Gra-  
tianus, Innocēti⁹ IV. Papa, S. Raymūsus  
de Penna forti, Henricus Hostiēsis, Gvi-  
do Papa, Udalricus de Argētina, Guliel-  
mus Durantes Speculator, Gvido Archi-  
diaconus, Dinus Mugellan⁹, Monaldus,  
Joh. Andreas, Petrus Bertrandus, Johan.  
Calderi-

Chalderinus, Baldus Perusinus, Petrus de Ancharano, Antonius de Butrio, Fiá-ciscus Zabarella, Johan. de Imola, Johan. de Anania, Nicolaus Abbas Panormitanus, S. Antoninus Florentinus, Andreas Barbatus, Johan. de Turrecremata, Alexander Antelle, Felinus Sandeus, Dominicus Jacobatius, Martinus Navarrus.

**CANONIZATIO.** Canonizandi potestas ignota fuit Patribus usque ad an. 880. quando Adrianus sibi hoc jus usurpavit. Quod etiam Alexander III. postea *cap. i. Extrav. de reliquiis sanctorum*, confirmavit.

**CANTICUM.** Est id, quod canitur: scil. voce, vel fidibus, vel utroque. Hebræis קָנַח est, quod voce canitur: Græcis ὠδή, ᾠδή, ὕμνος, & interdum ψαλμός, ᾠδὴ est, quod fidibus luditur, eas quasi incidendo. Nam ῥαψ est incidere. Et si aliis *Mizmór* est canticum certis & velut nume. osis sententiis incisum: aur, ut alii volunt, modulatio concisa & brevis. Nam ῥαψ inter alia est amputare supervacanea. Sed prima sententia est verisimilior: quia *Schir* & *Mizmór* interdum coniunguntur, ut significetur, idem poëma & voce & instrumentis musicis canendum esse: ut *Psal. 108. v. 1.* ubi *canticum Psalmus*. Alii *canticum Psalmi* versum est, ut *Psal. 83. v. 1. & 87. v. 1.* & contra *Psalmus cantici*, *Psal. 48. v. 1. & 67. v. 1. & 68. v. 1. & 75. v. 1.* Sic apud Homerum *odyss. θ.* est ὕμνος ἀοιδῆς, qui composita voce ἡμνωδία. Porro canticum etiam est pro קָנַח, quæ est propriè, quod manu pulsatur. *1. Sam. 16. v. 23.* & pro *Neginah* est canticum *Iob. 30. vers. 9.*

**CANTICUM MOSIS ET CANTICUM AGNI.** Per hoc geminum canticum intelligitur *Apoc. 15. 3.* doctrina legis & Evangelii. Disertè enim fit mentio Moysis & Christi. Et hæc doctrina unum & perpe-

tuum est obiectum cantorum sive cirrhæorum illorum, qui sunt accolæ maris vitrei, h. e. sacræ doctrinæ. Hoc canticum opponitur insulso locustarum gryllismo *Apoc. 9.* Huius cantici contemperatum melos & symphonia refocillat animum, erudit fatuum, exhilarat cor, & illuminat oculos. Cæterum alluditur hîc ad canticum, seu ᾠδὴν Moysis, quod ille cecinit unâ cum universo Israele, postquam triumpharunt de Pharaone submerso *Exod. 15.* itemque ad canticum Christi *Matth. 11. v. 25.* Nimirum ut Moses de corporali hoste cæso: ita omnes electi de hostibus spiritualibus partim perditis, partim perdendis, tum sub tempus ruine Antichristi, tum in inferno, lætantur. Possit tamen etiam dici, canticum Moysis specialiter hoc loco respicere lætitiâ, quam percipient electi ex pœnis temporalibus Antichristi: canticum Agni, lætitiâ spiritualem, quam concipient ex morte secunda.

**CANTICUM QUASI NOVUM.** Sic appellatur *Apoc. 14. 3.* verbum Dei suo nitore restitutum, & ab Antichristi corruptelis liberatum. Appellatur *quasi-novum*: ex illorum videl. opinione, qui illud discere non volunt, quòd ipsis videatur novum, insolens, introductum à Novatoribus: item ex rei veritate, quia est renovatum sive reformatum, id est, à corruptelis liberatum, cùm aliàs hoc Evāgelium sit æternum *Apoc. 14.* Cur verò hoc idem Evangelium dicitur novum *Apoc. 5*? Resp. Prophetia istius capituli directâ est in illud tempus, quo gentibus Evangelium prædicabatur, quod ipsis non erat quasi-novum, sed verè & toto suo genere novum, hoc est, incognitum & inauditum. Nunc autem ii, qui de Apostolorum suc-



cessione jactant, hoc ipsum Evangelium  
teu novum calumniantur. *Cotterius* aliter  
explicat hanc phrasin, in suo commentario  
super Apocal. his verbis: Et canticum qui-  
dem novum hîc appellatur, quod diver-  
sum est ab antiquo illo, quo de liberatione  
Ægyptiaca gratiæ Deo agebantur; si-  
ve in solenni Paschæ, sive aliâs. Alii sic ex-  
plicant: Canticum novum, id est, insigne  
seu eximium, & cum singulari lætitia cō-  
iunctum: qualia esse solent cantica, quæ  
componuntur atque canuntur propter  
beneficium aliquod novum. Sic *Psalm.*  
33. vers. 3. & in aliis *Psalmis* passim. Itidem  
canticum novum, & quasi novum sunt syno-  
nyma: & canticum *Mosis*, quod habetur  
*Exod.* 15. ips. s. est symbolum liberationis  
fidelium à tyrannide diaboli & organo-  
rum eius: denique canticum *Agni*, est, quod  
Christus nos docuit.

**CAPITULUM.** Propriè est parvum ca-  
put. Per metaphoram est locus, ubi con-  
gregantur capitulares, id est, capita cano-  
nicorum & religiosorum, id est, primos  
Ecclesiastici. *Haymo* in *Psalm.* 68. ap-  
pellat capitolum. Porro usurpatur et-  
iam hæc vox pro ipsis canonicis congre-  
gatis.

**CAPPA.** Notat pileum, nomenq; ha-  
bet à capite. Usurpatur etiam pro pallio,  
habente annexum cucullum. Græcis di-  
citur *καππῆ*, & *καππῆσιον*.

**CAPTIVAM DUCERE RATIONEM.**  
Hoc non est ejurare, seu planè non adhi-  
bere rationem, sed illam non adhibere in  
consilium, ubi fides sola est adhibenda:  
Hinc rectè *Thomas Aquinas* in prosa de  
cœna Domini:

*Quod non capis, quod non vides,  
Animo sola firmat fides.*

Cui succinit Vidas:

— quod non oculis, sensusq; capeffunt  
Obtusi, comprehensum animis vis viva  
sensit

Interior, pulsâque fides caligine monstrat  
Indubitata —

**CAPTIVITAS JUDÆORUM.** Duplex  
in primis celebratur captivitas Judæorū.  
Utraque temporibus fuit divisa, neque  
semel ac simul tota contigit. Nam quod  
attinet ad priorem, primò *Manasses Rex*  
abductus est 2. *Paralip.* 33. 11. deinde *Jo-  
achim* 2. *Paral.* 36. 6. tertio *Joachim*, qui &  
*Jechonias*, 2. *Reg.* 24. 12. 2. *Paral.* 36. 10.  
quartò *Sedekias* *ibid.* Ita quoque prorsus  
evenit in secundi templi destructione.  
Nam interitus Judæorum alio tempore  
incepit, alio est promotus, alio denique  
consummatus. Cepit calamitas Judæo-  
rum anno ante natum Servatorem sexa-  
gesimo; quando populus antea sui iuris,  
servitutis iugum subire coactus est à *Pō-  
peio*, libertate ademta, & ditionis virtu-  
te partē iactura multatus; ius successionis  
regiæ, quæ diu iam obtinuerat, Romano-  
rum cessit libidini, ut postea semper ne-  
cesse fuerit eum regem accipere, quem  
Romani imposuissent; tributa cepta  
sunt exigi, & quidem sine modo; religio  
multifariam est mutilata, cū quidem  
*Pompeius Sancta* sanctorum perripit.  
Istud est initium calamitatis Judaicæ,  
quod Judæus ita narrat, quasi tunc con-  
summata, non verò incepta fuerit Ju-  
dæorum perniciēs. Vide ipsum libro deci-  
mo quarto, capite octavo. Auxit verò calami-  
tas, & unus quasi gradus ad perniciem  
ultimam est factus, anno post natum  
Dominum circiter decimo; cū *Arche-  
lao Viennam* legato, Judæa in formu-  
lam

lam provinciae est redacta. Ab eo tempore nullus unquam postea Judæe neque Rex fuit, neque ethnearcha. Nam Judæa Syriæ accessit, cepitque tum in eam mitti, qui vocabatur procurator Cæsaris in Judæa, vel etiam Procurator Judææ. Ultima fuit clades, urbe diruta, & templo destructo, anno Domini 69. vel 70. Rabbinum ultimam hanc suam captivitatem appellant *captivitatem Edom*, hoc est, Romanorum. Prima captivitas appellatur *Babylonica*: quæ figurat partim tyrannidem diaboli & peccati, partim pressuras tyrannorum huius mundi. Ab utraque hac captivitate alia est *captivitas Assyriaca*, qua X. tribus à Salmanassare in perpetuum exilium fuerunt missæ. In triplici hac captivitate diligenter ad animum revocare oportet admirandam Dei Opt. Max. in pœnis peccatorum exigendis lenitudinem, de qua toties prophetæ, & ipse etiam Dominus in pulcherrima parabola de vinea & vitatore apud *Matthæum 22. vers. 23.*

**CAPTIVITATEM DUCERE CAPTIVAM.** Hæc phrasis occurrit *Psal. 68. v. 19.* ubi per captivitatem intelligitur multitudo captivorum; tempore quidem Davidis, Philistæorum & aliorum hostium populi Israelitici: tempore verò Christi, hostium Ecclesiæ spiritualium. videl. diaboli, peccati, & mortis æternæ. Nomen *קָדָשׁ* significat captivitatem: & hoc loco per metonymiam ponitur pro hostibus, quos Christus captivos duxit. Potest etiam sic verri: Captivam duxisti captivitatem, id est, hostes, qui nos captivos detinebant, expoliasti, & in triumpho duxisti captivos. Usitatum erat in triumphis deducere captivos. Ad hunc mo-

rem videtur *Psaltes*, hoc loco alludere. Summa hæc est: Hostes, qui antea multos captivos abduxerant, nunc vice versa duci captivos. Et si verò Christus non visibili aliqua pompa hostes suos devictos in triumpho duxit, aut spectandos exhibuit: tamen & voce & re seu sensu ipso in piorum cordibus testatur, se vicisse diabolum, mundum, & mortem, seque Dominum esse vitæ & regni cœlorum, & acquisivisse suis æternam libertatem, qui antea captivi tenebantur.

**CAPUT.** Est hieroglyphica nota impii & superioritatis. Est enim sedes sensuum & rationis officina, ita ut meritò ipsi tribuatur τὸ ἡγεμονικὸν in corpore. Cornu etiam significat imperium, sed particulare. Unde patet cur bestiae meretriciæ tribuantur septem capita, & decem cornua. *Apocal. 17.* Septem capita sunt totidem Imperatoriæ familiæ, quas Germania ab annis 800. produxit, quæque præcipuam habuerunt potentiam, propter quam à muliere, una post aliam, evocatæ sunt ad regendum bestiam, id est, imperium, ceu mulieris jumentum. Decem cornua sunt decem reges, per quos mulier suam potentiam in variis provinciis exercet, non aliter atque bestiae per cornua se defendunt & alia offendunt. De regibus istis decem Johannes significanter dicit, illos tãquam reges esse. Dum enim potestatem suam bestiae tradunt, hoc fatuo consilio sibi ipsis hanc bestiam constituunt dominam, & sic ex absolutis regibus, quales eos Deus & ius gentium constituerat, quasi-reges fiunt. Potiò caput Ecclesiæ est unicũ duntaxat, Jesus Christus. Neque ecclesiæ potest esse πολυκέφαλος. *Vnus rex unus*

*monar.*

*monarcha*, unum solum caput, ait Gregorius Magnus epist. 36. lib. 4. ἡ μία καὶ μὲν ἀ-  
ληθὴς κεφαλὴ, unum & solum, quod quidem  
verè caput sit, inquit Basilius in Asceticis  
pag. 390. Nec valet effugium: Christum  
esse caput ecclesiæ ratione influentiæ, &  
primarium: Pontificem Romanum, ra-  
tione directionis, & vicarium. Nam  
Christus est caput ratione influentiæ &  
directionis simul. Deinde vicarius regis  
non est caput regni, sed minister regis.

**CARDINALIS.** In ecclesiâ titulus di-  
gnitatis esse cœpit, circiter tempora Gre-  
gorii Magni. Initio creabantur ab Epi-  
scopis. Postea legit eos Pontifex ex Epi-  
scopis, Presbyteris, Diaconis, & Subdia-  
conis, ut eis tanquam consiliariis utere-  
retur in rebus Ecclesiasticis. Eo loco ha-  
bentur in Ecclesiâ Romana post Pontifi-  
cē, quo reges in politiis post Imperato-  
rem. Aliter *cardinari* dicuntur. Græcis  
καρδηνάριοι, καρδηνάριοι, & καρδηνάριοι.  
Nomen est à cardine: quod sint cardines  
Ecclesiæ.

**CARNALIS.** In N. T. opponitur spiri-  
tuali seu cœlesti Eph 6. v. 5. 1. Cor. 9. vers. 11.  
2. Cor. 16. v. 4. vel significat corruptum, &  
rebus caducis deditum, idque aut omni,  
aut aliqua ex parte Rom. 7. v. 14. 2. Corinth.  
1. v. 12. 1. Petr. 2. v. 11. 1. Cor. 3. vers. 2. 3. 4. aut  
ponitur pro externo, in externis ritibus  
occupato, Hebr. 7. v. 16. Rex carnalis Esth.  
14. v. 10. dicitur, qui est terrenus, non spi-  
ritualis, ut Deus. Porro quia spiritus sunt  
potentes, caro infirma, fit ut carnalia vo-  
centur caduca, debilia, mortalia; ut con-  
trâ spiritualia perpetua, fortia, & immor-  
talia. De voce *caro* tenendum, plurimas  
eius occurrere significationes in S. literis.  
Concordantiæ Bibl. Lat. vulg. recitant.  
27. quas ibi vide.

**CARNEUS.** In Scriptura *cor carneum*  
dicitur pro animo, qui divini spiritus  
mandatis & operationi cedit: quomodo  
videmus carnem non resistere tactui. Et  
ita caro, tanquam molle aliquid, distin-  
guitur contra durum & lapideum. Ezech.  
11. v. 19. & 36. v. 26. 2. Corint. 3. v. 3. In Con-  
cordantiis vulg. vers. sic annotatum in-  
venies. Carneus 1. imbecillis 2. Chron. 38.  
8. Job. 10. 4. 2. flexilis, docilis Ezech. 11. 19.  
6. 36. 26. Notanda est hoc loco antithesis  
inter carnem & lapidem. Lapis sua duri-  
tie repellit validissimos quosque ictus  
mallei, nihilque potest illic insculpi, nisi  
summa cum vi & difficultate: sed cor car-  
neum admittit sua mollitie, si quid in eo  
scribitur vel insculpitur. Hoc itaque vult  
Propheta: cum fuerint pleni contumacia  
Israelitæ, flexibiles ac morigeros fore  
postquam Deus cor ipsorum mutaverit,  
hoc est, correctâ durtie partim nativa  
partim acquisita, reddiderit cor ipsorum  
molle.

**CARO.** In divinis literis hæc vox variè  
usurpatur, propriè & impropriè, pro sub-  
stantia & qualitate, natura & persona,  
corpore vel parte corporis. Significat e-  
nim aliàs partem corporis, quæ opponi-  
tur ossibus: aliàs cutem: aliàs corpus uni-  
versum: aliàs animal: aliàs bestiam, vel  
hominem: aliàs hominem animale: a-  
liàs rem externam, ut ceremoniam Gal. 6.  
v. 12. aliàs rem infirmam & debilem; aliàs  
denique rem turpem & Deo invisam. Ad  
quam postremam significationem refe-  
runtur & illa: *sensus aut prudentia carnis, vo-  
luntas & desideria carnis, opera carnis, in carne  
esse, secundum carnem vivere, ambulare, &c.*  
Ratio harum phrasium est, quia hominū  
peccata ferè sunt carnis, id est nascuntur  
ex sensuum carnalium pravis voluptati-  
bus,



bus, aut ad eas referuntur, vel eis similia sunt, aut, quòd, quæ sunt frequentiora & obvia sensibus, cæteris nomen suum impertiunt. Itaque nō tantum crassa & corporalia, sed etiam interna & spiritualia peccata his phrasibus intelliguntur. *Ambrosius in Rom. 6.* ait: Manifestum est, hos, qui carnem crucifixerunt, id est, mundum cum vitiis & concupiscentiis eius, mori mundo & commori Christo, æternæ quoque vitæ ac salutis coimaginari, ut gloriæ Christi similes effici mereantur. Caro verò, id est corpus, sic crucifigitur, si desideria eius calcantur, quæ manente in ea peccato creantur ex prævaricatione primi hominis cœpta. In carne enim diabolus crucifigitur. Ipse enim est, qui fallit per carnem. Caro autem aliquando mundus, aliquando elementa, aliquando verò corpus hominis intelligitur, vel ipsa anima sequens corporea vitia. *Idem lib. de Noe & arca cap. 15.* Movet voluptates caro, & ipsa voluptatibus commoveatur. *Et in Psalm. 43.* Non caro in vitio est sui natura, sed ea, quæ carnem corruptibilem esse fecerunt: non caro in vitio, sed ea, quibus caro ista sollicitat & fluctuat. *Idem de Noe & arca cap. 5.* Caro causa fuit corrupendæ etiam animæ, quæ velut origo & locus est quidam voluptatis: ex qua velut à fonte prorumpant concupiscentiarum malarumque passionum flumina lateque exundant, quibus demergitur animæ, quodam excusso gubernatore, remigium, cum ipsa mens velut quibusdam tempestatibus & procellis victa loco suo cedit. Hactenus Ambrosius. Summa est: Corporis, & rerum corporalium cura præpostera facit, ut anima perdat, & æternis bonis homo excidat.

**CASTIFICO.** Hæc vox occurrit in vulgata versione Bibl. *1. Petr. 1. 22.* *Animas vestras castificantes.*

**CASTIGATIO.** Apud Theologos hoc nomine appellatur pœna, qua Deus afficit filios suos. Illa enim est vel παιδεία, castigatio; vel δοκιμασία, probatio; vel μαρτύριον, martyrium. Quod attinet ad vocem παιδεία, illa propriè est tractatio alicuius tanquam παιδός, id est, filii, & coniuncta est cum eruditione seu institutione aliqua. Nam παιδὲω est erudio & castigo. Sic παιδεία, institutio & correctio. Quare quando à Domino castigamur, tanquam παιδία tractamur.

**CASUS.** Respectu providentiæ Dei nihil fit casus: sed respectu nostri. *1. Sam. 6. 9. 2. Sam. 1. 6. 1. Reg. 22. 24. Eccles. 9. 11. Ezech. 26. 16.*

**CATACLYSMUS.** Sic appellatur diluvium universale tempore Noachi. *Eccles. 39. 28.*

**CATAPLASMO.** Occurrit in vulg. vers. Bibl. *Esa. 38. 21.* Vide infra vocem PLASMA.

**CATECHESIS, CATECHISMUS.** In Ecclesia est summa doctrinæ Christianæ, seu rudimentum religionis Christianæ: simplex nimirum, & ad captum puerilem accommodata institutio, disciplinæque Christianæ traditio velut Cabbalistica. Nomen habet κατὰ τὸ κατηχέω, vel κατηχίζω, quod non solum doceo, erudio, & instituo significat: sed etiam ea, quæ dicta sunt, reposco. Speciali autem significatione est instituo in religionis Christianæ fundamentis. Porro *Catecheta*, seu *catechista* est, qui in catechesi instituit: κατηχηθεὶς, qui iam institutus est in religione: *catechumenus*, qui instituitur

tur in religione. Hinc est *ſæmininum catechumena*, κατηχουμένη. Speciali ſignificatione *catechumeni* dicebantur, qui ſacris nondum initiati, imbuebantur adhuc in elementis doctrinæ Chriſtianæ. Horum erant ordines duo, minor & maior. Ille tantum audiebat, hic fleſtebat genua. Cetera itaque in catechumenis temporum intervalla fuerunt obſervata, & prius quam ad panem cum fidelibus frangendum aliquis perveniret, ſtadium conſuetæ exercitationis fuit decurrendum. Primò igitur fiebant *catechumeni*, deinde *competentes*, poſtremò *fideles & Chriſtiani*. Præterea catechumeni ſtabant in peculiari loco, quæ appellabant *catechumena*, οὐν; & *catechumenia*, τὰ κατηχουμένα, κατηχουμένηα. Hic *tabula catechetica* aſſervabantur, quæ in ſingulis Eccleſiis haberi ſolebant. *Concilium Neocaſar. cap. 5.* Catechumenus, inquit, ingrediens in Dominicum ( eis τὸ κυριακόν, id eſt, in templum ) in loco ( τάξει ) catechumenorum ſubſiſtat. Vide plura titul. INITIATI.

CATHOLICUS. Hæc vox non ſemper eodem modo accipitur. Nam primò catholicum eſt idem, quod abſolutè univerſale ratione loci & temporis: quo ſenſu Eccleſia Catholica complectitur omnes electos inde ab origine mundi uſque ad eius finem. Deinde catholicum eſt idem quod ſecundum quid univerſale, ratione loci: quo ſenſu Eccleſia N. T. dicitur Catholica, quia eſt ἐν ὅλῳ τῷ κόσμῳ. Atque ita Eccleſia V. T. non fuit Catholica, utpote quæ fuit ordinariè collecta in uno populo Judaico. Tertiò Catholicum eſt idem, quod purum, ſincerum, orthodoxum: quo ſenſu Eccleſia Catholica opponitur conventiculis hæretico-

rum. Quæ oppoſitio Catholici & hæretici in primitiva Eccleſia fuit uſitatiſſima. Quartò Catholicum eſt idem, q̃ totale: quo ſenſu Eccleſia Catholica dicitur ad differentiam particularium, ex quibus ceu partibus illa colligitur. Atque ita Eccleſia V. T. etiam fuit Catholica. De tertia ſignificatione accipe iſta dicta Patrum. *Cyrillus Hieroſolymitanus cap. 18. catecheſeos ita ait. ἐκκλησία λέγεται καθολική. Ὡς τὸ διδάσκειν καθολικῶς καὶ ἀνελλιπῶς ἅπαντα εἰς γνῶσιν ἀνθρώπων ἐλθεῖν ὁφείλοντα δόγματα*, hoc eſt, Eccleſia dicitur Catholica, quia docet Catholicè & citra defectum omnia, quæcunque in cognitionem hominum venire debent dogmata. *Lactantius divinarum inſtit. libr. 4. cap. 20.* Sola igitur Catholica Eccleſia eſt, quæ verum cultum retinet. De prima ſignificatione accipe illud *Sōzomen. libr. 7. cap. 4.* narrat, Theodoſium Imperatorem legem tuliffe, ut illorum duntaxat Eccleſia diceretur Catholica, qui Trinitatem divinam æquali honore colerent. Vide infra titul. HÆRETICUS. Hinc etiam ſæpe Episcopi orthodoxi dicuntur Episcopi Catholice ſeu univerſalis Eccleſiæ: quanquam ſuo modo revera ſunt Episcopi Eccleſiæ Catholicæ. Vide titul. APOSTOLUS. *Vincent. contra hæreſes. 3.* In ipſa Catholica Eccleſia magnoperè curandum eſt, ut id teneamus, quod ubique, quod ſemper, quod ab omnibus creditum. Hoc eſt enim verè propriè quæ Catholicum: quod ipſa viſ nominis ratio quæ declarat, quæ omnia verè univerſaliter comprehendit. Cæterum *catholica epistoła* dicuntur, quæ nulli certæ perſonæ vel populo inſcriptæ ſunt, ſed ad omnes directæ: ut ſunt epistolæ Iacobi, Petri, Judæ, & Iohannis prima.

CAUDA. In Scripturis doctores doctrinæ-

**Ἀτρίνα** quæ genus in Ecclesia degenerante per caudam indicatur. Sic enim aperte *Esa. 9. 14.* dicitur: *Propheta docens mendacia, cauda est.* Ratio huius appellationis est: quod falsi doctores longè lateque spargant suum virus, non aliter quàm animalia extra se proiciunt caudam tortuosam & flexibilem. Unde porro colligere licet, gyrosa flexibilitate falsæ doctrinæ conscientias irretiri, ut ex hoc sinuoso flexu vel nunquam, vel admodum difficulter se extricare queant. Caudis hinc capita tribuuntur *Apoc. 11.* quo innuitur, doctrinam falsam coniunctam esse cum iurisdictione, qua conscientia nolentes-volentes sub fidei implicitæ iugum rediguntur. Qua quidem cauda capitata nihil esse potest pestilentius. In Concordantiis B. bl. vulg. vers. de voce cauda sic ferè leges. Cauda 1. propriè pars animalis *Exod. 4. 4.* 2. ignobilis, imbecillis, vilis. *Deut. 18. 7. 13. 44.* 3. cauda mystica, *Apoc. 9. 7. 10. 19. 6. 12. 7. 4.*

**CAUMA.** In vulgata versione ponitur pro siccitate *Iob. 30. vers. 30.* Ibi Hieronymus annotat: *Ferventi caumate persecutioni.*

**CAUPONARI.** Est lucti causa tractare, sicut caupones solent. Ita 2. *Corinth. 2. 17.* *καπηλαίνει τὸν λόγον τοῦ Θεοῦ, cauponari verbum Dei,* est id tractare more cauponum, avarè, callidè, non sincerè: quæstui illud habere: adulterare, ut habet vetus versio Syr. *ܬܝܡܪܝܢ* id est, *miscentes*, tanquam scilicet falsitatem veritati, quæstus causa: ut faciunt οἱ *χρῖσκαπηλοὶ καὶ χρῖσέμποροι*, quos vocat Nazianzenus. Vide intra *χρῖσέμποροι*.

**CAUTERIATA CONSCIENTIA.** Sic dicitur conscientia non quæ habetur, sed quæ, cum putris esset, resecta est & esse desuit: *ein abgebrand Gewissen* 1. *Tim. 4. 7. 2.*

Hinc eleganter Hesychius, *κεκαυτηλασμήναι βεβασιτισμένοι, μὴ ἔχοντες σιωαίδησιν.* Philosophi appellant dedolentiam conscientia. Itaque conscientia *κεκαυτηλασμήνη* est *cauterio resecta*: ita ut Apostolus alludat ad instrumentum chirurgicū, quo resecantur ustione partes malè sanæ à corpore humano. Alij putant alludi ad cauterium, quo signabantur equi & micipia in fronte, ut ex nota inusta cognosci possent. Hoc sensu conscientia cauteriata fuerit, quæ damnat & reum agit hominem, ut instar equi cauterio iam iam notandi sit inquietus: seu, cauterio malæ conscientia ceu signo noscatur esse mancipium Satanæ.

**CELLA.** Sic dicitur conclave monachi. Græcè *κελλίον.*

**CHARTOPHYLAX.** Duo erant chartophylaces inter chartularios Ecclesiæ. Unus Patriarchicus Ecclesiæ archiva servabat, custos sigilli patriarchalis, quod in pectore gestabat: alter œconomeio inseriebat, & tabulas Ecclesiasticorū reddituum expensarumque conficiebat & servabat.

**CHARTULARIUS,** *χαρτεφύλαξ.* Chartulariorum ordo triplex erat: in Ecclesia, palatio, exercitu. In Ecclesia diversi erant, pro numero τῶν ἐξωκαταριθμίων, h. e. eorum, qui secretis Ecclesiasticis præfæcti, ut erant magnus œconomeus, magnus sacellarius, magnus scenophylax, & curator sacelli. Chartularius in palatio dicebatur ὁ μέγας, dignitatemque habebat proximam protostatori, præfectus cum eo equisonibus imperatoris. Chartularius in exercitu militem conscribebat.

**CHOREPISCOPUS.** Olim dicebatur, quod in pagis aut oppidis curam animarum gerebat loco Episcopi: *ἀχώρα, locus*, quia loco Episcopi erat. Quidam tamē chore-



piscopi erant Episcopi, in aliena diœcesi ministrantes.

CHAM. Fuit filius Noë minimus: qui putatur fuisse Pluto, cui inferi obven- runt, h. e. qui inferius orbis hemysphæ- rium & illum auriferum mundi tractum occupavit. Ab hoc quidem putant Che- miam traxisse nomen.

CHARACTER. De Filio Dei dicitur, Hebr. i. v. 3. quod sit ἀπαύρασμα τῆς δόξης καὶ χαρακτὴρ τῆς ὑποστάσεως αὐτοῦ, scil. πα- τρός. Vulgatus interpretes vertit, *Splendor gloria & figura substantia eius*. Syrus ἀπαύ- ρασμα vertit נִרְמָי i. e. gemen. Eo alibi significatur Christus, germen illud nobi- lissimum, subnascens ex stirpe Jessæ. E- germinavit autem Christus ex cœlo in ter- ram, ut nos cum ipso cogerminascamus, & per eum, atque cum eo, in cœlum con- germinemus. Et hinc est, quod Christus Luc. i. v. 78. dicitur ἀναπλῆ ἐξ ὕψους, oriens ex alto. Sed redeamus ad vocabulum cha- racter. Illud vulgatus interpretes reddidit fi- gura: quia character est figura in sigillo, seu nota insculpta, quæ aliquid represen- tat: item imago, quæ per sigilli impressio- nem producit, quæ exactè refert ipsius sigilli lineamenta, tanquam id, unde ex- pressa est, & ipsum, quod expressum est, sint idem. Quamobrem character meli⁹ vertetur, *expressa imago*. Itaque Filius Dei est character personæ Patris, i. e. Patris p- fecta velut imago in unitate essentiæ. Ve- rùm audiamus de hoc loco Apostoli, di- vinissimo quidem illo, Ambrosium, qui lib. 3. de fide c. 4. ita scribit: Dei generatio cum temporalis non sit, nec ante se, nec in se tempus invenit. Frigida igitur eorum & vana quæstio in creaturis ipsis non habet locum. Ipsa etenim, quæ temporalia sunt, discretionem in quibusdam habere tem-

poris non videntur. Lux nempe splendo- rem generat, nec comprehendere potest, & splendor luce posterior sit, aut lux splen- dore antiquior: quia, ubi lumen & splen- dor est, & ubi splendor, & lumen est. Ita- que nec sine splendore lumen, nec splen- dor potest esse sine lumine, quia & in splen- dore lumen, & in lumine splendor est. Unde & Apostolus splendorem pater- næ gloriæ Filium dicit, quia splendor pa- ternæ lucis est Filius: coæternus, propter virtutis æternitatem; inseparabilis, ppter claritatis unitatem. Athanasius in κηρυκ- τικῷ εἰς τὸν εὐαγγελισμὸν τῆς ὑπεραγίας δεσ- πίνης ἡμῶν Θεοτόκου docet illud quod de splendore & caractere dicitur, in eandē cadere sententiam, his verbis: τὸ ἀπαύρασ- μα ὡς ἀκτὴν παντὸς ὡς καὶ δὴ οὐκ ἀκτὴν ἀλλ' αὐτὸν ἔχει τὴν ἐκταμψίν, καὶ χαρα- κτὴρ ἐνδείξις τίς ἐστι τῆς ὑποστάσεως, δι' ἧς καὶ χαρακτὴρ ἔσται. ὡς οἶον καὶ δακτυλὶς χαρακτὴρ ἐκτυπῶντος, τὸ αὐτὸ ἐκτύπω- μα, ὃ καὶ ἐκ σφραγίσματος ἐρμηνεύεται, μηδὲν ἐν τοῖς καὶ ἐξ ἑαυτῶν ἐκταμψὶν ἔχει· ὅπως ὁ υἱὸς τὸν αὐτὸν χαρακτῆρα τοῦ πατρὸς. Φέρει· ἔδ' ἐκ τῆς ὑπεραγίας. ὁ χαρακτὴρ ἐκτυπῶντος, ἀλλ' ἀποσφραγίσματος μόνος, καὶ τὸν αὐτὸν ἐν δακτυλίῳ χαρακτῆρα, ἐν τῇ κηρῇ καὶ χρυσῷ ἐκτυπῶντος καὶ τὸ βασιλικὸν θηναῖον. καὶ οὕτως ὁ Θεὸς χαρακτὴρ τοῦ υἱοῦ τῆς τοῦ πα- τρός ὑποστάσεως, ἀποσφραγίσματος σφραγὶς ἐστίν, καὶ φέρων τὰ πάντα τῷ ῥήματι τῆς διωά- μεως αὐτοῦ, καὶ αὐτὸν τὸν ἴδιον χαρακτῆ- ρα, τὴν ὡς κηρὶν σφραγὶς εἰς ἑαυτὸν ἀνεδέξα- το, ἐκτυπῶντος αὐτὴν ἐν ἑαυτῷ. Splendor ille, velut radius verè solaris plenè lucidus, ab orbe verè solari & plenè lucido indiscretam ha- bet emicationem; & character est specimen quoddam substantia eius, per quod ipse Pater exprimitur & representatur. Vt enim ea figura, qua annulo signatorio effigiatur, imago, in-

quam

quam, illa expressa, quā signaturam appellamus, in illis, quæ ad essentiam pertinent, nihil habet, quod deficiat ab exemplari suo: ita quoque Filius eandem Patris imaginem gerit. Non enim evariat impressa imago ab imprimente signaculo, sed incommutabilis manet planè secundum sculpturam annuli in cera & auro effigiata secundum regalem denarium: & sic divinus character Filii, substantia Patris incommutabile sigillum est, & ferens omnia verbo potentia sua, secundum illud ipsum exemplar, quasi ceream carnem in seipso suscepit, eamq; in seipso formavit. Porro character etiam est nota, qua scriptum est infigne. Sic Scriptura divina divinum habet characterem: de quo Baptista Mantuanus lib. 3. de patientia cap. 2. Sæpenumero, inquit, mecum cogitavi, unde tam suadibilis sit ista Scriptura, unde tam potenter influat in animos auditorum, unde tantum habeat energix, ut non ad opinandum tantum, sed ad solidè credendum omnes inflectat: Et mox: Forſitan hæc fuerit ratio firmiter adhærendi, quòd in ea veritas sit solidior, quavis non clarior. Habet enim omnis veritas vim inclinativam, & major majorem, & maxima maximam. Et cap. 3. Inest ergo Scripturis sacris, nescio quid, imò scio quid, natura sublimius, id est, inspiratio facta divinitus, & divinæ irradiationis influxus certus. Cyrillus Alexandrinus prologo in Iohannem ait, Scripturam quasi ab alta specula cuncta circumſpicere, & auditorum commodum undique colligere; ut qui veritatem divinorum ſitiunt dogmatum (ſi recto animo ſenſum Scripturæ inquirent) faciliè quidquid eis conferat, in ea inveniant.

Χεῖρ ἑμποροῖ. Sic dicuntur apud Ignatium epistola ad Trallianos mali Christiani, qui lucri causa Christi discipulos se pro-

fitentur, & prædicant evangelium. Latine dices *Christilucriones*, seu *Christi institores*. Eodem sensu dicuntur *χρῆστοκάπηλοι*, q. d. Christi cauponēs seu cauponatores, qui Christum cauponantur & quaestui habent. Nazianz. Vide supra CAUPONARI: quam vocem Aretius super 2. Cor. 2. sic exponit: *καπηλεύοντες*, cauponantes, sermonem Dei. Metaphora sumta est ab hospitiis & cauponantibus, quibus in more est vinum aqua corrumpere. Sic Græci interpretant: *παπηλεύειν*, *καπεύειν τὸν οἶνον*, h. e. vinum corrumpere. Et *πῆλον* dicunt olim significavisse vinum. Quod si ita est, res apprimè convenit huic instituto. Nam cauponari verbum Dei dicuntur, qui falsa dogmata admiscunt, ut si Judaïsmum, vel Gentilismum, vel Turcismum, aliquis commisceret veræ religioni, ut hodie qui Traditiones humanas admiscunt. Deinde corrumpunt, qui alio fine docent, etiam si nulla falsa dogmata spargant, ut qui honoris, lucri causa docent, qualia Apostolo objiciebantur.

CHRISTIANVS. Est idem, quod ad Christum pertinens. Hoc nomen impositum est Antiochiæ, iis qui doctrinam Christi amplexi fuerunt: cum antea dicerentur *μαθηταί*, discipuli. Act. 11. Verus autem ac bonus Christianus est, qui non tantum nomen, sed etiam rem Christianismi habet, hoc est, qui Christi per veram ac vivam fidem particeps factus sanctis Scripturis confessione & vita consentit. Quæ de re Patres ita docent. Ignatius Epistola ad Magnesianos: *πρέπον ἐστὶ μὴ μόνον καλεῖσθαι χριστιανὸς, ἀλλὰ καὶ εἶναι. ἔ γάρ τὸ λέγεσθαι, ἀλλὰ τὸ εἶναι μακάριον ποιεῖ*, hoc est, Decens est non tantum vocari Christianos, sed etiam esse. Non enim

dici, sed esse, beatū facit. *Augustinus tom. 7. lib. 3. de baptismo contra Donatistas, c. 19.* Qui sunt autem veri Christiani, nisi de quibus idem Dominus dicit, Qui diligit me, mādāta mea custodit. *Idem tom. 8. in euarratione psal. 36.* Ipse est Christianus, qui non aspernatur viam Christi, sed vult viam Christi sequi per passiones ipsius. Noli per aliam viam velle ire, quā per illam, quā ipse iuit. *Idem tom. 9. tract. 5. in epistolam Iohannis:* Si dilectio Patris non manet in te, non es natus ex Deo: quomodo gloriaris te esse Christianum? Nō ē habes, & factum non habes. Si autem nomen secutum fuerit opus, dicat te quispiā paganum, tu factis ostende Christianum. Nam si factis non ostendis Christianum, omnes te Christianum vocent, quid tibi prodest nomen, ubi res non invenitur? *Salvianus lib. 4. de providentia:* Christianum nomen quasi aureum decus est: quo si indignē utamur, fit ut sues cum oramento esse videamur. *Ignatius epistola ad Magnesianos:* γένώμεθα ἄξιοι τῆς ἐπωνυμίας, ἧς εἰλήφαμεν, ὅς ῥ' ἂν ἄλλω ὀνόματι καλεῖται πλεῖον τούτου, ἔτος οὐκ ἔστι θεῶν, hoc est, Simus digni cognomento (*Christianorum*) quod accepimus. Qui enim alio nomine appellatur præter hoc, hic non est Dei. *Χριστιανὸς* apud Patres est Christianum fieri: *Χριστιανώσις*, Christianæ fidei acceptatio. Ceterū quia ex omnibus mortalibus, qui inde ab exordio mundi fuerunt, nemo æternam salutem consecutus est, nisi à Christo, & per Christū, non immeritò ea ratione possunt Christiani dici omnes illi, qui etiam ante Christi adventum & ἐν σάρκωσιν, vel in populo Dei, vel apud Gentes facti sunt salutis participes. Hinc non possum, quin annotem ex Justino, Clemente Alexandrino, & Chryso-

stomo, illos graviter hallucinatos esse circa hunc, quem jam versamus, articulum fidei fundamentalem. Nam *Iustinus* disertè scribit, ante Christi adventum, & Judæos, & Græcos, sive Gentiles, qui secundum rationem viverent, Christianos fuisse, ac proinde servandos. Verba ipsius in *Apologia secunda* hæc sunt: τὸν Χριστὸν πρῶτότοκον εἶναι τῷ Θεῷ ἐδιδάχθημεν, καὶ περὶ ἐμνήσασμεν λόγον ὄντα ἑπ' ἅν γενος ἀνδρῶν μετέχευε. καὶ οἱ μετὰ λόγον βιώσαντες Χριστιανοὶ εἰσι, καὶ ἄθεοι ἐνομιόθησαν, οἷον ἐν Ἑλλήσι μὲν Σωκράτης καὶ Ἡράκλειτος, καὶ οἱ ὅμοιοι αὐτοῖς. ἐν Βαρβάροις δὲ Ἀβραάμ, καὶ Ἀνανίας, καὶ Ἀζαρίας, καὶ Μισαήλ, καὶ Ἠλίας, καὶ ἄλλοι πολλοὶ, hoc est, Christum primogenitum esse Dei edocti sumus, & præsignificavimus, verbum esse cuius omne genus hominum particeps factum est: Et qui cum ratione vixerūt, Christiani sunt, licet impii iudicati sint, quemadmodum inter Græcos Socrates & Heraclitus, & similes illis: inter Barbaros verò Abraham, & Ananias, & Azarias, & Misael, & Elias, & alii multi. Similis huic locus est in *apologia priore*: Χριστὸς καὶ ὑπὸ Σωκράτους ὁπὸ μέγας ἐγνωθῆναι, Christus etiam à Socrate ex parte est cognitus. *Clemens Alexandrinus lib. 7. Stromatum* ita scribit: ἰσθαίους μὲν νόμος, Ἑλλήσι δὲ φιλοσοφία μέχρι τῆς (τῆς Χριστοῦ) παρουσίας. ἐν τεύθειν δὲ ἡ κληρονομία καθολικὴ εἰς περὶ ἅσιν δικαιοσύνης λαὸν καὶ τὴν ἐκ πίστεως διδασκαλίαν, hoc est, Judæis lex, Græcis verò philosophia usque ad (Christi) adventum: hinc verò vocatio universalis in peculiarem justitiæ populū, & in eam, quæ est ex fide, doctrinam. *Idem tot locis,* legem & philosophiam, duo testamentā appellat, ab eodem Domino diversis populis, in eundem finem tradita. *Idem lib. I.*



*lib. 1. Stromatum* ait : καθ' ἑαυτὴν ἐδικαίου ποτὲ καὶ ἡ φιλοσοφία τὰς Ἑλλήνας, hoc est, Philosophia quondam per se Græcos justificabat. *Idem alibi*, legem & philosophiam appellat βαθμὴς καὶ ἀποβάθρας τῆς καὶ χρεῖσιν φιλοσοφίας, hoc est, gradus & scalas Christianæ philosophiæ. His similia occurrunt apud *Chrysostomum*. Nam *homil. 38. in Matth.* ait: Quid ergo? Illisne facta est injuria, qui ante Christi adventum vixerunt? Nequaquam. Tunc enim etiam sine Christi confessione poterat aliquis servari: quippe hoc ab illis non exigebatur, sed ut ab idololatria abstinerent. *Mox* Solum Deum nosse ad salutem tunc temporis satis erat, quemadmodum antea dixi: nunc id non sufficit: quin hoc amplius noticia Christi est necessaria. *Non multò post*: Fruentur omnibus vitæ æternæ bonis, etiam illi, qui Christum, ante ipsius incarnationem non norunt: sed ab idololatria se abstinerunt, Deum unum adorarunt, & vitam, quam fieri poterat, optimam vixerunt. Hæc & similia his alia dicta duriora procul dubio Ludovicum Vivem, Erasmus, Zwinglium, & Andradium seduxerunt. Nam & illi eundem errarunt errorem. Porro Christiani speciali significatione dicebantur, qui sacramentiserant initiati. Neque enim in primitiva ecclesia censebantur Christiani, qui sacramentis nondum fuerant initiati. Vide titulum. COMPETENTES & FIDELIS. Sed redeamus ad primam significationem. A Christo Christiani dicimur, quemadmodum ab Israele Israelitæ, à Juda Judæi, ab Abrahamo Abrahamidæ. Attamen Gentiles, nominum affinitate ducti, Christianos, quasi χρεῖσες putarunt dictos. Hoc argumento utitur

*Iustinus Martyr 2. apolog. ad Anton. Imp.* χρεῖσται τοὶ ὑπάρχομεν. Et mox: χρεῖσταινοὶ εἶναι κατηγοροῦμεθα. τὸ δὲ χρεῖσιν μισεῖσθαι ἐδικαίον. q.d. Cum optimi simus, tamen accusamur: at quod optimum est, odisse non oportebat. Sic *Eusebius lib. 9. c. 8.* docet, etiam paganorum judicio optimos habitos esse Christianos. Verum non rectè hinc dici locuples testis est *Tertullianus in apolog. c. 3.* his verbis: Sed & cum perperam Chrestianus pronuntiatur à vobis (nam nec nominis est penes vos certa notitia) de suavitate vel benignitate compositum est. Et *Lactantius lib. 4. Inst. cap. 7.* indicat, Chrestum pro CHRISTUM malè per errorem ab illis dici. Vera itaque est sententia à Christo propheta, sacerdote & rege suo dici Christianos.

CHRISTUS. Est frequentissimum inter nomina Salvatoris nostris, ut & nomen Jesus. *Iustinus Martyr apologetico 2.* ait: χρεῖσες μὲν κατὰ τὸ κεχρίσθαι καὶ κοσμήσαι τὰ πάντα δι' αὐτοῦ τὸν θεόν, λέγεται, Christus quidem ex eo, quod per eum Deus omnia conformaverit ac ornaverit, appellatur. *Josephus Scaliger in Eusebianis legendum putat; κατὰ τὸ καὶ χρεῖσαι, καὶ σμῆσαι, quod unxerit & abstergerit omnia.* Sed alia est ratio etymy: ea videl. quæ nominis ΤΥΨ. Itaque CHRISTUS significat unctum in genere. Speciatim verò ita dicitur secunda persona SS. Trinitatis, Deus-Homo, qui unctus est propheta, sacerdos & rex ecclesiæ suæ, quique nos ungit Spiritu suo, ut fiamus & ipsi prophetæ, sacerdotes & reges. Hoc nomen vel solum ponitur, ut *Ephes. 4.* sæpius: vel conjungitur cum nomine JESUS, ita ut vel antecedit *Tit. 1. vers. 4.* vel sequatur *Hebraeorum 13.*

v. 20. Porro vox hæc etiam significat 1. typos quosdam Christi: puta Cyrum, liberatorem populi Dei *Esa. 45. vers. 1.* item Davidem 2. *Sam. 23. vers. 1. 2.* ecclesiam Christi cum capite suo conjunctam 1. *Cor. 12. v. 12.* 3. servos Dei fidos 1. *Chron. 16. v. 22. Psal. 105. v. 15.*

**CIBORIUM.** Apud theologos est arcula illa, in qua habetur panis benedictus in eucharistia. Quidam malunt *κιβώριον*, quod est arcula. Sed *ciborium* quoque rectè dicitur, vel à cibo, vel à Græco *κιβέριον*, quod significat *sepulchrum*: ita ut arcula illa, in qua asservatur sacramentum, sit tanquam sepulchrum corporis Christi, i.e. memoriale sepulchri, seu corporis Domini in sepulchro positi.

**כִּיפָא.** Est vox Syriaca, generis fœminini & masculini. In genere fœminino est nomen appellativum, significans *petram*: in masculino est nomen proprium, significans *Petrum*. Ex hac observatione lucem accipit locus *Matth. 16. v. 18.* qui Syriacè ita sonat: *אנֹתִי הֵן כִּיפָא וְעַל הַרְגָא כִּיפָא*. Tu ille *Kipha*, & super hac *Kipha*. q. d. Tu appellaris o *Cephas*, à *Cepha* petra, quam modò confessus es. In lingua Græca manifestiore est distinctio. Nam ibi *πέτρα* est rupes, aut saxum ingens: *πέτρος* autem parvus lapis. Quæ grammatica observatio huic loco apprimè convenit. Nam Christus est petra, seu rupes, Petrus est lapis ab illa rupe excisus. In idiomate Syriaco eadem est distinctio, quod ad rem quidem ipsam attinet: etsi in ipsis vocibus non ita clarè apparet, propterea quia in terminatione nulla est diversitas. Apparet tamen etiam ibi, si res diligenter expendatur. Vide infra titul. *Petra*. Diligenter hîc tenendum est, errare, & quidem gravissimè, qui existimant inter hæc

duo nomina, *Cepha* petra, & *Cepha* Petrus, nullū esse discrimen, quia literis scribuntur eisdem. Nam sicut *leo*, brutum animal, & *Leo*, hominis nomen: item *Merula*, avis, & *Merula*, viri nomen, literis quidem scribuntur iisdem, sed significatione differunt: ita *Cepha*, petra, & *Cepha*, Petrus, si literas spectes, sunt κοινὸν ὄνομα, h. e. commune nomen: si τὸν λόγον τῆς εἰσίας, h. e. rationem substantiæ, & definitionem utriusque dictionis, res sunt diversæ. Hoc discrimen agnovit *Augustinus lib. 1. retract. cap. 21.* his verbis: Non dictum est Petro, Tu es petra: sed, Tu es Petrus. Petra autem erat Christus, quem confessus Simon, sicut cū tota ecclesia confitebatur, dictus est Petrus. Errat itaque Baromius errorem non ferendum, quando in Annalibus suis textum Syriacum emendat, atque ita describit: Tu es *Cephas*, & super hanc *Cephā* aedificabo ecclesiam meam. Similem errorem errat, quando Latinum interpretem corrigens, Latine, inquit, sic dicenda sententia: Tu es petra, & super hanc petram. Obiter observa Optatum Milevitanum nomen *Cepha* malè deducere à κεφαλῇ.

**CLARIFICO.** Vox hæc ecclesiasticis scriptoribus est frequens, estq; idē quod Græcum *δοξάζω*, id est, glorifico, honorifico, magnifico, nobilito, ut est in Glossario. Aliquoties occurrit hæc vox *Iohan. 17. Ambrosius lib. 5. de fide c. 5.* ait: Non solum per Patrem, & à Patre clarificatur Filius, sed etiam per Filium & à Filio clarificatur Pater. Sicut ergo clarificatur per Patrem: ita & propter Patrem vivit. Unde quidam *δοξάν* opinionem magis putaverunt esse quā gloriam; & ideo sic interpretati sunt, Ego te clarificavi super terram, opus consummavi, quod dediisti mihi,

sti mihi, & nunc clarifica me pater, hoc est, δόξασον, ut sit hic sensus: Opinionem de se hominibus hujusmodi infudi, ut cognoscant te Deum verum, & tu hanc de me confirma illis opinionem, ut credant me tuum Filium, & verum Deum. *Hic autem opinio fidem & certam notitiam significat.* Idem lib. 2. de Spir. sanct. Similiter Spiritus clarificare Filium dicitur. Clarificare ideo, quia docuit nos Spiritus sanctus, Filium Dei imaginem esse invisibilis Dei, & splendorem gloriæ, & characterem substantiæ ejus. Porro vox *clarifico* vices ter occurrit in vulgata versione N. T. hoc modo. *Iohan. 12. vers. 18. 23. 28. c. 13. v. 31. 32. 33. c. 15. v. 8. c. 16. v. 14. c. 17. v. 1. 4. 5. 10. c. 21. v. 19. Act. 4. v. 21. Gal. 1. v. 24. 2. Thess. 1. v. 12. c. 3. v. 1. Hebr. 5. v. 5.* Ter occurrit in lib. 03. *Esdæ. c. 8. v. 28. 82. & c. 9. v. 53.*

CLAUDICO. Metaphoricè notat i. infirmum in fide *Mich. 4. v. 6. 7. Soph. 3. v. 19. Hebr. 12. vers. 13. 2. inconstantem animo 1. Reg. 18. v. 21. ubi tamen in Hebræo est verbum transilire.*

CLAVES REGNI CŒLORUM. Hac metaphora significatur potestas, nō principalis & independens, quæ soli Christo competit, sed ministerialis & subdelegata, ecclesiæ à Christo data, ad fores regni cœlorum credentibus evangelio & resipiscentibus aperiendas, incredulis autem & non resipiscentibus claudendas. Sunt autem duæ claves regni cœlorum: prædicatio evangelii & disciplina ecclesiastica, seu doctrina & disciplina. Clavium illarum usum exercet ecclesia per ministros verbi & presbyteros. Unde omnes fidi ministri Christi sunt janitores cœli & clavigeri Christi, *Matth. 16. & 18.* Videamus hac de re sententiam Patrum.

*Augustinus tom. 1. lib. 1. retract. cap. 21.* Scio me postea sæpius sic exposuisse quod à Domino dictum est, Tu es Petrus, & super hanc petram ædificabo ecclesiam meam, ut super hanc petram intelligeretur, quam confessus est Petrus dicens, Tu es Christus, Filius Dei vivi, ac si Petrus ab hac petra appellatus, personam ecclesiæ figuraret, quæ super hanc petram ædificatur, & accepit claves regni cœlorum. *Idem tom. 3. lib. 1. de doctrina Christiana, c. 18.* Has igitur claves dedit ecclesiæ suæ, ut quæ solveret in terra, soluta essent in cœlo, quæ ligaret in terra, ligata essent & in cœlo. *Eod. tom. libr. de agone Christiano cap. 30.* Non sine causa inter omnes apostolos ecclesiæ catholicæ personam sustinet Petrus: huic enim ecclesiæ claves regni cœlorum datæ sunt. *Et cap. 31.* Itaque miseri, dum in Petro petram non intelligunt, & nolunt credere datas ecclesiæ claves regni cœlorum, ipsi eas de manibus amiserunt. *Hoc loco verba.* dum in Petro petram non intelligunt, hunc habent sensum: dum non intelligunt loquentem Christum, qui est petra illa, quid sibi in Petro voluerit. cum diceret, Tu es Petrus &c. Christus enim in Petro totam ecclesiam allocutus est. *Idem tom. 8. in prima enarratione psal. mi 108.* Sicut quædam dicuntur, quæ ad apostolum Petrum propriè pertinere videantur, nec tamen habent illustrem intellectum, nisi cum referuntur ad ecclesiam, cujus ille cognoscitur in figura gestasse personam, propter primatū, quem in discipulis habuit, sicut est, Tibi dabo claves regni cœlorum. *Idem tom. 9. tract. 50. in Iohannem:* Petrus, quando claves accepit, ecclesiam sanctam significavit. *Et tract. 24. in Iohan.* Hoc agit ecclesia, spe beata, in hac vita ærumnosa, cujus Eccle-



fiæ Petrus apostolus propter apostolarum sui primatum gerebat figurata generalitate personam. Quod enim ad ipsum propriè pertinet, natura unus homo erat, gratia unus Christianus, abundantiore gratia unus idemque primus apostolus. Sed quando ei dictum est, Tibi dabo claves regni cœlorum, & Quodcunque ligaveris super terram, erit ligatum & in cœlis, & Quodcunque solveris super terram, erit solutum & in cœlis: universam significabat ecclesiam &c. Et paulò post: Ecclesia ergo quæ fundatur in Christo, claves ab eo regni cœlorum accepit in Petro, id est potestatem ligandi solvendi que peccata. Quod enim est per proprietatem in Christo ecclesia, hoc est per significationem Petrus in petrâ: qua significatione intelligitur Christus petra, Petrus ecclesia. *Origenes in Matthæum tract. 1.* Quod si nos idem loquimur, quod Petrus locutus est, efficimur Petrus. Et nobis dicitur, Tu es Petrus. Petra enim est, quisquis est discipulus Christi. *Ibid.* Hoc dictum, Tibi dabo claves regni cœlorum, cæteris quoque commune est, & quæ sequuntur, velut ad Petrum dicta, sunt omnium communia. *Chrysostomus in Matth. opere imperfecto, homil. 44.* Clavicularii sunt sacerdotes, quibus creditum est verbum docendi & interpretandi Scripturas. *Theophylactus super Matth. 16.* ἔχουσιν ἐξουσίαν ἀφίστηναι καὶ δεσμεῖν, αἱ καὶ Πέτρον ἀξιοῦσιντες ἰδέσθαι, hoc est, Habent potestatem remittendi & ligandi: eadem, qua Petrus, gratia digni iudicari: *Beda in homilia super evangelium, quem me dicunt &c.* Potestas ligandi & solvendi quamvis soli Petro à Domino data videatur: tamen absque ulla dubietate noscendum est, quod

& cæteris apostolis data est.

CLAVIS DAVID. Duobus in locis fit mentio clavis David. *Esa. 22. vers. 22. & Apoc. 3. v. 7.* Priori loco *clavis domus David* est symbolum magnæ potentia, qua pollebat magister palatii. Sic enim vertenda sunt illa verba apud Esaiam: *אֶשֶׁר עַל־דְּבִירָא, ὃς ἐστὶν ὁ κλεῖς τῆς οἰκίας, qui est super domum:* ut patet ex *Genes. 44. v. 1. & cap. 41. v. 40. 3. Reg. 4. v. 6. 4. Reg. 10. v. 5. 2. Paralip. 19. v. 2. & c. 28. v. 7.* Errant itaque, qui docent Sobnam, cuius fit mentio *Esa. 22.* fuisse summum Pontificem. Neque verò illorum sententiam firmat, quod *versu. 21.* insignia muneris, quoungebatur Sobnas, & quod in Eliacimum erat transferendum, dicuntur fuisse tunica & baltheus, quæ *Exod. 28. v. 40. & Levit. 8. v. 7. & alibi,* inter ornamenta Pontificia ponuntur. Neque enim solius Pontificatus insignia fuerunt tunica & baltheus: verum etiam aliarum dignitatum & officiorum aulicorum; sed diversis formis; sicut apud Romanos toga diversarum ætatum & conditionum fuit indicium: at non ejusdem formæ, verum diversæ. Videamus nunc, quid in Apocalypsi intelligatur per clavem David. Sermo ibi est de Christo. Itaque per clavem David oportet hoc loco supremum dominium & absolutissimam potestatem intelligere. Christo enim Filio Dei, Deo vero, & dominium competit universi mundi, nedum ecclesiæ; & dominatio atque imperium in omnes atque omnia. Statuamus igitur per clavem David significari potestatem summam, & quidem apud Esaiam, non simpliciter summam, sed summam secundum quid, in domo videlicet regia: in Apocalypsi verò simpliciter summam & catholicam.

tholicissimam. Porro ut clavis mystica dicitur: sic & claudo mystica & spiritali ratione accipitur *Esā. 6. v. 10. c. 22. 2. c. 29. 10. c. 33. v. 15. Matth. 13. v. 15. c. 23. v. 13. 1. iohan. 3. v. 17. Apoc. 3. v. 7. 8. c. 11. v. 6. c. 20. v. 3. c. 21. v. 25.*

**CLERICUS.** Propriè est ad sortem pertinens, hæreditarius. Nam κληρ<sup>ος</sup> est fors, item hæreditas, quæ sortitò obtingit, & quovis modo. Sic Deus vocat populum suum: ita & Petrus 1. *epist. 5.* ecclesiam Dei, tanquam ipse sorte suæ liberæ benevolentia elegit. Speciali autem ratione *Clerus* dicebatur: oïdo ille seu collegium, cui sacrorum administratio erat commissa; ut erant primogeniti in V. T. & deinde eorum loco adsciti Levitæ; tanquam sorte quadam à cætero populo selecti. Hinc est illa appellatio, quæ clerici vocantur, qui ad sacra & religiosa sunt destinati. *Papias* ait: Clericus dictus est, quia de sorte Domini est, vel quia, Dominus fors & pars clericorum. *Isidorus* addit: vel quia partem Domini habet. Sed hæc triplex ætiologia est latior: quia omnes Christiani hoc pacto sunt clerici. Quare illa, quam nos adtulimus, retineatur. *Isidorus lib. 7. cap. 12.* hos recenset gradus clericorum: ostiarius, psalmista, lector, exorcista, acoluthus, subdiaconus, diaconus, presbyter, episcopus. Cæterum quadruplex in orientali imperio clerus erat: imperatoris, imperatricis, patriarchæ sive ecclesiæ, & exocatacælorum. Hic quæritur de immunitate clericorum, an illa sit juris divini, naturæ, vel positivi? Postremum affirmatur. Nam Justinianus in causis merè civilibus sanxit, ut soli episcopi de monachorum & monialium causis cognoscerent & judicarent, *Constit. Novell. 79. c. 1. &*

ut clerici apud proprios episcopos primum conveniantur: sin propter causam naturam, aut propter quandam fortè difficultatem, non fuerit possibile Deo amabili episcopo decidere negotium, tunc licentiam esse ad civiles iudices pergere. *Const. Novell. 83. in præfat. & 123. c. 21.* At in causis criminalibus iudicem civilem conveniendum vult, & si pœna judicaverit clericum dignum, tunc spoliari ab episcopo, sacerdotali dignitate, atque ita sub legum fieri manu decernit. *Const. Novell. c. 1. & 123. c. 21.*

**COENA DOMINI.** Multa sunt huius sacramenti nomina: è quibus alia in sacris literis disertè sunt usurpata; alia è verbis in Scriptura positis deducta; alia denique Patrum pietas invenit, & usus ecclesiæ comprobavit, è quibus plurima abusus contaminavit. Attingamus singula. Itaque hoc sacramentum in Scripturis appellat 1. *Cœna Domini. 1. Cor. 11. v. 20.* quæ nomenclatura est à temporis circumstantia, & ab authore sineq; quippe convivium vespertinum, à Domino institutum, ad ejus memoriam recolendam. Græcè δειπνον κυριακόν. 2. *Mensa Domini: & absolutè mensa. τράπεζα κυρίου. 1. Cor. 10. v. 21. Act. 16. 2.*

3. *Panis qui frangitur, & paculum & λογίας, benedictionis. 1. Cor. 10. 16.* toto scilicet per partes explicato.

4. *Fractio panis, κατ' ἐξοχήν. Act. 2. 42.* Hac enim phrasi aliquid quodvis domesticum convivium Judæis significatur.

5. *Corpus Domini: metonymicè. 1. Cor. 11. 29.*

6. *Agape, i. e. dilectio. 2. Petr. 2. 13. & 1. Ind. v. 12.* id est, sacrum convivium, dilectionis testandæ & conservandæ gratia institutum.

In secunda classe sunt nomina, quæ ex Scripturis sunt deducta.

1. Κοινωνία, *communio*, seu *communicatio*: ex I. Cor. 10. v. 16. 17. 21.

2. Εὐχαριστία, *gratiarum actio*: ex I. Cor. 10. v. 16. Matth. 26. v. 26. 27. Hoc tamen nomine etiam appellantur ipsa symbola, non tantum hujus sacramenti actio: ut apud Cyprianum de lapsis: In corpore atque ore violato. Eucharistia permanere non potuit.

3. Εὐλογία, *benedictio*: ex I. Cor. 10. v. 16.

4. Convivium Dominicum: ex I. Cor. 11. v. 20.

5. Corpus Christi: è formula institutionis.

6. Καινὴ Διαθήκη, *novum testamentum*: ex Luc. 22. v. 20. & Matth. 26.

7. Πνευματικὴ τροφή, *Spirituale alimentum*: ex I. Cor. 10. v. 3. 4.

In tertia classe sunt ista nomina.

1. Δείπνον θεοῦ τὸν καὶ ἄρχισύμβολον, *cæna divinissima & principalissima: cæna magna.*

2. Convivium ecclesie: *convivium, cuius totum dominium est: convivium latum.*

3. Prandium: *prandium cæleste, honestum, salubre, atque perpetuum.*

4. Δείπνον μέγα: *cæna magna.*

5. Mensa cælestis, *sacra, mystica, spiritualis, φοβερά, terribilis, & λογική, rationalis.*

6. Ἄρτος ὑπέρστος: *panis quotidianus.*

7. Panis, absque epitheto.

8. Panis angelorum; panis vita, panis sanctus; panis Dei; panis propositionis.

9. Sacramentum panis.

10. Caro & sanguis Domini.

11. Λειτουργία, *liturgia.*

12. Συναξίς collecta, *collectio, conventus.*

13. Μυστήριον, *mysterium.*

14. Μυστήριον θεῖον, *mysterium divinum: τὸ μυστήριον Κυρίου, mysterium Domini: τὸ δεσποτικὸν μυστήριον, Dominicum mysterium:*

τὸ αὐτὸ καὶ τοῦτο μυστήριον, *tantum & tale mysterium: μέγα τῆς σωτηρίας μυστήριον, magnum salutis mysterium: mysterium pacis & unitatis: mysterium fidei.*

15. Vinculum charitatis.

16. Sacramentum.

17. Sacramentum Dominicum.

18. Sacramentum pietatis.

19. Signum unitatis.

20. Sacramentum pretii nostri.

21. Desiderata.

22. Gratia: χάρις.

22. Δεῖα χάρις, *divina gratia: ὑψίστης χάρις, cælestis gratia: θεῖα καὶ Θεοποιὸς χάρις, divina & Deum efficiens gratia.*

23. Τὰ ἁγιάσματα, *res sanctificata.*

24. Τὸ ἀγαθόν, *ipsum bonum: ἡ κοινωνία & ἀγαθὸς, communicatio boni.*

25. Τὸ τέλειον, *perfectum, seu potius perfectio, consummatio.*

26. Μετέληψις *participatio.*

27. ἁγία μερίδες, *sancta particula: partes.*

28. ἁγία τροφή, *sancta alimonia.*

29. Τὰ ἁγία δῶρα, *sacra dona: τὰ προκειμένα δῶρα, proposita dona.*

30. Τὰ δῶρα, *dona: τὸ δῶρον, donum.*

31. Τὰ ἅγια, *sancta.*

32. Sacrificium commemorationis.

33. Τὸ σωτήριο δῶρον, *salutare donum: τὸ νοερόν καὶ μυστικόν δῶρον, intelligibile & mysticum donum: δῶρον ἐξιτήριον, donum a discedente donatum: δῶρον ἐξιτήριον, donum perfectitum.*

34. Hereditarium munus testamenti novi.

35. Sacramentum corporis & sanguinis Christi: & sacramentum corporis Christi.

36. Ἐφόδιον, *viaticum.*

37. Πάσχα, *Pascha.*

38. Vita.

39. Sacramentum calicis.



40. Ἰνσία. *sacrificium.*

41. *Sacramentum altaris.*

42. προσφορά, *oblatio, seu oblata.*

43. προσένεξις, ἀναφορά: idem quod προσφορά.

44. *Mysterium perfectionis.*

45. λατρεία, *cultus: λατρεία οἰκονομίας, cultus dispensationis: λατρεία ἀνάμικτος, cultus exanguis.*

46. *Pietas.*

47. *Missa.*

48. Δοχή. *sumtio, seu epulum solenne.*

49. *Celebratio corporis & sanguinis Christi.*

Hæc nomina, epitheta, commendationes, & descriptiones sacræ cœnæ vide suis locis explicata. Hic nomen Cœna Dominica solum est explicandum. Occurrit hoc nomen 1. Cor. II. v. 20. ubi Chrysostomus observat, Paulum eo loco appellasse δῆπνον, *cœnam*; quod erat potius, si temporis rationem habeas, ἄριστον, *prandium*. Manè enim sine dubio Corinthii Eucharistiam celebrabant, quam sequebantur postea epulæ communes. Causam adfert Chrysostomus, ὡς ἀπέμπων αὐτοὺς ἢν ἡδὴ τῇ ἑσπέρᾳ καθ' ἣν τὰ Φελικὰ μυστήρια παρέδοκεν ὁ Χριστός, ut remitteret illos iam inde ad illam vespertam, quâ Dominus tremenda mysteria tradidit. Hoc vult dicere: cum profu Ecclesiæ, quem ipsi Apostoli haud dubiè instituerunt, communicandi manè ante ullum cibum sumtum, convivium illud cœleste dicendum esset, ἄριστον, vel ἀρετόσιμα *prandium*, aut *ientaculum*: cœnam tamen fuisse dictam, in honorem primæ institutionis. Gregorius Magnus in Evangelia, homil. 36. aliam rationem reddit: Hoc, ait, convivium Dei, non prandium, sed cœna vocatur; quia post prandium cœna restat; post cœnam verò nullum convivium restat: & quia æternum Dei

convivium nobis in extremo præparabitur, rectum fuit, ut hoc non prandium, sed cœna vocaretur. *Casaubonus exere. 16. num. 31.* addit hanc rationem: quod δῆπνον maius est aliquid, quàm ἄριστον, & sacris epulis: convenientius. Nam veteres Græci & Latini prandebant parcè, & ut plurimum soli cum suis; invitationes ad cœnam fiebant. Jam verò cœna Domini non sunt privatæ epulæ, sed publica quedam omnium fidelium invitatio. Appositissimè Plutarchus hanc in rem problem. 6. lib. 8. τὸ δῆπνον φασι Κοῖνα, Ἀπὸ τὴν ἡγινώσαν καλεῖσθαι καὶ ἑαυτοὺς ὃς ἡρίων ἐπεικῶς οἱ πάλαι Ρωμαῖοι σὺν δῆπνόντες τοῖς φίλοις: Δῆπνον appellant (Romani) cœnam, ob ἡγινώσαν, communionem veteres enim Romanos solos modicè prandere solitos, cœnare verò cum amicis. Alii hanc adferunt rationem; priscis temporibus omnia convivia fuisse appellata δῆπνα, etiam quæ non fierent in fine diei. Id probant ex Photio, qui observat Paulum, quando dixit ἕκαστος τὸ ἴδων δῆπνον προσλαμβάνει, unusquisque propriam cœnam occupat, usurpasse δῆπνον pro ἄριστον, καὶ τὴν τότε σινοῦθειαν, cœnam pro prandio secundum eius temporis consuetudinem. Cæterum ex epistola Augustini ad Januarium cognoscimus, fuisse quasdam in Africa Ecclesias, ubi sacramentum celebrabatur in fine diei: alias, in quibus & ad manè, & ad vespertam. Manè quidem, ut videtur, propter auctoritatem universæ Ecclesiæ, quæ iam inde à principio ea consuetudine ubique fere est usa, ut sumatur Eucharistia, non à refectionis illa die, sed à ieiunis: ad vespertam verò, ut potest intelligi ex Augustino, quia Paulus has epulas sacras, cœnam, vocavit; & quia scriptum est apud Lucam cap. 22. v. 20. Similiter & calicem, postquam

cœnavit. Quæ etiam videntur fuisse causæ, cur illi Ægyptii, de quibus *Socrates* li. 5. priusquam ad hoc sacrum epulum accederent, lautè cœnarent; sacram verò cœnam circa vesperam sumerent, παντοίων ἐδεσμάτων ἐμφορηθέντες, omni generis cibis satiati, ut ait *Socrates*. Sed Patres solidas reddunt rationes, cur Dominus quidem in cœna, vel potius à cœna, hoc sacramentum instituerit: nos verò eam temporis circumstantiam servare non teneamur, qua de re etiam *Cyprianus* agit in *epist. ad Cecilium*. Narrat *Chrysostomus* in *epist. ad Acacium*, inter alias criminationes fuisse hoc quoq; sibi obiectum, quòd post sumtum cibū dedisset cōmunionē: q̄ accusationem ipse, ut gravissimū crimē à se amolitur: *Id si feci*, ait, *ἀποβάλοιμε χρυσὸς ἐκ τῆς βασιλείας αὐτοῦ, eiciat me Christ⁹ de regno suo*. Mox tamē inimicos suos, qui inter dispositionis suæ causas hanc ponere non erubescerent, gravissimè increpās, Christi exemplum adfert, qui postq̄ cœnasset, cōmunionem tradidit: καθελέτωσαν, inquit, αὐτὸν τὸν Κύριον, ὃς μετὰ τὸ δεῖπνῆσαι τὴν ἡγιωμένην ἔδωκε. Deponant ipsū Dominum, qui post cœnam cōmunionē dedit. Cæterum in libris Latinorum vox cœna Domini interdum notat diem illum, quo Christus hoc mysteriū instituit. Cū n. esset institutū, ut ille dies publica solennitate celebraretur, appellatio cœna Domini ei festivitati est indita. Vide *Isidorum de officiis ecclesiasticis* lib. 1. c. 28. *Eligius* scilicet. 11. ait: Vocatur hac festivitas cœna Domini, ed quòd hoc die Dominus cœnavit cum discipulis, eisq; sacramentum corporis & sanguinis sui tradidit: & in 15. ait, propter illam causam, quintam feriam dierū cœnā Domini, ex antiqua Patrum consuetudine vocari. Sic Pascha Domini est feria illa prima, qua Dñs resurrexit. Deni-

que Agape, primis Christianis usitata, etiā appellatur cœna apud *Tertull.* *Apolog.* c. 29. Fuit à ista cœna toto genere diversa à cœna Dñi; q̄ *Tertul.* dicitur convivium Dominicum, lib. 3. ad uxorem: *Ambrosio*, convivium ecclesia, li. 1. de Abel & Cain: *Optato*, convivium, cuius totum dominium Dei est, lib. 5. *Nazianzeno*, cœna magna. Vide titulum PRANDIUM. 173. Hæc vox significat antistitem in ecclesiasticis & politicis: q̄ olim ad eosdem cura factorum & imp. e. ii ptinebat. Sic *Melchisedec* erat princeps & sacerdos. Similiter patres familias, itēque primogeniti ante constitutam politiam Mosaicam. In Conco: dantiis Bibl. vulg. vers. hæc loca recitantur, ubi sacerdos idem sit quod præfectus seu præses. *Gen.* 41 v. 45. v. 47. v. 22. *Exod.* 2. v. 16. c. 3. v. 1. c. 18. v. 1. 2. *Sam.* 8 v. 18. c. 20. v. 26. 1. *Reg.* 4. v. 5. 2. *Reg.* 10. v. 11. 1. *Chron.* 27. v. 5. *Iob.* 12. v. 10. Sic *Moses* *Psal.* 99. v. 6. numeratur inter *כֹּהֲנִים* sacerdotes, i. e. antistites: nisi malis dicere, *Mosen* ante legem latam functum fuisse officio summi sacerdotis.

COLLECTÆ. Hæc vox est πολύσημη. Nam quod Græci σὺν ἄξιν, id Latini scriptores collectam dicunt, & σὺν ἄγειν, collectā agere: & ita sæpe apud veteres Patres, & in antiquis Martyrum Actis. Deinde eleemosynæ coactæ à diaconis, & munera ad sublevationem pauperum, appellantur collectæ, Græcè λογίαι, πᾶσι τὸ λέγειν. Deniq; collectæ sunt preces communes: sic dictæ vel à cœtu credentium congregato, vel quòd eleemosynæ cogerentur, dum istæ preces recitarentur. Exempla istiusmodi collectarum per totum annū vide in *Breviario Christiano Adami Siberi*.

COLUMNA VERITATIS. Sic 1. *Tim.* 5. v. 15. appellatur Ecclesia: quia est custos & testis verbi illius, in quo salutis nostræ veritas

ritas perfectè cōtinet. Est itaq; columna, ad q̄ verbum Dei scriptū velut affixū est, & propositum prostat piis omnibus.

COMMUNICATIO IDIOMATUM. Hæc nihil est aliud, q̄ modus loquendi, quo idioma unius naturæ Christi tribuitur toti personæ ab alterutra natura denominatæ in cōcreto propter personale unionem naturarum. Audiamus iudicia Patrū de hac loquendi formula. *Iustinus Martyr de expositione fidei* sic ait: Cū de uno Filio voces inter se diversas audieris, convenienter ea quæ dicuntur inter se collata naturis distribue: si quid magnum atque divinum, naturæ divinæ adscribens; si parvum & magnum, humanæ imputans. Hoc namq; pacto vocum dissonantiam evitabis, qualibet natura, quod tibi insitum est, recipientem unum Filium, & ante omnia secula, & recenseditum, de sacrarum literarum sententia profiteberis. *Athanasius oratione 4. contra Arianos*: cum (Filius) Deus esset, proprium quoddam corpus cepit, eoq; utens ut organo, homo factus est propter nos. Ideoq; quæ propria sunt carnis, etiam de illo referuntur. *Ambrosius de fide ad Gratianum Augustum lib. 2. c. 4.* Dominus materis dicitur crucifixus, quia consors utriusq; naturæ, i.e. humanæ atque divinæ, in natura hominis subiit passionem. *Ibidem*. Servemus distinctionem divinitatis & carnis. Unus in utraq; loquitur Dei Filius, quia in eodem utraque natura est. Et si idem loquitur, non uno semper modo loquitur. Intende in eo nunc gloriam Dei, nunc hominis passiones, quia quasi Deus loquitur quæ sunt divina, quia verbum est: quasi homo dicit q̄ sunt humana, quia in mea substantia loquebatur. *Et lib. 3. c. 5.* Est Scripturis divinis promiscua consuetudo, ut

interdum à divinitate Christi incipiant, & ad incarnationis sacramenta descendant: interdū ab humilitate incarnationis exordium sumant, & ad gloriam divinitatis assurgant. *Et paulò pōst*. Verūm Arianī, velut Judaici caupones, miscent aquam cum vino, quia divinā generationem humanamq; confundunt, ad divinam referentes, quod de carne sit dictū. *Hilarius de Trinitate lib. 9.* Hinc fallēdi simplices atque ignorantes hæreticis occasio est, ut quæ ab eo secundū hominem dicta sunt, dicta esse secundū naturæ divinæ infirmitatem mentiantur. *Gregorius Nazianzenus ad Clidonium epist. 1.* Nemo ascendit in cælum, nisi qui descendit, Filius ille hominis, & si aliud tale: censendum est q̄ dicatur propter unionem cœlestem. *Chrysostomus in Iohan. homil. 26.* Nemo ascendit in cælum, nisi qui descendit, Filius hominis qui est in cœlo &c. Filium hominis hoc in loco, non carnē, sed à minori substantia totum seipsum, ut sic dicam, intelligit. Hic namque ei mos est, ut nunc à divinitate, nunc ab humanitate totum nuncupet. *Augustinus tom. 10. serm. 58. de verbis Domini*: Unicuiq; substantiæ propria utiq; aptanda sunt, i.e. infirmitates humanitati q̄ creata est, signa verò vel mirabilia divinitati quæ creavit. In tantū enim duæ naturæ sibi met unitæ sunt atque coniunctæ, ut idem atq; idem Christus Deus & homo, aliquando res aut agat aut loquatur humanas, aliquando divinas. *Theodoret. dialog. 2.* Sicut congruunt homini animæ & corporis propria: sic et de Christo loquendum est. Cū de naturis loquimur, suum cuiq; tribuamus, & sciamus quædam esse divinitatis, quædam humanitatis propria. Cū a. de psona verba facimus, cōmunicanda sunt naturarū propria,



propria, & hæc atque illa Salvatori Christo tribuenda sunt. *Et dialogo 3.* Scire oportet, quòd unio communia facit nomina. *Item:* Propria naturarum facta sunt communia personæ propter unionem, quæ idem est Filius Dei & Filius hominis. *Item:* Communio nominum non facit confusionem naturarum. *Cyrillus libro 2. thesauri cap. 1.* Modò ut homo, modò ut Deus loquitur. *idem libr. 10. thesauri cap. 7.* Sic quæ de Christo scribuntur, intelligenda sunt, ut nec quæ Deitati conveniunt, humanitati ipsius tribuantur; nec quæ humanitatis propria sunt, ad Deitatem ipsius distorqueantur. Vide etiam *Damascenum lib. 3. de orthodoxa fide cap. 4. & Bonaventuram lib. 3. sent. dist. 14. c. finem.* Solent hoc loco illi, qui communicationem idiomatum definiunt realem effusionem proprietatum divinarum in humanam Christi naturam, solent, inquam, abuti distinctione attributorum Dei in operantia & quiescentia. Aiunt enim quædam attributa divina esse communicata carni Christi, ut operentur, & se in carne & per carnem exserant, ut dicunt esse omnipotentiam, omniscientiam, vim vivificandi & quædam verò ita esse carni Christi communicata, ut tantum in carne quiescant, & non operentur; qualia ipsi sunt infinitas, æternitas &c. Illa appellant denominantia, ita ut caro Christi dicatur omnipotens, omniscia &c. hæc indenumerantia, ita ut caro Christi non possit dici infinita, æterna à priori &c. Illa dicunt spectari respectu possessionis & usurpationis simul: hæc non respectu usurpationis, τῆς χεῖρεως, sed possessionis, τῆς κτήσεως. Verum enim verò hæc sunt σφὰ φάρμακα, excogitata ab iis, qui docti sunt δουλεύειν ταυτῇ τῇ ᾧ πωθεῖται, pro-

prietates posse communicari: quod quidem est longè absurdissimum. Neque enim propria, τὰ ἴδια, communicantur, sed quædam illorum effecta effunduntur in alia subiecta. Et hic est sensus distinctionis, qua attributa Dei dividuntur in operantia & quiescentia.

COMMUNIO SANCTORUM. Ea est duplex: interna & externa. Interna est, quam quilibet Sanctorum habet per fidem & charitatem cum Deo, & omnibus sanctis tum angelis, tum hominibus. Nominatim autem communio nostra cum Christo consistit in beneficiorum Christi participatione, & vera ipsissimæ carnis eius & spiritus communicatione, itemq; in mutua charitate. Qua de re prolixè disserit *Cyrillus lib. 10. in Iohannem, c. 13.* Communio externa est Ecclesiastica, vel politica. Ecclesiastica est, qua communicamus simul in iis, quæ ad cultum Dei in Ecclesia pertinent, ut sunt verbi divini prædicatio, preces publicæ, sacramentorum participatio. Politica est, quæ versatur in rebus & negotiis ad politicam vitam & conversationem pertinentibus. Ea verò requirit honestam communicationem utilitatis, ita & salva maneant rerum dominia.

COMMUNIO, κοινωνία, Communio Ecclesiæ cum Christo, capite suo, consideratur vel extra eucharistiam, vel in eucharistia. Utraque magnum est sacramentum. De priori loquitur Apostolus *Eph. 5. v. 31. 32.* de posteriori *1. Cor. 10. v. 16.* unde sumpta est celebris illa apud Patres nomenclatura S. Cænæ, Communio: cuius quidem nominis hæc est ratio. Christus est caput nostrum, ita quidem, ut per fidem καὶ ὁμολογίᾳ τῷ Κυρίῳ ἐν πνεύμα ὡμῶν, tam arcta coniunctione Christo adhæreamus, ut unus spiritus cum illo siamus. *Eph. 4. v. 15.* Hoc autem

tem Christus nobis est meritis per mortem suam: applicat per fidem, verbum & sacramenta, tãquam per tria media: è quibus alia Deus porrigit nobis, nempe verbum suum & sacramenta; alia nos adhibemus, sed gratis ab ipso accepta, fidẽ videl. quam cœlestibus beneficiis accipiẽdis, solam quasi manum hominib. à Deo concessam esse, & Scriptura docet Eph. 3. v. 17. & Patres cõsentiunt. Sic enim Chrys. in 2. Timoth. homil. 2. differens de baptismo & eucharistiæ perceptione: τὸ πᾶν, ait, τῆς πίστεως ἐστὶν *totum opus est fidei*. iterum ibidẽ, πρὸς τὴν πίσιν τὴν οὖν τὸ πᾶν ἐνεργεῖται, *ad fidem tuam totum opus refertur*. & sæpe alibi docet idem. Similiter Cyrillus in defensione anathematis 2. contra Theodoretum, & alii Patres. Porro verbum & sacramenta tendunt eodem, sed diversis nonnihil viis. Verbum Dei voluntatem ipsius patefacit, promissiones declarat, vocationem proponit, gratiam spondet. Sacramenta eandem gratiam propiũs animis nostris admovent, & exhibent aliquantò efficacius. Sunt enim velut canales, pignora, picturæ, sigilla, tesseræ. Atque hæc quidem sunt ordinaria instrumenta, quibus Spiritus sanctus utitur, ad efficiendam in nobis communionem cum Christo. Sunt autem sacramentorum diversæ invicem operationes. Nam etiam est unus omnium finis, unum opus: modis tamen operantur diversis. Itaque propria baptismi operatio dicitur ἀναγέννησις, seu παλιγγενεσία, *regeneratio*; quia per salutis baptismi aquam Adamo veteri morimur, novaque creatura evadimus, Gal. 6 v. 15. Eucharistiæ propria operatio est communio corporis & sanguinis Christi, i. e. manducatio corporis Christi, & potus sanguinis: seu est instrumentum eius cõiunctionis,

per quam in corpus unum cū Jesu Christo cœlescimus, & cum cæteris etiam fidelibus omnibus, qui sunt omnes eiusdem corporis membra. Plura vide ad tit. *κρίσις*. Hic non est silentio prætereundum, quod Pachymeres, eruditus Dionysii interpretes, adfert. Ille causam aliam tradit, cur Eucharistiæ dicta sit *κρίσις*, *communio*: Ἀλλὰ τὸ τὸ τε κρινόντων τοὺς ἀξίους πάντας τῶν μυστηρίων, *quia tunc* (i. e. primis temporibus) *omnes qui dignerant, mysteriis* (id est, cœnæ Domini) *participabant*. Confirmat hoc etymon, quod scribit Chrysostomus in 1. Corint. 11. & sæpius repetit, Cœnam Domini debere esse omnium communem: quoniam, inquit, si herus aliquis servos suos convivio excipiat, non potest aliquis servorum sibi uni vendicare, quæ in commune sunt omnibus proposita. Sic Hieron. in eundem locum ait: Cœna Domini ca debet omnibus esse cõmunis: quia ille omnibus discipulis suis qui aderat, æqualiter tradidit sacramenta. Summa est: Cœnam Domini dictam esse *communione*, 1. quia sit organum speciale & illustre nostræ cum Christo Jesu coniunctionis, seu *θεώσεως*, *deificationis*. 2. quia fideles ipsos, Christi membra, charitatis vinculo inter se adstringat. 3. quia omnibus fidelibus dignis in commune olim in synaxibus proponeretur. Postea verò cūm deficiente zelo populus Christianus communicare desit, nisi semel in anno, ut toties Chrysostomus, Cassianus, & alii queruntur; simul cepit, quæ prius erat & dicebatur communio, fieri *θεάματα* & *ἀκροαμα*, *spectaculum* & *acroama*. Cæterum quod hic diximus de *dignis*, h. e. accipiendum de dignatione divina, qua Deus nobis largiendo fidem dignos nos efficit.

COMPETENTES. Sic erudiebantur ca-

L

rech-

techumeni in primordiali ecclesia, ut magna cum aviditate communionem peterent, unde illis *Compeentium* nomen: sicut docent Augustinus, Isidorus, & alii. Extant Patrum Græcorum & Latinorum homilia plurimæ ad Catechumenos, in quibus multa dicuntur ad excitandam hæc in illorum animis cupiditatem. Mos etiam fuit, ut in publicis sacræ liturgiæ precib. sacerdos pro Catechumenis Deū oraret, ut eis desiderium regenerationis inspiraret: sicut loquitur Augustinus epist. 107. Et notat Chrysostomus homil. 2. in posteriorem ad Corinthios, Sacerdotem pro Catechumenis orantem, hac precum formula uti solitum: *δεηθῶμεν. ἵνα ὁ πανελεήμων καὶ οἰκτιρῶν Θεὸς ἐπακούσῃ τῶν δεήσεων αὐτῶν, oremus ut misericordissimus & miserator Deus eorum orationes exaudiat.* deinde quæ essent catechumenorum preces, exponit, *δέησις δὲ κατηχομένων τίς ἂν εἴη, αἰτ' ἢ, ὥστε μὴ μέναι κατηχομένους; Quamam verò Catechumenorum sit oratio, nisi ut ne maneant Catechumeni?* Ratio est: quia non censebantur Christiani, qui sacramentis nondum fuerant initiati: ac proinde si morerentur antequam Fideles essent facti, spes salutis nulla erat: quod sæpissimè affirmant Augustinus, Chrysostomus, & alii. Quamquam οἰκονομικῶς, dispensativè, fortasse illa dicantur. Nam de Valentiniano, qui ante baptismū obierat, nihil oscius bene sperasse Ambrosium notissimū est. Vorū n. baptisimi p baptismō illi fuisse, nō dubitavit. Ideo in eius laudatione ait, *Ablut⁹ ascendit, quæ sua fides lavit, & petitio cōsecravit.*

COMPLETORIUM. Est vox ecclesiastica, notans crepusculum, cum

*Vltima pars lucis, primaq; noctis init:*

Sic dictum à laudibus divinis absolutis & completis, actionibus omnibus diur-

nis perfectis. Epiphanius appellat *λυχνικὸς ψαλμοὺς καὶ προσόχας* q. d. lucernales. Nam hæc pars diei Herodoto dicitur, *ἡ εἰς λύχνων αἴφας.*

CÖPREHENSORES. vid. infr. VIATORES.

CONCILIUM. Festò videtur dictum quasi consilium à consulendo: aliis à cōfentiendo. Sed verum etymum est à concalando, h. e. convocando, sive congregando. Hoc enim rei vim naturamq; declarat. Concilium enim quid aliud est, quàm hominum cœtus, aut convocatio, seu multitudo convocata ab aliquo, ad consultandum aut diiudicandum de rebus communibus. Sunt autem Concilia alia politica, alia ecclesiastica. Politica sunt, quæ de rebus ad statum externum reip. pertinentibus congregantur: qualia sunt Comitia & Parlamenta. Ecclesiastica verò Cōcilia sunt hominum piorum ac religiosorum de rebus ecclesiæ consultantium, & sunt trium generum. Quædā n. sunt particularia, quando pauci homines ex uno loco colliguntur, ut res ecclesiasticas constituant: cuiusmodi fuit Cōcilium illud, de quo Act. 15. Ibi n. conveniunt, qui Hierosolymis fuerunt *πρεσβύτες* religionis Christianæ. Hæ dicuntur *καὶ τόπους συνοδοί*, vel *συνόδοι τοπικαί*. Quædam sunt provincialia aut nationalia, qñ unius gentis Episcopi & Presbyteri congregantur, ut suis Ecclesiis consulant: cuiusmodi olim in Africa, Hispania, & aliis orbis partibus permulta habita sunt, de quibus in tomis Conciliorū. Hæ *συνόδοι καὶ ἐπαρχίας* appellantur. Quædā sunt universalis, cum non ex una gente, sed ex toto orbe Christiano Episcopi ac Presbyteri congregantur. Hæ vocantur *συνόδοι οἰκουμένης*; vel quia ex omni parte orbis Christiani ad eas convenitur, vel quia, ut quidam



quidam volūt, ab Imperatore congregabantur, qui olim totius orbis Christiani imperium habuit. *Bellarm. lib. 1. de concil. & ecclef. c. 4.* dupliciter partitur Cōcilia. Prior divisio est de variis generib. Cōciliorū, altera de varia illorum autoritate. Quod ad primam partitionem attinet, ait esse quatuor genera Conciliorum: generalia, nationalia, provincialia, & diœcesana. Trium priorum *Augustinus* meminit *lib. 2. contra Donatistas c. 3.* membri verò quarti *Concilium Toletanū IV. c. 25.* Hæc cuiusmodi sint, nunc audiamus. *Diœcesana* Concilia sunt, in quibus Præsbyteri unius tantum Episcopatus conveniunt: *provincialia*, in quibus omnes Episcopi conveniūt sub uno Archiepiscopo aut metropolitano: *nationalia*, cum oēs Episcopi & Archiepiscopi unius regni conveniunt: *generalia*, quibus interesse possunt ac debent Episcopi totius orbis. Alterius quoq; distributionis quatuor sunt membra. Quædā enim ait approbata esse ab Apostolica sede, quædam omnino reprobata, quædam partim approbata partim reprobata, quædam nec approbata nec reprobata. *Primi generis* ait esse octodecim: videl. Nicænū primum, Cōstantinopolitanum I, Ephesinum I, Chalcedonense, Constantinopolitanum II, Constantinopolitanum III, Nicænum II. Cōstantinopolitanum IV, Lateranense I, Lateranense II, Lateranense III, Lateranense IV, Lugdunense I, Lugdunense II, Viennense, Florētinum, Lateranense V, Tridentinum. *Secundi generis* commemorat octo: Conciliū Antiochenum, Mediolanense, Ariminense, Ephesinum II, Constantinopolitanū cōtra imagines, Cōstantinopolitanum aliud similiter contra imagines, Pisanum, & Witenbergenſe. *Tertii generis* recitat sex: Cōcilium Sardicense, Syrmienſe, Constan-

tinopolitanū, q̄ dicitur Trullanum; Frācofurtenſe, Constantienſe, & Basilienſe. *Quarti generis* fuerunt minuta q̄dam Cōcilia particularia. Hæc ex Bellarm. Tu ita habe. Concilia sunt legitima, vel illegitima. Concilia legitima sunt in quibus ex solo Dei verbo omnia deciduntur. Suntq; Apostolica, vel Ecclesiastica. *Concilia Apostolica* sunt, in quibus Apostoli fuerūt coacti. Observant a. docti, quatuor huiusmodi Cōcilia describi in Actis: primū, in quo eligit Matthias, *Act. 1.* secundum, in quo diaconi instituunt, *c. 6.* tertium, in quo Iudaica instituta antiquatur, *c. 15.* quartū elicitur ex historia *c. 21.* de Pauli adventu Hierosolymā. *Cōcilia ecclesiastica* sūt generalia, vel specialia. *Generalia* dicūt œcumenica: suntq; numero sex, videl. Nicænū I, Constantinopolitanū I, Ephesinū, Chalcedonense, Cōstantinopolitanū II, & III. *Concilia specialia* sunt diœcesana, seu provincialia; vel nationalia: de quibus paulò antè. *Concilia illegitima* sunt, quæ neq; rectè convocata sunt, neq; rectè definierūt res ppositas: aut rectè quidē convocata fuerunt, sed errarunt in modo procedēdi, ita nempe ut vel contra Scripturā, vel tyrannicè egerint. Tria hîc notanda sunt. 1. Veteres laudantes Cōcilia, intelligendi sunt de iis, q̄ ex Scripturis deciderunt controversias sibi propositas. 2. Præsidentia, q̄ in quibusdā Conciliis tributa fuit Papæ, nō fuit authoritativa, sed honoraria, ut rectè distinguit Turrecremata *summa de ecclef. li. 3. c. 23.* 3. Provocativā Conciliis ad Romanum Episcopum, non fuit ut ad iudicem supra Concilia, sed ut ad Patrem pollentē autoritate apud Imperatorem.

CONCORDIA. Hæc est vinculū & veluti glutē, omnis societatis. Itaq; in ecclesia  
Sint vnū, laudent unū, meditentur & unum,  
Glorificent unum pectora fessa Deum.

Nam

*Disiunctas animi turbato federe partes*

*Nec liquida invisit sapientia, nec Deus intrat, ut canit Prudentius.*

CONFICERE CORPUS CHRISTI. Vide FACIO.

CONFESSIO. Hæc est vel religionis Rom. 10. v. 10. vel peccatorum, eaque publica vel privata, ordinaria vel extraordinaria, coram Deo, vel hominibus. Hic quaeritur de confessione peccatorum secreta & integra, quam vocant sacramentalem, & auricularem, an illa sit necessaria? Respondemus ex Chrysostomo & Augustino, quod non. Sicut enim Chrysostomus homil. 2. in Psalm. 50. Si confunderis alicui dicere quæ peccasti, dicito quotidie in anima tua. Non dico ut confitearis confervo tuo, qui exprobrat: dicito Deo, qui curat ea. Peccata tua super stratum tuum confitere, ut ibi sua mala quotidie conscientia tua recognoscat. Item: Nunc autem neque necessarium est presentibus testibus confiteri; cogitatione tua fiat delictorum exquisitio: sine teste sit hoc iudicium: solus Deus te confitentem videat. Item: Non te in confervorum tuorum theatrum ducio, non hominibus peccata tua deregere cogo: repete coram Deo conscientiam tuam, & explica. Ostende Domino præstantissimo medico tua vulnera, & pete ab eo medicamentum: ostende ei quod nihil opprobret, sed humanissime curet. Idem. hom. 31. in Hebr. 12. Nec nos dicamus peccatores, sed etiam peccata recenseamus, speciatim unumquodque enumeremus. Non tibi dico, ut ea tanquam pompam in publicum proferas, neque ut te accuses, sed ut pareas Prophetæ dicenti, Revela Domino viam tuam. Apud Deum ea confitere, apud iudicem confitere pec-

cata tua, orans si non lingua saltem memoria, & ita roga ut tui misereatur. Aug. tom. 1. lib. 10. confess. c. 3. Quid mihi ergo est cum hominibus ut audiant confessiones meas, quasi ipsi sanaturi sint omnes languores meos? Curiosum genus ad cognoscendam vitam alienam, desidiosum ad corrigendam suam. Quid à me quaerunt audire qui sum, qui nolunt te, Deus mi, audire qui sint? & unde sciunt cum à me ipso de me ipso audiunt, an verum dicam, quandoquidem nemo scit hominum quid agatur in homine, nisi spiritus hominis qui in ipso est? Ex his patet, Patres confessionem secretam non habuisse pro necessaria. Et glossa inde penit. dist. 3. c. 1. §. in penitentia ait: Melius dicitur eam institutam fuisse à quadam universalis Ecclesiæ traditione potius, quam ex Novi vel Veteris Testamenti auctoritate. Colophonis loco observa miram Baronii subtilitatem, qui in an. Chr. 56. 16. ita explicat vocem ἐξομολόγησις, confessio. ἐξ, inquit, præpositio idem est quod foris, & ὁμολογία, quod est, ut declarat Suidas, confessio.

CONFESSORES. Ita dicuntur, qui vitæ sanctimonia claruerunt, non tamen suum pro Christo sanguinem fuderunt. Ita passim videas iungi Martyres, Confessores & virgines.

CONFIRMATIO. Hæc Papistis dicitur esse sacramentum. Sed Bonaventura negat fuisse à Christo institutam, in sent. lib. 4. d. 7. art. 1. q. 1. Et Molanus de sacram. tract. 4. c. 6. ait: De forma confirmationis non mirum est pauca apud veteres legi, cum ab Innocentio I. scriptum sit, verba dicere non possum, ne prodere verear. Primi formam publicasse videntur Magistri Romanæ Ecclesiæ in ordine Romano, ubi legitur: Confirmo te in nomine Patris, Filii, & Spiritus sancti, Amen. Sic Molan?

*Suarez in 3. part. Thom. De forma confirmationis, inquit, nihil legimus in Scripturis: si ad traditionem confugiamus, magnam in antiquis Patribus reperimus varietatem. Bellarminus de sacram. confirm. lib. 2. c. 10. faterur, Patres nec expressè possuisse formam confirmationis, neque aliorum sacramentorum formas descripsisse, quod essent res omnib. nota. Verius dixisset: res omnib. ignota.*

**CONGREGARE.** Hoc verbum non semper de locali coitione intelligitur: sed sæpe idem denotat, quod Implicare, Involvere, Violento impetu attripere, ut in illo *Psal. 26. 9. Ne abripias animam meam cum peccatoribus*: ubi est verbum ἁρπάζω, quod alias significat colligere. Similis locus est *Apoc. 16.* ubi de spiritibus Antichristi dicitur, illos congregaturos mundi reges in prælium, h. e. effecturos, ut reges bellicis implicentur. Ubi notatur Liga illa, per quam reges revera congregantur in prælium, non vulgare, sed ejusmodi, quod catholicam ecclesiæ persecutionem adfert. Desumptum autem est genus hoc loquendi ex *Esa. 14. 21. 22. c. 34. 5. 6. Soph. 3. 8.*

**CONSUBSTANTIATIO.** Sicut transubstantiatio à sophistis: ita consubstantiatio, ἡ συνσυστάσις, ab ignorantibus est introducta. Est autem consubstantiatio modus quidam, quo corpus Christi fingitur esse *In, Con, & Sub pane.* De sanguine Christi & vino eucharistiæ idem iudicium apud patronos. hujus figmenti: quod alii tribuunt Ruperto Abbati Tutiensi, alii Johanni Parisiensi; alii Cardinali Cameracensi. *Bellarminus lib. 3. de sacramento Eucharistiæ cap. 11. de Luthero sic ait: Addit veram esse propositionem. Panis est corpus Christi, propter unio-*

nem panis cum corpore, sicut est vera, Christus homo est Deus: ubi insinuat impanationem Ruperti, vel Johannis Parisiensis: tamen non apertius id explicat. Sic Bellarminus. Quidquid autem hujus sit, certum est, Lutherum esse patronum cōsubstantiationis, hoc est, unionis illius, qua panis & corporis Christi substantia in unam massam unitur. Unde manifestum apparet discrimen inter Cōsubstantiationem & Transubstantiationem. Hæc enim est formalis mutatio panis in corpus Christi; & vini in sanguinem Christi; quæ sub speciebus, id est accidentibus apparentibus esse dicunt.

**CONVIVIU M.** Vide titul. **COENA DOMINI.**

**CORBAN.** Est vox Hebraica, significans oblationem, donum, munus. *Levit. 1. v. 2. Marc. 7. v. 11. Matth. 15. v. 5.* Ad quem postremum locum sic adnotat *Lyranius*: Deus dixit, Honora patrem tuum. Per honorem istum non solum intelligitur reverentia, sed etiam administratio necessariorum. Hanc autem excludebant per suam doctrinam falsam, quod sacerdotes, qui erant cupidi, ut bona, quæ essent administranda parentibus, converterentur in lucra eorum, dicebant, quod melius erat illa Deo offerre; tum quia est pater principalis, tum, quia, licet per talem oblationem parentes sustinerent detrimentum corporale, consequerentur tamen bonum spirituale, in quantum illud, quod erat in eorum necessitate convertendum, Deo offerebatur. Sic *Lyranius*. Summa hæc est: Corban seu donum est; hoc est, jam religionis causa Deo est oblatum illud, per quod à me juvari potuisses; id est, unde tibi succurrere debuisses. Ita Pharisei infantes, adeoque pie-



atis scilicet causâ, Deo gratos fore liberos aiebant, si maxime destituerent parentes, & ad DEUM remitterent immisericorditer: modò avarorum eorum, qui religiosi dicebantur explerent desideria.

**CORPUS CHRISTI:** In veterum scriptis occurrit triplex corpus Christi: reale, corpus assumptum: mysticum, ecclesia: sacramentale, panis in cœna. De consecrat. d. 2. cap. 79. De ultimo pronuntiant, illud creari quotidie, benedici, consumi, frangi, dividi, in terram cadere, contrectari manibus, visceribus concludi, denique dentes ipsi insigi. Porro ipsa eucharistia sæpe à veteribus appellatur corpus Christi: item celebratio corporis & sanguinis Domini, ut loquitur Augustinus in 3. de doctrina Christiana: item sacramentum corporis Christi. Hinc istæ phrasæ sacramentales: suscipere corpus Domini, Origenes homil. 13. in Exod. διδόναι τὸ σῶμα τῷ Χριστῷ, dare corpus Christi, in Canone 18. Concilii. Nicæni: ἱεραγεύειν τὸ σῶμα Κυρίου, conficere corpus Christi, Basilius pag. 597. & similes his multæ aliæ apud Patres Græcos & Latinos. De his locutionibus teneatur interpretatio ipsorummet Patrum: videlicet eam esse ἀφίπνεον, affectionem & mutuam relationem, inter signa & res significatas, ut eorum nomina promiscuè usurpentur, ἐναργείας ἔχοντα, perspicuitatis gratia, ut ait Basilius ad Amphilochoium, de re non dissimili verba faciens. Neque enim confundi patitur vera theologia signa visibilia cum rebus invisibilibus, quæ in illis honorantur, ut ait Augustinus: qui tot locis inculcat discrimen inter externa signacula, & intus latens spirituale donum. Docet igitur Patres, cum appellatur hoc mysteriū Corpus Christi, nomine rei signi-

ficatæ signum affici. Notissimus est Theodoretus locus: Dominus, inquit, symbolo corporis, corporis nomē dedit. Notissimum quoque est illud Augustini ad Adimantum: Dominus non dubitavit dicere, Hoc est corpus meum, cum daret corporis sui signum. Notissimus est ejusdem locus in enarrat. Psal. 3. Christus Iudam adhibuit ad convivium, in quo corporis & sanguinis figuram commendavit & tradidit. Sic Tertullianus, qui non raro in mentione hujus sacramenti illud appellat Corpus Christi, voci corpus subjicit interpretamentum, id est, figura corporis: ut libro 4. contra Marcionē c. 40. Quæ cum dicimus, neque venerandi hujus sacramenti virtuti & efficaciam, per quam, modo ineffabili, carne Christi & sanguine anima nostra Deo saginatur, ut loquitur Tertullianus, quicquam imus detractum: neque præsentiam Christi in Eucharistia negamus: sed monstrum Transubstantiationis configimus. Cæterum vox corpus in hujusmodi locutionibus paulò aliter accipitur, quàm in Dominica institutione, quæ tamē dedit exemplum harum phrasium. In verbis Domini corpus significare carnem certum est: nam propriè si acciperetur, superflua esset, quæ statim subjicitur, mentio sanguinis: cum τὸ corpus, si κυεῖται, id est, propriè, accipias & carnem & sanguinem complectatur. Sed norunt mediocriter exercitati in lectione Scripturæ & Patrum, solere corpus usurpari pro sanguine, & contrà aliquando, τὸ caro, poni pro corpore. At quoties hoc mysterium appellatur ἀπλῶς, simpliciter, corpus Christi, aliter ea vox est intelligenda: totum enim illud significat, quod in comunione percipiunt fideles. Nemo autem dubitat, fideles, quoties ritè Eucharistiam sumunt, & carnem & sanguinem Christi

Christi percipere, hoc est, totum Christum, & cum Christo omnia ejus munera, atque adeò, ut loquitur Damascenus, αὐτῆς τῆς θεότητος αὐτῆς μετέχειν, ipsam ejus Deitatem participare. Quæ observatio tollit concomitantiam & communionem laicam: de qua suo loco. Hîc non est prætereunda phrasis illa & distinctio Augustini, quæ dicit Judam accepisse panem corpus Domini, non verò panem corpus Dominum. Corpus Domini hîc significat nudum signum sive symbolum: τὸ corpus Domini, signum & signatum simul. Cum enim res sacramenti non percipiatur nisi sola fide, hypocritæ non nisi signum accipiunt: quia destituuntur manu & ore, quo percipitur nucleus sacramenti. Nimirum promissio Dei & fides nostra sunt correlativa, ut loquuntur. Itaque nihil promittitur aut offertur, sive in verbo, sive in sacramentis, nisi credenti. Unde patet, quatenus fides pertineat ad essentiam sacramenti.

CREDERE DEO. CREDERE DEUM. CREDERE IN DEUM. Primum respicit Dei promissiones in genere; secundum, Dei existentiam; tertium, promissiones Dei speciales. Hinc eleganter Nazianzenus: πρὸς τὸν θεὸν ἐν π, ἐστὶ θεότητος καὶ ὡς αὐτῶν ποιεῖν, ἐστὶ πάντος πλάγματος, hoc est, Credere in aliquid, arguit Deitatem: credere de aliquo, id verò in quolibet negotio locum habet. Unde Cyprianus: Non credendum, inquit, in ecclesiam, ut à creaturis separetur creator, & humana à divinis. Ita credimus remissionem peccatorum non verò in remissionem peccatorum. Quò pertinet illud Bernhardi: Si credis peccata tua non posse deleri nisi ab eo, cui peccasti

solì, & in quem peccatum non cadit, bene facis. Sed adde, ut & hoc credas, quòd per ipsum tibi peccata donantur. In concordantiis Biblicis vulg. vers. sic adnotatur: Credo Deo, Deum, in Deum, in Christum, Dei & Christi servis, homini. Insignis hoc loco locus est observandus ex Catechismo Romano, qui ex decreto Concilii Tridentini & Pii V. Romani Pontificis jussu fuit editus. Ibi cap. 2. quæstio secunda ita sonat: *Quis in materiâ fidei evangelica credere dicitur?* Responsio. *Credendi vox, hoc loco putare, existimare, opinari non significat, sed, ut docent sacra litera, certissima assensionis vim habet, qua mens Deo, sua mysteria aperienti, firmè constanterq; assentitur. Quamobrem is credit (quod ad huius loci explicationem attinet.) cui aliquid sine ulla hesitatione certum & persuasum est. Neque verò existimare quisquam debet, fidei notitiam minus certam esse, quòd ea non cernantur, quæ nobis credenda fides proponit. Etenim divinum lumen, quo ea percipimus, tamen rebus perspicuitatem non adferat, nos tamen de his dubitare non sinit. Deus enim qui dixit de tenebris lucem splendescere, ipse illuxit in cordibus nostris, ut non sit nobis operum evangelium, sicut iis qui pereunt.*

CREO. Est efficio eximiè. Peculiariter usurpatur de DEO, ita ut creatio sit constitutio rei ex nihilo: scilicet vel penitus, vel quodam modo, seu ex nulla, vel quasi nulla, id est, informi, inhabili, & indisposita materia. Origo vocis aliis est à κρῆω, impero: aliis à χεῖρε, manus: aliis à κρέας, caro. Duæ priores notationes optimè conveniunt Deo. Nam ille manibus suis, hoc est, potentia sua omnia fecit. Psal. 102. v. 26. & quidem solo nutu, imperio, & mandato. Psal. 33. v. 9.

Nimirum.

Nimirum creaturæ nutu Dei sunt, ejusque nutu dissolvuntur. Placet hoc loco adscribere illud *Augustini* lib. 11. de civitate Dei cap. 21. Tria maximè scienda de creatura: quis eam fecerit, per quid fecerit, quare fecerit. Si ergo quærimus, quis fecerit, Deus est. Si per quid fecerit: Dixit, Fiat, & facta sunt. Si quare fecerit: quia bonus est. Nec author est excellentior Deo: nec ars efficacior Dei verbo: nec causa melior, quàm ut bonum crearetur à bono Deo. Cæterùm creatio Græcis dicitur *κρίσις*, quæ à *κρίσει* & *πλάσει* sic differt: ut illa sit productio ex nihilo, *Gen.* 1. v. 1. ista ordinatio sive factura, *Gen.* 1. v. 16. hæc figuratio, sive figuræ factura, *Gen.* 2. v. 7. Qui sunt tres modi generationis illius supernaturalis, de qua *Gen.* 2. v. 4. In omnibus autem hisce modis vox sive mandatum Dei primæ tenet. Hæc enim vox φύσις ἐστὶ πηλίκη, ut loquitur *Basilinus*. Porro creatio, de qua veteres loquuntur in sacramento eucharistiæ, nihil est aliud quàm consecratio: ut patet ex illo *Amalarii* de eccles. offic. lib. 1. c. 2. *Cum consecratur oleum pro infirmo, concluditur, per quem hac omnia (Domine) semper bona creas.* Itaque creatio illa est sine transubstantiatione. Videtur. **F A C I O:** ubi explicatur phrasis veterum *πειν τὸ ὄμα τῷ χριστῷ*.

**CREPUSCULUM.** In hymno Gregorii Magni, *Splendor paterna gloria*, crepusculum ponitur pro tempore:

*Latus dies hic transeat,*

*Pudor sit ut diluculum,*

*Fides velut meridies,*

*Crepusculum mens nesciat.*

Hic pudor confertur cum aurora, quæ à veteri poëta vocatur pudoricolor: fides cum meridie, propter fervorem: tempus cum crepusculo, propter mixtionem, de

qua *Apocal.* 3. *Neque frigidus es, neque fervidus.*

**CRETHI & PLETHI.** Variè exponunt hæc nomina: alii ut appellativa, alii ut propria. Qui putant esse appellativa, dicunt *Crethim* & *Plethim* fuisse assertores, id est defensores & offensores, qui adstiterint regi, custodientes corpus ejus, & subitas necessitates expedierint, donec ad ordinarios judices causarum cognitio devolveretur. Quidam etiam vertunt consiliarios, qui haberent verba præcisa, & opera mirabilia. Nam *תרת* est excidere: *תרת* mirabile esse. Qui propria nomina esse volunt, *Crethim* putant fuisse coloniam Palæstinorum in Judæa, ex qua David habuerit corporis sui custodes: & *Plethim*, præsidarios milites apud Japhlethæos, *Ios.* 16. v. 3. De *Crethim* & *Plethim* vide 2. *Sam.* 8. v. 18. *Soph.* 2. v. 5. 1. *Sam.* 30. v. 14. *Ezech.* 25. v. 16.

**CRUCIS SIGNUM.** Verus ecclesia & in vitæ communis usu, & in ritibus sacris multum usa est signo crucis: sed ut pia ceremonia, quæ orationi adjuncta, animos fidelium ad Christi crucem eveheret, non materiæ alicui terrenæ, aut figuræ, aut gestui affigeret. Itaque non externo crucis signo vim & efficaciam adscripserunt, sed hac solenni ceremonia, suam fiduciam in crucem Christi, hoc est, mortem ipsius, apud alios testari, & quodam quasi monitorio fidem excitare voluerunt, quæ omnia bona confert, omniaque mala depellit. Deinde crux à veteribus non fuit adorata, sed veneratio tantum ei tributa fuit, id est, usus cum reverentia. Hinc *Arnobius* lib. 8. Cruces nec colimus, nec optamus. Denique crux transiens, non verò permanens, id est, ex materia aliqua facta, primis temporibus in usu duntaxat fuit.

**CRUX.**



**CRUX.** De formâ crucis varia disputantur à Iustino in Tryphone, Scaligero in Eusebianis animadvers. ad lit. T. & Nicolao Füllerio lib. 4. miscell. sacror. c. 12. Simplicissimum videtur illud Irenæi lib. 2. c. 42. Ipse habitus crucis fines & summitates habet quinque, duos in longitudine, & duos in latitudine, & unum in medio, ubi requiescit, qui clavis affigitur. Scaliger d. I. ait: Supplicio afficiendi, pede in suppedaneum posito, crucem ascendebant. Deinde pedibus insistentes suppedaneo, medio autem ligno inequitanter, brachiis passis cruci funibus astringebantur. Ita funibus constricti ad stipitem binis clavis pedes in suppedaneo, totidem ambæ manus in transversario ligno transfigebantur. Hic quæri solet, An supplicium crucis veteribus Judæis fuerit in usu? Lipsius, Baronius, & alii ajunt: Casaubonus negat, & rectè. Nam crux fuit pœnæ genus Romanis peculiare, & quidem servile supplicium apud illos habitum. Sic forma supplicii, quo Christus fuit affectus, non à Judæis, sed à Pilato fuit ipsi irrogata. Et Rabbini rectè docent, quatuor pœnarum genera (ipsi vocant מיתות *mortes*.) fuisse ab antiquo tradita בית דין *domui iudicii*, id est, Concilio Sanhed. in: putà lapidationem, vivicomburium (ut appellat Tertullianus) occisionem per gladium, & strangulationem. Strangulatio fiebat per suspensionem de ligno, sed non de cruce, quam Judæi nullam habuerunt. Hæc itaque fuit pœna, quæ ignominia causa extincto irrogabatur, ut suspenderetur ab paucas horas, & soli, ut ait Philo, & oculis hominum exponeretur. Id Judæis erat quavis dira morte dirius, propter horribile carmen vocis divinæ, Maledi-

ctus qui pender in ligno Deut. 21. v. 23. Et Christum factum esse *κατάρα*, maledictionem, quia pependerit in ligno, Paulus docet Gal. 3. v. 13.

**CULTUS RATIONALIS.** Ita Spiritus sanctus vocat cultum novi testamenti respectu veteris Rom. 12. 1. Confer 1. Pet. 2. 5. Hebr. 13. 15. Intellige cultum sacrificatorum veteris testamenti. Hic enim respectu cultus N. T. est veluti brutus sive irrationalis: nempe extra officium Christi. Neque enim externi sacrificiorum ritus potuerunt per se animam purgare, ut nugantur Rabbini: aut conjungere virtutes cum superioribus, ut iidem docent. Alius fuit sacrificiorum finis, hoc modo. Universus sacrificiorum cultus ad id principaliter fuit institutus, ut Deus Israël rirè & secundum voluntatem suam coleretur, & mediantibus his ipsis sacrificiis, vel universo populo, vel privatis, qui illa offerebant, propitius redderetur: Deinde sacrificia *Ιλασκα* populum manu duxerunt ad Messia sacrificium. Tertiò populus hoc pacto in officio suo fuit retentus. Postremò sacrificia cruenta admonuerunt populum mortis temporariae & æternæ, quam peccatis suis promeruerant. De primo fine quæritur, Unde sacrificia vim suam principaliter habuerint? Judæi respondent, Ab intentione offerentis, seu à dispositione animi. Quod tolerari posset, si intentionem illam sive dispositionem animi dextrè explicarent ex psalmo nimirum quinquagesimo: ubi docetur, sacrificia fuisse signa & symbola *σώδεως* gratuiti in Jesu Christo. Unde liquet, sacrificia vim suam principaliter non ab intentione offerentis, sed ex vi *σώδεως* Dei per illius mediatorem habuisse. Ne-

que tamen interim negamus, Deum etiam habitum animi in sacrificante respexisse, à quo videl. seriam pœnitentiam & veram ad Deum cōversionem cum agnitione gratuitæ ejus misericordiæ requirit. Ubi & hoc notandum est, sacrificia non fuisse inanes typos sacrificii Christi, qui illud tantum historicè præfiguraverint. Nam insuper repræsentarunt vim ejus effectivè. Nam hoc illud est, quod Moses dicit, *Deum odoratum fuisse odorem placativum*. Quod profectò de nidore carniū assatarum intelligi nequit. Ex his patet, unde augusta illa virtus & potentia sacrificiorum pependerit, quorum cultus carni & sanguini tum sordidus apparet. Utur autem sacrificia fuerint magnifica in relatione ad scœdus illiusque mediatorem: universus tamen cultus illorum non fuit λογικός, sed externus & pomposus. Hic obiter observa apud Mercurium Trismegistum occurrere similes phrasas. Dicit enim λέξαι λογικὰς θυσίας, *accepta rationales hostias*, & θεῷ πέμπω λογικὰς θυσίας, *Deo mitto rationales hostias*, serm. 13. Hic annotat Casaubonus, ipsum respicere verba Pauli Rom. 12. v. 1. προσφέρειν τὴν λογικὴν λατρείαν ὑμῶν, *præbeat rationalem cultum vestrum*. Addit Casaubonus: Illa etiam in XIII. πέμψον δεκτὴν θυσίαν θεῷ, à Paulo mutuatus est Philipp 4. vers. 18. θυσίαν δεκτὴν, ὡς ἀρεσκὴν τῷ θεῷ, *hostium acceptam, gratam Deo*. Amat enim iste planus, simul cum doctrina sacra, verba quoque furati Scripturæ sacræ. Ita Casaubonus. Quid verò, si diceremus, Apostolum adhibuisse phrasas istas Gentibus usitatas, & transtulisse ad religionem Christianam? Certè videmus passim in N. T. occurrere Hebraismos, At-

ticismos, idiotismos LXX. Interpretum & Talmudistarum, denique vocabula quædam Latina. Quod hîc dico paucis, alibi pluribus à nobis est expositum in Lexico theologico.

CYRENIUS. Luc. 2. dicitur descriptio orbis Romani (sic enim ibi accipitur οἰκουμενή.) facta ἡγεμονεύοντος τῆς Συρίας Κυρηνῆς, *eo tempore, quo Cyrenius Syria præsidem agebat*. Cyrenius iste est P. Sulpitius Quirinus, cujus apud Josephum, Svetonium in Augusto, Cornelium Tacitum, & in fastis Romanorum passim fit mentio. At Christus natus est sub C. Sentio Saturnino Syriæ tum præside. Quomodo itaque natus est ἡγεμονεύοντος Κυρηνῆς? Resp. Sentius Saturninus erat ordinarius ἡγεμὼν τῆς Συρίας, qui regebat provinciam, cùm Christus nasceretur. At Cyrenius, seu Quirinus, erat ὑγεμὼν τῆς Συρίας extraordinarius: quippe missus ab Imperatore, non ad regendam provinciam, sed ut censum ageret.

DÆMON. Sic dicitur quasi δαίμων. Apud ethnicos est nomen Dei, & angeli tum boni, tum mali. At in libris canonicis & apocryphis δαιμόνιον semper de malo spiritu accipitur. Septuaginta interpretes etiam illud usurpant pro ἰδὸλῳ. Psal. 96. v. 5. Apud gentiles scriptores δαιμόνιον sæpe est τὸ θεῖον, *divinum numen*; & δαιμόνιος, *divinus, venerabilis, admirandus*. Cur verò, inquit aliquis, angeli mali appellantur δαίμονες à scientia; cùm revera ipsorum scientia sit nulla, utpote confusa? Resp. Impuri spiritus multa sciunt partim ex prima creatione, partim ex divina revelatione & experientia: etsi interim sæpe falluntur & fallunt. at æmulantur divinitatem, dum

dum furantur divinationem, ut ait *Tertullianus in apologet.* Zephyrus in apologet. *Tertull.* ait, dæmonia per divinationem à dæmone dici. Sed *Δαιμόνιον* adjectivum est: & inde substantivè numen. *Tertull.* de anima tradit, nullam penè animam sine dæmonio esse. *Metaphoricè* dæmonum mentio Spiritui sancto in materiâ de Antichristo præcipuè usitata est. *Tim.* 4. 1. *Apoc.* 9. 20. & 16. 14. & 18. 2. Quibus locis intelliguntur doctores superbi, crudeles, & impuri, quales hodie sunt illi, qui principibus sunt à consiliis, & illis persuadent persecutionem ecclesiæ, & denique prohibent conjugium, cibos licitos, & similia, inque locum illorum substituunt impurum cœlibatum, discrimen ciborum, & alia. Vide etiam titulum *דִּימֹן*. ubi proprietates immundorum spirituum recensentur, quæ omnes his doctoribus diabolicis egregiè cōpetunt. Cæterum spiritus illi & doctores mali opponuntur istis, quos Daniel appellat *דִּימֹן*. Cur verò, inquit aliquis, mali Spiritus nomen habent à sciendo? Resp. Quia contenti sunt scientia rerum præclararum: quas ad praxin non transferunt. Quod scientiæ genus est omnium miserrimum. Hinc scientia nuda dicitur *Δαιμονιώδης*, *daemoniaca*.

**DAGON.** Fuit idolum Phœnicum, & Assyriorum, sicut Astarot, seu Astarta Sidoniorum. Dagon Græcis dicitur *Δεργετώ* & *Δεργίλης*, detorta voce à Syriacâ Adardaga. Significatio est à pisce, qui Hebræis *דָּג* dicitur. Nam Venus piscis figura colebatur, nomine Dagon & Derceto, ut ait *Scaliger in Manil.* Itaque Astarta Sidoniorum, & Dagon Palæstinorum est unum idolum, nempe Venus: quæ dicta est Astarta à victimarum multitu-

dine. Schindlerus *Dagon* derivat à *דָּג* frumentum, q. d. deus frumenti & aratri inventor, deus frumentarius, Jupiter aut Saturnus cum falce. Sed communis opinio est, fuisse Venerem, sculpi solitam supernè mulierem, infernè piscem: quia Veneris exaltatio est in piscibus, signo humifero, proximè accedente ad naturam Veneris; at illius *ταπείνωμα* est in Virgine, signo opposito & sterili. *Scaliger not. in frag. chronol.* ait: Dagon, ut Judæi etiam narrant, sculpebatur formâ piscis. Nos autem scimus *τὴν Δεργετώ* (quæ Syris Asergata, unde locus in Syria Asergation 2. *Maccab.* 12. 26.) sculpi solitam supernè mulierem, infernè piscem.

**DALMATIA.** Est vestis sacerdotalis candida, cum clavis purpureis: nomen sortita à Dalmatis, qui ea utebantur. Aliiter dicitur *Dalmatica* & *Dalmasca*. Vide *Isidor. lib.* 19. c. 22. & *Dist.* 23. c. *omnis filius*, & 70. *dist. de jeunio*.

**DAMASCUS.** Hoc nomen quidam derivant à *דָּם* sanguis & *דָּש*: quod Abel ibi fuerit occisus à Caino.

**DAN.** Nomen *Danis*, & *Ephraim*, Spiritus sanctus *Apoc.* 7. in recensione tribuum Israëlitis omittit: ut qui in utriusque historia typum agnoverit malitiæ & impietatis Antichristianæ, quatenus nempe eam per bina illa sua brachia, seculare & spirituale, exercet. Tribus Dan fecit initium publicæ defectionis *Iud.* 17. 18. occasione arrepta ex domo Michæ Ephraimitæ. Quò accedit, quod Jeroboam, author defectionis & idololatriæ in Israël, fuit oriundus ex tribu Ephraim. Itaque prima germina Antichristi in Historia Michæ & Jeroboami describuntur, & ita describuntur, ut tribus Dan brachium sc. spirituale.



Ephraim seculare noter. Atque hæc est causa istius omissionis. Cur verò Levi & Joseph substituuntur Dani & Ephraim? Resp. Levi erat ordinarius templi minister: Joseph fuit dux populi Dei in Ægypto, in qua Pharaos gessit typum Antichristi. Quare sicut per reiectum Danem & Ephraimum intelliguntur illi, qui sub regno Antichristi pios vel sub fucata religionis specie, vel brachii secularis terrore tentant & persequuntur: ita per Levi intelliguntur electi, qui docendo, monendo, consolando succurrunt afflictis, per Josephum ii, qui prudentia, consiliis & armis protegent ecclesiam. Patres quidam existimarunt, Danem ideò expunctum fuisse, quòd Antichristus ex hac tribu oriri debeat. Quam opinionem confirmant ex *Genes.* 49. 16. Verùm hæc sententia honestè sepeliatur.

**DANIEL.** Non desunt, qui existimant, Daniele esse Belesin illum, cuius mentio fit apud *Diodorum Siculum lib. 2.* ita ut *Belesis* idem sit, quod *Belthasar*; quo nomine Daniel fuit appellatus *Dan. 4. 38.* Sanè nomen non malè quadrat, neque res ipsa refragatur: cùm Belesis *Diodori* appelleretur princeps Chaldaeus.

**DECALOGUS.** Vox hæc sumpta est ex *Exod. 34. v. 28.* ubi præcepta in duabus tabulis signata dicuntur *οἱ δέκα λόγοι*: sicut & *Deut. 18. v. 4.* Inde est vox composita *Decalogus*, quæ plurimum usurpatur genere masculino: etiam fœminino apud *Philonem*, *Basilium*, *Gregorium*, *Cyrillum*, & *Clementem Alexandrinum*, qui *lib. 3. pedag.* ait: ἔστιν ἡμῶν ἡ δέκαλογος ἢ δέκα μωσέως. *Idem lib. 6. Stromatum* proponit diversas decalogos: putà cœli φυσικὴν δέκαλογον, quam dicit

constare ex sole, luna, astris, nùbibus, luce, spiritu, aqua, aëre, tenebris, & igne: item terræ φυσικὴν δέκαλογον, quam dicit constare ex hominibus, pecoribus, reptilibus, bestiis feris, piscibus, balenis, avibus carnivoris, avibus mitioribus, plantis fructiferis, & sterilibus. Itaque juxta *Clementem Alexandrinum* est δέκαλογος φυσικὴ καὶ φυσικὴ. Quare autem ἡ δέκαλογος? Tunc usurpatur quasi adjectivum, ut sit ἡ δέκαλογος νομοθεσία vel δέκατοις. Sed videamus, quomodo veteres numeraverint præcepta decalogi. *Philo Iudeus libro de eo, qui rerum divinarum haeres sit, ita scribit*: τῶν μὲν ἐν πρῶτῳ θεὸν δικαίων πρῶτος ἐστὶ θεσμός, ὁ ἐναντιόμενος τῇ πολυθεῶ δόξῃ, διδάσκων ὅτι μοναρχεῖται ὁ κόσμος. δεύτερον δὲ, πρὸς τῇ θεοπλασεῖν τὰ μὴ αἴτια, χαφείων καὶ πλασῶν ἐπιβάλοις τέχναις, ὡς Μωσὴς ἐξηλάσε τῆς κατ' αὐτὸν πολιτείας, αἰδίων φυγῇ ἐπ' αὐτοῖς ψήφω πιησάμενος, ἵν' ὁ μόνος καὶ πρὸς ἀλήθειαν πμῶται θεός. τρίτος δὲ, πρὸς ὀνόματος κυρίου &c. hoc est, In divino jure prima lex opponitur opinioni plures deos credentium, docens nos mundum esse sub unius imperio. Secunda vetat, ne quis sibi deos alios faciat præter creatorem, deceptus pictorum fictorumque insidiosis artibus, quas *Moses* eiecit à sua repub. dānatas exilio perpetuo, ut solus verè Deus colatur. Tertia est de nomine Dei &c. *Idem tom. 2. libro de decalogo*: Hactenus etiam de secundo præcepto, quantum potuimus: deinceps excutiamus tertium, hoc est, Non assumes nomen Dei in vanum. *Idem ubique unum duntaxat præceptum de concupiscentia statuit. Iosephus lib. 3. antiquit. Iud. ca. 4. præcepta decalogi hoc ordine enumerat*: Præcepta autè quæ *Moyse*s duabus tabulis

lis inscripta reliquit, non est fastotidem verbis evulgare, sententias tantum eorundem indicabimus. Docet enim nos:

Primum præceptum, Deum esse unum, & hunc solum colendum.

Secundum, Nullius animalis simulachrum adorandum.

Tertium, Non temerè jurandum.

Quartum, Septimi diei ferias nullo opere profanandas.

Quintum, Parentes honorandos.

Sextum, à cæde abstinendum.

Septimum, Non adulterandum.

Octavum, Non committendum furtum.

Nonum, Non deponendum falsum testimonium.

Decimum, Nihil alienum concupiscendum.

*Origenes homilia 8. in Exodum:* Si hæc (Non erunt tibi dii alii; &, Non facies tibi idolum) unum mandatum putentur, non completur decem præceptorum numerus: & ubi erit decalogi veritas? Ideo affirmat d. l. secundum præceptum esse, Ne facis idolum: & illud tanquam secundum declarat. *Clementis Alexandrinus lib. 6. Stromatum:* ὁ δὲ πῆμα τὸ ἐξῆς ἐστὶ λόγος, ὡς πρῶτος πατὴρ καὶ μητὴρ, Quinta autem deinceps oratio (id est, quintum præceptum) est de honore patris & matris. *Idem ibidem:* δέκατος δὲ ἐστὶν ὁ ὡς ὁ πῆμα τῶν ἀπαρτῶν λόγος. Decimum verò præceptum est de concupiscentiis omnibus. *Athanasius tom. 2. in synopsi S. Scripturae, in synopsi Exodi:* Alterum (præceptum.) Non facies tibi ipsi simulachrum, neq; ullam similitudinem. Tertium, Non usurpabis nomen Dñi Dei tui in vanum &c. Quintum, Honora patrem tuum ac matrem tuam &c. Nonum, Non dices contra proximum falsum testimo-

nium. Decimum, Non concupisces uxorem proximi tui, neque quidquam eorum, quæ sunt proximi tui. *Gregorius Nazianzenus in carminibus, decem præcepta expressit his octo hexametris:*

Οὐ γνώσῃ θεὸν ἄλλον· ἐπεὶ σέβας οἶον ἐ-  
νός γε.

Οὐ σήσεις ἐν δαλμα κενὸν καὶ ἄπνοον  
εἰκώ.

Οὐ ποτε μαψιδῶς μνήσῃ μεγάλῳ θεοῦ.  
Σάββατα πάντα φύλασσε μετέρσια καὶ  
σκιόεντα.

Ὁ λβι· ἦν ποτέ εστι φέρης χάριν, ἦν ἐ-  
πέοικε.

Φάγειν ἀνδροφόνου παλάμης ἄγ·  
ἀλλοτρίης τε

Εὐνῆς· κλεπτοσάην τε κακὸ φρονά· μαρ-  
τυρίην τε

Ψάδῃ· ἀλλοτρίων τε πόθον σπινθήρε· μό-  
ροιο.

Id est:

Ne noveris Deum alium: quoniam  
cultus solius unius est.

Non statues simulachrum vanum, &  
spiritus expertem imaginem.

Ne unquam temerè memineris ma-  
gni Dei.

Sabbata omnia serva sublimia & um-  
brofa.

Beatus, si parentibus retuleris gratiam,  
quam decet.

Fuge homicidæ manus scelus: alieni-  
que

Cubilis: furtum que malignum: & te-  
stimonium

Falsum: alienorum q; desiderium, scin-  
tillam mortis.

*Chrysostomus homilia 49. in Matth.* Legis iustitia prima & salutaris, decem habet mandata, quasi decem menses. Primum, cognoscere unum Deum: secundum, ab-

stinere ab idolis : tertium , non pejerare :  
quartum colere sabbatum spirituale :  
quintum honorare patrem & matrem :  
sextum , non occidere : septimum , non a-  
dulterare : octavum , non furtum facere :  
nonum , non falsum testimonium dicere :  
decimum , nullam rem proximi concu-  
piscere. *Hesychius in Levitic. cap. 26. Zonaras*  
*histor. tom. I. Cedrenus in compendio historia-*  
*tum. Procopius : Nicephorus in historia ecclesia-*  
*stica : Suidas in voce παλαι*, eodem prorsus  
ordine & modo præcepta decalogi reci-  
tant. *Nicephorus Xantopulus* carmine iambi-  
co sic complexus est :

Ὁ παλαι γραφεὶς ἐν δέκα λόγοις νόμος.  
Κύριος ἔστι Ἰσραὴλ, θεὸς μόνος.  
Εἰδωλον οὐδὲν ἐργάσῃ τὸ πᾶν.  
Οὐκ ἔν δὲ λήψῃ τοῦ θεοῦ κλήσιν μάτην.  
Μνεῖαν δὲ πῖσι τῶν σαββάτων ἡμέ-  
ρας.  
Σὺν πατέρα τίμα τε καὶ τὴν μητέρα.  
Ταῦτα μίαν παλαι. ἢ δὲ θάτερα πάλιν.  
Ἦμισα μοι χιδίων ἐργάσῃ γάμον.  
Ἀλλ' οὐδὲ κλέψῃς ἐμφανῶς, κεκρυμμέ-  
νως.  
Οὐδ' ἂν φονεύῃς ἐκ θυμῷ σου τὸν πέ-  
λας.  
Ψάδῃ τε μακρῶν ὁπίθου μαρτυρίαν.  
Μηδ' ἀγαπήσεις εἰ π τῷ πέλας φίλον.  
Τούτου θεὸς χάραξεν ἐν παλαι νόμους.

Id est.

Lex tabulis scripta decem verbis.  
Dominus unus est, Israel, Deus solus.  
Idolum nullum conficies omnino.  
Neque sumes nomen Dei in vanum.  
Memoriam celebra diei sabbatorum.  
Patrem honoravimus atque matrem.  
Hæc una tabula est : altera deinceps.  
Minimè nuptias adulterio inquinato.  
Sed neque fureris palam, aut clam.

Ne occidas excandescens irā proxi-  
mum tuum.

Falsumq; longè amove testimonium.  
Neque concupisces, si quid proximo  
charum.

Has tabulis insculpsit leges Deus.

*Hieronymus in Ephes. 6.* ait de præcepto, Ho-  
nora patrem tuum & matrem tuam : quod  
mandatum in decalogo quintum est. *Ambrosius*  
*super idem cap. explicans illa verba Apostoli de*  
*quinto præcepto*, Quod est mandatum pri-  
mum &c. Quomodo tamē hoc primum  
mandatum dixit? Cū constet primum  
mandatum ita contineri: Non sint tibi  
dii alii præter me. Deinde: Non facies tibi  
similitudinem ullam quæ sunt in cælo  
sursum, & in terra deorsum. Tertiū: Non  
sumes nomen Domini Dei tui in vanum.  
Quartū: Observabis sabbata mea. Quin-  
tum autem: Honora patrem & matrem  
&c. Sed quia prima quatuor mandata ad  
Deum pertinent, hæc in prima tabula cō-  
tineri subintelliguntur. Cætera ad homi-  
nem, ut honoret parentes, non occidat,  
non fornicetur, non furietur, non falsum  
testimonium dicat, neq; quidquam pro-  
ximi sui concupiscat. Hæc sex mandata in  
secunda tabula videntur scripta: quorum  
primum est, Honora patrem & matrem.  
Hac causa ergo dixit, Quod est mandatū  
primum in promissione, ut discerneret  
inter mandata quæ ad Deum, & inter ea  
quæ ad hominem pertinent. *Augustinus*  
*tom. 4. libro questionum V. & N. T.* Non sint  
tibi dii alii præter me. Primum verbum  
hoc est. Et subiecit secundum: Non fa-  
cies tibi ullam similitudinem eorum quæ  
sunt in cælo sursum, & in terra deorsum,  
neque in aqua quæ est sub terra. Deinde  
adiecit tertium: Non sumes nomen Dei  
tui in vanum &c. Dehinc quarto loco di-  
cit,



cit, Sabbatum Domini Dei tui servabis, & non facies in illo ullum opus servile. Hæc quatuor verba sunt de decem. Ista ad Deum propriè pertinent. Hæc sunt in prima tabula scripta. Deinde in secunda tabula hæc continentur: Primum verbū est: Honora patrem tuum & matrem tuā. Secundum: Non occides. Tertium: Non fornicaberis. Quartum: Non furaberis. Quintum: Non dices falsum testimoniū. Sextum: Non concupisces quidquam proximi tui. Et paulò post: Itaque habes & mandata distincta, & numerum eorum consummatum, & quæ, & quot in singulis tabulis scripta sunt. Idem tom. 7. li. 3. contra duas epistolas Pelagii c. 4. Ut uni de religionis qbsequio serviat, ut idolum nō colatur, ut nomen Domini non accipiat in vanum &c. Rubertus Abbas Tuitiensis in cap. 20. Exod. & Sulpitius Severus lib. 1. sacre historia, & Polydorus Vergilius libr. 5. de inventoribus rerum, cap. 9. præcepta decalogi eodem modo & ordine recitant. Hic tamen non est dissimulandum, Augustinum alibi prohibitionem fabricationis idolorum ad primum præceptum referre, adeoque tria solum primæ tabulæ præcepta constituere, sed nixum infirma admodum ratione, nimirum ut mysterium SS. Trinitatis adumbretur.

DECISUM. Hæc vox occurrit Daniel. 9. 24. Septuaginta septimana decise sunt super populo tuo. Hebraica vox *תקופה* casu forensi petita, & huic argumento applicata est. Significat enim secundum primam intentionem. Decidere, in partes secare, abhæwen, zerhæwen. Hinc eadem elegantia, qua Latinum *Decido*, ad animi verborumque decreta transfertur. Perperam itaque vulgatus vertit *Abbreviata sunt*: cum hîc significetur præcisum illud divinæ provi-

dentia decretum de tempore adventus Messia & duratione politiæ Judaicæ, quod ante iacta mundi fundamenta in arcano consilio divinæ maiestatis decisum fuit: quod Apostolus Hebr. 6. vers. 17. appellat *ἀμετάθετον τῆς βουλῆς*. Hebræi dicunt *דבר קבוע* *רְמָא דֵּי הוּא דֵּי הוּא*, quod Deus dixit in se & fatus est: sicut scriptum est, *Dixit Dominus, & non pernitebit eum*.

Δεκτή θυμία. *Accepta hostia*. Sic Paulus. Phil. 4. vers. 18. appellat opera charitatis erga proximum.

Δείπνον. Sacra cœna ab Apostolo 1. Cor. vers. 20. appellatur *δείπνον κυριακόν*. Vide COENA DOMINI. Dionysius Areopagita vocat eleganter *τὸ θεϊότατον καὶ ἀρχισύμβολον δείπνον*, divinissimam, & principalissimam cœnam. Nazianzenus, *δείπνον μέγα, cœnam magnā*, in Tragœdia, *Christus paties*.

DESIDERATA. Usurpatur de sacra Domini cœna; quod à Catechumenis, multis votis, desideraretur. Usurpatur, inquam, de S. cœna antonomasticè. Nam in genere Catechumeni & Competètes fuerunt instituti desiderare tota cupiditate sacramentorum participationem. Quamobrem *Desiderata* est initiatio in Christianismo, id est, baptisumus, & quodvis sacramentum, antonomasticè verò sacra eucharistia, teletarum releta, & sacramentorum sacramentum, ut sunt verba *Casauboni* exerc. 16. Vide Tertull. ad uxor. c. 4. & 6. August. ep. 102. Gregor. M. lib. 7. ep. 24. Baptismo adiungebatur unctio, quam etiam sacramenti nomine appellant Patres. Etgo etiam de hac verbum *desiderare* usurparunt.

DEMERITUM. Sic appellatur malum meritum. Eodem sensu dicitur *demeritorium*. Sic *Possevinus* in bibliothecâ libro tertio, cap. 16. opponit ista: Bonum, Rectum, Laudabile, Meritorium, Malū, Obliquū (i.e. pec-

(i.e. peccatū.) Culpabile, Demeritoriū. Quibus addit τὸ Indifferēs. Dicit, priora quatuor respōdere quatuor causis: Bonū materiali, Rectū Finali, laudabile efficiēti (homo enim ut habet liberum arbitriū, ac gratiā, peccatove assentitur, rem efficit laudabilem, aut vituperabilem.) Meritoriū formali: gratia siquidem & charitas Dei forma est, qua fit, ut eiusmodi opus sit meritorium. Addit de meritorio, hinc potissimum pendere vim actionum Christianarum, & ad conditiones actionum meritoriarum spectare, ut liberē fiant; ut ex seipsis bonæ sint, atque honestæ; ut ad bonum, ac iustum finem referantur; ut præter hæc omnia insiti simus Christo, ac Deo reconciliati, spiritumq̃, adoptionis acceperim⁹. Sic quidem Possēvinus. Ubi tot errores, quot syllabæ, quantum attinet ea, quæ de meritorio disputat. Nam Scriptura nullum novit meritum, nisi Christi: & nullum demeritum, nisi hominis. Vide infra MERCES, MERERI, & MERITUM.

DEMINORATIO. Hæc vox occurrit in vulg. vers. Eccles. 22. 3. *θυγάτηρ δὲ ἐστὶ ἐλάττω* *καὶ γίγνεται*, filia autem in diminutione fiet. Hoc vult dicere sapiens: filium indisciplinatum (*ἀπείθετον*) esse ignominiam patris: multo autem magis filiam *ἀπείθετον*. Vox ἐλάττωσις in loco de providentia Dei & miraculis opponitur voci βελτίωσις. Nam omnia Dei opera sunt aut βελτίωσις, aut ἐλάττωσις.

DENS PRO DENTE, OCLUS PRO OCULO. Proverbialis est locutio Exod. 21. 24. Deut. 19. 21. & proinde non est literaliter urgenda: quod etiam Talmudistæ agnoscunt, dum in *Parek Chobbel* hoc interpretantur de pretio satisfactionis sive restitutione damni secundum magistra-

tus æstimationem, *vom Bus* or *Wehrgeß*. Neque enim Moses his in locis præscribit privatis regulas pietatis erga Deum & proximum, sed in usum fori ad coercitionem malorum leges pro fortuitorum casuum circumstantiis instituit, quæ diligenter ab æterna illa iustitiæ divinæ norma, cuius specimen Deus in decalogo exhibuerat, distinguendæ sunt. Præterea nullum est dubium, quin hoc ipsum in pudendum abusum, ut ferè fieri consuevit, à duræ cervicis populo traductum fuerit: dum nimirum hypocritæ sub obtentu Mosaiici præcepti odium, invidiā, vindictæ cupiditatem, & alia peccata, quæ dilectioni proximi è diametro repugnabant, conari sunt palliare. Christus itaque dum genuinis Dei filiis internam legis obedientiam commendare vult, per quam se Spiritui sancto ducendos & regendos permittant, hoc non immerito reprehendit, indicans, iis, qui sub hac tribu censi volunt, iniurias potius patienter ferendas, quàm acriter ferendas esse, nec omnium rerum, quæ fortè in foro politico tolerarentur, licentiam eis permissam esse. Christus itaque non impedit praxin legum politicarum in administratione iustitiæ, sed illarum abusum, & *μετάβασις εἰς ἄλλο γένος*, quæ leges forenses habentur promoralibus.

DEPENDENTIA. Alia est ratione essentialis, quomodo omnia dependent à Deo, qui est independens: alia ratione substantialis, seu personæ, quomodo in SS. Filius dependet à Patre, Spiritus S. à Patre & Filio. Scholasticis appellatur *dependentia ratione termini*.

DESTRUCTIO MUNDI. *ἐκτίρωσις τοῦ κόσμου*. Hanc Iustinus Martyr, Hilarius & Ambrosius, non accidentalem, sed substantialia-

stantialem fore arbitratur: ita ut sit abolitio, seu species annihilationis, qua cœli aspectabiles, igni confluentes, cum stridore sunt præterituri, elementa æstuantia dissolvenda, terraque & quæ in ea sunt opera exurenda. 2. Petr. 3. vers. 7. & seqq. Sed videamus loca Patrum, quorum modò meminimus. *Iustinus Martyr responsione ad questionem* 94. sic ait: Inductione melioris cœli recens facti, firmamentum tolli necesse est, tanquam id, quod ad constitutionem illam nulli rei sit & usui. Et in responsione ad questionem 95. Si iuxta Apostolum Paulum præterit habitus huius mundi; certum est, simul necessariò alia omnia, quæ propter habitum mundi sunt effecta, cum mundi habitu esse præteritura. Inducetur autem cœlum novum, & terra nova. *Hilarius commentario in Matth. canone* 26. Atque ut fides certa esset futurorum, Amen dicendo, professionem veritatis adiecit, generationem nostram præterire non posse, nisi universa ista transcurrerent, eaque quæ firma existimantur, cœlum & terram non futura; verba autem sua non posse non esse: quia illa ex conditione creationis suæ, id est, profecta de nihilo, habeant id in se necessitatis, ut non sint; hæc autem ex æternitate deducta, id in se contineant virtutis ut maneant. *Ambrosius libro primo, hexaem. capite sexto. ex Psalm. 102. vers. 27. & Matth. 5. vers. 18.* refutat eos, qui cœli perpetuitatem asserunt. Hanc sententiam tuetur *Theodorus Beza super Rom. 8.* his verbis: Vanitati, *ματαιότητι*, id est, illi per ignem dissolutioni, quæ annihilationis erit species, sicut apertè & copiosè describitur 2. Petr. 3. vers. 7. 10. 11. 12. Promittuntur enim novi cœli, & nova terra, non priorum restitutio, sive in eundem, sive

in meliorem statum. Nec iis possum assentiri, qui hanc dissolutionem ad solas qualitates referendam censent. Cæterum *Ambrosius* alibi contrarium asserit his verbis: Quia finiri mundum dixit, ostendit figuram eius præterire, & hunc esse finem, id est, non substantiam eius præterire, sed formā. Sic & *Haymo*: Transibit figura & species mundi per ignem, remanebit substantia renovata per ignem & meliorata, ad hoc ut æternum maneat. Vide *Augustinum libro* 20. de civitat. Dei cap. 24. Hic obiter observa, Apostolum 1. Corinth. 7. v. 31. per *ἀνθρωπος*, sive figuram huius mundi intelligere externam formam, per quam nunc nobis ministrat & commodat. Eam dicit *ἀφθίγειν*, præterire, hoc est, evanescere & perire nobis: quatenus nos brevi ex hoc mundo auferemur, neque voluptatib. illius semper frui possumus. Nimirum facies huius mundi *παροδὸς*, *passire hinweg*, passibus velut suis, ut in viā, transit.

DEUS. Usurpatur hoc nomen in Scripturis dupliciter: vel *ὄντως*, verè, vel *καταχρηστικῶς*, abusive. Priori modo usurpatur vel *ὁὐσιωδῶς*, cum communiter, sine determinatione personarum divinarum accipitur, ut *Deus est spiritus* Joh. 4. 24. vel *ὑποστατικῶς*, cum certæ personæ subiectivè tribuitur, ut Patri Rom. 7. 25. c. 8. 3. Filio 1. Tim. 3. 16. & Spiritui sancto Act. 5. 5. Maxime autem Patri appropriatur: tum propter ordinem, qui est in personis: tum propter æconomiam & dispositionem ad mysterium salutis nostræ procurandum factam. *Καταχρηστικῶς*, sive *ἀκρίτως*, improprie, tribuitur creaturis: & quidem vel *κεινωνητῶς καὶ ἀναλογικῶς*, communicatione cum angelis & hominibus, in quibus aliquid Dei resplendet: vel *δοξα-*



σικῶς, ut falsis diis & diabolo. Quo fit ut nomen Dei, quod aliàs est proprium, fiat commune & appellativum. Quare ut De<sup>9</sup> se ab omnibus disiungeret, appellavit se Deum Abrahami, Isaaci & Jacobi: Deū Deorum: Deum verum & vivum &c.

DEUM FIERI. Pythagorei primò, deinde Platonici, multa disseruerunt de supremo hominis bono, quod statuebant in eo esse, ut Deo similis evaderet, ac tandem etiam Deus. Quare etiam aureum, quod vocant, Pythagoræ carmen ita desinit:

Ἦν δ' ὁπολείψας σώμα ἐς' αἰθέρ, ἐλεύ-  
θερον ἔλθης,

Ἐορεαι ἀθάνατον θεός, ἀμβροτός, ἐκέτι  
θνήσκεις,

hoc est, Si verò relicto corpore in aethera liberum perveneris, eris immortalis Deus, immortalis, inquam, non amplius mortalis. Atque hic etiam finis fuit teletarum paganicarum. Sed philosophi quidem ex primævæ lucis reliquiis, balbutire de istis aliquid fortasse potuerunt: certi verò aliquid pronuntiare, aut viam indicare eò pervenendi, non potuerunt. Sacræ literę utrumque abundè præstant. Docet enim, Christum, verum Deum, factum esse hominem, ut fiam<sup>9</sup> θείας κοινωνοὶ χρίσεως, divina consortes natura, ut loquitur Petrus epist. 2. capite primo, vers. 4. five, ut Johannes ait ab initio Evangelii sui, ut nancisceremur potestatem filios Dei fieri, hoc est, deos. Nam quis nisi Deus, potest esse filius Dei? Itaque passim apud Patres legas, electos in futura vita futuros deos: non, ut veteres quidam hæretici, & Patrum nostrorum memoria Servetus, κατὰ μέθεξιν οὐσίας, participatione substantiæ, & ipsius deitatis, sed quo sensu modò diximus ex Pe-

tro, fore consortes divinæ naturæ: quatenus videl. συμβασιλεύσωμεν, regnabimus cum Deo, ut Paulus ait 1. Corinth. 4. vers. 8. Cæterum hæc δόσι θεώσεως, deificatio, ut ita dicam, incipit in hac vita. Nam ita est, ut ait Athanasius: Quemadmodū Dominus corpore induto factus est homo: ita nos homines ab ipso Verbo divini efficimur, assumpti per carnem eius, & de cætero vitę æternæ hæreditatem adimus. Porro media, per quæ fimus dii, ut persequar phrasin, sunt duorum generum: alia Deus porrigit nobis, verbum suum nempe & sacramenta; alia nos adhibemus, sed gratis ab ipso accepta, fidem videl. & sanctam vitam. Quod attinet ad sacramenta, baptismi operatio propria est ἀναγέννησις, siue παλιγγενεσία, regeneratio: quæ per salutaris baptismi aquam Adamo veteri morimur, novusque homo in nobis formatur, atque ad eò ipsi creatura nova evadimus, ut loquitur Apostolus Gal. 6. v. 15. qui etiam hanc mutationem, quæ per baptismum in nobis fit, μεταμόρφωσιν nominat, Roman. 12. vers. 2. Patres verò μεταποίησιν, μεταπάλασιν, μεταστοιχείωσιν, hoc est, transformationem, instaurationem, transfigurationem, renovationem, & similibus aliis nominibus. Huc pertinet, quod Dionysius tractatu de baptismo, baptismum vocat θεοχρίσιν: quia renati sacro lavacro dii fiunt. Eucharistiæ propria operatio est cōmunio corporis & sanguinis Christi. Nam ut per lavacrum regenerationis nascimur Christo: ita per manducationem mysticam magis magisque unimur Christo, & fimus caro de carne eius, & ossa de ossibus eius, ut Paulus ait. Ideò Hilarius rectè ait de pane & vino, Hæc accepta, & hausta faciunt, ut & Christus

Christus in nobis, & nos in Christo firmus. De omnibus sacramentis ita pronuntat Dionysius hierarch. eccles. cap. 3. ἐκείνην ἱεροπελεσικὴν πραγματείαν καὶ τοὺς μελετῶν ἡμῶν ζωὰς εἰς ἐνοειδῆ θένωσιν σιμῶγειν, καὶ τῇ τῶν ἀκριβετῶν θεοειδῇ συμπίπτει τὴν πρὸς τὸ ἐν κρινῶνίαν καὶ ἐνώσιν δαρεῖν, hoc est, uniuscuiusque sacra initiationis operationem (id est, unumquodque sacramentum) vitas nostras divisas (i.e. diversis passionibus ac vitii obnoxias) ad deificationem reducere, per quam Vni assimilamur; & rerum divisarum ad unitatem Deo convenientem contractione, communionem atque unionem nobis largiri cum Vno, id est, Deo.

DEUTERONOMIUM. Dicitur etiam δαυτερονόμου, δαυτερωσις, & plurali numero δαυτερώσεις q. d. iterationem legis. Hebraicè Mischnah Torah: quæ voces occurrunt Deuter. 17. v. 18. ubi LXX. verterunt δαυτερονόμων. Ibi autem intelligitur tota lex Moysi, quam iubetur rex sibi describere, tanquam normam vitæ & gubernationis suæ. Primò itaque Deuteronomium significat legem Moysi. Deinde significat decalogum Ios. 8. v. 32. ubi Josua dicitur lapidibus inscripsisse Deuteronomion, id est, decalogum. Denique usitatè hoc nomine appellat quintus liber Moysi.

Δαυτερόπρωτος. Sabbatum deuteroton Luc. 6. v. 1. est id, quod proximè sequitur post solenne Paschatis. Nam ἀπὸ δαυτερώς τοῦ πάχα iubet lex septem hebdomadas putare Levit. 23. v. 15. Δαυτερε autem τοῦ πάχα est secundus dies paschatis. Itaque hebdomades omnes, & omnia Sabbata à paschate ad pentecosten sumunt appellationem suam ἀπὸ δαυτεράς τοῦ πάχατος: ut δαυτερόπρωτος ἑβδομάς est πρώτη ἀπὸ δαυτεράς τοῦ πάχα δαυτεροδεύτερον vel δαυτεροδαυτερά ἑβδομάς,

δαυτερε ἀπὸ δαυτεράς τοῦ πάχα. Sic δαυτερότετος, δαυτεροτέτατον &c. Scalig. lib. 6. de emend. temp. & in canonib. chronol. Casaub. exerc. 14. ad annal. Baronii. nu. 1. Summa hæc est. Nomen δαυτερόπρωτον non est compositum ex δεύτερον & πρώτον, sed ex δαυτερε & πρώτον; ut sit secundo-primū Sabbatum, quod secundam Paschatis proximè sit secutum. Certum atque indubitatum huius expositionis fundamentum est in verbis Moysi, Levit. 23. v. 15. ubi Dominus iubet numerare septem hebdomadas Pentecostæ à postero die Sabbati, h. e. ἀπὸ δαυτερώς τοῦ πάχα. Nam quia iubentur numerare hebdomades ad pentecosten, non ab ipso die paschatis, sed à proximè sequente: mirū non est, Sabbata omnia à paschate ad pentecosten appellationem summissee ἀπὸ τῆς δαυτεράς τοῦ πάχατος. Δεύτεροι δευεώτες. Secundipraefecti. Sic apud Basilium appellantur vicarii, quos habebant monachi in cœnobiis. Causam instituti adfert Basil. Ascericorum q. 45. ne contingat cessatione τοῦ δευεώτος, praefecti, δημοκρατικὸν πᾶν μεταλαμβάνειν τὴν ἀδελφότητα, ut cœtus fratrum mutetur in formam aliquā democraticam: quod in omnibus sacris functionibus studiosissimè semp vitavit ecclesia.

DIACONUS. Invenitur etiam ἀκκωνων, & sic Latine diacon, diaconus. In N. T. sic dicitur, qui pauperum curam gerit, & eis subministrat necessaria ex collectis ecclesiæ. Act. 6. Apud ecclesiæ doctores diaconus est in ordine clericorum. in Can. dist. 25. Erant Constantinopoli duo diaconorum ordines, unus maiorū, qui δρχονησι (taliter ἐξωκατάκηλοι.) alter minorum, qui κεινοι. Diaconissa & scemina pauperum curam gerēs. Diaconicum, quod ad diaconū pertinet, item cōclave diaconorum,

quod & *Διακονεῖν*. *Διακονικίον*, *diaconatus*; diaconi munus.

*Διακονοὶ καὶ νῆς Ἀρχιεπίσκοπος*, *Ministri N. Testamenti*. Sic Paulus 2. Cor. 3. 6. appellat ministros verbi & sacramentorum in N. T. In liturgia Basilii sic vocantur qui ministrant S. Cœnam.

*Διασπορά*. Duplex est *Διασπορά* τῶν Ἰουδαίων, *dispersio Iudeorum*. Sunt enim *Ἰουδαὶ τῆς παλαιᾶς Διασπορᾶς*, id est, antiqui dispersus: & *τῆς ὑστερᾶς Διασπορᾶς*, id est, posterioris dispersus. Illi à Salmanaassere sunt hinc inde transportati, & velut disseminati: hi fuerunt Hierosolymis superstitēs, & per omnes mundi plagas per Romanos sunt divisi.

**D I C O.** Aliquis aliquid dicit vel intra se, vel extra se. Intra se: ut cū homo cogitat, decernit. Extra se: ut cū homo loquitur, iuber, præcipit. Utroque modo **D E V S** in Scripturis legitur dicere. Primò enim est *דַּבָּרַהוּ* *ῥήμα Θεοῦ*, quod Deus in se dixit & fatus est ab æterno, τὸ αἰμὲν τὰ Θεὸν τῆς βουλῆς *Hebr. 6. 17.* Deinde Deus in prima creatione dixit, *Esse lux* &c. *Gen. 1.* & sæpe dixit ad Adamum, Abrahamum, Moysen &c. De priorimodo accipe illud Philonis, τὰ Θεοῦ ῥήματα ἔργα.

**DIDASCALUS.** Quatuor erant illo nomine insignes in Ecclesia Constantinopolitana, unus Evangelistas, alter Apostolos, tertius Psalmos docebat: quartus *οἰκουμηνικὸς* dicebatur. q. d. generalis. *Didascalicus* est ὁ διδάσκων. *διδάσκων*. Sic Psalmi, qui inscribuntur *דָּוִד* (ut inter alios est *Psalm. 32.*) à Junio vertuntur *didascalici*: q. d. *gnomas*, quæ aptæ sunt ad nos erudiendos.

**D I E S.** Dies naturalis propriè est illud *tempus*, quo sol nobis lucet. *Genes. 1.* Ita-

que dies civilis seu artificialis est *νυχθημερον*, seu, ut loquitur Basiliius, *ἡμερονυχον*, ut, cum dicimus, aliquem vixisse dies 30. Tunc enim etiam noctes intelligimus. *Isidorus libro tertio cap. 50.* Ita lato sensu dies noctem sub se complectitur. *Author concordantiarum Bibl. vulg. vers.* hanc in sententiam ait: Dies artificialis est spatium illud horarum à recedente nocte ad accedentem: Naturalis spatium 24. horarum, quo sol prorsus circumvolvitur circum terram.

**D I E S ANNIVERSARIUS.** In Ecclesia dies facti sunt anniversarii. Sunt autem ii alii legitimi, ut Natalis Domini, Festum circumcisionis, Pentecostes, Trinitatis: vel illegitimi, ut Vigiliæ Sanctorum, festi dies Sanctorum, dies passionis Martyrum, festum assumptionis Mariæ, festum exaltationis crucis, & similia festa, quorum alia primò fuerunt instituta ad cultum Dei, sed postea in idololatriam sunt versa: alia sunt planè incerta, aut etiam fabulosa, ut festum assumptionis Mariæ, conceptionis Mariæ sine peccato, exaltationis crucis &c.

**D I E S DOMINICUS.** Sic appellatur dies primus hebdomadæ, à Christo Domino, qui eo die resurrexit à mortuis. Eam enim ob causam ab Ecclesiæ Apostolicæ initio hic dies religioni est consecratus. *Ignatius epist. ad Trallianum* insignibus elogiis ornat hunc diem: *τῇ κυριακῇ ἀναστασίμου βασιλίδι, καὶ ὑπὸ πάντων πατρῶν ἡμερῶν.* Dicitur etiam *ἡμέρα κυριάνυμος*: eadem de causa; quia videlicet in ea resurrectionis Domini nostri gaudium celebratur, ut ait *Isidorus libro sexto, capite decimo octavo.* Porro dies Dominicus est iuris divini 1. *Cor. 16.* *Apoc. 1.* *Augustin. epist. 86.* ad *Casulan. Isidor. l. 1. c. 24.*



**DIES INNOCENTUM.** Veteres sacrarum literarum consulti appellant *innocentes*, illos infantes, quos Herodes jugulavit *Matth.* 2. Nihil enim tale erant meriti: sed ex mera crudelitate tyranni vita ipsis fuit erepta propter Christum, quem bestia illa hoc dolo interficere cogitabat. Itaque dies, qui memoria istorum infantum destinatus est, *Innocentum* dicitur. Canitur isto die hymnus Prudentii

*Audit tyrannus anxius.*

**DIES IN OFFICIA ECCLESIASTICA DIVISUS.** Die Dominico canebantur hymni 1. ad matutinū. 2. diluculo ad laudes, 3. ad primam, seu orta die. 4. ad tertiam. 5. ad sextam, seu meridiem. 6. ad nonam, seu post meridiem, inclinate die. 7. ad vespervas. *Feria secunda.* 1. ad matutinum. 2. ad laudes. 3. ad vespervas. Similiter *feria tertia, quarta, quinta, & sabbato.* Exempla vide in Breviario Christiano Siberi. Sabbato tamen peculiariter etiam canebatur hymnus ad Completorium.

**DIES MAGNUS DET.** Significat primò supremum mundi diem: deinde diem illum vindictæ, quem Dominus apud Sophoniam *cap.* 3. 8. vocat יְדִיּוֹם diem, quo consurrecturus sum: Atque hoc etiam modo intelligendum est illud *Apoc.* 16. *Vt congregent eos in prælum magni illius diei Dei omnipotentis.* Cur verò dies ille appellatur magnus? Resp. 1. Propter calamitatum magnitudinem, quarum tempestas, exsiccat Euphrate, universum orbem corripit. *Apoc.* 19. 17. 18. 2. quia illo ipso die iudicium meretricis illius magnæ, ejusdemque finalis damnatio, peragetur. Quod opus cum Deus suæ omnipotentia extra ordinem reservavit,

dies ejus non inmerito dies ille magnus Dei vocatur. Perficietur autem illud eo tempore, quando mundo universo impossibile, ipsi verò bestia ridiculum videbitur. *Apoc.* 18. 7.

**DIGAMUS.** Dicitur etiam *Bigamus*: quod Latine interpretantur *bimaritum*, & *biviram*. Sua natura vox est generalis, & significat eum, qui vel diversis temporibus habuit, vel uno tempore habet, duas uxores. De fœmina bigama idem iudicium. Itaque digamus est sine crimine, qui diversis temporibus & successivè duas legitimas uxores habuit. Sed alio infami significato, digamus vocatur, qui eodem tempore duas habet uxores: sicut in genere *πολύγαμος*, qui eodem tempore plures: atque ita opponitur ei, qui dicitur *μονόγαμος*. Quæritur hîc, utri digami veteribus canonibus arceantur à ministerio, & quorum etiam nuptiis nolint benedici? Resp. Illi, qui, vel constâte priore matrimonio, vel ejecta priore uxore, alteram superinducunt. 1. *Tim.* 5. v. 9. *Canon: apost.* 17. & 18. VWhitakerus de conciliis quæst. 6. sic ait: *Per διγάμους* verò intelligi eos, qui secundas nuptias contraxerunt, ex Concilio Nicæno pater, canone 8. ubi Cathari jubentur *κοινωνεῖν τοῖς διγάμοις*, communionem habere cum bigamis. Nolebat concilium proculdubio eos communionem habere cum illis, qui vivis adhuc uxorebus suis, alias duxerunt.

*Δικαινίσμος ἐβδομαῖς.* In ecclesia Constantinopolitana sic appellatur septimana, quæ pascha sequitur *Alexand. monachus de invent. S. crucis* de Constantino ait: *τρίτον νόμον ἔγραψεν, ἀπὸ τῆς εἰνάτης, τὴν τε σωτηρίαν πάσης ἐβδομάδας, καὶ τὴν τῆς ἀδικαινίσμου, id est, tertiam legem scripsit,*

ut immunes essent ab opere faciendo hebdomada salutaris passionis (id est, antecedens: pascha.) & hebdomada renovationis, id est, sequens pascha. Causa appellationis est à renovatione. Διακαινίζειν est renovare. Itaque ἐβδομάς διακνίσμῳ & est septimana renovationi destinata. Proculdubio veteres respexerunt illud apostoli Rom. 6. v. 4. *Quomodo Christus surrexit à mortuis per gloriam Patris, ita & nos in novitate vite ambulemus.* Voluerunt itaque hac septimana seipsum excitare ad meditationem & imitationem resurrectionis Christi, quæ est argumentum & exemplar resurrectionis nostræ à peccatis. Hæc etiam causa est, quod eam septimanam *Cantacuzenus lib. 1. c. 18.* vocat *νέα ἐβδομάδα*. Ejus Dominica eandem ob causam dicebatur *καινή*, & *νέα*: item *ἀντιπία*.

**DIVINA LIBERALITAS.** *Tertullianus lib. 1. ad uxorem* distinguit inter gratiam & virtutem; inter ea quæ sunt divinæ liberalitatis, & ea quæ sunt nostræ operationis; inter ea quæ à Domino indulgentur ejusque gratia gubernantur, & ea quæ ab homine captantur, ejusque studio perpetrantur. Sic, inquam, distinguit *Tertullianus*. Quæ quidem distinctio veri sensus & sanæ interpretationis capax est, & ad utramque partem disceptari, nec non cum distinctione gratiæ gratum facientis & gratiæ gratis datæ comparari potest.

**DIVUS.** Ethnici suos deos vocabant divos: videl. divos ex hominibus factos. Usitatum etiam est inter Christianos scriptores, ut apostolos & Patres appellent divos, putà divum Paulum, divum Chrysostomum. Sed hæc consuetudo meritò improbat. Rectè itaque *Bel- larminus in Recognitione suorum Librorum*:

Ego, inquit, nunquam probavi vocem, *Divus*, vel *Divus*; cum de sanctis agitur, tum quòdeam vocem apud Latinos veteres Patres non inveniam, tum quòd apud ethnicos *Divi* nomen diis tantum tribui soleat. Itaque ubicunque in libris meis lector inveniet, *Divum*, sciat, vel mihi imprudenter excidisse, vel quod sæpius accidit, me scripsisse, *Beatum*: sed typographi, ubi legerunt B. quod beatum significat, illud in D. mutarunt, & sic ex Beato *Divum* effecerunt. Sic *Bel- larminus*. Quæ quidem observatio non est de nihilo. Itaque pro D. Augustino, & similibus, dicamus S. aut B. id est, Sanctum aut Beatum.

**DOMINICUM.** Significat duo. 1. templum; ut in illo *Concilii Neocæs. Can. 5.* Catechumenus ingrediens *Dominicum* &c. Locum integrum vide infra titul. **ECCLESIA**, cis finem. *Hieronymus in Esa. 42.* de ecclesia Christi loquens, ait: Nequaquā vocabitur Hierusalem & Sion, sed novum nomen accipiet, quod ei Dominus imposuerit. Et *max*: Quod vocabulum à nomine Domini derivavit, ut dicatur *Dominicum*. Sensus est: Ecclesiam N. T. appellandam esse *Dominicum*, tanquam opus manuum Domini. Deinde hæc vox significat sacram cœnam: ut, *dominicum celebrare*, κυριακὸν τελεῖν, est sacram cœnam celebrare. Phrasis hæc sæpe occurrit in Actis Martyrum. Itaque κυριακὸν absolutè dicitur pro κυριακὸν δεῖπνον.

**DOMINUS.** Hoc nomine appellatur Deus, qui est Dominus noster jure creationis & conservationis: item Christus, qui est Dominus noster jure redemptionis. Qua de re insignis est locus *Dan. 9. 17.* Nunc ergo exaudi Deus noster orationem servi

*Servi tui & deprecationes eius, & lucere fac faciem tuam super tuum desolatum sanctuarium: Idque propter Dominum.* Hunc locum Rab-  
bini non uno modo pervertunt. Et primò quidem R. Saadjah per Dominum intelligit Abrahamum, ridiculè sanè. Deinde R. Moses ita vertit: *Propter te, Domine.* Et hæc hodiè est communis opinio scholæ Rabbinicæ, quam post Græcum etiam vulgata versio & Vatablus sequuntur. Sed huic glossæ obstat, quòd propheta statum orationis ita mutat, ut in priori versùs membro Deum directè, in secunda nimirum persona, compellet, & hanc deinceps locutionis formulam in ultìma clausula in tertiam personam mutet. Quod citra affectatam textus obscuracionem facere non potuit, si quidem circa unum idemque objectum perseverabat. Quòd pertinet, quòd hæc clausula per accentum Athnach à præcedentis coli complexo quasi refecatur, ut hic Dominus, quem tanquam sequestitum appellat, ab illo Domino distinguatur, ad quem propheta preces suas direxit. Tertiò R. Aben Ezra clausulam istam sic exponit: Propter hoc ipsum nomen, quo te compellamus, & per quod officii tui admoneris. Sed & hæc glossa vim facit textum. Quartò sunt, qui sic interpretantur: Lucere fac faciem tuam super sanctuario tuo, quod desolatum est propter Dominum, h.e. odio nominis Dei. Sed hanc opinionem refutat accentus Athnach: ut nihil dicam de eo, quòd propheta alleget causam, non propter quam templum est destructum, sed propter quam se exaudiri postulat. Relinquitur itaq; hanc clausulam de Messia esse accipiendam. Confer 2. Tim. 1. 18. *Det ei Dominus, ut inveniatur*

*misericordiam apud Dominum in die illo.* Qui locus planè geminus est illi apud Danielem, propter reflexam usurpationem vocis Dominus inter Patrem & Filium. Vide quoque hanc in sententiam. 1. Thess. 3. 11. 12. Porro de voce Dominus sic adnotat author Concordantiarum Bibl. vulg. edit. Dominus, Jehova, Jehova Elohim, Adonai: *Jehova* essentiam, *Elohim* personas, *Adonai* dominationem Dei respiciens. *Etrursus*: Dominus, Pater, Filius, Spiritus sanctus, frequentissimè *Jehova*, aliquoties *Elohim*, apud vulgatum interpretem, rariùs *Adonai* nomine exprimitur. *Ibidem*: Dominus de personis in Deo etiam distinctè dicitur. Sic Pater appellatur Dominus Deut. 18. vers. 15. Filius, Genes. 18. vers. 1. 3. 13. & sæpius in illo capite. Spiritus sanctus 1. Cor. 12. v. 5. Psal. 94. v. 7. Denique hac voce conjunctim denotantur Pater & Filius Gen. 1. v. 2. *Judic.* 15. v. 14.

**DOMUS.** In Concordantiis, quas modò citavimus, sic adnotatur: Domus significat 1. ædes pauperum, divitum, principum. 2. familiam, & quæcunque sunt in domo. 3. populum, ut domus Israel populum Israeliticum denotat. 4. tribum, & partem populi, ut domus Aharon, pro tribu Levitica. 5. varia loca.

**DONATIVUM.** Est donum, quod ab Imperatore datur militibus. Augustinus sic vocat vitam æternam, his verbis:

*Fac consortem donativi  
Beatorum civium.*

**DONEC.** Hæc particula, ut & usque, primò denotat certam loci vel temporis circumscriptionem, ut Psal. 110. v. 1. Sede ad dextram meam, donec posuero inimicos tuos scabellū pedum tuorum: item Gen. 49. v. 10. Mat. 2. v. 13. 15. & 17. Gen. 27. v. 44. Ira



Ita dicimus usque ad dies Noe, usque ad forum Appii. Deinde aliquid indefinitum significat: ut *Gen.* 28. v. 15. Non deferam te (*ait Deus Iacobo.*) usque dum perfecero, quæ locutus sum tibi. Ita 2. *Sam.* 6. v. ult. Non fuit illi p̄oles in diem usque mortis. Posterior hæc significatio locum habet in illo *Matth.* 1. v. 25. *Non cognovit eam, donec peperisset filium suum primogenitum.* Epiphanius tamen aliter hunc locum interpretatur: Non noverat, quòd tali gloria honorandus esset aliquis in terra, maximè mulier. Non igitur cognovit ipsam, donec vidit miraculum: non cognovit miraculum, donec vidit genitum ex ipsa. Et hunc sequitur *Gualtherus homil.* 8. in *Matth.* Verùm congressus mariti cum uxore significatur verbo *γινώσκειν*, ut ex contextu pater. Nectamen inde colligetur, quod Antidicomarianitæ volunt: quia particula, donec, summi debet pro exigentia loci & subjectæ materiæ.

*Δῶρα.* In liturgiis antiquis & apud Patres τὰ δῶρα, dona, & τὰ ἅγια δῶρα, sacra dona, appellantur oblationes panis & vini, ante communionem in ecclesia veteri offerri solitæ. Erat enim moris primitus, Justino teste & aliis, ut ex his oblationibus sumeretur ad consecrationem in usum Eucharistiæ, quantum sufficeret. Appellantur etiam τὰ προκειμένα δῶρα, proposita dona. Propterea his nominibus ipsum corpus Christi mysticum significatur, vel propter jam factam consecrationem, vel propter futuram. Nam in Liturgia Chrysostomi nondum facta erat consecratio, cùm ait sacerdos in prece mystica: ἀξίωσον προστεχθῆναι σοὶ ὑπὲρ ἡμῶν, τῶν ἁμαρτωλῶν καὶ ἀναξίω δέλασθαι, τὰ δῶρα ταῦτα, *Da ut à me peccatore & indigno*

*ferro tuo, hæc dona tibi offerantur.* Et mox: οὐ γὰρ εἶ ὁ προσφερόντων, καὶ ὁ προσφερόμενος, tu enim (Christe) idem es qui offers, & qui offerris. Sic μεταλαμβάνειν τῶν ἁγίων δῶρων, participare sacra dona, est participare sacra cœnæ. Hinc *Balsamon* ad canonem 19. concilii Carthaginensis: διδοται ἡ εὐχαριστία, ἡ γοὺν τὰ ἅγια δῶρα, datur eucharistia, seu sacra dona. Hic observa, Græcos duabus mensis fuisse usos ad celebrationem eucharistiæ: una, in qua primò panis & vinum apponebantur, & præparabantur ad futuram consecrationem: alteram, in qua consecrabantur. Ibi apposita dicebantur δῶρα, & τὰ προκειμένα δῶρα: hîc τὰ ἅγια δῶρα.

*Δῶρον.* Significat apud Patres vel efficaciam & virtutem sacramenti, vel sacramentum, vel Spiritum sanctum, gratiæ effectorem & datorem in sacramento. Videamus singula. Principiò regeneratio, quæ est baptismi fructus, & quò spectat vis tota illius sacramenti, appellatur ἡ δωρεὰ, vel τὸ δῶρον, apud *Chrysostomum homil.* 83. in *Matthæum*: Ἐν τῷ βαπτισμῷ, δι' αἰσθητῆς μὲν πράγματος γίνεται, τῷ ὕδατος, τὸ δῶρον. νοητὸν δὲ τὸ ὑποτελῆ μυστήριον, ἡ ἀναγέννησις, εἰ γοὺν ἀνακαίνισις. In baptis-  
mate per rem sensui obiectam, nempe aquam, donum illud confertur: sed quod efficitur, intellectu percipitur regeneratio, sive renovatio. Sic *Augustinus* contra *Manichæum* lib. 19. cap. 16. de baptismo ait: *Hæc omnia sunt, & transeunt, virtus tamen, qua per ista operatur, iugiter manet: & donum spirituale, quod per ista insinuat, æternum est.* Deinde ipse baptismus appellatur τὸ δῶρον. Sic enim *Gregorius Nazianzenus* orat. 40. in sanctum baptismum: Multis, inquit, nominibus appellatur τὸ φῶσιμα, illuminatio, id est baptismus: deinde, δῶρον καλεῖται, χάρισμα,

δομα, βάπτισμα, χρίσμα, vocamus Donum, Gratiā, Baptisma, Chrisma seu Vnctionem. Similiter Basilii in sanctum baptismum: Cur, ait, differs baptismum, λέον ὁππότε χεῖν τῷ δώρῳ, cum oporteat curriculo accedere ad Donum? iterum ἵνα βέβαιον ἡμῶν μὲν τὸ δῶρον, ut firmum nobis permaneat donum. Ut baptismum, sic etiam eucharistiam appellarunt δῶρον, donum, nempe Spiritus sancti, cuius efficacia perficitur nostra communio cum Christo. Sic in Liturgia, quæ habetur in Constitutionibus Clementis lib. 8. c. 13. Ὡς ἔστι δῶρον ἡ προσκομιθὲν Κυρίῳ, τῷ Θεῷ, δευθῶμεν ὅπως ὁ ἀγαθὸς θεὸς προσδέξεται αὐτὸ, καὶ μεσετείας ἡμεῖς αὐτῷ, Oremus pro dono, quod Domino Deo offertur, ut pro sua bonitate illud suscipiat, per intercessionem Christi ipsius. Aliquando dicitur τὸ σωτήριον δῶρον, salutare donum; item τὸ νοερόν καὶ μυστικόν δῶρον, intelligibile & mysticum donum; item δῶρον καθαρὸν, donum purum, ut in Canone 5. Concilii Nicæni: ἵνα πάσης μικροψυχίας ἀνααιρεμένης τὸ δῶρον καθαρὸν προσφέρται, Vt omni similitudine sublata donum purum offeratur Deo. Quibus verbis Patres alluserunt ad præceptum Domini Matth. 5. vers. 23. Aliquando etiam dicitur δῶρον ἐξιτήριον, donum à discedente datum. Est enim tanquam pignus præsentis Christi postfidelibus illatum ipsius corpus. Qua de re loquuntur ista Patrum dicta. Basilii homil. de charitate ait, Christum reliquisse ἐξιτήριον δῶρον τοῖς ἑαυτῷ μαθηταῖς, μέλλοντα συμπληρῆν τὴν ἐν σαρκεὶ οἰκονομίαν, reliquisse, inquam, suis discipulis donum profectuum, cum inibi esset, ut dispensationem in carne suam impleat. Hieronymus in 1. Cor. 11. Christus etiam passurus, ultimam nobis commemorationem sive memoriā dereliquit. Quem admodum si quis peregrè proficiscens, aliquod

pignus ei, quem diligit, derelinquat: ut quotiescunque illud videris, possit illius beneficia & amicitias memorari: quod ille, si perfectè dilexit, sine ingenti desiderio non potest videre, vel fletu. Augustinus epist. 118. Salvator quò vehementius commendaret ministerii illius altitudinem, ultimum hoc voluit insigere cordibus & memoria discipulorum, à quibus ad passionem digressurus erat. Gaudentius in tractatu 2. Verè istud est hereditarium munus Testamenti eius novi, quod nobis ea nocte, qua tradebatur crucifigendus, tanquam pignus sue præsentis dereliquit. Eusebius Emislenus: Quia corpus assumptum ablaturus erat ab oculis nostris, & fidelibus illaturus, necessarium erat, ut die Cæna sacramentum nobis corporis & sanguinis sui consecraret: ut coleretur iugiter per mysterium, quod semel offerebatur per pretium. Postremò Spiritus sanctus, unicus tanti mysterii effector, appellatur Donum & Munus, apud Ambrosium in symb. apost. Aternitas est in Patre, Species in Imagine, Virtus est in Munere; id est, in Spiritu sancto. Paschasius libro de corpore & sanguine Domini: Caro & sanguis per eundem Spiritum sanctum consecratur: alioqui malo nec caro est, nec sanguis; quia sine donante Spiritu nullum malè præsumentibus donum ex Deo præstatur. nam idem Spiritus Donum dicitur. His verbis Paschasius negat malos corpus Christi verè accipere; quia non accipant Donum, id est, Spiritum sanctum. Ille siquidem est donum Christi.

DORMIRE. Inter alia significat somno quasi oppressum jacere, & opera noctis ac tenebrarum perpetrare: ut in illo hymno Prudentii:

Iesum ciamus vocibus,  
Flentes, precantes, sobrii,  
Interita supplicatio  
Dormire cor mundum vetat.

Aliter etiam accipitur pro nihil agere & immotum jacere, ut in hymno Ambrosii:

*Dormire mentem ne finas,  
Dormire culpa noverit.*

In Concordantiis Latinis sic adnotatur ad hanc vocem: Dormio significat 1. capio somnum, sopitus sum. *Gen.* 28. v. 11. 13. 2. cubo, concumbo *Gen.* 19. v. 32. *Deut.* 27. v. 20. 21. 22. 23. 24. 3. quiesco sepultus. *Gen.* 47. v. 30. *Deut.* 31. v. 16. 4. peccati caligine premor. *Eph.* 5. v. 14. 1. *Theff.* 5. vers. 6. 7.

**ΔΟΧΑ.** Est opinio, dignitas, gloria, apud Græcos & Latinos. Usitata est distinctio inter ea quæ sunt & fiunt κατ' ἀλήθειαν, seu ὄντως, sive αἰληθῶς, & κατὰ δόξαν, seu δόξας, sive φαινομένως.

**ΔΟΧΗ.** Hoc vocabulo denotatur solennioris epuli apparatus *Luc.* 14. v. 13. Patres Eucharistiam aliquando appellant Δοχήν. Hinc apud Ignatium epist. ad Smyrnæos, Δοχήν ὀπιτελεῖν, pro cœnam celebrare: etsi alii malunt ad Agapas veterum referre. Memineris hinc olim fideles de manu sacerdotis accepisse panē. Nam in 21. *Statuarum Chrysostomi* ter ea de re dicitur δέχεσθαι τῇ χειρὶ, manu accipere. Sed apud Eusebium lib. 7. *historia cap.* 9. legitur, χεῖρας εἰς ὑποδοχὴν τῆς αἰγίας τρώφης προστείνειν, manus porrigere ad susceptionem sanctæ alimonie. Quod melius exprimit morem antiquum. Utramque enim manum porrigebant, & cavo dextræ suppositâ sinistrâ panem suscipiebant, ut est apud Cyrillum in 5. *mystagoga*. Postea superstitio consuetudinem inuexit conficiendi ex auro vel alia pretiosa materia quædam Δοχεῖα, vascula, quibus pro manu utebantur. Sed damnatur & tollitur

ea consuetudo gravissimo Canone 101. Concilii sexti Oecumenici. Obtinuit tamē post illud decretum, etiam in nonnullis Græcæ ecclesiæ locis, ut sacramentum laicis non in manus traderetur, quod præcisè canon ille iubebat, sed in os infereretur. Hujus moris Balsamon meminit in commentario superioris canonis: ἐν πιν, inquit, ἐκκλησίαις μεταδίδοται τοῖς λαϊκοῖς τὸ ἅγιον σῶμα τῇ χειρὶ ἐγχέεται, in quibusdam ecclesiis sanctum Christi corpus laicis in os ingeritur, non in manus traditur. Obiter hinc nota, μετὰ δόσιν propriè dici, cum manu presbyteri in os sacramentum inditur, ἐγχέεται, cum in manus traditur.

**DUBITATIO.** Alia est totalis & finalis, alia partialis & ad tempus. Sic electi Dei filii interdum dubitant de salute, sed ita ut se recolligāt. Aliter se habet dubitatio impiorum, qui ad finem usq; dubitant de paterno Dei favore. Eleganter hanc in sententiam pronuntiat *Catechismus Romanus ex decreto Concilii Tridentini & Pii V. Pontificis Romani jussu editus, part.* 1. c. 1. q. 1. Nulla enim fidelibus potest accidere dubitatio, in iis, quorū Deus author est, qui est ipsa veritas. Et *Bernhardus epist.* 190. ad Innocentium Papam sic explicat definitionem fidei, quæ est *Heb.* 1. v. 1. Substantia, inquit, rerum sperandarum, non immanium phantasia conjecturarū. Audis substantiam: non licet tibi in fide putare, vel disputare pro libitu, uon hac illacque vagari per inania opinionum, per devia errorum. Substantiæ nomine aliquid tibi certū fixumq; præfigitur. Certis clauderis finibus, certis limitibus coarctaris. Non est n. fides æstimatio, sed certitudo.

**DULIA.** Δουλεία est servitus: sicut & λατρεία. In N. T. λατρεύειν Deo leges crebra



crebrò: δαλεύειν autem & Deo & hominibus. Nam apostolus promiscuè usurpat λατρεύειν καὶ δαλεύειν θεῷ: quando se δαλέον χριστὸν vocat *Rom. 1. v. 1. & ibid. v. 9.* dicit, se λατρεύειν θεῷ. Sic *Gal. 2. v. 8.* dicit δαλεύειν idolis, pro λατρεύειν. Vanaitaque est illa Scholasticorum distinctio: Dulia est honor & servitus debita creaturæ: latria verò est honor & servitus debita soli Deo. Vide *Thom. 2. 2. q. 130. art. 3.* Idem cultum religiosum distinguunt in λατρείαν, δαλείαν, & ὑπερδαλείαν. Quam distinctionem explicemus illorum verbis. *Hyperdulia*, inquit, *Alex. de Ales in 3. part. Sum. q. 30.* est honor quidam valde magnus, qui exhibetur creaturæ rationali excellenti propter maiorem affinitatē & conjunctionem ad Deum, sicut humanitati Christi & beatæ virgini. *Gabriel. dist. 9. q. un. lib. 3.* Imagines rerum adorandarum eadem specie adorationis adorandæ sunt, quæ res repræsentatæ. *Thomas part. 2. q. 25. art. 1.* Propter diversas causas adorationis, increatas & creatas, eadem persona Christi adoratur adoratione latriæ, propter suam Deitatem, & adoratione duliæ, propter perfectionem humanitatis: humanitas autem adoratione latriæ, non per se, sed propter unionem cum Deitate: adoratione dulias, ratione humanitatis Christi perfectæ omni munere gratiarum. *Durandus lib. 3. sent. dist. 9. q. 3.* Cum Christus sit una persona in duplici natura, debetur ipsi duplex honor, ratione duplicis existentia, quam habet secundum duplicem naturam: honor latriæ secundum excellentiam divinæ naturæ, & honor hyperduliæ secundum excellentiam humanæ naturæ. *Bonaventura d. 9. q. ult. lib. 3.* Nomen duliæ tripliciter sumitur. Uno modo dicitur dulia secundum

quandam analogiam: alio modo secundum antonomasiam, & tertio modo secundum significationem propriam. Cum autē dicitur secundum analogiam, tunc importat cultum debitū naturæ superiori, sive creaturæ sive creatori, secundum aliquam rationem, secundum quā creator communicat creaturæ, utpote secundum rationē dominii. Et hoc modo accipitur in glossa super illud psalmi: *In ecclesiis benedicam Domino glorioso*: Deo, cui debetur latria; Domino cui debetur dulia. Cum autem accipitur secundum antonomasiam, sic dicit debitā reverentiam creaturæ unitæ vel assumptæ: per quē modum accipit super illud psalmi, *Adorate scabellum pedum eius*: ubi dicit, quod hyperdulia major debetur solum humanitati Christi. Cum a. accipit dulia secundum significationem propriam, sic dicitur dulia, honor & reverentia debita creaturæ rationali, & exhibitæ. Et illo modo dulia cōsuevit accipi secundum cōmunē usum. Hactenus Scholastici, & quidē dissoni canentes tibiis. Opponamus ipsis hos aphorismos. 1. *Ambrrosius lib. 2. de Spiritu S. c. 6.* refellit distinctionem inter latriam & duliam, his verbis: Si igitur creator est Spiritus, non est utique creatura. Creaturā enim Apostolus creatoremquē divisit, dicens: *Servierūt creaturæ potius quā creatori*: simul creatori admonet serviendū, damnando eos qui serviunt creaturæ, cum creatori serviutū debeamus. *Ecce creatori debemus duliam.* 2. *Brulifer dist. 9. qu. 1.* refutat sententiam Gabrielis Biel de adoratione imaginum, his verbis: Imagines factæ ad repræsentandum Patrē in divinis, vel Spiritū S. quoad deitatē, nullo honore sunt venerandæ, nec ad adorandē adoratione latriæ, sed potius destruendæ. Et sanē λατρεία soli Deo debet,

ἵστα illud Damasceni: μίαν βασιλείαν ἐν  
 τοῖσι τελείαις ὑποστάσει γνωριζομένην τε  
 καὶ προσκυνημένην μιᾷ προσκυήσει, π-  
 σευομένην τε καὶ λατρευομένην ὑπὸ πάσης  
 λογικῆς κτίσεως.

3. *Damascenus* docet carnem Christi  
 adorandam esse in unitate personæ: οὐκ  
 ἀπροσκύητον τὴν σάρκα λέγοντες (προσκυ-  
 νῆται γὰρ ἐν τῇ μιᾷ ἑλόγῳ ὑποστάσει) ὃ  
 τῇ κτίσει λατρεύοντες. Vide infra titulo LA-  
 TRIA.

**EBRIETAS SOBRIA.** Elegans est hoc  
 ὀξύμωρον, quo notatur lætitia Spiritus,  
 seu ebrietas spiritualis: de qua in hymno  
*Iesus autor clementia* sic legere est:

*Quem tuus amor ebriat,*

*Novit quid Iesus sapiat.*

Ubi ebriat est verbum ἀχρηστον, pro in-  
 ebriat. Eadem phrasis αὐτολεξεί occurrit  
 in hymno Gregorii Magni Splendor pater-  
 na gloria, his verbis:

*Christusque nobis sit cibus,*

*Potusque noster sit fides*

*Lati bibamus sobriam*

*Ebrietatem Spiritus.*

Ratio hujus ὀξύμωρου λόγου est: Ut bi-  
 bentium animi vino, ita credentium men-  
 tes Spiritu sancto mutantur.

**ECBATANA.** Est nomen montosæ  
 regionis Mediæ, ubi fuit metropolis,  
 quam vocant Geographi κατ' ἐξοχήν Ec-  
 batana. Vide Tob. 3. 7. 2. *Maccab.* 9. 3. Hæc  
 urbs *Esdr.* 6. 2. appellatur *Achmetha*: quod  
 reges æstivam stationem illic haberent,  
 ut hibernam Seleuciæ ad Tigrim. *Strabo*  
*l.* 11. Est enim Achmetha Chaldaicè qua-  
 si locus æstivus.

**ECCLE.** Crebrò occurrit hæc vox in  
 veteri & novo testamento, & adhibetur  
 ad captandam attentionem. Vide con-  
 cordantias Latinas vulgatæ vel. Hebræi

dicunt *עֵקֶל* & *עֵקֶל*, Græci ἰδὲ, & interdum  
 ἰδε. Interdum non ineptè redditur per  
 nostrum Nota benè; pro quo Rabbini  
 dicunt *עֵקֶל* vide. Ex Poëta dixeris:

*Sensibus hoc imis, res non est parva, repo-  
 nas.*

**ECCLESTIA.** Sic dicitur *ἐκκλησία* τὸ ἐκκα-  
 λεῖν. ab evocando, q. d. evocationem: & si-  
 gnificat tum separationem, vi particulæ  
 ἐκ: tum collectionem sive congregatio-  
 nem. Idem enim notat καλεῖν. Quæ ratione  
 etiam dicitur συναγωγή *Iacob* 2. 2. & *ἑπι-  
 συναγωγή* Hebr. 10. 25. Cæte. ùm ecclesia  
 dicitur generaliter quælibet collectio sive  
 congregatio: specialiter collectio homi-  
 num religionis gratia congregatorum.  
 Quæ ecclesia etsi numero una est, tamen  
 certis quibusdam modis distinguitur. Ac  
 primò quidem ecclesia consideratur ut  
 est ἐν κρυπτῷ, in oculis solius Dei: vel  
 ut est ἐν φανερῷ, aspectabilis homini-  
 bus. Hanc visibilem, illam invisibilem ap-  
 pellamus. Deinde ecclesia est universalis,  
 vel particularis. Universalis, vel abso-  
 lutè, vel κατὰ π. Ecclesia absolute uni-  
 versalis, sive catholica, est totus ille po-  
 pulus Dei ab origine mundi usque ad fi-  
 nem seculi, sive jam in cælo triumphet,  
 sive in terris adhuc militet: unde ec-  
 clesia in triumphantem & militantem di-  
 viditur. Ecclesia universalis κατὰ π. est  
 universus cœtus fidelium in his terris  
 ubi vis locorum degentium. Ecclesia  
 particularis est cœtus aliquis certus, cer-  
 to loco per divinum sermonem colle-  
 ctus. Et hujusmodi ecclesia rursus est  
 publica, ut Corinthiaca, vel domestica, qua-  
 lem Paulus *Rom.* 16. 3. 5. & 1. *Cor.* 16. 19.  
 scribit fuisse in domo Priscillæ & Aquilæ.  
 Denique ecclesia est veteris vel novi testa-  
 menti. Illa collecta fuit apud Patriarchas,  
 & postea

& postea in populo Judaico ante Mes-  
siam exhibitum: hæc per Evangelii præ-  
dicationem in toto terrarum orbe colli-  
gitur post Christum in cælos sublatum.  
Placet hoc loco adscribere laudes Eccle-  
siæ ex prosâ Victorii.

*Quàm dilecta tabernacula*

*Domini virtutum, & atria.*

*Quàm electi architecti,*

*Tuta edificia!*

*Quæ non movent, imò fovent*

*Ventus flumen pluvia.*

*Quàm decora fundamenta*

*Per concinna sacramenta*

*Vmbra præcurrentia:*

*Latus Adæ dormientis*

*Evam fudit, in manentis*

*Copula primordia.*

*Arca ligno fabricata:*

*Noë servat gubernata.*

*Per mundi diluvium.*

*Prole sârâ tandem facta:*

*Anus Sara ridet lata,*

*Nostrum lactans gaudium.*

*Servus bibit, qui legatur:*

*Et camelus adaquatur*

*Ex Rebecca hydriâ.*

*Hæc inaures, & armillas:*

*Aptat sibi, ut per illas*

*Viro fiat congrua:*

*Synagoga supplamatur*

*A Iacob, dum divagatur*

*Nimis freta litera.*

*Lippam Læam latent multa:*

*Quibus videns Rachel fulta:*

*Pari nubit fœdere.*

*In bivio tegens nuda,*

*Geminos parit ex Iudâ*

*Thamar diu vidua*

*Hic Moses à puellâ,*

*Dum se lavat, in fiscella*

*Reperitur scirpeâ.*

*Hic mas agnus immolatur,*

*Quo Israel satiatur,*

*Tinctus eius sanguine.*

*Hic transitur rubens unda,*

*Ægyptios sub profundâ*

*Obruens voragine.*

*Hic est urna Mannâ plena,*

*Hic mandata legis dena,*

*Sed in arca fœderis.*

*Hic sunt adis ornamenta,*

*Hic Aaron indumenta,*

*Quæ præcedit poderis.*

*Hic Urias viduatur*

*Barabæe sublimatur,*

*Sedis consorti regie.*

*Hæc regi varietate*

*Vestis adstat deaurata,*

*Sicut regum filia.*

*Huc venit Austrirégina,*

*Salomonis quam divina*

*Condit sapientia.*

*Hæc est nigra, sed formosa:*

*Myrrha, & thuris fumosa*

*Virga pigmentaria.*

*Hæc futura, quæ figura*

*Obumbravit, resestavit*

*Nobis dies gratia.*

*Iam in lecto cum dilecto*

*Quiescamus, & psallamus:*

*Assunt enim nuptie.*

*Quarum tonat initium*

*In cubis epulantium,*

*Et finis per psalterium.*

*Sponsum millena millia*

*Vnâ laudant melodiâ.*

*Sine fine dicentia, Haleluia, Amen.*

Paucis illustremus hanc prosam, Taber-  
na. ula] Psalm. 84. Loquitur author sacra-  
rum literarum more de Ecclesia, ut ædifi-  
cio: & in lege variis figuris adumbratam



ostendit. *Architecti*] Pastores fidi. *Tuta*] Quia non in arena, sed in petra est constructa Matt. 7. & 16. *Ventus*] Spiritus sanctus. *Flumen*] Baptismus. *Pluvia*] Doctrina cœlestis, quæ in modum pluvie destillat Deut. 32. *Sacramenta*] *Figuras*. *Vmbra*] Legis. *Latus*] Semel Christus dormivit, ut illi coniux de latere fieret, Augustinus. *Primordia*] Ut esset caro de carne eius Gen. 2. 1. Cor. 11. *Arca*] Arca Noe figurat ecclesiâ. Similiter Sara, Rebecca, Rahel, & Thamar. *Eiam*] Lia laboriosa figurat populû legis. *Poderis*] Est vestistalaris. *Hæc est nigra*] Cant. 1. *Millena millia*] Nam ecclesia est cœtus numerosus illorum, qui credunt Evangelio, suntque filii Dei, non naturalis pcreationis, sed spiritualis adoptionis in Christo Jesu, qui est caput, à quo in totum corpus, quasi ex Aharonis capite oleum, vita, iustitia, sapientia, pax, & salus manant. Sed redeamus ad vocem *Ecclesia*. Peculiariter hoc nomine dicitur populus Dei, quem ille verbo suo vocat è miseria per gratiam in gloriam. Est & domus, sive templum, ubi convenitur 1. Cor. 11. v. 18. collato cum vers. 20. Hinc Augustinus quæst. in Levit. lib. 3. q. 5. 7. ait: Ecclesia dicitur locus, quod ecclesia congregatur. Nam ecclesia homines sunt, de quibus dicitur, ut exhiberet sibi ecclesiam gloriosam. Hanc tamen vocari etiam ipsam domum orationum, idem Apostolus testis est, ubi ait, Nunquid domos nō habetis ad manducandum & bibendû? an ecclesiam Dei contemnitis? Cæterum Judæorum synagogæ olim serviebāt populi conventui ad cultum Dei; serviebār, inquam, Judæis & Christianis. Luc. 7. v. 5. Act. 15. v. 21. & 19. v. 9. Luc. 2. v. 2. Ita Eusebius ex Philone ait de prepar. evang. lib. 10. ca. 12. Concurrunt ad loca sacra, quæ synagogæ

dicuntur, singulis Sabbatis: ubi ordine sub senioribus juniores considerare solent. Sic Eusebius. Verum synagogæ nomē de locis Judaicis solis mox usurpari cœpit: Christiana autē, ecclesia, *ἐκκλησία*, oratoria, & *κυριακὴ*, dominica, sunt vocata. Sic can. 5. Concil. Neocæs. legimus: Catechumenus ingrediens in Dominicum (*ἐν τῷ κυριακῷ*) in loco (*τῷ τόπῳ*) Catechumenorum subsistat. Vide quoque Hieronymum in Chronico. Plura vide infra ad titulum SYNAGOGA.

ECCLESIA CATHOLICA. Fulbertus Carnotensis in hymno *Chorus nova Ierusalem*, eleganter ecclesiam catholicam his verbis describit:

*Solipoliq. patriam*

*Vnam facit* (.Jesus.) *republicam*.

Membra huius ecclesiæ sunt partim angeli boni, partim homines electi. Ad angelos q. attinet, tamen si pauca in Scripturis revelata sint de illorum evocatione ex statu mutabilis naturæ ad statum immutabilem gloriosæ gratiæ: tamen quia vocantur filii Dei, & angeli lucis, & angeli gloriæ, & angeli electi, atque ipsum Christum quoque peculiare caput agnoscūt, Ephes. 1. 22. & ipsi se conservos nostros appellant, & conservos fratrum, imò ex fratribus qui habēt testimonium Jesu Apoc. 19. 10. necesse est ut illi sint membra totius illius corporis, & in familia Christi conservi nostri, per Spiritus sancti peculiarem operationem sub Christo unico ecclesiæ suæ capite efficaciter in gratia & gloria confirmati. Unde & nos ad myriadas angelorum, per efficacem vocationem accessisse, Apostolus docet Hebr. 12. 22. Ad homines electos quod attinet, illi omnes & soli pertinent ad ecclesiam catholicam, non verò hypocritæ. Nam ecclesia

clesia catholica est sponsa Christi & eius amica *Cant.* 4.7. *Eph.* 5.27. est gloriosa, non habens maculam. *Eph.* 5.27. est corpus Christi congruenter coagmentatum *Eph.* 4.16. est sanctum sacerdotium *1. Petr.* 2.5. Porro partes ecclesie catholice sunt duę: una in cœlis triumphans, altera in terris militans. Pontificii addunt partem tertiam, videl. ecclesiam in purgatorio laborantem. Sed ἀπὲρ γὰρ οὐκ ἔστι. Sæpe etiam ecclesia militans, præsertim illa N. T. appellatur catholica, quia iam certæ regionis non est alligata, sed in omnem terram exivit sonus eorum *Rom.* 10.18.

**ECCLESIA MILITANS.** Usitatè hoc nomine appellatur pars illa ecclesie catholice, quæ in his terris militat bonam illam militiam, de quâ *1. Tim.* 1. Nicolaus de Clemangis, disputatione super materiâ Concilii generalis, appellat *ecclesiam peregrinantem in terrâ.*

**ECCLESIA TRIUMPHANS.** Ad hanc ecclesiam pertinent angeli sancti, & omnes electi homines, & quidem ita ut fideles sub V. T. in fide defuncti, ad hanc ecclesiam in cœlo triumphantis partem pertinuerint: ut exemplum Enochi, Eliæ & Moïsi probat.

**ECCLESIA VISIBILIS.** *Basilus Magnus* in utrâque homiliâ in *Psalm.* 28. vocat αἱ δὲ ὁμιλίες, *συνάξεις*, sensibiles conventus: quod theologi vulgo appellant ecclesiam visibilem, quæ distingui debet ab ecclesia particulari, sicut invisibilis ab universali. Nam ecclesia visibilis potest esse particularis vel universalis: similiter invisibilis.

**ECCLESIA PROSELYTA.** In hymno Mariæ peccatricis inter alia sic legimus: *Hæc Christe proselytam signas ecclesiam, quam ad filiorum mensam vocas alienigenam.* Hic per ecclesiam proselytam intelligitur ea,

quæ ex Gentibus est collecta. Nam proselytuerant, qui ex Gentibus ad Iudaismum transibant. In eodem hymno, ut hoc obiter adjiciam, per *lepram hæreticam* intelliguntur dogmata falsa, & opinionum portenta.

**ECCLESIA PURA.** Ecclesia visibilis respectu doctrinæ & morum est pura, vel impura: & hæc vel simpliciter errans, vel hæretica, vel schismatica. *Ecclesia simpliciter errans* est, quæ errores quidem aliquos tueretur, sed qui fundamentum fidei non evertunt; quæque parata est cedere meliora docenti. *Ecclesia hæretica* est, quæ errat in fundamento, ut correctionem respuat. Pertinacia enim est de formali ratione hæreseos. *Ecclesia schismatica* est, quæ retinet quidem fundamentum, sed propter ritus indifferentes vel lapsus aliquos in moribus, communionem Christianam abrupit, & separat os cœtus erigit.

**ECCLESIASTES.** Hoc nomen in genere tribuitur concionatori: in specie Salomoni *Eccles.* 12. & illius libro, qui incipit *vanitas vanitatum* &c. Sumit autem sibi Salomo hoc nomen ab ea officii prophetici seu ecclesiastici parte, quâ præco erat pœnitentiæ & contemptus rerum mundanarum, & testis suæ conversionis & reversionis ad ecclesiam. *Hieronymus* prolog. in *libr. Salom.* ait ecclesiasten appellari Salomonem, quod loquatur ad populū, & sermo eius non specialiter ad unum, sed ad universos dirigatur generaliter. Ecclesiastes enim est, qui congregat ecclesiam. Cæterum tres sunt classes ministrorum ecclesie. 1. quidam sunt administri verbi tantum, ut in Vet. Testam. Prophetæ. 2. quidam sunt administri regiminis tantum ecclesiastici, ut Levitæ. 3. quidam sunt administri & verbi DEI, & regi-

regiminis Ecclesiastici, ut sacerdotes & propheta.

**ECCLESIASTICUS.** In genere est idē, quod pertinet ad Ecclesiam. In specie *canon Ecclesiasticus* est doctrina libris apocryphis comprehensa, & dicitur *deuterocanon*: cui opponitur *canon divinus*, qui est veritas comprehensa in V. & N. T. unde dividitur hic canon in novum & veterē, & appellatur protocanon. Magis specialiter vox *ecclesiasticus* tribuitur libro Sirachi, de quo *Isidorus lib. 6. cap. 2.* ait: Dictus autem ecclesiasticus, eo, quod de totius Ecclesiae disciplina, religiosae conversationis cura & ratione sit editus. Appellatur etiam *Sapientia Iesu filii Sirachi* *Ἀλφει- Cewc ἐβέναι*, ut nempe distinguatur à Sapientia Salomonis: quae sic dicitur opinione vulgi. Neque enim est liber iste Salomonis, nisi quaedam fragmenta fortè à Salomone sunt, ut e. 3. videre est.

**ECSTASIS.** Barbari scribunt **EXTASIS**. In genere est dimotio rei à priore statu. In specie est excessus sive dimotio mentis à statu suo naturali. Estque alia praternaturalis, de qua medici: alia diabolica, de qua magi necromantici: alia divina, de qua theologi. Ecstasis praternaturalis est aberratio mentis, quae fit à flavabile. Ecstasis diabolica est occupatio sensuum, facta à diabolo. Ecstasis divina est perfecta & excellens occupatio sensuum, facta à Spiritu sancto. Huiusmodi ecstasin describit Johannes *Apoc. 1. vers. 9.* *per τὸ ἐν πνεύματι γίνεσθαι*, id est, fieri in spiritu, spiritu corripì, sancto enthusiasmo affici, mente quodammodo abducta à corpore, & sensibus eius internis veluti valere iussis, ut anima Deo informati tota vacare possit, ad res coelestes, quae ostenduntur, percipiendas. De hac

ecstasi loquitur *Isidorus lib. 7. c. 8.* his verbis: prophetiae genera sunt septem: primum genus ecstasis, est mentis excessus: sicut vidit Petrus vas illud submissum de cēlo in stupore mentis cū variis animalibus. 2. visio. 3. somnium. 4. per nubem. 5. vox de cēlo. 6. accepta parabola. 7. repletio Spiritus sancti. Porro verbum *ἐκστασις* etiam usurpatur de Domino *Marc. 3. vers. 21*: ubi cognati Christi putabant, Christū non esse apud se; vel quod premeretur à turba ipsum cingente, ut vix potuerit respirare; vel quod ab ipsis haberetur pro ecstático.

**ELEMENTA.** Hoc nomine appellantur 1. corpora illa & domicilia physica, de quibus 2. *Petr. 3. 20. 21.* 2. ceremoniae legales post Christi plenam manifestationem. *Gal. 4. 3. 9. Coloss. 2. 8. 20.* 3. Catechesis religionis Christianae prima fundamenta *Hebr. 5. 12.*

**ELEEMOSYNA.** Est misericordia, ipse nimirum affectus. Deinde est donum, sive beneficium ex misericordia, hoc est, ipse effectus. Vox est origine Graeca. Veteres mira attulerūt etyma. Eleemosyna, *inquiunt*, mandatum misericordiae, vel munus datum propter misericordiam: & dicitur ab *elemenia*, quod est misericordia, & *syna*, quod est mandatum: vel ab *Eli*, quod est Deus, & *syna*, mandatum, quasi mandatum Dei. Item: Eleemosyna dicitur ab *Elois*, quod est misereri, & *moys*, quod est aqua (nimirum *ἡ* Chaldaei est aqua.) quasi aqua miserationis. Item: Dicitur ab *Eli*, quod est Deus, & *moys*, aqua, quasi aqua Dei, vel aqua divina. Aqua importat pietatē. Sic illi. Ceterum Scholastici tradunt, eleemosynam capi tripliciter; propriè, communiter, & communissimè. Propriè, *inquiunt*, dicitur opus pieta-



pietatis impensum proximo ad relevandum indigentiam corporalem. Communiter est opus pietatis proximo impensum, sive spirituale, sive corporale. Communissimè dicitur opus misericordiæ, sive proximo sive sibi impensum. Septiformis eleemosyna corporalis, sicut in hoc metro continetur:

*Visito, poto, cibo, redimo, tego, colligo, condo.*

Visito infirmum; poto sitibundum; cibo famelicum; redimo captivum; tego nudum; cōdo defunctum. *Spirituales eleemosynas complectuntur hoc versu:*

*Consule, castiga, solare, remitte, fer, ora.*

Consule dubitanti; doce ignorantem; castiga delinquentem; consolare tristem, remitte iniuriam; fer patienter aliorum infirmitates; ora pro omnibus. *Dividunt etiam eleemosynam in eam, quæ est in corde, ore, & opere.*

**ELECTIO.** Hæc est duplex. Aut enim eliguntur præstantia; & ita dicimus electum aurum: aut eligendo fiunt præstantia. Et hoc posteriori modo Deus alios eligit ad vitam æternam, alios ad munus sive officium speciale. Scholastici dicunt electionem sumi tripliciter: secundum affectionem dilectionis, gratificationem finalem (.nempe collationem gratiæ finalis.) & prælationem, quæ est collatio alicuius dignitatis & eminentiæ supra alias creaturas rationales.

**EMBRIMIA.** Apud Cassianum collatione 1. cap. ultim. significat partem istius *σκληρογωγίας*, dura educationis, quæ veteres ascetæ defungebantur. Casaubonus putat ἐμβρίμια dicta τὸ βεῖν, & significat somnum levem capere. Solebant enim ascetæ sua embrimia fasciculis stipulæ sarta, vel papyro, aut duro tomē-

to, vel simili materia sibi parare ad sonum breviandum.

**EMPYREUM COELUM.** Sic usitatè appellatur cælum beatorum: quasi intus ignem, non ardore, sed splendore, ut est in veteri vocabulario. Appellatur etiam cælum spirituale & intellectuale: in sensu scil. comparato. Nam est corpus adeo subtile, ut sit quasi spirituale: & cum non cadat sub sensus, hæctenus est intellectuale.

**ENACIM.** Ita dicti sunt gigantes ab Enac sive Hanac, gigante celeberrimo. Hinc Fr. Junius super Num. 13. 22. doctè sic adnotat ad nomen Hanak: Nomen proprium gigantis celeberrimi, quod deinde communiter omnibus gigantibus est attributum. Confer Deuteronom. 28. & 2. II. 21. & 9. 2. item Ios. 11. 21. 22. & 14. 12. 15.

**ENCÆNIA.** In genere ἐγκαίνια sunt festivitas dedicationis alicuius rei. Unde Suidas: ἐγκαίνια ἑορτὴ, κατ' ἣν ἐκαίνεργήθη τι, festum, in quo aliquid est renovatum, vel potius dedicatum. Nam ἐγκαίνισεν est dedicare, consecrare, vel rem novam, vel noviter segregatam ab usu profano. Sic encæniam templi erant festum in memoriam templi dedicati primùm, tum repurgati. Ter autem templum Hierosolymitanum fuit dedicatum: primùm à Salomone 2. Reg. 8. deinde à Nehemiâ, Esd. 6. vers. 15. & Nehem. 12. tertio à Judâ Maccabæo 1. Maccabæorum 4. Et hæc ultima encæniam intelliguntur Iohan. 10. vers. 22. Dedicationes templorum citerioris temporis etiam ἀνοίξια & ἐνθρονισμοὶ dicebantur, & fiebant unctione sancti unguenti, & repositis ibi martyrum reliquiis. *Diaconus in Iustiniano.*

*Ἐνα ἄρτον κλάεν, Vnum panem frangere.*

Sic Ignatius epist. ad Ephesios appellat celebrationem communionis in sacra synaxi, ut ipsos hortetur ad unitatem colendam. *ἐνα ἄρτον κλώντες, ὃ ἐστὶ φάρμακον ἀθανάσιας, ἀντίδοτον τοῦ μὴ θανεῖν, unum panem frangentes, quod est medicamentum immortalitatis, remedium quod datur contra mortem.*

**ENERGUMENUS.** In genere est qui agitur, In specie apud theologos est qui agitur à spiritu malo. Et sic *ἐνεργεῖσθαι* est moveri, agitari, correptum esse à dæmonio.

**ENIM.** Hæc particula non semper est causalis, sed interdum rationalis 1. Cor. 10. v. 5. Similiter *Matth.* 25. v. 35.

**ENTHUSIASMUS.** Est instinctus, seu afflatus divinus. Nam *ἐνθουσιαζω* est numine afflor: ab *ἐνθους*, quod est contractū ex *ἐνθε*, in quo Deus est. Itaque hæc vox est per se bona: sed hominum vitio infamata. De sancto enthusiasmo eleganter Hesychius: *ἐνθουσιασμός ἐστιν*, ait, *ἢ ψυχὴ ὅλη ἐκλάμπηται ἀπὸ τοῦ Θεοῦ.* Budæus annot. prior. in *Pand.* hæc habet: Plato lib. 2. de legibus Poetarum genus *θεῖον*, i. divinum, & *ἐνθεαστικόν*, id est, Deo plenum, divinitus inspiratum, vocat. Quo nomine meritò ac verè vocitari possunt nostri vates, id est, Prophetæ, qui adventum lucis æternæ in mundum prædixerunt. Ii enim demum enthei & entheastici fuerunt, & theophorumeni, id est, divino illo Spiritu pleni, quo ad veritatem proferendam & ducebantur & ferebantur. Quos verò antiqui sic vocabant, dæmonistici dici debet. Quem enim Deum putabant, dæmon erat, id est, genius depravatus. Cæterum vox enthusiasmus à quibusdam latè accipitur, & definitur afflatio sive afflatus numinis, sine quo ne-

mon unquam vir magnus, ut ait Cicero. Ita Deus sapientiam indidit Bezaleeli, Davidi opilioni, Salomoni, Prophetis & Apostolis. Qui omnes à viris devotis dicuntur fuisse præditi sapientia enthusistica. Et hoc quoque sensu accipi debet, quod iidem scribunt, omnes artes inventas esse per viam enthusiasmi, *durch Gottes sonderbare Eingießung / Unterweisung / und Antreibung.* Nimirum, sine Dei numine & lumine nihil est in homine.

**EPHA EPHI.** Hæc vox apud Hebræos est notio vulgaris & usitati modii, à radice *פִּינ* *pin* *suit*: quod mensura hæc vel tantum comprehendebat, quātum semel usitatè pinsebatur, vel adhiberetur ad præparandam massam farinariam. Mysticè apud Zachariam *cap.* 5. 8. hæc vox significat impiam doctrinam, domi intritam, intra templi & synagogarum parietes coctam, & in compitis recoctam: quæ à Christo appellatur fermentum *Matth.* 16. *Marc.* 8. Huiusmodi doctrina in veteri populo à falsis Prophetis & Phariseis, in novo ab Antichristo est excogitata: & est execratio illa, de qua Zacharias d. l. ubi *vers.* 6. occurrit vox *פִּינ*, quæ significat phantasiā, præconceptam speciem, animi partum. Nam *פִּינ*, *oculus*, in sacris est indicium occultarum animi passionum: ut oculus malus pro animo, odio, & invidia ardente: oculi repleti adulterio, pro impudico & obscæno homine. Descendit enim à radice *פִּינ*, quæ in canone non nisi semel verbaliter usurpatur 1. *Samuelis* 18. 9. de Saule, Davidis gressus ex præconcepta maligna opinione observante. Forma *Piel פִּינ* apud Rabbinos usitatissima est, & significat, animo volvere, cogitare, considerare: unde Græcorum *συνίμι*, & Germ. *sinnen / nach*.

nachsinen. Sed pergamus in explicatione Zachariæ. Dicit duas mulieres egressas, quarum alæ ventis fuerint impulsæ, quæque fuerint præditæ alis similibus alis eiconiarum. Per has mulierculas intelligitur Mahumedismus & Papismus. Nam per *alas eiconiarum* intelligitur prætextus religionis & speciosus apparatus, quo utraque secta utitur. Ciconia enim Hebræis *קִינִיָּה* *qiniya*, sancta, vocatur. Per *ventum*, quo ala impelluntur, stupendi negotii illius successus indicantur. Porro Ephā illud, in quod fatalis illa massa reclusa est, operā Papismi & Mahumedismi per terram Sinear traducitur, ut ibidem suæ præparatæ basi inædificetur, id est, Fermentum illud, ex veteris synagogæ finibus ablatum, in medium ethnicissimum transfertur, ibique cathedram occupat, & duabus urbibus bicornis Imperii Romani, Constantinopoli & Romæ, tanquam basibus imponitur, indeque in terram Sinear, hoc est universum orbem, qui totus est Babylon, hoc est, confusio- nis plentis, disseminatur. Hic aliquis quærat, quomodo Mahumedismus & Papismus suas hypotheses ex Ephā Judæorum depromserint? Resp. Mahumedismus fere totus ex Talmud conflatus est, & Papismus apparatusu ceremoniarum ex veteri synagoga hausit; ut nihil iam dicam de eo, quod Phariseorum ἀσκήσεις illiæmulantur. Epiphanius appellat voce elegantissima ἐθελοπελασυσθησκέαν q. d. cultum ex propria libidine excogitatum, & proinde superfluum: alludens dubio procul ad locum Apostoli Coloss. 2. vers. 23. Affinis est, quam a libi damnat in superstitionis quibusdam Christianis ἐθελοακρότητα δικαιοσύνης,

opinionem iustitiæ positam in cultu ex humana voluntate excogitato, in Ancy- ratop. 475.

EPHEMERIA. Erat statio hebdomadaria sacerdotum in V.T. Eorum familiæ erāt XXIV, ex quibus alia post aliam per integram hebdomadam operabatur in templo, nempe à Sabbato ad Sabbatum. Vide Iosephum lib. 7. cap. 11. & confer cum Luc. 1. v. 8.

EPHOD. Erat amiculum, quod supra aliam vestem induebatur, sacerdotibus in V.T. usitatum, leve & tenue, ex lino, pro sacerdotibus vulgaribus (quale adhuc Judæis est usitatum) sed pro summo sacerdote ex aureo filo. Hac de re Calvinus in Exod. 28. eleganter ait: Ubi etiam observare cōvenit, aliud fuisse Ephod istud unicum summi sacerdotis, ab aliis quorū alibi fit mentio. Omnes enim ex genere sacerdotali intuebantur Ephod in sacris peragendis. Imò David cū saltaret coram arca, suo Ephod indutus fuit: quem ritum hodiè quoque Iudei, celebres suos conventus agendo, retinent.

Ἐφὸδιον. Hæc vox significat viaticum, & apud Patres tribuitur sacramētis divinitus institutis. Docent enim illi, & rectè docent, baptismum & sacramentum corporis Christi ad salutem esse necessaria; non quidem absoluta necessitate, sed ex ordinatione Domini. Augustin. lib. 1. de peccatorum meritis & remiss. pec. c. 24. Propterea hæc sacramenta vocarunt ἐφὸδια, viatica, quasi dicas viæ subsidia. Nam hæc vita, stilo Scripturarum, via quædā est. Basil. ita nominat baptismū homil. in S. baptis. ἀσφάλισι τὴν νεότητά τῷ τοῦ βαπτίσματος χαλινῷ παρέδραμὲν ἡ ἀκμή, μὴ ζημιωθῆς τῇ ἐφὸδια, μὴ ἀπώλεσῃς τὸ φυλακτιέριον: Firma ju-



entem fræno baptismi. Præterit flos ætatis. Cave iacturam viatici facias. Cave amittas presidium tuum. Gregorio Nazianzeno in eiusdem argumenti orationem, baptista cum administrat sacramentum, dicitur ἐφοδίζειν, viatico instruere. Cæna quoque Domini nuncupatur viaticum, & respectu vitæ huius, ad quæ piè transigendâ magnum i. e. instrumentum; & respectu mortis, quæ est via ad futuram vitam. Canon 13. Concilii Niceni ait: εἰ τις ἐξ οὐδένου, τοῦ δεσποτικῆς ἐφοδίου μὴ δόποσε πέθω, Si quis decedat, Dominica viatica ne fraudetur. In plerisque liturgiis oratur Deus, ut ἡμετέρας αἰωνίου, Participatio rerum sanctificationum cedat in viaticum vitæ æternæ. Confer Thomæ p. 3. q. 33. art. 4. Paschasium de corpore & sanguine Domini c. 19. & Gaudentium tract. 2. quæ loca vide annotata exerc. 16. Casaubonin. 52.

EPIPHANIA. ἡ Θεοφάνεια: est apparitio, illustris adventus. Specialiter Græci scriptores appellant Θεοφάνειαν, apparitionem numinis, quoquo tandem modo Deus aliquis præsentia suæ signum dedisse crederetur. Vide Diodorum Siculum lib. 1. & Dionysium Halicarnass. hinc inde. Verus quoque Deus dicitur Θεοφάνειαν ποιῆν 2. Maccab. 3. vers. 24. hoc est, suæ præsentia sive auxilii præsentis argumentum dare. Hoc est, quod Hebræi dicunt, רָאָה אֱלֹהִים אֶת־מֹשֶׁה, vidit divinam maiestatem; sive, אֱלֹהִים עָפָה אֶת־פָּנָיו, Deus illi apparuit. Dicunt & רָאָה pro Θεοφάνεια, ut cū de Messia suo loquētes dicunt, fore רָאָה אֱלֹהִים אֶת־מֹשֶׁה, Θεοφάνειαν αὐτοῦ, adventum eius, duplicem, priorem & posteriorem. Cæterum Græci in memoriam fictarum suarum apparitionū huiusmodi dies festos sæpe instituerunt, quos è re dixerunt

τὰ Θεοφάνια. Quæ appellatio è ritibus paganorum, ut alia multa, pio proposito fuit in ecclesiasticam observationem derivata. Non uno a. modo hæc vox accipitur apud veteres. Nam primitus solennitas nativitatis Christi hoc nomine est appellata: postea celebritas adventus magorum, baptismi Christi in Jordane à Johanne, & mutationis aquæ in vinum in nuptiis in Canâ Galilææ. Prioris nomenclaturæ ratio hæc est. Adventus Christi in terras, tum prior in carnem, tum posterior ad iudicium, appellatur Θεοφάνεια. De priore vide Tit. 2. vers. 2. 2. Timoth. 1. vers. 10. de posteriore Tit. 2. vers. 13. 2. Timoth. 4. vers. 1. & 8. 2. Thessal. 2. vers. 8. Jure igitur veteres Christiani, qui primò instituerunt Epiphaniarum solennitatem, diem nativitatis Christi dixerunt τὰ Θεοφάνια: quia tunc apparuit nascendo Christus; seu, quia Filius Dei assumpta humana carne, è Beata Virgine natus, mortalibus conspiciendum se præbuit. Nam ipsa nativitas dicitur illis Θεοφάνεια: ut ex illo Suidæ videre est: Ἐπιφάνεια, ἡ τοῦ Σωτῆρος ἡμῶν ἐν σάρκει οἰκονομία, Epiphania est Servatoris nostri incarnatio. Intelligit nativitatem, quam sæpe appellant Patres, οἰκονομίαν, dispensationem. Eusebius libro primo, histor. ait, se ordini suam scriptionem δὲ τῆς ἐν σάρκει τοῦ Σωτῆρος ἡμῶν Θεοφανείας, hoc est, à Servatoris nostri in carne apparitione. Ita Chrysostomus tom. 5. homil. de baptismo annotat è Scripturis duplicem Christi Θεοφάνειαν, priorem & posteriorem: quâ de re paulò ante. Cæterum dies hic Epiphaniarum erat sextus Januarii: in quæ diem plurimæ ecclesiæ olim natalem Domini retulerunt, & baptisma: ut de Ægyptiacis

cis testatur *Cassianus libr. 10. collationum cap. 2* de Græcis, Asiaticis, & Syris, *Epiphanius lib. 3.* ubi cis finem de orientalibus ecclesiis ait, illas non jejunare ἐν τῇ ἡμέρᾳ τῶν Ἐπιφανίων, ὅτε ἐγεννήθη ἐν σαρκὶ ὁ Κύριος, die Epiphaniorum, quando natus est in carne Dominus. Idem dies etiam Theophania dictus est. *Isidorus Pelusiota libr. 3. epist. 110.* τὰ θεοφάνια, ἢ τὴ Σωτῆρος ἡμετέρας γεννήσεως, h. e. Theophania, Servatoris secundum carnem nativitas. Sic *Eusebius in 3. de vita Constantini* spelancam nativitatis Christi appellat antrum mysticum τῆς πρώτης ἡ Σωτῆρος Ἐπιφανείας, prima Servatoris apparitionis. *Gregorius denique Nazianzenus orat. 20. & 38;* promiscuè appellat Epiphania, Theophania, & Genethlia. Ex his patet, ecclesiam Constantinopolitanam hoc nomine appellasse natalem Domini. At non multò post illa ipsa ecclesia, edocta à Romana, natalem Christi cœpit celebrare die 25. Decembris. Ab illo tempore remansit quidem appellatio Epiphaniorum diei sextæ Januarii: sed causa appellationis aliter quàm antè redidit cœpit. Nam qui dies prius colebatur ut natalis Domini, postea cultus est ut baptismum ejus, & Magorum adventum, & denique primum in Cana miraculum repræsentans: quæ tria eadem die, sed annis diversis putabant facta, *Eusebius Lugdunensis homil. in vigilia S. Andrea, & Petrus Chrysologus serm. 157.* Verùm ex his tribus causis præcipuè celebrata est Magorum historia. Ex his efficitur, quadruplicem Christi Ἐπιφανείαν nomine Epiphaniorum significari. 1. diem nativitatis Christi, qua Christus Ἐπιφάνη in carne. Quod pertinet illud Epiphani, ἡ ἡμέρα τῶν Ἐπιφανίων ἐστὶν ἡμέρα τῆς 25ῃ γεννήσεως ἡ σαρκῶς. 2. 3. & 4. diem, quo

recolitur memoria baptismi Christi, adventus Magorum, & primi miraculi in Cana. Nam in baptismo ἐπεφάνη, h. e. innotuit, cœlesti voce, ut docet Chrysostomus, cùm antea quasi lateret omnibus incognitus, atque adeo ipse ejus prodromo, Johanni Baptistæ: & stella Ἐπιφάσει, hoc est, apparitione, suâ Christum designavit Magis: & denique Christus ἐπεφάνη, innotuit, per primum miraculum in Cana. Hic incidit quæstio, quomodo intelligendum sit illud *Hieronymi lib. 1. comment. in Ezechielem*: Epiphaniorum dies hucusque venerabilis est (non ut quidam putant, natalis in carne; tunc enim absconditus est, & non apparuit) quod huic tempori congruit, quando dictum est: Hic est Filius meus dilectus, in quo mihi complacui. His verbis negat Hieronymus, Epiphania dici posse nativitatis diem, quia tum Christus latuerit. Sed errat. Nam in Scripturis, & apud Græcos Patres voces φανῆναι, Ἐπιφανῆναι, & Ἐπιφάνεια; hoc est, apparere & apparitio, passim de nativitate Christi usurpantur, ut paulò antè probavimus. Clarissima sunt verba Nazianzeni, præceptoris Hieronymi, ἐφάνη Θεὸς ἀνθρώποις Δὲ γεννήσεως, Apparuit Deus hominibus per nativitatem. Siberus in Breviario author est, Nazianzenum Epiphania appellare τῶν φώτων ἡμέραν.

EPISCOPUS. Generali nomine est inspector. Nominatim qui ab Atheniensibus in urbes suo imperio subjectas mittebantur, ut spectarent, quæ apud singulos agerentur, Ἐπισκοπῆ & φύλακες dicebantur. In ecclesia episcopus dicebatur, qui autoritate presbyteris anteponebatur. Ita Paulus mandans Tito, ut oppidatim constituat presbyteros, ei ve-

τὴν Ἐπισκοπὴν delegat. *Casaubonus exercit.* 15. ad *annales Baronii*, num. 28. sic annotat: Episcopi in singulis ecclesiis constituti, cum suis presbyteriis, & propriam sibi quisque peculiari cura, & universam omnes in commune curantes, admirabilis cujusdam Aristocratiae speciem referebant. Nam singulos episcopos cum suis cleris ecclesias, quibus erant praepositi, in solidum curasse, neque ullum aliud supra se in terris caput agnovisse, tam certum est, quàm quod certissimum, velex unius B. Cypriani testimonio, ut alia nunc taceam. Hinc adeo est, quòd episcopi aliquando reperiantur *monarcha* appellati. Et mox. Monarchiam etiam leges pro Episcopatu positam. *Hilarus Papa Rom. ad Leontium episcopum*: Dilectissimo fratri *Leontio Hilarus*. Mirantur fraternitatem tuam ita legis catholica immemorem esse, ut quaque iniqua, & contra Patrum nostrorum statuta, in provincia, quae ad monarchiam tuam pertinet, si ipse, aut non vis, aut non potes, etiam nec nos silentii tui, taciturnitate permittas corrigere. Erant & populo suae partes, sub cujus assistentis conscientia, ut loquitur B. Cyprianus, ordinationes fiebant: in quo specimen aliquod fuit democraticae πολιτείας. Porro inter episcopos primis & beatis illis temporibus, ordinem fuisse, cum scripta illorum seculorum legimus, facile animadvertimus: dominationem fuisse, aut regium unius imperium in omnes, nusquamprehendimus. Et omnino nullam fuisse certum est, ætate sanctissimi martyris Cypriani: qui in epistolis ad Romanos Papas (.fratres ipse appellat sæper.) *Cornelium* & *Stephanum*, toties illam inculcat sententiam: Habere in ecclesiae administratione voluntatis suae arbitrium

liberum unumquemque praepositum, sive episcopum, *RATIONEM ACTUS SUI DOMINO REDDITURUM*. Quin etiam administratio ecclesiarum, temporibus illis usurpata, hoc ipsum evincit planissimè. Hæc apud *Casaubonum*. Hic non est prætereundum silentio, in *Constitutionibus Clementis* lib. 8. vocem ἱερεὺς, summus Pontifex, non nisi de episcopis accipi. Et libro 6. cap. 14. verba Clementis sunt: ἐξ ἀφωμλῶν ὑμῶν τὴν καθολικὴν ταύτην διδασκαλίαν, εἰς ἑπισκοπὴν πεπιστευμένων, Scripsimus vobis hanc catholicam, sive universalem, doctrinam, ut confirmemini vos, quorum fides episcopatus catholicus, seu universalis, est commissus. Ex quibus verbis ὁφθαλμοφανῶς colligere est, omnibus episcopis, aliqua saltem ex parte, curam universalis Ecclesiae convenire.

Ἐπισκοπῶν. Plerique veterum Patrum, ut *Tertullianus de oratione*, *Ambrosius* lib. 5. de sacramentis, *Cyrillus Hierosolymitanus oratione mystagogicâ* 5. *Augustinus* epist. 121. & sæpius alibi, *Isidorus Hispalensis de offic. eccles.* lib. 1. cap. 18. itemque alii plures, panem ἑπισκοπῶν, cujus fit mentio in orat. Domin. interpretantur de eucharistia. Et Græci quidem Patres rationem nominis hanc reddiderunt, quòd panis ille mysticus fulciat εἰς ἑκείαν, substantiam animæ & corporis. Sed interpretatio illa est minùs solida. Nam panis ἑπισκοπῶν ibi significat τὰ βιωτικά, quæ fulciunt εἰς ἑκείαν, substantiam, corporis. Nisi malis derivare ab εἰς ἑκείαν, quatenus illa vox notat facultates hujus vitæ. *Chrysostomus* homil. in orat. Domin. ἄρτον ἑπισκοπῶν interpretatur, τὸν ὅτι τὴν εἰς ἑκείαν τὸ σῶμα & λαβαίνοντα καὶ συγκερατῆσαι ταύτην ὁλωμένον, substantiam corpo-



vis permeantem, eamque colligere valentem.

Ἐπιφοίτης τῷ πνεύματι. Accessus Spiritus. Ita Cyrillus Hierosolymitanus in Mystagogicis appellat illuminationem Spiritus sancti.

Ἐπίλογοι. Hac voce utuntur Justinus & Jurisconsulti. q.d. *superdicta*, id est, verba solennia super symbolis proferri solita. Iustinus apologia altera narrat, malos dæmonas in Mithræ mysteriis Sacræ Eucharistiæ æmulationem quandam tradidisse, ὅτι γὰρ, αἶτ, ἀρετὴ καὶ ποτήριον ὕδατος πίβεται ἐν ταῖς τῷ μνημῆος τελεταῖς μετ' ὁμιλόγων πινῶν: Panis & poculum aqua ponitur, quando initiatur is, qui in sacris eruditur, cum superdictis quibusdam.

Ἐποψία. Ἐπόπτης. Christianorum epopsia differt à paganica. Nam apud veteres Christianos epoptam esse valet, cognitione rerum divinarum & sacramentorum perceptione esse perfectum: ea scilicet perfectione, quæ in hac vita est parabilis. Quod eleganter Gregor. Nazianz. orat. 10. dixit, αὐτῇ τῇ πηγῇ ἐν τυγχάνειν, καθαρῶ νῶ καθαρὰν τὴν ἀλήθειαν ἐποπτεύοντας ipsam fontem adire, puta mente puram veritatem perfectè intuentes. Videt. EXCOMMUNICATIO.

EQUÆ ÆGYPTI. Ut Theocritus in epithalamio Helenam comparat equo Thessalico: ita Salomon Cant. 1. 9. ecclesiam equabus Ægyptiis componit. Nimirum equas Thessalas reliquis omnibus præstitisse, Pythicum oraculum affirmavit. At Salomon equas Ægyptias in comparisonem adduxit, quòd inde suo tempore pretiosissimæ à Judæis peterentur, ut constat ex libris Regum. Hic itaque est sensus: Equitio juncto curribus Pharaonis comparate, amica mea, hoc est, si-

milem efficio virtute Spiritus, & verbo assero te longè ampliùs præstare cæteris ornamento atque dignitate, quàm Pharaonis equitatum cæteris. Itaque non solùm ornatus sive pulchritudo ecclesiæ, sed etiam invictum ejus robur his verbis significatur.

EQUUS. In Apocalypsi cap. 9. est hieroglyphicum fastus & gloriæ hujus mundi: nominatim dignitatis episcopalis, qua ceu equo episcopi utuntur tanquam equites. Constat sanè equum esse animal superbum, & luxuriosum: unde Hebræis dicitur דָּוִד, quæ vox affinitatem habet cum שָׂוָה exultavit. Quid itaque mirum, si episcopatus, & similia officia ecclesiastica in Papatu per equos significantur, cum videamus Prælatos his veluti caballis vectos nihil non posse, sive tyrannis, sive fraus Simoniacæ requirantur. Hæc comparatio faciliùs persuadebitur, si meminerimus per hæc equini generis περικείμενα Centauros istos opponi CHRISTO, ejusque discipulis, qui sunt mites & humiles corde Matth. 11. 29. Quæ CHRISTI ejusque cultorum proprietas in tristi, laboriosa & abjecta asinorum conditione expressa fuit, quando CHRISTUS asino vectus intravit urbem Matth. 21. Sanè usus est ministerio melancholici hujus animalis, ut omnibus testatum faceret, se hac humili, servili & vili conditione tam delectari, quàm ipsius adversarius superbâ ferociâ, qua hodiè Cardinales, episcopi & reliqui prælati veluti gaudent. Ita nimirum quæ olim pura puta ministeria erant, hodiè amplissima dominia sunt: quiq; olim in mûdo p peripsematis & catharmatis habebantur, hodiè ab eodem

dem mundo, non aliter quàm ante diluvium הַנִּפְלִיִּים, terribiles gigantes, adorantur.

EREMITA. Est genus monachorū, quod ab eremo appellant eremitas, q. d. viventes in solitudine. *Isidorus lib. 17. c. 13.* Plura sunt genera monachorum. Cœnobitæ, quos in commune viventes possumus appellare. Anachoritæ sunt, qui post cœnobialem vitam deserta petunt, & soli habitant per deserta, & ab eo, quod procul ab hominibus recesserunt, tali nomine nuncupantur. Sed anachoritæ Heliam & Johannem, cœnobitæ apostolos imitantur. Heremitæ ii sunt, qui & anachoritæ, ab hominum conspectu remoti, eremum & desertas solitudines appetentes. *Sed recta scriptura est anachoreta, & eremita.*

EUPHRATES. Hebræis & Chaldeis dicitur פֶּרַת i. e. umbilicus. Est enim centrum totius orbis habitabilis: idque cum propter naturalem situm tractus Euphratei, qui nostrum hemisphærium fermè medium secat, & sic orientem ab occidente discriminat; tum propter historiam dispersionis gentium, quæ ex hoc quasi centro versus omnes mundi plagas facta est; tum denique quia ex hoc eodem centro ceu fonte gentilis illa *Δαιμονία* opinionumque circa doctrinam de Deo varietas occasionem sumsit, à quo eventu loco illi Babylonis appellatio inter alia obvenit. Atque hæc causa est, quod Spiritus sanctus in prophetiis, ubi de universali orbis afflictione loquitur, Euphratem fluvium cum finitima Babylonis regione in medium adducit, originemque rei istius epidemiæ ad Euphratem & Babylonem refert. Confer *Zach. 5. Apoc. 9. 14. & 16.* Ubi & illud est anim-

advertendum, Euphratem olim fuisse limitem Romani imperii versus Orientem, sicut Ister versus Occidentem, tempore Augusti. Hinc lucem accipit quod *Apoc. 16.* dicitur, *Euphratis aquam exsiccatum iri*, id est, Orientis & Occidentis interlitium removendum esse per navigationes Lusitanorum, & profectiones Jesuitarum, ut Antichristi virus etiam trans Euphratem se diffundat in Indiam Orientalem, unde bestia hodiè præcipuum suum nervum accipit. Cæterum *Ambrosius lib. de paradiso* ait, Euphratem dictum putari *πὸ τοῦ εὐφραίνεσθαι*, à lætando. Schindlerus Græcum *εὐφραίνης* ex illis vocibus *הוּא פֶּרַת* *Gen. 2. v. 14.* copularis scil. vult esse factum. Quidam putant verisimilius esse, Græcos sic mutasse, præposito *εὐ*: tanquam vellent fertilem dicere, *εὐφρογον*: quod Hebræum *Perath* sit à *Parah*, fructum ferre.

EXARCHUS. In genere est princeps: in specie princeps eximius. Ita exarchi dicti sunt vicarii Imperatorum in Italia. Erat etiam ecclesiastica dignitas. Metropolitanorum ordines duo erant: primi *ἐπίσκοποι καὶ ἑξάρχαι*, alteri tantum *ἐπίσκοποι* scribebantur. Illi exarchi jus dicebant inter metropolitas & episcopos. Postea exarchi quoque dicti sunt chorepiscopi: sed alia ratione, quasi ex aliorum principatu dependentes.

ERUDITA INSCITIA. Hoc *ὀξύμωρον* est admodum elegans in illo Josephi Scaligeri:]

Ne curiosus quare causas omnium,  
Quacunque libris vis prophetarum indidit  
Afflata cælo, plena veraci Deo:  
Nec operta sacri supparo silentii  
Irrumpere aude, sed pudenter prateri.

Nescire

*Nescire velle, quæ magister maximus*

*Docere non vult, erudita inscitia est.*

Rectè igitur *Basilii*: Ita à Scriptura as-  
suefacti esse debemus, ut non progredia-  
mur speculatione ultra metas, quas Deus  
nobis circumdedit: *Δεδιδαγμένοι τῷ θεῷ*  
*τῆς γραφῆς μηδὲν ὑπὲρ τῶν νῦν*  
*πέρε τῶν συγκεχωρημένων φαντασιῶν.*  
Cæte: ùm ut erudita inscitia in laude po-  
nitur: sic insaniens sapientia est in vitio.  
Occurrit ista *ὀξύμωλος* apud Buchana-  
num:

*Insanientis gens sapientia.*

*Ἐσχατ*. Vulgo vertitur ultimus ra-  
tione o dinis vel temporis: ùm notet  
conditionem vilem & abjectam, sitque  
idem quod *ἑφεδρ*, subdititius, bestia-  
rius, ad bestias damnatus. Sic *Matt.* 19. pri-  
mi fiunt *ἔχρατοι*, id est, rejeçtiti, nulli. Et  
*1. cor.* 4. 9. dicit apostolus: *ὁμοῦν γὰρ, ὅτι ὁ*  
*θεὸς ἡμᾶς τὰς ἀπερίλας ἔχράτας ἀπέδειξεν,*  
puto enim, quòd Deus nos apostolos tanquam ab-  
jectos posuit, seu bestiarios. Qui vertunt apo-  
stolos ultimos sive novissimos, non possunt ra-  
tionem reddere, quos appeller ultimos  
apostolos, & cur sic appeller. Nisi forte  
per enallagen numeri se appeller *aposto-  
lum ultimum*, id est, ultimo loco à Christo  
vocatum: ita ut hoc nomine à quibus-  
dam fuerit contentus, quòd cum Chri-  
sto non fuerit versatus his in terris. Ve-  
rùm contextus ostendit, sermonem ibi  
esse de omnibus apostolis.

ESSENT. Epiphanius *ἰησαῖος τῷ θεῷ*  
*τὸ ἰάσασθαι* putat dictos: quia legit eos ab  
Eusebio nominatos *θεραπευτὰς*, quòd in  
nomine Jesu morbos depellerent. Ita-  
que Esseni Epiphanio sunt *ἰατροί*. Et cer-  
tè Philo author est *lib. de vita theoretica*, i-  
psos sanatores vel sanatrices ex origine

vocis appellatos, quatenus medicinam  
profitebantur potiorē eā, quæ passim  
per urbes exercetur. Hæc enim corpora  
duntaxat sanat: at ars illorum etiam ani-  
mas curabat, morbis gravibus & sanatu  
difficilibus laborantes. Juxta Philonem  
itaque Esseni, seu Essæi, à sanando nomen  
habent. At non statim à Græco *ἰάσασθαι*,  
ut vult Epiphanius. Fuerunt enim illi  
secta quædam inter Judæos. Itaque po-  
tius ab *ἔσχατ* sanare, nomen sortiti fue-  
runt. Sed cùm Philo alibi dicat *ἰησαῖος*  
esse *παρωνύμους τῆς ὁσιότητος*, Scaliger *lib.*  
*6. de emend. temp.* illos à Syriaco, patrio  
scil. idiomate, sic dictos putat. Ibi enim  
*ἔσχατ* est *ὁσι*. Fullerius *lib. 1. miscell. c. 3.*  
hæc ita conciliat, ut dicat Essæos fuisse  
binomines, & partim à *ἔσχατ*, partim ab  
*ἔσχατ* appellationem sortitos: cujus, in-  
quit, vim duplicem uno & simplici solius  
*θεραπευτὰς* nomine venustè admodum  
& eruditè Philo complexus est. Eo nem-  
pe loco, quem paulo citavimus ex *lib.*  
*de vita theoretica*. Verba Græca ita so-  
nant: *θεραπευτὰ καὶ θεραπευτεῖδες ἐτύ-  
μως καλῶνται, παρὰ ὅσον ἰατρικὴν ἐπαγ-  
γέλλονται κρείσσονα τῆς ἡπλούς.* Suidas  
Essæos vocat ascetas, & putat sic dictos  
quasi *θεωρητικὰς*: fortè à *ἡπλ*. Alii à *ἡπλ*  
eos appellatos volunt, quòd, cùm vi-  
derent remp. assiduis contentionibus ab  
aliis perturbari, ipsi amantes modestiæ  
& pacis discesserint à contentiosis illis, &  
ostenderint, se bonis operibus, non ri-  
xis, velle Deo servire.

ESSENTIA. Hoc nomen theolo-  
gis est usitatissimum: & apud eos in do-  
ct. ina de Deo significat naturam tribus  
personis sacrosanctæ Trinitatis commu-  
nem, ita ut illæ sint *ὁμοῦσσις, coessentialis.*

Q

De



De hac voce sic ait *Augustinus de morib. Manicheor. lib. 2. c. 2.* Ut nos jam novo nomine ab eo, quod est esse, vocamus essentiam, quam plerumque substantiam etiam nominamus: ita veteres, qui hæc nomina non habebant, pro essentia & substantia naturam vocabant. Cæterum philosophi & scholastici theologi non contenti nomine essentia, etiam dicunt *entitatem*, generaliore sensu. Ita tres relationes divinas personales tres quidem entitates relativas, at non tres essentias relativas dicunt. Nam essentia Dei est ipsa *θεότης, θεϊότης, μορφή θεῶν, & τὸ θεῖον*, adeoque est ita una numero, ut simul sit unica sive solitaria. Græci vocant ejusmodi singularia *μοναδικὰ*: uti est sol. His opponuntur singularia *καθ' ἑκάστην*, ut est Socrates. Hic quaeritur, Quomodo res singularis, puta essentia Dei, possit communiter pertinere ad tres singulares personas? Resp. Non statim quod ad multa pertinet, est universale: sed quod ita pertinet ad multa, ut multiplicetur ipsius essentia. Sic v. g. homo est aliquid universale; quia essentia ejus fit alia atque alia numero in Platone, Aristotele &c. Sed cum divina essentia sit infinita, non potest fieri multiplex.

ET. In Novo testamento hæc particula habet vim copulativam, distributivam, interpretativam seu expositivam, causalem, adversativam seu discretivam, transitivam, illativam: interdum valet *τότε, tunc*, denique, quando, etiam, & quidem, *καίπερ, ὥστε, μετὰ ταῦτα, καὶ ἔτι, καὶ μάλιστα, καὶ ταῦτα, ἀλλὰ καὶ, τότε ᾧ, ἔτι ᾧ, καὶ ᾧ*: interdum ponitur pro *scilicet*: interdum est nota par-

tis vel majoris: interdum connectit diversas personas: interdum servit annexendo consequenti axiomatis enuntiativi: interdum servit conclusioni. De quibus officiis vide *Indicem N. T. Iohan. Piscatoris*. Ex infinitis exemplis adducamus illa, quæ ostendunt hanc conjunctionem interdum poni *ἐξῆγγηκώς. Matt. 3. 11.* Johannes Baptista de CHRISTO ait: *Ipse vos baptizabit Spiritu sancto & igne.* Hic nomen ignis est vice epitheti, q. d. baptizabit vos Spiritu sancto, qui sordes animæ non aliter purgat, quam aurum igni excoquitur. Et ita quidem epitheton metaphoricum sequitur. Præcedit autem, sive præponitur, *Iohan. 3. 5.* Nisi quis genitus fuerit ex aqua & Spiritu, id est, ex Spiritu, qui tanquam aqua abluit sordes, refrigerat &c.

ETHICA. Aliàs *Hectheca*. Legitur hæc vox in veteri Latina versione *Ezech. 41. vers. 15.* & significat deambulationem prominentem in alto extra ædificia. Vulgo appellant Antefoliarium. Vox *Etheca* est formata ex Hebr. *פֶּתֶחַ peristylum*, id est, locus columnis clausus & undique septus.

ETHNICUS. In divinis literis ethnici peculiariter dicuntur illi, qui divini cultus sunt ignari. Sic Judæi allophylos, qui non erant Judæi religione, vocabant *ἔθνη, ἔθνη*. Horum descriptio est. *1. Cor. 12. v. 3. Eph. 2. v. 11. 12.* Ideo ethnicus pro infideli, & irreligioso dicitur *Matth. 18. v. 17.*

EVANGELISMUS. Est læta annuntiatio. In historia ecclesiæ *evangelismus* est festus dies, in quo recolitur memoria lætæ annuntiationis. Ita evangelismus Zachariæ

chariæ est, cum Zachariæ annuntiaretur  
nativitas Johannis, de qua Luc. 1. Hæc  
solennitas in ecclesia Constantinopoli-  
tana celebratur die 27. Septembris. Po-  
stea in 23. Septembris memoria conce-  
ptionis Johannis est traducta: unde ad  
24. Junii sunt præcisè dies 274. Evange-  
lismus autem Mariæ est, cum ei conce-  
ptio Christi per Gabrielem indicaretur:  
nempe sexto mense ineunte post conce-  
ptionem Johannis. *Vide Sca'g. lib. 3. canon.*  
*Isag. 4.*

**EVANGELISTÆ.** In N. T. fuit pe-  
culiaris ordo ministrorū evangelii, quos  
assumebant apostoli, ut adjutores in pro-  
pagando evangelio. Talis fuit Philip-  
pus *Act. 8.* ubi ex actionibus Philippi ap-  
paret, quodnam evangelistæ munus fue-  
rit. Dicuntur etiam peculiariter evange-  
listæ quatuor illi, qui historiam evangeli-  
cam descripserunt. Itaque evangelista-  
rum alii fuerunt scriptores historię evan-  
gelicæ: alii ab apostolis ad evangelium  
unā cum ipsis prædicandum vocati, ipsos  
ut *συνεργοί* comitati fuerunt, nisi cum ab  
ipsis ad tempus certis quibusdam eccle-  
siis præficerentur: quales erant Batna-  
bas, Silas, Timotheus & Titus; qui-  
bus nonnulli LXX. discipulos adnume-  
rant.

**EVANGELIUM.** In genere est læ-  
tum nuntium. In specie est lætum nun-  
tium de misericordia Dei erga peccato-  
res, in Christo Jesu. Magis specialiter  
est historia nativitatis, vitæ, mortis, resur-  
rectionis, & ascensionis Christi in cœ-  
lum: quo sensu quatuor evangelia dici-  
mus. Ipsa quoque doctrinæ prædicatio  
hoc nomine intelligitur: ipse nempe  
*εὐαγγελισμὸς*, 1. Cor. 9. v. 14.

**EVANGELIUM ÆTERNUM.**  
Hac phrasi *Apocal. 14. 6.* significatur. 1.  
unum à conditu mundi esse evange-  
lium, quod omnibus locis & tempo-  
ribus, pro *εὐδοκίᾳ* DEI, sit commune,  
nullique temporum aut locorum inju-  
ria & alterationi obnoxium. 2. illud es-  
se invictum, neque ulla vi labefactari  
posse. 3. verè antiquum. 4. nullis tradi-  
tionibus & commentis humanis adulte-  
ratum.

**EUCHARISTIA.** In ecclesia pecu-  
liariter sic appellatur cœna Domini: item  
symbola ipsa, panis & vinum. Sic *Ire-  
naeus lib. 4. cap. 34.* Quemadmodum, in-  
quit, qui est à terra panis, percipiens vo-  
cationem Dei, jam non communis panis  
est, sed eucharistia, ex duabus rebus con-  
stans, terrenā & cœlesti: sic & corpora  
nostra, percipientia eucharistiam, non  
sunt corruptibilia, spem resurrectionis  
habentia. Priori loco panis vocatur eu-  
charistia, posteriori actio tota. Vox hæc  
putatur apostolorum temporibus nata.  
Nam occurrit apud Syrum Paraphrastē,  
in epistola Ignatii ad Smyrnegos, apud Ju-  
stinum, & omnes antiquissimos ecclesiæ  
scriptores. Appellatur autem hoc sacra-  
mentum *εὐχαριστία*, quia Christus in ejus  
institutione legitur gratias egisse: ubi  
evangelistæ uno verbo *εὐχαριστήν* plu-  
res actiones complexi sunt: videl. DEI  
laudationem, gratiarum actionem, pre-  
cationem, & symbolorum consecratio-  
nem. Quare etiam Eucharistia omnes  
illas actiones designat. Non itaque rectè  
Isidorus, Lōbardus, Thomas, & alii Eu-  
charistiam vertunt bonam gratiam. *Ori-  
genes contra Celsum tom. 8.* eleganter ait:

ἐστὶ δὲ καὶ σύμβολον ἡμῖν τῆς πρὸς τὸν θεὸν εὐχαριστίας, ἄριστος εὐχαριστία καλὸν μῆδος.

**EUNUCHUS.** Hæc vox significat eviratum. Diversorum eunuchorum fit mētio *Matth.* 19. 7. 12. ubi agitur de iis, qui abstinēt conjugio, sive ex causa naturali, sive per homines castrati, sive libero animi proposito, eò quòd possint cœlibes bona conscientia vivere. Deinde eunuchus est minister regius, nobilis aulicus, cubicularius: quia in Ægypto, Babylonia, & Persia ministri regum erant plerumque castrati, ut de fide continentie minùs essent suspecti. Custodiebant enim uxores regis, illisquē ministrabant: vel erant pincernæ, dapiferi, cubicularii: Transiit itaque hoc vocabulum, ut fit, ractu temporis in nomen dignitatis, cùm claris muneribus domi & militie eunuchi fungerentur: & sic eis tandem quoque est attributum qui integri corpore erant, & conjuges, ut Potiphar *Gen.* 39, Sic & 2. *Reg.* 8. v. 6. & 6. 25. & 1. *Sam.* 22. Erat quidem Judæis lege prohibita castratio: reges tamen Judææ etiam eunuchos habere solebant, aut natura tales, vel morbo & clade aliqua eviratos, vel à gentibus acceptos.

Εὐχὴ προσκαμίδης, *Oratio oblationis.* Sic in Liturgia Basilii dicitur ista precatio sacerdotis administraturi S. cœnam: εὐδόκησον δὲ Κύριε τῇ γενέσει ἡμῶς Ἀγαθόνες τῆς καινῆς καὶ Ἀγαθήκης, *Complaceat tibi Domine, nos fieri ministros novi testamenti.* Quibus verbis appellatione *Testamenti* non intelligitur, ut apud Paulum 2. *Cor.* 3. vers. 6. pars utraque sacri ministerii, verbum & sacramenta: sed posterior tantùm, & quidem nominatim. S.

cœna. Itaque continuò subjicitur, tam in Basiliana, quàm in ea quæ dicitur Jacobi Liturgia, λειτουργὸς τῶν ἁγίων σμυστηρίων, *ministros sacrorum mysteriorum*, i. e. panis & vini mystici.

**EXCOMMUNICATIO.** In ritibus prisce ecclesiæ duplex fuit temporum observatio planè diversa: prior circa illos, qui fieri Christiani primò cupiebant; altera circa lapsos, id est eos, qui graviore admissio aliquo peccato, commune jus fidelium amiserant; deinde penitentes restitui in priorem locum operabant. Quod ad priores attinet, tempora contractiora illis fuerunt præstituta. Etsi enim quinquennii tempus ordinariè adhibebatur: nulla tamen fuit istius quinquennii necessitas, modò stadium cōsuetæ exercitationis decurreretur. Nā quemadmodum gradus quidam in mysteriis paganis servabantur: ita Patres, ut facilius ad veritatis amorem corruptas superstitione mentes traducerent, & verba sacrorum illorum quàmplurima in suos usus transtulerunt, & ritus etiam nonnullos ejusmodi instituerunt, ut videantur cum Paulo dicere Gentibus voluisse, ἀγνοῶντες εὐσεβεῖτε, ταῦτα καταγγέλλομεν ὑμῖν, *qua creditis & facitis, ut pii sitis, ea quomodo possint ac debeant verè credi & fieri, ut sitis revera pii, vos docere volumus.* Hinc inter alia est illud, quod *Dionysius cap. 5.* universam τῶν τελετῶν τὴν ἱεραρχίαν, *traditionem sacramentorum*, distinguit in tres gradus sive actiones, quæ & ritibus & temporibus erant divisæ. Prima est καθάρσις, *purgatio*, qua fiebant Catechumeni: secunda, μύησις, *initiatio*, per quam fiebant Competentes: tertia, τελείωσις, *consum-*



*consummatio*, per quam fiebant Epoptæ, & postea Christiani seu Fideles, quibus licebat ἐπιπίνειν τὴν κοινωνίαν *intueri communionem*, & postea eam celebrare. Rursus in admittendo initiatos quinque gradus fuerunt adhibiti: purgatio communis, purgatio interior, σύστασις, initiatio, & epoptia. Simillimè vetus ecclesia in admittendis lapsis ad sacram communionem quinque gradus servavit, sive, ut loquunt. scriptores ecclesiastici πέντε εἶδος τοῦ ὁπτιμίου ἀνύεσθαι, *quatuor loca prænabiri*, præcepit, antequam pervenirent ad ipsam communionem. Primus locus est, quem vocarunt πρῶτον, q. d. *præflectum*. Nimirum in ipso primo aditu ecclesiæ separati non solum à Fidelibus, sed etiam à Catechumenis aliquot annos (tres ut plurimum) manebant, pœnitentes in squallore & pœdore, *omnibus fidelibus deprecationis legationes injungentes*, ut loquitur Tertullianus lib. de pœnitentiâ. Proximus gradus sive locus dicebatur ἀκρόασις, *auditio*. Ibi ut plurimum ἄλλην τιετίαν eis ἀκρόασις μόνον, *ad alios tres annos admittebantur*, pœnitentes, tantum ut audirent verbum Domini, quando in ecclesia legebatur. His fas non fuit precibus ecclesiæ interesse. Tertius gradus sive locus dicebatur ὑπόπτωσις. Ea fuit quædam interior admissio, ubi tres alios annos stabant pœnitentes, precum ecclesiæ participes, ut & Catechumeni, quibus exeuntibus ipsi quoque exibant. Dictus autem fuit hic locus ὑπόπτωσις q. d. *humiliatio*, à verbo ὑποπνίω, ut vel solâ appellatio pœnitentes officii sui admone- ret. Errat itaque Bellarminus, quando ait: *Hic locus dicebatur ὑπόπτωσις, quasi contemplatio rerum supermarum*. Quartus gradus sive locus est σύστασις, *statio inter fideles*.

Ibi pœnitentes duos per sæpe annos agebant: quod ad cætera, eiusdem conditioniscum fidelibus. Neque iam cum Catechumenis exhibant, sola participatione mysteriorum cæteris fratribus inferiores. Quintus & ultimus locus erat μέθεξις, id est, ius communicandi, & ut loquitur Basilii aliquoties in descriptione harum pœnarum, ἡ κοινωνία τοῦ ἀγαθοῦ, *communicatio ipsius boni*. Nam bonum est ipsa eucharistia. Alii eodem sensu dixerunt ἐλθεῖν ὅτι τὸ τέλειον, *pervenire ad consummationem*, sive epoptiam. Bellarminus ultimum istū gradum, malos secutus authores, appellat μέσων *impletionem*, pro μέθεξις, *communicationem*. Ex his patet, excommunicationem ecclesiasticam propriè opponi communicationi. Hanc enim illi habebant pro τελείωσει, *consummatione*, Christianorum. Deinde generalius etiam usurpatur vox ista excommunicationis. Nam quia peccatores, qui graviore aliquo & notorio peccato offenderat ecclesiam, commune ius fidelium amiserant, ab ipso ecclesiæ visibilis corpore fuerunt separati, ac proinde non admissi ad interiorem templi partem, sed in ipso aditu stare necesse habuerunt. Denique quia impœnitentes quidam gradus illos disciplinæ neglexerunt, supremus excommunicationis gradus, qui dicitur anathema, fuit adhibitus. De omnibus hisce gradibus teneatur illud Origenis super Leviticum, homil. 14. ad cap. 24. Cum aliquis exit à veritate, à timore Dei, à fide, à charitate, exit de castris ecclesiæ; etiam si per Episcopi vocem minimè abjiciatur: sicut è contrario, dum aliquis non recto iudicio foràs mittitur, scilicet si non antè exierit, id est, si non egerit, ut mereretur exire, nihil legetur. Interdum enim qui foràs mittitur,

titur intus est; & qui foris est, intus retineri videtur. His consentanea sunt quæ *Augustinus tradit serm. de remissione peccatorum*: Sicut is, quem sacerdos tolerat in ecclesia, est tamen extra ecclesiam, & extra corpus, cuius caput est Christus, si ei ostiarius non aperuerit: ita non ideo extra ecclesiam est, & non est de corpore, si quis pastoris præiudicio compellitur foris esse. *Idem ad clericum Hipponensem*: Quid obest homini, quod ex illa tabula non vult eum recitari humana ignorantia, si de libro vivorum non eum delet iniqua conscientia. Ita *Lombardus libro quarto, sent. distinct. 18.* ait: Aliquando sacerdotes ostendunt solutos vel ligatos, qui ita non sunt apud DEUM: & pœnâ satisfactionis vel excommunicationis interdum indignos ligant vel solvunt, & indignos sacramentis admittunt, & dignos admitti curant. Ex his patet, excommunicationem vanam esse atque irritam, si fiat non propter certa ac manifesta & gravia peccata, quæ excommunicationem mereantur, vel propter iniuriam privatâ, vel ex præcipiti & indiscreto zelo, vel adversus pios, defunctos, infideles &c.

**EXOCATA COELI.** Erant secretorum ecclesiasticorum præfecti. *ἐξω* est extra, *κατακλιον* quasi cavum dicas, secretum, cellam.

**EXORCISMUS.** Est ritus, quo utitur exorcista, & quidem vel extra baptismum, vel in baptismo. Utroque: exorcista imperat malo spiritui. Quando cœperit hic ritus adhiberi in baptismo, non est planum ex historiis. Videtur tamen post Cypriani tempora, labente paulatim magis religionis puritate & sancta simplicitate, invecus esse, eorum doctorum superstitione, qui temporaria & extraordinaria

ecclesiæ primivæ charismatâ, saltem per speciem quandam retinenda putarunt; ut, donis miraculorum cessantibus, umbras quasdam ad sui & ecclesiæ commendationem servarent, & baptismi auctoritatem adaugerent. Fuit hoc familiare veteribus doctoribus: sed exitu infelici. Nam exorcismus (ut alia prætereâ.) pio proposito adhibitus in administratione baptismi, degeneravit successu temporis in ritum planè inanem, ecclesiæ ignominiosum, mendacem & impiû. Nam neq; habet ullam vim, neq; ullius est gravitatis, sed infantes ecclesiæ N. T. arguit tanquam arreptitios, & in vana adjuratione abutitur nomine Dei.

**EXORCISTA.** Est adiurator, de quo *Isidor. lib. 7. c. 12.* Invocant (*exorcista*,) super Catechumenos, vel super eos, qui habent spiritum immundum, nomen Domini Jesu, adjurâtes per eum, ut egredia-  
tur ab eis. Cæteriùm exorcistarum vocatio & functio fuit extraordinaria, ideoq; perperam commutata est in ordinariam.

**EXTUNC.** Occurrit hæc vox in vulgata versione Latina *Psal. 93. 2. Esa. 16. 13. cap. 44. 8. 6. 45. 21. 6. 48. v. 3. 5. 6. 7. 8.* Idem verò significat, quod *ab illo tempore.*

**FACIES DEI.** Sic appellatur majestas Dei. Est autem, ut in Scholis loquimur, facies Dei alia intentissima, alia intenta seu remissa. Illa à nullâ creaturâ videri potest: hæc secus se habet. Constat enim Deum se præbuisse videndum secundum varios gradus gloriæ externæ sibi appropriatæ *Exod. 24. v. 16. & 33. v. 18. 19. 20. 23. Num. 12. v. 8.* Constat item, nos Deum de facie ad faciem visuros in alterâ vitâ, *1. Corinth. 13.*

**FACIO.** Interdum de actu sacrificandi usurpatur apud gentiles scriptores, vulgatum

gatum Bibliorum interpretem, & Patres. Et primò quidē gentiles ita usurpant hoc verbum, ut vel simpliciter ponant, vel cū aliis jungant. *Simpliciter*: ut apud *Varonem* libr. 1. de *rerust.* Quoniam Dei facientes adjuvant: prius invocabo eos: i.e. sacrificantes. *Plautus* *ind.* 3. 4. Tunc legirupionem hīc nobiscum dīs facere postulas? *Cum aliis conjunctū*: ut apud *Plaut. Stich.* 2. 1. Quot agnis fecerat? Illa quidem nulum sacrificavit. Sic *Virgil. eclog.* 3.

*Cum faciam vitulā pro frugibus, ipse venito.* Ita passim legere est: *rem divinam facere, sacrificium facere, facere bidentes.* Vulgatus Bibliorum interpretis hoc verbo exprimit nomen ipsum sacrificii vel holocausti: ut facere pro peccato *Lev.* 14. v. 19. c. 15. v. 15. *Ezech.* 45. v. 17. 20. 22. 23. 24. 25. & 46. v. 2. 12. 13. 14. 15. Sic & facere Pascha *Exod.* 12. v. 48. *Num.* 9. *Matth.* 26. v. 18. quod tamen propriè est ἐπιμαίειν, *parare*, *Matth.* 18. v. 19. Diverse phrasēs faciendi, immolandi, celebrandi, leguntur *Deut.* 16. & 2. *Chron.* 30. Legitur etiam facere turtures pro peccato, & in holocaustum *Levit.* 15. v. 15. 30. Ita *Psal.* 66. v. 15. Faciam (ΠΥΝΕ) boves cum hircis. Apud Patres in tractatione de eucharistia facere panem corpus Domini tribuitur partim Xpo, partim eius ministro. Nam Christus panem eucharistię facit corpus suum benedicendo & sanctificando: ut in Liturgia *Chrysostomi*, Εὐλόγησον, ὡ δεσπότη, τὸν ἅγιον ἄρτον ποίησον τὸν ἄρτον τοῦτον τὸ τίμιον σῶμα τοῦ Χριστοῦ σου, *Benedicito* ὁ Domine, sanctum panem: facito honorandum hūc panem corpus Christi tui. Similiter in Liturgia *Basilii* oratur Deus, ut velit Spiritum suum immittere ἐπὶ τὰ προσκείμενα δώδε ταῦτα, καὶ εὐλογήσῃ αὐτὰ, καὶ ἀγιασῇ, καὶ ἀναδείξῃ, ut proposita bona & benedicat, & sanctificet, & ostendat seu efficiat, scil. corpus

Christi. Deinde minister Christi panem facit corpus Christi pronun. iādo verba institutionis in legitimo usu. Unde *Ebertus contra Catharos* *serm.* 51. eleganter ait: q̄ dicitur, sacerdotes corpus Domini facere sive conficere, quod idem sonat in laico sermone: non ita intelligimus, quod ipsi corpus Domini quasi de novo creent, & ei essentiam dent: sed eorum facere nihil aliud ibi est, nisi quod super illud visibile sacrificium, q̄ in altari est, faciunt officiū snum, & dicunt orationes, & benedictiones, & statuta signa faciunt: & tum divina virtute præstatur, ut ibi sit verum corpus Domini, & verus sanguis eius, ubi prius nihil aliud erat nisi panis & vinum. Illud ergo opus sacerdotum, q̄ tunc agunt, tali modo loquendi designatur, ut ipsi dicantur facere corpus Domini: & est fortasse sumtus hic modus loquendi ex eo, quod Dominus tunc dicebat, *Hoc facite in meam commemorationem.* Et si ergo Patribus sacerdos dicitur conficere corpus Christi, vel sacramentum corporis Christi: propriè tamen loquendo, non sacerdos, sed Christus ipse est, qui totum illud mysterium conficit. *Oecumeni⁹* utitur verbo κατισχύειν, his verbis, εὐλογοῦντες κατισχύειν. οἷδας ὁ λέγω, *Benedicendo conficimus: scis quid dicā.* *Basilii* utitur verbo ἀναδείξαι: quod quidam exponunt de ostensione, seu elevatione panis consecrati. Sed elevationem potius significat, quàm ostensionem: ita ut ἀναδείξαι in Liturgia *Basilii* (.ve. ba paulò antè citavim⁹.) id sit, quod *Hieronymus*, *Augustinus*, & alii Patres Latini dicunt, *conficere corpus Christi*, sive *sacramentum corporis Christi*. Non dissimile est verbum in eadem re apud alios Patres ἀναφαίνεσθαι, quasi dicas, repente existere, & conspiciendum se dare.

Docent



Docent enim Patres ad sacerdotis invocationem, per Spiritus sancti operationē, elementa sanctificari, sic ut quæ prius erant tantum panis & vinum, iam incipiant dici & esse in mysterio corpus & sanguis Christi. Propterea dicunt iidem, Christum apparere in eucharistia & videri, nempe oculis fidei, ut disertè exponit *Chrysostomus lib. 3. de sacerdotio*: *πιστεύετε πῶτο πάντες Ἀλλ' τῶν ὀφθαλμῶν τῆς πίστεως, hoc omnes faciunt* (ut videant Christū) *per oculos fidei*. Hæc ig. est Basilii ἀνάδειξις, hoc aliorum Patrum ἀναφῆναι. Hippolytus Martyr in libello de consummatione mundi: τὸ τίμιον σῶμα καὶ αἷμα τοῦ Χριστοῦ ἐν ταῖς ἡμέραις οὐκ ἀναφύσεται, non existet illis diebus pretiosum corpus & sanguis Christi, id est, non conficietur sacramentum eucharistiae, sen, ut ipse statim subicit, λειπυργία σέθενται, sacra functio extinguetur. Sed concludamus hūc titulum. Εὐλογεῖν, εὐχαριστεῖν, ἀγαλλεῖν, πιστεῖν, κατασκευάζειν, εὐεργεῖν τὸ ἀγιον σῶμα, ut in Liturgiis, vel εὐρατῶειν τὸ σῶμα Κυρίου, ut in Asceticis apud Basilium, ἀνάδεικνυειν, ἀναφαίνειν, Benedicere, sanctificare, consecrare, conficere, creare, vel ut loquitur Augustinus apud Gratianum, de consecratione, *dist. 2. can. 72. in mysterio potentialiter creare, id ē, in usum religionis assumere*, & similia vocabula pro eodem usurparunt veteres; cum actionem sacerdotis intelligerent, per quam hoc sacramentum paratur, & res sensibiles fiunt intelligibiles, vel potius *πυσάι*.

**FATUM.** Propriè est, quod Deus in animo suo fatus est, apud se statuit & decrevit. Unde *Lipsius*: Fatum, inquit, est æterna Dei lux, ab æterno in æternum. Itaque hoc sensu vocabulum istud in schola theologica usurpari potest. Sed satius est hoc nomine abstinere

iuxta illud *Augustini*: Quod si quis, cum fato omnia regi ait, divinum consilium à se fati nomine intelligi dicit, sententiam teneat, linguam corrigar. Et *Gregorius* ait: Absit à fidelium cordibus, ut fatum esse aliquid dicant. Ut à tam impiarum opinionum fœditate abesse, ita omnes voces, quæ illarum suspicionem movere aliquam possint, studiosissimè vitare debemus. Si Christiani sumus, utamur & moribus & vocibus Christianis. Et *Augustinus tract. 37. in Iohan.* ait: ô, si cor tuum fatuum non esset, non crederes fatum. Intelligunt autem illi fatum Chaldaicū seu Mathematicum, & Stoicum: non Physicum, quod est ipsa natura, neque Theologicum, quod est providentia Dei.

**FERA ARUNDINIS.** *Psal. 68.* ita describitur rex Ægypti: cuius milites & duces appellantur tauri & vituli. Cur verò Ægyptus componitur arundineto? Historia sacra *Exod. 2.* itemque profana testatur, flumen alluisse regiam Pharaonis, in flumine autem illo fuisse arundinetum.

**FERE.** Est particula latitudinis arithmetica, idem valens quod circiter. Confer *Exod. 12. 37. Luc. 8. 42. 6. 9. 14. 28. 6. 13. 44. Act. 1. 15. 6. 19. 7. Rom. 4. 19.* Itaque idem valet, quod *ὡς ἑγγιστα*.

**FERETRUM.** Occurrit hæc vox in vulgata Latina versione 2. *Reg. 3. v. 31.* Junius quoque vocem istam retiner.

**FERIA.** Feriæ sunt tempus, quo vacamus, oriamur, cessamus ab opere: in primis dies festus, quo Dei cultui vacamus. Cur verò, inquit aliquis, doctores ecclesiæ omnes dies hebdomadæ vocant ferias, ut feriam primam diem solis, feriam secundam diem lunæ, & sic consequenter? Adamus *Siberus in Breviario Christiano* hanc

hanc adfert rationem : Secunda feria dicitur , à Dominico altera , quam Latini diem Lunæ appellant : ad imitationem Judæorum , qui dies septidui totius ob dignitatem Sabbati , quem divino cultui consecratum religiosè colebant , communi vocabulo Sabbata & ipsa nuncupabant. In quem sensum Phariseus apud Lucam, *Jeiuo* , inquit, *bis in Sabbato*. Sed ex Hieronymo, & aliis veterum , itemque ex Iosepho Scaligero libr. 7. de emend. temp. constat , morem hunc manasse à diebus Paschalis hebdomadis , tanquam primæ & principis in anno sacro : qui dies omnes feriatæ erant. Lex enim est Cōstantini M. *τὰς παραλίας δύο εβδομάδας ἀπὸ ἀκτῶν τελῆν, τὴν περὶ τοῦ πάχα, καὶ τὴν μετ' αὐτὸ*. Quibus verbis Imperator Christianissimus non solum hebdomadem post Pascha , sed & antecedentem excipit ab opere faciendo. Sed de posteriore hebdomade usus tantum obtinuit. Quare cum sex illi dies post Pascha feriatæ essent , & ea esset prima anni hebdomas , inde factum , ut oēs dies septimanæ vocarentur feria. Porro de sex diebus feriatæ post Pascha, Cōcilii Trullani canon LXVI. ita habet ; *ὅτι τῆς ἀγίας ἀναστάσεως ἡμερῶν ἡμέρας, μέχρι τῆς καينῆς Κυριακῆς τὴν ὅλην ἐβδομάδα ἐν τῆς ἀγίας ἐκκλησίαις χοροῖς δεῖ ἀποθελίπτως τοὺς πιστοὺς, ἐν ψαλμοῖς καὶ ὕμνοις καὶ ᾠδαῖς πνευματικαῖς*. Etiam hodiè ecclesia Antiòchena Pascha vocat novum annum.

FERMENTUM. In divinis literis dicitur in laude & vituperatione, *Augustinus de doctrin. Christ. libr. 3. cap. 25.* nimirum propter vim augendi & corrumpendi. Etenim, licet exiguum sit , magnam etiam massam facilè calore & acrimonia sua penetrat , & eam diffundit , ac multò majorem ,

quàm initio erat, efficit. Propterea *Matth. 13. vers. 33. & Luc. 13. vers. 21.* regnum Dei, id est , verbum Evangelii confertur fermento, quoniam prædicatione immissum in unum locum, adiunctæ divinæ benedictionis vigore, eum ita afficit, ut non tantum illic ecclesia colligatur, sed ea rursus alios fecunditate confessionis & pietatis plures alliciētis ex se propaget. Nimirum à parvis initiis res Christiana exorsa, paulatim in totum orbem est provecta. Sed & *Matth. 16. v. 6.* cavere nobis jubemur à fermento Phariseorum & Scribarum, hoc est, ab eorum doctrina, quæ dulcedinem veritatis a core suo corrumpit & eam putrefacit: quomodo videmus massam fermentatam, si non vi ignis edometur, in putredine perire & nulli usui esse. Quæ etiam causa est, quòd Deus in sacrificiis fermenti usum interdixit. Itaque eo significatur corruptio doctrinæ, vitæ & disciplinæ Christianæ *1. Cor. 11.* Audiam⁹ *Ambrosium in Lucam*: Sed aliud est fermentum zizanix, aliud tritici. Ecclesia renatū hominem, qui est in corpore & anima & spiritu , fermento sanctificat spiritali. Sanctificatur enim corpus atque anima per gratiam spiritalem, & accipit sanctificationis augmentum , cum per ecclesiæ velut quoddam fermentantis officium, scripturarumq; doctrinam, quæ velut celestium collatione sermonum & ubertate concrefcit, infusus toti homini atque permixtus usus inolevit, ut fiant unum etiam ipsa fermentum. *Idem*: Fit unum fermentum, quando facta carnis mortificamus. *Idem serm. 5.* fermentum dicit totam Domini passionem, & salutis nostræ symbolum. *Ibid.* Fermentum cum sit magnitudine parvum, specie simplex , naturâ commune, tantam fortitudinem intrin-

secus gerit, ut cum reconditum fuerit in farina, succus hoc totum massam faciat esse, quod ipse est &c.

**FESTUM.** Festa in honorem solius Dei sunt instituenda & celebranda, & quidem ita ut sint 1. festa διδασκικά, quæ nos doceant & instituunt de natura & beneficiis Dei singularibus. 2. ἀναμνηστικά, ut ad memoriam revocemus illa Dei beneficia. 3. & χαριστικά, ut omnipotenti & immortalī Deo gratias, quantas maximas animus noster capere potest, agamus & persolvamus: 4. εὐχενικά, ut Deum ardentibus precibus invocemus & exoremus.

**FIDELIS.** Deus fidelis dicitur, id est, verax, benignissimè & firmissimè stans promissis gratuitis erga suos. *Deuter.* 7. 9. *Psal.* 145. 13. 1. *Thessal.* 5. 24. Deinde hæc vox tribuitur Christo Servatori nostro *Hebr.* 2. 17. *Apoc.* 1. 5. 6. 3. 14. *cap.* 19. 11. Tertio verbum Dei dicitur fidele, id est, certum, immotum, & verum. *Psal.* 19. 8. 1. *Timoth.* 1. 12. *Apocal.* 21. 5. Quarto filii Dei in Christo dicuntur fideles, id est, fide promissam salutem amplectentes, & sincero corde Deo obedientes *Nehem.* 9. 8. *Ioh.* 20. 27. *Act.* 10. 45. 6. 16. 1. 15. 2. *Cor.* 6. 15. Quinto servi Dei dicuntur fideles, i. e. fidi, constantes in veritatis & pietatis professione. *Num.* 12. 7. *Matth.* 25. 21. 23. 25. *Hebr.* 3. 6. Sexto mulieres piæ dicuntur fideles in omnibus, adeoque etiam respectu fidei conjugalis. *1. Tim.* 3. 11. Septimo res ipsæ & actiones dicuntur fideles, id est, firmæ, certæ, Deo addictæ &c. ut 1. *Sam.* 2. 35. *Pf.* 89. 38. *Esa.* 1. 21. 6. 33. 16. *cap.* 55. 3. Sic itaque hæc vox usurpatur de personis, rebus, & actionibus.

**FIDELES.** In ecclesia hæc vox significat. 1. Christianos, qui opponuntur

paganis & infidelibus. 2. Electos Dei filios, qui præditi sunt fide salvifica. 3. Sacramentis initiatos. Hic enim mos erat in prisca ecclesia, ut ex *Catechumenis* fierent *Competentes*, & ex his *Fideles*. Vide titulum **INITIATI**.

**FIDES.** Frequens est distinctio fidei in historicam, temporariam, miraculosam, & salvificam. *Historica* est assentum præbere historiæ sacræ, & omninò verbo Dei, quod sit verum. Ea aliquando in hominibus conjuncta est cum aliqua cordis lætitia & morum mutatione: & tum dicitur *temporaria*, *πρόκαιρος*. Vide *Matth.* 13. v. 21. *Luc.* 18. v. 13. *Marc.* 6. v. 30. *Hebr.* 6. v. 4. 5. Fides *miraculorum* est, qua quis ex peculiari promissione certus est de miraculoso quodam evētu per ministerium suū edendo. Fides *salvifica* est, assentiri evangelicis promissionibus, factis in Christo, & eius merita specialiter amplecti. Ea est prima virtutum theologiarū, quas vocant, quæq; junguntur 1. *Cor.* 13. v. 30. 1. *Thess.* 1. v. 3. & 5. v. 8. de quibus Augustinus suū ad Laurentium enchiridion cōfecit. Cæterum fides salvifica facit ut recipiamus testimonium Christi, atque ita obsignemus, q̄ Deus sit verax *Ioh.* 3. v. 33. ad quem locum Augustinus: *Accipe, & signas, presumenter intelligis, desinenter intelligis, quia Deus est verax.* Nempe qui ad *Amen* Dei docentis addit suum *Amen* discendo, is Dei veritatem obsignat: & affirmat, quod dignū est: 1. *Tim.* 1. v. 15. & sibi applicat beneficia Christi cum Apostolo *Gal.* 2. v. 20. Ut incredulitas fuit initium defectionis & aversionis à Deo: ita hæc fides origo est reversionis ad eundem, juxta illud *Siracida.* 6. 25. v. 16. φόβος κυρίου ἀρχὴ ἀγαπῆσεως αὐτοῦ. πίστις δὲ ἀρχὴ καὶ ἀγάπης αὐτοῦ. *Timor Domini est initium dilectionis eius: fides autem*



est initium agglutinationis cum eo. Hæc porro fides donum est Dei, juxta illud *August. lib. de spiritu & litera c. 34.* Quando Deus agit cum anima rationali, ut ei credat (. neq; n. credere pōt quolibet libero arbitrio, si nulla sit suasio vel vocatio, cui credat.) profectō & ipsum velle credere Deus operatur in homine, & in omnib. eius misericordia prævenit nos. Sed paulò altius repetamus significationes hujus tituli. In Concordantiis Latinis vulgatæ versionis cōmemorantur duo & viginti significata, hoc ordine. 1. Fides Dei primū constantiam & veritatem Dei in dictis & factis significat. 2. Fides Dei, certitudo judiciorū eius. 3. Certitudo potentiæ Dei. 4. Certa & immota Dei de suorū salute volūtas & constitutio. 5. Præsentia Dei nota. Secundò fides Christianæ religionis axiomata & prima capita significat. Tertiò Evangelii doctrinam. 4. pro Evangelii & justitiæ annuntiata per Evangelium patefactione. 5. pro Dei in Christo seu mysteriorū fidei cognitione. 6. plena manifestatio eorum, q̄ olim sub ceremoniarum obscuritate latebant. 7. Evangelicæ doctrinæ constans & sincera professio. 8. fides, Christum Salvatorē amplectens, salutatis & justificans. 9. promissionis gratiosæ & divinæ virtutis in Christo ante & post manifestationē in carne patefactæ, apprehensio. 10. declaratio omnibus facta de Christo. 11. fides historica. 12. fides miraculorum. 13. pietatis studium. 14. sapiētiæ veræ, seu doctrinæ Evangelicæ, certa & exacta cognitio. 15. Christianæ libertatis cognitio. 16. Conscientia per Evangelii doctrinā confirmata. 17. Professio mysterii circa pauperes & ægrotos curādos. 18. Cōstantia & veritas in dictis & factis; probitas, fidelitas, vitæ integritas. Loca

Scripturæ vide in ipsis Concordantiis. Porro fides alia est, quæ creditur; alia, quæ creditur. Illa est ipsum Dei verbum, eiusque professio: hæc est habitus, isque vel acquisitus, vel infusus. Deinde fides miraculorum est activa, vel passiva. Illa est peculiare Dei donum, quo quis credit se divinā potentiā aliquid miraculosè operaturum: hæc, quæ quis statuit se participem fore beneficiorum singulariū, quæ per miracula promissione Dei contingunt. Exemplum prioris est *1. Corint. 13. 2. posterioris, Act. 14. 9.*

**FIDUCIA.** Est actus fidentis, & vulgo describitur quòd sit *spes roborata ex aliquā firmā opinione seu notitiā.* Ita ergo fiducia ex fide oritur. *Eph. 3. v. 12.* A fiducia vetus Bibliorum interpretes formavit ad verbum *fiducialiter.* *Prover 3. v. 23. Esa. 12. v. 2. & 14. v. 30. Hos. 2. v. 18. Act. 9. v. 29. & 14. v. 3. & 18. vers. 26.*

**FILIUS.** Hæc vox accipitur physicè, hyperphysicè & politicè. *Physicè* significat 1. eū, qui ex viro & muliere, aut in legitimo conjugio, aut extra conjugium, natus est. 2. pullum vel fœtū bestia: ut *Prov 30. 17.* filii aquilæ *Pf. 29. 1.* filii arietum. *Hiperphysicè* significat 1. filium Dei æternū, Jesum Christum. 2. filium hominis, sive Mariæ, i.e. eundem Jesum Christum, quatenus cōceptus est ex Spiritu S. & natus ex Maria virgine. 3. angelos & homines, quatenus sunt filii Dei jure creationis. 4. angelos bonos & hōes electos, q̄ sunt filii Dei jure adoptionis. *Politice* sive civiliter filii prophetarum dicuntur pro discipulis illorū: filii sponsi, pro amicis spōsi: item filius pro eo, qui est loco filii &c. Exēpla harū significationū & similiū vide in Cōcordantiis Latinis vulgatæ versionis. Alii sic digērūt significationes huius vocis. Filius

significat 1. homines mortales corruptos. 2. res inanimatas. 3. Filium Dei naturalem & unigenitū. 4. Vera ecclesiæ membra. 5. Varia accidentia hominum: ut filius captivitatis, perditionis, mortis &c.

**FILIALIS.** Est vox theologis crebra: ut cum timor Dei dicitur esse filialis, vel servilis; fiducia filialis &c. Notatur autē hac voce affectus tenerim<sup>9</sup>, quo electi complectuntur Deum Patrem in Christo per Spiritum sanctum.

**FILII HOMINIS.** Hebr. *Benē adām*. Sunt plebei, *οἱ πολλοὶ*, *der gemeine Hauff* Filii viri, *Benē Isch*, sunt *οἱ ἐν ἀξιώματι*, qui supra vulguseminent.

**FILII OLEI.** Sic appellantur duæ oleæ, quæ lychnuchum sanctuarii ab utroque latere cingūt. *Zach. 4.* Per duas illas oleas secundum primam literæ intentionem intelliguntur Jehosua sacerdos, & Zorobabel dux: allegoricè, omnes pii, quare vide titul. **TEMPLUM.** Hic illud solum observa, oleum apud Hebræos appellationem habere à limpiditudine & splendoris tralucētis claritate. Unde iidem tempus meridianum *צהריים* vocant, q. d. duplicatum splendorem. Ex quo intelligere est, cur oleum in sacris doctrinæ Evangelii typum gerat: non solum, quia vim habet mitigandi, quam ob causam legi opponitur, sed etiam quia clarum est, perspicuum, incontaminatum, & à fœcibus humanarum traditionum liberum. Qua ratione fit, ut testes veritatis omne suum officium ex hoc elegantissimo typo discere possint: quod in eo primū est positum, ut coram lychnucho sanctuarii (qui est Dei verbum) fideliter excubent, operā dantes sedulō, ne cādela ei<sup>9</sup> extinguat, sed affuso jugiter oleo intra sacrariū

luceat. Deinde ipsorum partes sunt, conscientias à diabolo & Antichristo sauciatas oleo lætitiæ perfundere atque erigere. Author Concordantiarum Lat. vulg. vers. ait: *Fili oleæ Zach. 4. 14.* sunt arbores mysticæ, dona Spiritus sancti repræsentantes.

**FILIA.** Hâc voce significantur varia: ut 1. homines scēminei sexus. 2. oppidula, pagi & villæ. 3. varia accidentia: ut filia regis est uxor Salomonis, filia Pharaonis, ecclesiæ typus: filia regum, sunt heroinæ, pedissequæ uxoris Salomonis, typi membrorum ecclesiæ: filia Jerusalem, est urbs ipsa: filia Jerusalem & Sion, sunt virgines Hierosolymitanæ, typi fidelium & sanctarum animarum: filia Dei & ecclesiæ, sunt sancti homines: filia Juda, est ipsa Judæa: filia Sion, literaliter est Jerusalem, allegoricè ecclesia militans, analogicè ecclesia triumphans.

**FILIUS HOMINIS.** Hæc phrasis nos terrenæ & pudendæ originis, si præsertim cum illis cœlestibus spiritibus cōferamur, admonet. Unde Christus appellatione hâc de seipso in statu exinanitionis frequenter utitur, ut testetur, se revera, non angeli aut cœlestis alicuius creaturæ, sed hominis de humo oriundi, & quidem virorum contemtissimi contemtam & despicabilem formam assumxisse. Sic *Dan. 8. 17.* angelus Daniele hoc titulo compellat.

**FINIS LEGIS.** *Rom. 10. vers. 4.* ait Apostolus: *Finis legi est Christus ad salutem cuius credenti;* hoc est, Deus legem suam homini lapso tulit, ut per eam adigatur & adducatur ad CHRISTUM, & in eum credens impleat legem. Rectè itaque HIERONYMUS ad illa verba adnotat: *Talis est ille, qui in Christum credidit,*  

*dir,*

die, qua credidit, qualis ille, qui universam legem implevit, Haymo sic ait: Christus dicitur esse finis legis, non consumtio, sed completio & consummatio legis & prophetarum ad iustitiam omni credenti. Completio legis & prophetarum ipse est, quia omnia, quæ lex & propheta, verbis & mysteriis de ipso prædixerant, per seipsum complevit: unde pendens in cruce ait, Consummatum est. Quod qui credit & confitetur, justificatur, si tamen opera digna fide fecerit. Potest etiam huc referri illud *Augustini tract. 10. in epist. 1. Iohan.* Nolite putare consumtionem, sed consummationem. Nimirum est finis consumens, & est finis consummans.

**FIRMAMENTUM.** Hæc vox inter alia in vulgata versione Latina significat cælum. Hebraica vox est פִּקֵּן, expansum. LXX. verterunt στερέωμα: quos secutus est vulgatus interpres. *Gen. 1. v. 6. 7. 8. 14. 17. 20. Psal. 19. 2. & 150. 1. Ezech. 1. v. 22. 23. 25. 26. 6. 10. 1. Dan. 12. 3.*

**FOCARIA.** Hæc vox occurrit in vulgata versione 1. *Sam. 8. 13.* pro coqua.

**FOEDUS.** Antiquissima pangendorum foederum ratio hæc fuit. Victimæ cædebantur, & cææ sacrificabantur, ut indicarent, se pangendi foederis Deum testem invocare, & optare, ut iis, qui primus illud frangat, ad eundem modum divinitus excindatur. Hoc enim sibi vult Hebraicum פִּקֵּן, utpote quod significat excindere, eradicare, & usitatè adhibetur de foederum percussione. Ad quem ritum David *Psal. 50. 5.* respicit, quando dicit: *Congregate mihi sanctos meos, qui foedus meum percutiunt super sacrificio.* Et huc etiam spectat Moysis illud *Exod. 24. 5. 6. 7. 8.* Cæterum Hebræi foedus appellant פִּקֵּן: quæ

vox à clavigatione videtur nomen habere. Nam descendit à radice פִּקַּר purus & clarus fuit, sive à פִּקֵּר, quod significatione sua ad illam priorem accedit. Judæi vulgo Germanicè hanc vocem interpretantur *versicherung/ Asscuratio.* Augustissima ejus significatio est, indicare pactum illud, quod Deus inde à conditu rerum cum genere humano post lapsum interveni promissi seminis mulieris pepigit. Aliàs eadem vox generaliter & synecdochicè pro ipsa religione, externoque ejus cultu usurpatur, *Dan. 11. 28. & 30. LXX.* Interpretes vocem פִּקֵּר vertunt *συνθήκη*, quæ vox propriè est testamentum. Ratio versionis proculdubio est; quia <sup>oconomia</sup> foederis gratuiti inter Deum & hominem est testamentaria. Habemus enim hîc testatorem, institutionem hæredis, & bonum legatum. Aliàs foedus Græcis propriè est *συνθήκη.*

**FORIS ESSE.** In divinis est esse extra domum Dei, quæ est ecclesia, *Marc. 4. v. 11. 1. Cor. 5. v. 12. 2. Cor. 5. v. 13. Col. 4. v. 5. 1. Thess. 4. v. 12. οἱ ἔξω*, qui foris sunt. Opponuntur illis *οἱ ἐν*, qui intus sunt. *1. Timoth. 3. v. 7.*

**FORMA DEI.** Hæc nihil est aliud quàm ipsa deitas, sicut forma servi est humanitas seu natura humana. *Phil. 2.* Hæc de re notentur illa Patrum dicta. *Basilii Magni lib. 1. adversus Eunomium* ait: Ego in forma Dei esse, idem valere sentio, atque in essentia Dei esse. Sicut enim formam servi assumis, in essentia humanæ naturæ Dominum nostrum natum esse significat: sic eam dicit, in forma Dei esse, divinæ essentiae proprietatem penitus declarat. *Chrysostomus in epistolam ad Philippenses, homilia 6.* ait: Forma servi, estne energia servi, an natura servi? Omnino



certè natura servi. Igitur & forma Dei natura Dei est : non ergò energia. Et paulò post; Dic mihi, quid est quòd formam servi accepit? Homo factus est, inquis. Igitur & cùm in forma Dei esset, Deus erat. Nam & hìc & illìc nomen formæ ponitur. Si hoc verum, certè & illud: Forma servi est naturà homo: ergo etiam forma Dei, naturà est Deus. Ambrosius libro 7. epist. 47. ita scribit: Quid est in forma Dei? In natura Dei. Sunt enim, ait apostolus, qui non sunt naturà dii. Quæro, quid sit, formam servi accipiens? Sine dubio perfectionem naturæ & conditionis, ut dixi, humanæ, ut esset in hominum similitudine. Audiamus etiam Augustinum tomo 10. sermone 58. de verbis Domini: Hæc est enim forma servi, in qua Filius Dei minor est non Patri solo, sed etiam Spiritu sancto. Neque id tantùm, sed etiam seipso, quia ipse in forma Dei major est seipso. Sed alii hæc tria μορφὴν, ὁμοίωμα, καὶ χῆμα formam, similitudinem, & figuram, eodem sensu accipi volunt: tanquam illic conditio & status, non verò natura, per formam intelligatur; veruntamen ita, ut cum statu ipsa divina essentia & humana sit conjuncta. Et sanè Syrus pro μορφὴν habet **ἰσομορφία** similitudo. Athanasius in Pl. 67. ita exponit: καὶ ὁ τῆς δικαιοσύνης ἡλὶος μορφὴν δέχεται λαβὼν, καὶ τὰς ἀκλίνας τῆς αὐτῆς ὥσπερ συείλας θεότητος, καὶ καταδύς ἐν τῷ σώματι ἡ ἐν αὐτῷ τῷ θανάτῳ τὸ κατακεχυμῆον τῶν ἀνθρωπείων ψυχῶν σκότος ἀπῆλασε. πλὴν εἰ καὶ τῆς ἡμετέρας ἐπέβη πλωχείας καὶ τὴν οἰκείαν οἰκονομικῶς σιωπῆσαι δόξαν, τὴν εἰς ἀνθρώπους ποιησάμενος πάροδον καὶ τὴν ἐνσαρκον ἐνδημίαν. ἀλλ' ἐν κύρσει ὄνομα αὐτῷ. καὶ ὁ ἀνθρώπος γεγωνὶς οὐκ ἀπέβαλε τὸ εἶναι θεός: Et sol

quoque ille iustitia formam servi suscipiens, ac radios deitatis suæ quasi subducens, deq; cælo descendens, in corpore, imò verò etiam in ipsa morte, sustulit tenebras hominum animus offusas. Et licet in nostram venerit pauperiatem, propriamq; gloriam dispensativè umbra quodammodo obscuravit, cùm ad homines descenderet, ac carnem inhabitare cœpisset: nihilominus tamen Dominus est nomen ipsi. Nam etiam homo factus non desit esse Deus.

**FORNICATIO.** Vox est in veteri Bibliorū interprete & ecclesiasticis scriptoribus frequēs, tum de corporali fornicatione, tum de spiritali, hoc est, idololatria & omninò defectione à Deo, cum quo ecclesia habet spirituale quoddam conjugium in fœdere. Cùm alibi tum creberrimè legitur in Ezechiele cap. 16. 20. 23. & Hosea c. 1. 2. 3. 4. & 1. Cor. 3. *Vetus Dictionarium* hæc habet: Ponitur etiā fornicari pro negotiari, quòd multotiens negotiatores spiritualiter fornicantur: quia ex cupiditate lucrandi fraudem & usuram committunt, & sic anima à suo vero sponso Jesu Christo separatur per mortale peccatum. Et sic sumitur Esai. 23. Post septuaginta annos visitabit Dominus Tyrum, & reducet eam ad mercedes suas, & rursum fornicabitur cum regnis universæ terræ. *Glos.* Fornicabitur, id est, negotiabitur, sicut antè. Alii tamen hunc locum accipiunt de reditu Tyri ad peccata sua.

**FORTUNA.** Primò significat rem nempe eventum fortuitum seu inopinatum, aliàs felicem, aliàs infelicem: deinde bona, quæ hominibus occulta ratione sæpe obveniunt: postremò deam, quæ fingebatur hujusmodi eventus gubernare. Atque hinc factum, quòd hæc vox Christianis dicatur esse inter eas, quæ potius fu-

oiendæ

giendæ sunt, quàm usurpandæ: licet idolum gentile nullū intelligamus. Hinc *Augustinus initio Retractionum* ita scribit: In eisdem tribus libris non mihi placet, toties me appellasse *fortunam*: quamvis non aliquā deam voluerim hoc nomine intelligi, sed fortuitum rerum eventū, vel in corporis nostri vel in externis bonis aut malis. Unde & illa verba, q̄ nulla religio dicere prohibet, *forte forsan, forsitā, fortasse, fortuito*: quod totum tamen ad divinam revocandū est providentiā. Hoc etiam ibi nō tacui dicens: Etenim fortasse, quæ vulgo *Fortuna* nominat̄, occulto quodā ordine regitur, nihilq̄ aliud in rebus casum vocamus, nisi cujus ratio & causa secreta est. Dixi quidem hoc: veruntamē pœnitent me sicillic nominasse fortunam, cū videam homines habere in pessima consuetudine, & ubi dici debet, *Hoc Deus voluit*, dicere, *Hoc voluit Fortuna*.

**FRACTIO PANIS.** Frangere est continuitatē corporis solvere, q̄ uno verbo dicunt discontinuare: id q̄ fit discerpendo manibus, secando, scindēdo, diffindēdo, collidendo, conterendo. Hinc *Arist. 4. meteor. 9.* Κατάξίς μὴ ἐστὶν εἰς μεγάλα μέρη διαίρεσις, ἢ χωρισμός: *Fractio quidem est in magnas partes divisio & separatio*, h. e. nō adeo minutas, quales fiunt in friatione, q̄ ibi opponit fractioni. Ex his patet, corpus Christi revera fuisse fractum, i. e. discontinuatū. Unde & apostolus *1. Cor. 11.* disertis verbis ait, corpus Christi fractum esse. Nimirū non solum anima fracta est doloribus, & tandem à corpore defracta: sed etiā corpus ejus est vulneratum, adeoq̄ discontinuatū, & proinde fractū. Hujus fractionis symbolum est *κλάσις ἄρτου, fractio panis*, q̄ Christus adhibuit in S. cœna: quamq̄ Paulus, ut circumstāciam ap-

primē ad rem facientem, iisdem, quibus *Matthæus, Marcus, & Lucas*, verbis expressit. Inde apud Patres *κλῆν ἄρτον, & κλάσις ἄρτου* frangere panem, & fractionem panis, de celebratione Eucharistiæ. Et sunt tamē veteribus quàm recentioribus, qui de sacramēto hoc interpretent̄ verba Lucæ, & in evangelio c. 24. v. 35 & in Actis c. 2. v. 42. & 20. v. 7. Syrus quidem interpres in utroque Actorum loco, ipsam vocem Græcam *Eucharistia* in paraphrasi usurpavit. Cur verò tota Eucharistia nomē sortita est à fractione panis? Hebræi usitatissima locutione de cibum sumentibus dicunt *frangere panem*; & *frangere panem cum aliquo* est *συνδειπνεῖν*. Nimirum ut Græci à parte altera, potu nempe, totam actionem appellarunt *σημῶσιον*: sic Hebræi ab esu & fractione panis totū convivium denotarunt. Quare ut vulgare convivium, ita sacrum illud à Christo institutum, rectē appellatur fractio panis. *Ignatius in epistola ad Ephesios*: ἐνα ἄρτον κλώντες, ὃ ἐστὶ φάρμακον ἀθανάσιας ἀντίδοτος, ἧ μὴ θανεῖν, *Vnus panem frangentes, quod est medicamentum immortalitatis, remedium, quod datur contra mortem.* Hic frangere panem, est celebrare communionem. Idem *epist. ad Philadelph.* εἰς ἄρτος τοῖς πᾶσιν ἐθελύθη, *Vnus panis* (scil. in Eucharistia.) omnibus comminutus est. Nam *τεύπτεος* propriē de iis usurpatur, quæ in partes minutas franguntur. Ex quo videtur intelligi, partes, quæ singulis fidelibus præbebant, fuisse valde parvas: quare etiam sunt, qui micas vocent. *Augustinus* quoq̄ in eam rem usus est verbo *comminuendi*: *epist. 59. ad Paulinum*: Cū illud quod est in Domini mensa, benedicitur, & sanctificatur, & ad distribuendum cōminuitur. Dicit ad distribuendum, ex quo intelligere habemus fractionem quā.

quâ hodiè sacerdos panem frangit, non ad distribuendum (solus enim ut plurimum communicat.) non esse fractionem veteris ecclesiæ; neque ipsius Christi; qui fregit panem, non solum ut passionis suæ symbolum, sed etiam ut *τὰ κλάσματα*, partes fractas, discipulis daret, tanquam symbolum mutuae charitatis: quoniam unus panis multi sumus, ut ait apostolus. Porro ecclesia Romana hostiam frangit in tres partes: at Gothicæ ecclesiæ, quæ Hispanias diu infederunt, morem servarunt diversum, & in partes novem hostiam diviserunt; quas certo ordine in patinâ imponebant; & cum Domini nostri in terris agentis historiam essent novem hisce nominibus complexi, *Corporatio, Nativitas, Circumcisio, Apparitio, Passio, Mors, Resurrectio, Gloria, Regnum*; fractione panis usi sunt, ad commemorandam & memoriæ altius imprimendam Christi historiam: novem enim partibus fractæ hostiæ hæc novem nomina imposuerunt: ut legitur in Liturgia, quâ vocant Mosarabicam. Postremò qui phrasi *fractionis* abutuntur ad defensionem communionis sub una specie; nō minùs pueriliter errant, quàm si dicerent convivii Hebræorum defuisse potum, quòd illi cibum sumentes dixerint se frangere panem: aut convivii Græcorum defuisse panem, quòd illi convivia sua vocaverint symposia.

**FRUI. UTI.** Magister sententiarum lib. 1. in ipso limine, ex Augustino distinguit res in eas quibus fruendum est, & eas quibus utendum, & eas quibus utèdum fruendum est. Sic v. g. Deus fruitur seipso, nullà ve: ò creaturà fruitur, sed illis utitur. Nos Deo frui debemus, non uti:

at aliis creaturis uti frui possumus & debemus.

**FUR.** Hæc vox eleganti metaphora significat avaros sacerdotes, & illorum Simoniam Zach. 5. 4. *Producam illud* (.execrandum volumen.) *dicit Dominus exercituum: & veniet in domum furis, & in domum pejerantis in nomine meo, & per noctabit in illa, conficietque illam cum lignis & lapidibus suis.* Ubi per pejerantem in nomine Dei zelotus ille falsæ religionis zelus, quem hujusmodi hypocritæ præ se ferunt, indicatur. Porro apud Cyprianum *furtum spirituale* dicitur, quando mutilatur cœna Domini. e. g. fractione panis, vel poculo sacro.

**FUROR.** Hoc nomen significat iram vehementem, sive excandescentiam, & Deo tribuitur κατ' ἀνθρώπου πάθειαν. Ubi tenenda est regula: Affectus in Deo sunt modi supereminentes, significantes sanctum & evidentem effectum voluntatis ejus.

**GABBATHA.** Ioh. 19. 7. 13. exponitur λιθόστρωτον, i. e. locus lapidibus stratus, & quidem editus, quasi dorsum habens. Nam גב Hebræis est dorsum: nisi malis derivare à גבב elevate. Erat enim locus editior, ubi erat tribunal judicium. Johannes dicit vocem Hebræam esse: scilicet quæ Hebræis seu Judæis illo tempore usitata erat. Post captivitatem autem Babylonicam non ampliùs purè Hebraicè, sed Syriacè loquebantur. Itaque lato significatu Hebræus sermo comprehendit quoq; Syram dialectum. Hinc Nonnus ita transtulit:

— εν Δαπίω δὲ  
Γαββαθὰ παφλάζοντι Σύρω κικλήσκε-  
το μύθω.

GABALUS.



**GABALUS.** Hæc vox crucem significat. Eam Nonius ex Varrone citat. *Lipsius in notis ad lib. 1. de cruce* ait: Exoticam vocem esse per me suspicabar: didici & Hebræam origine à Mart. Antonio Delrio, doctissimo & amicissimo viro. nam illis *Gab* excelsum: *Gabal*, terminus, aut rectus stipes in agris. Quid nisi tale crux, quæ erecta, & in excello.

**GABRIEL.** Est nomen angeli, & significat virtutem sive robur Dei. Ratio hujus nominis inditi colligitur ex *Dan. 8. & 9.* item ex *Luc. 1.* ubi Deus adhibuit ministerium hujus angeli in annuntiandis ejusmodi operibus, in quibus omnipotentia, justitia & misericordia ejus præcipuè elucet. Quod si loca ista inter se conferantur, patebit angelum istum quater fuisse à Deo adhibitum, bis in veteri, & toties in novo testamento, ad annuntiandum ea, quæ Christum & Christianos concernunt. Unde colligere licet, angelos Christo æquè & Christianis inservire. Confer *Matth. 4. & Heb. 1.*

**GAZOPHYLACIUM.** Erat ærarium templi, in quod conjiciebantur æra ad cultus divini conservationem. 2. *Reg. 12. v. 10. Marc. 12. v. 41.* 2. locus, in quo donaria deponi solebant. Atque ita intelligendum est illud *Johan. 7. v. 20. Hæc verba locutus est Iesus in gazophylacio.*

**GEHENNA.** Erat vallis prope Hierosolymam, amœna quidem illa, & Cedronis aquis rigua: sic dicta à possessore Hinnomo. *Ios. 15. v. 18. Neh. 11. v. 30.* In ista valle fuit locus nomine *Topheth*, ubi Judæi filios & filias suas Molochi sacrificabant, ut gentiles Saturno. Eum locum Josias polluit, & constituit, ut illuc cadavera & omninò res immundæ projicerentur, quæ ibi perpetuo igne crema-

bantur, ne amplius ad immanem crudelitatem & idololatriam adhiberetur. 2. *Reg. 23. v. 10.* Hinc factum est, ut *gehenna* de loco supplicii post hanc vitam sumatur. Audiamus hac de re *Hieronymum in Matth. 10.* Nomen *gehennæ* in veteribus libris non invenitur: sed primùm à Salvatore ponitur. Quæramus ergo, quæ sit sermonis hujus occasio. Idolū Baal fuisse juxta Hierusalem ad radices montis *Moria*, in quibus *Siloe* fluit, non semel legimus. Hæc vallis, & parva campi planities, irrigua erat & nemorosa, plenaque deliciis, lucusque in eâ idolo consecratus erat. In tantam autem dementiam populus Israëliticus venerat, ut desertâ tēpli vicinîâ, ibi hostias immolaret: & rigorem religionis deliciæ vincerent; filiosque suos dæmoniis incenderent, vel inirarent. Et appellabatur locus ille *Gehennom*, id est, vallis filiorū *Hennom*. Hoc *Regum* volumen, & *Paralipomenon*, & *Hieremias* scribunt planissimè. Et comminatur Deus, se locum ipsum impleturum cadaveribus mortuorum: ut nequaquam vocetur *Topheth* & *Baal*, sed vocetur *Polyandrium*, id est, tumulus mortuorum. Futura ergo supplicia & pœnæ perpetuæ, quibus peccatores cruciandi sunt, hujus loci vocabulo denotantur. Duplicem autem esse *gehennam*, nimii ignis & frigoris, in *Job* planissimè legimus. Sic *Hieronymus*. In *Paraphrasi Chaldaica V. T.* vox *גהנו* legitur *Psal. 49. v. 11. 16. & 50. v. 21.*

**GENITIVUS.** Omnia ferè loca inventionis Logicę notare potest in oratione. Est enim genitivus materiæ, formæ, finis, effecti, subjecti, adjuncti, totius, partis, generis, speciei &c. Vide passim in sacris: ut *aves celi* est genitivus subjecti:

S

signum

*signum circumcisionis*, est genitivus speciei.

**GENTES.** Sic appellantur partim infideles (.vide supra *ETHNICUS.*) partim conversi ad fidem Christi: qui quidem sic dicuntur, non ex eo, quod jam erant, sed quod fuerant: ut *Gal. 2. v. 14.* de Petro, *μετὰ τῶν ἐθνῶν συναθήσεαι*. Cum gentibus comedeat.

**GETHSEMANE.** Est locus, in quo Christus ante passionem oravit: situs ad montem olivarum; in quo etiam nū preces peragere student, ut author est *Eusebius*, itemq; *Hieron. de locis Hebraicis*. Nomen habet à *Γῆ*, torcular, & *Ψ*, oleum: sic dictus à fertilitate, tanquam ubi exprimeretur pinguedo. Quæ appellatio in rem spiritualement optime convenit. Sanè enim *Gethsemane* locus ille fuit, in quo ira Dei contra nostra peccata sponso nostro, tanquam in torculari posito, expressit grumos sanguinis, quibus per fidem nostram susceptis nos pingvescimus, illâ pingvedine gratiæ, de qua *Psal. 36.* Uberimè explentur pingvedine domus tuæ, & de torrente deliciarum tuarum bibendum das eis.

**GIGAS GEMINÆ SUBSTANTIÆ.** In hymno Ambrosii, *Veni redemptor gentium*, hoc nomine insignitur Christus θεὸς ἄνθρωπος, invictus Deus, & homo sanctissimus.

In deitate Patri equalis, sed corpore matri.

Simpliciter etiam Christus appellatur gigas ob robur invictum. Sic enim est in veteri hymno:

*Genus superni luminis*

*Processit aulâ virginis,*

*Sponsus, redemptor, conditor,*

*Sua gigas ecclesie.*

*Γινώσκω*, Cognosco. Inter alia per synecdochen σιμυλαγωγίας significat rem habe-

re cum muliere: Quó tropo verecundo passim utitur Scriptura. Eiusdem generis sunt *συνελθεῖν*, *congregari*; apud Evangelistam: & *εὐνοία ὁ φελεμένη*, *benevolentia debita*, apud Paulum. Vox *γινώσκω* eodem sensu occurrit apud Plutarchum in *Romulo*: & *notitiam habere*, apud Cæsarem lib. 6. belli Gallici.

**GLORIA PATRI.** *Chron. Reicher. sp. an. 368.* sic annotat de hac formula: *Damasus p. p. clarus habetur.* Hic constituit *Credo in unum Deum* ad missam cantari; & in fine cuiusque psalmi *Gloria Patri* cantari primus invenit & constituit.

**GLORIFICO.** Est aliàs gloriosum facio ex inglorio, vel minùs glorioso: aliàs autem eum, qui in se gloriosus est, & causam gloriæ habet, gloriosum agnosco, confiteor, celebroy, talem in corde & ore porto, ut est *1. Cor. 8. v. 20.* Pro verbo *glorificare* frequens est etiam apud Patres *clarificare*. Ita Cyprianus lib. 3. ad Quirin. c. 11. *Clarificate & portate Deum in corpore vestro*: scil. tanquam in templo quodam sancto, ubi habitare gaudeat.

**GOLGOTHA.** *Hieronymus ex Eusebio* sic annotat: *Golgotha calvariæ locus*, ubi Christus crucifixus est: qui etiam monstratur in *Æliâ* ad partem Aquilonarem montis *Sion*. *Nannus* sic transtulit:

*Εἰς τὴν χῶρον ἵκανε Φαλζομύριον κέντρει*

*Ἀδάμ πρωτογένειον Φερώνυμον ἀντορ*

*κόςρεις*

*Τολγοθὲν τὸν καλέσκει Σύρων σῆμα*

*Donec in locum venit nominati cranii*

*Adam primigeni nomen ferentem ab ambitu*

*capitis*

*Golgotha quem vocabat Syrorum os.*

Nempe multi veterum opinati sunt, Adamum protoplatum ibi sepultum, & ejus calvariæ effluxu sanguinis Christi asperlam.

asperam esse. Sed verisimilius est, nomen fuisse ei loco ex craniis hominum, qui ibi supplicio affecti essent. Unde nata sit prior opinio vide supra ad titulum ADAM.

Γονυκλισία, seu γονυθεσία. Est genuflectio, quæ in primitiva ecclesia erat usitata in solennitatibus sacris, exceptis diebus Dominicis, & toto intervallo, quod pentecoste dicebatur. Cujus consuetudinis pleni sunt veterum libri: de geniculis adorare, præterquam die Dominica, & tota quinquagesima. *Tertullianus*: Die Dominico nefas ducimus vel de geniculis adorare. Eadem immunitate à die Pasche ad Pentecosten usque gaudemus: *Hieronymus*: Die Dominico, & per omnem Pentecosten nec de geniculis adorare, & jejunium solvere, multaq; quæ scripta non sunt, rationabilis sibi observatio vindicavit. *Concilium Aurelianense*: Quoniam sunt quidam in die Dominico genua flectentes, & in diebus Pentecostes, ut omnia in diversis locis consonanter observentur, placuit sancto Concilio, à Pascha usque in octavas Pentecostes stantes Domino vora persolvere. Idem docet *Epiphanius sermone catholico*, & *Ambrosius serm. 61*. Causam hujus rei indicat *Germanus episcopus Constantinopolitanus*: τὸ μὴ κλίνειν γόνυ τῇ ἀναστάσιμῳ ἡμέρᾳ τῆς ἀγίας κυριακῆς, σημαίνει τὴν τῆς κατ'ἐπιτάξεως ἡμῶν ἀνόρθω-

σιν, γενομένην ἀπὸ τῆς τετιμῆκε τῆς χρεῖς ἀναστάσεως. τὸ δὲ μέχρι τῆς πεντηκοστῆς μὴ κλίνειν γόνυ ἐστὶ, τὰς ἐπὶ αὐτῇ ἡμέρας μετὰ τὸ ἅγιον πνεῦμα, ἐπὶ τῇ ἐκκλησίᾳ κεκλητὴν τῇ διακρίσει.

GRADUS REI. Gradus rei est ipsius modus, qui non variat rem ipsam. Sic lux matutina, meridiana & vespertina est eadem τῷ πλάσματι, sed alia & alia τῷ χρόνῳ. Similiter V. & N. T. differunt gradu lucis & œconomix. Porro perfectio graduum est, quando res est talis vel talis in gradu excellenti. Huic opponitur perfectio partium, quæ res habet partes essentielles & integrales.


GRADUS IN VITA ÆTERNA. Rectè canit Fort.

*Quò labor est potior, gloria major erit.*

Nimirum diversi gradus erunt in vita æterna ex sola Dei gratiæ diversa communicatione, non verò ex meritorum varietate. Erunt, inquam, isti gradus propter pulcherrimam istam varietatem, quam Deus in regno potentix, gratiæ & gloriæ vult resultare ex proportionem geometrica.

GRATIA. Est gratia, quæ gratis dat omnes gratias: & est gratia, quæ gratis datur. Illa est propriè χάρις, nempe misericordia Dei: hæc χάρισμα. Hac generali divisione præmissa, ita porro patimur gratiam Dei.





Hic diligenter oportet observare, gratiam illam Dei, quæ dicitur, gratis dans & gratum faciens, esse unam & eandem, verum ita ut distinguatur ratione decreti & executionis. Nam eadem Dei benevolentia ab æterno & in tempore nos facit gratos, id est, acceptos Deo.

GRATIA & GRATIA SALUTARIS. Græcis Patribus nomen χάρις, & Latinis *Gratia*, ponuntur sæpe pro baptismo aut eucharistia. Sic apud Cyrillum Alexandrinum τῆς θείας χάριτος μετέλαμβάνειν divinam gratiam participare, & προσεῖναι πρὸς τὴν ἐξέτιον χάριν, accedere ad cælestem gratiam: apud Optatum venire ad gratiam, de participatione eucharistiæ usurpantur. Sic *gratia salutaris* apud Cyprianū; *gratia cōmunionis*, & *gratia sancta communionis*, apud Gratianum; ἡ θεία καὶ θεοποιὸς χάρις, divina & deum efficiens gratia, apud Simeonem Metaphrastem, sunt periphrasis S. Cœnæ. Nec minus sæpe de baptismo usurpatur. Gregorius Nazianz. orat. 40, & Chrysostomus

non semel: Unum illorum, id est baptis-  
mus, est *χάρισμα*, *donum gratuitum*. In  
quarta myltagoga Cyrilli, *προσέχεις  
τῇ χάριτι*, est accedere ad baptismum.  
Hæ, & similes locutiones de sacramentis,  
Patribus usitatæ, tribus modis sunt expli-  
candæ. Et primò quidem familiaris est  
Scripturæ & Patribus locutio metony-  
mica, quæ nomina signorum & rerum si-  
nificatarum invicem permutat. Nam  
propriè aliud sunt sacramenta, aliud gra-  
tia, *quæ sacramentorum virtus est*, ut ait Au-  
gustinus in Psal. 77. Sacramentum igitur  
cœnæ Domini ore accipimus & mandu-  
camus: *at gratia non consumitur moribus*,  
ut ait idem tra&. 27. in Johan. de sacra-  
mento Eucharistiæ differens. Ita cùm  
ait Cyprianus in historia, quam narrat in  
libello de lapsis, *nec immerentibus ad salu-  
tem prodest, quod sumitur, quando gratia salu-  
tari in cinerem, sanctitate fugiente, mutetur*:  
sacramentalis est locutio. Deinde ipsa  
virtus sacramenti, seu res significata, non  
verò symbola gratiæ, his nominibus in-  
telligi

telligi possunt. Denique quando sacramentum ελως consideratur, uti constat ex signo & signato, utique respectu unionis sacramentalis hæc omnia sunt intelligenda: quatenus videl. gratia Dei vi promissionis Dei & fidei nostræ conjungitur cum ipsis symbolis.

**GRATIA PRIMA & SECUNDA.** Scholastici nomine gratiæ intelligunt ferè qualitatem animæ infulam, idcoque primam gratiam appellant potentiam credendi, sese cōvertendi ad Deum, & habendi justitiam, si homo velit: secundæ verò gratiæ nomine intelligunt auxilium alterius gratiæ, potentiam illam in actum educentis, sic ut homo jam actu credat, se ad Deum convertat, justitiam habeat, benè vivat & operetur. Iidem statuunt, legitimum primæ gratiæ usum mereri gratias subsequentes. Contra utrumq; errorem teneantur ista. Principiò gratia prima dicitur ambigüe. Aut enim est absolurè & simpliciter prima, quæ dicitur gratia gratum faciens, & est favor Dei paternus, quo nos in Christo complectitur: aut est prima secundum quid & certo respectu, ita nempe, ut inter gratias gratis datas certus sit ordo, sic ut una sit prima, quæ etiam dicitur præcedens, item operans; alia secunda, quæ appellatur etiam subsequens & cooperans. Deinde prima gratia apud Augustinum est vocatio ad Christum, secunda gratia est donum rectè vivendi. Sic enim ait tom. 7. libro de predestinatione & gratia cap. 10. & 11. Prima misericordia vocatione hominibus prærogatur, eaque sola ad rectè vivendum non sufficit, si deferat, qui vocavit: secunda verò gratia est rectè vivendi donum. Et libro de correptione & gratia ait; Prima gratia est, quâ fit, ut habeat

homo justitiam, si velit: secunda plus potest, quâ fit ut etiam velit, tantoq; ardore diligat, ut carnis voluptatem contraria concupiscentem, voluntate spiritus vincat. Porro etsi libenter fatemur, Dominum, dum nos indies locupletat, & novis suæ gratiæ dotibus cumulat, occasionem sumere ex prioribus gratiis: tamen nequaquam concedimus, quòd legitimus usus gratiæ primæ mereatur gratiam secundam: quia & usus ille legitimus primæ gratiæ est à Deo, & accessio gratiarum à gratuita Dei benevolentia provenit. Qui prima gratia rectè utuntur, pluribus gratiis adaugentur: sed utrumque ex una & eadem paterna Dei benevolentia habent. Is enim fidelibus suis hanc benedictionem largitur, secundum dicta: *Habenti dabitur*: item, *Euge serve bone, quia in paucis fuisti fidelis, super multa te constituam*: item, *Ex plenitudine ipsius omnes accepimus, & gratiam pro gratia*. Qui postremus locus est Iohan. 1. vers. 16. & tribus modis exponitur, ita quidem, ut tres istæ expositiones possint conjungi. Verba Græca sic habent: *χάρις ἀντὶ χάριτος*. Particula ἀντὶ potest verti *pro supra*, & *propter*. Si vertatur *pro*, hic est sensus: Accipimus à Deo gratiam pro gratia, id est, Deus compensat quasi usum gratiæ primæ seu antecedentis, donatione gratiæ secundæ sive consequentis. Deinde si vertatur *supra*, hic est sensus: Accipimus gratiam supra gratiam, ita ut gratiis Dei cumulemur. Huic simile est illud Ro. 1. v. 17. *ἐκ πίστεως εἰς πίσιν*. Denique si vertatur *propter*, hic est sensus: Accipimus gratiam propter gratiam, id est, gratiam consequentem propter rectum usum gratiæ antecedentis. Etsi enim recto usu gratiæ primæ non meremur gratiam secundam: nihilomi-

nus tamen rectus ille usus est causa impulsiva *παραταρκτηκή*, quæ Deum impellit ut augeat sua dona fidelibus. Itaque vocula *propter* hic notat causam impulsivam, non meritoriam. Et si verò propriè loquendo Deum ad augendum fidelibus sua dona non impellit ipsorum pietas, id est, quòd donis sibi jam datis rectè utuntur: sed omnia ipsius dona sunt merè gratuita: tamen quin istud per *ἀνθρώπων χάριν* Scripturæ usitatam de Deo dicatur, nihil verat.

**GRATIARUM ACTIO.** Est species precationis ad Deū *1. Tim. 2. v. 1.* ubi apostolus quatuor genera precationis recenset: *δέησις, προσευχή, ἐντεύξις, εὐχαριστία*. *Δέησις* est petitio eorum, quibus adhuc opus est. Nam *δεῖν* est egere. Itaque hac oratione petimus succurri nostræ indigentiæ. *προσέχῃ* est apprecatio, qua petimus bonum, quod jam habemus, conservari, vel augeri. *Ἐντεύξις* est intercessio pro aliis, tum ut eorum egestati Deus subveniat, tum ut eis bona sua adaugere. *Εὐχαριστία* est gratiarū actio, cū & pro nobis, & pro aliis nos Deo *εὐχαρίσσει*, id est, beneficiorum datorum memores exhibemus. Posset tamen *ἐντεύξις* etiā verri supplicatio, qua *ἐν τυχάνομεν τῷ θεῷ*, colloquimur cum Deo, & illi supplices fimus, tum pro nobis, tum pro aliis. *Augustinus ep. 59. q. 5.* hunc locum apostoli accommodat ad S. Cœnam, & *δέησιν*, precationem intelligit, quæ recitatur antequam illud, quod est in mensa Domini incipiat benedicì: *προσευχὴν*, orationem, cū benedicìtur, & sanctificatur, & ad distribuendum comminuitur: *ἐντεύξιν*, interpellationem, cū populus benedicìtur: *εὐχαριστίαν*, cū peracto sacramento gratiarum actio omnia concludit. Sed doctri-

na apostolice est generalis. *Bernhardus serm. de quatuor modis orandi* vocat obsecrationes, orationes, postulationes, & gratiarum actiones. *Obsecrationes* vult ejus esse, qui timens per seipsum accedere, studet quasi per alios supplicare: nondum scilicet accepta virtute resistendi peccato. *Oratione* neutrum ait, qui jam continendi virtute accepta securus accedit, & pro delictis veniam quærens, jam suo ore loquitur cum Deo suo. Dehinc, inquit, postquam in lamentis pœnitentiæ aliquamdiu perseverans hilaritatem quandam & fiduciam conceperis indulgentiæ, accede jam ad postulationes, ut securè tanquam receptus in gratiam De mini tibi & conservis tuis audeas petere q̃ oportet. Quartum genus orationis, quod est gratiarum actio, per paucos attingere credo; & quòd rarius, eò pretiosius est. *Idem in sententiis*: Sicut æger ad medicum, sic esse debet peccator ad creatorem suum. Qui ergo peccator est, debet orare Deum, sicut æger medicum. Duobus autem modis impletur oratio peccatoris: vel nullâ, vel nimia luce. Nulla luce illustratur, qui peccata sua nec videt, nec confitetur. E contra: io nimia luce obruitur, qui ea tanta videt, ut de indulgentia desperet. Horum neuter orat. Quid ergo? Temperanda est lux, ut peccata sua videat peccator, & confiteatur, ac pro ipsis oret, ut remittantur. Primò ergo ejus oratio debet fieri verecundo affectu. Hoc autè fit, cū necdum peccator audet per seipsum accedere ad Deum, sed quærit aliquem sanctum virum, aliquem sanctum pauperem spiritu, qui sit in orâ vestimenti Domini tanquam fimbria, per quem habeat accessum. Hujus orationis tenet typum illa evangelica mulier, quæ fluxum sangvini-



nis patiebatur, cupiensque sanari accessit, & intra se cogitavit dicens: Si tetigero fimbriam vestimenti ejus, salva ero. Secunda oratio fit duro affectu: & hoc fit, quando scilicet peccator jam per seipsum accedit, & ore proprio confitetur. Talis orationis reliquit nobis exemplum illa peccatrix, quæ lachrymis rigavit pedes Domini &c. *Ex mox*: Tertia oratio effunditur amplo affectu: & hoc fit, quando is, qui pro se oraverat, orat jam pro aliis. Sic oraverunt apostoli pro muliere Cananæa, pro filia sua rogante. Quarta oratio emittitur devoto affectu, quæ de cordis puritate, sine ulla hæsitazione, cum gratiarum actione depromitur. Talem orationem fecit ipse Dominus, quando quadriduanum de monumento Lazarum resuscitavit, & ait: Pater gratias ago tibi, quia audisti me. Tales orationes docuit nos apostolus facere frequenter, dicens: Sine intermissione orate, in omnibus gratias agite. Has, quæ dictæ sunt quatuor orationum species, id est, verecundam, puram, amplam, devotam, nuncupat apostolus aliis nominibus, & ad eas nos hortatur dicens: Obsecro primo omnium fieri obsecrationes, orationes, postulationes, gratiarum actiones. Nam obsecrationes verecundo, orationes puro, postulationes amplo, gratiarum actiones sunt affectu devoto. Et hæc quidem Bernhardus pie: sed non appositè ad locum apostoli.

**GRATIFICATIO.** Hæc vox occurrit in Latina vulgata versione *Eph. 1. 6.* pro gratia acceptos mihi efficio.

**GRESSUS.** Est 1. corporis, ut *Iudic. 16. 26.* 2. animi, ut *Psal. 17. 5.* & tum significat cogitationes, affectus, opera. 3. mysticus. *Cant. 7. 1.* 4. Subsidium, *Esa. 26. 6.*

**GREGEX.** Accipitur propriè pro multitudine ovium, & aliarum bestiarum minorum: vel impropriè pro ecclesia *Luc. 12. 32.* item pro turba hominum *Ier. 25. 34. 35. 36.*

**HABITO.** Variis modis usurpatur in S. literis. 1. Est idem, quod incolodum *Gen. 4. 20.* 2. Est idem, quod commoror *Psal. 5. 5.* 3. Significat considerare *2. Sam. 6. 11.* 4. Est idem, quod subsistere *Esa. 33. 24.* 5. Est in conjugio permanere *1. Corinth. 7. 12. 13.* 6. Est idem quod latere *Psal. 17. 12.* 7. Significat præsidere *Psal. 29. 10.* 8. Est idem, quod sedere cum autoritate *Genes. 23. 10.* 11. Dicitur de Deo, quatenus ecclesiæ suæ gratiosam & gloriosam præsentiam in terris variè testatur. *Exod. 24. 16.* 12. Usurpatur de Deo, quatenus gloriosam sedem sibi in cælis delegit *Psal. 2. 4.* 13. Dicitur de Christo in carne manifestato *Col. 2. 14.* Usurpatur de ecclesia militante & triumphante. *Cant. 8. 13. Esa. 23. 18. Apoc. 13. 6.* 15. Usurpatur de variis animalibus *Esa. 13. 21. Psal. 104. 12. 16.* Dicitur de peccato in regenitis reliquo. *Roman. 7. aliquoties.* 17. Dicitur de diabolo *Apoc. 2. 13.* 18. Est idem, quod pacificè & commodè vivo. *Psal. 113. 9.*

**HABITUS.** Latiori significato est qualitas, & status qui habetur. Et ita habitus est ἐμφυτος, ὀπίκτῃ, vel θεοδότης. Ille est vis innata, & radicatur in naturâ: iste acquiritur crebris actionibus: hic divinitus datur, & radicatur in singulari gratia. Vox ista occurrit *Hebr. 5. vers. 14.* Ἀπὸ τὴν ἐξιν, propter habitum, id est, quia confirmati sunt, & soliditatem doctrinæ cœlestis in animo habent. Hinc pater, πολυεὐχνητον illud philosophorum:

Actio

*Actio saepe iterata facit habitum* : accipendum esse de habitu acquisito. Nam unica actio divina est instar omnium actionum, quas homines diligentissimi adhibere queant. Itaque habitus supernaturales divinitus imprimuntur, una actione vicem plurimarum supplente.

**HÆRESIS & HÆRETICUS.** *Hæresis* est vox media, seu indifferens: quia significat electionem, seu dogma certum, quod eligimus. Plerumque tamen in malam partem accipitur: & apud theologos specialiter significat dogma, quod adversatur fundamentis sive articulis fidei, & pertinaciter defenditur. Itaque *hæreticus* est, qui eligit sibi & sectatur doctrinam non traditam à Christo, & quidem ita ut errorem doctrinæ propheticae & apostolicæ adversantem pertinaciter & obstinatè, contemptis omnibus admonitionibus, teneat & tueatur. Hinc *Augustinus* (ut citatur in *Iure Canonico*, *causa 24. qu. 3. capitulo 31.*) sic ait: Qui in ecclesia Christi morbidum aliquid pravumque sapiunt, si correpti, ut sanum rectumque sapiant, resistunt contumaciter, suaque pestifera & mortifera dogmata emendare nolunt, sed defensare persistent, hæretici fiunt. Ex his *Augustini* verbis constar, pertinaciam esse de formali ratione hæreseos. Itaque quod dicitur *lib. 1. Cod. tit. 5. de hæreticis, & Manichæis, & Samaritanis*, Hæreticorum autem vocabulo continentur, & latis adversus eos sanctionibus succumbere debent, qui vel levi argumento à iudicio catholice religionis & tramite detecti fuerint deviare: hoc, inquam, dictum de pertinaci deviatione intelligendum est: ut & illud *l. 12. C. de hæreticis & Manichæis*: Hæreticus est omnis non orthodoxus. Idem repetitur *lib. 18. tit. d.* Sic

*Novellâ Imperat. Iustiniani 115. cap. 3. §. Si quis*: Planum est, hæreticum esse, qui non est catholicæ fidei, nec in sacrosancta ecclesia communicat, in qua omnes beatissimi patriarchæ una conspiratione & concordia fidem rectissimam prædicant, & sanctas quatuor Synodos, Nicenâ, Constantinopolitanam, Ephesinam primam, & Chalcedonensem amplecti noscuntur.

**HAGIOGRAPHIA.** Ita Græci vocant libros sacros, quos Hebræi *כתובים* appellant, voce generaliore speciatim accepta. Appellantur autem ita libri, qui non scripti sunt per prophetiam, sed per excitationem divini spiritus, animo, linguæ & calamo suggerentis verba confessionis & laudis. Unde à *Josepho* appellatur hymni & *προφητεαι*, id est, præceptiones vitæ *libr. contra Appionem*. Quinam porro sint libri hagiographi, docet *Hieronymus præfat. in lib. reg.* his verbis: Fiunt pariter V. T. libri *xxii. i. e.* Moyfi quinque, Prophetarum octo, hagiographorum novem, quanquam nonnulli Ruth & Cinoth inter hagiographa scriptitent. Hagiographa ibi dicitur libri Jobi, Psalmos, Proverbia, Ecclesiasten, Canticum canticorum, Danielelem, Verba dierum, id est, Paralipomenon primum & secundum, Esdrâ (sub quo Nehemias intelligitur.) & Estherem. Cæterum hi libri etiam dicuntur *γραφειά*; quæ vox propius exprimit Hebræam *כתובים*. Quidam libros Apocryphos etiam vocant hagiographos. Vide tit. **APOCRYPHUS.**

**HALELUIAH.** Sunt duæ voces Hebræis per *יָהוָה* év, *unionem*, conjunctæ. Significant, *Laudate Dominum*. In principio sermonis exhortationem, in fine acclamationem notant. Occurrit hæc vox bis & decies

& decies in Scriptura sacra. Psal. 104. 35. & 106. 1. & 111. 1. & 112. 1. & 113. 1. & 114. 1. 18. & 150. 5. Apoc. 19. 1. 3. 4. 6. Semel legitur in libris Apocryphis Tob. 13. 22. De hac voce Cotterius in Apoc. 19. sic adnotat: *Vox Hebraica (. Alleluja. ) nota significationis; qua cum ad laudes Dei hortetur, ipsa in laudis parte est. Dicere enim Alleluja, est dicere Deum laude dignum: quod qui effatur, hoc Deum laudat.* Porro Alleluja est duplex; unum ecclesiae militantis, de quo in Psalmis hinc inde, locis modò citatis: alterum ecclesiae triumphantis, de quo Apocal. 19.

**HARMAGEDDON.** Hæc vox occurrit Apoc. 16. pro qua Beza legit *Har-Megiddo*, quam Junius hoc scholio confirmat: Reges mysticè perhiberi in loco hoc cōgregari, ut indicetur, cladis Josiæ memoriam illorum clade quasi abolitum iri. 1. Reg. 9. 15. 2. Paral. 35. Sed non est probabile, locum esse corruptum, ita ut in omnibus exemplaribus pro *Harmageddon* positum sit *Har-Megiddo*. Deinde neque illud est probabile, Spiritum sanctum horum bestiarum patronorum interitum cum Josiæ fidelissimi Dei servi pœnitendo casu conferre, aut ecclesiae Israeliticæ acerbum luctum cum synagogæ antichristianæ dolore & fremitu comparare voluisse. Denique locus iste in V. T. non appellatur *Har-Megiddo*, i.e. mons Megiddo, sed planities sive campus Megiddo. Alii ordine inverso legunt *Geddon-Harma*, illudque de destructa veteri Roma interpretantur, & confirmant ex Apoc. 18. 2. ubi Babylon dicitur facta domicilium dæmoniorum, & custodia immundorum spirituum. Alii amplectuntur sententiam Lutheri, qui censet Hebraicè legendum esse *חרמא נרין* i.e. *infausta divinoque ana-*

*themati subiecta confederatio.* q. d. sacrum bellum, **einen vnglückseligen vnd verfluchten Psaffen Krieg.** Rationes pro hac sententia adferuntur istæ. 1. **DEUS** hostes ecclesiae suæ vocat *חרמא* *populum anathematis mei* Esa. 34. 5. quasi dicat, subjectum furoris mei, cōtra quod acuam gladium meum. Hinc sine dubio Johannes exsculpsit suum *חרמא נרין*. 2. Vox *נרין* est à *נר*, quæ vox usurpatur de instructione & dispositione exercitus in suas turmas, itemq; de excursione militari, quæ turmatim fit ex dispositis præliis: unde *נרין* *turma militares*, & *אנדרה* *fasciculus, colligatio*. Unde verisimile est, Spiritum sanctum hac voce significare Ligas & Uniones infaustas. 3. Græci ab initio solent omittere Chet & Ajin Hebræorum, ut *Actor*. 1. 19. videre est in *ἀλλοτρίων*. Nihil itaque mirum est, quod idem est factum in *Harma-Geddon*. Atque hæc est sententia tertia. Quarto loco sunt, qui putant vocem hanc esse compositam ex *נרין* & *חרמא*. Significat autem *חרמא* *astutiam, calliditatem*. Itaque illi legunt *נרין* *חרמא* *callida & insidiosa militia seu confederatio*. Quintò sunt, qui ad magnas Astrologorū conjunctiones hæc referunt: quia Rabbini Martem appellant *נר*, & Capricornum, Martiale signum, *נרין*, à *נר*. Ad extremum alii *נרין* derivāt à *נרע* excidit. q. d. execrationem excisam. Ex his sententiis secunda cum ultima, & tertia cum quarta coincidit. Nos tertiam & quartam probamus, hoc ducti argumento. Sextæ phialæ catastrophe significatur hac voce Harmageddon. Ea verò posita est, non in locali aliqua congregatione quæ fiat in certo loco, sed in confederatione, quæ fit ex multis locis, ad quam multi reges sua veluti symbola cō-



ferent. Hoc erit præludium septimæ & ultimæ phialæ. Nam confœderationem illam infelicem, sequetur ruina Babylonis. Hoc autem priusquam fiat, horribilis & generalis persecutio ecclesiæ excitabitur per Harmageddon, sive confœderationem sacram, quæ principes ita implicabit, ut certatim quisque suum symbolum sit collaturus ad hoc infustum epulum. Quæ res efficiet, ut plerique sint existimaturi ruinam Babylonis esse rem impossibilem, ob arctissima fœdera & auxilia principum. Sed hîc cogitandum est illud Jeremiæ cap. 51. vers. 53. Si Babylon ipsum cælum conscendat, communiaturque in sublimi robur suum: ex me tamen ipso venient vastatores ejus, dicit Dominus: item istud Apocal. 18. 8. Vno die hac omnia, viduitas nêpe, luctus &c. Nimirum idem accidet Romanensibus, quod Pharaoni Exod. 14. 3. Is enim, cum videret fluctuantem perturbationem Israelitarum, cōclusorum inter currus militares & præsidia sua, desertum, & mare rubrum, dicebat: Ecce confusi & perturbati habent in terrâ, desertumque conclusit eos. Quæ verba hodiè usurpant Romanenses de nobis ad incitas redactis.

HASIDÆI, sive ASIDÆI. Hi vulgo Phariseis, Sadducæis, & Essenis adjunguntur, adeoque inter hæreticos & sectarios Judæorum nominantur. Sed insulsè, ut monei Casaubonus ad annales Baronii. Nā מַסִּינִי pii omnes, sancti, & benigni appellantur. Nominatim verò in historâ Maccabæorum 1. Maccab. 7. vers. 13. & 14. vers. 6. sic dicuntur viri pii, religionis veræ retinentes. Nam cum reges vicini vexarent Judæos, & cuperent eorum religionem ire extinctam; factæ sunt duæ populi eius partes: unam constituebant ei

אַשָּׁדָּי וְאֵלֵי הַדָּשׁ, boni & sancti e gente, ut eos appellat Iosephus lib. 12. cap. 17. viri pii, veræ religionis assertores: qui in libris Judæorum passim מַסִּינִי appellantur. Eam vocem author libro um Maccabæicorum tenuit, & Ἀσιδæαι dixit, propria quadam appellatione. Alteram partem populi constituebant οἱ δεινομακοντες δὲ τὸ Ἰσραὴλ, qui defecerunt ab Israel, apostatæ & legis proditores, Gorionidæ & aliis dicti מַסִּינִי פֹשְׁעִים. Similes his sunt in antiquis Christianorum persecutionibus Traditores & Libellatici, apud Cyprianum, & Augustinum. At מַסִּינִי sive Asidæis proportionem respondent Catholici. Drusus præfat. libelli de Hasidæis ita scribit: Phariseorum appellatio recentior est. Hi antiquitus dicebantur sapientes Israel & Hasidæi. Ex his orti Helleni, quos autor libri Juchasin Naziræos, Gorionides compositor historiz Ebraicæ, etiam Hasidæos vocat. Idem accidit nomini Nazaræorum. Nam primum omnes in genere Christiani sic vocabantur. Pòst usurpatum est peculiariter de Ebionitis. Quæ secta erat Christianorum unâ cum Evangelio legem observantium. Hæc Drusus.

HARMONIA EVANGELISTARUM. Verustissima res est in ecclesia genus illud scriptiōis & piæ meditationis, quæ multorum occupavit industriam, in redigendis quatuor Evangelistarum libris ad formam unius, qui omnia contineat suis locis digesta. Duæ ejus propositi sunt utilitates præcipuæ. Nam & consensus Evangelistarum hoc pacto melius intelligitur, & memoriæ consulitur mirificè. Primi omnium memorantur in hoc studio operam posuisse Theophilus, sextus Antio-

Antiochiæ episcopus, & Tatianus Justinæ qualis & familiaris. Theophili diligentiam obscuravit Ammonius Alexandrinus, author numeralis harmoniæ de quatuor Evangeliiis concinnatæ, & in 10. canones digestæ. Primus hic putatur suam lucubrationem vocasse harmoniam, utpote quæ quatuor Evangeliorum tanquam phihongorum concentum ostenderet. Qua in re imitatus est Tatianum, qui opus à se contextum appellaverat *πὶ Ἀγῆ παράγων* & Diapanton.

**HEBDOMAS.** **HEBDOMADA.** Est ordinaria, vel Prophetica. Illa est intervallum septem dierum: hæc, septem annorum, cuiusmodi sunt LXX. septimanæ Danielis. *Hebdomas magna*, *μεγάλη ἑβδομάς*, ea dicta est apud veteres, quæ Pascha antecedebar. Ejus etiam hebdomadis quintus dies ἡ μεγάλη πεντὰς, *seria quinta magna*, dicta. B. rnhardus illam hebdomadā vocat *pænosam*: ut & nos Germani die *Marterwoch*: in qua recordamur passionum Christi, quibus redempti sumus. Ea verè magna, ut in qua mundi renovatio est acquisita. Ejus hebdomadæ ritus vide apud *Eusebium hist. eccles. l. 2. 17.* & *Chrysostr. homil. 30. in Genes.*

**HEBRAÏCE.** In N. T. hæc vox significat linguam Hebræam tempore Christi usitatam; quæ non erat pura, sed corrupta, quippe ad Syram dialectum accedens. Confer *Iohan. 5. 2. capite 19. vers. 13. 17. 20.*

**HELLENISTA.** Peculiariter Hellenistæ dicebantur illi Judæi, qui Græcis Bibliis in synagogis utebantur: id quod fiebat olim per Ægyptum, Græciam, & Italiam: ut vix in mille Judæis unus reperiretur, qui Hebraicè legeret: Ægrè autem ferebant Judæi *Ἑβραϊζόντες*, Biblia in

Græcum sermonum conversa fuisse: Propter eam interpretationem nunquam inter Hebræos & Hellenistas benè convenit: adeò ut cum etiam ex utroque Judæorum genere Christo nomen dedissent, tamen secundum priscam consuetudinem dissensiones inter eos orirentur. *Actor. 6. vers. 1.* Hic *ὁς ἐν παροῶν* observa, propter interpretationem Bibliorū Græcam inter Judæorum angarias & jejunia esse v. 11. diem Tebeth. Facta est autem ista interpretatio sub Ptolemæo Philadelpho.


**HE NO CH.** Quatuor occurrunt hoc nomen. 1. Est Henoch, filius Cain, Adami nepos, *Gen. 4. v. 17. 18.* 2. Est Henoch, filius Jared, pater Mathusalæ. *Gen. 5. v. 18. 21. 22.* 3. Est Henoch, filius Madian 1. *Chron. 1. 33.* 4. Est Henoch, filius Ruben *Gen. 4. 6. 9. Num. 26. 5. 1. Chron. 5. 3.*

**HEPTATEUCHUS.** Est volumen septem habens libros: ut si quinque libros Moïsis, & duos Josuæ, ac Judicum (sub quo continetur Ruth.) jungas, erit heptateuchus. Occurrit hæc vox apud *Sidon. lib. 5. epist. 15.*

**HEPTAZONUS.** Septem zonas habēs. Quam vocamus septimanam Christiani, gentiles vocabant *τὴν ἑπτάζωνον*, præsertim Ægyptiī. Græci autem vocant *τὴν ἑπτάζωνον τῆς σαββατικῆς ἡμέρας*, ut distinguant ab ea, quæ dicitur ἡ ἑπτάζων & τῶν ἀσέρων. Illius series hæc est Sol, Luna, Mars, Mercurius, Jupiter, Venus, Saturnus: huius ista, Saturnus, Jupiter, Mars, Sol, Venus, Mercurius, Luna. Apud Bedam lib. de embolismorum ratione est *Septizodius* pro *Septizonius*: quod perpetram excusum esse ait Scaliger, etsi planetæ à veteribus etiam appellati sunt *ζώδια*.

HERODES. Est nomen Græcum, ab ἥρως, tanquam ἡγέρ, seu Junonis plenus. Genealogia Herodum est ejusmodi. Antipas Idumæus fuit vir acer & militaris, quem propter usum multarum rerum, Alexander Judæorum rex, cognomine Jannæus, & Alexādra ejus uxor, Idumææ præfecerunt, ut Arabum vicinorum & Gazensium animos Judæis conciliaret, eosque in amicitia Alexandri & Alexandræ contineret. Hujus viri honorati & fortissimi filius fuit cognominis patri, qui postea maluit dici Ἀντίπατος: cum tamen idem sit Ἀντίπατος & Ἀντίπας. Hic quoque fuit vir insignis, dynastarum ac regum amicus, manu strenuus, rei bellicæ, & artium illarum, quæ homines ad rerum fastigia promovent, peritissimus.

Huic filius fuit Herodes Ascalonita, qui postea rex Judææ à Senatu Romano declaratus est. Itaque Herodi clarum fuit genus ab avo usque. Neque verò alienigena fuit. Nam erat Idumæus, & Idumæis natus profelytis. Idumæi enim jamdudum pro veris Judæis habebantur, ex quo tempore Johannes Hyrcanus iis debellatis permisit, accepta religione & ritibus Judaicis, Judæorum numero esse, & pacatis in suis sedibus manere. Itaque Herodes non fuit alienigena, sed Judæus: latè scilicet accepta voce ista. Nam Judæi sunt appellati, & qui verè nascebantur è semine Davidis, & qui fiebant Judæi, quos Judæi Hellenistæ appellabant Profelytos. Genealogia Herodiadarum hæc est.



Obiter observa, Herodem posse dici ἀλλοφύλον, alienigenam, sive profelytum, quo sensu Christiani à gentilismo conversi dicuntur Gentes Gal. 2. v. 12.



HERODIANI. Syrus interpretatur domesticos Herodis. Sed rectè Tertullianus, Epiphanius, Scaliger & Casaubonus tradunt, pro Messia Herodem ab illis esse habitum & cultum: ita ut Herodiani fuerint hæresis quædam hominum. Multa enim ut in gratiam vivi, sic in honorem defuncti faciebant, & quotânis ejus natalem sacrificiis & divinis honoribus prosequabantur. Durabat adhuc sub Nerone hoc genus. Unde Persius:

*Herodis venere dies* —

De hac hæresi Dominus ait: *Cavete vobis à fermento Herodis.* Cæterum quæri solet, cum tres fuerint Herodes in Judæa, reges aut ethnarchæ, à quonam ex illis Herodiani nomen invenerint? Verisimile autem est, vel potius certum, ab Herode Magno & nomen & originem ipsos habuisse. Ille siquidem erat vir magni nominis. Qui referunt ad Herodem Antipatri superioris filium, hominem nulli rei, & ne in minimis quidem cum patre conferendi, non leviter peccant, atque tam falluntur, quàm paraphrastes Syrus, qui Herodianos Herodis domesticos interpretatur, nimirum hujus vulpeculæ, ut eum vocat Dominus. Porro Herodiani non solum fuerunt hæresis quædam hominum, sed & corpus instar earum societatum, quæ vulgo Confratriæ vocantur. Non dissimiles fuerunt apud Romanos sodales Augustales, Flavii, Hadrianales, Æliani, Antonini, quorum in Tacito, & totâ historia Augusta, & saxorum inscriptionibus frequens mentio. Hoc differebant, quod isti post mortem Imperatorum, de quorum nominibus cognominabantur, instituebantur; Herodiani vivo Herode ceperunt.

Ἑσπεροπρωϊόν. Hebræi τὸ νυχθήμερον

appellant ערב בקר, quasi ad verbum ἑσπεροπρωϊόν. Itaque secundum Hebræos, Samaritas & alias nationes κυρολόγως, νυχθήμερον dicitur, quia diem à Sole occato incipiunt. Unde ἡμερονύχιον propriè diceretur ab eis, qui à Sole orto diem incipiunt. Ergo astrologis τὸ νυχθήμερον καταχρηστικῶς dicitur spatium horarum 24. undecunque initium habuerint.

HEXAEMERUM. Est in genere spatium sex dierum: in specie, tempus, quo mundus est conditus: item liber de operibus sex dierum. Sic Ambrosius scripsit Hexaemerum sex libris. Vulgo Exaameron.

HEXAPLUM. Est idem quod sextuplex. Hexapla Biblia Origenis erant sex columnis cōposita, ubi textus Hebræus in una cum diversis versionibus quinque conferebatur. Si plures versiones accederent, dicebantur *heptapla*, aut *octapla*. Illic sex, hinc septem versiones post textum originalem & authenticum opponebantur.

HEXAPSALMUS, vel HEXAPSALMUM. Erat senio psalmodum, quos canebant in matutinis.

HIERARCHIA. Propriè est in sacris rebus imperium, sive sacer principatus. Ita ἱεράρχης, *hierarchia*, est sacer princeps, tanquam ἱερῶν ἀρχὸς, qui præest sacris ordinibus & actionibus. Cæterum voce *hierarchia* etiam Latini quidam Patres utuntur: extatq; ea dictio in iis, quæ Cypriano tribuuntur, de cardinalibus operibus. Dionysius aliter id nomen usurpat in libro de hierarchia cœlesti, aliter in libro de ecclesiastica. Ibi ordinem & dispositionem virtutem intellectualium, id est, angelorum, superiorum atque inferiorum significat: hinc doctrinam de sacramentis, & aliis ceremoniis ecclesiæ; quæ sunt in potestate

testate episcopi, quem ille appellat ἱεράρχην, non ἀρχιερέα, more cæterorum Patrum. Hanc igitur hierarchiam ait esse, τῆς ἐνθέας, καὶ θείας; καὶ θεουργικῆς ὀπισθήμης, καὶ ἐνεργείας, καὶ τελειώσεως, Deo plena, divina, deum efficientis scientia, & operationis, & initiationis, hoc est, pertinet e ad scientiam & functionem sacerdotalem, vel episcopalem. Hoc enim tot verbis voluit dicere. Ait, se hoc demonstrare velle ἐκ τῶν ὑπερκοσμίων καὶ ἱερωτάτων λογίων, ē supermundanis & sanctissimis oraculis. Est periphrasis Scripturæ, elegantissima sanè. Porro hierarchia legalis est principatus Israeliticæ plebis sub lege. Vide Dionysium Carthusianum in cap. 3. eccles. hierarch. Hierarchia angelica est ordo inter sanctos angelos: de quo multa apud Dionysium extra Scripturæ canonem dicuntur. Hierarchia ecclesiastica est ordo inter personas ecclesiasticas, eaque non una. Nam 1. est hierarchia Levitica, de qua 1. Paral. 23. 24. 25. 26. capp. 2. est hierarchia temporaria apostolorum & discipulorum CHRISTI, de qua Matth. 10. & Luc. 10. 3. est hierarchia N.T. perpetua. Eph. 4. 10. 4. est hierarchia ecclesiæ Romanæ. Delineemus singulas. Hierarchia legalis plebis Israeliticæ describitur 1. Chron. 27. ubi legiones ordinariæ cum suis ducibus, tribuni populi, & regis officiales recensentur. Hierarchia angelica est alia apud Rabbinos, alia apud Christianos. Utrique numerant novem ordines, & tres classes angelorum. Et Rabbinī quidem hoc modo.

1. חיות קודש animalia sanctitatis.
2. אופנים Ophanim.
3. ארלים Aralim,

4. השמלים Haschemalim.

5. שרפים Seraphim.

6. מלכים Melachim.

7. אלהים Elohim.

8. בני אלהים Bene Elohim.

9. כרובים Cerubim.

Christiani autem ex Dionysio Areopagita hunc in modum.

#### I. Classis. ὑπεραρχία.

1. Seraphim.

2. Cerubim.

3. Throni.

#### II. Classis. μεγαρχία.

4. Dominationes.

5. Principatus.

6. Potestates.

#### III. Classis. ὑποαρχία.

7. Virtutes.

8. Archangeli.

9. Angeli.

Hierarchia Levitica complectitur Levitas & sacerdotes. Levitarum classes erant quatuor. Nam alii præerant operi domui Jehovæ, alii erant moderatores & iudices, alii janitores, alii denique musici. Quæ distributio occurrit 1. Chron. 23. ver. 3. 4. & deinceps illustratur. Sacerdotes divisi erant in 24. classes sive familias 1. Chron. 24. & Luc. 1. quibus ministrabant Kehathitæ & Meraritæ 1. Chron. 24. Sequitur hierarchia temporaria tēpore Christi, & paulò post ejus tempora. Utrique initia veteris & novæ ecclesiæ congruerent, Christus primò elegit XII. apostolos, futuros patriarchas & primos auctores novi populi, quem ex gētibus sibi colligere

colligere Deus constituerat: & cum major esset messis quam operarii, quemadmodum Moysi LXX. Seniores Dominus in V.T. adjunxerat, qui ei essent auxilio in populi regimine, sic Servator noster partitione, alios LXX. addidit XII. apostolis. Atque ita in illis ecclesiæ incunabulis duos ordines ministrorum evangelii constituit. Et apostoli quidem fuerunt primarii præcones evangelii. LXX. autem discipuli fuerunt secundarii ordinis quidam apostoli, seu evangelistæ. Audiamus hac de re Johan. Calvinum. Is in harmonia trium evangelistarum scribit in hanc sententiam. *Quod LXX. numerum attinet, ordinem Dominus secutus est, cui jam olim populus adsueverat. Et meminisse nos oportet ejus, quod diximus de XII. apostolis: nempe quot fuerant tribus, dum floruit illius populi status, tot creatos fuisse apostolos, qui essent veluti patriarchæ, qui discerpta illius corporis membra colligerent, unde integra ecclesia restitutio emanaret. Eadem ferè ratio fuit horum septuaginta. Scimus enim cum Moyses tanto non sufficeret oneri, adjunctos ei LXX. judices, qui populum regerent. Et hi quidem sunt duo primi ordines hierarchiæ temporariæ N. T. Postquam autem cælos ascendit Dominus, excitavit in ecclesia sua prophetas, qui non tantum varietate linguarum, sed divina sapientia, & rerum futurarum cognitione erant cōspicui. Tres itaque fuerunt ordines hierarchiæ temporariæ N. T. ita ut primum dignitatis gradum tenuerint apostoli, secundum evangelistæ, tertium prophetæ. Apostoli fuerunt bis missi: & primò quidem ante passionem* CHRISTI ad solos Judæos, deinde paulò ante ipsius ascensionem ad omnes

gentes: ut ita posterior missio priorem fecerit ampliores. Deinde evangelistæ dignitate minores erant apostolis, sed officio proximi; adeoque vices eorum gerebant. Quales fuerunt LXX. discipuli, item Lucas, Timotheus, & alii. Vide Calvinum *Instit. lib. 4. ca. 3. d. 4.* Itaque evangelistæ nihil aliud fuerunt, quam secundi ordinis quidam apostoli: Unde Calvinus in 7. vers. 1. Corinth. 15. per omnes apostolos intelligit non solos XII. sed etiam LXX. discipulos, quibus evangelii prædicandi munus Dominus injunxerat. Et rectè Epiphanius ait, Christum, postquam sedit ad dextram Patris, misisse præcones *εις ὅλην τὴν οἰκὸν*, Simonem Petrum, Andrea. n fratrem ipsius &c. & emisisse alios LXXII ad prædicandum, ex quorum numero fuerint septem illi, qui viduis fuere præfecti. Tertius gradus assignatur prophetis: quoniam illi post evangelistas constituti sunt. Neque etiam illa ætate omnes prophetæ fuerunt præfecti ecclesiis, ut eas cum autoritate regerent; quandoquidem prophetiæ donum tunc dabatur, sicut linguarum donum, multis ex plebe hominibus. Etenim ut scribit Paulus Corinthiis, omnes prophetare poterant; ut ne quidem prophetiæ donum fœminis fuerit negatum. Nam Philippo evangelistæ quatuor erant filiæ prophetissæ. Sequitur hierarchia ecclesiastica N.T. perpetua. Ea complectitur pastores & doctores. Pastores in primitiva ecclesia citra discrimen episcopi & presbyteri vocati sunt. His adjunguntur diaconi, quibus cura pauperum fuit demandata. Plena itaq; hierarchia N. T. inde à tempore apostolorum usque ad finem seculi hac



hæc est. 1. Apostoli. 2. Evangelistæ. 3. Prophetæ. 4. Pastores. 5. Doctores. 6. Presbyteri, qui præsunt regimini. 7. Diaconi. De quibus ordinibus aliquid dicendum est in genere, & in specie. In genere hæc summarim tenenda sunt. 1. Hi gradus ministrorum evangelii sic fuerunt distincti, ut majores includerent inferiorum ministeria. Itaque apostoli fuerunt evangelistæ, prophetæ, pastores & doctores: similiter evangelistæ fuerunt prophetæ, pastores, & doctores: denique pastores fuerunt doctores: sed non contrâ. Nô enim omnes doctores fuerunt pastores, prophetæ, evangelistæ, & apostoli. 2. In recensendis hæc gradibus duplex servari potest ordo, putâ dignitatis vel temporis quo instituti fuerunt. Ordinem dignitatis exprimit apostolus Eph. 4. 10. hoc modo: apostoli, prophetæ, evangelistæ, pastores, doctores. Ex his apostoli, prophetæ & evangelistæ sunt extraordinarii, reliqui ordinarii & perpetui. Cur verò apostolus prætermittit diaconos? Resp. Quia voluit eos tantum ordines recensere, qui præsunt evangelii prædicationi, sacramentorum administrationi, & gubernationi ecclesiæ simul: non verò eos, qui soli gubernationi præficiuntur. Temporis ordo hic est. 1. apostoli. 2. evangelistæ. 3. prophetæ. 4. diaconi. 5. pastores. 6. doctores. 7. presbyteri illi, qui præsunt regimini. Quæ de re vide paulò post. 3. Nomina quorûdam graduum promiscuè usurpantur. Nam apostolorum, evangelistarum, & prophetarum nomina etiam aliis ecclesiarum pastoribus & doctoribus tribuuntur. Sic Rom. 16 Andronicus & Junia inter insignes apostolos nominantur: & 2. Cor. 8. Titus, & qui cum eo erant fratres, apostoli vocantur ecclesiarum: & Epä-

phroditus in epistola ad Philippenses dicitur eorum apostolus. Christus quoque in epistola ad Hebræos appellatur apostolus, i.e. legatus. Itaque nomen hoc *apostolus* in N. T. tres habet significationes. Nam significat principem apostolorum, qui est Christus: & duodecim apostolos: quos Paulus 2. Cor. 11. vocat summos apostolos: denique secundarios apostolos, qui vel à Christo immediatè legationis munus acceperant, ut LXX. discipuli; aut ab ipsis apostolis coöperatores in munere apostolico erant assumpti, aut ab ecclesia Hierosolymitana, quæ mater erat ecclesiarum, missi. Idem de evangelistæ nomine judicium: fuisse datum multis aliis præter LXX. discipulos. Prophetæ denique in S. literis vocantur non tantum ii, quibus Deus res futuras revelat, sed quotquot divinorum mysteriorum fidi sunt inter, res, & norunt veteres prophetias locis, temporibus, ac personis accommodare. Quo sensu omnes evangelii doctores & S. literarum interpretes dici possunt prophetæ. Jam in specie persequamur singulos hosce gradus. 1. *Duodecim apostolis* peculiariter & κατ' ἐξοχήν sic appellatis, quibus postea decimus tertius, Paulus, est additus, non solum ordinis, sed etiam potestatis primatus in ecclesia Christiana competit. Etsi enim alii quidam hoc habuerunt cum apostolis commune, quod & ipsi immediatè à Domino fuerunt vocati, & indefinitè ad gentes legati: tamen hæc duo fuerunt propria muneri apostolico, quod ipsorum doctrina sit canon & regula totius religionis Christianæ usque ad consummationem sæculi; & quod sibi apostoli in primordiis ecclesiæ per impositionem manuum, signo visibili conferrent Spiritum

sanctum.

sanctum. Porro Apostolorum una & eadem omnium fuit autoritas & par Apostolatus: discrimen nullum inter eos fuit, nisi quod ætas aut virtutū maior cumulus adferebat. Et quamvis primus ubique legatur Petrus, ordinis fuit & vocationis ille primatus, non præcipuæ potestatis.

2. LXX discipuli semper separati leguntur à XII. Apostolis: quibus inferiores fuerunt hoc uno, quod non tam familiari convictu cum Domino vixerint, sicut XII. Apostoli. Septuaginta igitur illi discipuli fuerunt Evangelistæ Apostolis XII. inferiores; quod tanquam legati summis ducibus dati fuerint, qui eorum vices eadem autoritate obirent. Multos sibi præterea assumfere Apostoli cooperatores: sed in quibus tanta non erat fidei soliditas, sicut in eis quos Dominus ipse vocaverat, & eodem spiritu quo Apostolos dirigebat. Itaque Evangelistæ propriè & strictè fuerunt LXX. discipuli. Alioquin etiam Timotheus, Titus, & alii quidam appellantur Evangelistæ. Denique qui Evangelicam historicam scripserunt, appellantur Evangelistæ: è quibus Matthæus & Johannes etiam fuerunt Apostoli, Marcus fuit interpret Petri, ut Eusebius loquitur, & Lucas non Apostolus, sed Apostolicus fuit, ut appellatur à Tertulliano. Interim Evangelia Marci & Lucæ autoritate æquantur. Evangeliiis Matthæi & Johannis; quia Evangelicis narrationibus commodarunt suam operam Apostolis & Evangelistis *κωλύω* dictis. Hinc patet Evangelistæ nomen accipi quatuor modis. 1. *κωλύω* pro LXX. discipulis, qui fuerunt immediatè vocati à Domino. 2. pro cooperatores Apostolorum, qui non immediatè à Domino, sed ab Apostolis fuerunt constituti. 3. pro

Evangelistis, qui scripserunt historiam Evangelicam, & simul fuerunt Apostoli: quales sunt Matthæus & Johannes. 4. pro Evangelistis, qui scripserunt historiā Evangelicam, & non fuerunt Apostoli, sed Apostolici: quales sunt Marcus & Lucas.

3. *Propheta* peculiariter appellati fuerunt, quos Dominus Apostolis, licet hoc modo quoque spiritu prophetico prædictis, adiunxit, ut hoc etiam supernaturali charismate Apostolicam prædicationem confirmaret. Primi huiusmodi Prophetæ in N. T. fuerunt triginta octo illi viri, qui nec collegio XII. Apostolorum, nec LXX. discipulorum adscribuntur *Act. 1. 15*. Nam ibi de numero 120. virorum supersunt 38, quos cum nec 12. Apostolis, nec 70. Evangelistis adnumerare liceat, Prophetas meritò dicemus. Ex quorum numero Ananias & Agabus proculdubio fuerunt. Dicti autem hi sunt Prophetæ eo sensu, quo Propheta distinguitur à pastore & doctore. Itaque 38. illi appellati sunt Prophetæ, quod spiritu Dei futura præviderint, & quid opus esset facto, ecclesiam præmonuerint, & recondita mysteria eodem spiritu docuerint. Porro tria sunt Prophetarum genera in N. T. 1. qui futura prædixerunt, sed non consignarunt, ut Agabus. 2. qui futura prædixerunt & consignarunt, ut Petrus, Paulus, Judas, & Johannes Evangelista. 3. qui S. literas interpretantur. Nam omnis Scripturarum interpretatio est quædam prophetia. Et hætenus quidem habemus tria doctorum genera, quos infallibili suo spiritu sancto Deus regebat in primitiva ecclesia; Apostolos, Evangelistas, & Prophetas. Et hi fuerunt primi ecclesiæ Hierosolymitanæ presbyteri & episcopi.

4. *Diaconi* prius creati leguntur quàm pastores & doctores. Et primò quidem Apostoli curam pauperum ad suum munus pertinere arbitrati sunt, quòd Evangelii ministerium ex institutione Domini curam istam conjunctam habeat. Sed postea murmur Græcorum adversus Hebræos electioni diaconorum causam dedit. Fuere enim initio distributores communis pecuniæ, quam fideles divenditis possessionibus suis conferebant. Agente in terris adhuc Domino, Judas illud munus obivit. Sed crescente ecclesia Apostoli munus utrumque exercere non potuerunt. Itaque delegerunt diaconos, veruntamē ita, ut ad se quoque curam pauperum pertinere statuerent. Unde Paulus & Barnabas pauperum curam suscepisse leguntur. Cæterum primi septem diaconi non tantum colligendæ distribuendæque pecuniæ operam dederunt, sed etiam docendi, imò & baptizandi partes assumerunt, ut in historia Stephani & Philippi videre est. Hoc exemplum secuti sunt veteres, & diaconis unà cum pauperum cura aliquid maius pro ratione donorum crediderunt: videl. potestatem legendi populo Evangelii, & distribuendi calicis in eucharistia. Tandem eò creviteorum autoritas, ut nusquam episcopus iret, aut quidquam ageret sine diacono, ut citius caruerit episcopus presbytero, quàm diacono. Atque hic est quartus ministrorum ecclesiæ ordo, secundum temporis seriem; & primus qui ab hominibus fuit institutus, nullis adhuc creatis presbyteris, præter eos quos ipse Dominus dederat ecclesiæ.

5. *Presbyteri* peculiariter dicuntur, qui ab Apostolis constituti sunt, ut præessent ecclesiis. Et hi *Ephes.* 4. 10, appel-

lantur pastores. Hic ordo licet diaconis posterior sit tempore, prior tamen est dignitate. Presbyteri illi etiam appellantur episcopi. Et ita quidem strictè sumuntur hæc nomina. Aliàs presbyterorum & episcoporum nomine, imò & pastorum, comprehenduntur ipsi quoque Apostoli. Nam Nam Petrus se vocat *συμπεσβύτην* 1. *Petr.* 5. 1. & Apostolatus ipse dicitur *ἡγεμονία* *ἄστωρ* 1. 10. Denique pastorum appellatio, inter quos Christus *ἡμιμνη* dicitur, generalissima est. Porro presbyterorum, id est, pastorum speciatim ita dictorum ordo, est duplex. Nam alii pluribus ecclesiis fuerunt præfecti, ut Timotheus & Titus: alii singulis. Nomen episcopi post Apostolorum tempora proprium primo presbyterorum ordini mansit. Ad extremum presbyteri N. T. sunt duplices 1. *Timoth.* 5. 17. Nam alii sunt pastores, alii gubernatores tantum; qui respondent senioribus in synedr. io Israël. sic, sicut pastores respondent sacerdotibus. Itaque quintus ordo est presbyterorum, qui laborant in sermone. Ex his patet hanc vocem *presbyter* tribui 1. latissima significatione Apostolis, Evangelistis & Prophetis: qui fuerunt primi presbyteri & episcopi immediatè à Domino instituti, 2. stricta significatione pastoribus. 3. strictissima significatione gubernatoribus ecclesiarum, prout à pastoribus & doctoribus distinguuntur, quique adeo non docent, sed tantum censuræ morum præsumt.

6. *Doctores* peculiariter à Paulo dicuntur, qui sacras literas interpretantur, neque tamen præsumt ecclesiis. Potest enim quis esse doctor, qui pastor non sit: & nemo potest esse pastor, qui non sit etiam doctor.

Super-



Supereſt hierarchia eccleſia Romana: quā Bellarminus lib. i. de clericis. cap. ii. & libro de ſacramento ordinis cap. 5. his verbis definit: *Septem duntaxat ordines* (nempe propriè dicti.) *numerantur, videl. Sacerdos, Diaconus, Subdiaconus, Acoluthus, Lector, Exorcista, & Oſtiarius.* Ex quibus ordo ſacerdotum duplex eſt: ſunt enim alii maiores ſacerdotes, id eſt, *epiſcopi*, alii minores, id eſt, *preſbyteri*. Quod attinet ad ſummum Pontificem, ille eſt ſacerdos: putà epiſcopus. Cardinales habent officium aut epiſcopale, aut preſbyterale, aut diaconale. Et hæc quidem eſt hierarchia Romanæ eccleſiæ: in qua gradus humanitùs excogitati diſtinguendi ſunt ab illis, qui inſtituti ſunt à Domino; itemque ab illis, qui degenerarunt in diabolicos.

Sed concludamus illud de hierarchiâ eccleſiæ hoc ſyllogiſmo. In eccleſia permanere debet ea regiminis forma, quæ ab ipſo Domino fuit inſtituta, & ab Apoſtoliſ tradita. Illa verò habuit inferiores & ſuperiores paſtores. Ergo id in eccleſia eſt retinendum. Aſſumtio probatur: quia Apoſtoli ſuperiores fuerunt reliquis, & inter epiſcopos ſive paſtores ſtrictè dictos quidam pluribus, quidam paucioribus eccleſiis gubernandis fuerunt præfecti. e. g. Titus fuit epiſcopus, vel ut Lyranus, Pellicanus, & Eraſmus loquuntur, archiepiſcopus Cretæ. Sic Timotheo credita fuit tota ferè gens Aſiatica. Hinc Illyricus narrat Titum & Timotheum multarum eccleſiarum fuiſſe epiſcopos. Verum eſt, omnes paſtores ſive epiſcopi ſunt æquales ratione miniſterii. Sed & hoc verum eſt: æqualitas miniſterii inæqualitatem in gubernatione non impedit.

HITHPAEL. Eſt coniugatio recipro-

ca, de qua Conradus Graſerus præclare annotat hoc modo: Ad formam *Hithpael* quod attinet, ea in canone non uſque adeò uſitata eſt, ut de ea, ſi quando occurrit, non immeritò nobis peculiarem aliquam ſignificationis *ἐμφασιν* imaginemur. Ratio autem communiter ſignificandi hæc eſt: vim ſignificationis tranſitivæ habet, idque ex ſecunda forma *Piel*, ex qua non citra myſterium derivatur. Ejuſtamen actio non propriè extra ſubjectum agentis procedit, ſed in illud potiùs refleſtitur, ut viſ notionis ejus reciproca ſit. Unde formæ hujus uſus præcipuus conſpicitur, quoties nempe de homine uſurpatur, in explicando interiore animi motu, quo aliquis à ſeipſo & intra ſeipſum afficitur. v. g. quando aliquis ſeipſum graviſoribus curis affligit, hoc Hebræi *הִתְעַבְּרָה* vocant: aut ſi quis intra ſeipſum orat, illi hoc per eandem formam *הִתְפַּלֵּל* indigerant. Quæ ultima vox internum illum animi motum ſignificat, quo peccator ſeipſum examinat, & coram Dei tribunali ſe ſiſtit, diſciſſoſque corde reatum ſuum ab una parte agnoſcit, eundemque vel *ἐν διαφύκῳ*, vel etiam *προφρακῶς* coram Deo fatetur: ab altera ſeveram Dei juſtitiam intuetur, ejusdemque juſtiſſimam executionem deprecatur. Idem judicium eſt de verbo *הִתְחַוָּה* *Confitebor*, ſive, *confessus sum* Dan. 9. 4. quàm vocem Confeſſionarii perperam ad confeſſionem auricularem traducunt ex Lev. 5. 5. & 26. 40. & Num. 5. 7.

HIPHIL. Verbum *Hiphil* actionis ſuæ vim actricem ſive influxum in illud ſubjectum tranſfundit, in quod agit.

HODIE. Notat ſepè cōtinuitatē: ut Heb. 3. 7. 13. Donec hodie cognominat, i. e. q̄-

diu ita est & durat, quoad hodiernus dies appellatur. In illo *Psal.* 2. Ego hodiè genuite, multi hodie accipiunt, tanquam idem sit, quod ab æterno: alii autem in tempore, cum scil. Deus Filium suum introduxit in mundum *Hebr.* 1. v. 5. & maxime, cum eum suscitando ex mortuis certo documento ostēdit, ipsum esse Filium suum ab æterno genitum *Act.* 13. v. 33. & *17. v. 31. Rom.* 1. v. 4. Etenim illa resurrectione ceu signaculo Deus comprobavit totam doctrinam Jesu Christi, cuius & hæc pars erat, quod ipse verus Dei Filius esset.

**HOC EST CORPUS MEUM.** Quomodo hæc enuntiatio eucharistica intelligenda sit, docet subiecta materia. Nimirū phrasī sacramentalis intelligi debet sacramentaliter, ita nempe, ut panis eucharisticus dicatur esse sacramentum, mysteriū, symbolum, typus, antitypum, figura, signum, imago, similitudo, memoria & recordatio corporis Christi: seu, quod eodem redit, ut dicatur significare, designare, ostēdere, & repræsentare corp<sup>9</sup> Christi. Quæ quidem expositiones omnes & singulæ occurrunt apud Patres, hoc modo.

1. *Sacramentum.* Ambrosius 4. to. libro de iis, qui mysteriis initiantur, c. 9. Verè ergo carnis illius sacramentum est. Ipse clamat Dominus Iesus: Hoc est corpus meum. Cyprianus de cœna Domini sect. 4. Hoc sacramentum aliquando corpus suum, aliquando carnem & sanguinem, aliquando panem Christus appellat. Augustinus in sententiis à Prospero collectis: Cœlestis panis, qui est Christi caro, suo modo nominatur corpus Christi, cum revera sit sacramentum corporis Christi. Idem tom. 2. cepist. 23. Secundum quendam modum sacramentum corporis Christi corpus Christi est, sacramentum sanguinis Christi, sanguis Christi est.

2. *Mysterium.* Augustinus sermone ad infantes. Si ergo vos estis corpus Christi & mēbra, mysterium vestrum in mensa positum est: mysterium Domini accipitis id quod estis. Idem in *Psal.* 89. Non hoc corpus, quod videtis, manducabitis, nec bibiturus estis illum sanguinē, quem furi sunt, qui me crucifigent: mysterium vobis commendo: spiritualiter intellectum vivificabit vos. Chrysostomus homil. 11. in S. Matth. operis imperi fecit: Si vasa sanctificata transferre ad privatos usus periculum est, in quib. non est verum corpus Christi, sed mysterium corporis eius continetur: quanto magis vasa corporis nostri, qua sibi Deus ad habitaculum præparavit, non debemus locū dare diabolo agendi in iis quod vult. Eusebius Emislen<sup>9</sup>, ut citatur distinctione 2. de consecrat. Necessarium erat, ut nobis in hoc die sacramentum corporis & sanguinis sui consecraret, ut coleretur iugiter per mysterium, quod semel offerebatur per præteritum.

3. *Symbolum.* Dionysius in hierarchia ecclesiastica: Sunt symbola, quibus ii, qui iis initiantur, sacratius in Deum transeunt. Clemens Romanus *Ag. τὸ ζῶν* lib. 6. c. 23. Instituit sacrificium, quod in mortem Domini per symbola corporis & sanguinis sui celebratur. Eusebius Cæsariensis demonstrat. evangel. lib. 1. c. 10. Cum illius sacrosancti sacrificii memoriam in mensa Dominica peragendam per symbola corporis salutarisq; sanguinis ipsius, iuxta N. T. institutū acceperimus & c. Theodoret. tom. 2. dialog. 1. Symbola & signa, qua videntur, appellatione corporis & sanguinis honoravit. Ibid. Dominus cum accepisset symbolum seu signum, non dixit, Hoc est deus meus, sed, Hoc est corpus meum. Idem dialogo 2. Dic ergo, mystica symbola, qua Deo à Dei sacerdotibus offeruntur, quorum nam dicis esse symbola? Corporis & sanguinis Domini.

4. *Typus.* Ambrosius in 1. Cor. 11. Testamentum

mentum ergo sanguine constitutum est, in cuius typum nos calicem sanguinis mysticum ad corpus & anima nostra nutritionem percipimus. Procopius Gazæus in Gen. 49. Dedit enim sui corporis imaginem, vel effigiem, aut typum, discipulis, haud ampliùs admittens cruenta legis sacrificia.

5. *Antitypum*. Clemens Romanus lib.

5. *Ἀντίτυπον*: Cum verò antitypa mysteria pretiosi corporis & sanguinis sui nobis tradidisset &c. Basilii in liturgia: Postquam apposuimus antitypa sancti corporis & sanguinis tui, te precamur & oramus sancte sanctorum &c. Nazianzenus in epitaphio sermone Gorgoniæ sororis, panem & vinum appellat antitypa pretiosi corporis & sanguinis Domini. Theodoretus dialog. 2. Si igitur divina mysteria sunt antitypa veri corporis, utique corpus Domini etiam nunc corpus est. Macarius homil. 27. Offeritur in ecclesia panis & vinum ἀντίτυπον carnis ejus & sanguinis.

6. *Figura*. Tertullianus lib. 4. adversus Marcionem, cap. 40. Acceptum panem & distributum discipulis, corpus suum illum fecit, Hoc est corpus meum dicendo, id est, figura corporis mei. Hilarius, ut citatur in jure canonico, distinct. 2. de consecratione, cap. 79. Corpus Christi, quod sumitur de altari, figura est, dum panis & vinum extra videtur: veritas autem, dum corpus & sanguis Christi in veritate interius creditur. Ambrosius de sacramentis lib. 4. cap. 5. Dicit sacerdos, Fac nobis hanc oblationem adscriptam, rationabilem, acceptabilem, quod est figura corporis & sanguinis Domini nostri Iesu Christi. Idem docent Augustinus in psalm. 3. Ephrem Syrus ad eos qui Filii Dei naturam scrutari volunt cap. 4. Carolus Magnus in epistola ad Alcuinum de ratione Septuagesimæ, libro de divinis officiis: denique Bertramus de Cæna Domini.

7. *Signum*. Dionysius in hierarchia ecclesiastica: Positus in divino altari veneratione dignis signis per quæ Christus & significatur, & percipitur &c. Origenes contra Marcionitas dialog. 3. Si, uti obloquuntur isti (Marcionitæ,) carne destitutus erat, & ex sanguis: cuiusmodi carnis, cuius corporis, & qualis tandem sanguinis signa & imagines, & panem & poculum ministravit, jussitq; per illa discipulos memoriam sui renovare? Chrysostomus homil. 83. in Matth. Si Iesus mortuus non est, cuius symbolum & signum hoc sacrificium est? Augustinus contra Adimantum: Non dubitavit Dominus dicere, Hoc est corpus meum, cum daret signum corporis sui. Bernhardus serm. de cæna Domini: Approprians passioni Dominus de gratia sua curavit investire nos, ut invisibilis gratia signo aliquo visibili præstaretur. Ad hæc instituta sunt omnia sacramenta: ad hæc eucharistia participatio.

8. *Imago*. Vide num. præced. Origenem, & num. 4. Procopium. His adde Gelasium contra Eutychem: Non desinit substantia vel natura panis & vini. Et certè imago & similitudo corporis & sanguinis Christi in actione mysteriorum celebratur. Satis ergo nobis evidenter ostenditur, hoc nobis in ipso Domino Christo sentiendum, quod in eius imagine profitemur, celebramus, sumimus. Gregorius Neocæsariensis in definitione synodi Constantinopolitanæ 7. tom. 3. concil. de eucharistia sic loquitur: Ecce vivificantis corporis illius imaginem; qua honorificè & gloriose exhibita est. Et postea: Ita & imaginem totam electam, videl. panis substantiam mandavit apponi. Et mox: Similiter etiam panem eucharistia, veluti veram imaginem naturalis carnis, per sancti Spiritus aggressionem sanctificatam, divinum corpus esse voluit. Ibidem: Eodem modo & à Deo tradita imago carnis eius, panis scil. divinus.



9. Similitudo. Vide num. præced. Gelasium. Adde etiam sequentes. Chrysoſt. in psalm. 22. *Iſtam menſam præparavit ſervus & ancillis in conſpectu eorum, ut quotidie in ſimilitudinem corporis & ſanguinis Chriſti, panem & vinum ſecundum ordinem Melchiſedec nobis oſtenderet in ſacramento.* Ambroſ. tom. 4. lib. 4. de ſacramentis cap. 4. *Fortè dicis, ſpeciem ſanguinis non video. Sed habet ſimilitudinem. Sicut mortu ſimilitudinem ſumſiſti: ita etiam ſimilitudinem pretioſi ſanguinis bibis, ut nullus horror cruoris ſit, & pretium tamen operetur redemptionis.* Idem lib. 6. de ſacram. c. 1. *In ſimilitudine quidè accipis ſacramentum, ſed vera natura gratiam virtutemq; conſequeris.*

10. Memoria, ſeu recordatio. Juſtinus Martyr. dialog. cum Tryphone Judæo: *Simila oblatio pro illis, qui à lepra purgabatur, ut offerretur tradita, typus fuit panis Euchariſtiæ, quem in memoriam paſſionis &c. tradidit, ut gratias ageremus Deo &c.* Ambroſi<sup>9</sup> tom. 4. ſuper 1. Cor. 11. *Memoria enim redemptionis noſtra eſt, ut redemptoris memores, maiora ab eo mereamur.* Auguſtinus tom. 6. lib. 20. contra Fauſtum Manichæum cap. 21. *Huius ſacrificii caro & ſanguis ante adventum Chriſti per viſtimas ſimilitudinum promittebatur: in paſſione Chriſti per ipſam veritatē reddebatur: poſt aſcenſum Chriſti per ſacramentum memoriæ celebratur.* Euſebius Cæſarienſis lib. 1. de demonſtrat. evangelica: *Cum ergo huius ſacrificii memoriam ſignis quibuſdam in menſa celebrandam &c. acceperimus.*

10. Significat. Ambroſius tom. 4. libro de iis, qui myſteriis iniciantur: Ipſe clamat Dominus Ieſus: *Hoc eſt corpus meum. Ante benedictionem verborum cæleſtium alia ſpecies nominatur, poſt conſecrationem corpus Chriſti ſignificatur.* Eodem tom. commentar. in 1. Cor. 11. *Quia enim morte Domini liberati ſumus, huius rei memores, in edendo & potando,*

*carnem & ſanguinem, qua pro nobis oblata ſunt, ſignificamus.* Auguſtinus tom. 3. lib. 2. de doctrina Chriſtiana cap. 3. *Sacramento corporis & ſanguinis ſui præguſtato ſignificavit, quod voluit.* Idem ſermone ad infantes: *Qui antequam panem illum comedat, calicemq; bibat, de hoc ſeculo migraverit, in unitate corporis Chriſti conſtitutus, ſacramenti illius participatione & beneficio non privatur, quando in ſe habet, quod ſacramentum illud ſignificat.* Idem tom. 6. lib. 3. contra Maximinum Arianorum epiſcopum cap. 22. *Hæc enim ſacramenta ſunt, in quibus non quid ſint, ſed quid oſtendant ſemper attenditur: quoniam ſigna ſunt rerum, aliud exiſtentia, & aliud ſignificantia.* Vide quoque num. 7. Dionyſii dictum. Gloſſa quoque juris canonici de conſecratione diſtinct. 2. can. *Hoc eſt, quod dicimus, ſic habet: Panis dicitur corpus Chriſti, ſed improprie: ut ſit ſenſus, vocatur Chriſti corpus, id eſt ſignificat.*

12. Oſtendit. Cyprianus epiſt. 63. ad Cæcilium: *Nec poteſt videri ſanguis eius, quo redempti & vivificati ſumus, eſſe in calice, quando vinum deſit calici, quo Chriſti ſanguis oſtenditur.* Eandem ſententiam repetit & approbat Auguſtinus tom. 3. lib. 4. de doctrina Chriſtiana cap. 21.

13. Repraſentat. Tertullianus lib. 1. contra Marcionem cap. 14. *Nec panem (ſcil. Chriſtus reprobat) quo ipſum corpus ſuum repraſentat.* Hieronymus tom. 8. lib. 4. ſuper 26. Matth. *Aſſumit panem, qui confortat cor hominis &c. ut veritatē ſui corporis & ſanguinis repraſentaret.* Theodoretus tom. 2. dialog. 2. *Si ergo divina myſteria corpus, quod verè eſt, repraſentant: ergo corpus Domini etiam nunc quoque corpus eſt, non in naturam divinitatis mutatum, ſed impletū gloria divina.* Idem docet gloſſa juris canonici de conſecratione diſtinct. 2. canone, *Hoc eſt & dicimus.*

**HOMO JUDICATUS DENUO JUDEX.**  
Est epitheton Christi in hymno *Vita sanctorum*:

Nunc in excelsis Dominus refulgens,  
Et supra cælos Deus elevatus,  
Inde venturus homo judicatus,  
Denuo judex.

**HOMOUSIUS.** Est coessentialis, eandem habens essentiam, ὁμὴν ἔσσαν, i.e. τὴν αὐτὴν. Sed ὁμοῦς ὢς est habens ὁμοίαν, similem essentiam, etsi diversam. Itaque ὁμοῦς ὢς possunt esse ἑτεροῦς ὢς. Hieronymus ad Damasum eleganter dicit, Obtestor beatitudinem tuam per Christum crucifixum, mundi salutem, per *homousiam* Trinitatem. Sed ὁμοῦς ὢς ἀπαρριζάντως, id est, habens similem essentiam sine variatione seu indiscretè, eodem sensu aliquādo usurpabant, quo ὁμοῦς ὢς.

**HOMILIA.** Est concio sacra. Hinc *homiliaticum dicendi genus* dixit Hieronymus, pro eo, quod pertinet ad homilias q. d. populare & ecclesiasticum.

**HOMO.** 1. In genere & communiter sumitur pro mare & scæmina, Gen. 1. 26. 2. Significat virum, Gen. 2. 18. 3. Sumitur pro Christo 1. Cor. 15. 21. 4. Significat qualitates hominis regeniti vel non regeniti. Et hoc sensu dicitur homo exterior, 2. Cor. 4. 16. homo interior, Rom. 7. 22. Eph. 3. 16. homo novus Eph. 2. 15. 6. 4. 14. homo vetus Rom. 6. 6. Eph. 4. 22.

**HOMO DEI.** Est eximius Dei servus, propheta, ecclesiæ minister. Deut. 33. 1. 1. Sam. 9. v. 7. 8. 2. Reg. 1. aliquoties 2. Chron. 8. 14. Psal. 90. 1. Ier. 35. 4. 1. Tim. 2. 11. 2. Tim. 3. 16. 2. Petr. 1. 21. Et si ergo generatim quivis homo electus, Deo deditus, hoc elogio est dignus; tamen speciatim & κατ' ἐξοχήν sic appellatur, qui totus deditus est rebus divinis.

**HORA.** In N. T. est pro statâ diei parte. Ita Servator ait Ioh. 11. Nonne duodecim sunt horæ diei? scil. sicut & noctis. illic autē intelligunt horæ tēporales, quæ inæquales erāt, æstate lōgiores, hyeme breviores. Primā diei horam, cū primū diesceret, vocabant: sextam, meridianum tempus: duodecimā, extremū diei tempus. Par horarū noctis ratio. Quo numero cū dies & nox circumscriberetur, p quoquo anni tēpore, ac dierū noctiumq; productione atq; contractione, longiores quoque ac breviores horas, diversis quidem anni tēporibus, fuisse necesse est. Et hæ quidē fuerunt horæ, Judæis appellatæ minores: quibus opponuntur horæ majores. Quæ de re Schindlerus in Lexico: Tam nox q̄ dies distribuebatur in tres partes. Noctis dicebātur vigiliæ: diei horæ, prima, secunda, tertia; complectentes singulæ horas quatuor בקר אהרן ערב. Et tunc prima diei pars seu hora cōplectit horas primā, secundam, tertiam, & quartam: secūda, quintā, sextam, septimam & octavam: tertia, nonam, decimā, undecimam, & duodecimā. Et tēpore æquinoctiali horæ ita cōveniunt. Judæorum prima est Christianis sexta matutina, tertia est nona, sexta est duodecima seu meridies, undecima est quinta, duodecima est sexta vespertina. Et ita nonnulli conciliant Matt. 27. *A sexta hora tenebra facta sunt:* cum Marc. 15. *Erat hora tertia, & crucifixerūt eum.* Priori loco intelligitur hora minor, posteriori major, tertia scil. diei pars. Sanè tollitur ita omnis difficultas per tributionem horarum diei in quatuor quadrantes ternarum horarum; qui ab ultima cuiusq; quadrantis hora denominarentur. Sed Casaubonus exercit. 16. hāc conciliationem fundamēto carere putat. Hieronymus

in ps. 77. putat errore scriptorum in Marco episcopum Græcum & habitum fuisse pro Γ. Sed Theophylactus contra disputat Γ in & mutatum esse, aliud agente librario: Et sic Nonnus habet.

Ἡ δὲ πτανομένη τεταμένη θανάτου  
 & ὡς.

Petrus Alexandrinus in disputatione de paschate author est, autographum manu propria Johannis evangelistæ descriptum, quod in ecclesia Ephesiorum asservabatur, habuisse, hora tertia, non sexta. Cæterum in Concordantiis Latinis vulgatæ vers. hæc summatim leguntur. Hora est 1. diei civilis vicesima quarta particula, Exod. 9. 18. 2. Breve temporis momentum, sed indefinitum, Job. 20. 14. 2. Cor. 7. 8. 3. Tempus cum quadam occasione agendi, vel patiendi aliquid Matth. 26. 45. Luc. 12. 12. c. 22. 53. Iohan. 2. 4. 4. Periculum; quod aliquo temporis momento accidit Marc. 14. 35. Ioh. 12. 27. 5. Seculum. 1. Iohan. 2. 18. 6. Momentum & tempus mortis Marc. 13. 41. Iohan. 5. 28. c. 7. 30. c. 8. 20.

HORA PLACATIONIS. Duæ in veteri testamento fuerunt observatæ horæ placationis: altera antemeridiana, circa horam nempe octavam nostri horologii, cujus mentio fit 2. Reg. 3. 20. alteram pomeridianam, inter mediam tertiam & quartam nostri horologii, de qua Dan. 9. 21. quando nimirum efferebatur jube sacrificium. Hac de re R. Salomon super Esai. 21. sic commentatur: Per jube sacrificium effectum esse, ut per ejus matutina oblationem noctis præteritæ peccata, per vespertinam verò diurnæ transgressionem expiata fuerint. Quæ glossa refert hunc effectum ad opus operatum, & proinde est explodenda. Nos verò hoc

sacrificium fuisse typicum scimus, & per Dei gratiam novimus, Christum sub vespertinam placationis horam mortuum esse in arca crucis, atque ita eodem momento jube illud sacrificium typicum realiter implese & consummasse.

HOSANNA. Author est Elias in Thib. ~~Ναὶ ὡς~~ compendio sermonis dici solitum pro ~~Ναὶ ὡς~~ ~~Ναὶ ὡς~~, Ναὶ ὡς, *Serva obsecro*. Et sanè usitatum est in omnibus linguis, ut in ejusmodi acclamationibus, sicut & statuarum inscriptionibus, sententiæ semiplenæ persæpe efferantur, atque audientibus relinquantur verba supplenda ad sensum perficiendum necessaria. Sic in illo Matth. 21. *ὡσαννά, τῷ υἱῷ Δαβὶδ*, *Hosanna filio David*: hic est sensus: *Serva quæso, ô Deus: Filio David*, hoc precamur. Votum namque hoc esse populi Judaici, regi Messiae læta precantis, petentisque à Deo, ut illi benediceret, res ipsa arguit. Simile est illud Psalm. 86. vers. 16. *הוֹשִׁיעֲנִי יְיָ אֱלֹהֵי דָוִד* quod possis vertere, *ὡσαννά τῷ υἱῷ τῆς παιδίσκης σου*, *Osanna filio ancillæ tuæ*. Potest etiam esse hic sensus: *ὡσαννά τῷ υἱῷ Δαβὶδ*, id est, *ὡς ὡς τὸν υἱὸν Δαβὶδ*. Nam ita LXX. verterunt locum Psalm. 86. *ὡς ὡς τὸν υἱὸν τῆς παιδίσκης σου*. Nimirum *הוֹשִׁיעֲנִי* construitur cum *וְיָצִיא*, hoc est, cum dativo & accusativo. Casus dativi exempla sunt Iud. 7. v. 2. 2. Sam. 10. v. 11. Sed potest hæc dictio etiam aliter accipi, hoc nempe modo: *Osanna filio David*: scil. hæc *βαίᾱ* (quod nomen usurpat Johannes in ea historia.) id est, hirtimites, palmæ, oleæ, frondes: vid. *Φέροντες καὶ πάλμους*, *gestamus & vibramus*, has frondes in honorem filii David. Itaque Judæorum *Hosanna* erit Atheniensium *εἰρεσιώνη*, ut eam etiam appellat Iosephus lib. 3. c. 10. Jussit Deus Judæos, inquit, festum



stum tabernaculorum per octo dies agitare, in urbem metropolin convenientes, holocausta & sacrificia eucharistica Deo offerre, manibus gerentes *ειπεριώνην, یرهفionem*, è myrto, salice &c. Sic apud gentiles erat moris, ut quorundam festorum pompas deducentes, olivæ termites gestarent, qui propterea *θαλασφόροι, olearomos gestantes*, dicebantur. Sed redeamus ad vocem *Hosanna*. Rabbinī ex hac dictione fecerunt nomen *תחנון*, cuius plurale extat in Ritualibus illorum, cum dicunt *Hosannoth Lesuccoth*, id est, formulæ usitatæ in celebrando festo tabernaculorum, septem dierum: quorum singuli habent sibi proprias Hosannas, quæ dicuntur *Hosanna primi diei, Hosanna secundi diei* &c. Sic autem & hymni illi nominantur, & frondes arborum, putà palmæ, oleæ, aut salicis, quas tenere manibus per illos dies solebant; quia subinde reperitur ea formula, *Hoschiana na*, vel *Ana hoschiana na*, & similes quidam versus intercalares, in quibus id verbū est. Itaq; possumus commodè formulam istam *Osanna filio David* sic interpretari, ut sit idem ac *βάρτα*: q. d. has palmas, has frondes filio David volumus esse sacras, seu, in honorem ejus gestamus. Quid? si dicemus tres has sententias optimè simul cōfiteri: ut nempe sit oratio elliptica hoc pacto, *Hosanna filio David*, scil. precamur: & *Hosanna filio David*, scil. gestamus: & *Hosanna filio David, Serva filium David*.

HOSTIA. Est legitima, vel illegitima. Hostia legitima est quadruplex. 1. Typica, de qua passim in Levitico. 2. Spiritualis Rom. 12. 1. Phil. 4. 18. Hebr. 13. v. 15. 16. 1. Petr. 2. 5. 3. Ipse Christus, factus víctima pro nobis in arca crucis. Ephes. 5. 2. Hebr. 9. 26. c. 10. v. 12. 26. 4. Sacra

cæna; quæ veteribus appellatur hostia, videl. ratione sacramentali. Hostia illegitima est 1. Paganorum. 2. Papistarum in Missa.

HOSTIÆ. Hoc nomine appellantur orbiculi illi, qui apud Papistas & Lutheri discipulos sunt usitati in eucharistia: quod speciem alicujus sacrificii notent. Vocantur etiam *oblata*. Quod nomen primò tributum fuit panibus illis, quos populus Christianus spontanea liberalitate offerebat, quibus uterentur in S. Cæna. Hinc Gennadius de Concil. Florent. cap. 2. lect. 8. ait: *Romana ecclesia offert azymos panes, propterea, quod Dominus sine ulla commixtione suscepit carnem: sed Græca ecclesia offerunt fermentatum*. At ubi superstitio & *εθελοθρησκεία* invaluit, in locum panis cibarii substituti sunt orbiculi illi inepti, & illis inditum est nomen *oblatarum*, & *hostiolarum*. Eadem superioribus sæculis dictæ sunt *minutia oblatarum*, & *minutia nummularia*. Qua de re insignis est locus apud Cassandrum, scriptorem Pontificium, in Liturg. cap. 27. ubi ex Romani ordinis expositore, quem imple Bernoldum Presbyterum Germanum Constantiensem circa annum Domini 1089. arbitratur fuisse: *Si nihil omnino debet fieri intra vel extra templum Domini absque mensura & ratione, videntur oblatarum minutia ad Christum & ecclesiam nihil pertinere, quia sunt absque mensura & ratione*. Et mox subjicit: *Plura ab eodem authore alioqui prudenti & pio, & ecclesiasticarum traditionum studiosissimo in eam sententiam dicuntur, qui indignissimè tulisse videtur, etate sua in quibusdam ecclesiis oblatas panis, quæ prisca ecclesia consuetudine ad usum sacrificii ad mensam Domini à populo fideli offerebantur ad imaginem nummorum, & tenuissi-*

nam quandam atque levissimam formam à veri panis specie alienam fuisse redactas. Quare per contentum minutias nummularias oblatarum appellat, imaginariam & umbratilem levitatem in tribuit, & indignas esse panis vocabulo pro sua tenuitate, ac propter eas officium atque religionem ecclesiastici officii multum per omnem modum confundi asserit, pluribusq; & acerbioribus dictis eas infectatur. Rectè profectò. Nam neque nomen panis, neque res ipsa istis orbiculis convenit. *Non nomen*: quia panis dictus est à pascendo, quod pascat homines, famemque pellat. Id verò non convenit istis orbiculis. *Non res ipsa*: Nam

1. Panis est communissimum illud alimenti genus, quod ex farina cum aqua subacta pinfi consuevit. At hostia neque alimentum est: neque est alimentum communissimum, cum ne commune quidem sit: neque farina sufficiens cum aqua ita subigitur, ut massa solida inde existat: denique non pinfitur, ut panis pinfi consuevit.

2. Panis est nutrimentum nobilissimum, cui præ vino deferretur prædominium; & firmat vires potentissimè. At nihil horum est in hostia.

3. Panis tenet primas inter cibos hominibus datos; est cibus homini maximè necessarius; eo utimur maximè; est hominibus maximè communis; habet substantiam bene crassam, & boni succi; cum substantia nostra bene agglutinatur; est pro omnibus cibis; est symbolam omnis escæ; est quotidianum & ordinarium corporis nutrimentum. Quid verò horum in hostia?

4. Materia panis est farina sufficiens:

commoda proportionem ad formam & finem determinata, hoc est, farina in quantitate certa ad esum & usum nutritionis & refectiois sufficiens, & cum aqua ritè subacta, igneque percocta. Quæ non cadunt in hostiam.

5. Partes integrales panis sunt tres: videl. basis inferior, sive solum paniceum; pars interior, sive medulla panis; & denique pars superior, sive crusta. Nulla verò harum partium in hostia deprehenditur.

6. Optimus panis & saluberrimus est, qui plurimum fermenti, plurimumque salis habet, qui que plurimum est subactus & elaboratus, ac in clibano moderatè calido est affatus. At hostia ita parantur: Tabula ex ferro, & quidem duplicata adhibetur, cujus interior superficies lardo, aut alia quadam pingvedine inungitur. Postea infunditur massa fluida instar liquoris, aut feri: quippe ex tenuiore & pauciore farina, accedente aqua, vel lacte. Massa ista non subigitur, sed cochleari hinc inde moratur in olla. Tandem liquor iste infunditur ferramento inuncto & calefacto, quod utraque tabula compressa, minutias illas hostiarum subito producit.

7. Quinque sunt proprietates panis: ut bene nutriat, ut solidum exhibeat alimentum, ut gustu sit jucundus, atque etiam non faciliè corrumpatur, inventu verò sit facilis. At horum nihil cernere est in hostiis: quippe quæ nullo modo nutriunt, & gustu sunt injucundæ, & faciliè corrumpuntur affusa aqua, & denique non parantur in omnibus locis.

8. Pro-

8. Proprietates hostiarum sunt: quòd ferè sunt insipidæ; quòd non spirant odorem pani convenientem; quòd sunt lentæ ac viscidæ; quòd iis literæ obfignantur; quòd folia chartarum per hostias ita compinguntur, non aliter atque per gluten; quòd aded sunt subtiles & tenues, ut etiam à ventis dissipentur, quod interdum in administratione sacræ cœnæ accidisse novimus, unde à quibusdam appellantur nebulæ, denique quòd exhibent speciem denarii. Quare placet adscribere sententiam Honorii Presbyteri Augustodunensis: *Fertur quòd olim sacerdotes è singulis domibus vel familiis accipiebant farinam, quod adhuc Græci servant; & in dominicum panem faciebant, quoniam propopulo offerebant, & hunc consecratum eis distribuerunt. Postquam autem ecclesia numero quidem augebatur, sed sanctitate minuebatur, propter carnales; statutum est, ut qui possent singulis dominicis, vel tertiâ dominicâ, vel summis festivitibus, vel ter in anno communicarent. Et quia populo non communicante non erat necesse, panem tam magnum fieri, statutum est, eum in modum denarii formari vel fieri; & ut populus pro oblatione farina, denarios offerret. Durandus pro more suo hujus figuræ rationem comminiscitur in Rationali l. b. 4. cap. 4. In modum denarii formatur, tum quia panis vita pro denario traditus est, tum quia idem denarius in vinea laborantibus in premium dandus est.*

9. Panis odoratu præstantissimus habetur. Unde valenti vino imbutus & naribus admotus cor mirum in modum recreat ac roborat. Imò verò & solo ejus olfactu vitam ad aliquor dies sustenta-

ram legimus: ut in vita Democriti testatur Diogenes Laertius. Hujusmodi odor monstretur in hostiolis.

10. Panis est commune & quotidianum alimentum, quod mensis apponitur, & aliis cibis manducandis adhibetur, & dentibus atteritur, atque in ventriculum demittitur. At hostiæ ore exceptæ illicò colliqueſcunt, aut palato adhærescunt, & tandem veluti evanescent. Unde nec mensis apponuntur, neque cibis aliis manducandis admiscuntur.

11. Panis famem depellit, & esculentorum atq; poculentorum firmissimum & probatissimum est vinculum, ut sunt verba Georgii Bertini de alimentis lib. 9. cap. 3. Unde sacræ literæ sub nomine panis omne genus alimenti comprehendunt. Sed hostiæ famem non pellunt: quia sunt nimium tenues, nec satis percoctæ: sunt insuper lentæ ac viscidæ instar glutinis.

12. Panis non solum nutrit, sed etiam confirmat & roborat corpora hominum & bestiarum. *Psal. 104. 15. An verò hoc idem præstant hostiolæ?*

13. Panis est *ἡμετερον*, hoc est, *τοῦτον τὴν ἐφημερον ζῶν τῇ ἐξίᾳ ἡμῶν ἀνήκει*, ut explicat Basilus in quæst. id est, *ad quotidianam vitam substantia nostra commodus & utilis.* At hoc non potest dici de hostia.

14. Medici panem crebrò in praxi adhibent, quando ipsum modicè tostū, nucis myristica affricata, sanis & ægris propinant; vino intinctum patientibus deliquium animi exhibent; ex eodē cataplas-



ma parant &c. Legatur hac de re Plinius, qui lib. 22. cap. 25. ait: *Pani ipse, quo vivitur, innumeras penè continet medicinas.* Inspice locum. Sed hostiæ ita non usurpantur in medicina: sed sunt involucria & quasi vehicula pilularum, quas aliàs ægrè & cum nausea ingerunt egroti.

15. Hostiæ neque ab Hebræis, neque Græcis, neque Latinis vocantur panes, sed distinctis appellantur nominibus, & à probatis authoribus ad nullum panis genus referuntur. Eant itaque nunc hostiarum patroni, & iidem hostes panis cibarii à Christo & primitiva ecclesia in eucharistia adhibiti, & mordicus contendunt hostiolas suas panem esse. Sed habent, quod objiciant ex Epiphanio, qui author est jam suo tempore panem *σπογγυλοειδῆ καὶ ἀναίσθητον* mensæ Domini fuisse impositum. Quis, inquiunt, hoc loco panis intelligi potest præter hostiam, quippe quæ rotunda est, & ita subtilis, ut sensum effugiat. Verùm enim verò glossa ista est violenta. Nam 1. Epiphanius fuit episcopus Græcus in Insula Cipro. At verò Græci nunquam hostias infermentatas receperunt, ac ne nunc quidem recipiunt. Constat enim ex historia ecclesias Latinas & Græcas post annos 600. & plures ab ætate Epiphanii, circa annum Ch. isti 1054. de pane fermentato & infermentato contendisse, & mutuis excommunicationibus pugnasse. Quomodo itaque Epiphanius, episcopus Græcus, infermentatas hostias probare potuit? 2. Vox *σπογγυλοειδῆς* non significat rotunditatem nummularum, qualem habent hostiæ, sed rotunditatem sphericam, qualis est panis similæ, vel teretem, qualis

est panis oblongi. Itaque Epiphanius loquitur de pane rotundo, grandi, & fermentato, sive rotunditatem sphericam habuerit, sive teretem, qualis est τῶν σπογγύλων. 3. Epiphanius vocat panem ἀναίσθητον, insensibilem; quæ vox non passivè est intelligenda, quasi sensu non percipiatur, sed activè, quòd sensus sit expers, seu facultatem sentiendi non habeat. Hanc esse mentem Epiphanii, sic patet. Quærit ibi vir sanctus, quomodo rectè dicatur homo conditus esse ad imaginem DEI, cùm non sit DEUS, neque spiritus, neque habeat in natura sua ea, quæ Deus habet, aitque hanc in sententiam: *Etiamsi homo non habeat Dei essentiam, vel naturam, nec sit Spiritus aut invisibilis, quemadmodum Deus: ex gratia tamen aliquas proprietates à creatore accepit, quibus ex parte aliqua Deum refert; & propter has proprietates homo appellatur imago Dei.* Declarat hanc responsum exemplo Cœnæ Dominicæ: *Panē, inquit, appellat Salvator ex gratia suum corpus; & tamen panis neque Deitati, neque humanitati ipsius similis est.* Panis enim est aliquid σπογγυλοειδῆς καὶ ἀναίσθητον, ὡς πρὸς τὴν διύαμιν, hoc est, forma rotunda, & sensus expers, quantum ad potentiam: Dominum verò nostrum novimus totum sensum, totum sensitivum, totum Deum, totum moventem, totum operantem. Sanè antithesis ostendit, quomodo panis in eucharistia adhiberi solitus dicatur ἀναίσθητος. Itaque hostiarum patroni etiam de hoc præsidio sunt depulsi. Sed in pauca conferamus, quæ fusiùs persecuti sumus. Hostiæ non sunt communissimum & nobilissimum nutrimentum; non fiunt ex sufficiente materia ordinata ad suam formam ac finem;

non

non habent partes panis integrantes; non pinuntur, subiguntur, & probè coquantur ut panis; nō saporem odoremq; panis, homini gratum & salubrem, emittunt; non adhibentur esculentis ordinariis; non nutriunt; non roborant corpus hominis; non sunt ἀρτοὶ θεοῦσι; non usurpantur in medicinā; denique à bonis authoribus non appellantur panis. E. hostiæ non sunt verus, cibus, & σιμωνίμωσι dictus panis.

**HOSPITALIA.** Sic appellātur loca, ubi pauperes alūtur. Numerantur a varia genera: videl. Xenodochium, Orphanotrophīū, Brephotrophīū, Bethotrophīū, (.locus ubi pauperes infirmi pascuntur & curantur.) Nosocomium, Gerontocomium, Ptochotrophium (.corruptè Tocotrophium.) Leprosarium, & Eleemosynarium.

**HOSTIA.** Est pecus, quæ mactatur sacrificanda: item ipsum sacrificium. In ecclesia etiam panis eucharistiæ dictus est *hostia*; quod sit sacramentum corporis Christi in hostiam oblatus. Alioqui totam sacram cœnam Patres aliquando θυσίαν, ἀναφορὰν, προσφορὰν προσέειπον, i.e. sacrificium, & oblationem, appellant: quia est sacrificii Christi recordatio & representatio. Cæterum, quando veteres panem eucharisticum appellant hostiam, non intelligunt oculos illos sive oblatas, quib. hodiè utuntur: sed verū panem, quali Christus est usus, quemque primitiva ecclesia in administratione cœnæ adhibuit.

**HUMANATUS.** Latini ecclesiastici scriptores imitati Græcos, Dominum ἐνανθρώπησιν dicunt *humanatum*, id est, humana carne indutum, hominem factum. Et sic *humanatio* est ἐνανθρώπησις, incar-

natio. *Humanitas* quoque Christi est ipsa humana natura: cū aliàs sit clementia, benignitas, facilitas homine digna. Porro legas etiā *Inhumanatus* pro *Humanatus*.

**HYMNUS.** Est carmen, peculiariter in Dei honorem. Nam ὑμνεῖν canere est, & laudes Deo ad aras dicere. Hymnus itaq; pro laudatione celebrationeque Dei gloriosa, acceptorum beneficiorum nomine, usurpatur: quod est ᾄσμα ὑμνῶν, καὶ δοξολογία πρὸς κρείττωνων. Apud Hebræos scripserunt hymnos Moses, David, Asaphus, Esaias, & alii. Apud Græcos, qui in veri Dei ignoratione versati sunt, celebrantur Orpheus, Linus, Homerus, Callimachus, & nonnulli alii: qui verò Christum agnoverunt, Clemens, Gregorius Nazianzenus, Synesius. Apud Latinos ethnicos Catullus, Horatius: Christianos, Hilarius, Ambrosius, Prudentius, Sedulius, Gregorius M. & alii. Ex his confectus est libellus hymnorum ecclesiasticorum, qui extat in *Breviario Christiano Adami Siberi*.

**HYPAPANTE, seu HYPANTE.** Sic appellatur solennitas diei secundæ Februarii; quæ ex duplici causa fuit instituta: Purificatione Mariæ, & Præsentatione Christi. Unde etiam appellatur Festum Purificationis & Præsentationis. Cur autem appellatum fuit Hypapante? Quia Simeon & Anna eo die obviam processerunt Domino, dum præsentaretur in templo. Nempe ὑπαπάντω, sive ὑπαπαντίω est occurro, obviam eo. Hinc etiam dicitur festum Simeonis & Annæ. Sigebertus in Chronico appellat festum obviationis & occursum. Institutum fuit anno Justiniani decimoquinto, ut idem Sigebertus tradit in Chronico an. 541.

Ἑπαγορεύειν. Hoc verbo utitur Socra-

tes libr. 4. cap. 25. loquens de Didymo. Est autem *ὑποκριτής* per notarios commentari. Sic Eusebius libr. 2. Chronic ad an. 2387. ait: *Didymus Alexandrinus multa de nostro dogmate per notarios commentatur: qui post quintum nativitatis suæ annum luminibus orbatus elementorum quoque ignarus fuit.*

*ὑπεροχῆς*. Hæc vox usurpatur 2. Petr. 2. 18. & Iud. vers. 16. Verti potest grandinugax, prætumidus, stupendus. Græcus *Daniel*. 11. 16. Hebraicam vocem *תִּנְיָא* vertit *ὑπεροχῆς*, prætumida grandia, occulta, mirabilia, stupenda, prodigiosa, perplexa. Qua voce Daniel universum doctrinæ Antichristianæ genus comprehendit. Atque hic est *Quasi-Mons*, de quo *Apocal.* 8. Quo nomine intelligitur ambitiosa & sublimis speculatio, quâ canon Scripturæ est corruptus. De voce *תִּנְיָא* memineris, illam adverbialiter & nominaliter usurpari. Adverbialiter *Dan* 8. 24. nominaliter *Daniel*. 11. 36. Utrobique notantur Antichristi dogmata, illorumque occulta & prodigiosa vis in seducendis & velut effascinandis hominibus: quæ in stupendo ceremoniarum apparatu in primis est evidens.

**HYPOCRITA.** Hebræi hypocritas vocant *פְּסֵלִים* q. d. faciales sive personatos: qui videl. vultu, gestuque composito exprimere student pietatis & humanitatis speciem eximiam, cum intus sævissimis iræ, odii, invidiæ, stimulis agitentur. Et eleganter sibi respondent vox Hebræa & Græca. Nam *ὑπόκρισις* propriè est histrionis, alienam personam repræsentantis: ita ut sit fictio personæ in theatro. Unde *Isidorus libro decimo*, ait: Nomen autem hypocritæ tractum est à specie eorum, qui in spectaculis contextâ facie incedunt: distinguentes vultum cæruleo mi-

nioque colore, & cæteris pigmētis, habētes simulacrum oris, lintea gypsata & vario colore distincta, nonnunquam & colum & manus perungentes, ut ad personæ colorem pervenirent, & populum, dum in ludis agerent, fallerent, modò in specie viri, modò in fœminæ, modò tonsi, modò criniti, anili & virginali, cæteraque specie, ætate sexuque diverso, ut fallant populum, dum in ludis agunt. Quæ species argumenti translata est, in iis, qui falso vultu incedunt, & simulant, quod non sunt. Nam hypocritæ dici non possunt, ex quo foras exierint.

**HYPOSTASIS.** Adverbium est substantia, seu actus, quo aliquid *ὑφίσταται*, *subsistit*. Sed ulus tulit, ut hypostasis significet id ipsum, quod subsistit, τὸ ὑφίσταμενον, seu persona. *Hebr.* 1. Ita in sancta Trinitate dicuntur *τρεῖς ὁμοῦσσις ὑποστάσεις*, tres coessentialis hypostases sive persona. *Dionysius ἐν ἑαδὰ τρισυνόπτων* dicit unitatem essentialis, in qua tres hypostases. Alio etiam significato *ὑπόστασις* est res solida & invicta: ut cum fides salvifica *Heb.* 11. dicitur *ὑπόστασις καὶ ἐλεγχος*.

**HYSSOPUS, sive HYSSOPUM.** Est nomen fruticis seu arbusculæ in Palæstina, & parvæ herbæ apud nos. Hæc distinctio inter hyssopum Judæorum, & nostratem inde probatur. *Iosephus libro octavo, capite secundo*. de libris à Salomone scriptis loquens, hyssopum appellatione arboris complectitur, his verbis: καὶ ἐκαστον εἶδος δένδρου καὶ ὕσσου εἶπεν, ἀπὸ ὑασώπῃς ἕως κέδρου, De quaque specie arboris, parabolam dixit, ab hyssopo usque ad cedrum. Et in Hebraicâ veritate, eo, quem his verbis expressit *Iosephus*, loco, extat vox *יִשְׁשׁוּב* quæ utique arborem significat. Huc accedit, quòd *Iohan.* 19. v. 29. dicitur, milites spon-



giam implevisse aceto, atque eam hyssopo circumposuisse. (Syrus vertit: *Posuerūt super hyssopo.*) pro quo apud *Matth. c. 27. v. 48. & Marc. 15. v. 36.* est, illos spongiam aceto implese, & illam καλάρω, *arundini*, circumposuisse. Eadem utrobique est locutio, eadem verba: nisi quod *Matthæus* & *Marcus* καλάρω dixerunt, *Johannes* ὑσώπω. Itaque hyssopus tantæ fuit crassitiei & altitudinis in Judæa, ut bacilli ex ipso concinnari potuerint. Deinde Rabbini enumerant septem species hyssopi: è quibus una appellatur *Abratha*, quam nonnulli putant esse Græcorum & Romanorum abrotonum: cujus duo genera sibi nota fuisse scribit *Plin. lib. 21. c. 21.* Utrique amaritudinem absinthii tribuit. Fortasse igitur hanc hyssopi speciem spongiæ aceto plenæ adjunxerunt milites: ipso etiam, ut videtur, ejus succo in spongiam expresso: idq; eo consilio, ut potionem Domino pararent penitus amaram, penitus ingratam. Itaq; & spongiam & hyssopum concinnarunt, ut postquam extremum arundinis ori Christi esset admotū, quidquid sugeret liquoris, abrotoni amaritudine magis magisque inficeretur. Sūt qui rosmarinum fuisse putant: quod hæc plāta aspersioni sacrificiorum, adeoq; aspergillis conficiendis, sit aptissima. Sed cur milites rosmarinum Christo porrigerent? *Camerarius*, quia existimavit hyssopum esse minorem, quàm ut inde arundo fieri potuerit, apud *Johannem* putat legendū ὑσώπω περιελάυντες, *extremo pilo circumdātes*. ὑσώπος pilum est, Romanæ militiæ proprium armorum genus. Sed pilū Romanum crassius fuit, quàm ut usum arundinis commodè præbere posset. *Cyrellus* & *author tragædia Christus patiens*, dicunt, plures fuisse impietatis ministros, & alios ca-

lamo, alios ligno hyssopi usos esse.

**JACOBUS.** Duo Apostoli celebrantur hoc nomine: *Jacobus Zebedæi F. Johannis Evangelistæ frater*, occisus ab *Herode Agrippâ Aristobuli F. Magni N. Alter filius Alphei*, cognomento *Justus*, vocatus frater Domini, ab *Ananiâ Pontifice* interfectus, regnāte *Nerone*. *Jacobus* iste posterior à *Dionysio de divinis nominibus ca. 3.* appellatur ἀδελφός Θεοῦ, his verbis: παρὴν δὲ καὶ ὁ ἀδελφός Θεοῦ Ἰάκωβος καὶ Πέτρος, ἡ κορυφαία καὶ πρεσβυτάτη τῶν θεολόγων ἀκρότης, *Aderat verò Iacobus filii Dei frater, & Petrus, supremus atque antiquissimus theologorum apex*, i. e. ὁ κορυφαῖος τῶν θεολόγων summus. Quod elogium nō stabilit monarchiam, nescio quam, sed honoris præcellentiā denorat.

**J. A. H.** Est ex nominibus veri Dei, contractum ex nomine יהוה: & scribitur cū mappic, מַפִּיץ, tum seorsim, tum in nomine *Halelujah*, הַלְלוּ יְהוָה: vel sine mappic, ut in fine nominum propriorum. Ibi enim nūc est יהוה, nunc יהוה. Significatio huius nominis est eadem, quæ יהוה, de quo paulò post. Breviter: Notat Deum esse à se, & essentiam largiri omnibus, & denique facere ut promissa sua sint, hoc est, certò impleantur.

**JANITOR.** In V. T. erat gradus hierarchicus janitorum templi. 1. *Chron. 9. 15. 16. 23. & 26. 2. Chron. 8. 23. 31. 34. & 35. Esdr. 2. 7. & 10. Nehem. 7. 10. 11. 12. 13. Esth. 2. & 12. Ezech. 44.* Sic in ecclesia N. T. ostiarii constituunt ultimū gradū hierarchicū.

**JOHANNES & JAMBRES.** *Nathan* author lexicij juris Judaici scribit principes eos fuisse magorum Pharaonis, ac *Mosi* miracula edenti in *Ægypto* restitisse. *Numenius*, philosophus Pythagoricus, dicit, ἰαννὴν καὶ ἱαμβρῆν fuisse ἱερογῆματαις ἄνδρας, libro tertio, περὶ τὰ γὰρ τοῦ.

Hos.

Hos intellexit Artabanus, cum scripsit Pharaonem advocasse, quos Mosi opponeret πύς ἱερεῖς πύς ὑπὲρ μέμφιν. Cæterum πιαμβρῆς in Talmud legitur מרמב: & in vulgata Latina versione Mambres. Itaque videri possit ipsum fuisse δῶν-μον.

JAPHETH. Fuit filius Noë, quem putant fuisse Neptunum: quod non solum ex nominis affinitate, sed etiam ex eo colligunt, quod ei maris imperium obtigisse dicant. Per mare autem Scriptura intelligit Occidentalem orbis partem, quæ ea mari mediterraneo alluitur.

ICHTHYS. Græcis est piscis. Hoc nomine appellati sunt Christiani, vel ab acrostichide Sibyllinâ ἰχθὺς, quæ significat ἰησοῦς χριστός θεὸς υἱὸς πατρὸς; quod Christianorum hæc esset fides & professio: vel à lavacro baptismi, quod essent aqua benedicta aspersi: vel quod aqua pœnitentiæ semper abluerent peccata, sicut pisces semper lavant.

IDOLIUM. Græcè εἰδωλεῖον est locus, ubi reponitur εἰδωλον, pari ratione ut μουσεῖον est locus τῶν μουσῶν. Occurrit i. Cor. 8. 10.

IDOLUM. IDOLOLATRIA. Εἰδωλα dicunt esse τῶν οὐχ ὑφ' ἐσώτων μιμήματα, rerum non existentium simulacra, ut Chimæra: ὁμοιώματα autem, id est, imagines, τῶν ὑφ' ἐσώτων εἰκασματα, rerum subsistentium effigies, ut est imago Caroli Imp. Sed in ecclesia idolum latius dicitur, ut constat ex illo Tertulliani de idololatriâ. Cum adest idolum, nihil interest, quale sit, qua de materia, qua de effigie, ne quis putet, id solum idolum habendum, quod humanâ effigie sit consecratum. Ibidem, ut hoc obiter moneam, eleganter ait, literaturam secularem esse insertam prædicationis

idololatriæ. Inserta est ornamentum, quod inseritur. Et rursus ibidem: Cæterum purpura vel cætera insignia dignitatum inserta, dignitati & potestatibus idololatriæ initio dicata. Isidorus libr. 11. ait: Idololatria idolorum servitus sive cultura interpretatur. Nam λατρεία Græcè, Latine servitus dicitur, quæ quantum ad religionem attinet, non nisi uni & soli Deo debetur. Hunc sicut impia superbia sive hominum, sive dæmonum, sibi exhiberi jubet, vel cupit: ita pia humilitas vel hominum, vel sanctorum angelorum sibi oblatum recusat, & cui debetur, ostendit. Idolum autem est simulacrum, quod humana effigie factum & consecratum est, juxta vocabuli interpretationem. εἰδωλον enim Græcè formam sonat, & ab eo per diminutionem idolum deductum: quod apud nos formulam facit. Igitur omnis forma vel formula idolum se dici exposcit. Inde idololatria, omnis circa idolum famulatus & servitus. Quidam vero Latine ignorantes, Græcè imperitè dicunt, idolum ex dolo sumxisse nomen, quod diabolus creaturæ cultum divini nominis loco invexit. In his verbis Isidori non est admittendum, εἰδωλον esse diminutivum ab εἰδωλον; idque, ut Bellarminus cōtendit, propter defectum representationis, quasi sit idolum rei, quæ non est, representativum. Nam ut Lorinus Jesuita in Act. 17. 16. reâè observat, vox hæc inter profanos authores æquè latè patet atque vocis εἰκων; & si Latinitate utramque donemus, eandem esse significationem idoli & iconis, sive imaginis. Quod porò addit, usu ecclesiastico in malam semper accipi partem, id & nos agnoscimus, & pro idolo habemus, nō solum externam imaginem arte factam, ad representandum

dum vel colendum numen, sive verum, sive fictum, sed etiam omne numen falsum, sine imagine, vel ab hominibus excogitatum, cum non sit, vel etiam si res aliqua sit subsistens, nempe creatura, cui divina æstimatio, vel cultus divinus tribuitur. Ista verò attributio divinitatis creaturis facta, est speculativa, vel practica, ut loquuntur Scholastici. Itaque qui creaturis divinitatem negant *speculativè*, quantum ad cognitionem pertinet; *practicè* tamen, id est, actu & re ipsa illis cultum religiosum exhibent.

Idumæa. Iosephus lib. 3. cap. 17. narrat quomodo Idumæi facti sint Judæi, integro ferè seculo ante regnum Herodis: *ὡς εἶναι*, inquit, *τὸ λοιπὸν τοῦδαίου*, aded ut ex illo tempore Idumæi sint Iudæi. Nam qui renuntiassent proprio gentis Idumææ Deo (. Coze ipsi nominabant, teste Iosepho lib. 15. c. 11. ) & ritus prioris idololatriæ antiquassent, circumcisionem denique & universum Dei cultum admisissent, cur nõ censerentur Judæi? cum præsertim à prima origine fratres Judæorum essent. Porro Idumæa per Alexandrum regem effecta est pars Judææ. Unde & Strabo Idumæam partem Judææ facit. Hinc liquet, Herodem non fuisse *ἀλλόφυλον*, alienigenam. Quò facit concio Herodis ad proceres Judæos, quos ita compellat apud Iosephum lib. 15. cap. 14. *ἄνδρες ὁμόφυλοι*, viri unius seu ejusdem gentis. Sanè contraria sunt *ἀλλόφυλος*, extraneus, diversa gentis; & *ὁμόφυλος*, qui ex eadem gente popularis, seu ut Glossæ veteres hanc vocem reddunt, *tribulis, congrex, gentilis*. Verum est, Herodes à prima stirpe fuit Idumæus: sed cujus maiores facti essent Judæi. Atque hæc causa est, quòd Iosephus de avo & patre Hero-

dis semper loquitur, ut de privatis hominibus, hoc est, qui inter Judæos privati censerentur, utpote alieni à familia sacerdotali. Nam apud Judæos illis temporibus, latente & quasi sepulta stirpe Davidica, una res erat, quæ genus nobilitaret, nempe sacerdotium, aut potius Pontificatus. Scribit Iosephus statim initio vitæ suæ: *Quemadmodum apud unamquemque gentem certum est aliquod argumentum nobilitatis; sic apud Iudæos sacerdotium nobilitat*. Qui igitur è familia sacerdotali non erant, utut opibus & potentia florerent, obscuri, ignobiles, & privati censebantur, atque ut Hebræi loqui amant *יְהוָה* populus terræ: & ejusmodi domus plebejæ ac privatæ dicebantur: sicut in Romanis historiis omnes appellantur *privati* præter Imperatorem.

JEHOVA. Principiò tenendum est, veteres Judæos non ex superstitione aliqua, ut hodiè posteri illorum faciunt, hoc nomen vulgo proferri noluisse: sed quòd *primum* in eo Christi mysterium agnoscerent, quatenus is tum adhuc à tergo Abraham, ut ita dicam, cognoscebatur *Genes. 22. 13.* Deinde, ut indicarent ea, per quæ Deus se eis revelasset, religiosè potiùs custodienda & observanda esse, quàm ut profano vulgi usui, aut humanæ disceptationi permitterentur. Quæ sancta & castissima consuetudo si in ecclesia N. T. semper observata fuisset, theologiam hodiè multò simpliciore habueremus, ambitiosæque contentionis, & scandalosissimorum certaminum minus esset. Sed recentiores Judæi nescio qua superstitione adducti dixerunt hoc nomen esse



ἀνεκφώνητον, ideoque sanxerunt, illud pronuntiandum esse Adonai. Sunt, qui existimant hoc nomen dictum esse ἀνεκφώνητον, certorum hominum respectu; scil. non ideo, quod ab Hebræis, & aliis similibus efferi nō possit, sed quod Græcis esset ineffabile. Hi quippe (quod mirum.) ne unam quidem hujus vocis litteram satis rectè scribere poterant, quia neque j neque v consonam habent, neque spiritum h in medio aut fine linguæ suæ scribunt. Audiamus Petrum Molinaū tract. de cognitione Dei: Judæi, inquit, ut docerent essentiam Dei esse inexplicabilem, ipsum nomen Dei voluerunt esse ἀνεκφώνητον, seu ineffabile, & quod humano eloquio usurpari non possit, nec debeat. Quod videtur Angelus innuere, qui & vocatur Deus, qui cum Jacob luctatus est. Nā petenti Jacobo ut nomen suum ederet, noluit obsequi, sed dixit, *Cur meum nomen rogas?* Sic & Angelus, qui perinde Deus appellatur, *Jud. 13.* Manoam Simsonis patre sciscitantem quod nā esset ejus nomen, hac oratione repressit: *Cur sciscitaris nomen meum? Est n. admirabile.* Hodie in Hebræis codicibus Dei nomē scriptum est J E H O V A H. Quod nomen videtur data opera scriptum à Rabbinis, ut nomen Dei, q̄ fronti cidaris summi Pontificis inscriptū erat, absconderetur. Nam Josephus, qui fuit Phariseus & sacerdos, lib. 6. belli Judaici testatur, nomen præfixū tiaræ Pontificis habuisse τῆς αἰγῆς φωνήεντα, quatuor vocales, & meris quatuor vocalibus constituisse, ut planè videatur hoc nomē fuisse, non *Iehovah*, sed *Iova*, pronuntiando I & U vocali sono. Quod ea vox *Iovis* ab ethnicis usurpata indicat. Nec multū ab hoc abscedit Diodorus Siculus, qui lib. 1. *Bibliotheca historica*, Deū Moſis ait Ιαὼ ap-

pellatum. At *Clemens Alexandrinus Stromatum libr. 5.* nomen illud πετραγεῖματον, quod circumscriptum erat tiaræ sacerdotali, dicit fuisse Ιαοῦ, quæ quidē vox iisdem vocalibus constat cum voce *Jovā*, sed aliter dispositis. Sed utut sit, aberrant toto cœlo, qui putant hac voce aut quacunq; alia Dei essentiam exprimi. Nulla n. vox dari potest quæ Dei, imò ne hominis quidem aut lapidis essentiam exprimat; cū nomina nulla sint essentialia. Hucusque *Molinaus*. Nostram super hoc nomine sententiam paucis aphorismis proponemus.

1. Certum est, hoc nomen esse effabile. Nam absurdum & ridiculum est, nomen scribere, quod nemo possit effari.

2. Certum est, veteres tenuisse veram pronuntiationem nominis hujus. Sicn. Philo de vita Moſis: κρυπτὸν δὲ πέταλον ὡς αὐτὸς σέφανος ἐδημιουργεῖτο, τὴν αἰγῆς ἐχὼν γλυφαῖς ὀνόματος, ὃ μόνους πῶς ᾠτᾷ καὶ γλῶτταν σοφία κεκατηρμῆτοῖς θέμις ἀκούειν καὶ λέγειν ἐν ἀγίοις, ἄλλω δὲ οὐδενὶ τὸ πρὸς ἑαυτὸν ὀνόματι. Et Judæorum traditio est, nemini licuisse hoc nomen concipere, præterquam Pontifici Maximo, idque decima Tisri, & quidem ἐν ἀγίοις. Itaque vera pronuntiatio nominis hujus non fuit ignorata. ὅπερ ἰδεῖ δεῖξαι.

3. Certū est, veteres Judæos ante Christum abstinuissē à promiscua hujus nominis prolatione, non superstitione, sed religione. Vide quæ sub initium attulimus de hoc nomine.

4. Certum est, recēiores Judæos, post Christum, inter alia de hoc nomine cōmentā, & hoc prodidisse, q̄ sit ineffabile.

5. Certum est, hoc nomen significare essentiam. Philo siquidem libro de vita Moſis יְהוָה interpretatur ὄνομα ὄντος.

6. Cer-

6. Certum est *Iah* in voce *Halelujah* cōtractum esse ex nomine יהוה.

7. Certum est Johannem *Apocal.* i. v. 4. explicare nomen Dei per hæc, ὁ ὢν, καὶ ὁ ἦν, καὶ ὁ ἐρχόμενος: *Eccl.* 16. v. 5. ὁ ὢν, καὶ ὁ ἦν, καὶ ὁ ἐσόμενος. Nam in nomine יהוה sunt notæ τῆς τελευτῆς τοῦ χρόνου, quæ æternitatem indicant, hoc modo: יהוה fuit, יהוה est, יהוה erit. Ecce *jod* futuri, *holem* præsentis, *comets* præteriti est indicium.

8. Certum est nomen יהוה & יהוה eandem habere radicem, ratione significationis. Nam ut יהוה sic יהוה significat esse.

9. Certum est, Diabolum æmulatum esse hoc Dei nomen, quando foribus templi Delphici præcepit inscribi vocem Εἷς, Εἷς; quam mentitus est suum esse nomen.

10. Certum est, vestigia nominis יהוה occurrere apud ethnicos, item apud Samaritanas. De Samaritanis author est Theodoretus, illos pronuntiasse *Ιαβαί*, quasi יהוה vel יהוה. Orpheus & Diodorus Siculus *ιαώ*, & *ιαώ*, alii *ιαώ*, alii aliter pronuntiarunt.

11. Apud Epiphanium legitur *ιαβέ*, inter Dei nomina: quæ exponit ὁ ἦν, καὶ ἐστίν, καὶ ἔσται. Quidam etiam legunt *ιαβὰ*.

12. Verisimile est nomen *Iovis* (qui quidem vetus nominativus fuit.) ex יהוה expressum esse: ut constare potest ex illo Apollinis Clarii oraculo apud *Macrobiū* lib. 1. *Saturn.* c. 18.

Φερίξο τῶν πάντων ὑπατον θεὸν ἐμμενέ  
ιαώ

Dic omnium supremum Deum esse *Iao*:

Addit, *Hyeme quidem Platonem, Iovem autem vere incipiente.*

Solem verò æstate, autumnō aut̃ ὡς γὰρ *ιαώ*.

13. Certum est, nomen יהוה aliquid ampli⁹ significare quæ essentia Dei. *Exo.* 6. v. 2.

14. Verisimile est septem vocales Græcorum sic exprimere hoc nomen *ι ε [η] ω [ο] υ α*. Sic profectò optimè potest explicari oraculum:

Καὶ σφόδρα, καὶ καθ' ἑκάστην αἰὲν ἐπ-  
τακιφώνον.

Et epigramma illud:

Ἐπὶ τὰ μεφωνήεντα θεὸν μέγαν ἀφθιτον  
αἰνεῖ

Γεθύμματα τῶν πάντων ἀκάματον  
πατέρα.

Εἰμὶ δὲ ἐγὼ πάντων χέλυσ ἀφθιτος, ἡ τὰ  
λυρώδη

Ἑρμωσάμην δίνης ἔρανόιο μέλη.

His ita præmissis concludimus 1. nomen יהוה pronuntiandum esse vel *Iehovah*, vel *Iehveh*, vel *Iahveh*, vel *Iihveh*. 2. hoc nomen dici essentiale, quod essentiam Dei notet, hoc est, illum *per esse*, ut est verbum apud Gregorium, significat. 3. hoc nomen essentiam Dei sic notare, ut non solum æternitatem, sed etiam efficacitatem & veracitatem notet. Æternitatem; quia notat Deum esse à se, ab ævo in ævum. Efficacitatem; quia notat Deum dare τὸ εἶναι creaturis. Veracitatem; quia notat Deum dare εἶναι promissionibus suis. Quod postremum innuitur *Exod.* 6. vers. 2. Ita hodiè possumus dicere: Deus nobis apparet nomine *El schaldai*, sed nomine suo *Jehovah*, jam nunc non cognoscitur: quia scilicet nos exercet variis pressuris. Sed concludamus hanc meditationem, & uno verbo dicamus: Solus Deus est *Iehovah*, id est, ὁ ὢν καὶ οὐσῶν, αὐτῶν καὶ οὐσιονοῦς ἐν κόσμῳ καὶ ἐκκλησίᾳ. Ipsi sit laus & decus in omne ævum, Amen.

*JEHOVA ZEBAOOTH*. Est nomen Dei, notans Deum exercituum, cœlestium

videl. & terrestrium, quasi dicas, Armipotens. In hymno quodam redditur, *Rex virtutum.*

*Ἱεροερχικὴ πλεμπή.* Dionysius hierarch. *eccles. cap. 3.* Sacramenta hoc nomine insignit. q. d. sacras teletas seu initia.

*Ἱεροτελεστικὴ πρᾶγματεία.* Dionysius hierarch. *eccles. c. 3.* Sacramenta hoc nomine appellat q. d. uniuscujusque sacrae initiationis operationem.

**JEROSOLYMA.** Hæc vrbs in scripturis dicitur medium terræ, vel in medio terræ sita *Ezech. 5. 5.* & *Psal. 73. 13.* item umbilicus terræ *Ezech. 38. 12.* Quod verum est non solum de terra Judææ, sed etiam de orbe habitabili veteribus cognito.

**JEJUNIA SABBATICA JUDÆORUM.** Pagani scriptores non semel usurpant hanc phrasin. Nam illi ex ignorantia rerum Judaicarum sibi persuaserant, Judæos sabbatis jejunare. Nisi malimus dicere vocem *σάββατον* synecdochicè poni pro septimana. Quo sensu accipi debet quod Pharisæus *Luc. 18.* ait, se bis jejunare in Sabbato.

**JEREMIAS.** Multi leguntur hoc nomine in V. T. Nam avus maternus Sedekiz sic fuit appellatus *1. Reg. 24. 18.* *Ier. 52. 1.* item Manassita, vir magni nominis *1. Chron. 5. 24.* item strenuus miles, Davidis tempore *1. Chron. 12. 10.* & alius miles *ibid. v. 13.* item Propheta, cujus vaticinium extat in eanone; denique sacerdos quidam, post reditum ex captivitate *Neh. 12. 1.* Sunt etiam, q. d. Prophetæ Zachariam sic appellatū esse scribunt, argumento loci, qui est *Matth. 27. 5.* ubi tñ alii vitium librarii esse cōtendūt. Et i a quidē Ierosolyma, ppriè accipit. Porro hæc vox allegoricè est pictum purè Deo servientium cœtus, qui di-

citur ecclesia militans. *Psal. 147. 12. Cant. 1. 2. 3. 5. 6. 8.* & anagogicè ecclesiam in cœlistriamphantem *Gal. 4. 26.* *Hebr. 12. 22.* *Apoc. 3. 12. cap. 21. v. 2. 10.* In Hebræo est *עֲדָרָה*, terminatione duali: quod sit duplex Jerusalem, superior & inferior. Hieronymus semper τὰς Ἱεροσόλυμας, non τὴν Ἱεροσόλυμα scribit. Vide Iosephum Scaligerum notis ad Euseb. num. 1978. Notatio vocis non est Græca, quasi sit *ιερον τοῦ Σολομῶντος*, sed Hebraica, q. d. visio pacis: quod nomen est mysticum.

**JEJUNIUM.** *Νηστεία, αἰστία.* propriè est ciborum defectus, vel abstinencia: item afflictio animæ per jejunium: denique laxiore significatione, abstinencia à cibis lautioribus, esuq. carnium. Theodoretus eleganter ait, ἀληθὴς νηστεία ἡ διηνεκὴς ἐνδεα. Cæterum jejunia vel divinitus auctoritatem habent, ut Moysis, Eliæ, Christi, quæ futuri officii, functionisq. gratiæ fuerunt suscepta: vel indicantur publicè à magistratu, ut à Josaphato, & rege Ninevitarum; aut privatim, ut cū sibi quisque eorum necessitatem imponit, ut Davidis, Danielis: vel denique Pharisaica sunt, & superstitiosa, de quibus illud dici potest:

*Nil nequam edit, & nil bibit, impiusque Daemon:*

*Ieiunus & est, nec meliorq. sanctiorq.* Ei enim culpa adest, cibus deest, ut est apud Isidorum. Verum itaque jejunium est, *νηστὶς κακότητος*, à malis consiliis & facinoribus animum & mentem abstinere. Quam ad rem non parum conducunt jejunia ordinariè vel extraordinariè suscepta. Nam ἡ πολυσκενία ἀφορμὴ πρὸς αἰμαγίαν ut ait Basiliius. Itaque jejunium externum est magnificiendum, non ut meritum, sed ut disciplina, quâ

*Subj-*



*Subjugatur luxur, & turpis gula*

*Libido sordens, in verècundus lepos,*

*Variæq; pestes languidorum sensuum,*

*Ut canit Prudentius: & ut idem alibi,*

*Parcis victibus expedita corda,*

*Infusum melius Deum receptant.*

Itaque jejunandum, ut corpus castigetur, & in servitutem redigatur, ut est apud Apostolum 1. Cor. 9. Hæc disciplina abstinentiæ valde commendatur à doctoribus ecclesiæ: & quidem nonnunquam *ὑπερβολικώτερον*. Et si enim huic, quam dixi, disciplinæ omnes Christianos dare operam decet, cum in omni vita, tum iis præcipuè diebus, quæ festorum celebratae præcedunt, item quoties impendet magna calamitas: cavenda tamen hæc est *κακοζηλία*, & opinio cultus, in primis meritarii. Meminerimus hæc illud *Cypriani* de piis suis antecessoribus: Quoties à Deo aliquid obtinere conabantur, jejunii incubuè: e, & lachrymis, & pernoctantes in orationibus, ciliicii carni hærentibus supplices beneficia postularunt. Sed fufius paulò persequamur naturam & usum legitimi jejunii. Verum jejunium non tam in abstinètia à certis cibis, quàm in abstinètia moderata ab omni cibo & potu, & in primis à peccatis consistit, juxta has Patrum sententias: *Hieronymus tom. 1. epistola ad Nepotianum*: Tantum tibi jejuniorum modum impone, quantum ferre potes. Sint tibi pura, casta, simplicia, moderata, & non superstitiosa jejunia. *Idem epistola ad Demetriadem virginem*: Neque verò immoderata tibi imperamus jejunia, & enormem ciborum abstinèntiam, quibus statim corpora delicata fråguntur, & antè agrotare incipiunt, quàm sanctæ conversationis jacere fundamenta. *Philosophorum quoque sententia est, μεσότηας*

*ἀρετῆς, ὑπερβολὴς κακίας εἶναι*. Et paulò post: Sic debes jejunare, ut non palpites, & respirare vix possis, & comitum tuarum, vel portoris, vel traharis manibus, sed ut fracto corporis appetitu, nec in lectione, nec in psalmis, nec in vigiliis solito quid minus facias. *Basilii Magni de jejunio, concione 1.* Nectamen in sola ciborum abstinèntia jejunii bonitatem termines. Verum enim jejunium est ab alienatio à malis. Solve omne injustitiæ ligamentum, remitte proximo afflictionem, dimitte ipsi debita: ne ad lites forenses & contentiones jejuneris. Carnibus non vesceris, sed comedis fratrem: à vino abstines, sed injuriis non dominaris: vespèram expectas ad sumendum cibum, sed diem in foro judiciali consumis. Væ qui ebrii estis non à vino. Ita ebrietas est animæ; desipientem ipsam faciens velut vinum. *Chrysostomus homil. 3. ad populum Antiochenum*: Jejunium autem dico, non hoc vulgare; sed accuratum jejunium: non tantum ciborum abstinèntiam, sed & peccatorum. Et paulò post: Honor enim jejunii non ciborum abstinèntia, sed peccatorum fuga. Itaque ciborum abstinèntia tantum jejunium definiens, hic est qui maximè ipsum vituperat. Jejunas? Demonstra mihi per ipsa opera. Qualia, inquis, opera? Si pauperem vides, misere: si inimicum videris, cõciliare: si amicum laudabiliter agentem videris, ne invidas: si mulierem speciosam videris, transcede. Non enim os tantum jejunet, sed & oculus, & auditus, & pedes, & manus, & omnia corporis nostri membra. Jejunent manus à rapina & avaritia munda: jejunent pedes ad illicita spectacula cursum reprimentes: jejunent oculi discantes nunquam formosis obtutibus

infiltrare, nec alienas curiosè pulchritudines spectare. Cibus enim oculorum spectatio: sed si illegitima sit & prohibita, jejuniò nocet, & omnem animæ salutem subvertit: si verò legitima & concessa, ornat jejuniū. Etenim absurdissimum esset, cibis & concessa abstinere esca per jejuniū, oculorum verò prohibitam attingere. Non comedis carnem? Neque lasciviam per oculos haurias. Jejunet & auris. Aurium autè jejuniū, detractio- nes & calumnias non suscipere. Et paulò post: Jejunet quoque os à verbis turpibus & convitio. Quæ enim utilitas, cum a- vibus quidem & piscibus abstinemus, fratres verò mordeamus & comedamus? Detrahens, fraternas carnes comedit, proximi carnem momordit. Et mox: Non infixisti dentes carni, sed animæ maledictum: improbam suspicionem infixisti: vulnerasti: innumeris affecisti malis, & te ipsum, & illum, & alios plures. Ex his intelligere est, externum, sive corporale jejuniū esse suscipiendū ἀσκήσεις πνευ- μαλικῆς ἐνείκα, ut exercitium & discipli- nam convenientem sanctitati religionis, adeoq; ut medium sobrietatis, de qua re- cte dicitur:

Ταμεῖον ἐστὶ ἀρετῆς σκορποῦ καὶ βρομῆς,  
Virtutis est humana sobrietas pennis.

Imò & virtutis divinæ, seu spiritualis. Nā cum corpora cibo & potu onusta sunt, fieri non potest, quin mens quoq; opprimatur, ut animus ad cogitatione cōprehendēdas res divinas minùs sit idoneus. Indicamus itaq; nobis subinde jejuniū disciplinæ gratia, nō cultus placandi Dei causa, hoc est, idoli & divini quasi Numinis constituendi in ecclesia. Meminerimus jejuniū consistere non in ciborum tantum abstinencia, sed omnium voluptatū

repudiatione: præterea abdicazione odii, insidiarum, consiliorum nefariorum, & quæ sunt ejusdem generis.

**JESUS.** Est servator, sive potius salva- tor: qui conservat, qui dat salutem. Notat officium Christi, & connotat personam. De hoc nomine *Julius Caesar Scaliger* *Epi- dorp.* ita canit:

Omnibus, & nomen ineffabile titulis:

Nominis aura, salutaris nomen amoris:

O vita stabilia fundamenta renata;

Vnum bona concilians nomen, ima summis:

Nos irradiat numine splendentis **JESU.**

Et Vidas:

— insigni genitoris munere adeptus

Praclarum, & dictis non enarrabile nomen,

Insolitum, evehit super omnia nomina no-

men,

Quod caelum, tellusq; tremunt, atque infera

regna.

Sed videamus etymon hujus nominis. *Iustinus Martyr Apologetico primo:* Ἰησοῦς, in- quit, ἡ ἀνθρωπίνη, ἡ σωτήριος ὄνομα ἡ σημα- ζία ἐστίν. **Jesus** & hominis, & salvatoris si- gnificationē habet. Hic habes etymū ge- minum; unum verum, quod Salvatorem significet (ita enim angelus interpretat.) alterum falsum, quod hominem, quasi sit ab Hebraico **ישו**. Allusio est apud *Epiphanium*, & alios, qui Ἰησοῦν interpretan- tur ἰατρον & ἰατρεα, medicum, καὶ τὸ ἰα- τρεα. *Andreas Osiander* in *harmonia evangelis- tarum* putat nomen **Jesus** esse **Johosua**, factum ex nomine **Jehova**, inserto **Schin**. *Castalio* super *Matth.* hoc nomē ducit à no- mine **Jeboah** & **Isch**, ita ut quæ admodum **Jesus** Deus & homo est, ita nomen ejus ex Dei & hominis nomine sit conflatum. Itaq; illi **Jesus** est idem, quod **Immanuel**, sive θεῶν μετὰ ἡμᾶς. Dicit autem se hanc no- tationem didicisse ex *cap. 15. Exod.* ubi dici- tur,

tur, Jehova ſch Milchamah, h. e. Jehova vir bellus: ubi illi vir bellicofus dici videtur, quoniam de Chriſto ſermo ſit, qui vir futurus erat. Sed & hoc utrumque etymon falſum eſt: quia  $\Psi\psi$  eſt  $\delta\acute{o}\varsigma\omega\nu$ . Ita Zach. 9. v. 9. Meſſias appellat  $\Psi\psi$ , i. e. ſalutem habens, vel ſervans ſeipſum à morte ſcil. & omnibus ſuis hoſtibus. Cæterùm alii quoq; ante & poſt Chriſtum habuerunt hoc nomē, ut videre eſt Colof. 4. 11. Sed nemo id habuit eo ſenſu, quo id Filius Dei gerit. Ita quoque David appellatur  $\Psi\psi$  alio ſenſu quàm Servator noſter. Nimirū Servator noſter appellatur Jeſus univoce,  $\delta\acute{o}\varsigma\omega\nu\kappa\alpha\iota\epsilon\nu\epsilon\rho\gamma\eta\tau\iota\kappa\omega\varsigma$ : quia eſt ipſa ſalus, & cornucopiæ ſalutis, de quo Ignatius epiſt. 6. ad Philipp. eleganter ait: Ἅγιος ὁ λόγος, ὁ ἑκ πατρὸς υἱὸς, δι' ἑκ πατὴρ πᾶν τὸ πεποιήκε καὶ τῶν ὁλων προνοεῖ. Οὗτος ἐστὶν ἡ ζωὴς πᾶν πατέρα αἰώνων ὁδός, ἡ πέτρα, ὁ Φεγγαμὸς, ἡ κλεῖς, ὁ ποιμὴν, τὸ ἱερεῖον, ἡ θύρα τῆς γνώσεως, δι' ἧς εἰσῆλθον Ἀβελάλμ, καὶ Ἰσαάκ, καὶ Ἰακώβ, Μωſῆς καὶ ὁ ſύμπας τῶν Φεγγαμῶν χορὸς, καὶ οἱ ſύλαιοι καὶ κόσμοι ἀπόστολοι, καὶ ἡ νύμφη τῆς Χριſτῆς πύλης, Φέρης λόγῳ, ἐξέχεε τὸ οἰκεῖον αἷμα, ἵνα αὐτὴν ἐξαγοράσῃ, Sanctum illud Verbum Filius Patris, per quem Pater fecit omnia, omnibusq; providet: hac eſt, qua ad Patrem ducit, via, hac petra, hoc ſeptum, hac clavis, hic Paſtor, hac hoſtia, hoc cognitionis oſtium, per quod ingreſſus eſt Abraham, Iſaac, Iacob, Moſes, & univerſus prophetarum chorus, & orbis columna apoſtoli, & ſponſa Chriſti, pro qua, dotis loco, effudit proprium ſanguinem, ut eam redimeret. Quæ cum ita ſint, unicum noſtrum votum ſit, Jeſum videre in hac vita per fidem, in futura per aſpectum. Etenim

Non eſt aliud gemino ſub fornice cæli,  
Sub utroque poli cardine, quàm nomen Jeſu,  
Quo certa ſalus maneat, ſpes certa ſalutis.

Ergo mihi te da, Pie, ſic poſſe vocare:

Humani generis amor, ſarta tecta, portus,

Aſſerta quies, præmia gratuita mundi.

Jeſu pie, Jeſu bone, miſiſſime Jeſu,

Oro, da te amare, tibi obſequi, ſoli:

Da te cernere hic, da te mihi cernere & illic.

Sic ſat mihi: nil ampliùs volo, cætera nil ſunt.

Absint, Omnia ſunt mihi nil præter Jeſum.

Ipſe eſt omnia: & omnia ſunt nihil ſine ipſo.

IGNIS. Inter alia eſt ſymbolum Spiritus ſancti: ut cum Johannes Matth. 3. ait, Ego baptizo vos aqua: ipſe (. Chriſtus.) vos baptizabit Spiritu & igne. Quàm ſententiam ita reddidit Scaliger:

Non ut ego abjecta fluvialis munere lymphæ,

Ex ſolvat veteris ſordentia crimina pœna:

Sed liquido afflatu, ac cæli fulgentibus auris.

Cæterùm omne officium Spiritus ſancti nobis ob oculos ponit hieroglyphicum ignis, ut patet ex ſequenti proſa Victori:

Qui procedis ab utroq;

Genitore, genitoq;

Pariter Paraclete.

Redde linguas eloquentes,

Fac ferventes in te mentes

Flammâ tuâ divite.

Amor Patris, Filiq;

Par amborum, & utriq;

Compar, & conſimilis

Cuncta reple, cuncta fove,

Aſtra regis, cælum moves,

Permanens immobilis.

Lumen clarum, lumen charum,

Internarum tenebrarum

Effugas caliginem.

Per te mundi ſunt mundati:

Tu peccatum, & peccati

Deſtruis rubiginem.

Veritatem notam facis,

Et oſtendis viam pacis,

Et iter juſtitia.

Perverſo-



Perversorum corda visas,  
Et bonorum corda ditas  
Munere scientia.

Te docente nil obscurum,  
Te presente nil impurum:  
Sub tuâ presentia.

Gloriatur mens jucunda:  
Per te lara, per te munda  
Gaudet conscientia.

Tu commutas elementa,  
Per te suam sacramenta  
Habent efficaciam.

Tu nocivam vim repellis,  
Tu confutas & revellis  
Hostium nequitiam.

Quando venis, corda lenis,  
Quando subis, atranubis  
Effugit obscuritas.

Sacer ignis, pectus ignis  
Non comburis, sed à curis  
Purgas, quando visitas.

Mentes prius imperitas,  
Et sopitas, & oblitas  
Erudis & excitas.

Foves linguas, formas sonum,  
Cor ad bonum facit primum  
A te data charitas.

O juvamen oppressorum,  
O solamen miserorum,  
Pauperum refugium.

Da contemptum terrenorum,  
Ad amorem supernorum  
Trabe desiderium.

Pelle mala, terge sordes,  
Et discordes fac concordēs,  
Et affer praesidium &c.

Hanc prosam illustrent sequentia.

Munera da lingua, qui das in munere linguas.

Arator.

Immortalis amor, nexu qui cuncta tenaci

Colligit, & Patri Natum conjungit amato.

Zanchus.

Alme veni, faciliq, veni, & miserere tuorum,  
Ponderibuz, leva fessos, & tolle per auras  
Sublimes animis, terrenamq, exue ruentem.

Idem.

In Concordantiis Latinis vulg. vers. hæc  
summatim adnotantur de voce Ignis.  
1. Est focalis, quo utimur. 2. Est extra-  
ordinariæ Dei præsentia symbolū. Exod.  
3.2.6.13.21.22. 3. Significat ipsum Deum  
Deut. 4.24.6.9.3. Hebr. 12.29. 4. Notat  
Christi vigilem & paternam curam Apoc.  
1.14.6.2.18.6.19.12. ejusdemque poten-  
tiam summam Apoc. 10.1. 5. Significat  
Spiritus sancti efficaciam Matt. 3.11. Marc.  
9.49. Luc. 3.16. 6. Est symbolum verbi  
Dei Jerem. 5.14. Apoc. 11.5.7. Est signum  
benevolentia Dei 1. Chron. 21.26. 2. Chr.  
7.7.1.3. 8. Est symbolum divinae prote-  
ctionis Zach. 2.5. 9. Significat amorem  
cœlestem Cant. 8.6. 10. Notat probatio-  
nem, sive afflictionem filiorum Dei. Psal.  
17.3. 11. Significat ignem è cœlo deci-  
dentem justo Dei judicio. Iob. 1.16. 12. Si-  
gnificat iram Dei, variaque Dei judicia.  
Iob. 15.24. 13. Notat ignem, quo mundus  
conflagrabit 2. Petr. 3.12. 14. Est ignis in-  
fernalis Matth. 25.41. 15. Est symbolum  
falsæ doctrinae Apoc. 9.17.

IDITHUN. Κυεως magistri cantorum  
nomen est 1. Paral. 25.1. Sed in prosâ Sum-  
mi triumphum regis prosequamur laude, tri-  
buitur Domino nostro Jesu Christo, his  
verbis: Iam Idithum nostrum vocibus sedulis  
omnes imploremus. Nimirum ibi usurpa-  
tur ut appellativum, & significat transi-  
lientem. Sumpta est autem hæc nomen-  
clatura ex illo sponsa: Ecce ista venit saliens  
in montibus, transiliens colles: quod poëta  
Christianus ita reddidit.

Montis ab aërei decurrens vertice summo

Tramite declivi saltus prætervolat omnes:

IMAGO.

**IMAGO ΘΕΟΥ** Ⓒ. Hoc nomine Euagrius insignit imaginem Christi, quā ipse Christus confecerit, & ad Abgarum Edessæ toparcham miserit. Euagrius ille est scriptor à fabulosis narrationibus non nimis alienus. Merito itaque narratio ipsius de hac imagine rejicitur: præsertim cum antè annum æræ Christianæ circiter 150. nihil auditum sit in orbe Christiano de illa imagine. Sanè si huiusmodi imago Edessæ fuisset asservata, Eusebius fecisset huius rei mentionem, quando epistolam Abgari ad Christum, & vicissim Christi ad Abgarum, itemque facta & sermones Thaddæi apostoli apud Abgarum recensuit. Gregorius, Damascenus, Concilium Nicenum, & alii figuræ istius meminerunt: sed meminerunt tantum, nullum verò argumentum adferunt, quo veritas rei probetur.

**IMAGO DEI.** Hanc scholastici rectè faciunt duplicem: putà imaginem naturæ, & gratiæ. *Imago natura* remansit post lapsum, sed valdè imminuta, corrupta, & depravata. *Imago gratiæ* (ad quam præcipuè initio conditus erat Adam.) per lapsum Adami penitus extincta est & perditā. Hinc *Athanasius de incarnatione Verbi Dei tom. 1.* rectè scribit, imaginem Dei esse amissam. Et *lib. 3. de assumptione hominis, tom. 2.* ait: Post transgressionem Adam imaginem immortalitatis, in qua factus fuerat, amisit. Idem docet *Augustinus tom. 3. lib. 6. de Genesi ad literam, cap. 27.* Hanc imaginem in spiritu mētis impressam perdidit Adam per peccatum, quam recipimus per gratiam iustitiæ. Et *tom. 4. lib. 83. questionum, questione 67.* ait: Ipse homo, cum jam signaculo imaginis propter peccatū amisso remansit tantummodo creatura. Et hæc quidem dicta loquuntur de imagi-

ne gratiæ. Sequentia agunt de imagine naturæ. *Augustinus lib. 1. retractationum cap. 27.* ait: Quod non ita accipiendum est, quasi totum amisit homo, quod habebat imaginis Dei. Nam si omnino non amisisset, non esset propter quod diceretur, Reformamini in novitate mentis vestræ. Et, In eandem imaginem transformamur. Sed rursus, si totum amisisset, nihil maneret, unde diceretur, Quamquam in imagine ambulet homo, tamen vanè conturbatur. *Ambrosius lib. 1. de vocatione gentium, cap. 3.* ita scribit: Homo liberum arbitrium ne tunc quidem perdidit, quando diabolo voluntate se dedit. Ubi per liberum arbitrium intelligi debet libertas voluntatis, quā illa est libera à coactione. Aliàs homo amisit liberum arbitrium, quatenus illud refert ad imaginem gratiæ. Cæterum imago Dei, quam dicunt gratiæ, fuit primæ originis recta conditio in homine protoplasto: nimirum in Deum conversa ratio sapiens, & ex eadem fluens voluntas iusta: quas ex necessitate consecuta fuisset immortalitas, & quoddam felicitatis cornucopiæ.

**IMMANUEL** sive **EMMANUEL.** Est nomen mysticum Servatoris nostri *Esa. 7. v. 14. & c. 8. v. 8. Matth. 1. v. 23.* & completur tum personā, tum officium ipsius. Christus siquidem est *μετ' ἡμῶν ὁ θεός, nobiscum Deus 1.* Ut est *θεὸς ἀνθρώπος*, id est, Deus & homo, Deus manifestatus in carne, verbum caro factum, latens in humana fragilitate Deus, ut inquit *Augustinus*, seu homo **DEO** mistus, ut ait *Tertullianus* qui se nostris vestiit artubus, ut idem ait,

Ante avum de Patre, & matre in tempore  
natus,  
Seminis hinc expers, omnino temporis illinc,

uticanit Alcimus. 2. ut est nobiscum contra hostes nostros, sive, ut est nobis auxilio contra mala nostra: nempe sapientia nobis stultis, iustitia iniustis, sanctificatio impuris, redemptio damnatis. *Augustinus lib. 8. de Genesi ad literam cap. 14.* hoc eleganter sic exprimit: Ex genere Israel factus Emmanuel, nobiscum Deus, reconciliavit nos Deo, hominum & Dei homo mediator, Verbum apud Deum, caro apud nos, Verbum-caro inter Deum & nos. Pertinet huc, quod Græci officiales Christi actus expressuri, eos appellant *ὑποτέλεσμα τοῦ θεανθρώπου*. Cateiū ut in nominib. *Ἰησοῦς* & *Χριστός* allusivæ notationes suam habent gratiā: ita & in voce Immanuel. Quare *etrus Kirstenius notu in Arabicum evangelium Matthæi* ait, posse & in Arabica lingua derivari Emmanuel, ab *عم*, id est, generale & commune facere, item populus, multitudo; & *ن* potentia, facultas &c. quasi robur generale, seu commune, sive populi potentia, multitudinis facultas &c. Nam Christus est *κοινὸν ἀγαθόν* populi sui *Matth. 1. v. ult.* Sed, ut dixi, hoc etymon est allusivum. De prioriait Damasus

— *Mundiq; repertor*

*Pars fuit humani generis:*

& Ambrosius in hymno:

*Vt hominem redimeres,*

*Quem antè iam plasmaveras,*

*Et nos Deo conjungeres*

*Per carnis contubernium. Nempe*

*Hinc terrena levans, illic celestia præstans.*

Arator.

Itaque hoc nomen est Messia: propriam in quarto modo, & præter unionem personalem duarum naturarum in Christo etiam significat præsentissimum auxilium, quod nobis præstat hic rex no-

ster: ita ut nomen *ἡμῶν* totius mundi furori opponatur. *Es. 7. 14.* Nam propheta mutato orationis statu non citra ironicam exclamationem compellat & animosè provocat universam gentilitatem, ut & propinqui & longinqui omnes vires omniaque consilia sua conferant, quibus tamen contra genuinum Jehudam, i. e. contra ecclesiam, nihil profecturi sint, postquam Deus propter hunc Immanuelem partes eius defendendas suscepit. Hoc loco teneantur variaz classes sive ordines nominum, quæ Christo tribuuntur. 1. Nomina Christi sunt *divina*, ut Deus, filius Dei unigenitus, imago Dei inconspicua, pater æternitatis: *humana*, ut filius hominis, filius Mariæ, semen mulieris: vel *θεανθρώπου*, ut Immanuel, Ithiel, *θεῶν δῶρον*. 2. Sunt concreta, vel abstracta. Nomina *concreta* urfusunt vel personæ, ut Deus, homo; vel officij, ut Mediator, Messias, Christus: vel utriusq; simul, ut Iesus, Immanuel, & similia quæ vel notant personam & connotant officium, ut Immanuel; vel notant officium & connotant personam, ut Iesus. Nomina *abstracta* significant vel naturas, ut deitas, humanitas: vel officium, ut sapientia, iustitia 1. Cor. 1. 30. 3. Sunt *propria Christo*, ut Immanuel: vel *communis*, eaque vel cum Patre & Spiritu sancto, ut Iehova, Deus; vel cum hominibus, ut Messias, Iesus, Christus. Ubi tenenda regula: nomina quædam dicuntur de Christo & hominibus analogicè, quædam equivocè. Analogicè duobus modis: purè typicè, ut Cyrus appellatur Christus: vel participativè, ut omnes sancti appellantur Christi: æquivocè: ut nomen Iesus quibusdam in V. & N. T. tributum legimus. 4. Competunt Christo vel *per se*, ut panis vite, lapis angularis:



laris: vel per accidens, ut petra scandali. 5. Sunt propria significationis, ut Iesus: vel modificata, ut lux, via, angelus, sponsus. 6. Sunt plana, ut redemptor, unigenitus patris: vel mystica, ut A & ω, angelus facierum.

IMPLERE LEGEM. Tribus modis impletur lex: videl. faciendo, credendo, & conādo. Primo modo Christus implevit legē: secundo modo & tertio credentes in Christū implent legē. Nimirum fides in Christum implet legē; quia amplectitur Christū, q̄ legem perfectissimē implevit. Hac de re *Chrysost. in epist. ad Romanos, c. 10. homil. 17.* sic ait: Si n. legis finis est Christ⁹: sequitur, quod qui Christum non habet, etiam si legis iustitiam habere videat, eam tamē non habeat: q̄ verò Christū habeat, etiam si legē non prætiterit, totū tamen acceperit. Etenim medicinæ finis est sanitas. Quemadmodū igitur qui sanū facere potest, etiā si medendi artē non habuerit, totū tamen habet: q̄ verò curare non novit, etiam si videat artem exercere, prorsus tamen excidit: ita quoq; in negotio legis habet & fides. Fidem enim si quis habet, is etiam legis finem habet. Extra fidem si quis fuerit, utriq; alienus est. Et paulo p̄d̄t: Nō est itaq; q̄ timeas, inquit, velut legis transgressor, posteaquā ad fidem accessisti. Tunc enim legē transgredieris, quando Christo propter illā non credis. Quod si illi credideris, & hanc implesti, & multo plura, quā ea præceperat. Multo si quidem maiorem jam accepisti iustitiam. Vide etiam sup̄ra tit. FINIS LEGIS. IMPORTUNUS. Interdum idem est, quod crebri⁹ instans: ut in illo Christiani potēte

— Cum fortiter instat

Importuna fides: quidquid res dura negavit,  
Sola frequens votis oratio prestat honestū.

IMPROPERIUM. Est convitium Ro. 15. 3.

& opprobrium Psal. 69. v. 20. 21. & 74. 22. & 79. 12. Hebr. 11. 26. c. 13. 13. Pari ratione impropero est exprobro Matt. 27. 44. Iacob. 1. 5. & probbris afficio Ps. 74. v. 10. 18. Ro. 15. 3.

IMPOSSIBILE NATURA, & IMPOSSIBILE NATURÆ. Plurimum differūt hec duo. Nam impossibile natura est, q̄ per naturam suam, secundū se, ex propria sua ratione est impossibile: Græci vocāt δλω; & ἀπλως ἀδύνατον. Talia sunt, quæ in seipsis repugnantia habēt, quæq; rerū naturis & definitionibus repugnāt, seu, ut vulgo loquimur, q̄ implicant contradictionē, ita ut fieri nō possint, quin vel Dei veritas vacillet, vel de ejus natura aliquid decedat. Huc pertinet insigne illud d̄ ctū *Ambrosii lib. 6. epist. 37. ad Chromatū.* Numquid nam mentitur Deus? Sed nō mentit̄, quia impossibile est mētiri Deū. Impossibile quoque istud, numqd nā infirmitatis est? Non utiq;. Nā quomodo omnia potest, si aliquid efficere nō potest? Quid ergo ei impossibile? Non q̄ virtuti arduum, sed q̄ naturæ ejus cōtrariū. Impossibile, inq̄t, est ei mētiri? Impossibile istud nō infirmitatis est, sed virtutis & maiestatis: quia veritas nō recipit mēdaciū, nec Dei virtus levitatis errorē. Ideoq; sit Deus verax, omnis a. homo mendax. Veritas itaq; semper in eo est, fidelis manet, mutare se & negare non potest. Si enim verum se negat, mētitur. Mentiri aut̄ non virtutis, sed infirmitatis est. Nec mutare se potest: quia natura ejus nō recipit infirmitatem. Hoc igitur impossibile ejus plenitudinis est, q̄a minuire se & augere nō potest: non infirmitatis, quæ in eo q̄ se auget, imbecilla est. Ex quo colligit̄, impossibile Dei potētissimū esse. Quid n. potenti⁹, q̄ nescire quidquid infirmitatis est? Cum his *Ambrosii cōsentit Augustinus to. 5. li. 5. de civitate,*

te Dei cap. 10. Jam videamus quæ dicantur *impossibilia natura*. Talia verò sunt, quæ à nulla creatura fieri possunt ob defectum vitium, sive, ut loquantur, ob esse & posse diminutum. Hæc itaque sunt impossibilia secundum quid. De his accipe illud *Luc. 1.* Apud Deum non est impossibile ullum verbum.

**IMPUTARE.** Propriè est in rationibus adscribere, quæ dicuntur putari, quando conferuntur & liquidæ fiunt. Itaque imputare est putando seu inter putandum adscribere: sicut Germanicè dicimus *ztr. rechnen* / q. adnumerare, numerando adsignare, in supputatione attribuire. Hebræis est *שׁוּט*, putare, reputare, cogitare, numerare. Quam vocem *LXX.* reddiderunt *λογίζεσθαι*, *λογίζεσθαι* &c. Est autem imputatio alia vera, alia falsa. Illa est, quæ habet fundamentum in re: hæc, quæ ex errore, falsitate, aut etiam mendacio proficiscitur, estq; injusta vel etiam injuriola. Imputatio divina nihil habet falsum: sed est actio aut justæ severitatis in improbando & ulciscendo, aut justæ bonitatis in approbando & remunerando, aut singularis misericordiæ in condonanda culpa & debita pœna, aut donando in debito bono. Hominum autem imputationes aliæ sunt veræ, aliæ falsæ. Porro quod attinet ad divinam imputationem, illa est duplex. Nā homini imputatur aut quod ei inest, vel quod fecit: aut quod ei nō inest, vel quod non fecit. Priori modo severitas Pinhasi in transfigendis scortis reputata seu imputata est ei ad justitiā, h. e. approbata est divinitus, tanquā justa & ex sancto zelo profecta, licet homines eam æquo vehementiore judicarent. *Ps. 105. v. 31. Num. 25.* Ita peccatori peccatum imputari dicitur, cum, ut est, peccator cē-

setur, & inter peccatores quasi annorat, ut pœnam luat: contra non imputari dicitur, cum condonatur. Posteriori modo peccatum nostrum imputatum est Christo, ut sponsori, ad hoc, ut ipse morte sua pro eo satisfaceret. Similiter nobis imputatur Christi obedientia, quam tāquam sponsor noster pro nobis præstitit. Hic quærat aliquis, quomodo nobis dicatur fides imputari *Gen. 15. v. 6?* Resp. Fides dicitur nobis imputari, nō quod sit ipsa justitia, sed quia justitiam Christi amplectitur. Hac siquidē fide ita acquiescit Deus, ut nos justos pronūtiat propter justitiam Christi fide apprehensam. Hac de re *Ambrosius* in *1. Cor. 1.* eleganter sic ait: Gratia sic data est in Christo Jesu, quia hoc cōstitutum est à Deo, ut, qui credit in Christum, salvus sit, sine opere, sola fide gratis accipiens remissionem peccatorū. Videamus nunc an hæc vox *imputare* in loco justificationis etiā occurrat apud Patres. *Athanasius* adversus eos, qui damno afficiunt genus nostrum eo, quod negant, *Servatorem ex natura nostra sumxisse primitias*, disertè docet, τὴν ἀλήθειαν ἐν νόμῳ, τὴν δὲ τῆς ἀπαρχῆς γενομένην, ὅλῳ λογίζεσθαι φερέμεναι, h. e. impletionē legis à primitiis factam, toti massæ imputari seu adscribi. *Bernhardus* *epist. 190.* Si nunc p. omnibus mortuus est, ergo omnes mortui sunt; ut videl. satisfactio unius omnib. imputetur, sicut omnium peccata unus ille portavit. *Idem* *sermone ad milites tēpl. c. 11.* Mors in Christi morte fugat, & Christi nobis justitia imputat. *Ibid.* Qui nostrā & induit carnē, & subiit mortem, putas suam nobis negabit justitiam? voluntariē incarnatus, voluntariē passus, voluntariē crucifixus, solā à nobis retinebit justitiā? *Ibid.* Unus peccavit, & omnes tenentur rei: & unius innocentia soli reputatur

bitur uni? Unius peccatū omnib. operatū est mortem, & unius iustitia uni vitam restituer? Itane Dei iustitia magis ad condemnandum, quàm ad restaurandum valuit? Aut plus potuit Adam in malo, quàm Christus in bono? Ad peccatum imputabitur mihi, & Christi iustitia non pertrahetur ad me? *Iustinus Martyr epistolā ad Diognetum*: Quid enim aliud peccata nostra potuit regere, quàm ejus iustitia? In quo alio nos iniqui & impii pro iustis haberi possumus, quàm in solo Dei Filio? ô dulcem permutationem! ô impervestigabile artificium! ô beneficia expectationem omnem superantia! ut iniquitas quidem multorum in iusto uno abscondatur, iustitia autem unius faciat, ut multi in iusti pro iustis habeantur. At, inquis, quodnam est fundamentum duplicis istius imputationis, quàm peccatum Adami omnibus hominibus, iustitia autem Christi omnibus electis imputatur? Resp. Fundamentum est unio, quâ fit ut omnes homines sint in Adamo, tanquam rami in stipite, & omnes electi in Christo, tanquam palmites in vite.

**INCLUSUS.** Est monachus: ἑγκλειστός, claustrarius; qui scilicet in claustro, hoc est, loco clauso, & monasterio, habitat. *Regino in Chron.* Horum adventum vir Dei Hospitius, qui apud Nicæam erat inclusus, sancto sibi revelante spiritu, longè antè prævidit. *Dodrinus*: Ecce quidam inclusus, cui nomen erat Petrus, in finibus Hispaniæ constitutus, claustris egressus, totum commovit orbem.

**INCONSUTILIS.** Christus putatur duas tantum gestasse vestes, pallium & tunicam. *Pallium* sciderunt milites in quatuor partes: quod mysticè explicatur de ecclesia Christi per quatuor mundi partes dif-

fusa & divisa. Erat autem pallium Hebræorum vestis ampla, constans quatuor pannis, certo modo inter se junctis. *Tunica* Domini fuit inconsutilis, h. e. nullam futuram habuit, sed à summâ parte ad imam fuit texta, nempe ita ut Germani dicunt, *gestricket / nicht gewebet*: sicut retia contextuntur, item tibialia, & similia. Hâc de re *Casaubonus exercit.* 16. eleganter, ut solet, ita differit: Est hodie in usu genus quoddam operum laneorum, binis prælongis acubus factorum, cujusmodi sunt tunica nocturnæ, tibialia, quæ à stamine vocitantur, item alia, quorum operum confectio fuit veteribus nota. Nullum est dubium, Domini hanc tunicam eo artificio fuisse confectam.

**INCREMENTO.** Editiones Augustini verba illa 1. Cor. 3. 9. ὁ αὐξάνων θεός vertit, Dominus qui incrementat, id est, incrementum dat.

**INFERNUS.** Apud *Hieronymum in Hos.* 13. ponitur hæc vox pro receptaculo animarum tum beatorum, tum damnatorum, his verbis: Inter mortem & inferos hoc interest. Mors est, qua anima separatur à corpore: infernus locus, in quo animæ recludantur, sive in refrigerio, sive in pœnis pro qualitate meritum. Ita vocem αἰδης usurpat *Diphilus Comicus apud Clem. Alexandr. libr. 5.* Dictus est autem αἰδης vel quasi αἰδης, quod ibi nihil sit ἡδὺ: vel q. αἰδης, inconspicuus. Sed in *Sibyllinis oraculis lib. 1.* αἰδης derivatur ab Adam, his verbis.

αἰδην δ' αὖτε καλέσαν, ἔπει πρῶτος μὲν  
λεν' Ἀδάμ

Γδομήν & γανάτε

**INITIATI.** Græcis Patribus dicuntur μεμνημένοι. Appellabantur autem hoc nomine illi, quibus licebat interesse cō-



munioni sacramentorum, quique dicebantur Fideles. Traduxerunt Patres hoc institutum & nomen Paganorum ad religionem Christianam. Nam ut Seneca dicit sanctiora sacrorum solis initiatis fuisse nota: & Phorius ex veteri scriptore, numero 242, philosophiam divinam dividit in *ἐν τὴν καὶ δασύρρητον*, hoc est, in eam, quam evulgare fas erat, & in eam, quam evulgare fas non erat: Jamblichus autem libro tertio, de philosophiâ Pythagoreorum, in τὰ δασύρρητα, quæ efferi non poterant, & τὰ ἐκφορα, quæ foras efferre jus erat: ita universam doctrinam Christianam veteres distinguebant in τὰ ἐκφορα, id est, ea quæ enuntiari apud omnes poterant, & τὰ δασύρρητα, arcana temerè non vulganda: de quibus neque in familiaribus colloquiis, neque in Catechesibus, neque in concionibus verba temerè faciebant coram paganis, Catechumenis, aut quibusvis aliis non initiatis. Basilii de Spiritu sancto cap. 27. doctrinæ Christianæ duas partes facit, τὰ κηρύγματα, præconia, & τὰ δόγματα: dogmata eo loco appellans, quæ alii vocant τὰ δασύρρητα, arcana non evulganda, τὰ δόγματα, inquit, σιωπῶνται: τὰ δὲ κηρύγματα δημοσιδέονται, dogmata silentur, præconia publicantur. Idem docet Gregorius Nazianzenus orat. 42. his verbis: μηδὲ ἐκφορα τοῖς ἔξω τὰ πλεονὰ τῶν ἡμετέρων μυστηρίων εἶναι, pleraque nostrorum mysteriorum, ne enuntiari quidem iis posse, qui sunt extra fidelium communionem. Huc pertinet ista formula, in mentione sacramentorum potissimum usitata, ἴσασι τοῖς μεμνημένοις τὸ λεγόμενον, nōrunt initiati quod dicitur. Quæ formula Chrysostomo, Augustino, & aliis Patribus est usitatissima. Quinam verò sint μεμ-

νημένοι, ex collatione aliquot locorum constat. Nam quod Chrysostomus in Genes. 49. ait. ἴσασι τοῖς μεμνημένοις τὸ λεγόμενον, intelligunt initiati quod dicitur: quam formulam etiam usurpat homiliâ 72. in Matthæum: id commentario in Psalm. 140. sic enuntiat: ἴσασι τοῖς πιστοῖς τὸ λεγόμενον, Sciunt fideles, quid dicam. Itaque initiati sunt fideles, hoc est, qui ad communionem sacramentorum sunt admitti: unde etiam συμμύστη dicuntur. Ita enim Chrysostomus in Iohannem homil. 15. ἴσασι, ait, οἱ συμμύστη τὸ λεγόμενον, Sciunt symmysta quid dicatur. Et homiliâ 85: ἴσασι τοῖς μυσταγωγούμενοις, Sciunt ii, qui sacris erudiuntur. Porro initiatis opponuntur ἀμύητοι, non-initiati. Quæ vox sæpe occurrit: ut in Liturgiâ per diaconos pronuntiabantur ista verba, ὅσοι κατηχούμενοι περὶέλθετε, vel ἔξω πατεῖτε, ὅσοι ἐκερζούμενοι, ὅσοι ἀμύητοι, Omnes Catechumeni foras discedite, omnes possessi, omnes non initiati. Ita Chrysostomus homil. 40. in 1. Corinth. ait. se non audere σαφῶς εἰπεῖν, διὰ τοὺς ἀμύητους, perspicuè loqui, propter initiatos: deinde addit, se quo poterit modo dicturum σιωπεσικασμῶνως, obscure, vel ut Lucretius ait, adumbratim: planè ut apud Theodoretum dialogo 2. propter ἀμύητους, non-initiatis, Etanista jubet Orthodoxum respondere ἀνιγματοδῶς, perplexè. Cyrillus Hierosolymitanus in Procatechesi eleganter ait, Catechumenos, quibus fas non est cognoscere sacra mysteria, περιχέειν, vocem circumsonantem audire: postea verò quam facti sunt fideles, ἐνιχέειν, intus erudi: deinde verbis disertis dat præceptum suis auditoribus, ne quæ didicerint, postquam fidelibus fuerint

rint aggregati, Catechumenis, quos ponit inter πῶς ἕξω, extraneos ab ecclesiā, enuntient. In sexta Catechesi scribit idem: πρὸς μυστηρίων ὅτι κατηχουμένων, ἀλλοῶς οὐ καλοῦμεν ἀλλὰ πολλὰ πολλὰ λέγομεν ὅτι κεκαλυμμένως, ἵνα οἱ εἰδότες πιστοὶ νοήσωσι, De mysteriis, si presentes sint Catechumeni, clarè non loquimur: sed sæpè multa dicimus rectè, ut quindrunt fideles intelligant. Apud Dionysium Areopagitam multis locis differtur de hoc silentio, atque id sanctissimè servandum præcipitur: ut Hierarchi. cœlestis capite secundo. & in singulis ferè capitibus Hierarchia ecclesiastica sæpius. Isidorus Pelusiota de esu Eucharistiæ loquens: ἵσταν οἱ μὲν τὸ λέγομεν, Sciunt mysteriorum periti; quid dicatur. Similes formulæ occurrunt apud Patres Latinos. Nam apud August. passim leges, Sacramentum quod nōrunt fideles: ut in 10. de civitate Dei capite sexto, in Psalm 39. & 109. tractat, in Iohan 26. Et in undecimo sic ait: Interrogemus Catechumenum. Manducas carnem filii hominis? nescit quid dicimus. Iterum: Nesciunt Catechumeni, quid accipiant Christiani. Erubescant ergo quia nesciunt. Similiter Ambrosius de initiandis: Nunc de mysterio dicere tempus admonet, atque ipsam sacramentorum rationem reddere: quam ante baptismum si putassemus insinuandam non initiatis, prodidisse potius quàm edidisse æstimaremur. Gaudemus, Ambrosii æqualis, tractatu 2. Modò ea solùm de lectione carpenda sunt, quæ præsentibus Catechumenis explanari non possunt, & necessariò tamen aperienda sunt neophytis. Cùm igitur soli fideles nota haberent religionis Christianæ mysteria, iidemque tanto studio

illa occultarent: occasio Gentibus data est, traducendæ veræ pietatis; quasi tenebras sectaretur, & lucem fugeret, ac hominum notitiam. Itaque Celsus, ut refert Origenes, ludibrii causa religionem Christianam subinde vocitabat κρύβιον δόγμα, clandestinam doctrinam. Origenes verò hanc calumniam diluens, ostendit, falsum esse capita doctrinæ omnia occultari: plurima enim quæ Gentes irrideant palam tradi & omnibus exponi: quòd si quædam non omnibus passim communicentur, non magis eo nomine reprehendi jure Christianos à Paganis posse, quàm suos ipsi philosophos reprehendant, disciplinam suam dividere solitos in ἐξωτερικά, quæ foras proferuntur, patentque omnibus; & ἐσωτερικά, quæ intra scholæ fines continentur, suntque propria discipulorum interioris admissionis. Huc pertinet locus Gregorii Nazianzeni in priore invectiva: εἰσὶ καὶ πρὸς ἡμῖν κατ' ὅτι κρύβιον λόγον τινας οὐκ ἀνέχομεν: Sunt etiam apud nos quidam sermones per occultationem proferendi: nolo diffiteri. Sed quantum esset discriminis inter mysticos Christianorum sermones & fœdas ineptias Paganorum, postea declarat. Sed videamus quarum potissimum rerum silentium exercuerint primi illi Christiani, & quas ob causas id fecerint. Et quidem in primo censu rerum silendarum posuerunt sacramenta, non quidem quantum ad res in ipsis significatas, & efficaciam illorū (nam hæc duo palam docuerunt.) sed quantum ad symbola, & ritū celebrandi, & rituum causas. Neque enim dissimulant, in cœna Dñi se venerari Deum Christianorū peculiari quodam modo præsentem: sed quæ esset forma

forma eius sacrificii, quod per symbola panis & vini peragitur, hoc veteres præ se non ferebant, verum occultabant. Deinde ordinationem episcoporum & presbyterorum inter sacramenta vetus ecclesia posuit, propter impositionem manuum & Spiritus sancti invocationem & acceptionem. Quare hujus etiam formulas clam habuit, & solis fidelibus notas esse voluit. *Dionysius sub finem hierarchia ecclesiastica & Chrysostomus homil. 18. in posteriorem ad Corinthios.* Præter illa, quæ ad sacramenta pertinebant, fuerunt & alia, quorum cognitio initiatis non patebat: puta preces quædam in matutina & vespertina liturgia, ad quas non admittebantur nisi fideles. Siluerunt etiam quædam apud Fideles infirmos: ut vocem ὁμολογίας. Restat jam, ut de causis hujus silentii, quas iidem Patres adferunt, aliquid dicamus. Sunt autem causæ præcipuæ tres istæ. 1. sublimitas eorum, quæ occultabant, & ut *Cyrillus Hierosolymitanus in Procatechesi loquitur. τὸ ὑψωμα τῶν ἀδελφότητων*, sublimitas eorum qua docentur. 2. ut rerum sacramentum cupiditas accenderetur in Catechumenis. 3. studium vindicandi à contemptu res sacras, & contra majestatis cuiusdam opinionem illis conciliandi. De prima causa accipe illud *Cyrilli Alexandrini libr. 7. in Iulianum*: Dicerem sanè de his etiam multa alia, & vera & c. nisi, sicut jam ante prædixi, reuereretur non-initiatorum aures. Solent enim minùs comprehensibilia à plerisque rideri; quod præ imbecillitate mentis suæ non vident, & omninò nihili faciunt, quæ omni admiratione prosequi decebat. De secunda hujus silentii causa ait *Augustinus tractatu 96. in Ioh.* Et si Catechumenis sacramenta fidelium non produntur, non ideo fit, quòd ea fer-

re non possunt, sed ut ab eis tantò ardentius concupiscantur, quantò honorabilius occultantur. *Idem in Psalm. 109.* Fidelibus loquor. Si quid non intelligant Catechumeni, auferant pigritià, festinent ad notitià. *Ambrosius initio libri de initiandis ait,* quòd inopinantibus meliùs se ipsa lux mysteriorum infundit, quàm si eam sermo aliquis præcurrisset. Nimirum ita est, ut *Claudianus Mamertus presbyter lib. 2. de statu anima, ait:* Mortalium generi natura datum est, ut abstrusa fortius quærat, ut negata magis ambiat, ut tardius adepta plus diligat, & eò flagrantius ametur veritas, quòd vel diutius desideratur, vel laboriosius quæritur, vel tardius invenitur. De tertia causa loquitur *Basilius Magnus libro de fide,* ubi authoritate Moysi demonstrat, rei pedibus hominum exposita, & qua statim sine ullà difficultate capi queat, præstò esse còtemtum; rei verò ab hominum usu remota & rara, naturali quodam modo esse annexum, ut studiosè requiratur. Omnino hæc ratio est, cur nonnulli Patrum de sacramentis novo quodam & inusitato dicendi genere scripserint; quod à cothurno tragico, vel dithyrambicis ampullis non multum videatur distare. De gentium mystis scribit *Tertullianus adversus Valentinianos:* Diutius initiant quàm consignant: cum epoptas ante quinquennium instituunt, ut opinionem suspensio cogitationis adificent: atque ita tantam majestatem exhibere videantur, quantam præstruxerunt cupiditatem. Similem & huic scopum veteres Christiani in suis mysteriis sibi proposuerunt; quem quidem se assecuturos credebant, si de mysteriis, aut omninò apud vulgus non loquerentur, aut obscurè certè, remotisque à vulgi consuetudine dictionibus & loquendi generibus, uterentur.



INITIUM. Significat in vulgata versione. i. eum qui est ab æterno, adeoque est causa efficiens omnium *Apoc.* 21. 6. 2. caput & fundamentum rei *Psal.* 111. 10. 3. extremitatem. *Deuter.* 13. 7. 4. primitias *Numer.* 18. 13. *Ezech.* 20. 40. 5. principium status sive conditionis *Matth.* 24. 8. *Marc.* 13. 8. 6. principium rei *Marc.* 1. 1. *Iohan.* 2. 21. 7. principium temporis 2. *Sam.* 21. 10. Phrasis *Ab initio* vel idem est quod olim *Ios.* 24. 2. vel idem quod ante secula *Mich.* 5. 2.

INNATUS. Vox hæc occurrit apud Tertullianum, qui Deum Patrem dicit esse *innatum*, id est, ἀγεννητον, ut est in symbolo Athanasii, prorsusque ἀναγεν. Nam Pater nullum habet principium, neque essentia, neque personæ. Filius & Spiritus sanctus habent principium personæ, sive subsistentiæ, etsi non habent principium seu originem essentia. Hinc Filius est γεννητός; Spiritus sanctus, ἐκπαροχτός, ut loquitur Athanasius in symbolo.

INSENSATUS. Hæc vox occurrit in vulgata versione *Galat.* 3. 1. & significat amentem. Sæpius legitur in libris apocryphis: ut *Sap.* 3. 12. *cap.* 5. *vers.* 4. 21. *c.* 11. 16. *cap.* 12. *v.* 24. 25. *c.* 15. *v.* 5. 18. *Eccles.* 16. 20. & 21. 21. & 22. 14. & 27. 13. & 34. 1. & 36. 21. & 42. 8. 2. *Maccab.* 11. 13. Hinc adverbium insensatè *Sap.* 12. 23.

INSTRUMENTUM. Theologi tum veteres, tum recentes promiscuè usurpant nomina *instrumenti* & *testamenti*, quando loquuntur de Scriptura sacra: ut patet ex duobus istis locis. *Augustinus* *tom.* 6. *lib.* 11. *contra Faustum Manicheum* *cap.* 5. ait: Distincta est à posteriorum libris excellentia canonicae autoritatis veteris & novi testamenti. *Ruffinus* *exposit. in symbolū* *sect.* 35. ait: Quæ sint novi & veteris instrumenti vo-

lumina. Quod attinet ad vocē *instrumentum*, illa debet hoc loco accipi sensu politico, ita ut significet peculiarem, eamque solennem, & canonizatam, ut loquuntur, formulam. Quo sensu vulgo dicimus *Instrumentum* notarii, sive à notario confectum. Itaque cum Scripturam sacram appellamus *instrumentum*, hoc dicere volumus, illam esse solennem formulā, quæ exponitur voluntas Dei de nobis & à nobis. Quanquam etiam significatio logica huius vocis potest hinc locum habere, hoc pacto. Quemadmodum causa principalis utitur instrumento: sic Deus in procuranda salute nostra adhibet Scripturam sacram. Quò facit, quòd Evangelium dicitur potentia Dei ad salutem cuius credenti. *Rom.* 1. Sed prior significatio in voce *instrumentum* potius hinc attenditur. Nam sicut instrumenta sunt publicæ literæ, quæ sunt inter instrumenta probationis, tanquam documenta & testimonia, quibus instructi sumus ad res nostras tuendas: ita V. & N. T. est testimonium, quo instruimur de voluntate Dei, quam & à nobis vult fieri, & de nobis facere. Obiter hinc observa. dici etiam *strumentū* apud *Tertull.* *lib.* 1. *ad uxorem*: Nobis continentia ad *strumentum* æternitatis demonstrata est à domino salutis Deo, ad testimoniū fidei, ad commendationem carnis istius exhibendæ superventuro indumento incorruptibilitatis, ad sustinendam novissimè voluntatem Dei. Ibi B. *Rhenanus*: *Strumentum* pro *instrumento* etiam alibi usurpatum, ut *structus* pro *instructus*, & *structiūs* adverbialiter pro *instructiūs*.

INTEGELLUS. Nova hæc vox respondet Hebraico ישרון: qua blandissima appellatione Deus populum suum electū, dilectum illud suum peculiū ornat *Deut.*

32.15.433.v.5.26. *Esa.* 44. 2. Significatur autem hoc nomine, ecclesiam live populum Dei vocari à Deo ad integritatem siue rectitudinem, eamque geminam, unā in Christo imputatam, alteram in singulis requisitam. Nam *רָצוֹן* rectum significat, & *רָצוֹן* rectitudinem. Videtur autem Moses de industria formasse hanc vocem, alioquin inusitatam, ut alludat ad nomē *רָצוֹן*, quo significatur taurus: ut innuat, populum illū, qui debebat esse *רָצוֹן* factum esse *רָצוֹן*, id est, instar tauri saginati recalcitrasse. *ὡς αἰνίξις*: quę parit elegantem paronomasiam. Quasi dicat: Israel debebat esse *Ieschurun*, sed est *Schor*.

**INTEGRITAS.** Hęc est vel consummata, vel inchoata: & hęc tribuitur bonis operibus electorū. Aliàs dicitur perfectio integritatis & partium, qua fit ut omnia quę Deus in lege sua à nobis postulat, ex puro & toto corde, atque ex omnibus viribus præstare conemur.

**INTERMINUS.** Est attributum Dei, idem quod *ἀμέγιστος*, sine termino. *Qui nec principium, cui neque finis erit.* In Prosa Gregorii Magni *Grates nunc omnes*, tribuitur Filio Dei, his verbis: *Natus ante secula Dei Filius, invisibilis, interminus.*

**INTRANSITIVA COMMUNIO.** Deitatis & humanitatis Christi communio dicitur intransitiva, hoc est, *ἀσυγχυτος*, quia neque naturę, neq; earum proprietates vertuntur. Huic opponitur *communio transitiva*, quę est in iis, quę per temperaturam miscentur: ut cūm ex aqua & melle fit hydromeli.

**INVENTUM VALDE.** Hęc phrasis emphaticę usurpatur de præsentissimo auxilio: ut *Psal.* 46. 2. *Deus auxilium nostrum est in angustiis*, *אֱלֹהֵינוּ אֲנִי הוּא* inventum valde, i.e. præsentissimum. Simpliciter etiam adhi-

betur vox *אֲנִי הוּא* *Esa.* 55. 6. *Quarite Dominum, dum invenitis: invocate eum, dum prope est.* Loquitur hęc Propheta de Messia, cuius præsentiam indicat per verbum *אֲנִי הוּא*, *inventus fuit*, aut, ut Latinus loquitur, *præsens adfuit.*

**INVESTIGABILIS.** Utilitatem ponitur pro *iminvestigabilis*. *Proverb.* 5. 6. *Roman.* 11. 33. *Ephes.* 3. 8. 4. *Esdr.* 6. 44. & 9. 19. Aliàs analogicę idem esset qđ facilię investigari pōt. Nam investigo est pscrutor, perversigo.

**INVOCO.** Est i. appello Deum, clamo ad Deum 1. *Sam.* 12. 17 *Psal.* 4. 2. & 14. 4. 2. accerso in auxilium *Hos.* 7. 11. 3. attraho, siue pertraho. *Psal.* 42. 8. 4. clamo *Pf.* 147. 7. 9. 5. colo Deum, religionem veram appetere sequor, sincerum Dei cultum palam & pie profiteor. *Genes.* 4. 24. *cap.* 12. 8. *cap.* 13. 3. *cap.* 21. 33. *cap.* 26. 25. 2. *Samuel.* 6. 2. 2. *Chron.* 6. 20 *Esa.* 43. 22. *Act.* 9. 14. 21. 6. clamo pro iustitia *Esa.* 59. 4. 7. contestor. *Deut.* 4. 26. *cap.* 30. 19. *cap.* 31. 28. 8. nomino, voco. *Genes.* 33. 20. *cap.* 48. 16. *Esa.* 4. 1. 6. 43. 7. Ex his patet invocationem esse aliam religiosam, aliam civilem; & hanc iterum esse variam. Prior illa est inter præcipua nostra officia, itemque media, per quę Deus nobis communicat sua dona. Est enim veluti clavis, qua divinę beneficentię thesauri à nobis recluduntur, & debita Deo gratitudo à fidei corde rependitur: qđ duo coniungit *Psaltes* *Pf.* 50. 14.

**IOHANNES.** Hebraica vox est *יְהוָה*: quę occurrit 2. *Reg.* 23. & 25. 1. *Chron.* 3. & 6. item 17. & 26. *Esdr.* 8. & 10. *Ier.* 40. & 41. & 42. LXX. reddunt *Ἰωάννης*: alibi *Ἰωάν*, item *Ἰωάνης*, quę Scriptura confundit duo distincta nomina Johannis & Jonę. Vide 1. *Chron.* 6. v. 9. Vox *Iohannes* notat gratiam Dei qđ d. gratiosum coram Deo: vox *Iona* colubā. Duo in N. T. celebrantur hoc nomine

mine

mine: Johannes Baptista, propterea ille Christi, & Johannes Apostolus, idemq; Evangelista, qui per excellentiam appellatus est theologus, & fuit symboli contemplationis, sicut Petrus actionis, i.e. vitæ periculis & casibus sexcentis atq; erroribus obnoxia. Quo sensu Theophylact. in Luc. 25. Petrum & Johannem vocat *περὶ τὴν ζωὴν* & *θεωλῶν*, actionem & contemplationem. Idem in Ioh. 20. sic scribit: Tu verò observes velim, Petrum quidem agendi facultatem denotare & fervorem; Johannem verò contemplandi virtutem, & ingenii bonitatem in cognitione rerū divinarū.

IPSE. Hoc pronomen est inter nomina Dei. Dicitur autem Deus *Ipse* antonomastice: & Hebræis eodem sensu *אֵל*.

IRESTONE. Græcè *εἰρεσιώνη*, I. oleæ ramus lana velatus, & habens omnigenos terræ fructus dependentes, ut ait Suidas: qui deducit ab *εἰρὴν*, lana. Talis fuit Atheniensium irestone, i.e. fasciculus levis ē plurium arborum frondibus & fructibus concinnatus, quem gestabant. Talis etiam fuit Judæorum Hofchana, quā propter eam causam Iosephus lib. 3. c. 10. *εἰρεσιώνην* appellat. Vide supra HOSANNA.

*Ἰουπὸς* & *αὐτὸς*. Vox hæc æquens est inter titulos, quibus Græci insignioris nominis Episcopos vel Patriarchas solent ornare. Significat autem hæc vox eū qui est Apostolo æqualis. Cui appellationi congruit illa, *ὁ ἀπὸ τοῦ αὐτοῦ*.

ISCARIOTES. Fuit unus ē duodecim Apostolis, proditor Domini, & peculii Christi depeculator, qui in multis egregium Antichristi typū gessit, nominatim in isto. Christus Judam proditorem adhibito buccellæ symbolo indicavit. Cū vero eū non expressè nominaret, apostoli notionē istius symboli non pceperunt, nec Domini proditorē prius agnoscere

potuerit, q̄ facinus perpetrātū eūm proderet. Non n. credebant, in apostolum suūq; condiscipulum tantum nefas cadere. Caterū Christus p hujusmodi ambages primū adumbravit antichristi illi apostolici mysteriū, quatenus is ex ipsius Christi domo & familia, unde omnium minimē expectabat, oriri debuit. Deinde per easdem ritū ambages eventus revelationis antichristi magni fuit pfigurat. De eo loquor, q̄ serō & post facti demū completionem, nec citra familiæ Christi periculū, & quasi inter sacras epulas deprehendi debuit & agnosci: & id quidem non citā controversiā, & curiosam priorū indignationē. De vocis etymo variāt auctores. Hieronymus vel à viro, aut vrbe, in qua ort⁹ est, vel ex tribu Isaschar hoc cognomen sumtū esse putat. Rationem addit: Isaschar n. interpretatur merces, ut signficetur pretiū proditoris. Caninius opinatur dici quasi *אִישׁ מִכַּר*, Virum Carioth, i.e. oriundū ex urbe Carioth, de qua Ios. 5 v. 25. Tremelli⁹ & Junius vel à *מֶרְכָּס* merces, & futuro *מִכַּר* inducetur dictum esse putant q. d. mercede inducet ad defecationē, ut hoc nomē à Christo prophetice sit impositū: vel à Syriaco *כַּרְכַּר* strangulare q̄ per anticipationē dicatur q. stragulatus, qui se postea strangulavit: vel quod prophetice sic fuerit appellatus.

ISRAEL. Est nomen Patriarchæ Jacob. Ambros in Coloss. 1. exponit, Homo videns Deū. Sed etymon verū est in Mose expressum Gen. 32 v. 28. sc. princeps Dei: quia per fiduciā Deo adhæsit, & difficultates ab eo obiectas animi fortis penetratione superavit.

ITHIEL. Hoc nomen occurrit Proverb. 30. vers. 1. Putant autem Hebræi, quos sequitur Mercerus, Ithielem fuisse unum ex discipulis Agur. Sed rectē observant



Tremellius & Junius Ithiel esse vocem compositam ex tribus, quasi dicas, Mecū Deus fortis, ut Immanuel Esa. 7. v. 14. Ita ut sit nomē Christi, qui nobiscum est Deus, ita ut sit Deus & homo, nobisque sit præsens in omni periculo. Non itaque rectè vertitur iste locus in Proverbiis: *Prophetia, quam dixit vir ad Ithiel, ad Ithiel, inquam, & Uchal: cum ita debeant verti, Comportatio verborum viri* (sc. Aguris) *Ithieli, Ithieli inquam & Uchali dilecti. Quod supplemētū exprimit vim idiotismi Hebraici. Nā אִיתִיאל vir ille Ithielis, eodem sensu dicitur, quo מְמוֹר לְדָוִד Psalmus Davidis. Sicut enim hīc significatur Psalmus à Davide scriptus, ita ibi vir ab Ichiele, id est, à Christo, electus, & dilectus. Cæterum duo sunt peculiariter hīc observanda. 1. ex vocali brevi & Daghesch cōfectam esse vocalem longam in prima syllaba nominis אִיתִיאל, *mecum est Deus fortis. Mercerus non rectè exponit, cum quo est Deus fortis, 2. nomen Ithiel repeti, ut ampliùs declaratur ejus vis, hoc modo: Agur est vir Ithielis, Ithielis, inquam, & Uchalis. Hāc repetitione admonemur, nos meritò gloriari in Christo, tum quia idem est Deus nobiscum, adunata hypostaticè natura Dei cū natura nostra in ipso; tum quia omnis potestas data est ipsi in cælo & in terra ad perficiendam salutem nostram, quam Agur extra se quærit v. 2. 3. & 4. quasi dicat, Ego sum brutus, insipiens, & impotens: at in meo Ithiele & Uchale invenio thesauros sapientiæ & potentiæ. Ille *mecum est Deus*, ratione personæ, & officii: in illo possum omnia. Colophonis loco velim expendi, annon vir Ithielis & Uchalis possit dici ἰσθδω αμείν nomini ἡριστὸς q. d. virum Christi.**

Jubilæus. Talmudistæ putant annū

jubilæum sic dictum à cornu arietino, qui Arabibus dicitur **يُوبَل**. Nam cornu arietino promulgabatur libertas in anno jubilæo. Alii **יובל** interpretantur diductionem soni: quòd transiret tuba per totā terram, ut est Levit. 25. v. 9. Alii malūt interpretari ἀναγωγὴν, *reductionem*: ita ut **שנת היובל** sit *annus reductionis*. Reducebat namque iste annus omnes ad vetustas sedes agrosque suos, ad antiqua hæreditatum jura, & primas vivendi conditiones. Itaque non ineptè ex Philone περὶ τῶν δέκα λόγων Jobel exponi etiam poterit ἀποκατάστασις, *restitutio*: quòd hoc anno res ac personæ in pristina loca restituerentur ac reponerentur. Levit. 25. v. 10. Alii denique à *deductione* sic appellatum putant: quòd anni jubilæi nos ducant ad Christum & Chronologicè & Theologicè *Chronologicè*, quia catena jubilæorum est quoddam *κειμήλιον* Chronologiæ sacræ. *Theologicè*: quia jubilæus annus fuit typus temporis gratiæ & libertatis veræ in Christo Jesu.

JUDÆA. Si vocis primā originem spectes, erit propriè regio posterorū Judæ, in Cananæa seu Palæstina: quæ Judæa est Syriæ pars princeps. Sed nomen latius pater, ut cognatas quoque stirpes complectatur; aliàs tamē plures aliàs pauciores. Sic Judæa angusta significatione capitur Luc. 2. v. 4. & 3. v. 1. & in cap. 1. vers. 5. ubi appellatur Herodes Magnus Rex Judææ, lata significatione accipiendum, sicut apud Strabonem & alios. Quæritur hīc à viris doctis, cur post reditum à captivitate omnes omnium tribuum Abrahamidæ vocati fuerint Judæi, & terra tota Judæa, vel γῆ ἰσραὴλ, *terra Iudæ*: idque illo potissimū tempore, quo rerum potiente tribu Levi, tribus Juda videbatur obscuran-

ſcuranda? Euſebius enim rectè obſervat, à reditu ex captivitate ad Chriſtū (.quod tempus ipſe facit 500. annorum.) ſolos Pontifice; regimen obtinuiſſe, & tribu verò Juda ne unum quidem. Sed idem Euſebius ſolvit hunc nodum, quando ait, nō aliam ob cauſam hoc accidiſſe, quàm ob prophetiæ (.Gen. 49.) prærogativam: quā tribui Juda ſit collatum τὸ δρχικὸν ἀξίωμα, id eſt, principalis ſeu imperialis dignitas.

**JUDÆUS.** Aliquando latiùs capitur, aliquando anguſtiùs. Quando latè accipitur, omnes complectitur ejuſdem originis, religionis & regionis, aut ſaltem religionis ſocietate junctos: Hieroſolymitanos, Galilæos, Peraitos, Idumæos, Alexandrinos, Babylonios, & omnes, qui Philoni & aliis dicuntur οἱ ἐκ Διſποπορεῶς. Quando anguſtiùs id nomen ſumitur, cives duntaxat Hieroſolymitanos complectitur, & decem toparchias circa Hieroſolymam. Et hoc eſt quod apud *Joſephum lib. 11. belli c. 5.* cæteris Judæis, qui feſtigraſia venerant in urbem, opponitur ὁ γνήσιος ἐξ αὐτῆς Ἰσραήλως λαός; hoc eſt, germanus & purus putus Judæorum populus, in ipſa Judæa, propriè ſic dicta, urbe, inquam, & toparchiis Hieroſolymorum natus. Porro in gentilibus hitoriis aliquando ſub Judæorum nomine etiam Chriſtiani continentur; quòd primi Judæi fuerint, & Chriſtus ex Judæis ortus ſit. Quidam ajunt, omnem Chriſtianum debere eſſe Judæum, id eſt, confeſſorem.

**JUGUM CHRISTI.** Sic *Matth. 11. v. 29.* 30. dicitur doctrina & dominium ejus; quia ut jugum jumentis imponitur ut pareant ad laborandum: ita nobis doctrina fidei & charitatis ad ſerviendum

Deo. Ita jugum reſpectu imponentis eſt imperium: reſpectu ferentis obſequium.

**JUS APPELLATIONUM,** ſeu, **PROVOCATIONUM.** Hoc eſt duplex, eccleſiaſticum & politicum. Utrumque eſt privilegium ſive beneficium, quo judici ſuperiori, ad quem appellatum eſt, licet cauſas ab inferioribus judiciſus judicatas, iterum cognoscere, & ſententias judicum inferiorum vel confirmare, vel retractare & reſcindere. Tale jus ſumit ſibi Papa Romanus: ſed perperam, ut pater ex ſequentibus. *Concilium Milevitanum, imperantibus Arcadio & Honorio, ſic ſtatuit capitulo 22. ut habetur tom. 1. Conciliorum:* Item placuit ut preſbyteri, diaconi, vel cæteri inferiores clerici, in cauſis quas habuerint, vicini epiſcopi eos audiant: & inter eos quidquid eſt, finiant, adhibiti ab eis ex conſenſu epiſcoporum ſuorum. Quòd ſi & ab eis provocandum putaverint, non provocent, niſi ad Africana concilia, vel ad primates provinciarum ſuarum. Ad tranſmarina autem qui putaverit appellandum, à nullo intra Africam in communione ſuſcipiatur. *Sed videamus, quid concilium Nicenum, quod eſt primum inter æcumenica, decernat hac de re: τὰ δρχαῖα ἐθνη κρατέτω, τὰ ἐν αἰγύπτῳ, καὶ λιβύῃ καὶ πενταπόλει, ὥς τε τὸν ἐν ἀλεξανδρείᾳ ἐπίσκοπον πάντων τῶν ἐχὼν ἐξουσίαν, ἐπειδὴ καὶ τῶ ἐν τῇ ῥώμῃ ἐπίσκοπῳ τῷ το σωηθῆς ἐſιν. ὁμοίως δὲ καὶ τῇ Ἀντιόχειᾳ καὶ ἐν ταῖς ἄλλαις ἐπαρχίαις τὰ πρεσβεῖα σώζεσθαι ταῖς ἐκκλησίαις,* id eſt, Antiqui mores ſerventur, qui ſunt in Ægypto, & Libya, & Pentapoli, ut Alexandrinus epiſcopus horum omnium habeat poteſtatem; quādoquidem & Romano epiſcopo parilis mos eſt: Similiter & Antiochiæ, & in aliis provinciis ſua privilegia ac ſue dignitates ſer-

ventur' ecclesiis. *Hic non citatur in iure canonico distinct.* 65. Concilio Niceno subscribit concilium *Constantinopolitanum primum*, itidem œcumenicum, his verbis: Episcopi, qui extra diœcesin sunt, ad ecclesias, quæ extra terminos eorum sunt, non accedant, neque confundant & permisceant ecclesias: secundum regulas constitutas. Alexandria quidem episcopus, ea quæ in Ægypto sunt, tantum gubernet. Orientis autem episcopi, solius Orientis curâ gerant &c. Idem ibidē sancitur de episcopis Asiæ, Ponti & Thraciæ.

**JUS CANONICUM.** Gratianus patria Clusinus, professione monachus S. Benedicti, claruit tempore Eugenii III. Pontificis, & Conradi III. Imperatoris ad annum Domini 1145. Scripsit Decretum, siue concordiam discordantium canonum: farraginem valde laboriosam, in quâ canones plurimos collegit ex Scripturis, ex veterum conciliorum decretis, responsis Pontificum, scriptisq; & dictis Patrum. Et quamvis alii viri docti in hoc genere descriptionis laborarunt, ut Dionysius Exiguus, Isidorus, Cresconius, Burchardus, Ivo, & si qui alii sunt: ipse tamen solus obtinuit, ut publicè in gymnasiis prælegeretur, & infinitis commētariis illustraretur. Scripsit hoc opus Bononiæ in monasterio S. Felicis, ex sententia Trithemii lib. 2. de viris illustribus Ordinis S. Benedicti, anno 1127. vel, ut alii volunt, anno 1151. nisi fortè Trithemius inchoationē, alli consummationem operis annotaverint, ut ait Bellarminus de scriptoribus ecclesiasticis ad an. Domini 1140: ubi probat hoc opus, ut à mendis purgatum, & suæ integritati restitutum fuit à viris quibusdam eruditissimis autoritate Gregorii XIII. Pontificis, anno salutis 1580. Ibidem ait: Gra-

tianus id unum habet, quod reprehendi posse videtur, quod nō habuit delectum authorum, ex quibus decreta collegit. Et sub finem istius rubricæ: Adde quod plurimis in locis Gratianus citat Chrysostomum pro autore operis imperfecti, & Hieronymum p. Origene. Cæterum farrago ista Gratiani est prima & potissima pars Juris, q. vocant canonici eò quod cōstet ex canonibus ecclesiasticis. Multa in hoc syntagmate Gratiani occurrunt, quæ cum veteri apostolica & sinceriore doctrina cōveniunt, & cum multis, quæ hodiè ecclesiæ, tanquā catholica & orthodoxa obtruduntur, imò sub nomine ecclesiæ aguntur, usurpantur, & venditantur, plurimum disconvenientiæ habent. Magnū itaque operæ pretium fuerit Decretum hoc Gratiani in certa capita & titulos digerere, ut ita *ως εν Κυβωτῃ* uno velut obtutu cognosci possit, qd in Decretorum libris sit, quod cum nostræ ætatis doctrina conveniat. Ita enim fiet, ut & nos cōfirmemur in vera sententia, & alii moderatiùs de nobis & ecclesiarum nostrarum doctrina judicent, cum videant nos in primariis, & fundamentalibus, ut loquuntur, dogmatibus nihil à doctrina veteris ecclesiæ dissentire: ideoq; iniquè nos hæreseos insimulari. Si n. hæretica sunt, quæ nos docemus, hæretica etiam erunt ista omnia, quæ in Decretis cōsentiant cum nostra doctrina, & sic hæreseos etiam illi proprium suum Jus maxima ex parte accusabunt. Ita ergo multi dum in nos furiunt, pprio suo se conficiunt gladio, sibi quæ ipsis in multis contradicunt, dum in nobis cōdemnant, quod in ipsorummet Decretis est positum. Facile sanè ad Christianam res redigi possent cōcordiam, si hæc dogmata, quæ in Decretis consen-



consentiunt cum doctrina nostra, apud omnes valerent, ab omnib. exercerentur, apud omnes in usu essent. Neq; est quòd moremur sophistas, qui clarissima Decreti axiomata, quæ sunt veluti radio solis scripta, torquent, luxant, obscurant, & tantum non expungunt. Viri pii & prudentes non patiuntur hujusmodi nebulas suis offundi oculis, ut p non dictis habeant, quæ disertè à veteribus dicta sunt, aut pro exoletis & obelo jugulandis judicent, quæ congruunt cum sententiis Scripturarum, & per se satis clara sunt. Colligamus itaq; ea, quæ in hoc Decreto, cum Scripturis & praxi ecclesiæ primitivæ, itemq; superiori seculo reformatæ, consentiunt. Quanquam quid dixi, colligamus? Producamus potiùs in lucè ea, quæ Iohānes Hallerus anno 1572. collegit. Libellus est elegantissimus, & à nobis emaculatus. Memineris autem, non sequendum esse iudicium Bellarmini, qui probat editionem anni 1580. Illa siquidem nō sapit genium antiquæ antiquitatis, ut ita dicā, multis in locis. Vetusiora exemplaria hîc adhibenda sunt. Sed proferamus libellum Halleri.

SVMMA RERV TRACTA-  
tarum capita.

1. De doctrinâ.
2. De S. Scripturâ.
3. De Patribus eorumq; scriptis.
4. De Conciliis.
5. De synodis bis in anno celebrandis.
6. De constitutionibus humanis.
7. De consuetudinibus.
8. De abusibus tollendis.
9. De gratiâ, remissione peccatorum, & solâ fide iustificante.
10. De sacramentis.
11. De baptismo.

12. De cœnâ Domini.
13. De excommunicatione,
14. De ritibus ecclesiasticis, seu adiaphoris.
15. De cantu ecclesiastico.
16. De bonis ecclesiasticis.
17. De magistratu.
18. De iurejurando & votis.
19. De hæreticis.
20. De Primatu in ecclesia, & de Papa.
21. De electionibus & ordinationibus.
22. De Simonia.
23. De officio & Studiis Sacerdotum & Episcoporum.
24. De Vita & conversatione Clericorum.
25. Contra Luxum Sacerdotum.
26. De fornicatione Sacerdotum.
27. De Coniugio, Secundis nuptiis & Divor-
28. De Coniugio Sacerdotum. (tio.
29. De Monachis, Monialibus & Claustris.
30. De Ieiunio.
31. De Confessione auriculari.
32. De Feriis, & die Dominico.
33. De Eleemosynis & oblationibus & injuste acquisitis.
34. De Peregrinationibus religionis ergò, & locis Sacris.
35. De Sepultura, Purgatorio & Defunctorum exequiis.

SENTENTIÆ  
EX DECRETIS CANO-  
nicis collectæ.

DE DOCTRINA.

CAPUT I.

Non aliud docendum aut sentiendum esse, quàm quod à beato Petro, & reliquis Apostolis traditum est. Marcellus Papa.

**R**ogamus 24. q. 1. Rogamus vos fratres dilectissimi, ut non aliud doceatis, neq; sentiatis, quàm quod à B. Petro, & reliquis Apostolis à patribus accepistis.

Non

*Non ex proprio corde docendum, vel ex humano sensu, sed ex scripturis sanctis, & ea qua Spiritus sanctus docet. Hieronymus.*

*Dist. 36. Si quis vult.)* Hæc duo sunt Pontificis opera, ut à Deo discat legendo scripturas divinas, & sæpius meditando, aut populum doceat. Sed illa doceat, quæ à Deo ipse didicerat, non ex proprio corde vel humano sensu sed quæ Spiritus sanctus docet.

*Substantiam sacerdotii esse sacram Scripturam.*

*Ex VII. Synodo.*

*Dist. 38. Omnes Psallentes.)* Substantia summi sacerdotii nostri, sunt eloquia divinitus tradita, id est, vera divinarum scripturarum disciplina, quemadmodum magnus perhibet Dionysius.

*Vide plura ejusmodi infra de examine eorum qui ad sacros ordines admittendi.*

## DE SACRA SCRIPTRA.

### C A P U T II.

*De authoritate Scriptura sanctæ. Augustinus.*

*Dist. 9. Ego solis.)* Ego solis eis scriptorum, (alias scripturarum) libris, qui jam Canonici appellantur, didici hunc timorem honoremque referre, (alias deferre) ut nullum eorum scribendo errasse audeam credere, aut si aliquid in eis offendero, quod videatur contrarium veritati, nihil aliud existimè, quàm mendosum esse Codicè, vel non assecutum esse interpretem, quod dictum est, vel, me minimè intellexisse non ambigam. Alios autem ita lego, ut quantalibet sanctitate, quantave doctrina polleant, non ideo verum putem quia ipsi ita senserunt, sed quia mihi per alios authores, vel Canonicos, vel probabiles rationes, quod à vero non abhorreat persuadere potuerunt.

*Et Paulo post ibidem. Quis nesciat.)* Quis nesciat sacram Scripturam Canonicam, tam veteris quam novi testamenti, certis terminis suis contineri, eamque posterioribus omnibus Episcoporum literis ita præponi, ut de illa omnino dubitari & discipulari non possit, utrum verum vel utrum rectum sit, quicquid in ea scriptum sit vel constiterit esse. Episcoporum autem literas, quæ post confirmatum Canonem, vel scriptæ sunt, vel scribuntur, & per sermonem fortè sapientiorum in ea re cuiuslibet peritioris, & per aliorum Episcoporum graviolem auctoritatem, doctioremque prudentiam, & per Concilia licere reprehendi, si quid in eis fortè à veritate deviatum est?

*Item ibidem C. Noli frater.)* Noli frater contra divina tam multa, tam præclara, tam indubitata testimonia colligere vel le calumnias ex Episcoporum scriptis, si ve nostrorum, sicut Hilarij, si ve Cypriani, & Agrippini, antequam pars Donati separaretur, primoque hoc genus literarum, ab authoritate Canonum distinguendum est. Non enim sic leguntur, tanquam ita ex eis testimonium proferatur, ut contra sentire non liceat, si ubi fortè aliter sapuerint, quàm veritas postulat. In eo quippe numero sumus, ut non dedignemur, etiam nobis dictum ab Apostolo accipere: Etsi quid aliter sapitis, hoc quoque vobis Deus revelabit.

*Ibidem, C. Noli meis.)* Noli meis literis quasi Canonicis scripturis deservire, sed in illis, & quæ non credebas, cum inveneris, incunctanter crede: in istis autè, quod certum non habebas, nisi certum intellexeris, noli firmum tenere.

*Scripturam rectè debere intelligi. Hier.*

*Dist. 37. Vino.)* Vino inebriantur, qui Scripturas

scripturas sacras malè intelligunt atque pervertunt. Sicera, qui abutuntur seculari sapientia, & dialecticorum tendiculis. Quæ non tam tendicula sunt appellanda quàm phantasmata, id est, Umbra quædam & imagines, quæ citò pereunt, & resolvuntur. Idem. Secundum tropologiam Pseudopphetas eos debemus accipere, qui aliter scripturarum verba accipiunt, quàm Spiritus sanctus sonat, & Divinos eos, qui conjectura mentis suæ, incerta futurorum quasi vera pronunciant, absque divinorum authoritate verborum. Idem. Quicumque scripturas non ita intelligunt, ut rei veritas habet, uvam acerbam comedunt.

*Non aliunde, sed ex ipsis scripturis, veritatis sensum capiendum esse. Clementis PP.*

*Dist. 37. C. Relatum.)* Lex Dei cum legitur, non secundum propriam ingenii virtutem vel intelligentiam legatur vel doceatur. Sunt enim multa verba in scripturis divinis, quæ possunt trahi ad eum sensum, quem sibi unusquisque sponte præsumperit, sed non oportet. Nō enim sensum extrinsecus alienum & extraneum debetis quærere, ut quoquo modo ipsum ex scripturarum authoritate confirmetis, sed ex ipsis scripturis sensum capere veritatis oportet.

*Scripturarum sensum ex linguis originalibus eruendum.*

*Dist. 9. C.)* Ut veterum librorum fides de Hebræis voluminibus examinanda est, ita novorum veritas, Græci sermonis normam desiderat.

*Dist. 19. C.)* De quibus causis nulla solvendi ligandique authoritas, in libris veteris & novi Testamēti, & quatuor evangeliorum cum totis scriptis Apostolo-

rum non appareat, ad divina recurrere scripta Græca.

## DE PATRIBUS EORUMQUE scriptis, August.

### CAPUT III.

*Dist. 9. C. Negare.)* Negare non possum nec debeo, sicut in ipsis majoribus, ita multa esse in tam multis opusculis meis, quæ possunt justo iudicio, & nulla temeritate culpari.

*Dist. 8. C. Neque quorumlibet.)* Neque quorumlibet disputationes, quamvis Catholicorum & laudatorum hominum veluti scripturas Canonicas habere debemus, ut nobis non liceat salva honorificentia, quæ illis debetur hominibus, aliquid in eorum scriptis improbare atque respicere, si fortè inveniremus quoddam aliter senserint, quàm veritas habet, divino adiutorio vel ab aliis intellecta vel à nobis. Talis ego sum in scriptis aliorum, quales volo esse intellectores meorum.

*De scriptis incertis, quomodo legenda sunt.*

*Dist. 15. C. Sancta Romana.)* Scripta de inventione sanctæ Crucis Dominicæ, & alia scripta de inventione capitis B. Joannis Baptistæ, novellæ quidem revelationes sunt, & nonnulli eas Catholici legunt, sed cum hæc ad Catholicorum manus pervenerint, beati Pauli Apostoli sententia præcedat: Omnia probate, quod bonum est, tenete.

*De Canonibus Apostolorum.*

*Dist. 16. C. Apostolorum Canones,* qui per Clementem Pontificem Romanum, sicut quidam asserunt, dicuntur esse translati, sunt quinquaginta. Hos non recipiendos, sed inter Apocrypha deputatos Isidorus scribit dicens: Canones qui dicuntur Apostolorum, seu quia eosdem



nec sedes Apostolica recepit, nec sancti patres illis assensum præbuerunt, pro eo quod ab hæreticis sub nomine Apostolorum compositi dignoscuntur, quamvis in eis utilia inveniantur, tamen ab auctoritate Canonica atque Apostolica eorum gesta constat esse remota, atque inter Apocrypha deputata.

Zepherinus Papa, mox 60. ex eis sententias recipiendas dicit, Leo, omnes, exceptis quinquaginta.

*Dist. 32. C. Præter.*) dicitur, quod Canonibus Apostolorum Orientalis, & ex parte tantum Romana utatur ecclesia.

## DE CONCILIIS.

### C A P U T I V.

*Concilia quadam in ipsis Decretis damnata.*

*Dist. 15. C. Sancta Romana.*) Imprimis Ariminensem synodum à Constantino Cæsare Constantini filio congregatam, mediante Tauro præfecto, ex tunc & in æternum confitemur esse damnatam.

*Concilia quomodo concilianda. Isidori.*

*Dist. 50. Domino sancto.*) Quotiescunq; in gestis Conciliorum discors sententia invenitur, illius concilii sententia magis teneatur, cujus antiquior & potior existit autoritas.

*Judices qui debeant esse. Ex Concilio Niceno.*

*11. q. 1. C. Iudices.*) Iudices autem esse non debent, nisi quos qui impetratur, elegerit. Neminem simul accusatorem & iudicem esse posse.

*4. q. 4. C.*) Nullus unquam præsumat accusator simul esse & iudex, vel testis, quoniam in omni iudicio, quatuor personas semper necesse est esse, id est iudices electos, accusatores idoneos, defensores congruos, atque testes legitimos. Iudices autem debent uti æquitate, testes veritate, accusatores intentione ad amplifican-

dam causam, defensores extenuatione ad minuendam causam.

Et mox C. sequente. Accusatores & accusati, æqua audiantur ratione juxta quod ordo exigit. Accusatores verò & iudices non iidem sint, sed per se accusatores, per se iudices, per se testes, per se accusati, unusquisq; in suo ordine.

*Quod qui inimici sunt, iudices esse non possint.*

*Nicolai Papa.*

*3. q. 5. C. Quod suspecti.*) Quod suspecti & inimici iudices esse non debeant, & ipsa ratio dicat, & plurimis probatur exemplis. Nam quid gratus & amabilius dare quis inimico potest, quam si ei ad impetendum commiserit, quem lædere forte voluerit? Quod providè Constantino-politana Synodus Canonum suorum sexto dignoscitur prohibere Capitulo. Veniamus & ad sanctam Chalcedonensem synodum, & quid nobis de ipso Anastasio Pelenonū referat Episcopo, audiamus. Is enim antistes tertio evocatus quia non occurrit, à suo Patriarcha Canonice condemnatus extiterat, sed solum, quia cum vocaretur ad synodum, quod inimicus esset ejus ipse qui iudicabat, clamavit, à sancta Chalcedonense synodo ad causas illatas sibi examinandas reservatur, & nisi denuo convinceretur, recipere propriam iudicatur ecclesiam. Si Anastasius à Patriarcha suo depositus, quia de inimicitia ejus conquestus est, iteratò ad iudicium revocandum dirigitur, & si manifesta sibi officiant crimina, tamen suæ ecclesiæ reddi præcipitur, quanto magis Ignatius, qui non à Patriarcha, sed potius ipse existens Patriarcha, minime debuit ecclesiæ propria privari, & inimicis & suspectis iudicibus decernentibus expoliari? Veniat & facundissimus noster pater Papa Gelasius,

sius, hæreticorum expugnator fortissimus, & quid de Constantinopolitanis Episcopis (more solito) tunc ægrotantibus dixit, etiã tunc nobis edisserat. Quæro inquit iudicium quod prætendunt, ubi nam possit agitari, an apud ipsos (qui) iidem inimici sint, & TESTES, & REI, & IUDICES? Sed tali iudicio nec humana debent committi negotia. Quod si in iudicio, ubi iidem sunt inimici qui iudices, nec humana committi debent iudicia, quanto minus divina, id est, ecclesiastica? qui sapiens est, intelligat. Et revera hinc Justinianus Imperator pius legibus suis promulgasse dignoscitur; dicens, liceat ei, quoniam suspectum sibi iudicem putat, antequam lis inchoetur, eum reculare, ut ad alium recurratur. Nam quodammodo naturale est, suspectorum iudicium insidias declinare, & inimicorum iudicium velle refugere. Hinc sanctus Joannes os aureum, Concilii contra se congregati renuit intrare collegiũ. Patet ergo, quod etsi manifesta sunt crimina alicujus, tamen accusatione inimici condemnandus non est.

*Nuper inimicos, accusatores vel testes esse non posse. Anacletus Papa.*

*Ibidem. C. Accusatores.*) Accusatores & testes esse non possunt, qui ante hesternũ diem aut nudius tertius inimici fuerunt, ne irati nocere cupiant, ne læsi se vlcisci velint. Inoffensus igitur accusatorum & testium affectus quærendus est, & non suspectus.

*In absentes sententiam non ferendam.*

3. q. 9. C.) Caveant iudices ecclesiæ, ne absente eo cuius causa ventilatur, sententiam proferant, quia irrita erit &c.

Et mox ibidem. C. Omnia quæ adversus absentes in omni negotio aut loco ar-

guuntur aut judicantur, evacuentur omnino, quoniam absentem nullus addicit, nec ulla lex damnat.

Item. C. Non oportet quemlibet iudicari vel damari, priusquam legitimos habeat præsentem accusatores, locumque defendendi accipiat ad abluenda crimina.

Item. C. Absente adversario, non audiatur accusator, nec absente alia parte, sententia à iudice dicta, nullam obtineat firmitatem.

Item. C. Necessè est secundum sacram scripturarum documentum, ac secundum iustitię tramitẽ, & accusatum, & accusatorẽ simul adesse, & unam partem quantacumq; & qualicumq; prædita sit auctoritate, sic prorsus audiri, ut alteri parti nullum præiudicium irrogetur.

## DE SYNODIS BIS IN ANNO celebrandis.

### CAPUT V.

*Dist. 18. C. De Conciliis.*) Sancti patres salubriter ordinaverunt, ut scilicet bini conventus per annos singulos habeantur, in quibus de omnibus querelis, quæ inter diversos ecclesiæ ordines nasci assolent iudicetur.

Item. C. Propter ecclesiasticas. Sufficere nobis visum est, bis in anno per singulas pvincias Episcoporum Conciliũ fieri.

Item. C. Pervenit. Statuit hæc ergo sancta Synodus, secundum regulas patrum, bis in anno in unum convenire per singulas provincias Episcopos, ubi singula quæ emerferint, corrigantur.

## DE CONSTITUTIONIBUS humanis.

### CAPUT VI.

*Quod stare non possit, quod contra Evangelicam vel Prophetica doctrinam factum fuerit.*

25. q. 1. C. *Omne quod.*) Rubrica habet. Scire non valet quod contra Evangelicam vel Propheticam doctrinam seu constitutionem factum fuerit.

*Pseudopphetas & Divinos esse, qui aliquid tãquam verum pronuntiant, absque divinatorum auctoritate Verborum.*

Dist. 37. C. *Vino.*) Secundum tropologiam pseudopphetas eos debemus accipere, qui aliter scripturarum verba accipiunt, quã Spiritus sanctus sonat, & Divinos eos, qui conjectura mentis suã incerta futurorum quasi vera pronuntiant, absque divinatorum auctoritate verborum.

*Papam non posse condere leges contra disertam Christi, & Apostolorum doctrinam. Urbani Papa.*

25. q. 1. C. *Sunt quidam.*) Ubi verò aperte Dominus vel ejus Apostoli & eos sequentes sancti patres, sententialiter aliquid diffinierunt, ibi non novam legem Romanus Pontifex dare, sed potius quod prædicatum est usque ad animam & sanguinem confirmare debet. Si enim quod docuerunt Apostoli & prophetæ destruere (quod absit) niteretur, non sententiam dare, sed magis errare convinceretur.

*Papam contra statuta patrum nihil condere posse. Zosimi Papa.*

25. q. C. *Contra.*) Contra statuta patrum condere aliquid vel mutare, nec hujus quidem sedis potest auctoritas.

*Decretales non debere aliquid Evangelicis præceptis contrarium habere.*

Dist. 19.) Postquam multis capitibus & auctoritatibus Paparum Gratianus ostendit, Decretales Romanæ sedis epistolas ab omnibus suscipiendas esse, tandem c. Ita Dominus, subjungit: Hoc autem intelligendum est, de illis sanctionibus

vel Decretalibus epistolis, in quibus nec præcedentiũ patrũ decretis, NEC EVANGELICIS PRÆCEPTIS ALIQUID CONTRARIUM INVENITUR.

*Non prohibendum quod scriptura non prohibet.*

27. q. 2. C. *Lex divina.*) Nam cur prohibeatur, quod prohibendum nunquam sancta scriptura declarat?

*De onere constitutionum humanarum. August.*

Dist. 12. C. *Omnia.*) Ipsam religionem, quam in paucissimis, & manifestissimis celebrationum sacramentis misericordia Dei voluit esse liberam, servilibus oneribus premunt, adeò ut tolerabilior sit conditio Judæorum, qui etiam tempus libertatis non cognoverunt, legalibus tamen sacramentis, non humanis præsumptionibus subjiciuntur.

*Constitutiones excludenda.*

Dist. 9. C. *Sacra.*) Constitutiones ergo vel ecclesiasticæ vel sæculares, si naturali juri contrariæ probantur, penitus sunt excludendæ.

## DE CONSUETUDINIBUS.

### CAPUT VII.

*Veritati consuetudo cedat.*

Dist. 8. C. *Veritate.*) Veritate manifestata cedat consuetudo veritati. Planè quis dubitet veritati, manifestè consuetudinem cedere? Item nemo consuetudinem rationi & veritati præponat, quia consuetudinem ratio & veritas semper excludit.

Item. C. *Si.*) Si consuetudinem fortassis opponas, advertendum est, quod Dominus dicit, Ego sum via, Veritas, & vita. Non dixit, Ego sum consuetudo, sed Veritas. Et certè ut B. Cypriani utamur sententia,



rentia, quælibet consuetudo quantumvis vetusta, quantumvis vulgata, veritati omnino est postponenda, & **USUS QUI VERITATI EST CONTRARIUS, EST ABOLENDUS.**

Item. C. Mala autem consuetudo non minus quàm perniciofa corruptela abjicienda & vitanda est, quæ nisi citius radicis evellatur, in privilegiorum jus ab impiis assumitur, & incipiunt prævaricationes, & variæ præsumptiones celerrimè non compressæ pro legibus venerari, & privilegiorum more perpetuo celebrari.

Itē. C. *Qui contempta.*) Revelatione igitur facta veritatis, veritati cedat consuetudo, quia & Petrus qui circumcidebat, cessit Paulo veritatem prædicanti. Igitur cum Christus veritas sit, magis veritatem quàm consuetudinem sequi debemus, quia consuetudinem ratio & veritas semper excludit.

Item. C. Frustra quidam qui ratione convincuntur, consuetudinem nobis obijciunt, quasi consuetudo major sit veritate.

Item. C. Consuetudo, quæ apud quosdam irrepserat, impedire non debet, quò minus prævaleat veritas & vincat. Nam **CONSUEITUDO SINE VERITATE VETUSTAS ERRORIS EST,** propter quod relicto errore sequamur veritatem.

Item. C. Si solus Christus audiendus est, non debemus attendere, quid aliquis ante nos faciendum putaverit, sed quid prius, qui ante omnes est Christus prior fuerit. Neque enim hujus cōsuetudinem sequi oportet, sed Dei veritatem, cum per Esaiam Prophetam loquatur & dicat, *Sine causa colunt me, mandata & doctrinas hominum docentes.*

*Dist. 11. C.* Consuetudinem laudamus, quæ tamen contra fidem Catholicam nihil usurpare dignoscitur.

## DE ABUSIBUS TOL- lendis.

### CAPUT VIII.

*Dist. 63. C. Quia.*) Gratianus ait: Si nonnulli ex prædecessoribus & majorib. nostris fecerunt aliqua, quæ illo tempore potuerunt esse sine culpa, & postea vertuntur in errorem & superstitionem, sine tarditate aliqua, & cum magna auctoritate à posteris destruantur. Adducit etiam exemplum Ezechie regis, qui confregit serpentem æneum à Mose erectum cum populus illum venerari cepisset.

35. q. 9. C. *Quod quis.*) Rubrica habet: corrigendum est, quod illicitè admittitur, aut à prædecessoribus admissum invenitur. Et sequitur: Quod quis commisit illicitè, aut à prædecessoribus suis invenerit admissum, si proprium periculū vult vitare, damnabit.

*Sententiam Romana sedis in melius mutare licere.*

*Sic sonat Rubrica 35. q. 9. C.)* Sententiam Romanæ sedis nō negamus posse in melius commutari.

*Altaria in quibus non certa sanctorum reliquia sint, evertenda esse.*

*De Consecrat. Dist. 1. Placuit.*) Ex Concilio Aphricano. Placuit ut altaria quæ passim per agros & per villas, tanquam memoriæ martyrum constituuntur, in quibus nullum corpus, aut reliquiæ martyris conditæ probantur, ab Episcopis, qui iisdem locis præsunt, si fieri potest, evertantur. Si autem hoc propter tumultus populares non finitur, plebes admoneantur, ne illa loca frequentent, ut qui rectè

sapiunt, nulla ibi superstitione devincti teneantur. Et ideo nulla memoria martyrum probabiliter accipitur, nisi aut ubi corpus, & reliquiae certae sunt, aut ubi origo alicujus habitationis vel possessionis, vel passionis fidelissima origine traditur. Nam quæ per somnia, aut per inanes quasi revelationes quorumlibet hominum, ubicunq; constituuntur altaria, omnino reprobantur.

## DE GRATIA, REMISSIONE peccatorum, & sola fide iustificante.

### CAPUT IX.

*Gratiam non esse, qua gratis datur vel accipitur.*

1. q. 1. *Gratia.* ) Leo Papa. Gratia, si non gratis datur, vel accipitur, gratia non est.

*Contra venditores gratia. Beda.*

1. q. 2. *Non solum.* ) Non solum venditores sunt columbarum, & domum Dei faciunt domum negotiationis, qui sacros ordines largiendo, pretium pecuniae vel laudis, vel etiam honoris inquirunt: Verum hi quoque qui gradum vel gratiam in ecclesiam spiritualem, quam Domino largiente perceperunt, non simplici intentione, sed cuiuslibet humanæ causa retributionis exercent, &c.

*Graviter peccare eum qui Dominica debita sine pœnitentia dimittat.*

23. q. 4. *Si quis.* ) Si is qui prælatus est debitori Dominico culpas impunè dimittit, non mediocriter profectò offendit, qui debita cœlestis regis & Domini, sua præsumptione resolvit. Ea namque quæ in nos committuntur, facile possumus dimittere, ea verò quæ in Deum commissa sunt, cum magna discretionem, nec sine pœnitentia possumus relaxare.

*Indulgentiam sine pœnitentia prestare peccatis, non esse curare sed occidere. Cleri Romani ad Cyprianum.*

Dist. 50. C. *Ab sit.* ) Absit à Romana ecclesia, vigorem suum tam prophana facilitate dimittere, & nervos severitatis (eversa fidei majestate) dissolvere, ut cum adhuc non tantum jaceant in peccatis, sed etiam cadant, everforum fratrum ruinæ properata nimis remedia communicationum, utique non profutura præstentur. Ubi enim poterit pœnitentiæ medicina procedere, si etiam ipse medicus intercepta pœnitentia indulget periculis? Hoc est non curare, sed si verum dicere volumus, occidere est.

*Impœnitentibus veniam concedi non posse.*

Dist. 50. C. *Si quis.* ) Si quis præpostera festinatione temerariè remissionem peccatorum cunctis putat se dare posse, aut audet Domini præcepta rescindere, non tantum nihil prodest, sed obest lapsis. Provocasse enim iram Dei est, non servasse sententiam, nec misericordiam piissimi Domini deprecari, sed contempto Domino de sua facilitate præsumere.

*Non meritis hominum, sed virtute Spiritus S. & à Spiritu S. peccata dimitti. August. in Serm. de remiss. peccat.*

1. q. 1. *Vt evidenter.* ) Vt evidenter ostenderet Dominus à Spiritu sancto quem donavit fidelibus suis, dimitti peccata, non meritis hominum, quodam loco sic ait, Accipite Spiritum sanctum, & continuo subjecit, Si cui dimiseritis peccata, remittuntur ei, hoc est, Spiritus sanctus, dimittit, non nos.

*Solum Christum dimittere peccata. Sic habet Rubrica.*

*De Consecrat. Dist. 4. Nemo.* ) Nemo tollit peccata mundi, nisi solus Christus, qui est

est agnus tollens peccata mundi. Tollit autem & dimittendo quæ facta sunt, ubi & originale continetur, & adjuvando ne fiant, & perducendo ad vitam, ubi fieri omnino non possunt.

*Pœnam & culpam per Christum sublatam esse.*

*De Consecr. Dist. 4. Filius Dei.* ) Filius Dei carnem peccati suscepit, & pœnam sine culpa, ut in carne peccati & culpa solveretur & pœna.

*Sola fide habere veniam promissionem, & sola fide peccata relaxari.*

*De Pœnitent. Dist. 2. Caritas est quæ.* ) Inter alia ex Augustino. Quod si caritas à fide Christianorum seungi nequit, cui scilicet SOLA VENIA promittitur, quomodo qui charitatem non habuerit, fidem Christianorum habuit, id est, in Christum credidit?

Et mox. Hoc est enim manducare panem vivum, quod credere in CHRISTUM, id est, amando tendere in ipsum. Cum ergo reprobis in eum non credit, quem non manducavit, & ita fidem Christianorum (QUA SOLA PECCATA RELAXANTUR) non habuit, quomodo, si vivit Dominus, cui omne iudicium dedit pater, iudicium perpetuæ damnationis effugiet?

*Iustitiam non esse, ubi fides non est.*

24. q. 1. Vbi. ) Ubi sana fides non est, non potest esse iustitia, quia iustus ex fide vivit.

*Non nisi per fidem Christi ab ira nos liberari.*

*De Consecr. Dist. 4. Firmissimo.* ) Eramus enim natura filii iræ, sicut & cæteri, & à qua nullus liberabitur, NISI per fidem mediatoris, hominis.

Jesu Christi.

## DESACRAMENTIS.

## CAPUT X.

*Sacramentum quid sit.*

*De Consecr. Dist. 2. Sacrificium.* ) Sacramentum, id est, sacrum signum.

Item, Sacramentum est invisibilis gratiæ visibilis forma.

*Signum quid sit.*

Ibidem. Signum est res præter speciem quam ingerit sensibus, aliud aliquid faciens ex se in cognitionem venire.

*De figuratis locutionibus.*

*De Consecr. Dist. 4. Quæritur.* ) Sæpè ita loquimur, ut pascha appropinquante crastinam, vel perdissenam, vel perendissenam, Domini passionem dicamus, cum ille ante multos annos passus sit, nec omnino nisi semel ipsa passio facta sit. Nempe ipso die Dominico dicimus, Hodie Dominus surrexit, cum ex quo resurrexerit, tot anni transierunt. Cur nemo tam ineptus est, ut ita nos loquentes, arguat nos esse mentitos, nisi quia istos dies, secundum illorum, quibus hæc gesta sunt, similitudinem nuncupamus, ut dicatur ipsa dies, quæ non est ipsa revolutio temporis, sed similis ejus, & dicatur illo die fieri propter Sacramenti celebrationem, quod non illo, sed jam olim factum est in alio?

*Sacramentum sine Verbo nihil esse quam elementum. August. Homil. 80.*

1. q. 1. Detrahe. ) Detrahe Verbum ab aqua, quid erit nisi aqua? Accedit Verbum ad elementum & fit Sacramentum. Unde ista tanta virtus aquæ, ut corpus tangat, & cor abluat, nisi faciente verbo? non quia dicitur, sed quia creditur.

*In Sacramentis aliud videri, & aliud intelligi.*



*De Con. Dist. 2. Qui manducant.*) Quod videtur, panis est, quod etiam oculi renūciant. Quod autem fides postulat instruenda, panis est corpus Christi, calix sanguis. Ista ideo dicuntur Sacramenta, quia in eis aliud videtur, & aliud intelligitur. Quod videtur speciem habet corporalem, quod intelligitur, fructum habet spirituales.

*Aliud esse Sacramentum, aliud operationem Spiritus sancti. August.*

*1. q. 1. Multa autem.*) Cum aliud sit Sacramentum, quod habere etiam Simō Magus potuit, & aliud prophetia, quæ in malis hominibus etiam fieri solet, ut in Saul, aliud operatio ejusdem Spiritus sancti, quam nisi boni habere non possunt.

*1. q. 1. Etiam.*) Aliud est Sacramentum ab effectu Sacramenti.

*Sacramenta omnibus communia esse, sed non communem gratiam: Gratianus ait.*

*De Pœnit. Dist. 4. Peccatum.*) Etsi in aliquibus communia omnibus sunt omnia Sacramenta, sed non communis gratia, ita & nunc baptisumus est communis, sed non virtus baptisumi.

*Dominum non nisi per seipsum dare gratiam.*

*De Con. Dist. 4. Quomodo.*) Sacramentum gratiæ dat Deus etiam per malos, ipsam verò gratiam, non nisi per seipsum, vel per sanctos suos. Et glossa marginalis addit, imò per seipsum semper, nunquam per ministrum hominem.

*In Sacramentis, neque eum qui plantat, esse aliquid, neque eum qui rigat, sed Deum qui dat incrementum: ex Hieronymo in Micheam.*

*1. q. 1. Nunquam.*) Cum enim in Sacramentis neque qui plantat, neque qui rigat sit aliquid, sed qui incrementum dat

Deus, quis operatur in eis, si Dominus qui incrementum dat, in eis non lucet, sed est ociosus?

*Sacramenta sine charitate nullam apud Deum justitiam præstare.*

*De Pœnit. Dist. 2. Si enim inquit.*) Qui si charitatem Dei non habent, ante Dei oculos aqua tantum regenerantur, non Spiritu sancto. Opera enim seu Sacramentorum participatio, nisi ex charitate procedant, apud Deum nec justitiam nec innocentiam præstant.

*Aurum Sacramenta non quarunt. Ambros. de Off.*

*12. q. 2. Aurum.*) Aurum Sacramenta non quarunt, neque auro placent quæ auro non emuntur. Ornatus sacrorum, redemptio captivorum est, & verà illa sunt vasa pretiosa, quæ redimunt animas à morte, ille verus thesaurus est Domini, qui operatur, quod sanguis ejus operatus est.

*Pretium pro Sacramentis non debere exigere. Ex VI. Synodo.*

*1. q. 1. Nullus Episcopus.*) Nullus Episcopus aut presbyter aut diaconus, qui sacra dispensat communionem, à percipiente gratiam communionis, aliquod pretium exigat, neque enim venditur gratia, neque pro pretio gratiam Spiritus sancti damus, sed dignis muneribus sine defraudatione participare concedimus. Si quis verò eorum qui connumerantur in clero, ab eo cui sacram communionem dispensat, aliquod pretium exegerit, deponatur sicut imitator Simoniacæ fraudis.

Et mox ex Concilio Toletano XI. Quicquid invisibilis gratiæ consolatione tribuitur, nunquam quæstibus vel quibuslibet præmiis venundari penitus debet,

debet, dicente Domino, Quod gratis accepistis, gratis date.

Item ex Concilio Triburiensi ibidem. Dictum est, solere in quibusdam locis pro perceptione chrismatis nummos dari, similiter pro baptismo & communione. Hoc Simoniacę heresis esse testata est sancta Synodus, & anathematizavit, & ut de cætero, nec ꝑ ordinatione, nec pro chrismate vel baptismo, vel pro balsamo, nec pro sepultura vel cõmunionem quicquam exigatur, statuit, sed gratis dona Christi gratuita dispensatione donentur.

## DE BAPTISMO.

### CAPUT XI.

*Idem esse in nomine Trinitatis & in nomine Christi baptizare. Nicol. Papa.*

*De Con. Dist. 4. A quodam.* ) A quodam Judæo, nescitis utrum Christiano an Pagano, multos in patria vestra baptizatos asseritis, & quid inde sit agendum consulitis. Hi profectò, si in nomine sanctę Trinitatis, vel tantum in nomine Christi (sicut in Actibus Apostolorum legitur) baptizati sunt, (unum quippe idem quę est, ut sanctus Ambrosius exponit) quia non illorum, sed ejus est, rebaptizari non debent.

Mox tamen ibidem C. Si revera: ) jubetur rebaptizari, qui tantum in nomine Domini baptizati sunt.

*Nihil referre utrum semel vel ter baptizandus immergatur.*

*De Con. Dist. 4. De trina.* ) De trina immersione baptismatis, nihil responderi verius potest, quàm quod ipsi sensistis, quia in una fide nihii officit sanctę ecclesię consuetudo diversa.

Et mox: Reprehensibile esse nullate-

nus potest infantem in baptismo, vel ter vel semel immergere, quoniam etiam in tribus immersionibus personarum Trinitas, & in una potest divinitatis singularitas designari.

*Olim in festo Pascha & Pentecostes tantum baptizatum esse.*

*De Con. Dist. 4. Non ratione.* ) Non ratione autoritatis alicujus, sed sola temeritate præsumitur, ut passim & liberè in nativitate Christi, seu apparitione, nec non Apostolorum seu Martyrum festivitatibus innumerę plebes baptizentur, cum sibi privilegium hoc apud nos & apud ecclesias omnes Dominicum pascha defendat specialiter cum sancta pentecoste.

Et mox. Duo tempora, id est, pascha & pentecostes ad baptizandum à Romano Pontifice legitimè sunt præfixa.

*Non aquam sed Verbum vel Verbum in aqua mundare.*

*De Con. Dist. 4. Aliud est.* ) Item. Jam vos mundi estis propter Verbum quod locutus sum vobis. Quare non ait, mundi estis propter baptismum quo abluti estis, sed ait, propter Verbum quod locutus sum vobis, nisi quia etiam in aqua Verbum mundat.

*Non tam ablutione corporis quàm fide cordis baptismus constare.*

*De Con. Dist. 4. Verus.* ) Verus baptismus constat non tam ablutione corporis, quàm fide cordis, sicut Apostolica doctrina tradidit, dicens: Fide mundas corda eorum. Et alibi, Salvos facit baptismus, non carnis depositio sordium, sed etiam conscientię bonę interrogatio in Deum.

*Ministros ministerialiter tantum baptizare, Christum autem ꝑ potestatem.*

*De Con. Dist. 4. Aliud.*) Aliud est baptizare per ministerium, aliud baptizare per potestatem.

Et mox. Per hanc enim potestatem, quam Christus solus tenuit sibi, & in neminem ministrorum transfudit, quamvis per ministros baptizare dignatus sit, per hanc inquam stat unitas ecclesiæ, quæ significatur in columba, de qua dictum est. Una est columba mea, una est matris suæ electa. Si enim, ut jam dixi fratres mei, transferretur à Domino potestas ad ministros, tot baptismata essent, quot ministri essent, & jam unitas baptismi non staret.

*Baptismum communem esse, sed non virtutem baptismi.*

*De Pœnit. Dist. 4. Peccatū*) Etsi in aliquibus communia omnibus sunt omnia Sacramenta, sed non communis gratia, ita & nunc baptismus est communis, sed nō virtus baptismi.

*Non damnari fideles, qui à baptismo necessitate excluduntur. August.*

*De Cons. Dist. 4. Baptismi vicem.*) Etiam atque etiam considerans invenio, non tantum passionem Christi id quod baptismo deerat, posse supplere, sed etiam fidem confessionemque cordis, si fortè ad celebrandum mysterium baptismi in angustiis temporum succurri non potest.

Et mox. Quantum itaque valeat, etiam sine visibili Sacramento baptismi, quod ait Apostolus, Corde creditur ad justitiam, ore autem confessio fit ad salutem, in illo latrone declaratū est, sed nūc impletur invisibiliter, cum mysterium baptismi, non contemptus religionis, sed articulus necessitatis excludit.

*Non reiterandum esse baptismum, quod in nomine Trinitatis ministratum est.*

*De Con. Dist. 4. Si qui.*) Si qui apud illos hæreticos baptizati sunt, qui in sanctæ Trinitatis confessione baptizant, & veniunt ad Catholicam fidem, recipiantur quidem ut baptizati, ne S. Trinitatis invocatio vel confessio annulletur.

Multis hoc capitibus agitur per totam distinctionem illam.

*Ibidem C. Rebaptizare.*) Rebaptizare hæreticum hominem, qui hæc S. Trinitatis signa suscepit, quæ Christiana tradidit disciplina, omnino peccatū est, rebaptizare autem Catholicum, immanissimum scelus est.

## DE COENA DOMINI.

### CAPUT XII.

*A quibus Missa instituta sit.*

*De Con. Dist. 1. Iacobus.*) Iacobus frater Domini secundum carnem, cui primum credita est Hierosolymitana ecclesia, & Basilius Cæsariensis Episcopus (cujus claritas per totum orbem refulsit) in scripturis addiderunt nobis Missæ celebrationem.

*Eucharistiam non ab homine, sed à Deo sanctificationem accipere. Gregor.*

*1. q. 1. Non nocet.*) Eucharistia & omnia quæcunque in altari ponuntur, non ab homine, sed à Deo sanctificationem accipiunt.

*In Cæna Domini nihil faciendum esse, nisi quod Dominus prior fecit.*

*De Con. Dist. 2. Scriptura.*) Scriptura dicit, ut quotiescūque calicem in commemorationem Domini & passionis ejus offerimus, id quod constat Dominum fecisse, faciamus.

*Et mox. C. In sacramento.*) In sacramento corporis & sanguinis Domini nihil ana-

lius.



pius offeratur, quam quod ipse Dominus tradidit.

*Item. C. Cum omne.*) Manifestum est, & evidens exemplum veritatis Evangelicæ illuxit, quod præter panem & vinum aliud offerri non licet.

*Quid sit corpus Christi manducare, & sanguinem ejus bibere.*

*De Con. Dist. 2. Quid est.*) Quid est Christum manducare? Non hoc est solum in sacramento corpus ejus accipere, multi enim indignè accipiunt, de quibus ait Apostolus, Qui manducat & bibit calicem Domini indignè, judicium sibi manducat & bibit. Sed quomodo manducandus est Christus? quomodo ipse dixit: Qui enim manducat carnem meam, & bibit sanguinem meum, in me manet & ego in eo, & si indignè accipit Sacramentum, acquirit tormentum magnum.

Et mox C. sequente. Ut quid paradescentem & ventrem? Crede & manducasti. Credere enim in eum, hoc est panem vivum manducare. Qui credit in eum, manducat eum.

*Item C. Credere.*) Credere in Jesum Christum, hoc est manducare panem vivum. Qui credit, manducat. Invisibiliter saginatur, quia invisibiliter renascitur, & qui manducat carnem meam, & bibit sanguinem meum, habet vitam æternam.

Et mox ibidem C. Qui discordat à Christo, non manducat carnem ejus, nec bibit sanguinem, etiamsi tantæ rei sacramentum ad judicium suæ perditionis quotidie accipiat.

*Non carnaliter sed spiritualiter Christi corpus & sanguinem debemus comedere.*

Sic sonat rubrica de Con. Dist. 2. C. Prima quidem.

*Spiritualiter intelligenda esse verba Domini, quæ de manducatione corporis sui loquitur.*

*Ibidem.*) Cum enim diceret, Nisi quis manducaverit carnem meam, & biberit sanguinem meum, non habebit vitam æternam. Illi verò non intelligentes dixerunt ad invicem, Durus est hic sermo, quis eum potest manducare? (aliàs audire) Dicentes Durus est hic sermo, separaverunt se ab illo & remansit cum duodecim discipulis. Discedentibus illis, instruxit eos qui remanserunt, Spiritus est inquit, qui vivificat, caro nihil prodest, verba quæ locutus sum ad vos, spiritus & vita sunt. Intellexistis spiritualiter, spiritus & vita sunt. Intellexistis carnaliter, etiam sic illa spiritus & vita sunt, sed tibi non sunt spiritus & vita, qui spiritualiter nō intelligis. Spiritualiter intelligite quæ locutus sum. Non hoc corpus quod videtis, manducaturi estis, & bibituri illum sanguinem, quem effusuri sunt, qui me crucifigent. Sacramentum aliquod vobis commendavi, spiritualiter intellectum vivificat vos, caro autem non prodest quicquam.

*Manducare Christum, esse credere in Christum.*

*De pœnit. Dist. 2. Caritas.*) Hoc est enim manducare panem vivum, quod credere in Christum, id est, amando tendere in ipsum.

*Distinguendum esse inter naturam verbi & corporis Christi.*

*De Con. dist. 2. C. Si credis.*) Si credis à Christo carnem esse susceptam, & offeras transfiguratum corpus in altari, nec tamen distinguis naturam verbi

& corporis Christi, dicitur tibi, si rectè offeras, rectè autem non dividas, peccasti.

*Verbum Christi aque magnum esse ac corpus Christi. Augst.*

1. q. 1. Interrogo.) Interrogo vos fratres vel sorores, dicite mihi, quid plus videtur vobis, corpus Christi an verbū Christi? Si vultis verè respondere, hoc dicere debetis, quòd nō sit minus Dei Verbum, quam Christi corpus, & ideo quanta sollicitudine observamus, quando nobis Christi corpus ministrat, ut nihil ex ipso de manibus nostris in terram cadat, tanta sollicitudine observemus ne Verbū Domini, quod nobis erogatur, dum aliud aut cogitamus aut loquimur, de corde puro pereat. Quia non minus erit reus, qui Verbum Dei negligenter audierit, quàm ille qui corpus Christi sua negligentia in terram cadere permiserit.

*Sacramentum suo modo vocari corpus Christi, non rei veritate, sed significante mysterio.*

De Con. Dist. 2. Hoc est.) Sicut ergo cœlestis panis, qui Christi caro est (id est cœlestis Sacramentum quod verè REPRESENTAT Christi carnem,) suo modo vocatur corpus Christi, (in Glossa iterum additur, ut sit sensus, vocatur Christi, id est, SIGNIFICAT.) cum revera sit Sacramentum corporis Christi illius videlicet, quod visibile, quod palpabile, mortale in cruce positum est, vocaturque ipsa immolatio carnis, quæ sacerdotis manibus fit Christi passio, mors, crucifixio, nō rei veritate, sed significante mysterio. Sic Sacramentum fidei, quod baptismus intelligitur, fides est.

*Pane significari corpus Christi, & vino sanguinem.*

De Con. Dist. 2. Comperimus. Glossa habet.)

Portione, id est, specie panis, quæ tantum sacrum corpus SIGNIFICAT, Item. A calice, i. e. à specie vini, quæ SIGNIFICAT sacrum sanguinem.

*Ibidem. C. Nulli.)* Nulli est aliquatenus dubitandum, unumquemque fidelium, corporis & sanguinis Dominici tunc esse participem, quando in baptismo membrum efficitur Christi, nec alienari ab illius panis calicisque consortio, etiam si antequam panem illum comedat, calicemque bibat, de hoc seculo migraverit, in unitate corporis Christi constitutus. Sacramenti quippe illius participatione ac beneficio non privabitur, quā in se hoc quod illud sacramentū SIGNIFICAT invenit. *Ascensionem Domini testari. quòd Dominus corpus suum carnaliter non erogat, & quòd gratia moribus non consumatur.*

De Con. Dist. 2. Prima quidem.) Sciens autem Iesus ait, Hoc vos scandalizat, quia dixi, De vobis carnem meam manducare, & sanguinem meum bibere? Si ergo videritis filium hominis ascendētem ubi prius erat. Quid est hoc? Hic solvit quod illos moverat, hinc aperuit unde fuerant scandalizati, hinc planè, si intelligerent. Illi autem putabant erogaturum corpus suum, ille dixit, se ascendurum in cœlum, utique integrum. Cum videritis filiū hominis ascendentem ubi erat prius, certè vel tunc videbitis quia nō eo modo, quo putatis, erogat corpus suum, vel tunc intelligetis, quia gratia ejus non consumitur moribus.

*Dominum sursum esse, & corpus ejus in quo resurrexit in uno loco esse.*

De Con. Dist. 2. Prima quidem.) Item, donec sæculum finiatur, SURSUM DOMINUS EST, sed tamen etiam hic nobiscum est veritas Domini. Corpus enim in quo resur-

resurrexit IN UNO LOCO ESSE OPORTET, veritas autem ejus ubique diffusa est.

*Quomodo Christus semel immolatus sit, & in Cœna quotidie immoletur. Rubrica.*

*De Con. Dist. 2. Semel Christus.*) Semel Christus mortuus est, justus pro injustis: & scimus & certum habemus & spe immobili retinemus, quia Christus resurgens à mortuis, jam non moritur, mors illi ultra non dominabitur. Verba ista apostoli sunt: Tamen ne obliviscamini quod semel factum est, in memoria nostra sit omni anno. Quotiens Pascha celebratur, nunquid totiens Christus occiditur? Non, sed anniversaria recordatio repræsentat quod olim factum est, & sic nos facit moneri, tãquam videamus præsentem Dominum in cruce.

*Ibidem. C. In Christo.*) In Christo semel oblata est hostia ad salutem sempiternam potens. Quid ergo nos? Nonne per singulos dies offerimus? sed ad recordationem mortis ejus. Et una est hostia, non multæ. Quomodo est una, non multæ? quia semel oblatus est Christus, hoc autem sacrificium, **EXEMPLUM** est illius.

*Et mox ibidem.*) Quod nos facimus, in **COMMEMORATIONEM** sit ejus quod factum est. Hoc enim facite, ait, in meam commemorationem.

*Quomodo veteres eandem escam spiritualem nobiscum comederint.*

*De Con. Dist. 2. Inquit Apostolus.*) Inquit Apostolus; omnes eandem escam spirituale manducaverunt. Spirituale utique eandem, nam corporalem aliam, quia illi manna manducaverunt, nos aliud. Et omnes eundem potum spiritualem biberunt, aliud illi, aliud nos, sed

specie visibili, quod tamen idem est virtute spirituali.

*Quòd in missa omnes communicare debeant.*

*De Con. Dist. 2. Peracta.*) Peracta consecratione **OMNES** communicent, qui noluerint ecclesiasticis carere liminibus. Sic enim Apostoli statuerunt, & sancta Romana tenet ecclesia.

*Quoties communicandum sit.*

*De Con. Dist. 2. Quotidie.*) Quotidie eucharistiæ communionem accipere nec laudo, nec vitupero, omnibus tamen Dominicis diebus communicandum horro.

*Et mox.*) Si dixerit quispiam, non quotidie accipiendam eucharistiã, alius affirmat, quotidie. Faciat unusquisque quod secundum fidem suam pie credit faciendum.

*Ibidem. C. Etsi.*) Etsi non frequentius, saltem in anno ter homines communicent, nisi fortè quis in majoribus quibuslibet criminibus impediatur, in pascha videlicet, & pentecoste, & natali Domini.

*Et mox C. Seculares.*) Qui in natali Domini, pascha, pentecoste non communicaverint, catholici non credantur, nec inter catholicos habeantur.

*De utraque specie exhibenda.*

*De Con. Dist. 2. Cum omne.*) Cum omne crimen atque peccatum oblati Deo sacrificiis deleatur, quid de cætero pro delictorum expiatione Domino dabitur, quando in ipsa sacrificii oblatione erratur? Audivimus enim quosdam schismatica ambitione detentos, contra divinos ordines & Apostolicas institutiones, lac pro vino in divinis sacrificiis dedicare. Alias quoque intinctam eucha-



rīstiam, populis pro complemento communionis porrigere.

*Et mox ibidem.*) Illud verò quod pro complemento communionis intinctam tradunt eucharistiam populis, nec hoc prolatum ex evangelio testimonium receperunt, ubi Apostolis corpus suum commendavit & sanguinem, Seorsum enim panis, & seorsum calicis commendatio memoratur. Nam intinctum panem aliis Christum præbuisse non legimus, excepto illo tantum discipulo, quem intincta buccella magistri proditorem ostenderet, non quæ sacramenti hujus institutionem signaret.

*Item, C. Comperimus.*) Comperimus autem, quòd quidam sumpta tantummodo corporis sacri portione, à calice sacri cruoris abstineant, qui proculdubio (quoniam nescio qua superstitione docentur astringi) aut integra sacramenta percipiant, aut ab integris arceantur, quia DIVISIO UNIUS EIUSDEMQUE MYSTERII, SINE GRANDI SACRILEGIO NON POTEST PERVENIRE.

*In privatis domibus & oratoris missam non esse celebrandam. Ex Concil. Aurel.*

*De Con. Dist. 1. C. Vnicuique.*) Unicuique fidelium in domo sua oratorium licet habere, & ibi orare, missas autem ibi celebrare non licet.

*Fidelem etiam ante perceptionem eucharistia morientem salvari posse.*

*De Con. Dist. 1. C. Nulli.*) Nulli est aliquatenus dubitandum, unumquemque fidelium, corporis & sanguinis Domini tunc esse participem, quando in baptismo membrum efficitur Christi, nec alienari ab illius panis calicisque consortio, etiamsi antequam panem illum comedat calicemque bibat, de hoc seculo

migraverit, in unitate corporis Christi constitutus. Sacramenti quippe illius participatione ac beneficio non privabitur, quando in se hoc quod illud sacramentum significat invenitur.

*Excommunicandos, qui usque ad finem missarum solennia non audierint, neque communionem perceperint.*

*De Con. Dist. 1. C. Omnes fideles.*) Omnes fideles qui conveniunt in solennitatibus sacris ad ecclesiam, & scripturas apostolorum & evangelium audient: Qui verò non perseverant in oratione usque dum missa peragatur, nec sanctam communionem percipiunt, velut inquietudines ecclesiæ commoventes convenit communione privari.

*Idem ibidem C. cum ad celebrandas. Non nisi duobus præsens missam celebrandam.*

*De Con. Dist. 1. Hoc quoque.*) Hoc quoque statutum est, ut nullus presbyterorum missarum solennia celebrare præsumat, nisi duobus præsens sibi que respondentibus, & ipse tertius habeatur, quia cum pluraliter ab eo dicitur, Dominus vobiscum, &c.

*De his qui pro pecuniis una die plus quam unam faciunt missam.*

*De Con. Dist. 1. Sufficit.*) Qui verò pro pecuniis aut adulationibus sæcularium una die præsumunt plures facere missas, non æstimo evadere damnationem:

*Quamdiu clericis post Missam jejunandum.*

*De Con. Dist. 2. Tribus gradibus.*) Si igitur manè Dominica portio editur, usque ad sextam jejunent ministri, qui eam consumpserunt. Et si tertia vel quarta hora acceperint, jejunent usque ad vespere.

ras.

DE EXCOMMUNICA-  
tione.

## CAPUT XIII.

*Ligandi & solvendi potestatem veris non falsis sacerdotibus traditam esse.*

24. q. 1. *Audivimus.*) Gratian. inquit, Ligandi namq; vel solvendi potestas veris non falsis sacerdotibus à Domino tradita est. Apostolis enim dicturus, quorū remiseritis peccata &c. præmisit, accipite Spiritum S. ut evidenter cunctis ostenderet, eum qui Spiritum S. non habet, peccata non posse tenere vel remittere.

*Neminem excommunicandum, nisi de certa & manifesta peccati causa.*

11. q. 3. *Nemo Episcoporum.*) Nemo Episcoporum quemlibet sine certa & manifesta peccati causa, communione privet ecclesiastica. Ex Concilio Meldensi.

*Quod pro injuria propria Episcopo aliquem excommunicare non liceat.*

23. q. Inter querelas.) Nil te cogitare de cœlestibus ostendis, sed terrenam te habere conversationem significas, dum pro vindicta propriæ injuriæ (quod sacris regulis prohibetur) maledictionem anathematis invexisti.

*Pro levibus causis neminem excommunicandum esse. Ex Concilio Alvernensi.*

11. q. 3. *Nullus sacerdotum.*) Nullus sacerdotum, quemquam recte fidei hominem pro parvis & levibus causis à communione suspendat, præter eas culpas, pro quibus antiqui patres arcere ab ecclesia jusserunt committentes.

*Excommunicationem non nisi in impiis ratam esse.*

1. q. 1. *Vt evidenter.*) Sicut is quem sacerdos tolerat in ecclesia, tamen est extra ecclesiam, & extra corpus ejus, cujus caput est Christus, si ei ostiarius non aperuerit:

Ita non ideo extra ecclesiam est, & non est de corpore, si quis pastoris præjudicio compellitur foris esse. August. in Sermonem de Remissione peccatorum.

*Excommunicationem erga infantes non valere.*

11. q. 3. *Quomodo.*) Quomodo sacerdos mundum leprosum non facit, sic Episcopus vel presbyter non alligat eos qui infantes sunt, nec solvit noxios, sed pro officio suo, cum peccatorum varietates audierit, scit qui ligandus sit, qui solvendus. Hier. supra Malach. 1. 3.

Ibidem. August. de verbis Domini: Cepisti fratrem tuum habere tanquam publicanum, ligas illum in terra, sed ut justè alliges vide, nam injusta vincula dirumpit justitia.

Idem ad clerum Hipponensem. Quid obest homini, quod ex illa tabula vult eum delere humana ignorantia, si de libro viventium non delect iniqua conscientia?

*De iis qui innocentes excommunicantur. Hier.*

*Origenes super Leviticum.*

24. q. 3. *Siquis.*) Si quis non recto judicio eorum qui præsent ecclesiæ depellatur & foras mittatur, si ipse antea non exiit h. e. si non ita egit ut mereretur exire, nihil læditur in eo, quod non recto judicio ab hominibus videtur expulsus. Et ita fit, ut interdum ille qui foras mittitur intus sit, & ille foris, qui intus videtur retineri.

*Et max C. Cum aliquis.*) Cum aliquis exit à veritate, à timore Dei, à fide, à charitate, exit de castris ecclesiæ, etiam si per Episcopi vocem minime abjiciatur, sicut è contrario aliquis non recto judicio foras mittitur: sed si ante non exierit, id est, si non egerit, ut mereretur exire, nihil læditur. Interdum enim qui foras mittitur,

tur,

tur, intus est, & qui foris est, intus videtur retineri.

*De præcipiti excommunicatione.*

24. q. 3. *Non in perpetuum.*) Multi sacerdotum culpam zelo Dei se persequi profectur, sed dum indiscretè hoc agitur, sacrilegii facinus incurrunt, & dum præcipientes quasi ad emendandum ruunt, ipsi quoque multo magis in deterius cadunt. *Quid qui aliquem illicitè excommunicet, semetipsum non illum condemnet.*

Sic sonat Rubrica 24. q. 3. Comperimus.

*Illum se ligandi & solvendi privare potestate, qui ea abutatur. Greg. homil. 27.*

11. q. 3. *Ipsè ligandi.*) Ipsè ligandi atq; solvendi se potestate privat, qui hanc pro suis voluptatibus, & non subditorum moribus exercet.

Idem in registro) Privilegium omnino meretur amittere, qui permessa sibi abutitur potestate.

Et aliquando post. August.) Si quisquam fidelium fuerit anathematizatus injustè, potius ei oberit qui facit, quàm qui hanc patitur injuriam.

*Quòd qui contra fidem aliquid docens, neminem deicere valeant nec damnare.*

24. q. 1. *Miramur.*) Gratianus. His auctoritatibus perspicuè monstratur, quòd ex quo aliquis contra fidem ceperit aliquid docere, nec deicere quenquam valet, nec damnare.

*Excommunicandos eos, qui dum sacra sit concio, egrediuntur.*

*De Con. Dist. 1. Sacerdote.*) Sacerdote verbum in ecclesia faciente, qui egressus de auditorio fuerit, excommunicetur.

*Excommunicandum, qui prætermisso ecclesia conventu, ad spectacula vadit.*

*De Con. Dist. 1. Qui die.)* Qui die solenni prætermisso ecclesiæ conventu, ad spectacula vadit, excommunicetur.

## DE RITIBUS ECCLESIASTICIS seu adiaphoris.

### C A P U T XIV.

*De libertate ecclesiarum circa ritus adiaphoris.*

*Dist. 11. In his rebus.)* In his rebus, de quibus nihil certe statuit divina scriptura, mos populi Dei, & instituta majorum pro lege tenenda sunt, & sicut prævaricatores divinarum legum, ira contemptores ecclesiasticarum consuetudinum coercendi sunt.

*Dist. 12. Illud.)* Illud breviter te admonendum puto, traditiones ecclesiasticas, præsertim QUÆ FIDEI NON OFFICIANT, ita observandas, ut à maioribus traditæ sunt, nec aliquorum cōsuetudinem, aliorum contrario more subverti.

Item. C. Novit. Novit fraternitas tuâ Rom. ecclesiæ consuetudines, in qua se meminit esse nutritam, sed mihi placet, ut sive in Romana, sive in Gallicorum, sive in qualibet ecclesia invenisti, quòd plus omnipotenti Deo possit placere, sollicitè eligas, & in Anglorum ecclesia, quæ adhuc in fide nova est, & in constitutione præcipua quæ de multis ecclesiis colligere poteris, infundas. Non enim pro locis res, sed pro rebus loca amanda sunt. Ex singulis ergo quibuscunque ecclesiis, quæ pia, quæ religiosa, quæ recta sunt, elige, & hæc quasi in fasciculum collecta, apud Anglorum mentes in consuetudinem deponere.

Item. C. *Illâ autem.)* Quòd alii jejunant sabbatum, alii non, alii verò quotidie communicant corpori & sanguini Domini,



mini, alii certis diebus accipiunt, & si quid aliud hujusmodi animadverti potest, totum hoc genus rerum liberas habet observationes. Quod enim neque contra fidem Catholicam, neque contra bonos mores esse convincitur, indifferenter est habendum, & pro eorum inter quos vivitur, societate servandum est. Augustinus idem auctoritate Ambrosii allerit, Mater mea Mediolanum me secuta, invenit ecclesiam sabbato non jejunantem, cepit fluctuare quid ageret, tunc ego consului de hac beatissimæ memoriæ Ambrosium Episcopum. At ille ait, cum Romam venio, sabbatum jejuno. Cum Mediolani sum, non jejuno. Sic & tu, ad quamcunque fortè ecclesiam veneris, ejus morem serva, si cuiquam non vis esse scandalum, nec quenquam tibi. Hoc cum matri renunciassem, libenter amplexa est.

*De Con. Dist. 4. De trina.)* In una fide nil officit sanctæ ecclesiæ consuetudo diversa.

## DE CANTU ECCLESIASTICO.

### CAPUT XV.

*Dist. 23. C. Psalmista.)* Cum cantores à presbyteris ordinantur, dicitur illis, Vide ut quod ore cantas, corde credas, & quod corde credideris, operibus compleas.

*Dist. 92. Cantantes.)* Cantantes & psallentes in cordibus vestris Domino. Audiant hi, quibus in ecclesia est psallendi officium, Deo non voce, sed corde cantandum, nec in tragædiarum modum guttur & fauces medicamine liniendæ sunt, ut in ecclesia theatrales moduli audiantur & cantica. Hier. in epist. ad Ephes.

Et mox. *C. In sancta.)* Fit plerumque ut in sacro ministerio dum blanda vox quaritur, congrua vita negligatur, & Camor minister Deum moribus stimulet, cum populum vocibus delectat.

### Quomodo Psalmi canendi.

*De Con. Dist. 5. Non mediocriter.)* Numquid verbo. um multitudine flecti Deus ut homo potest? Non enim verbis tantum, sed corde orandus est Deus. Quapropter melior est quinque Psalmorum decantatio cum cordis puritate ac serenitate, ac spiritali hilaritate, quàm totius Psalterii modulatio cum anxietate cordis atque tristitia.

## DE BONIS ECCLESIASTICIS.

### CAPUT XVI.

#### De usu auri ecclesiastici.

*12. q. 2. Aurum.)* Aurum ecclesia habet non ut servet, sed ut erogat, & subveniat in necessitatibus. Quid est opus custodire, quod nihil adjuvat? An ignoramus, quantum auri atque argenti de templo Domini Assyrii sustulerunt? Nonne melius conflatur sacerdos pro alimonia pauperum, si aliqua subsidia defunt, quàm si sacrilegus contaminat & asportat hostis? Nonne dicturus est Dominus, Cur passus es tot inopes fame mori? Certè habebas aurum, unde ministrasses alimoniam. Cur tot captivi in capivitatem ducti, nec redempti ab hoste occisi sunt? Melius fuerat ut vasa viventium servares quàm metallorum? His non potes responsum referre. Quid enim dices? Timui ne templo Dei ornatus deesset. Responder, AURUM SACRAMENTA NON QUÆRUNT, neque auro placent

cent quæ auro non emuntur. Ornatus sacrorum redemptio captivorum est, & vera illa sunt vasa pretiosa, quæ redimunt animas à morte, ille verus thesaurus est Domini, qui operatur, quod sanguis ejus operatus est.

*De bonis ecclesiasticis in quatuor partes dividendis.*

12. q. 2. *Concesso.*) Redditus & oblationes fidelium in quatuor partes dividat, quarum unâ Episcopus sibi ipsi retineat, alteram clericis pro officiorum suorum sedulitate distribuât, fabricis tertiam, quartam pauperibus & peregrinis habeat fideliter erogandam, quarum rationem divino est redditurus examini.

Et mox C. *Quatuor.*) Quatuor autem tam de redditu, quam de oblatione fidelium prout cujuslibet ecclesiæ facultas admittit, sicut dudum rationabiliter est decretum, convenit fieri portiones, quarum una sit pontificis, altera clericorum, tertia pauperum, quarta est fabricis applicanda.

Idem mox C. *Mos est.*

*De his qui bona ecclesiastica in milites, aut servitores, vel consanguineos conferunt.*

16. q. 7. *Pervenit.*) Pervenit ad nos fama sinistra, quod quidam Episcoporum, non sacerdotibus propriæ diocesis decimas atque Christianorum oblationes conferunt, sed potius laicalibus personis, militum videlicet sive servitorum, vel (quod gravius est) etiam consanguineis. Unde si quis amodo Episcopus inventus fuerit hujus præcepti divini transgressor, inter maximos hereticos & antichristos non minus habeatur. Et sicut Nicæna Synodus de Simoniacis censuit, & qui recipiunt ab eo laici, & qui dat Episcopus, sive pretio sive beneficio, æterni incendii ignibus deputentur.

*De ornatu templorum. Hieronymus ad Nepotianum.*

12. q. *Olia. Episcop.*) Multi ædificant parietes, & columnas ecclesiæ subtrahunt, marmora nitent, auro laquearia splendent, gemmis altare distinguitur, & ministrorum Christi nulla est electio. Neque verò mihi aliquis opponat dives in Judæa templum, mensam, lucernas, thuribula, patellas, cyphos, mortariola, & cætera ex auro fabricata. Tunc enim hæc probabantur à Domino, quando sacerdotes hostias immolabant, & sanguis pecudum erat remissio peccatorum. Quanquam hæc omnia præcesserint in figuram. Scriptum est autem propter nos, in quos fines seculorum devenerunt. Nunc verò cum paupertatem domus suæ pauper Dominus dedicavit, portemus crucem, & delicias lutum putemus.

*De vasīs ecclesiasticis.*

*De Con. Dist. 1. Vasa.*) Bonifacius martyr & Episcopus interrogatus si liceret in vasculis ligneis Sacramenta conficere, respondit, quondam sacerdotes non aureis sed ligneis calicibus utebantur. Zepherinus sedecimus Romanus Episcopus patenis vitreis missas celebrari constituit. Deinde Urbanus Papa omnia ministeria sacra fecit argentea, &c.

Et mox C. *Vt calix.*) Si quis autem tam pauper est, saltem vel stanneum habeat calicem.

## DE MAGISTRATU.

### CAPUT XVII.

*Magistratibus tributa ab ecclesiasticis non neganda. Ambrosius ad Auxent.*

11. q. 1. *Sit tributum.*) Si tributum petit Imperator, non ei negamus, agri ecclesiæ solvant tributum. Si agros desiderat Imperator,

perator, potestatem habet vendicandum, tollat eos, si libitum est. Imperatori non dono, sed non nego.

Et mox idem. Magnum quidem est & speciale documentum, quo Christiani viri sublimioribus potestatibus docentur debere esse subjecti, ne quis constitutionem terreni regis putet esse solvendam. Si n. census filius Dei solvit, quis tu tantus es, qui putas esse non solvendū? Item Apostolus: Omnis anima sublimioribus potestatib. subdita sit. Item Petrus Apostolus generaliter omnib. fidelibus scribit, Estote subditi dominis vestris sive regi quasi præcellenti, sive ducibus tãquam ab eo missis, ad vindictam malefactorum, laudem verò bonorum.

## DE JURE JURANDO

& votis.

### CAPUT XVIII.

*Non jurandum esse per creaturas.*

22. q. 1. *Et jurabunt.*) Quòd per mortuos juret omnis idololatra. Hier. super Ierem. lib. 1.

Item C. *Considera.*) Considera quòd salvatos non per Deum jurare prohibuit, sed per cælum & terram, etiam per Hierosolymam, & per caput tuum. Hier. super Matth. lib. 1.

Et mox ex Concilio Carthaginensi IV. Clericum per creaturas jurantem, accerrimè esse objurgandum, si perstiterit in vicio excommunicandum decernimus.

Et mox iterum C. *Si quis.*) Et si quis per creaturas juraverit, accerrimè castigetur, & juxta id quod Synodus dijudicaverit, pœniteat. Si quis autem talem hominem nō manifestaverit, non est dubium, quin divina condemnatione coerceatur. Sed

si Episcopus ista emendare neglexerit, accerrimè corripiatur.

Et mox C. *Monette.* Augustinus ad Publicolam, quòd bis peccet, qui per falsos Deos juret, & fidem quoq; non servet.

Ibidem. Alia quæstio est, utrum non peccet, qui per falsos Deos sibi jurari facit, quia ille qui ei jurat, jurat per falsos Deos quos colit. Cui quæstioni possunt illa testimonia suffragari, quæ ipse commemorasti de Laban & Abimelech, si tamen Abimelech per Deos suos juravit, sicut Laban per Deum Nahor. Sicut etiam cum in libro Machabæorum Romani legantur pacem firmasse cum Judæis, intelligendi sunt jurasse per falsos Deos, sicut & Judæi juraverunt per Deum verum. Sic etiam & de juramento quod fit per creaturas, intelligendum est, quod ipsum quidem JURARE PER CREATURAS MALUM EST, QUIA A DEO PROHIBITUM, sed servare quod juratur, bonum est, ut evitetur peccatum mendacii & dolositatis.

Et mox ibidem. Deus autem per creaturas jurare prohibuit, ne vel more gentilium aliquod numen Deitatis creaturis inesse crederetur, vel ne creaturas contemptibiles judicando, per eas promissa pro nihilo duceremus.

*Majus esse per Deū, quàm per Evangelium jurare.*

22. q. 1. *Si aliqua.*) Si aliqua causa fuerit, modicum videtur facere, qui jurat per Deum, qui autem per Evangelium, majus aliquid fecisse videtur, quibus dicendum est, Stulti, propter Deum scripturæ sanctæ sunt, non Deus propter scripturæ. *Illicita juramenta & vota non esse servanda.*

22. q. 4. Multis hoc agitur capitibus, & inducunt diversa Herodis & Davidis exempla. Ibidem etiam hæc testimonia citantur.

Dd 2 Isidorus



Isidorus in Synonymis lib. 2. In malis promissis rescinde fidem, in turpi voto muta decretum, quod incautè vovisti, ne facias, impia est promissio, quæ scelere adimpletur.

Ambrosius de Officiis. Melius est non vovere, quàm vovere id, quod sibi is cui promittitur nolit exolvi.

August. Magnæ sapientiæ est revocare hominem, quod malè locutus est.

Concil. Elibertinum. Diffinitio incauta laudabiliter solvenda est, nec est prævaricatio, sed temeritatis emendatio.

August. Mulier si fide conjugali violata fidem servet adultero, utique mala est, potrò si eam flagitii pœniteat, & ad castitatem rediens conjugalem, pacta ac placita adulterina rescindat, miror si eam fidei violatricem vel ipse adulter putabit.

## DE HÆRETICIS.

### CAPUT XIX.

24. q. 3. *Hæresis.*) Quicumq; igitur aliter scripturam intelligit, quàm sensus Spiritus sancti flagitat, à quo scripta est, licet ab ecclesia non recesserit, tamen hæreticus appellari potest.

*Angelos colere hæresim esse:*

24. q. 3. In Catalogo hæreticorum recensentur etiam Angeli, qui ideo sic dicti sunt, quia angelos colebant.

## DE PRIMATU IN ECCLESIA, & de Papa.

### CAPUT XX.

*Omnes Apostolos eodem honore & eadem potestate præditos fuisse.* Cyprianus Papa.

22. q. 1. *Loquitur.*) Hoc utique erant cæteri Apostoli, quod Petrus fuit, pari consortio præditi & honoris & potestatis.

*Paulum Petro non fuisse imparem.* Hier. de Paulo super epistolam ad Gal.

2. q. 7. *Paulus.*) Paulus Petrum reprehendit, quòd non auderet, nisi se non imparem sciret. Hic addit Gratianus de suo, Hoc non de officio ecclesiasticæ dignitatis, sed de puritate vitæ, & sanctitate conversationis intelligitur. Solus enim Petrus inter Apostolos primatum gerebat. Hoc scilicet Hieronymus ignoravit.

Et mox, Ambrosius. Beati Petrus & Paulus eminent inter universos Apostolos, & speciali quadam prærogativa præcellunt, verum inter ipsos quis cui præponatur incertum est. Puto enim illos æquales esse meritis, qui æquales sunt passione, & simili eos fidei devotione vixisse, quos simul videmus ad martyrii gloriam pervenisse. Non enim sine causa factum putamus, quòd una die passi sunt, uno loco, sub uno persecutore. Una die, ut ad Christum pariter pervenirent. In uno loco, ne alteri Roma deesset. Sub uno persecutore, ut æqualis crudelitas utrosque constringeret. Dies ergo pro merito, locus pro gloria, persecutor decretus est pro virtute.

*Primitivā ecclesiā nullos ordines habuisse præter diaconatū & presbyteratum.* Urbanus Papa.

*Dist. 6. C. Nullus.*) Nullus in Episcopatum eligatur, nisi in sacris ordinibus religiosè vivens fuerit inventus. Sacros autem ordines dicimus diaconatū & presbyteratum, Hos siquidem solos primitiva legitur habuisse ecclesia:

*Episcopos & presbyteros olim idem & ejusdem dignitatis fuisse.*

*Dist. 21. Cleros.*) Apud veteres idem Episcopi & presbyteri fuerunt.

*Dist. 91. C. Legimus.*) Ex Hieronymo ad Evagrium vel Eugenium Episcopum multis.

multis probatur, quòd Episcopi & Presbyteri ejusdem olim fuerint dignitatis. Postea sequitur: Quod autem postea unus electus est, qui cæteris præponeretur, in schismatis remedium factum est, ne unusquisque ad se trahens ecclesiam Christi rumperet.

*Dist. 95. Olim.*) Hier. super epistolam ad Titum. Olim idemerat presbyter qui & Episcopus, & antequam diaboli instinctu studia vel schismata in religione fierent, & diceretur in populis, Ego sum Pauli, ego sum Apollos, ego autem Cepha, communi presbyterorum consilio ecclesiæ gubernabatur. Postquam unusquisque eos quos baptizaverat suos esse putabat, non Christi, in toto orbe decretum est, ut unus de presbyteris superponeretur omnibus, & schismatum semina tollerentur.

Et paulò post: Sicut ergo presbyteri sciunt se ex ecclesiæ consuetudine ei qui sibi præpositus fuerit esse subiectos, ita episcopi noverint se magis consuetudine quam dispensationis Dominicæ veritate presbyteris esse majores, & in communi debere ecclesiam regere.

*Parem omnium ecclesiarum & Episcoporum esse dignitatem. Hiero.*

*Dist. 93. C. Legimus.*) Nec altera Romanæ urbis ecclesiæ, altera totius orbis æstimaanda est, & Galliæ & Britanniæ. Nam & Aphrica, & Persis, & Oriens, & India, & omnes barbaræ nationes, unum Christum adorant, unam observant regulam veritatis. Si autem auctoritas quæreretur, orbis major est urbe. Ubique fuerit Episcopus, sive Romæ, sive Eugubii, sive Constantinopoli, sive Regii, sive Alexandriæ, sive Thebis, sive Guarmatiæ, ejusdem meriti est, ejusdem & sacerdotii. Po-

tentia divitiarum, & paupertatis humilitas, vel sublimiorem vel inferiorem Episcopum non facit.

*Vnicuique ecclesiæ suus honor servetur. Ex Concilio Niceno.*

*Dist. 63. C. Mos antiquus.*) Mos antiquus perduret in Aegypto vel Lybia & Pentapoli, ut Alexandrinus Episcopus horum omnium habeat potestatem, quandoquidem & Romano Episcopo parilis est mos. Similiter autem apud Antiochiam & cæteras provincias, honor suus unicuique servetur ecclesiæ.

*De primatu in ecclesiâ. Ex Concilio Aphricano.*

*Dist. 99. C. Prima.*) Primæ sedis Episcopus, non appelletur princeps sacerdotum, vel summus sacerdos, aut aliquid hujusmodi, sed tantum primæ sedis Episcopus.

Universalis autem, nec etiam Romanus Pontifex appelletur. Unde Pelagius omnibus Episcopis.

Nullus Patriarcharum universalitatis vocabulo unquam utatur, quia si unus Patriarcha universalis dicitur, Patriarcharum nomen cæteris derogatur. Sed absit hoc à fidelibus, hoc sibi velle quæpiam arripere, unde honorem fratrum suorum imminuere ex quantulacunque parte videatur. Quapropter charitas vestra neminem unquam etiam suis in epistolis universalem nominet, ne sibi debitum subtrahat, cum alteri honorem infert indebitum.

Item Gregorius Eulogio Patriarchæ Alexandrino. Ecce in præfatione epistolæ quam ad me ipsum, qui prohibui dixistis, superbæ appellationis verbum, Universalem me Papam dicentes, imprimere curastis. Quod (peto) mihi dulcissima sanctitas vestra ultra non faciat, quia

vobis subtrahitur, quod alteri plusquam ratio exigit, præbatur. Ego non verbis quæro prosperari, sed moribus, ne honorem esse deputo, in quo fratres meos honorem suum perdere cognosco. Meus namque est honor universalis ecclesiæ, meus honor est fratrum meorum solidus vigor. Tunc ego honoratus sum, cum singulis quibusque honor debitus non negatur. Si enim universalem Papam vestra sanctitas dicit, negat se hoc esse quod me fateretur universum. Sed absit hoc, recedant verba quæ veritatem inflant, & charitatem vulnerant.

*Primum quarentem in terra, confusionem inventurum in cælo, nec inter servos Christi numerandum. Chrysost.*

*Dist. 4. C. Multi.*) Quicumque desideraverit primum in terra, inveniet confusionem in cælo, nec inter servos Christi computabitur, qui de primatu tractaverit. Nec unusquisque eorum sustinet quomodo aliis major appareat, sed quomodo omnibus inferior videatur. Quoniam non qui major fuerit in honore inter homines, ille est justior, sed qui fuerit justior, ille major.

*Episcopi sacerdotes se sciant esse non dominos. Ex Hier. ad Nepotianum.*

*Dist. 59. C. Esto subjectus.*) Esto subjectus Pontifici tuo, & quasi parentem animæ ama, sed EPISCOPI SACERDOTES SE SCIANTESSE, NON DOMINOS.

*Episcopi ordinantur, non ut præsent, sed ut proficiant. Leo.*

*l. q. 1. Si qui Episcopi.*) Non solum ut præsent, sed etiā ut proficiant sacerdotiū datur.

*Sacerdotes præminere debere sanctitate.*

*Ibidem mox. C. Hi quoscunque.*) Qui ad hoc eliguntur ut cæteris præsent, sicut ordinantur dignitate, sic præminere debent

sanctitate. Alioquin cur cæteris præferuntur, qui nulla meritorum gratia à cæteris assumuntur?

*Quomodo Apostolorum vicarij debeamus esse.*

*Dist. 35. C. Ecclesia principes.*) Si in Apostolorum loco sumus, non solum sermonem eorum imitemur, sed etiam conversationem & abstinentioniam.

*Papam cum suis ab Imperatore corrigi debere.*

*Leo IV. Ludovico Augusto.*

*2. q. 7. Nos si.*) Nos si incompetenter aliquid egimus, & in subditis justæ legis tramitem non conservavimus, vestro ac missorum vestrorum cuncta volumus emendare iudicio. Quoniam si nos qui aliena debemus corrigere peccata pejora committimus, certe non veritatis discipuli, sed (quod dolentes dicimus) erimus præ cæteris erroris magistri.

*Papam non habere omnia jura in pectore.*

*Dist. 23. C. Præterea.*) In Glossa marginali, ubi Papa Nicolaus dicit, Nisi nos fallat oblivio, Glossator addit, Non ergo Papa habet omnia jura in pectore suo.

## DE ELECTIONIBUS ET ORDINATIONIBUS.

### CAPUT XXI.

*Non consecrari debere, nisi Canonice electum. Et nisi hoc non fiat, & consecrantē & consecratum absque recuperationis spe deponendos. Calixtus Papa.*

*Dist. 62. C. Nullus.*) Nullus in Episcopū nisi Canonice electum consecret. Quod si præsumptum fuerit, consecrans & consecratus absque recuperationis spe deponantur.

*Ius ordinandi amittere eos, qui indignos consecrant. Leo Papa.*

*25. q. 2. Si qui Episcopi.*) Si qui Episcopum talem consecraverint sacerdotem, qualem



lem esse non licet, etiam si aliquo modo damnatum proprii honoris evaserint, ordinationis jus ulterius non habebunt, nec unquam eidem sacramento intererunt, quod neglecto divino iudicio, immerito præstiterunt.

*De promotione indignorum.*

*Dist. 61. )* Postquam multa de irreprehensibilitate ministrorum, & quales eligi debeant, dictum est, sequitur inter alia.

*Vnde Leo Episcopus. C. Miramur. )* Miramur tantum apud vos per occupationem temporis impacati, aut ambientium præsumptionem, aut tumultum voluisse popularem, ut indignis quibuslibet, & longè extra sacerdotale meritum constitutis, pastorale fastigium, & gubernatio ecclesiæ crederetur. Non enim est hoc consulere populo sed nocere, nec præstare regimè, sed augere discrimen. Integritas enim præfidentium, salus est subditorum, & ubi est incolumitas obedientiæ, ibi sana est forma doctrinæ.

*Qui non debeant ad ordines sacros admitti.*

*Dist. 33. C. Maritum. )* Inter alia. Neque illos qui usuras accepisse convincuntur, aut in scena luisse noscuntur, nec eum qui publica pœnitentia mortalia crimina deflevit, neque illum qui in furiâ aliquando versus insanivit, vel afflictione diabolica vexatus est, neque eum qui per emptionem ad imitationem Simonis Magi pecuniam obtulerit.

*Milites clericos fieri non posse. Innocentius.*

*Dist. 50. C. Si quis. )* Si quis, post remissionem peccatorum cingulum militiæ secularis habuerit, ad clericatum omnino admitti non debet.

*De ambitione, qua ex laicis subito fiunt sacerdotes & Episcopi. Gregor. Brunnichildi regina Francorum.*

*Dist. 61. C. Sacerdotale. )* Sacerdotale officium vestris in partibus, in tanta, sicut dicimus, est ambitione perductum, ut sacerdotes subito, quod nimis grave est, ex laicis ordinentur.

*Seculo implicatos, in clerum non recipiendos esse.*

*Dist. 53. C. Legem. )* Gregor. lib. 8. Registri, de Lege Mauriti Augusti, inter alia. Hi qui seculi actionibus implicati sunt, in clero ecclesiæ, præposterè suscipiendi non sunt, quia dum in ecclesiastico habitu, non dissimiliter quàm prius vixerant, vivunt, nequaquam student seculum fugere sed mutare.

*Illiteratos non debere ordinari.*

Vide *Dist. 55.* multis locis.

*Non debere ad sacerdotium promoveri, ecclesiasticis disciplinis prius non imbutos. Zosimus Papa.*

*Dist. 59. C. Qui ecclesiasticis. )* Qui ecclesiasticis disciplinis per ordinem non est imbutus, nec temporum approbatione divinis stipendiis eruditus, nequaquam ad summum sacerdotium ecclesiæ aspirare vel præsumere debet, & non solum in eo ambitio inefficax habeatur, verum ordinatores ejus careant eo ordine, què contra præcepta crediderat præsumendū.

Item ibidem. C. Hoc ad nos pervenisse, quod non dissimili dignum est detestatione complecti, quòd quidam honoris desiderio inflammati, defunctis Episcopis tonsurantur, & fiunt repente ex laicis sacerdotes, atque inverecunde & repente religiosi propositi ducatum arripiunt, qui esse nec adhuc milites didicerunt. Quid putamus quod isti subiectis præstaturi sunt, qui antequam disciplinatus limen attingant, tenere locum regiminis non formidant?

Et. C.

Et. C. Ordinatos. Celestinus Episcopis Galliarum. Debet enim ante esse discipulus, quisquis doctor esse desiderat, ut possit docere quod didicit. Omnis enim vitæ institutio ad id quod tendit, se ratione cōfirmat. Qui minimè literis operam dederit, præceptor esse non potest literarum. Qui non per singula stipendia creverit, ad meritum stipendii ordinem non potest pervenire. Solum sacerdotium inter ista rogo vilius est? Cur facilius tribuitur, cum difficilior impleatur?

*Eruditionem Episcopis necessariam esse. Ex Concilio Toletano.*

Dist. 38. C. Ignorantia. ) Ignorantia mater cunctorum errorum, maximè in sacerdotibus Dei evitanda est, qui docendi officium in populo Dei susceperunt. Sacerdotes legere sanctas admonentur scripturas, Paulo Apostolo dicente ad Timotheum, Attende lectioni, & exhortationi doctrinæ, & semper permane in his. Sciant ergo sacerdotes sanctas scripturas & canones, & OMNE OPUS EORUM IN PRÆDICATIONE ET DOCTRINA CONSISTAT, atque ædificent cunctos, tam fidei scientia, quam operum disciplina.

Ibidem. C. Si in laicis. Leo Episcopis Constantinopol. Si in laicis videtur intolerabilis incitia, quanto magis in his qui præsumunt, nec excusatione est digna nec venia.

Ibidem. C. Omnes pfallentes. Ex VII. Synodo. Unde diffinimus, omnem qui ad Episcopatus est provehendus gradum, modis omnib. Psalteriū nosse, ut ex hoc etiam omnis clerus qui sub eo fuerit ita moneatur & imbuatur. Inquiratur autem diligenter à metropolitano si in pròptu habeat legem, scrutabiliter & non

transitoriè, tam sacros canones & sanctū Evangelium, quam divini Apostoli librum, & omnem divinam scripturā, atque secundum mandata conservare & docere populum sibi commissum. Substantia enim summi sacerdotii nostri sunt eloquia divinitus tradita, id est, vera divinarum scripturarum disciplina, quemadmodum magnus perhibet Dionysius. Quod si discipulaverit, & ita libenter facere & docere minimè sponderit, nullatenus confectetur. Ait enim Prophetæ Deus: Tu scientiam repulisti, & ego repellam te, ne sacerdotio fungaris mihi.

*Sacerdotes debere eruditos esse.*

Vide Decreta Gelasii & Zosimi Pontificum Dist. 36. C. Illiteratos, & Qui ecclesiasticis. Quibus mox subiungit Gratianus.)

Ecce quod sacratum literarum oportet Episcopum habere peritiam. Unde in veteri Testamento inter cætera ornamenta Pontifex rationale ferebat in pectore, in quo scribebatur, Manifestatio & veritas, quia in pectore Pontificis, manifesta debet esse cognitio veritatis.

Colligit deinceps multa scripturarum testimonia & exempla. Tandem concludit. Ex quibus omnibus liquidò colligitur, quod non sufficit prælatis bon. conversatio & morum honestas, nisi addatur scientia doctrinæ.

Et mox ibidem. C. si quis vult. Ex Hieronymo. Hæc duo sunt Pontificis opera ut à Deo discat legendo scripturas divinas, & sæpius meditando, aut populum doceat. Sed illa doceat, quæ à Deo ipse didicerat, non ex proprio corde, vel humano sensu, sed quæ Spiritus S. docet.

*De examine eorum, qui ad sacrum ministerium accedere volunt.*

*Dist.*

*Dist. 24. C. Quando* ) Episcopus à latere suo eligere debet sacerdotes, & alios prudentes viros, gnaros divinæ legis, exercitatos in ecclesiasticis sanctionibus, qui ordinandorum vitam, genus, patriam, ætatem, institutionem, locum ubi educati sunt, si sint bene literati, si instructi in lege Dei, ante omnia diligenter investiget, si fidem Catholicam firmiter teneant, & verbis simplicibus asserere queant.

Et mox: Igitur per tres continuos dies examinentur, & sic Sabbato, qui probati sunt, Episcopo repræsententur.

*De examine Episcoporum.*

*Dist. 23. C. Qui Episcopus.* ) Qui Episcopus ordinandus est, antea examinetur, si natura sit prudens, si docibilis, si moribus temperatus, si vita castus, si sobrius, si pervigil, si semper suis negotiis cavens, si humilis, si affabilis, si misericors, si literatus, si in lege Domini instructus, si in scripturarum sensibus cautus vel acutus, si in dogmatibus ecclesiasticis exercitatus, & ante omnia si fidei documenta verbis simplicibus asserat.

*Nullus invitis detur Episcopus.*

*Dist. 61. C. Nullus.* ) Nullus invitis detur Episcopus.

*Quando de aliena ecclesia Episcopus eligendus.*

Ibidem. Tunc autem alter de altera eligatur ecclesia, si de civitatis ipsius clero, cujus est Episcopus ordinandus, nullus (quod evenire non credimus) dignus poterit reperiri. Vide ibidem plura.

*Extraneos & ignotos in electionibus, notis & bene meritis de ecclesia non debere proponi. Celestinus Papa.*

*Dist. 61. Nec emeritis.* ) Nec emeritis in suis ecclesiis peregrini & extranei, & qui ante ignoti sunt ad exclusionem eorum q̄ bene civium suorum merentur testimo-

nium præponantur.

*Qua ætate ordinandi ministri.*

*Dist. 77. Subdiaconus.* ) Ex VI. Synodo. Subdiaconus non minor XX. annorum ordinetur. Si quis verò in aliquo sacro ordine sacerdotali, præter cōstituta tempora ordinatus fuerit, deponatur.

Item. C. Placuit, ex Concil. Carthagen. Placuit ut ante XXV. annos ætatis nec diaconi ordinentur, nec virgines consecrentur.

Item ex Concilio Agathen. Episc. benedictionem diaconatus minoribus XXV. annorum penitus non committat.

Et mox: Presbyterum vel Episcopum ante XXX. annos, id est, antequam ad perfecti viri ætatem perveniant, nullus metropolitanorum ordinare præsumat, ne per ætatem, quod aliquoties evenit, aliquo errore culpentur.

Item ex Concilio Toletano, à XXV. anno suo ætatis Levitæ consecrentur, & à XXX. presbyteri ordinentur. Bonifacius.

*Dist. 78. Si quis.* ) Si quis XXX. ætatis suæ annum non impleverit, nullo modo presbyter ordinetur, etiam si valde sit dignus.

Ibidem. C. Nemo. ) Nemo presbyter consecratur, qui minor XXX. annis sit. Nemo diaconus vel subdiaconus fiat, qui minor XXV. annis sit. Nemo lectoribus connumeretur, qui minor XVIII. annis fuerit. Nemo intra diaconissas cōsecratur sacrosanctæ ecclesiæ, quæ minor sit XL. annis, vel ad secundum matrimonium pervenerit.

Item ex Concilio Neocæsariensi. Presbyter ante XXX. annorum ætatem non ordinetur, quamvis sit p̄babilis vitæ, sed observetur, usque ad præfinitum temp̄.

Ee

Dom.



Dominus enim XXX. anno baptizatus est & tunc prædicavit.

*Laicos posse aliquando ordinari.*

*Dist. 33. C. Laici.*) Laici qui habentes uxores baptizati sunt, ac sic se instituerunt ut in nullo eorum opinio vacillaret, aut clericis iuncti sunt, aut monasteriis ex quo baptizati sunt adhæserunt, si non concubinam, si non pellicem noverint, si in bonis operibus vigilaverint, non prohibentur huiusmodi ad clericatus sortem assumi. Innocentius Papa.

*De Laicis qui Episcopi facti sunt.*

*Dist. 61. C. Statuimus Gratianus ait.*) Contra beatus Nicolaus ex laico electus est in Episcopum. Beatus Severus ex lanificio assumptus est in Archiepiscopum. Beatus Ambrosius, cum nondum esset baptizatus, in Archiepiscopum est electus.

*Romani Pontificis non rite electi, ejusque sequacium condemnatio.*

*Dist. 23. C. In nomine Domini.*) Quod si quis contra hoc decretum nostrum, synodali sententia promulgatum, quasi per seditionem vel præsumptionem, aut quolibet ingenio, electus, aut etiam ordinatus, seu inthronizatus fuerit, auctoritate divina & sanctorum Apostolorum Petri & Pauli, perpetuo anathemate cum suis authoribus & fautoribus & sequacibus, à liminibus sanctæ Dei ecclesiæ separatus abjiciatur, sicut Antichristus, & inuasor & destructor totius Christianitatis, nec aliqua super hoc ei audientia reservet, sed ab omni ecclesiastico gradu in quocunque fuerat prius, sine retractione deponatur. Cui quisquis adhæserit, vel qualemcunque tanquam Pontifici reverentias exhibuerit, aut in aliquo eum defendere præsumperit, pari

sententia sit mancipatus. Quod si quis hujus nostræ sanctæ Decretalis sententiæ temeratore extiterit, & Romanam ecclesiam sua præsumptione confundere & perturbare contra hoc statutum tentaverit, perpetuo anathemate atq; excommunicatione damnetur, & cum impiis, qui non resurgent in judicio, reputetur. Omnipotentis iram contra se sentiat, & sanctorum Apostolorum Petri & Pauli, quorum ecclesiam præsumit confundere, in hac vita & in futura furorem sentiat. Fiat habitatio ejus deserta, & in tabernaculis suis non sit qui inhabitet. Fiant filii ejus orphanis & uxor ejus vidua. Commotus commoveatur, ipse & filii ejus mendicent, & ejiciantur de habitationibus suis. Scrutetur etiam fœnerator omnem substantiam ejus, & diripiant alieni labores ejus. Orbis terrarum pugnet contra eum, & cuncta elementa sint ei cōtraria, & omnium sanctorum quiescentiū merita, illum confundant, & in hac vita super eū apertam vindictā eorum ostendāt. Observatores autem hujus nostri Decreti, omnipotentis gratia protegat, & auctoritas beatorum Apostolorum Petri & Pauli omnium peccatorū vinculis absolvat. *Imperatorem jus habere eligendi Pontificem, & ordinandi Apostolicam sedem, & investiendi Archiepiscopos & Episcopos per singulas provincias.*

*Dist. 63. C. Hadrianus.*) Hadrianus autem PP. cum universa synodo tradiderit Carolo jus & potestatem eligendi Pontificē, & ordinandi Apostolicā sedem. Dignitatem quoq; patriciatus ei concesserat. Insuper Archiepiscopos & Episcopos p singulas provincias ab eo investiturā accipe diffinivit, ut nisi à rege laudetur & investiat Episcopus, à nemine consecretur.

Et.

Et quicumq; cōtra hoc decretū ageret, anathematis vinculo eū innodavit, & nisi resipisceret, bona ejus publicari præcepit.

Et mox item Leo Papa in synodo cōgregata Romæ in Ecclesia sancti Salvatoris, ad exemplum B. Hadriani Apostolicę sedis antistitis, qui Domino Carolo victoriosissimo regi Francorum ac Longobardorum patriciatus dignitatem ac ordinationem Apostolicę sedis, & investituram Episcoporum concessit. Ego Leo quoq; servus servorum Dei Episcopus cū toto clero ac Romano populo, constituimus & confirmamus, & corroboramus, & per nostram Apostolicam auctoritatē cōcedimus atque largimur Domino Ottoni primo, regi Theutonicorum, ejusq; successoribus hujus regni Italię in perpetuum, facultatem eligendi successorem, atq; summę sedis apostolicę Pontificem ordinādi, Ac per hoc Archiepiscopos seu Episcopos, ut ipsi ab eo investituram accipiant, & consecrationem unde debent, exceptis his quos Imperator Pontificib<sup>9</sup> & Archiepiscopis concessit. Et ut nemo deinceps cujuscunq; dignitatis vel religionis eligendi vel patricium, vel Pontificem summę sedis Apostolicę, aut quęcunq; Episc. ordinādi habeat facultatem absq; consensu ipsius Imperatoris. Quod tamē fiat absq; omni pecunia, & ut ipse sit patricius, & rex. Quod si à clero & populo quis eligatur Episcopus, nisi à supradicto rege laudetur, & investiat, non cōsecratur. Si quis contra hāc apostolicam auctoritatem aliquid molietur, hunc excommunicationi subiacere decernimus, & nisi resipuerit, irrevocabili exitio puniri, vel ultimis suppliciis affici.

In eadem dist. nōtione plura invenies in hac sententia, utpote. Quod sacra

principis auctoritas ordinandis sit necessaria. C. Principali. Itē Papa rogat Augustum, ut Reatinam ecclesiam cuidam electo dignetur concedere. C. Reatina.

Item, quod Imperatoris epistola in electionis confirmatione desideretur. C. Lectis.

Item. Quod electus in Romanū Pontificem non ordinari debeat, nisi ejus decretū Imperatori primò præsentetur. C. Agatho.

Hęc omnia quantumvis disertè ponantur, postea tamen diversum statuitur. C. Quia. Item C. cum Hadrianus. Item C. Ego Ludovicus. Item C. tibi Domino. Et C. Omnis electio.

*De ordinibus ecclesiasticis cum ex Indaismo tum ex gentilismo desumptis.*

Dist. 21. C. De rebus. ) dicitur quod summorum Pontificum, præsulum & reliquorum sacerdotum institutio in veteri Testamento inchoata sit. Et sequitur.

Summi etenim Pontifices & minores sacerdotes à Deo sunt instituti p Mosē, qui ex præcepto Domini Aaron in summū Pontificē, filios verò ejus unxit in minores sacerdotes. Postea verò David, cū ministeria domus Domini ampliaret, janitores & cantores instituit. Porro Solomō quendam modū exorcizādi invenit, quo dæmones adjurati ex obsessis corporibus pellebantur. Huic officio mācipati exorcistę vocati sunt. De quibus Dominus in Evāgelio: Si ego in Beelzebub ejicio dæmonia, filii vestri, scil. exorcistę, in quo ejiciunt? Hęc omnia in N. T. ecclesia imitata, habet janitores suos, quos hostiarios appellamus. Pro cantorib<sup>9</sup>, lectores & cātōres instituit. Exorcistas autē nomine antiquo & officio pmanente recepit. Pro filiis verò Aaron, omnes infra summū Pontificem

tificem sacerdotium administrantes sunt consecrati. Inter eos quædam discretio servata est, ut alii appellentur simpliciter sacerdotes, alii Archipresbyteri, alii Chorepiscopi, alii Episcopi, alii Archiepiscopi seu Metropolitæ, alii Primates, alii Patriarchæ, alii summi Pontifices. Horum discretio A GENTILIBUS MAXIME INTRODUCITA EST, qui suos flamines, alios simpliciter flamines, alios archiflamines, alios protoflamines appellabant.

## DE SIMONIA.

### CAPUT XXII.

#### *De Simoniacis.*

*l. q. 6. Quid verò.*) Perinde Simoniacus habetur, qui pro electione præmia largitur, ac si pro consecratione munera dedisset.

Et mox. Gregor. Siagrio Episcopo Augustodunensi. Sicut is qui invitatus renuit, quæsitus refugit, sacris altaribus est admovendus, sic qui ultrò ambit, vel importunè se ingerit, est proculdubio repellendus. Nam qui sic nititur ad altiora cōscendere, quid aliud agit, nisi ut crescendo decrescat, & ascendendo exterius, interiorius in profundum descendat? Itaque frater charissime in sacerdotibus ordinandis sinceritas vigeat, sit simplex & sine vernalitate consensus, pura præferatur electio, ut ad summum sacerdotii (vel Pontificii) non suffragio venditorum provectus, sed Dei credatur esse iudicio.

*l. q. 1. Reperimur.* Ambrosius. Reperiuntur quamplurimi negotiatione muneris mercari velle gratiam Spiritus sancti, dum illi pretium donant, ut Pontificalis ordinis sublimitatem accipiant, oblii verborum Petri, qui dixit ad Simonē,

Pecunia tua tecum sit in perditionē, quia exitimasti donū Dei posse pecuniā possideri. Proinde quia & usitatum est tantum malum, & majorum extat frequenter mucrone succilum, nos quoque huic vulneri canceroso, ignitum quod superest adhuc in, icimus ferrum, decernentes omnino, ut quicumque deinceps pro accipienda divina dignitate doni, quodlibet premium detectus fuerit obtulisse, ex eodem tempore se noverit anathematis opprobrio condemnatum, atque à participatione corporis & sanguinis Christi alienum, ex quo illum constat execrabile Christo perpetrasse flagitium. Quod si aliquis ejus accusator extiterit, ille qui hunc ordinem, munerum fuerit donatione lucratus, & suscepto honoris gradu privetur, & in monasterio sub perenni pœna retrudatur. Illi verò qui hac causa, munerum acceptores extiterint, si clerici fuerint, honoris sui amissione mulctentur, si verò laici, perpetuo anathemate condemnentur.

Item ex VIII. Synodo. Qui per pecuniam quenquam consecraverit, vel ab alio consecratus est, alienus à sacerdotio fiat.

Item Gregor. Nazianzenus. Qui studet donum Dei pretio mercari, in sacro ordine nulla ratione de cætero permanere aut revocare posse dubium non est, talis à communione omnibus modis abscindatur. Nam Spiritus sancti donum pretio comparari, quid aliud est quam capitale crimen & Simoniacæ hæresis? Quod quam detestabiliter in utroq; Testamento vindicatum sit, multorū exemplis facile apparet. Giezi enim gratiam sanitaris Naaman Syro vendidit, eandemque gratiam sanitaris Helisæo vindicante



dicante leprosus factus amisit. Judas omnium redemptorem vendidit, mox laqueo suspensus, eandem redemptoris gratiam non obtinuit. Et meritò, quia nemo potest retinere quod vendidit. Simon etiam Magus cum eandem Spiritus sancti gratiam emere veller, damnationis sententiam à Petro audivit: Pecunia tua tecum sit in perditionem, quia donum Dei existimasti pecuniâ possideri. Dominus etiam, ut ementes & vendentes hujus gratiæ expertes ostenderet, cunctos alios peccatores per gratiam in templo dimisit, singulariter vendentes & ementes increpans & flagellans, de templo ejecit, in quo venditores & emptores suos gratia Spiritus sancti constat destitutos esse & vacuos. Quos enim Christus ejecit è templo, nunquam spiritus Christi sibi faciet templum.

Item, Ambr. ait. Cum ordinaretur Episcopus, quod dedit aurum fuit, quod perdidit, anima fuit. Cum alium ordinaret, quod accepit, aurum fuit, quod dedit, lepra fuit.

*1. q. 7. Si quis omnem.*) Omnis Episcopus vel presbyter aut diaconus, convictus quòd pro muneribus ordinationem dederit vel acceperit, à sacerdotio cadat.

Et mox ibidem. Cum omni fiducia clamo, qui per Simoniam ordinatus est, sive Episcopus, sive presbyter, sive diaconus, alienus est à sacerdotio, neque enim venalis est gratia Spiritus sancti. Cajaphæ traditio, & adinventio Simonis, à sancto sacerdotio est aliena. Vide ibidem plura.

Item ibidem amplius. Quicumque per pecuniam dispensationem vel curam sortiti sunt monasteriorum, vel ecclesiarum, vel religiosarum domorum gerontocomiorum, xenodochiorum, orphano-

trophiorum, cum depositione expellantur à dispensatione illa & cura.

Et mox ex Concil. Melden. Cavendum est & summopere studendum, ac per virtutem Christi sanguinis interdicendum Episcopis & regibus, & omnibus sublimioribus potestatibus, atque cunctis fautoribus & electoribus quorumcunque consensoribus seu ordinatoribus in gradu ecclesiastico, ut nemo per Simoniacam hæresim obtineat locum, quacunque functione, calliditate, promissione seu commoditate aut datione, per se aut submissam personam.

*Simoniacam hæresim ceteris damnabiliorem esse.*

*1. q. 7. Patet.*) Paschalis pp. Patet Simoniacos veluti primos & præcipuos hæreticos ab omnibus fidelibus respuendos, & si commoniti non resipuerint, ab exteris etiam potestatibus opprimendos. Omnia etiam crimina ad comparationem Simoniacæ hæresis quasi pro nihilo reputantur.

*1. q. 1. Eos qui.*) Eos qui per pecunias manus imposuerunt vel imponunt, Petrus divinus Apostolus, cujus cathedram sortita est sanctitas vestra, tanquam Simonem Magum deponit. Tolerabilior est enim Macedonii, & eorū qui circa ipsum sunt S. sancti impugnatorum impia hæresis. Illi enim creaturam & servum Dei Patris & Filii S. sanctum delirando fatentur, isti verò S. sanctum efficiunt suum servum. Omnis enim dominus quod habet si vult vendit, sive servū, sive aliquid aliud eorum quæ possidet. Similiter & qui emit, dominus ejus volens esse quod emerit, per pretium pecuniæ illud acquirit. Ita & hi, qui hanc iniquam actionem operantur, detrahunt S. sancto, æquali-

ter peccantes his qui blasphemaverint dicentes Christum in Beelzebub ejicere demonia. Arque ut verius dicamus Jude comparatur proditori, qui Judæis occisoribus Christum vendidit.

*De his qui per munera invadunt ecclesias vacantes. Ex Concilio Rothomagensi.*

7. q. 1. *Sancitum est.*) Sancitum est, atque omnibus modis prohibitum, ut si quis presbyter inventus fuerit alicui clerico vel laico munera dare vel dedisse, aut aliam pecuniam tribuere, ut alterius presbyteri ecclesiam vacantem pretio redimat, pro hac cupiditate, seu rapina, seu præsumptione, turpis lucri gratia, dejiciatur à clero, & alienus existat à regula.

*Simoniacos non esse sacerdotes, ideoq; deponi debere.*

1. q. 1. *Quicumque.*) Quicumque sacros ordines vendunt aut emunt, sacerdotes esse non possunt.

Item. Gregor. Quicumque studet per pretii dationem sacrum ordinem accipere, sacerdos non est, sed inaniter tantummodo dici concupiscit.

Idem in Registro. Presbyter si per pecuniam ecclesias obtinuerit, non solum ecclesia privetur, sed etiam sacerdotii honore spoliatur, quia & altare & decimas & Spiritum sanctum emere vel vendere, Simoniacam hæresim esse nullus fidelium ignorat.

*Simoniacos habere & dare Spiritum mendacii.*

*Leo Papa.*

1. q. 1. *Gratia.*) Quid ergo dant? Profecto quod habent. Quid habent? Spiritum utique mendacii. Quomodo hoc probamus? Quia si spiritus veritatis (testante ipsa veritate de qua procedit) gratis accipitur, proculdubio spiritus mendacii esse convincitur, qui non gratis accipitur vel datur.

*Simoniacos panem pollutum offerre. Hier. super Malach.*

*Dist. 49. C. Sacerdotes.*) Sacerdotes nomen Domini despiciunt, & quantum ad se, panem pollutum offerunt, qui ad altare indignè accedunt, quique dato munere sacerdotium præsumunt, &c.

*De his qui vendunt beneficia ecclesiastica Gregor.*

1. q. 3. *Si quis dator.*) Si quis dator vel acceptor, Dei ecclesias, vel ecclesiastica beneficia, quæ quidam præbendas vocant, sub pecuniæ interventu susceperit, sive dando emerit, sive accipiendo vendiderit, à Simonis non excluditur perditione. Sed si perseverans fuerit, perpetua mulctetur damnatione, &c.

Et mox. Si quis Episcopus præbendas, archidiaconatus, præposituras, vel aliqua officia ecclesiastica vendiderit, vel aliter quam statuta sanctorum patrum præcipiunt ordinaverit, ab officio suspendatur. Dignum est enim, ut sicut gratis Episcopatum accepit, ita membra ejusdem Episcopatus gratis distribuat.

*Contrapluralitas beneficiorum. Ex Synodo VII.*

21. q. 1. *Clericus.*) Clericus ab instante tempore non connumeretur in duabus ecclesiis. Negotiationis enim hoc est, & turpis lucri proprium commodum, & ab ecclesiæ consuetudine penitus alienum. Audivimus enim ex ipsa Dominica voce, quod nemo potest duobus dominis servire.

Et mox ex Chalcedonen. Conc. Clericum in duarum ecclesiis civitatum conscribi non oportet.

*Duas præbendas clericum non debere habere, nec in duabus intitulari ecclesiis.*

*Dist. 70. Sanctorum.*) In qua ecclesia quilibet intitulatus est, in ea perpetuò perseveret. Omnino autem in duabus aliquem

aliquem intitulari non liceat, sed unusquisque in qua intitulatus est, in ea tantum canonicus habeatur. Licet enim Episcopus dispositione unus diversis præesse possit ecclesiis, canonicus tamen prebendarius nisi unius ecclesiæ in qua conscriptus est, esse non debet.

*Plures ecclesias uni presbytero non debere cōmitti.*

10. q. 3. Vnio.) Plures ecclesiæ uni nequaquam cōmittantur presbytero, quia solus per totas ecclesias, nec officium valet persolvere, nec rebus earum necessariam curam impendere.

*Qui sumptibus propriis vivere potest, stipendium ab ecclesia non debere accipere. Hier. ad Damasum Papam.*

1. q. 1. Clericos autem. Clericos autem illos convenit ecclesiæ stipendiis sustentari, quibus parentum & propinquorum nulla suffragantur bona. Qui autem bonis parentum & opibus suis sustentari possant, si quod est pauperum accipiant, facilegium profecto committunt, & per abusionem talium, iudicium sibi manducant & bibunt.

*Ad alias ecclesias non transeundum esse.*

7. q. Quia frater.) Ambitionis causa quicumque ecclesiæ suæ mediocritate despecta, ad maiorem ecclesiam transire voluerit, debet revocari ad propriam. Quod si redire contempserit, careat aliena & propria.

Ibidem mox ex Conc. Niceno, quod Episcopus vel quilibet clericus non debeat relicta suâ ecclesia ad aliam transire.

Item in monasterium deputatur Episcopus qui in ecclesia sua residere contemnit.

Item excommunicari jubentur clerici, qui relicta sua ecclesia, ad eam redire noluerint.

Item ex Concilio Antiocheno. C. Episcopum.) Episcopum de diœcesi ad diœcesim non debere transire, neque si seipsum ingesserit, neque si à populis fuerit violenter attractus, neque si etiam hoc ei ab Episcopis suadetur. Manere autem eum debere in ecclesia Dei, quam ab initio sortitus est, & non ab ea alibi demigrare, secundum regulam super hoc olim à Patribus constitutam decernimus.

*Sua sede careat, qui alienam appetit.*

7. q. 1. Si quis.) Si quis Episcopus suæ civitatis mediocritate despecta administrationem celebrioris loci ambierit, & ad maiorem plebem se quacunque ratione transfulerit, à cathedra quidem pellatur aliena. Carebit etiam propria, ut nec illis præsideat, quos per avaritiam concupivit, nec illis quos per superbiam sprexit. Suis igitur terminis contentus quisque sit, nec supra mensuras juris sui affectet augeri.

Et mox ex Concilio Meldenfi. Si quis de ordine sacerdotali, contemptu minoris ecclesiæ ambitiosè & improbè ad potiorem aspiraverit, canonica erga eum diffinitio conservetur, hoc est, ut utraque careat.

*De conductitiis presbyteris.*

21. q. 2. Præcipimus.) Præcipimus etiam, ne conductitiis presbyteris ecclesia committatur, sed unaquæque ecclesia cui facultas suppetit, proprium habeat sacerdotem.

*De Quæstionariis & Curtisanis. Ex Concilio Meldenfi.*

6. q. 3. De illis autem.) De illis autem, qui infra parochiam beneficium aut hæreditatem habent, & alterius Episcopi parochiani sunt, & de loco ad locum iter faciunt, & rapinam & depredationes peragunt,



peragunt, placuit ut excommunicentur, nec ante ex parochia exeant, quam quæ patrarunt dignè emendent. Quorum excommunicatio senioriorum & proprio Episcopo significanda est, ne eos recipiat antequam illuc redeant ubi rapinam fecerunt, & ibi omnia pleniter emendent.

*Pro pallio nihil accipiendum.*

*Dist. 99. C. Novit.*) Novit sanctitas tua, quia prius pallium, nisi dato commodum, non dabatur. Quod quia incongruum erat, facto Concilio ante corpus Petri Apostolorum principis, tam de hoc, quàm de eorum ordinationibus aliquid accipere, sub districta interdictione vetuimus. Oportet ergo, ut neque per commodum, neque per gratiam, aut quorundam supplicationibus aliquos ad sacros ordines consentiatis vel permittatis adduci. Gregor.

## DE OFFICIO ET STUDIIS Sacerdotum & Episcoporum.

### C A P U T XXIII.

*Omne opus sacerdotum in prædicatione consistere debere.*

*Dist. 38. Ignorantia.*) Sacerdotes legere sanctas admonentur scripturas, Paulo Apostolo dicente ad Timotheum: Attende lectioni, & exhortationi doctrinæ, & semper permane in his. Sciant ergo sacerdotes sanctas scripturas & canones, & omne opus eorum in prædicatione & doctrina consistat, atque ædificent cunctos tam fidei scientia, quàm operum disciplina.

*Episcopos docere debere.*

*Dist. 43. C. Sit rector.*) Episcopi sine tintinnabulis incedunt, qui non prædicant Verbum Dei. Scriptum autem est: Sacer-

dos ingrediens vel egrediens, moritur, si de eo sonitus non audiat.

*Item. C. Dispensatio.*) Nicolaus Papa ipse dicit: Dispensatio est nobis cœlestis seminis injuncta. Væ si non sparserimus, væ si tacuerimus.

*Substantiam sacerdotii nostri esse sanctam scripturam.*

*Dist. 38. C. Omnes psallentes.*) Substantia summi sacerdotii nostri sunt eloquia divinitus tradita, id est vera divinarum scripturarum disciplina.

*Gentilium libros Episcopos non debere legere. Ex Concilio Carthagenensi.*

*Dist. 37. C. Episcopus.*) Episcopus gentiliū libros non legat, hæreticorum autem perlegat pro necessitate aut tēpore.

Et mox. *C. Sacerdotes Dei.*) Ex Hier. ad Damasum Papam. Sacerdotes Dei omnis evangelii & prophetis, videmus comœdias legere, amatoriam bucolicorum versuum verba cantare, tenere Vergilium in manibus, & id quod in pueris adest causa necessitatis, crimen in se facere voluptatis.

*Item. C. Legimus.*) Ex Rabano de presuris ecclesiasticis. Legimus de B. Hieron. quod cum libros legeret Ciceronis, ab Angelo est correptus, eò quod vir Christianus paganorum figmentis intenderet. Hinc etiam filius ille prodigus in Evangelio reprehenditur, qui de filiquis quas porci comedebant, ventrem suum replere cupiebat. Hinc etiam Origenes cyniphe & ranas quibus Ægyptii sunt percussi, dialecticorum garrulitatem & sophistica argumenta intelligit. Ex quibus omnibus colligitur, quod non est ab ecclesiasticis secularium literarum quærenda peritia.

*Episcopum*

*Episcopum non debere rei familiaris curam gere-  
re, sed tantum lectioni, orationi, & predica-  
tioni vacare. Ex Concilio Carthagenensi.*

*Dist. 88. C. Episcopus nullam.) Episcopus  
nullam rei familiaris curam ad se revocet,  
sed lectioni & orationi, & verbo prædi-  
cationis tantummodo vacet.*

*Episcopos debere annuis vicibus ecclesiam visita-  
re. Ex Concil. Tarraconen.*

*10. q. 1. C. Decrevimus, ut antiquæ  
consuetudinis ordo servetur, & annuis  
vicibus diœceses ab Episcopo visitentur.*

*Quid Episcopi plebem docere debeant.*

*10. q. 1. C. Placuit.) Inter alia doceant il-  
los ut errores fugiant idolorum, &c.*

## DE VITA ET CONVERSA- tione clericorum.

### CAPUT XXIV.

*Professionem operibus ostendendam. Ambrosius.*

*22. q. 5. Cavete.) Mendacium est se Chri-  
stianum dicere & opera Christi non fa-  
cere. Mendacium est Episcopum, sacer-  
dotem vel clericum se profiteri, & cōtra-  
ria huic ordini operari.*

*Dignitatem non facere Episcopum, sed vitam.*

*Hier. ad Heliodorum.*

*2. q. 7. Non omnes Episcopi.) Non omnes  
Episcopi sunt Episcopi. Attende Pe-  
trum, sed Judam considera; Stephanum  
suscipe, Nicolaum respice. Non facit ec-  
clesiastica dignitas Christianum. Cor-  
nelius centurio adhuc ethnicus dono  
sancti Spiritus mundatur. Presbyteros  
Daniel puer judicat. Non est facile sta-  
re in loco Petri & Pauli, scilicet tenere lo-  
cum jam cum Christo regnantium. Infa-  
tuatum sal ad nihilum prodest, nisi ut  
projiciatur foras, & à porcis conculcetur.  
*De habitu clericorum. Ex Concilio Carthagi-  
nensi IV.**

*Dist. 41. C. Clericus.) Clericus professio-  
nem suam & habitu & incessu prober, &  
ideo nec vestibus nec calceamentis deco-  
rem quærat.*

*Clericos non debere usurari. Ex Concilio Arela-  
tensi.*

*14. q. 4. Ministri.) Ministri qui scœne-  
rantur, placuit juxta formam divinitus  
datam eos à communione abstinere.*

*Item ex Concilio Tarraconen. Ca-  
nonum statutis firmatum est, ut quicun-  
que in clero esse voluerit, emendi vilius  
& vendendi carius studio non utatur.  
Quod si exercere voluerit, cohibeatur à  
clero. Vide ibidem plura.*

*Negotiatorem clericum tanquam pestem fu-  
giendum. Hier.*

*Dist. 88. C. Negotiatorem.) Negotiato-  
rem clericum, & ex inope divitem, & ex  
ignobili gloriosum quasi quandam pe-  
stem fuge.*

*Dist. 46. C. Non licet.) Non licet scœne-  
rari ministris altaris, vel in sacerdotali or-  
dine constitutis, vel usuras vel lucra quæ  
sexcupla dicuntur, accipere.*

*Dist. 47. C. Episcopus. Ex Canonibus A-  
postolorum. Episcopus aut presbyter aut  
diaconus, usuras à debitoribus exigens,  
aut desinat, aut certè deponatur.*

*Et mox. C. Quoniam multi.) Ex Conci-  
lio Niceno. Quoniam multi sub regula  
constituti avaritiam & turpia lucra se-  
ctantur, obliuque divinæ scripturæ di-  
centis: Qui pecuniam suam non dederit  
ad usuram, &c. mutuum dantes cente-  
simas usuras exigunt, justè censuit magna  
& sancta Synodus, ut si quis inventus  
fuerit post hanc definitionem usuras ac-  
cipiens, aut aliquam ad inventionem fa-  
ciens, vel quolibet modo negotia transi-  
gens, aut hemiolia, id est, sexcupla exi-  
gens,*

gens, vel aliquid tale prorsus excogitans, turpis lucri gratia, dejiciatur à clero, & alienus existat à regula.

Item paulò post ex Concilio Elibertino, Si quis clericorum detectus fuerit usuras accipere, placuit degradari & abstinere.

Item Leo Episcopus Anatholio Episcopo. Virum catholicum & præcipuè Domini sacerdotem, sicut nullo errore implicari, ita nulla opum cupiditate violari.

*Sacerdotes & qui scientiam Domini tractant, non debere agitare iudicium sanguinis. Ex Concilio Tolet. IV.*

23. q. 8. *Sape.*) Sæpe principes contra quoslibet majestatis obnoxios, sacerdotibus negotia sua committunt. Quia verò sacerdotes à Christo ad ministerium salutis electi sunt, ibi consentiant fieri Regibus iudices, ubi jurejurando supplicii indulgentia promittitur, non ubi discriminis sententia præparatur. Si quis ergo sacerdotum contra hoc commune consultum discursor, in alienis periculis extiterit, sit reus effusi sanguinis apud Christum, & apud ecclesiam perdat proprium gradum.

Et mox ex Concilio Toletano IX. His à quibus sacra Domini tractanda sunt, iudicium sanguinis agitare non licet.

*Clericos ociosos fori obambulatores degradandos esse.*

*Dist. 91. C. Clericus.*) Qui verò non promendo aliquid in nundinis vel foro deambulant, ab officio suo degradentur.

*Clericos non debere militiam exercere.*

*Dist. 59. C. Clericum.*) Cum discreti sint milites seculi à militibus ecclesiæ, nō convenit militibus ecclesiæ militare seculo, per quod ad effusionem sanguinis necessesse pervenire.

*Clericum militaria arma ferentē gradum amittere. Ex Concilio Meldensi.*

23. q. 8. *Quicumque.*) Quicumque ex clero videntur esse, arma militaria non sumant, nec armati incedant, sed professionis suæ vocabulum religiosi moribus & religioso habitu præbeant. Quod si contemplerint, tanquam sacrorum canonum contemptores, & ecclesiæ autoritatis prophanatores, proprii gradus amissione mulctentur, quia non possunt simul Deo & seculo militare.

Ibidem, quòd Episcopis vel quibuslibet clericis non liceat nec sua nec Romani Pontificis autoritate arma sumere, probatur.

Item ex Concil. Tolet. Clerici.) Clerici qui in quacunque factione arma volentes sumpserint, reperti, amisso ordinis sui gradu, in monasterio perenniter tradantur?

Item Ambrosius ibidem C. cōvenior Lachrymæ meæ arma mea sunt. Talia enim sunt munimenta sacerdotis, aliter nec de beo nec possum resistere.

*Pro clerico non orandum, qui aut in bello, aut in rixa, aut in gentiliū ludis perit. Ex Concil. Triburien.*

23. q. 8. C. *Quicumque.*) Quicumque clericus aut in bello, aut in rixa, aut gentiliū ludis mortuus fuerit, neque in oratione pro eo postuletur, sed in manus incidat iudicis, sepultura tamen non privetur.

*Aleatores & ebrios Episcopos & presbyteros excommunicandos. Ex Canon. Apost.*

*Dist. 35. C. Episcopus.*) Episcopus, aut presbyter, aut diaconus, aleatque ebrietas deserviens, aut desinat, aut certè damnetur. Subdiaconus autem, aut lector, aut cantor, similia faciens aut desinat aut.



aut communione privetur. Similiter & laicus.

*Ebrii Clerici quomodo puniendi. Ex Concilio Agathensi.*

*Dist. 35. C. Ante omnia.)* Ante omnia clericis vetetur ebrietas, quæ omnium vitiorum fomes ac nutrix est. Itaque is qui ebrius fuisse constiterit (ut ordo patitur) aut 30. dierum spacio à communione submoveatur, aut corporali subdatur supplicio.

*Quomodo Sacerdotes se in convivii gerere debeant. Ex Concil. Naveten.*

*Dist. 44. C. Nullus.)* Nullus presbyterorum, quando ad anniversarium diem, trigessimum aut septimum aut tertium alicujus defuncti, aut quacunque vocatione ad collectam cōvenerit, se inebriare ullatenus præsumat, nec precatus amore sanctorum, vel ipsius animæ, bibere, aut alios ad bibendum cogere, vel se aliena precatione ingurgitare, nec plausus & ritus inconditos & fabulas inanes ibi referre aut cantare præsumat.

Item ex eodem ibidem. Quando autem conveniunt presbyteri ad aliquod convivium, aliquis prior illorum versum ante mensam incipiat, & cibum benedicat, & tunc secundum ordinem sedeant, alter alteri honorem præbentes, & per vices cibum & potum benedicant, & aliquis de illorum clericis aliquid de sancta scriptura legat. Post refectionem similiter hymnum dicant, ad exemplum Domini, sicut in cœna fecisse legitur: Et se contineant omnes presbyteri (maxime in talibus locis) ut non vituperetur ministerium eorum.

*Nuptialibus conviviis clericos interesse non debere. Ex Concil. Agathensi.*

*Dist. 34. C. Presbyteri.)* Presbyteri, diacones, subdiacones, vel deinceps, quibus ducendi uxores licentia modo non est, etiam aliarum nuptiarum evitent convivium, nec his cœtibus misceantur, ubi amatoria cantantur, & turpia, & obscœni motus corporum choreis & saltationibus effertur, ne auditus & obtutus saceris ministeriis deputati, turpium spectaculorum atque verborum contagione polluantur.

*Clericos non debere tabernas intrare. Ex Concil. Laodicensi.*

*Dist. 44. C. Non oportet.)* Non oportet clericos servientes à presbyteris usque ad diaconos, & deinceps ordinis ecclesiastici omnes, usque ad ministros, aut lectiones, aut exorcistas, aut ostiarios, aut psalmistas, aut etiam eos, qui in proposito continentiae sunt, tabernas (nisi causa necessitatis) intrare.

Item ex VI. Synodo. Nulli clerico licet tabernam aut ergasterium (id est stationem) habere. Si enim hujusmodi tabernam ingredi prohibetur, quanto magis aliis ministrare in ea? Si quis verò tale quid fecerit, aut cesset, aut deponatur.

Item ex Concil. Carthagen. IV. clerici edendi vel bibendi causa tabernas non ingrediantur, nisi peregrinationis necessitate compulsi.

Et mox Gregorius Natalem Episcopum corripit, quòd pastoralis cura relicta, convivii occuparetur.

*De clericis scurrilibus.*

*Dist. 46. C. Clericum.)* Clericum scurrilem & verbis turpibus jocularorem, ab officio esse retrahendum censemus.

*De clericorum levitate.*

*2. q. 7. C. Secuti.)* Nonnunquã multi Catholicorum in tantum mercedem amant

iniquitatis, ut etiam docti ab indoctis, clerici à laicis merito redarguantur. Qui verè & iure comparantur prophetae, qui verbis asinae contra naturam loquentis corripitur, nec tamen à proposito pravi itineris retardatur. Bedain 2. epist. Pet. 2. cap.

Quòd saepe Laici Episcopis & clericis meliores sint: vide 8. q. 1. Vereor, & deinceps.

*Negligentes Episcopi canes potius appellandi quam Episcopi.*

2. q. 7. August.) Qui nec regiminis in se rationem habuit, nec sua delicta detestatur, nec filiorum crimine correxit, canis impudicus dicendus est magis quam Episcopus.

*Indignos sacerdotes corvis similes esse.*

2. q. 7. Non omnia.) Non omnis qui dixit pax vobis, quasi columba est audiendus. Corvi de morte pascuntur. Hoc columba non habet, imò de fructibus terrae vivit, innocens est victus ejus. Hic in glossa additur. Corvo æquiparatur malus praelatus vel malus presbyter, in nigredine vitiorum, & in raucedine vocis, & in voracitate, scilicet mortuorum oblationum, & in fœtore Spiritus, & in garrulitate, & in furto.

*De clericis diutius ab ecclesia sua absentibus. Ex Concil. Agathen.*

7. q. Si quis.) Si quis in clero constitutus, ab ecclesia sua diebus solennibus defuerit, id est, nativitate Domini, epiphania, pascha vel pentecoste, dum potius secularibus lucris studet quam servitio Dei patere, convenit ut triennio à communicatione suspendatur. Similiter diaconus vel presbyter, si per tres hebdomadas ab ecclesia sua defuerit, huic damnationi succumbat.

*Venationes Episcopis prohibita.*

Dist. 34. C. Quorundam.) Exemplum ponitur cujusdam Lanfredi Episcopi venationibus intenti, & jubetur admoneri, atque si desistere nolit, excommunicari.

Et ibidem mox sequitur. C. Episcopum. Ex Concilio Aurelianen. IV. Episcopum, presbyterum aut diaconum, canes ad venandum, aut accipitres, aut hujusmodi res habere non licet. Quòd si quis talium personarum, in hac voluptate sapius detentus fuerit, si Episcopus est, tribus mensibus à communione suspendatur. Diaconus verò ab omni officio & communione suspendatur.

Ex mox. C. Omnibus.) Omnibus servis Domini venationes & sylvaticas vagationes cum canibus, & ut accipitres aut falcones habeant, interdicimus.

Dist. 86. C. Esau.) Hieronymus in Psal. 82. Esau venator erat, quoniam peccator erat. Et penitus non invenimus in scripturis sanctis, sanctum aliquem venatorem, piscatores invenimus sanctos.

*Satius esse paucos bonos habere ministros, quam multos inutiles.*

Dist. 13. C. Tales.) Tales ad ministerium eligantur clerici, qui dignè possunt Dominica Sacramenta tractare. Melius est enim Domini sacerdotium paucos habere ministros, qui possint dignè opus Dei exercere, quam multos inutiles, qui onus grave ordinatori adducant.

*Deponendos esse illicitè viventes.*

Dist. 81. C. Maximianus.) Qui sancti non sunt, sancta tractare non possunt, atque alieni efficiantur à ministerio, quod vivendo illicitè polluerunt.

*Qualis debeat esse Clericorum conversatio. Isidorus.*

*Dist. 13. C. His igitur.*) His igitur lege patrum caveretur, ut à vulgari vita seculi, à mundi voluptatibus se abstineant, non spectaculis, non pompis intersint, convivia publica fugiant, privata non tantum pudica sed sobria colant, usuris nequaquam incumbant, neque turpium occupationibus luctorum, non fraudibus cuiuscunque studium appetant. Amorem pecuniæ quasi materiam cunctorum criminum fugiant, & secularia negotia, officiaque abnuant. Honoris gradum per ambitionem non suscipiant. Pro beneficiis medicinæ Dei munera non accipiant. Dolos & conjurationes caveant. Odium, æmulationes, obrectationes, atque invidiam fugiant. Non vagi oculis, non effreni lingua, aut petulanti fluidoque gestu incedant, sed pudorem & verecundiam mentis, simplici habitu incessuque ostendant. Obscenitatem etiam membrorum & verborum sicut & operum penitus execrentur. Viduarum & virginum frequentationes penitus fugiant. Contubernia extraneorum fœminarum nullatenus appetant. Castimoniam quoque non violati corporis perpetuò observare studeant, AUT CERTE UNIUS MATRIMONII VINCULO FOEDERENTUR. Senioribus quoque debitam præbeant obedientiam, neque ullius jactantiæ studio semetipsos attollant. Postremò, doctrinæ, lectionibus, psalmis, hymnis, canticis, exercitio jugiter incumbant. Tales enim debent esse, qui divinis cultibus sese emancipandos student, scilicet ut dum scientiæ operam dant, doctrinæ gratiam populis administrent.

✠(O)✠



## CONTRA LUXUM

Sacerdotum.

## CAPUT XXV.

*Clericos secularia non debere tractare.**Dist. 10. C. Quoniam idem.)*

*Item 21. q. 3. Mollicii.*) Mollicii & secularibus rebus laqueisque obligari non debent, qui divinis rebus & spiritualibus occupati sunt, nec ad terrenos, & seculares actus vacare. Vide ibidem plura.

*Dist. 88. C. Episcopus.*) Ex Can. Apost. Episcopus aut sacerdos aut diaconus, nequaquam seculi curas assumant, finaliter, deiciantur.

*Item ex Concilio Carthaginen. III.* Episcopus nullam rei familiaris curam ad se revocet, sed lectioni & orationi, & verbo prædicationis tantummodo vacet.

*Clericos nihil proprii possidere debere.*

*12. q. 1. Clericus.)* Qui Dominum possidet & una cum Propheta dicat, pars mea Dominus, nihil extra Dominum habere potest. Quòd si quippiam aliud habuerit præter Dominum, pars ejus non erit Dominus, verbi gratia: si aurum, si argentum, seu possessiones, si variam suppellectilè, cum istis partibus non dignatur Dominus fieri pars ejus.

Et mox. Cui portio Deus est, nihil debet curare nisi Deum. Vide ibidem plura.

*Clericis non licere sua repetere.*

*14. q. 1.* Quòd autem sua repetere non possint, facile videtur probari. Ait enim Dominus, si vis perfectus esse, vade & vende omnia quæ habes, & da pauperibus. Quia ergo isti iter perfectionis arripiunt, non licet eis sua habere. Multo ergo minus licet eis repetere, quia non debet repeti quod possideri non licet.

*Episcopi victus & suppellex qualis esse debeat.*

Ff 3

*Dist. 41.*



*Dist. 41. C. Episcopus.* ) Episcopus vilem supellestem & mensam ac victum pauperem habeat, & dignitatis suæ auctoritatem, fidei & vitæ meritis quærat, hospitium quoque non longè ab ecclesia habeat.

*De habitu clericorum. Ex Concil. Carthagen. IV.*

*Dist. 41. C. Clericus.* ) Clericus professionem suam & habitum & incesum probet, & ideo nec vestibus nec calceamentis decorem quærat.

*De luxu sacerdotum. Hier.*

*Dist. 44. C. Cum autem.* ) Tibi ô sacerdos de altari vivere nõ luxuriari permittitur. Ibidem, quod non ebrietati vacare debeant, aut gulæ.

12. q. 2. *Gloria Episcopi.* ) Hier. ad Paulinum. Crates ille Thebanus homo quondam ditissimus, cum ad philosophandum Athenas pergeret, magnum auri pondus abiecit, neque putavit se posse & virtutes & divitias simul possidere. Nos suffarcinati auro Christum pauperem sequimur, & sub prætextu eleemosynæ pristinis opibus incubantes, quomodo possumus aliena fideliter distribuere, qui nostra timidè reservamus?

*De vestitu Clericorum.*

21. q. 4. *C. Omnis.* ) Omnis jactura & ornatura corporalis à sacro ordine aliena est. Eos ergo Episcopos vel Clericos, qui se fulgidis & clavis vestibus ornant, emendari oportet. Quod si in hoc permanerint, epitimio (id est suspensioni unius septimanæ, ut glossator habet, Epitimum dicitur increpatio, vel est genus pœnæ) contradantur, similiter & eos qui unguentis unguntur, &c. Ex VII. Synodo.

Et mox. Priscis enim temporibus, om-

nis sacratu vir cum mediocri aut vili veste conversabatur. Omne quippe quod non propter necessitatem suam sed propter venustatem accipitur, elationis habet calumniam, quemadmodum magnus ait Basilius. Sed neque ex sericis texturis vestem quis variatam induerat, neque apponebat variorum colorum ornamenta in summitate vestimentorum, Audierat enim, quia qui in mollibus vestiuntur in domibus regum sunt.

*Delicatos principes ecclesia ejiciendos in tenebras exteriores.*

*Dist. 35. C. Ecclesia principes.* ) Ecclesiæ principes, qui delitiis affluunt, & inter epulas arque lascivias pudicitiam servare se credunt, propheticus sermo describit, quod ejiciendi sunt de spaciosis domibus, lautisque conviviis, & multo labore epulis conquisitis. Et si vis scire quo ejiciendi sunt propter malas cogitationes & opera sua, Evangelium lege. In tenebras scilicet exteriores, ubi erit fletus & stridor dentium. An non confusio & ignominia est, Jesum crucifixum, pauperem & esurientem, fartis prædicare corporibus, & jejuniorum doctrinam rubentes buccas, tumentiaque ora proferre? Si in Apostolorum loco sumus, non solum sermonem eorum imitemur, sed etiam conversationem & abstinentionem. (Origenes.

*Qui nam ecclesiam faciant speluncam latronum.*

16. q. 7. *Et hac diximus.* ) Nunc autem arbitror templum Dei ex lapidibus vivis constructum esse ecclesiam Christi. Sunt autem multi in ea, non sicut condecet spiritualiter viventes, sed secundum carnem militantes, qui & domum orationis de vivis lapidibus constructam, faciunt esse speluncam latronum actibus suis, non ecclesia Dei digni, sed spelunca latronum.

Qui

Qui enim considerat, in multis ecclesiis talium Christianorum peccata inveniet, arbitantes quæstum esse pietatem, & cum deberent de Evangelio vivere, secundum quod decet vivere servos Dei, hoc non faciunt, sed divitias & multas possessiones acquirunt: nonne dices speluncam latronum factam esse sub illis ecclesiis? &c.

## DE FORNICATIONE

Sacerdotum.

## CAPUT XXVI.

*Pudicos esse debere sacerdotes.*

*Dist. 43. C. Pudicus.* ) Pudicus quoque debet esse sacerdos, ut & moribus & verbis pudorem indefinenter exhibeat. Unde in Canticis Canticorum, Genæ sponsæ, id est, prædicatores turturi comparantur.

*Fornicarios in sacerdotium non recipiendos.*

*l. q. 7. Si quis omnem.* ) Et si in fornicationem lapsus est aliquis post baptismum, in sacerdotium non recipitur, canones enim hoc prohibent. Si quis verò cum hoc peccato ad sacerdotium provectus est, cognitus degraderetur.

*De pœna sacerdotum fornicantium. Ex Can. Apostolorum.*

*Dist. 81. C. Si quis Episcopus.* ) Si quis Episcopus, aut presbyter, aut diaconus, post diaconii acceptum gradum fuerit fornicatus aut mœchatus, deponatur, & ab ecclesia projectus inter laicos agat pœnitentiam.

*Officium fornicariorum non audiendum. Greg.*

*Dist. 81. C. Si qui.* ) Omnibus per regnum Italicum & Theutonicorum. Si qui sunt presbyteri, diaconi vel subdiaconi, qui in

crimine fornicationis jaceant, interdiciamus eis ex parte Dei omnipotentis, & sancti Petri auctoritate, ecclesiæ introitum, usque dum pœniteant & emendent. Si qui verò in peccato suo perseverare maluerint, NULLUS VESTRUM EORUM PRÆSUMAT AUDIRE OFFICIUM, quia benedictio eorum vertetur in maledictionem, & oratio in peccatum, testante Domino per Prophetam, Maledicam inquit benedictionibus vestris. Qui verò huic saluberrimo præcepto obedire noluerint, idololatriæ peccatum incurrent, Samuele testante, & B. Greg. instruente.

*Clericos solos cum mulieribus versari aut miscere sermones non debere.*

*Dist. 81. C. Clericus.* ) Clericus solus ad fœminæ tabernaculum non accedat, neque properet sine majoris natu sacerdotis jussione. Nec solus presbyter cum sola fœmina fabulas misceat. Nec Archidiaconus sub prætextu humilitatis aut officii frequenter intret domicilia matronarum, aut fortè per clericos aut domesticos matronæ mandet aliquid secretè. Si agnitum fuerit, & ille deponatur, & illa à liminibus ecclesiæ arceatur.

*Non esse audiendam missam presbyteri concubinam habentis.*

*Dist. 32. C. Nullus.* ) Nullus missam audiat presbyteri, quem scit concubinam indubitanter habere, aut subintroducitam mulierem. Hæc Nicol. Papa omnibus Episcopis scribit.

Et mox, C. Præter. Alexander II. Præter hoc autem præcipiendo mandamus, ut nullus missam audiat presbyteri quem scit concubinam habere indubitanter, vel subintroducitam mulierem. Unde etiam sancta Synodus hoc capitulum sub

sub excommunicatione statuit dicens, Quicumque Sacerdotum, diaconorum, subdiaconorum post constitutum beatæ memoriæ prædecessoris nostri sancti Leonis Papæ & Nicolai, de castitate clericorum, concubinam palam duxerit, vel ductam non reliquerit, ex parte omnipotentis Dei, & authoritate principum Apostolorum Petri & Pauli præcipimus, & omnino contradicimus, ut missas non cantet, nec etiam Evangelium legat, neque epistolam ad missam, neque in presbyterio cum his ad divina officia, qui præfatæ constitutioni obedientes fuerint, maneat, neque partem ab ecclesia suscipiat.

*Clericos mulieres secum non debere habere, nisi fortè matres, aut sorores, aut alias, quæ non possint esse suspectæ. Ex Niceno Concilio.*

*Dist. 32. C. Interdixit.*) Interdixit per omnia sancta synodus, non Episcopo, non Presbytero, non Diacono, non Subdiacono, non alicui omnino qui in clero est, licere subintroductam habere mulierem, nisi fortè aut matrem aut sororem, aut amitam, aut etiam eas idoneas personas, quæ fugiant suspiciones.

Et mox, Item Hieronymus. Hospitium tuum, aut raro aut nunquam mulierum pedes terant. Quia non potest toto corde cum Deo habitare, qui sceminarum accessibus copulatur, scemina conscientiam secum pariter habitantis exurit. Nunquam de mulierum formis disputes. Fœminæ nomen tuum nesciant. Fœminam quam bene videris conversantem, mente dilige, non corporali frequentia. Si bonum est mulierem non tangere, malum ergo est tangere.

*Dist. 81. C. Oportet.*) Gregorius. Neque enim hoc silere debeo, quod cum gravi a-

nimi tristitia & amaritudine dico. Sacerdotes cum fœminis habitare conspicio, quod nefarium est dicere vel audire, & contra sanctorum Canonum sancita. Ubi enim talis fuerit commorantium cohabitatio, antiqui hostis stimuli non desunt.

Item. C. Volumus. Symmachus. Volumus ut sacerdotes prohiberi debeant, ne cum mulieribus conversentur, excepta duntaxat matre vel sorore vel uxore, quæ castè regenda est.

Et mox C. Legitur.) Legitur quod B. August. nec cum sorore cohabitare consenserit, dicens, Quæ cum sorore mea sunt, sorores meæ non sunt.

Item C. In omnibus.) Certè solum ad solam accedere, nulla religionis ratio permittit.

Item ex Concil. Carthagen. C. Cum omnibus.) Cum omnibus omnino clericis extraneæ fœminæ non cohabitent, &c.

Item ex Concil. Toletano. C. Quidam.) Clerici legitimum non habentes conjugium, extranearum mulierum vel ancillarum suarum (quæ interdicta sunt) confortia appetunt. Ideo quæcunque clericis taliter conjunctæ sunt, ab Episcopo auferantur & venundentur, illis pro tempore relegatis ad pœnitentiam, quos sua libidine infecerunt.

Item. C. Fœminas.) Siricius Papa. Fœminas non alias in domo clericorum esse patimur, nisi eas tantum, quas propter solas necessitudinis causas habitare cum eis Synodus Nicena permisit.

*De pœna sacerdotum, ex quibus infantes procreantur. Innocentius.*

*Dist. 81. C. Proposuisti.*) Proposuisti quid de his observari debeat, quos in diaconi ministerio, aut in officio presbyterii posuit,



fitos, incontinentes esse aut fuisse, generati filii prodiderunt. De his etiam manifesta est divinarum legum disciplina, & beatæ recordationis Siricii Episcopi monita evidentia commonstrarunt, ut incontinentes in officiis positi talibus, omni honore ecclesiastico privarentur, nec admittantur ad tale ministerium, quod sola continentia oportet impleri.

*Qua pœnitentia imponenda sacerdoti fornicario. Ex Gangren. Concilio.*

*Dist. 82. C. Presbyter.*) Presbyter si fornicationem fecerit, quanquam secundum canones Apostolorum debeat deponi, tamen juxta auctoritatem B. Sylvestri, si in vitio non perduraverit, si sua sponte confessus ad, ecit ut resurgat, decem annis in hunc modum pœniteat. Tribus quidem mensibus à cæteris remotus, pane & aqua à vespere in vesperam utatur, tantum autem diebus Dominicis & præcipuis festis modico vino, & pisciculis atque leguminibus recreetur sine carne, & sagimine ovis & caseo utatur, sacco indutus humi adhæreat, die ac nocte misericordiam Dei omnipotentis imploret. Finitis tribus mensibus continuis exeat, tamen in publicum nō procedat, ne grex fidelis in eo scādalum patiatur, nec enim debet sacerdos publicè pœnitere sicut laicus. Postea aliquantisper viribus resumptis, unum annum & dimidium in pane & aqua expleat, &c. Vide plura ibidem.

*De Episcopis ferentibus fornicationem suorum clericorum. Gregor. VII.*

*Dist. 83. C. Si quis Episcopus.*) Si quis Episcopus in fornicationem presbyterorū, diaconorum vel crimē incestus in sua parochia pretio vel precibus interveniente consenserit, vel commissum autoritate

officii sui non impugnaverit, ab officio suspendatur.

Et mox August. Episcopus qui talium crimina non corrigit, magis dicendus est canis impudicus quàm Episcopus.

*De spuris clericorum. Ex Conc. Tolet. IX.*

*15. q. 8. Cum multa.*) Cum multæ super innocentiam ordinis clericorum hætenus emanaverint sententiæ patrū, & nullatenus ipsorum firmari correctio morū quiverit, usq; adeò sententiam judicantium protraxere commissa culparum, ut non tantum inferretur ultio in actores scelerum, verumetiā in progeniem damnatorum. Ideoque quilibet ab Episcopo usq; ad subdiaconum deinceps vel ex ancillæ vel ex ingenuæ detestando connubio in honore constituti, filios procreaverint, illi quidem ex quibus geniti probabuntur, canonica censura damnentur. Proles autem aliena pollutione nata, nō solum hæreditatem nunquam accipiet, sed etiam in servitutem ejus ecclesiæ, de cujus sacerdotis vel ministri ignominia nati sunt, jure perenni manebunt.

*De pœna sacerdotum, cum filiabus spiritualibus (hoc est, his, quas vel baptizarunt, vel quas illis confesse sunt) rem habentium.*

*30. q. 1. Si quis.*) Si quis sacerdos cum filia spiritali fornicatus fuerit, sciat se grave adulterium commisisse. Idcirco scēmina, si laica est, omnia derelinquat, & res suas pauperibus tradat, & cōversa in monasterio Deo usque ad mortem serviat. Sacerdos autem qui malum exemplum dedit hominibus, ab omni officio deponatur, & peregrinando duodecim annis pœniteat, postea verò ad monasterium vadat, ibique cunctis diebus vite suæ Deo serviat.

Item. Non debet Episcopus aut presbyter

sub excommunicatione statuit dicens, Quicumque Sacerdotum, diaconorum, subdiaconorum post constitutum beatæ memoriæ prædecessoris nostri sancti Leonis Papæ & Nicolai, de castitate clericorum, concubinam palam duxerit, vel ductam non reliquerit, ex parte omnipotentis Dei, & autoritate principum Apostolorum Petri & Pauli præcipimus, & omnino contradicimus, ut missas non canter, nec etiam Evangelium legat, neque epistolam ad missam, neque in presbyterio cum his ad divina officia, qui præfatæ constitutioni obedientes fuerint, maneat, neque partem ab ecclesia suscipiat.

*Clericos mulieres secum non debere habere, nisi forte matres, aut sorores, aut alias, qua non possint esse suspectæ. Ex Niceno Concilio.*

*Dist. 32. C. Interdixit.*) Interdixit per omnia sancta synodus, non Episcopo, non Presbytero, non Diacono, non Subdiacono, non alicui omnino qui in clero est, licere subintroductam habere mulierem, nisi forte aut matrem aut sororem, aut amitam, aut etiam eas idoneas personas, quæ fugiant suspensiones.

Et mox, Item Hieronymus. Hospitium tuum, aut raro aut nunquam mulierum pedes terant. Quia non potest toto corde cum Deo habitare, qui fœminarum accessibus copulatur, fœmina conscientiam secum pariter habitantis exurit. Nunquam de mulierum formis disputes. Fœminæ nomen tuum nesciant. Fœminam quam bene videris conversantem, mente dilige, non corporali frequentia. Si bonum est mulierem non tangere, malum ergo est tangere.

*Dist. 81. C. oportet.*) Gregorius. Neque enim hoc silere debeo, quod cum gravi a-

nimi tristitia & amaritudine dico. Sacerdotes cum fœminis habitare conspicio, quod nefarium est dicere vel audire, & contra sanctorum Canonum sancita. Ubi enim talis fuerit commorantium cohabitatio, antiqui hostis stimuli non desunt.

Item. C. Volumus. Symmachus. Volumus ut sacerdotes prohiberi debeant, ne cum mulieribus converfentur, excepta duntaxat matre vel sorore vel uxore, quæ castè regenda est.

Et mox C. Legitur.) Legitur quod B. August. nec cum sorore cohabitare consenserit, dicens, Quæ cum sorore mea sunt, sorores meæ non sunt.

Item C. In omnibus.) Certè solum ad solam accedere, nulla religionis ratio permittit.

Item ex Concil. Carthagen. C. Cum omnibus.) Cum omnibus omnino clericis extraneæ fœminæ non cohabitent, &c.

Item ex Concil. Toletano. C. Quidam.) Clerici legitimum non habentes conjugium, extranearum mulierum vel ancillarum suarum (quæ interdicta sunt) confortia appetunt. Ideo quæcunque clericis taliter conjunctæ sunt, ab Episcopo auferantur & venundentur, illis pro tempore relegatis ad pœnitentiam, quos sua libidine infecerunt.

Item. C. Fœminas.) Siricius Papa. Fœminas non alias in domo clericorum esse patimur, nisi eas tantum, quas propter solas necessitudinis causas habitare cum eis Synodus Nicena permisit.

*De pœna sacerdotum, ex quibus infantes procreantur. Innocentius.*

*Dist. 81. C. Proposui.*) Proposui quid de his observari debeat, quos in diaconii ministerio, aut in officio presbyterii posuit,

fitos, incontinentes esse aut fuisse, generati filii prodiderunt. De his etiam manifesta est divinarum legum disciplina, & beatæ recordationis Siricii Episcopi monita evidentia monstrarunt, ut incontinentes in officiis positi talibus, omni honore ecclesiastico privarentur, nec admittantur ad tale ministerium, quod sola continentia oportet impleri.

*Quæ pœnitentia imponenda sacerdoti fornicario. Ex Gangren. Concilio.*

*Dist. 82. C. Presbyter.*) Presbyter si fornicationem fecerit, quanquam secundum canones Apostolorum debeat deponi, tamen juxta auctoritatem B. Sylvestri, si in vitio non perduraverit, si sua sponte confessus ad, eicit ut resurgat, decem annis in hunc modum pœniteat. Tribus quidem mensibus à cæteris remotus, pane & aqua à vespere in vesperam utatur, tantum autem diebus Dominicis & præcipuis festis modico vino, & pisciculis atque leguminibus recreetur sine carne, & sagimine ovis & caseo utatur, sacco indutus humi adhæreat, die ac nocte misericordiam Dei omnipotentis imploret. Finitis tribus mensibus continuis exeat, tamen in publicum nō procedat, ne grex fidelis in eo scādalum patiat, nec enim debet sacerdos publicè pœnitere sicut laicus. Postea aliquantisper viribus resumptis, unum annum & dimidium in pane & aqua expleat, &c. Vide plura ibidem.

*De Episcopis ferentibus fornicationem suorum clericorum. Gregor. VII.*

*Dist. 83. C. Si quis Episcopus.*) Si quis Episcopus in fornicationem presbyterorū, diaconorum vel crimē incestus in sua parrochia pretio vel precibus interveniente consenserit, vel commissum auctoritate

officii sui non impugnaverit, ab officio suspendatur.

Et mox August. Episcopus qui talium crimina non corrigit, magis dicendus est canis impudicus quàm Episcopus.

*De spuris clericorum. Ex Conc. Tolet. IX.*

*15. q. 8. Cum multa.*) Cum multæ super innocentiam ordinis clericorum hætenus emanaverint sententiæ patrū, & nullatenus ipsorum firmari correctio morū quiverit, usq; adeò sententiam judicantium protrahere commissa culpæ, ut non tantum inferretur ultio in actores scelerum, verumetiā in progeniem damnatorum. Ideoque quilibet ab Episcopo usq; ad subdiaconum deinceps vel ex ancillæ vel ex ingenuæ detestando connubio in honore constituti, filios procreaverint, illi quidem ex quibus geniti probabuntur, canonica censura damnantur. Proles autem aliena pollutione nata, nō solum hæreditatem nunquam accipiet, sed etiam in servitutem ejus ecclesiæ, de cujus sacerdotis vel ministri ignominia nati sunt, jure perenni manebunt.

*De pœna sacerdotum, cum filiabus spiritualibus (hoc est his, quas vel baptizarunt, vel quas illis confessa sunt) rem habentium.*

*30. q. 1. Si quis.*) Si quis sacerdos cum filia spirituali fornicatus fuerit, sciat se grave adulterium commisisse. Iccirco fœmina, si laica est, omnia derelinquat, & res suas pauperibus tradat, & cōversa in monasterio Deo usque ad mortem serviat. Sacerdos autem qui malum exemplum dedit hominibus, ab omni officio deponatur, & peregrinando duodecim annis pœniteat, postea verò ad monasterium vadat, ibique cunctis diebus vitæ suæ Deo serviat.

Item. Non debet Episcopus aut presbyter



byter commisceri cum mulieribus, quæ ei sua fuerint confessæ peccata. Si fortè (quod absit) hoc contigerit, sic pœniteat, quomodo de filia spiritali, Episcopus quindecim annos, presbyter duodecim, & deponatur, tamen si in conscientiam populi devenerit.

*Lapsos clericos non iterum in ordinem assumendos.*

*Dist. 50.* Multis hoc agitur, quòd lapsi non debeant iterum in ordinem assumi. Item quòd post perpetratum homicidium, sacerdotale officium administrari non possit,

*Ibidem. C. Pervenit.* Gregor. Qui post acceptum sacrum ordinem lapsus in peccatum carnis fuerit, sacro ordine careat, & ad altaris ministerium non accedat.

*Item. C. Si post.* Martinus Papa. Si post ordinationem suam quispiam in lapsum ceciderit, & si prævaricationis peccato fuerit deprehensus obnoxius, omnimodo prohibendus est cum manibus lutulentis atque pollutis mysteria nostræ salutis tractare.

Mox tamen diversum probatur. Nam *C. Ponderet.* Calixtus Papa inter alia inquit: Errant itaque qui putant, sacerdotes post lapsum, si condignam egerint pœnitentiam, Domino non posse ministrare, & suis honoribus frui, si bonâ deinceps vitam duxerint, & suum sacerdotium dignè custodierint. Et ipsi qui hoc putant, non solum errant, sed etiam traditas ecclesiæ claves despiciere videntur, de quibus dicitur: Quodcunque solveritis super terram, erit solutum & in cœlo.

*Presbyteros fornicantes minus ferendos quàm vxoratos. Ex Conc. Neocæsar.*

*Dist. 28. Presbyter.* Presbyter si uxorem duxerit, ab ordine deponi debet. Quòd si

fornicatus fuerit, vel adulterium commiserit, extra ecclesiam abjici, & ad pœnitentiam inter laicos redigi oportet.

*Concubinas sacerdotum non ferendas.*

*Dist. 27. C. Presbyteris.* Presbyteris, diaconibus, & monachis, concubinas habere, seu matrimonia contrahere penitus interdicitur.

*Item. Dist. 28. C. Decernimus.* Decernimus ut hi qui in ordine subdiaconatus & supra, uxores duxerint, aut concubinas habuerint, officio atque ecclesiastico beneficio careant. Cum enim ipsi templum & vasa Domini, sacrarium Spiritus sancti debeant esse & dici, indignum eos est cubilibus & immunditiis deservire. Innocentii II.

*Castitatem servandam clericis.*

*Dist. 28. C. Priusquam.* Scribit Gregorius nobilibus civibus Neapolitanis de Joanne quodam qui filiam habebat parvulam, & tamen ab illis electus erat in Episcopum, & non vult eum confirmare, dicens, quòd nec ipsi eum eligere debuissent, nec ipse electioni consentire, cum (filia teste) convincatur corporis sui continentiam non habuisse.

Et mox. *C. De his.* Subdiaconibus cum ad diaconatum promoti sint, præcipitur, ne quando suæ sponsionis immemores, aut ad terrenas nuptias, aut ad furtivos concubitus ultro concurrant.

## DE CONJUGIO, SECUNDIS nuptiis, & divortio.

### CAPUT XXVII.

*De contemptoribus conjugij. Ex Concilio Gangrensi.*

*Dist. 30. C. si quis.* Si quis propter Deum virginitatem professus, in conjugio posi-

tos per arrogantiam vituperaverit, anathema sit.

Ibidem, Si quis vel virginitatem vel continentiam professus in conjugio tanquam abominabiles nuptias judicat, & non propter hoc solum, quod continentia & virginitatis bonum sanctum propositum sit, anathema sit.

Et paulò post ibidem C. *Si quis*. ) Si quis nuptias in accusationem duxerit, & mulierem fidelem ac religiosam cū viro suo dormientem abominandam crediderit, aut etiam accusandam, tanquam non posse conjugatos in regnum Dei ingredi, anathema sit.

Item. *Dist. 31. C. Si quis*. ) Ex Conc. Gangren. Si quis vituperat nuptias, & dormientem cum viro suo fidelem ac religiosam detestatur, aut culpabilem æstimat, velut quæ regnum Dei introire non possit, anathema sit.

Item. Quicumque virginitatem custodiens aut continentia studens, vel ut horrescens nuptias, nec propter hoc quod bonum & sanctum est, nomen virginitatis assumit, anathema sit.

*Secundas nuptias non damandas.*

*Dist. 23. C. Qui Episcopus*. In examine Episcoporum inter alia requiritur etiam ab eo, si nuptias non prohibeat, si secunda matrimonia non damnet, si carniū perceptionem non culpet.

*De secundis nuptiis. Chrysost.*

31. q. 1. *Hac ratione*. ) Hac ratione & Apostoli præceperunt secundas adire nuptias propter incontinentiam hominum. Nam secundam quidem accipere secundum præceptum Apostoli licitum est. Secundum autem veritatis rationem verè fornicatio est. Sed cum permittente Deo publicè & licenter committitur, sit

honestà fornicatio. Vide an sic de permissionibus divinis loquendum sit?

Sed mox ibidem August. ad Pammachium, in Apologético contra Jovinianum, C. *Aperiant*. ) Aperiant quæso aures obrectatores mei, & videant me secundas nuptias & tertias in Domino concessisse. Qui secundas & tertias nuptias non damnavi, primum potui damnare matrimonium?

Idem. Non damno bigamos, imò nec trigamos, & si dici potest, octogamos.

Idem. Ego nunc voce proclamo libera, non damnari in ecclesia bigamiam, imò nec trigamiam, & ita licere quinto & sexto & ultra, quomodo & secundo marito rectè nubere.

Et mox. Deus masculum & fœminam propagandi generis causa nuptiali castitate conjunxit, & secundas nuptias, quæ in utroque Testamento permittuntur, licitas esse monstravit.

Item idem. Quod si dormierit vir ejus, non dicit primus, vel secundus, vel quartus, nec nobis diffiniendum est, quod nō diffinivit Apostolus. Unde nec ullas debeo damnare nuptias, nec eis verecundiam inferre numerositatis. Dominus autem septemviram non damnavit.

23. q. 4. *Quod autem*. ) Post mortem Saræ Abraham Cethuram duxit uxorem, ne secundum August. Christiani putarent esse peccatum post mortem uxoris aliam ducere. Et mox idem ex August. libr. 2. contra adversarium Legis & Prophetarum.

*Conjugium cum infidelibus non contrahendum.*

28. q. 1. *Cave* ) Cave Christiane gentili aut Judæo filiam tuam tradere. Cave inquit gentile vel Judæam atq; alienigenā,

hoc est, omnem hæreticam & alienam à fide tua accipere tibi uxorem, &c.

*Parentum consensum in nuptiis requiri.*

30. q. 3. *Aliter.*) Aliter legitimum non sit conjugium nisi ab his qui super ipsam feminam dominationem habere videntur, & à quibus custoditur uxor petatur, & à parentibus & propinquiorebus sponse-  
tur, &c.

Et mox. Aliter verò præsumpta, non conjugia, sed adulteria, vel contubernia vel stupra, aut fornicationes potius quam legitima conjugia esse non dubitatur.

32. q. 2. *Non omnis.*) Gratianus. Paterno arbitrio fœminæ viris junctæ carent culpa.

Et mox. Cum ergo dicitur paterno arbitrio fœminæ junctæ viris, datur intelligi, q. paternus consensus desideratur in nuptiis, nec sine eo legitimæ nuptiæ habeantur, juxta illud Evaristi Papæ, Aliter non sit legitimum conjugium, nisi à parentibus tradatur.

Item Ambrosius in lib. de Patriarchis: Honorantur parentes Rebecæ, muneribus consulitur puella, non desponsalib<sup>9</sup>, illa enim judicium expectat parentum, non est enim virginalis pudoris eligere maritum.

36. q. 2. *Placuit ut hi.*) Ex libr. 1. Instit. de Nuptiis. Justas autem nuptias inter se cives Romani contrahunt, qui secundum præcepta Legis coeunt: Masculi quidem puberes, fœminæ viri potentes, siue patres familiâs sint, siue filii familiâs, dum tñ filii familiâs consensum habeant parentum, quorum in potestate sunt. Nam hoc fieri debere, & civilis & naturalis ratio persuader.

*Pueros non esse matrimonio jungendos. Nicolæus Papa.*

30. q. 2. *Ubi non est.*) Ubi non est cōsensu utriusq;, ibi non est conjugium. Ergo qui pueris dant puellas in cunabulis, & è converso, nihil faciunt, nisi uterq; puero-  
rum postquam venerit ad annos discretionis, consentiat. Nec est conjugium nisi sit consensus utriusque, etiam si pater & mater hoc voluerint & fecerint. (*dorus. Non judicem, sed crimen facere divertium.* Ipsi-

33. q. 2. *Quos Deus.*) Quos Deus conjunxit, homo non separet. Quæris quomodo? subaudi, violenter, sine lege, absq; ratione, quos Deus conjunxit homo non separet. Non enim homo separat quos pœna condemnat, quos reatus accusat, quos maleficio coarctat.

*Sine culpa relinqui posse uxorem, quæ cum fidei marito habitare non vult.*

28. q. 1. *Vxor.*) Uxor legitima societate conjuncta, sine ulla culpa relinquitur, si cum viro Christiano permanere noluerit.

Et mox. Si aliquem cogat uxor sacrificare idolis, qui talem dimittit, causa fornicationis eam dimittit, non tantum illius, sed etiam suæ. Illius, quia fornicatur, suæ, ne fornicetur.

Item. Non solum mœchatio est illius, quæ carnem suam coinquinat, sed etiam quæ simulachrū facit, mœchatur. Quod si in his factis perseverat, & pœnitentiam non agit, recede ab illa, & noli vivere cū illa. Sin autem, & tu particeps peccati illius eris.

Item ibidem. Ambr. Si infidelis, dicit Apostolus discedit, discedat, non est servituti subjectus frater aut soror in hujusmodi, id est, si infidelis, noluerit esse cum conjugē suā fideli. Hic cognoscat fidelis suam libertatem, nec cita se subiectum putet servituti, ut ipsam dimittat fidem, ne conjugem amittat infidelem.

Et



Et mox ex August. Coniunx fidelis relinquere conjugem licitè potest infidellem.

Item. 28. q. 2. *Si infidelis.*) Si infidelis discedit odio Christianæ fidei, discedat, non enim est frater aut soror subiectus servituti in huiusmodi, NON EST ENIM DIMISSO PECCATUM PROPTER DEUM, SI ALII SE COPULAVERIT. Ergo post dimissionem alii se copulare licet.

## DE CONJUGIO SACERDOTUM.

### CAPUT XXVIII.

*Continentiam ministrorum altaris non fuisse semper.*

*Dist. 28. C. De Syracusana.*) Gratianus confitetur tempore Neocæsariensis Concilii & Anchiritanæ Synodi nondum introductam fuisse continentiam ministrorum altaris. Item: Orientalem ecclesiam non suscipere generale votum castitatis.

12. q. *Præcipimus.*) Sed notandum est Episcopos Orientales uxores habere & filios.

*Clericis licere uxores habere. Ex Concilio Tolitano.*

33. q. 2. *Placuit.*) Dicitur, quòd clericis, si uxores ipsorum adulterium commiserint, liceat eas sine mortis acerbitate habere in custodia, & ad jejunia eas cogere, non tamen usque ad necem affligere. Ex quo sequitur manifestè, licere illis uxores habere.

*Conjugatos olim fuisse sacerdotes. Gratianus dicit.*

*Dist. 56. C. Cenomanensem.*) Cum ergo ex sacerdotibus nati in summos Pontifices suprà legantur esse promoti, non sunt intelligendi de fornicatione, sed de legi-

timis conjugis nati, quæ sacerdotibus ante prohibitionem ubique licita erant, & in Orientali ecclesia usque hodie eis licite probantur.

*De concubinis ducendis. Ambrosius.*

33. q. 4. *Dicit aliquis.*) Præsta concubine tuæ libertatem & nomen uxoris, ne adulter sis potius verus quàm maritus.

*Vxoratus quidam in Episcopatum promotus.*

*Dist. 28. C. De Syracusana.*) Quidam habens uxorem & liberos à Pelagio PP. cum non esset alius magis idoneus, intercedente Cethego patritio prætore, confirmatur in Episcopatu Syracus.

*Olim promotos subdiaconos non promissa continentia.*

*Dist. 31. C. Ante triennium.*) Hic glossator dicit. Olim promovebantur subdiaconi non promissa continentia, & licitè utebantur uxoribus & beneficiis. Postea Pelagius prædecessor Gregorii statuit, ut vel contenti essent uxoribus tantum, vel beneficiis tantum. De qua constitutione Gregor. facit mentionem 37. q. 2. Multorum. Postea idem Pelagius aliam ædixit constitutionē, in qua præcisè prohibuit, ut subdiaconi nullo modo commisceri debeant à modo uxoribus suis. Et illam constitutionem quidam subdiaconi servabant, quidam non. Sed quia illa constitutio fuit (N. quod ipsemet confitetur eam iniquam fuisse) retractatur à Gregorio loco prædicto, & statuitur, quòd si qui subdiaconi non sunt, non cogantur continere, nisi velint. Si qui autem in futurum sint ordinandi, non admittantur, nisi promittant continentiam.

*Conjugatos presbyteros non discernendos, nec ab eorum communione abstinendum. Ex Concilio Gangren.*

*Dist. 28. C. Si quis discernit.*) Si quis discernit presbyterum conjugatum tãquam occasione nuptiarum, quod offerre non debeat, & ab ejus oblatione ideo abstinere, anathema sit.

*Castitatem esse cum propria uxore concubitum, etiam in Episcopis & presbyteris.*

*Dist. 31. C. Nicæna Synodus.*) Nicæna Synodus volens corrigere hominum vitam in ecclesiis commorantium, posuit leges, quas canones vocamus. In quorum tractatu videbatur aliquibus introducere legem, ut Episcopi, presbyteri, diaconi, subdiaconi, cum conjugibus, quas ante consecrationem duxerant, non dormirent. Surgens autem Paphnutius professor contradixit, Honorabiles confessus nuptias, & castitatem dicens esse cū propria conjugē concubitum. Sua sit itaque Concilio, ne talem poneret legē, gravem esse asserens causam, quæ aut ipsis aut eorum conjugalibus occasio fornicationis existeret. Et hoc quidem Paphnutius (licet nuptiarum esset inexpertus) exposuit. Synodusq; laudavit sententiam ejus, & nihil ex hac parte sancivit, sed in uniuscujusq; voluntate non necessitate permisit. *Propter religionem conjugium non deferendum esse. Ex Gangren. Concilio.*

*Dist. 30. C. Si qua mulier.*) Si qua mulier derelicto viro discedere voluerit, soluto vinculo conjugali, nuptias contemnendo, anathema sit,

*Causa religionis conjugia non solvenda esse.*

*27. q. 2. Sunt qui dicunt religionis gratia conjugia debere dissolvi.* Verum sciendum est, si hoc lex humana concessit, Lex tamen divina prohibuit. Per se enim Veritas dicit, Quos Deus conjunxit, homo non separet. Qui etiam ait, Non licet dimit-

tere uxorem, excepta causa fornicationis.

Et mox ex VIII. Synodo. Si quis conjugatus vult converti ad monasterium, non est recipiendus, nisi prius à conjugē castitatem proficiente fuerit absolutus. Nam si illo vivente illa per incontinentiam alteri nupserit, proculdubio adultera erit, nec recipietur apud Deum ejus viri conversio, cujus sequitur conjugalis fœderis prostitutio.

Item August. Si tu abstines sine uxoris voluntate, tribuis ei fornicandi licentiam, & peccatum illius tuæ imputabitur abstinentiæ.

*Vxorem propter religionem non contemnendam.*

*Ex Canonibus Apostolorum.*

*Dist. 28. C. Si quis.*) Si quis docuerit sacerdotem sub obtentu religionis propriam uxorem contemnere, anathema sit.

*Dist. 10. C. Lege.*) Beatus Gregorius scribens ad Theotistam patritium, ait inter cætera, Si religionis causa conjugia debere dissolvi dicantur, sciendum est, quia etsi hoc lex humana concessit, lex tamen divina prohibuit.

*Nubentes post votum etiam non esse separandos.*

*August. in lib. de bono conjugali.*

*Dist. 37. C. Quidam.*) Quidam nubentes post votum asserunt adulteros esse, ego autem dico vobis, quod graviter peccant qui tales dividunt.

Et paulò ante ex Decreto Martini Papæ. Tanta est vis in Sacramento conjugii, quod nec ex violatione voti potest dissolvi ipsum conjugium.

Idem copiosè tractatur 27. q. 1. Nuptiarum, & objectiones refelluntur.

*Presbyteri & diaconi nullo modo à legitimis dissolvantur uxoribus. Ex VI. Synodo.*

*Dist. 31.*

*Dist. 31. C. Quoniam.*) Quoniam in Romani ordine canonis esse cognovimus traditum, eos qui ordinati sunt diaconi vel presbyteri, confiteri, quod non suis jam copulentur uxoribus, antiquum sequentes canonem apostolicæ diligentiae, & constitutiones sacrorum virorum, legales nuptias à modo valere volumus, nullo modo cum uxoribus suis eorum connubia dissolventes, aut privantes eos familiaritate ad invicem in tempore opportuno. Quicumque ergo diligens inventus fuerit in subdiaconali ordinatione aut diaconali aut sacerdotali, hi nullo modo prohibentur ad talem ascendere gradum, pro uxoris suæ cohabitatione, nec etiam tempore ordinationis suæ profiteri castitatem cogantur, quod abstinere debeant à legalis uxoris familiaritate.

*Deponendum eum qui aliquem presbyterorum aut diaconorum privare vult communione legalis uxoris.*

Ibidem. Si quis igitur præsumperit contra Apostolicos canones, aliquos presbyterorum & diaconorum privare à contactu & à communione legalis uxoris suæ, deponatur.

*Excommunicandum presbyterum & diaconum, uxorem religionis causa expellentem.*

Ibidem. Similiter & presbyter aut diaconus, qui religionis causa uxorem suam expellit, excommunicetur, si verò in hoc permanferit, deponatur.

Subjungit his Gratianus. Hoc autem ex loco intelligendū est. Orientalis enim ecclesia, cui VI. Synodus regulam vivendi præscripsit, votū castitatis in ministris altaris non suscepit, &c. Quasi non Apostolus omnibus dixerit, Episcopus sit unus uxoris maritus, & Dominus: Qui potest capere, capiat.

### De virginitate

32. q. 1. Nuptiæ terram implent, virginitas paradisum. Sed mox Gratianus addit. Verum hoc ad exhortationem non ad necessitatem observandæ virginitatis refertur. Vnde Ambrosius ait:

Integritas corporis expetenda à nobis est, quam ego pro consilio suadeo, nō pro imperio præcipio. Sola est enim virginitas, quæ suaderi potest, imperari non potest, res magis voti quàm præcepti est.

DE MONACHIS, MONIALIBUS & CLAUSTRIS.

### CAPUT XXIV.

*Monachos solitarios esse debere. Ex Nicæna Synodo.*

16. q. 1. *Placuit.*) Placuit omnibus residentibus in sancta Nicæna synodo, ut monachorū conversatio & vita secundū etymologiam nominis ab omnibus discrepet. Monachus enim Græcè, Latine singularis dicitur. Unde Monachum per omnia singulariter agere oportet. Quamobrem firmiter & indissolubiliter omnes præcipimus, ut aliquis monach. pœnitentiam nemini tribuat, nisi sibi invicem, ut iussum est: mortuum non sepeliat, ni monachum in monasterio secum commorantem, vel si fortuito quenquam adventientium fratrum ibi mori contigerit.

Ibidem. Si cupis. Hier. ad Paulinum. Si cupis esse quod diceris, monachus, id est, solus, quid facis in urbibus? quæ utique non sunt solorum habitacula, sed multorum, &c.

*Abbates etiam ostiario subesse debere. Ex Synodo Sylvestri.*

*Dist. 93. C. A Subdiacono.*) Abbates etiam Ostiario subesse jubentur. Dicitur enim ostiario Abbas, Abbati monachus in omni loco repræsentet obsequium.

*Monachos*



*Monachos ecclesiasticis deservire non posse. Gregor.*

16. q. 1. *Nemo potest.*) Nemo potest ecclesiasticis deservire officiis, & in monastica regula ordinatè persistere. Et mox inde cōcludit Gratianus, quòd parochianis ecclesiis monachi præfici non possint.

Et mox, Hier. ad Piparium & Desiderium. Monachus non docentis sed plangentis habet officium, ne vel se vel mundum lugeat, & Domini pavidus præstoleretur adventum.

Item, C. Adjicimus. Leo Papa, Adjicimus illud etiam, quod nobis propter improbitatem quorundam monachorum religionis vestræ verbis mandastis, per vicarios vestros hoc specialiter statuentes, ut præter Domini sacerdotes nullus audeat prædicare, sive monachus, sive laicus ille sit, qui cujuscunque scientiæ nomine gloriatur.

Item, C. Hinc est etiam. Hier. contra Vigilantium. Monachus non doctoris sed plangentis habet officium. Et ad Heliodorum. Alia causa est Monachi, alia clerici.

Et mox. Monachos verò usque ad tempus Eusebii, Zosimi & Syricii monachos simpliciter & non clericos fuisse, ecclesiastica testatur historia.

*Monasteria olim fuisse scholas, ex quibus ministri sumpti. Hier.*

16. q. 1. C. *Sic vive.*) Sic vive in monasterio, ut clericus esse merearis. Multò tempore discere quæ postmodum doceas. Et inter bonos semper sectare meliores. Quòd si populus vel Episcopus te in clericum elegerit, age ea quæ clerici sunt.

Et paulo ante ibidem. C. De præsentium. Faciat autem Deus, ut tales sint hi, vel quia nobis in isto habitu nutriuntur,

vel in monasteriis crescunt, ut perfectæ ætate & vita probata, non ad litigiorum officia, sed ad sacerdotium valeant promoveri.

*Abbates & Monachos nihil proprii habere. Ex synodo VIII.*

Dist. 54. C. *Abbati.*) Abbati vel Monacho Monasterii servum non licebit facere liberū. Qui enim nihil propriū habet, liberratem rei alienæ dare non potest.

*Monachos lucri gratia de monasterio non debere egredi. Eugenius Papa.*

16. q. 1. *Placuit communi.*) Placuit communi nostro Cōcil. ut nullus monachorū pro lucro terreno de monasterio exire nefandissimo ausu præsumat. Neque pœnitentiā dare, neque filiū de baptismo accipere, neque baptizare, neque infirmū visitare, neque mortuum sepelire, neque ad ecclesiam secularem transire, neq; aliis qualibuscunque negotiis sese implicare. Sit claustro suo contentus, quia sicut piscis sine aqua caret vita, ita sine monasterio Monachus. Sedeat itaque solitarius & taceat, quia mundo mortuus est, Deo autem vivit. Agnoscat nomen suum. Monos enim græcè, latinè est unus. Achos græcè, latinè est tristis. Unde dicitur Monachus, id est, unus tristis. Sedeat ergo tristis, & officio suo vacet.

Itē paulo ante, C. si cupis. Quem senseris tibi aut semper aut crebro de numeris loquentem (excepta eleemosyna, quæ indifferenter omnibus patet) institutorem potius habeto quàm Monachum. Præter victum & vestimētum & magnas necessitates, nihil cuiquam tribuas, ne filiorum panem canes comedant.

*Monachos debere laborare.*

De Con. Dist. 5. *Nunquam de manu.*) In desideriiis est omnis ociosus, Ægyptiorum mona-

monasteria hunc ordinem tenent, ut nulum absque opere & labore suscipiant, non tam propter victus necessaria, quam propter animæ salutem, ne vagentur perniciosis cogitationibus, & ad instar fornicantis Hierusalem omni transeunti divaricent pedes suos.

*Carnem Monacho gustare non licere.*

Ibidem. Carnem.) Carnem cuiquam Monacho nec gustandi nec sumendi est concessa licentia.

*Monachis non licere ad fœminas accedere.*

18. q. 2. Pervenit.) Neque commatres sibi facere, neque ad fœminas accedere monacho licet.

*Episcopos monasteria frequenter visitare, & corrigenda corrigere debere. Ex Concilio Agathen.*

18. q. 2. Non semel.) Non semel sed sæpius in anno Episcopi visitent monasteria Monachorum, & si aliquid corrigendum fuerit, corrigatur.

*Duplicia monasteria fieri non debere. Ex VII. Synodo.*

18. q. 2. Diffinimus.) Diffinimus minimè duplex monasterium fieri, quia scandalum, id est, offendiculum multis efficitur.

Et iterum. C. In nullo loco. Ex Registro Gregorii. Monachos & Monachas non debere cohabitare simul, sed & duplicia monasteria tollenda.

Item ex Concilio Agathen. Monasteria puellarum longius à monasterio monachorum, aut propter insidias diaboli, aut propter oblocutionem hominum collocentur.

*Qua etate virgines sacra velanda & conservanda sint.*

20. C. q. 1. Juvenculas.) Ante sexagesimū ætatis suæ annum virgines non consecrentur.

Et mox ex Concil. Carthagenen. III. Sanctimoniales ante annum quadragesimum non velentur.

Item ex Concil. Aphricano IV. Placuit ut ante viginti quinque annos nec diacones ordinentur, nec virgines consecrentur.

Item Pius Papa. Virgines non velentur ante viginti quinque annos.

*De Monialibus, & his qui cum illis scortantur. Gregor.*

27. q. 1. Si qua.) Si qua Monacharum, vel per antiquiorem licentiam, vel per impunitatis pravam consuetudinem ad lapsum adulterii deducta fuerit, aut in stupri fuerit deducta voraginē, hęc, post competentis severitatem vindictæ, in aliud districtius monasterium virginum in pœnitentia volumus redigi, ut illic orationibus & jeuniis vacet, & sic pœnitendo proficiat, & metuendum cæteris arctioris disciplinæ præstet exemplum. Is autem qui cum hujusmodi fœminis in aliqua fuerit iniquitate repertus, omni communione privetur, si laicus est, si vero clericus, à suo quoq; remotus officio, pro suis continuò lugendis excessibus in monasterium detrudatur.

*Mulierem religionis gratiā non tondendam. Ex Gangrensi Concilio.*

Dist. 30. C. Quacunque.) Quæcunq; mulier religioni judicans convenire, comam sibi amputaverit, quam Deus ad velamen ejus, & ad memoriam subjectionis illi dedit, tanquam resolvens jus subjectionis, anathema sit.

*De his qui astu circumventi in Monasteria detrusi sunt. Ex Concilio Maguntien.*

16. q. 7. Constituit.) Constituit sanè sacer iste conventus, ut Episcopi sive Abbates, qui nō in fructum animarum, sed in avaritiam

ritiam & turpe lucrum inhiantes, quoslibet homines circumveniendototoderunt, & res eorum tali persuasione surripuerunt, pœnitentiæ canonicæ, utpote turpis lucri sectatores subjaceant. Hi verò qui illecti comam deposuerunt, in eo quod ceperunt perseverare cogantur, res verò eorum hæredibus reddantur.

*Pertrusi in monasteria, præter voluntatem, non retineantur.*

20. q. 1. C. *Sicut qui.*) Extra voluntatem propriam retrusi, in monasteriis, non retineantur.

*Non licet novos ordines constituere.*

Ne nimia religionis diversitas gravem in ecclesiam Dei confusionem inducat, firmiter prohibemus, ne quis de cætero novam Religionem inveniat: Sed quicumque ad religionem converti voluerit, unam de approbatis assumat. Similiter qui voluerit religiosam domum de novo fundare, regulam & institutionem accipiat de approbatis. Cur ergo Jetuitarum & aliorum quorundam ordines posterius sunt inventi?

Hoc decretum est in Concilio generali Lateranensi, iub Innocentio 3. anno 1215. Et citatur à Gregorio in Decret. lib. 3. De Religiosis domibus, Et appenditur.

Illud etiam prohibemus ne quis in diversis monasteriis locum monachi habere præsumat, NEC UNUS ABBAS PLURIBUS MONASTERIIS PRÆSIDERE.

## DE JEJUNIO.

### C A P U T X X X.

De pœnit. Dist. 5. C. *Sint tibi.*) Sint tibi quotidiana jejunia, & refectio satietatem fugiens. Nihil enim prodest tibi biduo

vel triduo transmissio vacuum portare ventrem, si post pariter obstruatur.

Et mox C. *Sint tibi jejunia pura*, continua moderataque, id est, quotidie esurire, & quotidie prandere.

Item. C. Nihil enim prodest homini jejunare & orare, & alia religionis bona agere, nisi mens ab iniquitate, & ab obtrectationibus prohibeatur.

Item. C. Non mediocriter. Non rationabiliter homo dignitatem amittit, qui vel jejunium charitati, aut vigiliis præfert sensus integritati?

Item. C. Jejunium. Jejunium autem magnum & generale est abstinere ab iniquitatibus, & ab illicitis voluptatibus seculi. Quod est perfectum jejunium in hoc seculo.

12. q. 2. *Gloria Episcopi.*) Hier. ad Paulinum. Plenus venter facile de jejuniis disputat.

Dist. 4. C. *In istis.*) Telephorus instituit, ut non à carnibus modo, sed & à deliciis clerici abstinerent. Et additur ibi. Quoniam moribus utentium hoc approbatum non est, aliter agentes, transgressionis nos non arguit.

Et mox C. Sacerdotes. Cæterum piscium esus ita Christiano relinquitur, ut hoc ei infirmitatis solatium, non luxuriæ pariat incendium. Denique qui à carne abstinēt, nequaquam sumptuosiora marinarum belluarum convivia præparent. Vinum quoque ita bibere permittitur, ut ebrietatem omnino fugiamus, alioquin restat, ut omnia quæ corporibus libent, similiter faciamus.

Dist. 23. C. *Qui Episcopus.*) ab Episcopo in examine illius etiam requiritur, si carni-um perceptionem non culpet.

De pœnitentia. Dist. 3. C. *Nihil.*) Nihil prodest



dest homini jejunare & orare, & alia religionis opera facere, nisi mens ab iniquitate revocetur.

*De jejunio superstitioso. August. de Doctrina Christi.*

*Dist. 41. C. Quisquis.*) Quisquis rebus prætereuntibus restrictius utitur, quam sese habent mores eorum cum quibus vivit, aut intemperans aut superstitiosus est. Quisquis verò sic eis utitur, ut metas consuetudinis bonorum, inter quos versatur, excedat, aut aliquid significat, aut flagitiosus est. Vide ibidem plura.

## DE CONFESSIONE AURICULARI.

### CAPUT XXXI.

*Confessionem auricularem non esse ad salutem necessariam multis auctoritatibus Gratianus probat. De poenitentia. Dist. 1. mox ab initio sic scribens:*

Sunt quid dicunt, quamlibet criminis veniam sine confessione facta ecclesiæ & sacerdotali iudicio posse promereri, juxta illud Ambrosii super Lueam: Petrus doluit & flevit quia erravit ut homo. Non invenio quid dixerit, scio quod flevit, lachrymas ejus lego, satisfactionem non lego.

Item Chrysost. Lachrymæ lavant delictum, quod pudor est confiteri.

Item propheta. Sacrificium Deo spiritus contribulatus, cor contritum & humiliatum Deus non despicies.

Item David. Dixi confitebor adversum me iniquitatem meam Domino, & tu remisisti impietatem peccati mei. Quod August. exponens ait, Magna pietas Dei, ut ad solam promissionem peccata dimiserit. Nondum pronunciat ore, & tamen Deus jam audivit in corde, quia ipsum dicere quasi quoddam pronunciare est.

Votum enim pro opere reputatur.

Et aliquanto post. Scindite. Scindite corda vestra & non vestimenta, ostendens contritionem cordis, quæ in ejusdem scissione intelligitur, non in confessione oris (quæ pars est exterioris satisfactionis, quam scissuram vestium nominavit, à parte totum intelligens) peccata dimitti.

Hinc etiam per eundem prophetam ait, dicens: Convertimini ad me in toto corde vestro, & ego convertar ad vos, conversio autem dicitur, quasi cordis undique versio. Si autem cor nostrum undique à malo ad Deum vertitur, mox suæ conversionis fructum meretur, ut Deus ab ira sua ad misericordiam conversus, peccati præster indulgentiâ, cujus primò preparabat vindictam Unde datur intelligi, quod etiâ ore tacente, veniam consequi possumus. Hinc etiam leprosi illi, quibus Dominus præcepit ut ostenderent se sacerdotibus, in itinere antequam ad sacerdotes venirent, mundati sunt. Ex quo factum nimirum datur intelligi, quod antequam sacerdotibus ora nostra ostendamus, id est, peccata confiteamur, à lepra peccati mundamur, &c. Vide ibidem plura.

Ibidem. C. Omnis. Non ergo in confessione peccatum remittitur, quod jam remissum esse probatur. Fit itaque confessio ad ostensionem poenitentiae, non ad impetrationem veniæ. Et sicut circumcisio data est Abraham in signum justitiæ, non in causam justificationis, sic confessio sacerdoti offertur in signum veniæ acceptæ, non in causam remissionis accipiendæ.

Item. C. Verbum Dei. Verbum Dei dimittit peccata, sacerdos est iudex. Sacer-

Hh 2 dos

dos quidem suum officium exhibet, & nullius potestatis jura exercet. Ibi Glossa addit. Judex, id est, minister, Ministerio enim non auctoritate habet dimittere.

Item. C. Quis aliquando. Chrysost. super epistolam ad Heb. Non dico tibi ut te prodas in publicum, neque apud alios te excuses (alias accuses) sed obedire te volo, prophetæ dicenti: Revela ante Deum viam tuam. Ergo tua confitere peccata apud Deum verum judicem, cum oratione delicta tua pronuncia, nō lingua, sed conscientia tuæ memoria, & tunc demum spera te misericordiam posse consequi.

In eandem tamen distinctionem Gratianus diversas quoque collegit auctoritates. Dicit enim C. Omnis. Alii è contra testantur, dicentes sine Confessione oris & satisfactione Operis neminem à peccato posse mundari, si tempus satisfaciendi habuerit. Tandem distinctionem hanc Gratianus his fermè verbis concludit: Quibus auctoritatibus, vel quibus rationum firmanentis utraque sententia satisfactionis & confessionis innitatur, in medium breviter exposuimus. Cui autem harum potius adhærèdum sit, lectoris judicio reservatur. Utraque enim fautores habet sapientes & religiosos viros. Quibus verbis mox subjungit verba Theodori Cantuariensis Episcopi, qui utramque quoque probat sententiam. Deo autè confiteri, perfectiorū esse dicit.

De pœnit. Dist. 5. C.) In pœnitentia. Glossator in margine dicit. Videndum est quando oris confessio sit instituta, utrum necessaria sit, vel tantum voluntaria, qualiter sit facienda, & cui, & quando. Dicunt quidam institutam fuisse in paradiso, statim post peccatum, dicente

Domino ad Adam, Adam ubies? Ideo enim quæsit, ut ipso confitente peccatorum, daretur forma aliis in posterum confitendi. Sed quia in illa interrogatione Dominus minus expressè videbatur ad confitendum monuisse, ideo postea exquisivit à Cain fratricida expressius, Ubi est Abel frater tuus? Alii dicunt quòd sub Lege fuit primò instituta, quando Josue præcepit Achor crimen suum confiteri & lapidatus est 45. Dist. Sed & illud. Alii dicunt quòd in Novo Testamento à Jacobo dicente, Confitemini alterutrum peccata vestra, &c. SED MELIUS DICITUR eam institutam fuisse à quadam universalis ecclesiæ traditione potius, quàm ex novi vel veteris testamenti auctoritate. Et traditio ecclesiæ obligatoria est (ut præceptum art. 11. Dist. In his rebus.) Ergo necessaria est confessio in mortalibus apud nos. APUD GRÆCOS NON, QUIA NON EMANAVIT APUD ILLOS TRADITIO TALIS. Sicut nec conficiunt in azymis, sed in fermentatis. Illud ergo Jacobi, Confitemini alterutrum peccata vestra, fuit consilii primò, alioquin ligaret & Græcos, non obstante eorum consuetudine.

## DE FERIIIS.

*De die Dominico.*

### CAPUT XXXII.

*De Con. Dist. 3. C. Pervenit.*) Aliud quoque ad me perlatum est vobis à perversis hominibus esse prædicatum, ut Dominico die nullus debeat lavari. Et quidem si pro luxuria & pro voluptate quis lavari appetit, hoc fieri nec reliquo quolibet die concedimus. Si autem pro necessitate corporis, hoc nec die Dominico prohibemus.

Et mox

Et mox infra C. Jejunia. Die autem Dominica nihil aliud agendum est, nisi Deo vacandum, nulla operatio in illa die sancta agatur, nisi tantum hymni & Psalmis & canticis spiritualibus dies illa transigatur.

*De feriis humanis.*

24 q. 1. *Odi & projecit.* Hieronymus. Odit autem Deus, & non solum odit, sed projicit festivitates eorum, qui non celebrant festivitates Dei, sed suas.

*De saltationibus in diebus festis.*

*De Con. Dist. 3. C. Irreligiosa.* Irreligiosa consuetudo est, quam vulgus per sanctorum solennitates & festivitates agere consuevit. Populi qui debent divina officia attendere, saltationibus turpibus invigilant, cantica non solum mala canentes, sed etiam religiosorum officiis perstreperunt. Hoc enim ut ab omnibus provinciis depellatur, sacerdotum & judicum a Concilio sancto curæ committitur.

## DE ELEEMOSYNIS ET Oblationibus ex rebus injustè

acquisitis.

### CAPUT XXXIII.

14. q. 5. *Quòd verò.* Quòd verò eleemosynæ non sint faciendæ ex fœnore vel usuris, nec quolibet malè acquisito, Augustinus testatur in lib. de Verbis Domini Traç. 35. Nolite velle eleemosynas facere de fœnore & usuris.

Item Augustinus. Immolans ex iniquo, oblatio est maculata. Dona iniquorum non probat altissimus, nec respicit in oblationibus iniquorum, nec in multitudine sacrificiorum eorum propitiabitur peccatis. Qui offert sacrificium de substantia pauperis, quasi qui victimat filium in conspectu patris sui.

Item. C. *Denique.* Denique si non potest subveniri alteri, nisi alter laedatur, commodius est neutrum juvari, quàm gravari alterum.

Item. C. *Scriptum est.* Scriptum est, Victimæ impiorum abominabiles sunt Deo, Vota justorum placabilia. Neque enim in omnipotentis Dei judicio quid, sed à quo detur inspicitur. Hinc est enim quod scriptum est, Respexit Deus ad Abel & ad munera ejus, ad Cain autem & ad munera ejus non respexit. Dicturus quippe quia Dominus respexit ad munera, præmisit sollicitè quia respexit ad Abel. Ex qua re patenter ostenditur, quia non offerens à muneribus, sed munera ab offerente placuerunt. Dona quippe iniquorum non probat altissimus, nec respicit in oblationibus eorum, nec in multitudine sacrificiorum propitiabitur peccatis eorum.

1. q. 1. *Non est putanda.* Leo Siagrio Episcopo. Non est putanda eleemosyna, si pauperibus dispenseretur, quod ex illicitis rebus acquiritur, quia qui hac intentione mala accipit, ut bene dispenser, gravatur etiam potius quàm juvetur. Unde etiam certum est, quia etsi monasteria vel xenodochia, vel aliquid aliud ex pecunia, quæ pro sacris ordinibus datur, construuntur, non proficit mercedi. Ne ergo sub obtentu eleemosynæ cum peccato aliquid studeamus accipere, prohibet scriptura, dicens: Hostiæ impiorum abominabiles sunt Domino, quæ offeruntur ex scelere. Quicquid enim in Dei sacrificio ex scelere offertur, omnipotentis Dei non placat iracundiam, sed irritat. Hinc rursum scriptum est: Honora Deum de tuis justis laboribus. Qui ergo malè tollit, ut quasi bene præbeat, constat quia sine dubio Do-



minum non honorat. Hinc quoque per Salomonem dicitur: Qui offert sacrificium de substantia pauperis, idem est ac si victimet filiū in conspectu patris. Quantum autem dolor sit patris perpendamus, si in ejus conspectu filius victimetur, & hinc facili cognoscitur, quantus apud Deum dolor exasperatur, quando ei sacrificium ex rapina tribuitur.

## DE PEREGRINATIONIBUS

religionis ergo, & locis  
factis.

### CAPUT XXXIV.

12. q. 2. *Gloria Episcopi.* ) Hieronymus ad Paulinum. Non Hierosolymis fuisse, sed Hierosolymis benè vixisse, laudandum est.

Dist. 40. C. *Non est facile.* ) Hieron. Non sanctorum filii sunt, qui tenent loca sanctorum, sed qui exercent opera eorum.

Et mox. Gregorius. Nos qui præsumus, non ex locorum vel generis dignitate, sed morum nobilitate innotescere debemus, nec urbium claritate, sed fidei puritate.

Idem Anastasio presbytero. Non loca vel ordines creatori nostro nos proximos faciunt, sed nos aut merita bona ei jungunt, aut mala disjungunt.

Item Ambrosius ibidem. Extra paradisum, hoc est, inferiori loco, vir factus, melior invenitur: & illa quæ in meliori loco, hoc est, in paradiso facta est, inferior invenitur.

Item Gregorius. Loth in ipsa perversa civitate fuit justus, in monte peccavit.

Et mox. Quid enim paradiso jucundius, quid cælo securius? & tamen homo ex paradiso, & angelus de cælo peccando cecidit.

Item Chrysost. ibidem. Multi sacerdotes & pauci sacerdotes, multi in nomine & pauci in opere. Videte ergo fratres quomodo sedetis super cathedram, quia non cathedra facit sacerdotem, sed sacerdos cathedram. Nō locus sanctificat hominem, sed homo sanctificat locum. Nō omnis sacerdos sanctus, sed omnis sanctus sacerdos. Qui benè sederit super cathedram, honorem accipit, qui malè sederit injuriam facit cathedræ, ideoque malus sacerdos de sacerdotio suo crimen acquirit, non dignitatem.

## DE SÉPULTURA, PURGATORIO, & defunctorum exequiis.

### CAPUT XXXV.]

Nihil prodesse sepulturas & exequias operosas.

13. q. 2. *Anima.* ) Curatio verò funeris, conditio sepulturæ, pompa exequiarum, magis sunt vivorum solatia, quàm subsidia mortuorum. Si aliquid prodest impio sepultura pretiosa, oberit pio vilis aut nulla.

Nihil referre ubicunque sepeliatur.

13. q. 2. *Ubicunque.* ) Chrysost. in epist. ad Heb. Ubicunque sepeliatur, Domini est terra & plenitudo ejus.

Sacra loca impios defunctos nihil juvare.

13. q. 2. *Quibus peccata.* ) Augustin. Quibus peccata dimissa non sunt, à sacris locis post mortem adjuvari non possunt, quia quos peccata graviora deprimunt, si in sacris locis se sepeliri faciunt, restat ut de sua præsumptione judicetur, quia eos sacra loca non liberant, sed de culpa temeritatis accusant.

Et mox Gregorius. Quos peccata gravia deprimunt, ad majorem cumulum damnationis potius quàm ad solutionem eorū corpora in ecclesiis ponuntur.

*De sepulturis nihil exigendum esse.*

13. q. 2. Quæritur, an pro sepultura mortuorum aliquid sit exigendum? Ubi inter alia. C. Quæta est. Gregor. in Registro Januario Episcopo Sardinæ scribit.

Quæta est nobis Nereida fœmina clarissima, quod ab ea solidos pro filia suæ sepultura fraternitas vestra velit exigere. Hoc autem vitium & nos, postquam Deo authore ad Episcopatus honorem accessimus, de ecclesia nostra omnino vetuimus, & per pravam denuo consuetudinem nequaquam usurpari permisimus, memores quia dum Abraham à filiis Ephron, hoc est, à filiis Seor, sepulchrum pretio ad humandum corpus conjugis postularer, pretium accipere renuit, ne commodum de cadavere videretur consecutus. Si ergo tantæ considerationis paganus vir fuit, quanto magis nos qui sacerdotes dicimur, hoc facere non debemus? Unde, hoc avaritiæ vitium, ne in alienis denuo tentari præsumatur, admo-  
neo. Sed si quâdo aliquem in ecclesia vestra sepeliri conceditis, si quidem parentes ipsius, proximi, vel hæredes, pro luminaribus sponte quid offerre voluerint, accipere non vetamus. Peti verò aut aliquid exigi omnino prohibem⁹, ne quod valdè irreligiosum est, aut venalis, quod absit, dicatur ecclesia, aut vos de humanis videamini mortibus gratulari, si ex eorū cadaveribus studeatis quærere quolibet modo compendium.

Ibidem. ex Cōcilio Triburiensi. Quid terra terram vendis? Memento quod terræ, & in terram reverteris. Et alibi de homine dictum est, Terram teris, terram geris, & in terram converteris, qui de terra fumeris. Domini est terra & plenitudo ejus, non hominis.

Item ex Concilio Varen. Præcipiendum est secundum canonum auctoritatem, ut de sepulchris & hominibus sepeliendis nihil muneris exigant.

*De purgatorio igne.*

27. q. 1. C. *Impudicus.*) Pœnitentia purificatorius vocatur ignis. Et est Canon Concilii Triburientis.

*Defunctos ignorare res nostras.*

13. q. 2. *Qui divina.*) De mortuis autem quæritur utrum sciant ea quæ à vivis geruntur. Esaias ex persona populi afflicti ait, Abraham pater noster nescivit.

Augustinus quoque in libro de agenda cura pro mortuis illud idem testatur, dicens. C. *Fatendum est.*) Fatendum est nescire quidem mortuos quid hic agatur dum hic agitur. Postea verò audire ab eis qui hinc ad eos moriendo pergant, non quidem omnia, sed quæ sinuntur etiam isti meminisse, & quæ illos, quibus hæc indicantur oportet audire, &c.

*De exequiis.* August. in libr. de Cura pro mortuis agenda.

13. q. 2. *Non assememus.*) Corpori humano quicquid impenditur, non est præsidium salutis, sed humanitatis officium.

*Orationes viventium defunctis non prodesse.*

*Hier.*

13. q. 2. *In presenti.*) In præsentī seculo scimus, si ve orationibus si ve consiliis invicem posse nos adjuvari, cum autem ante tribunal Christi venerimus, nec Job, nec Daniel, nec Noë rogare posse pro quoquam, sed unumquemque portare onus suum.

*Quod defuncti non possint nec excommunicari nec absolvi.*

24. q. 2. *Quod autem.*) Quod autem post mortem nullus excommunicari valeat vel absolvi, ex verbis Evangelii monstratur,

tur, quibus dicitur: Quodcunque ligaveris super terram, &c. Super terram inquit, non sub terra, &c.

Et mox. C. Legatur. ) Gelasius Papa. Mortuos suscitasse Christum legimus, in errore mortuos absolvisse non legimus. Et quia hoc tantum faciendi solus habuit potestatem, beato Petro Apostolo principaliter mandavit: Quodcunque solveris super terram, erit solutum & in cœlis, & quodcunque ligaveris super terram, &c. Super terram inquit, nam in ligatione defunctum, nunquam dixit absolvendum. Atque hæc est symphonia catholica juris canonici, quantum ad decretum Gratiani attinet, cum scripturis canonicis, adeoque consensus orthodoxus doctrinæ ecclesiæ hodiè reformatæ, & veteris, prout illius dogmata compilavit Gratianus.

## SUMMA LIBRORUM Juris quod vocant Canonicum.

Primo continent Decretum à Gratiano collectum, Quod habet partes tres.

1. Continet Distinctiones 101.
2. Causas 36. intermixto tractatu de pœnitentia septem distinctiones continente. In causis tractantur non nisi juridica.
3. Tractatum de consecratione. Is habet distinctiones quinque.

Secutus Gregorius I X. libros quinque Decretalium compilavit.

1. De summa Trinitate & fide Catholica.
2. De Judiciis.
3. De vita & honestate clericorum.
4. De sponsalibus & matrimoniis.

5. De accusationibus, inquisitionibus & denuntiationibus.

Postea Bonifacius VIII. Sextum Decretalium addidit in Concilio Lugdunensi. Is habet libros quinque ut supra.

1. De summa Trinitate & fide catholica. Titulos habet. 22.

2. De Judiciis Tit. 15.

3. De vita & honestate clericorum Tit. 24.

4. De sponsalibus & matrimoniis Tit. 3.

5. De Accusationibus, Inquisitionibus, & Denuntiationibus.

Inde sequuntur Clementis V. constitutiones in Concilio Vientiensi adita, qua Clementina vocantur. Habent libros quinque.

1. De summa Trinitate & fide catholica.

2. De Judiciis.

3. De vita & honestate clericorum.

4. De consanguinitate & affinitate.

5. De magistris, & ne aliquid exigatur pro licentia docendi.

Postremo Extravagantes Joannis XXII.

Sed nunc redeamus ad nostra

## PARATITLA.

JUS AD REM, & jus IN RE. Hæc duo differunt ut minus & majus. Sic v. g. infans natus ex Christianis parentibus habet jus ad baptismum: quando jam baptizatus est, habet jus in baptismo. Nos, quamdiu sumus in ecclesia militante, habemus jus ad vitam æternam: jam translati in ecclesiam triumphantem, habemus jus in vita æterna.

JUSTITIA. Est 1. proprietas Dei essentialis Psal. 97. 6. Esa. 28. 29. 2. attributum Christi, ut est sponsor & mediator noster Rom. 5. vers. 18. 21. 3. vestis illa, quam nos in Christo induti subsistimus coram Deo ad vitam æternam Genes. 15. 6. Matth.

5. 6. Rom.



5.6. *Rom.* 4.3. 2. *Cor.* 5.21. 4. integritas, cui debemus studere per universam vitam *Gen.* 6.9. 5. iustitia judicialis, quæ in foro & vita civili requiritur *Ezech.* 45.9. 6. eleemosyna, quæ est pars magna iustitiæ *Matth.* 6.1. 7. lex naturæ, *Rom.* 1.32. 8. religionis Christianæ professio *Matth.* 5.10. Huc itaque pertinent istæ distinctiones. Iustitia est 1. increata, vel creata. 2. personæ, vel causæ sive conscientiæ. 3. Evangelica & imputata, vel legalis & inhærens. 4. universalis, vel particularis. 5. propria, vel aliena.

**IUSTUS.** Dicitur hæc vox 1. de Deo *Exod.* 9.27. *Deut.* 32.4. 2. de bonis angelis. 3. de Christo mediatore *Ierem.* 33.16. 4. de homine, qui gratiam à Deo Patre propter mediatorem Christum consecutus, vitam suam ad præscriptum legis divinæ magis magisque instituit. *Psal.* 1. v. 5.6. *Rom.* 1.17. 5. de homine innocente, qui æquitatis & rectitudinis est amans *Exod.* 23.7. de hypocrita, qui se iustum esse somniat, & talis haberi cupit. *Matt.* 9.13. *Marc.* 2.17. *Luc.* 5.32.

**IUSTITIA SECLORUM, sive, ÆTERNA.** Angelus Gabriel in compendio Evangelii *Dan.* 9.24. inter Messię beneficia & hoc recenset, tanquam colophonium, *Vt adducatur iustitia seclorum.* Quibus verbis primò tristem & deplorandum morbi nostri statum tacitè indicat: videl. privationem iustitiæ & integritatis originalis, in quâ homo ab initio creatus erat: cujus defectum primi parentes nostri statim post lapsum senserunt, quando se nudos animadverterunt, & à Dei conspectu propterea abhorruerunt *Genes.* 3.7.8.10. Pudendam istam nuditatem Hebræi significanter vocant עֲרֻרָה quam protoplasti tegere conati sunt foliis ficulneis.

Sed fucus iste Deum non latebat: ideoque rejectis his naturæ corruptæ perizomatibus, ipsemet eis tunicas pelliceas parat, iisdemque eos induit: non quòd hæc revera vestis esset, quâ עֲרֻרָה nostra coram Dei oculis rectè regi potuisset, sed quòd typus esset iustitiæ Messię. Hæc est vera illa vestis, quam angelus hoc loco appellat צֶדֶק עַל־מִימֵי justitiam seclorum, id est, ejusmodi justitiam, quæ omnibus seculis, inde à conditu mundi usque ad ejus finem, Deo sit probata, & in quâ omnes sancti inde à primordio rerum se coram Deo stiterint, & in eadem gratiam sint consecuti. *Act.* 4.12. *Hebr.* 11.4. & seqq. Quemadmodum enim à condito mundo unus idemque æternus & universalis, adeoque omnium seclorum sacerdos fuit, quem David *Psal.* 110. vocat עֹזֶר־וְיֹשֵׁעַ sacerdotem æternum: ita etiam una eademque est iustitia, per quam possunt homines corā throno Dei cōsistere. Sicut aut una salutis ratio inde ab initio à Deo instituta fuit: sic etiam una ejus doctrina & cognoscendi ratio in mundo vigit. Quæ causa est, quòd *Apocal.* 14.6. doctrina de Christo, per quam iustitia hæc omnium seclorum credentibus, contradicente dracone & bestia, annuntiata & applicata fuit, eodem prorsus sensu ÆTERNUM EVANGELIUM nuncupatur. Cæterum phrasis illa, *Iustitia seclorum*, etiam notat justitiam æternum valituram, & convenit cum ista *Esaïæ*, cap. 45. 17. *Israël per Dominum servatus est SALUTE ÆTERNA: non erubescetis, nec pudefietis in omnem æternitatem.* Porro de iustitia seclorum angelus dicit, illam adduci sive adferri. Utitur enim voce לְהָבִיא, ut ostendat justitiam illam extra nos in Christo esse quærendam: quippe quæ extra

nos sita est, & extrinsecus nobis applicatur. Hic est habitus ille splendidus *Psalm.* 45. 10. hæc vestis illa nuptialis *Matth.* 21. 11. hæc tunica illa pretiosa *Luc.* 15. 22. hæc stolæ illæ albæ *Apocal.* 6. 11. cap. 7. 14. hoc byssinum illud splendidum *Apocal.* 19. 8. Confer *Ierem.* 23. 6. *In diebus ejus* (.Messiæ.) *salvabitur Iuda, & Israel habitabit fiducialiter: & hoc nomen ejus, quo vocabit eum: JEHOVA JUSTITIA NOSTRA.* Locus parallelus est *1. Corint.* 1. 30. 31. Cur verò *Ierem.* 33. 16. de ecclesia dicitur, illam vocatum iri, JEHOVA JUSTITIA nostra? Resp. Id non activè, sed passivè est intelligendum, eodem sensu, quo ecclesia *1. Timoth.* 3. 15. appellatur *columna & firmamentum veritatis.* Nimirum sicut ecclesia est columna & firmamentum veritatis, non quod ipsa in se veritas sit, aut veritatem ex se proignat, sed quod sola in mûdo per veritatem illustretur: ita eadem appellatur *Iehova justitia nostra*, propterea, quòd Messias Jehova eam justificat & sanctificat.

JUSTIFICO. Ex vi originis est justum facio. Sic *Apocal.* 22. vers. 11. *Qui justus est, justificetur adhuc*, Cyprianus lib. de bono patientiæ sic explicat: *Iustus adhuc iustiora faciat*, hoc est, justior efficiatur virtute & opere. Frequentissimè tamen *justificare* in S. literis usurpatur ut vox judicialis, & est idem, atque justum censere, declarare, pronuntiare, seu agnoscere justitiam, quæ est in aliquo. Et hoc modo justificatio est actio Dei, peccatorem iræ obnoxium, ex mera sua gratia propter Christi justitiam, pro nobis præstitam, ac fide acceptam, justum censentis & pronuntiantis, adeoque vitam æternam ipsi adjudicantis. Unde patet rò justificare hoc loco esse, .i. idem, quod justum con-

stituire, sive censere & reputare *Roman.* 4. 11. 2. idem, quod justum pronuntiare seu absolvere. *Roman.* 8. vers. 33. 34. Prius illud est causa posterioris. Plura de hujus vocis significationibus vide in nostris Polemicis.

καρδιογνώστης. Est inspector cordis, sive, ut in hymno Ambrosii dicitur, Judex cordium. Hoc verò solius Dei est proprium: de quo ita Dracontius:

*Quem non celantur, quacunq; obscura geruntur.*

Et Juvencus:

— Nil abdita clausum

*Pectoris antra regunt: præsens Deus omnia cernit.*

Itaque

*Peccatum vita, cernit Deus omnia Iudex.*

Et, ut est in hymno Prudentii.

*Sic tota decurrat dies,  
Ne lingua mendax, nec manus,  
Oculive peccent lubrici,  
Nec noxa corpus inquinet.*

*Speculator astat desuper,  
Qui nos diebus singulis,  
Actuq; nostros prospicit  
A luce prima in vesperam.*

*Hic testis, hic est arbiter,  
Hic intuetur quidquid est,  
Humana mens quod concipit.  
Hunc nemo fallit judicem.*

KARAIM. Sunt lectionarii, scripturarii, textuales, à קריא, id est, lectione seu textu. Hoc nomine primitus fuerunt appellati Sadducæi, qui legi scriptæ adhærebant, legem ore tenus traditam, quam vocant, repudiantes. *Scaliger libro secundo de emend. temp.* summam hanc habet: Hebræorum & Moscularum sum-

ma divisio est in eos, qui πατερωδεδότους δὲ περάσεις observant, & eos, qui ab eis sunt alieni. Priores appellantur Damasceni, Israelitæ, Hebræi, & Syri: posteriores Græci, & Babylonii. Tamen enim & alteri ex reliquiis Babyloniorum erant reducti in patriam: tamen cognomine Hebræorum sive Israelitarum distincti sunt, quod semper Hebraicis lectionibus operam dederūt, sicut alteri tantum Græca Biblia in synagogis legerunt, adeo ut pauci inter illos Hebraicè scirent. In Actis Apostolorum non semel utrumque genus distinguitur ἐβραίων καὶ ἐλληνιστῶν appellatione. Vide supra HELLENISTÆ.

Καταβαίνειν εἰς ᾄδου, Descendere ad inferos. Ad humiliationem Christi pertinet, quod in symbolo Apostolico dicitur, ipsum ad inferos descendisse. Quæ verba etsi lecta olim non fuerunt in ecclesiæ Romanæ aut Orientalis symbolis, & à vetustissimis quibusdam Patribus, dum vel summam fidei Christianæ colligunt, vel Apostolicum symbolum exponunt, nec quando inserta sint symbolo, certò statui possit: non sunt tamen nihili, si ad fidei analogiam exigatur ipsorum interpretatio. Nos primò recitabimus varias interpretationes, & nostram deinde subjungemus.

1. & 2. Quidam hunc descensum ad corpus Christi referunt, & intelligunt sepulturam, vel moram in sepulchro.

3. Quidam dicunt, animam Christi revera descendisse ad loca damnatorum.

4. Quidam animam Christi revera in limbum Patrum descendisse contendūt.

5. Quidam ajunt, animam Christi descendisse ad locum damnatorum, at non reali præsentia, sed tantum divinitatis sue efficacia.

6. Quidam statuunt animam Christi descendisse in limbum Patrum, at non reali præsentia, sed tantum virtuali.

7. Quidam existimant his verbis contineri anacephalæosin omnium quæ de externa humiliatione Christi dicta sunt.

8. Quidā putant descensum Christi ad infernum esse descensum ad mortem.

9. Quidam statuunt Christi descensum ad inferos esse actum illum, quo ipse mortuorum statum subivit.

10. Quidam arbitrantur intelligi dolores infernales, quos Christus à Deo veluti desertus pertulit.

Ex his interpretationibus tertia cum nona conjuncta est genuina. Nam Christus anima sua à corpore separata primò descendit in infimas partes terræ, id est, in locum damnatorum (. hic enim est infimus, sicut locus beatorum est suprem⁹. ) ut præsentia sua pœnam eorum angeret, atque ab eo descensu triumphum suum inchoaret. Deinde anima ipsius in cælum ascendit Luc. 23. 43. Deniq; corpus ipsius in sepulchro detentum fuit, atque hoc modo ipsi non solum ab hostibus insultatum, sed etiam à discipulis derogatum. Atq; hæc tria complent statum mortuorum.

Κατάλειψι. 2. Maccab. 2. narratur ingens tumultus Hierosolymis factus, cum Heliodorus in bem esset ingressus, ad templi thesauros regi Syriæ deferendos missus. In hoc tumultu αἱ κατὰ κλειψι τῶν παρθένων. αἱ μὲν σωτέρεσχον ἐπὶ τοὺς πυλῶνας, αἱ δὲ ἐπὶ τὰ τεῖχη, Virginum, quæ conclusæ erant, alia ad vestibula concurrebant, alia ad parietes, ut est vers. 19. d. c. Baronius hæc verba interpretatur de virginibus reclusis in templo: ita ut in populo Judaico fuerint virgines reclusæ, non minùs quàm po-



steriora secula monachos & moniales ἐγκλείουσιν, inclusos, quorum in ecclesiastica historia non infrequens mentio. Ad verba textus sic adnotat Glossa ordinaria: *Virgines quæ conclusæ erant, id est, de domibus parentum non exibant, ratione verecundie & pudicitie virginalis: tamen in illâurbatione exibant præter morem solitum currentes ad Oniam. Aliquitamen exponunt hoc, dicentes, quod aliquæ virgines nobiles prope templum custodiebantur inclusa, usquequod nuptui traderentur. Sic Glossa. Prior interpretatio est vera: posterior, mera est hariolatio. Frustra itaque est Baronius, qui posteriorem interpretationem sequitur. Nam virgines κατὰ κλεισι, conclusæ, non sunt religionis causa reclusæ: sed est honestiorum virginum epithetum, ut Grammatici appellant, perpetuum. Olim enim apud Judæos, Græcos plerosque & Romanos, virgines domi continebantur in propriis æcis, quos Græci appellant παρθένωντας, cellas virginales: eratque ea pars gynæconitidis. Idcirco non minus apud poetas Græcos, quàm in libris Maccabaicis, virgines dicuntur κατὰ κλεισι. Sic Hebræi virginem appellant תולד q. d. absconditam, κατὰ κλεισιν. Unde Hieronymus in Quæstionibus, seu Traditionibus Hebraicis: ALMA, quod interpretatur abscondita, id est, virgo nimiam diligentiam custodita. Multa de hoc instituto Judaico scribit Philo in libro de legibus in specie. Vide Casaubonum exercit. 1. num. 23. Κηφᾶς. Vide Cypria.*

Κλειδοκρά. Est κλειδῶν ἐξουσία, id est, potestas clavium, seu potestas ligandi & solvendi, Ecclesiæ à Christo relicta. Hæc autem nihil est aliud, quàm potestas peccata retinendi condonandique, & regnū divinum aperiendi & claudendi eo, quo

Christus jussit, modo.

Κοινωνία. Vide COMMUNIO. Hic solum illud observa. Etsi communio nostra cum Christo à Spiritu sancto ordinariè efficitur per verbum & sacramenta: tamen nomen Communio Eucharistiæ tribuitur κατ' ἐξοχήν. Hinc Thomas part. 3. quæst. 73. artic. 4. Dicendum, ait, quod id quod est commune omnibus sacramentis, attribuitur huic antonomastice, propter excellentiam. Et Dionysius hierarch. eccles. cap. 3. ait, κοινωνίαν ἐν δαίωσι ἀναρχοῦσθαι, communionem peculiariter usurpari, de eucharistia; quod illa perficiat reliqua sacramenta, & sit illorum quasi consummatio. Nam peculiari modo hoc sacramentum inservit conjunctioni nostræ cum Christo: videl. per manducationem & bibitionem mysticā.

Κοινωνία ἰδιωμάτων. Vide COMMUNICATIO IDIOMATUM.

Κρύφιον δόγμα. Est doctrina clandestina. Hoc nomine Celsus, ut refert Origenes, ludibrii causa religionem Christianā subinde vocitabat. Origenes verò hanc calumniam diluens, ostendit, falsum esse capita doctrinæ Christianæ omnia occultari.

Κύριε ἐλέησον. Vulgo pronuntiatur Kyrie eleison, est q; Latine, Domine miserere. Gregor. M. epist. 63. l. 7. sic ait de hac precandiformula: Kyrie eleison autem neq; diximus, neq; dicimus, sicut à Græcis dicitur. Quia in Græcis simul omnes dicunt. Apud nos autem à clericis dicitur, à populo responderetur, & totidem vicibus etiam Christe eleison dicitur, quod apud Græcos nullo modo dicitur. Ceterum hæc precum formula etiam paganis in ore fuit, ut colligere est ex Arriano libr. 2. cap. 7. Νῦν δὲ πρέμοντες τὸ ὀρνιθάειον κραποῦμεν, καὶ τὸν θεὸν ὑπὸ καλούμενοι

μῆνοι δέομεθα αὐτῶν, Κύριε ἐλέησον, ὅτι τρεῖς-  
ψόν μοι ἐξέλθειν. Sed de formula hac, pro-  
ut Christianis fuit usitata, vide *Basilium*  
*epist.* 63. & *August. epist.* 178.

**LABARUM.** *Sozomenus hist. eccles. lib. 5. de Constantino M.* Jusit viros eruditos ex auro & lapidibus pretiosis in vexillum crucis conformare signum, quod *labarum* vocabatur, τὸ ὡς αὐτοῖς Ῥωμαίοις καλέμενον λάβαρον. Hoc enim signum bellicum inter alia pretiosius erat, eò quòd imperatorem præcedere, & adorari illud à militibus moris esset. *Aldhelm. de laud. virg.* Præmissio Christi labaro tutus, & Christi vexillo armatus. *Prudentius libr. 1. contra Symmachum :*

*Christus purpureum gemmati textus in auro  
Signabat labarum — —*

Monebat milites de imperatoris causæ justitia, quam Dei gratia essent defensori. Ergo fiducia læti eventus per hoc signum erectum ad laborem fortiter obeundum milites excitabantur. Hinc putatur dictum quasi *laborum* levamen, καμάτων λυτήριον, ut ait *Gregor. Nazianz. orat. 1. in Julian.* Alii alias adferunt notationes. *Lilius Gyraldus dial. 25.* adfert duas hasce: quòd *labarum* σημεῖον τῆς μεγάλης ὁσεβείας signum magna pietatis fuerit: aut quòd à *Constantino* captum fuerit *labarum*: nempe ἀλαβεῖν, unde ἀλάβεια religio. Itaque *labarum* cum *Hadriano Junio* potest verti *vexillum sacrum*, ein *Kirchensähne*. De *labaro* vide *Ambros. lib. 5. ep. 29. Minutium dial. adversus gentes.* *Euseb. l. 2. de vita Const. Nicaeph. l. 7. c. 36. Paul. Diacon. lib. 11. hist.*

**LABIUM.** Est 1. pars corporis 1. *Sam. 1. 13. 2. idioma, sive sermo Gen. 11. v. 1. 6. 9. os, lingua, & loquendi facultas & actus Exod. 6. v. 12. Ioh. 1. 22. Prov. 4. 24. 1. Petr. 3. 10. 4. limbus, seu ora extrema alicujus*

*rei. Exod. 25. v. 24. 25. 1. Reg. 7. 23.*

**LABOR.** Hoc nomen 1. significat ipsum officium, seu opus *Iob. 5. 7. 2. est molestia tum corporis, tum animi in quacunque vocatione Gen. 3. 17. Eccles. 1. 3. 3. est per-versitas. Psal. 55. 11. Esa. 59. 4. 4. tribuitur Deo per ἀνθρώπου πάθειαν Esa. 43. 24. Malach. 2.*

**LACUS IRÆ DEI.** Sicut in *Apocalypsi* per mare non semel significatur doctrina evangelii, ut illa per totum orbem viget: ita per lacum iræ Dei ibid. *cap. 14. 19.* intelligitur doctrina regnum quæ Antichristi, quod etsi magnum sit, tamē non est mare, sed lacus, qui suis litoribus, h. e. ecclesiæ Romano-Catholicæ (sic ipsimet loquuntur) finibus includitur, intraque eisdem ita coarctatur, ut à mari, quasi manufactus quidam lacus, separetur. In hunc lacum impii conjiciuntur, ut ibi torqueantur ipsorum conscientia. Hic velim notari, ecclesiam catholicam, quatenus illa externa sensuiquæ exposita est, ab aliquot seculis in tres ferè partes fuisse distributam: in ecclesiam nempe Latinam, Græcam, & Æthiopicam. Harum autem omnium ea fuit ratio, ut à puritate sua sensibilibiter degeneraverint, sed ita, ut Græca & Æthiopica in multis puriores manserint, quàm Latina, quæ per suos characteres à reliquo catholico orbe, tanquam à mari, regnum suum, tanquam lacum, separavit. In hoc lacu moriuntur animalia, id est homines, qui aquas ejus, i. e. dogmata hauriunt.

**LAICUS.** Est plebejus, popularis, communis, ἀλαός. 1. *Sam. 21. v. 4.* in veteri versione leges *panes laicos*, apud Ariam Montanum *panem laicorum*, id est, quo laici, seu quilibet homines, possunt vesci. *Cujacius ad Novell. 3. Justin.* hæc habet: Cle-

rici sic definiuntur, qui divino cultui ministeria religionis impendunt. Hujusmodi sunt presbyteri, diaconi utriusque sexus, subdiaconi, archidiaconi, lectores divinæ scripturæ, exorcistæ, ostiarii, psalteræ, & Hermiæ ὑποβολαῖς, id est, monitores, vel potius interpretes, ut apud Niceam; qui omnes ministri etiam Christianæ legis dicuntur in constitutionibus. Propriè cum clericos dicim⁹, acoluthos, copiatas, parabolanos non dicimus. Cæteri, qui nullum habēt, ut loquuntur, clericorum ἄρχιμα, plebeji appellantur, idiotæ, laici, mundani. Quæ distinctio Christianorum vetus est: licet, si generaliter rem tractes, omnes sint clerici, omnes sacerdotes. *Theophylactus in Marc.* 4. Οἱ μὲν εἰσι πρεσβύτεροι καὶ ἐρημικοὶ. ἄλλοι μεγάλοι καὶ ἐν κοινοβίῳ. ἕτεροι λαϊκοὶ καὶ ἐν γάμῳ. Aliter laici dicuntur seculares, & opponuntur ecclesiasticis.

LAMPADARIUS. Λαμπαδάριος erat inter officia ecclesiastica: Præferebat facem imperatori & imperatrici in liturgia, processu, aut processione aliqua. Atque hæc quidem fax, si imperatoris esset, corolla aurata gemina cingebatur: si imperatricis aut patriarchæ, unà tantum. Idem cum patriarchâ jus habebant, ex speciali imperatoris indulgentia, archiepiscopi Bulgariae & Cypri, & pauci nonnulli metropolitani, qui αὐτοκέφαλοι erant, nec patriarcham Constantinopolitanum pro superiori agnoscebāt. Innuebat autem hæc fax, curandum illis esse, ut ita luceret lux eorum, secundum textum evangelii, qui est *Matth. cap. 5.* Sic *Meursius in Gloss. Græcobarb.*

LAMPAS. In Scripturis est hieroglyphicum fidei salvificæ, quæ profert opera instar lâpadis lucetia. *Matt. 25. v. 1. 3. 4. 7. 8.*

LANGVORES. Peccata electorum, quæ Christus expiavit, hoc nomine appellantur *Esa. 53. 4.* illustri sanè metaphora.

LAPIS. Est 1. vulgaris *Gen. 28. 11.* 2. pretiosus *Gen. 2. 12.* *Exod. 24. & 28.* 3. symbolum perfugii & protectionis. *Gen. 49. 24.* 4. symbolum fundamenti *psal. 118. 22.* *Esa. 28. 16.* 5. symbolum offensionis. *Esa. 8. 14.*

LAPIDATIO. Erat supplicii genus apud Judæos. Lapidabantur autem 1. incestuosus accedens ad matrem, patris uxorem, filii uxorem, puellam desponsatam, masculum, jumentum. 2. blasphemus. 3. idololatra, offerens de semine suo idolo Molech. 4. violans sabbatum. 5. maledicens patri aut matri. 6. impellens, seu incitans ad idololatiam. 7. filius immoriger⁹.

LAPIDES MYSTICI. Sunt ædificium spirituale ecclesiæ *Esa. 54. v. 11. 12. 1.* *Petr. 2. 5.* Deinde etiam adumbrant summam ecclesiæ triumphantis felicitatem *Apoc. 21. v. 11. 18. 19.*

LAQUEUS. Est 1. laqueus aucupis *Prov. 7. 27.* 2. laqueus suspendii *Matth. 27. 4.* 3. laqueus Dei, h. e. judicium Dei adversus homines *Esa. 8. 14.* 4. laqueus diaboli. 1. *Tim. 3. 7.* 5. laqueus hominis h. e. periculum ab homine paratum *psal. 9. 16.* 6. laqueus conscientie 1. *Cor. 7. 35.*

LATITUDO. Usurpatur etiam de spiritualibus: ut *Ephes. 3. v. 18.* dicitur salutis latitudo, longitudo, altitudo & profunditas: quia salus nobis parata est omnibus suis numeris & partibus absoluta. *August. serm. in fest. omn. sanct.* aliò transfert: Latitudo, inquit, est in bonis operibus: longitudo in longanimitate & perseverantia bonorum operum: altitudo in supernorum expectatione præmiorum: propter quod altitudinem dicitur tibi, ut sursum habeas cor. Benè operare, & in bonis operibus persevera



severa propter beneficia. Terrena pro nihilo æstimes: ne cùm tibi aliquo sapientis istius flagello terra ista fuerit perturbata, dicas, te sine causa coluisse Deum, sine causa bona opera fecisse, sine causa in bonis operibus perseverasse. Faciendo enim bona opera quasi latitudinē habuisti: perseverando in eis, quasi habuisti longitudinem: sed terrena conquirendo, non habuisti altitudinem. Attende profundum. Gratia Dei est in occulto voluntatis. *Ibidem coaptari hac jubet cruci Domini, & ait: Latitudo in cruce transversum lignum, ubi figuntur manus: propter bonorum operum significationem. Longitudo est in ea parte ligni, quæ ab ipso transverso ad terram tendit. Ibi enim corpus crucifigitur & quodammodo stat: & ipsa statio perseverantiam significat. Altitudo autem in illo ligno est, quod ab eodē transverso sursum versus ad caput eminet: & eā significatur supernorum expectatio. Ubi profundum, nisi in ea parte quæ terræ defixa est? Occulta est enim gratia, & in abdito later. Non videtur: sed inde eminet, quod videtur. Quomodo possint hæc in variis locis theologicis adhiberi vide in nostra Prophetica. Est etiam quædam *latitudo amoris*, qua cor nostrum explicamus erga Deum, ut ei grata faciamus promptè & hilariter, & qua, quoad ejus per conscientiam possumus, nos proximi ædificationi accommodamus, & ei veluti cōdescendimus. Hæc est lex, ut *Augustinus ait conc. 11. in psal. 118.* quæ filiis æternæ hæreditatis sancto Spiritu, tanquam digito Dei, in mente datur, & in cordibus scribitur: non quam memoria teneant & vita negligant, sed quam sciant intelligendo, faciant diligendo in *latitudine amoris.**

LATRIA. Λατρεία est servitus: sicut & δαλεία. Ista tamen distinguuntur. Nam Græcis Patribus λατρεία est adoratio uni Deo debita, & mediatori Christo θεανθρώπω: δαλεία autem & Deo & hominibus tribuitur. Iaque λατρεία erit summus servitutus gradus; qui, ut & dilectionis, soli Deo debetur. Hinc *Augustinus quæst. super Exod. li. 2. 94. ait: Δαλεία debetur Deo, tanquam Domino: λατρεία verò non nisi Deo tanquā Deo.* Itaq; falsis diis λατρεύειν est idololatria. Græci Patres λατρείαν vocant quidquid fit in cultum & honorem Dei: ut sunt psalmodia, matutina & vespertina liturgia, synaxis sacra &c. *Augustinus contra Faust. Manich. lib. 20. c. 21.* egregiè hac de re differit: Colimus martyres, eo cultu dilectionis & societatis, quo & in hac vita coluntur sancti homines Dei, quorum cor ad talem pro evangelica veritate passionem paratum esse sentimus. Sed illos tantò devotiùs, quantò securiùs, post incerta omnia superata: quantò etiam fidentiore laude prædicamus jam in vita feliciore victores, quàm in ista adhuc usq; pugnantes. At illo cultu, qui Græcè latría dicitur, Latine uno verbo dici non potest, cùm sit quædam propriè divinitati debita servitus, nec colimus, nec colendum docemus, nisi unum Deum. Cùm autem ad hunc cultum pertineat oblatio sacrificii, unde idololatria dicitur eorum, qui hoc etiam idolis exhibent: nullo modo tale aliquid offerimus, aut offerendum præcipimus, vel cuiquam martyri, vel cuiquam sanctæ animæ, vel cuiquam angelo: & quisquis in hunc errorem delabitur, corrigitur per sanam doctrinam, sive ut corrigatur, sive ut caveatur. Ipsi enim sancti, vel angeli, vel homines exhiberi sibi nolunt;

nolunt, quod uni Deo deberi norunt. *Thomas 3. secunda d. 9. art. 1. Scot. d. 9. l. 3.* Sic docent hacdere: Nomen *latria* potest æquivocè accipi: uno modo pro cultu si-ve reverentia exhibita Deo in actu interiori, ratione summi dominii, vel summi boni: vel pro reverentia exhibita Deo actu exteriori, vel actu inclinante ad talem actum. *Bonaventura d. 9. a. 2. q. 3. l. 3.* Si *latria* dicitur cultus interior, cum ille consistat in credendo, & diligendo, & sperando Deum: sic est virtus theologica. *Iac. de Valent. Psal. 28.* *Latria* est cultus soli Deo debitus ratione summæ omnipotentia, & majestatis, & sapientia, & bonitatis; & in munere & confessione laudis & adoratione consistens. Et sic de jure propter seipsum debetur Deo ipsa *latria*. Sed adhuc Christo & Deo Patri, respectu nostri, debemus & tenemur exhibere *latriam* propter tria beneficia recepta, scil. creationis, redemptionis, & glorificationis, & ratione victoriæ & triumphi, quem Christus obtinuit de mundo & diabolo. *Idem Psal. 95.* *Latria* consistit in tribus, scil. in confessione fidei & laudis cum munditia cordis, & in oblatione & adoratione. Ex his constat, *latriam* deberi Deo & Christo. Et Deo quidem: tanquam summo bono. Christo autem duobus modis. 1. quatenus est Deus unà cum Patre & Spiritu sancto. 2. quatenus est redemptor. Qui posterior *latriæ* modus dicitur *ἀξίωμα* Christi proprium. Hac de re *Zacharias Ursinus in refutatione Catechismi Anabaptistici & Samosatensis* eleganter differit hunc in modum: Honor, qui Christo debetur, est agnitio perfectionis & gloriæ, quæ utriusque naturæ propria est, & officii, ac beneficiorum, quæ totius personæ ex utraque natura constantis *δοτιτελέσματος*

*θεανθρωπίνου* sunt, i. e. effectus, ad quos utriusque naturæ operatio requiritur. Hinc fit, ut quemadmodum officii, sic honoris nomina, si pro toto officio vel honore sumantur, personæ Christi utriusque naturæ respectu tribuantur. Realiter enim utrique naturæ competunt, licet non eodem sensu & modo. Sicut Christus vivificat, sic etiam ab ipso petenda & fide accipienda est vivificatio, & gratiarum actione celebranda. Neutri naturæ vel sua beneficia detrahit, vel alterius naturæ propria tribuit, vera erga Deum & Filium ejus gratitudo. Neque propterea duplex fit fides, aut adoratio. Eadem enim & una est persona, constans duabus naturis. Quapropter una quoque & eadem fides, unus honor est, tribuens huic personæ, quod cujusque naturæ proprium est. Neque fit naturarum confusio, sed honoris utrique naturæ debiti in persona conjunctio. Apprehendit ergo fides totum Christum, & utramque ejus naturam, & utriusque beneficio salutem se consequi statuit: sed non eadem statuit de utraque ipsius natura: de Deitate credit, quæ Dei propria sunt: de humanitate, quæ non tantum humanitatis, sed etiam humanitatis Deo unitæ propria sunt. *Ibidem ait:* Fides in Christum duo complectitur, fiduciam divinæ potentia Christi, dandi seu conferendi nobis salutem & vitam æternam; & fiduciam meriti sive sacrificii & intercessionis ipsius, propter quam nobis Deus dat vitam per ipsum. *Item:* Christi & Dei Patris & Filii idem honor est: at non deitatis & humanitatis Christi idem honoris gradus vel eadem honoris partes: nisi per idiomatum communicationem loquendo: sicut unus honor deferatur homini, & tamen non eadem partes illius

illius honoris tribuuntur ei, animæ & corporis respectu. Idem docet *Augustinus tract. 23. in Iohan.* his verbis: Honoratur Christus homo, sed nō sicut Pater Deus. Is enim est honos, qui soli Deo debetur. *Scotus in sent. lib. 3. dist. 9. ait*: Non debet excludi à termino adorationis caro: licet ipsa non sit ratio adorandi. *Ibidem*: Christus secundum naturam humanam etsi fuit redemptor, non tamen secundum ipsā naturam principaliter effecit redemptionem, sed tota Trinitas: & ita salutem nobis collaram per redemptionem, tantum effecit meritorie ut homo. Plura vide supra ad titulum DULIA. Teneantur hinc illa Epiphani, *Lib. 3. contra Pneumatomachos, haresi 74. ait*: ελατρευτέα δὲ κτίσις, Non adoranda autem creatura. Et *lib. 2. contra Origenem, haresi 64. πᾶν ὃ τὸ κτίσθαι, ἔσθαι κτιστὸν*, Omne creatum, non adorandum. Objicitur ex *Psal. 99. v. 5. Adorate scabellum pedum ejus.* Sed tenendum, vulgò sic verti perperam. Nam in Hebræo est, *Incurvate vos ad scabellum pedum ejus.* Itaque locus adorationis, non verò objectum, quod est solus Deus, indicatur.

λατρεία τῆς οἰκονομίας. Epiphanius ita vocat sacram cœnam q.d. cultum dispensationis. Eadem dicitur λατρεία ἀνάμματα, cultus incuruentus.

LAZARUS. Est nomen viri *Luc. 16. Tertulliano* appellatur Eleazar, *libro de idololatria*, his verbis: Seculo gaudente lugeamus: & seculo postea lugente gaudebimus. Sic & Eleazar apud inferos in sinu Abrahamæ refrigerium consecutus, contra dives in tormento ignis constitutus alternas malorum & bonorum vices æmula retributione compescant. Sunt quidam dies munerū, qui apud alios honoris titulum, apud alios mercedis debitum

expungunt. Juxta hanc sententiam Lazarus erit adiutorium Dei, tāquam לא עזר. Sed placet etymon Fuller, qui lib. 1. miscell. sacr. c. 10. ait, *Lazarus* esse nomē compositum ex Syriaco לא עזר & עזר, pro quo Hebræi dicunt עזר לא, non auxilians, scil. ei. Hoc pacto Lazarus erit idem q. Inops. Cæterum ex nomine Λάζαρος fecerant & Græci appellativum: unde & *Lazaretum*. Ita verò dicuntur leprosus, & domus leproforum. Ille quidem Lazarus, hæc autem Lazaretum.

LAVACRUM. In Scriptura fit mentio duplicis lavacri mystici: videl. sanguinis Jesu Christi, & baptismi. Confer *Eph. 5. 26. Tit. 3. 5.*

LAUS. Hæc vox significat 1. cultum glorificationis & gratiarum actionis soli Deo debitum. *Psal. 8. 3. & 22. 25. Luc. 16. 43. Eph. 1. v. 6. 12. 14.* 2. Ipsum Deum. Ille siquidem metonymicè dicitur laus suorum, i. e. subjectum & argumentum laudis atque gloriæ quam fideles ei tribuunt, & in quo gloriantur ac exultant *Exod. 15. 2. Deut. 10. 21. Psal. 22. 4. & 109. 1. & 118. 14. Esa. 12. 2. Jerem. 17. 14.* 3. gloriam quæ tribuitur fidelibus. *Sophon. 3. 19. Rom. 2. 29. 1. Cor. 4. 5.* 4. hymnū sive psalmū *Pf. 72. 20.*

LEO. Hebraicum לֵאָו putatur compositum ex לָאָו, fascino illigavit, & לָאָו, vidit: quòd animalia conspecto leone terreamur & veluti fascinentur. Quæ notatio optimè quadrat in diabolū & clerum antichristianum. Unde ille leo appellatur *1. Pet. 5. huic capita leonina tribuunt. Apoc. 9.* Ubi & illud observādū est, perpetuum leonum λεοσκέμνον esse scdū oris halitum, quo plus nocere traduntur animalibus, quàm terribili dentium acie. Præterea rictus & mugitus leonis est terroris plenus. Confirmatur itaq; per hæc con-



scientiarum illa excarnificatio, qua diabolus & antichristus animam torquent. Deinde Deus figuratè dicitur leo, à judiciorum effectu *Thren.* 3. 10. Tertiò Christus appellatur leo de tribu *Juda*, quia est rex & protector ecclesiæ oriundus ex tribu ista. *Apoc.* 5. 5. Quartò leo dicitur qui vis incredulus & impius, voce Christi cicuradus, & ad communionem sanctorum adducendus, ut ferocitate omni deposita pacem colat, & ovis ingenium induat *Esa.* 11. v. 6. 7. 65. 25. Quintò leonum effigies ex auro & ære conflata appellatur leones *1. Reg.* 7. Denique homines crudeles, nominatim tyranni, & ecclesiæ persecutores appellantur leones *Psal.* 22. 22. *2. Tim.* 4. v. 17.

LEVIATHAN. Est balæna *Iob.* 40. & 41. & *Psal.* 104. Metaphoricè significat proceres in mundo, qui se cum Satana effertunt adversus populū Dei, propter vim & fraudes, quas exercent in homines, ut balæna in pisces, *Esa.* 27. v. 1.

LEVITA. Est nomen patronymicum: vid. qui est ex familia Levi. Deinde ex patronymico cessit in religiosum nomen: quia Levitæ assumpti sunt ad ecclesiasticarum rerū administrationem; assumpti, inquam, loco primogenitorum, qui initio à tēpore cædis primogenitorū in Ægypto Deo erant consecrati. *Num.* 3 & 4. Plutarchus horum Levitarū meminit in *sine* 4. *Symp.* Sed ineptè illos à Lybio vel ab Evio dictos putat. Porro hoc nomen transtulerunt etiā ad N. Testamentum. Nam *Isidorus* li. 7. c. 12. ait, Levitas Græcè diaconos, Latine ministros dici.

Lex. Primò significat regulā vitæ. Quo sensu Scriptura dividitur in legē & evangelium. Est a. lex alia *archetypa*, putā Deus, omnis sanctitatis norma. perfectissima:

alia *ectypa*, expressa ad divinum originale. De hac Rabbinī scribunt, illam à quatuor legislatoribus profectam esse: videl. ab *Adamo*, qui trium (alii dicunt sex.) præceptorum legē tradiderit: à *Noacho*, qui septem: ab *Abrahamo*, qui decē habuerit: & tandem à *Mosē*, qui 613. (quot literæ sunt in decalogo.) præcepto. ū legē, adeoq; omnium perfectissimā, promulgaverit. Quem præcepto: ū numerū in duas classes dividunt: in præcepta nimirum, jubentia seu affirmativa, & prohibentia seu negativa, sive, ut ipsi loquuntur,  
 מִצְוֹת עֲשֵׂה וְלֹא תַעֲשֶׂה

Jubentium 248. numerant, quot dicunt esse mēbra corporis humani: prohibentia verò 365. statuunt, juxta numerū dierum anni solaris. Per hoc ergo indicatum volunt, Mosi legē tam perfectam esse, ut universum hominem cum omnib. potentiis, facultatibus, & mēbris suis, per singulos anni dies, & omnia temporū momenta obliget. Porro sexcēta ista & tredecim præcepta (cujus numeri symbolum est כְּחֹרֶךְ.) à nemine mortaliū impleta esse ipsi fateri coguntur. Hinc de  *Davide*  dicūt, quod illa omnia impleverit, exceptis illis undecim, quorū *Psal.* 15. mentionē facit. Quod si ita est, & David illa vixi boni *καλοῦ νόμου*, quæ ibidem recenset, ipsemet non observavit, necesse est, eum omnium mortalium nequissimū fuisse. De  *Esaia*  verò iidem nugantur, eum superasse Davidē quinq; præceptorum observatorum adjunctione: sex tamē illa, quæ recēset *cap.* 33. 15. ad plenā perfectionem ei defuisse. Verūm si  *Esaia*  in istis sex defecit, quid de illius perfectione statuendū sit, nemo nō vider. Sed  *Esaia*  supervenit  *Micheas* , qui juxta illorum judicium in impletione legis usq; ad tria præcepta progressus est, in quibus nempe:

nempe ejus virtus defecit: quæ ab illo recitantur *cap. 6. 8.* Sed hos omnes tandem unus *Habbae* perfectione vicit. Nā huic ad plenariam omnium præceptorum observationem unum saltē defuit, fides nimirū, propterea quod ipsemet dicat *c. 2. 4. Justus per fidem suam vivet*: quorum verborum hunc sensum esse volunt: Tum demum pro justo haberi potuissē, si fidem servassē. Secundū q̄ opinionē ei, quē in summo perfectionis gradu collocant, nihil defuit, quā quod perfidus & infidelis fuit. Deinde lex ectypa est *nō scripta, vel scripta*. Illa mentibus omnium est impressa à Deo *Rom. 2* hæc literis est consignata; idq; vel à Deo, vel ab hominibus. Unde dividit hæc lex in divinā & humanam. Rursus lex divina est moralis, ceremonialis, vel judicialis. *Lex moralis* est expositio legis naturalis à Deo p̄ angelos & Moſen tradita. *Lex ceremonialis* est ſciagraphia & delineatio cultus divini, ad formā reip. Iſraeliticæ accommodata. *Lex judicialis*, ſive forēſis, est ſciagraphia officiorum civilium in repub. Iſraelitica. Tertiò lex est *perpetua, vel temporaria*. Quartò lex est *simplex, vel mixta*: & hæc est vel ceremonialis & judicialis, vel judicialis & ceremonialis, vel ceremonialis & moralis, vel denique judicialis & moralis. Deniq; lex est *vetus, vel nova*. Lex vetus dicitur ambigūe. Aut enim ſignificat legem morālē à Moſe traditam, aut leges ceremoniales & politicas populi Judaici. Similiter lex nova dicitur ambigūe. Aut n. ſignificat evangelii doctrinā, aut legem morālē à Chriſto renovatam, id est, à gloſſis Phariſæorū vindicatā & priſtino nito iſtitutam, aut deniq; mādāta Chriſti de baptiſmi & cœnæ adminiſtratione. De phraſi iſta *lex gratiæ* idē est judiciū. Sed paulò altiùs re-

petamus ſignificationes huius vocis. Lex dicitur reſpectu Dei, vel hominū. Reſpectu Dei lex est 1. doctrina univerſa divini ſus patefacta *Pſ. 1. 2.* 2. doctrina Moſis in pentateucho tradita, præſertim moralis & ceremonialis *Deut. 4. 8.* 3. Lex moralis *Exod. 24. 12.* 4. lex ceremonialis *Exod. 12. 49.* 5. lex judicialis *Exo. 18. 16.* 6. *Genesis Gal. 4. 21.* 7. *Exodus Neh. 8. 14.* 8. *Leviticus. Ioh. 8. 5.* 9. *Numeri. Heb. 7. 5.* 10. *Deuteronomium Iof. 8. 31.* 11. rigor legis *Ro. 6. 14.* 12. doctrina evangelii *Eſa. 2. 3. Jer. 31. 33. 1. Cor. 9. 21.* 13. vis Spiritus Dei *Ro. 7. 23. 14.* doctrina quælibet *Ro. 3. 27.* 15. religio. *Phil. 3. 27.* Reſpectu hominum lex est 1. ſtatutum *Eſth. 3. 8.* 2. iſtitutio recta *Prov. 1. 8.* 3. vis peccati. *Rom. 7. 23.*

LEX NOVA. Hoc nomine ſolent appellari præcepta evāgelica: ut cū Chriſtus ait *Ioh. 13. Præceptum novum do vobis, ut inter vos ametis, ad quem modum ego vos amavi.* Atq; hinc eſt, q̄ Chriſtus appellatur legiſer in Antiphonā *O ſapientia*, his verbis: *ō Emanuel rex, & legiſer noſter, expectatio gentium, & ſalvator earum: veni ad ſalvādum nos Domine Deus noſter.* Cæterum præcepta evangelica ſunt: vel de fide, ut *Credite evangelio*: vel de operibus ex fide præceptis, ut *Ita luceat lux veſtra coram hominibus*: vel denique de ceremoniis eſſentialibus & perpetuis in N. T. ut *Ite & docete omnes gentes, baptizantes eos, &c.*

LIBELLATICI. *Eraſmus in Annotat. ſupra Cypr.* hāc vocē breviter ſic explicat: *Sacrificati* dicebant eā ætate, qui metu malorū cōptrahebantur, ut idolis etiam ſacra facerent. Hos eoſdē alicubi vocat *thurificatos*. Qui nō incendiffent thura idolis, ſed p libellos tantūm dediſſent nomina, *libellatici* vocantur. Vide *Cyprianum l. 4. epiſt. 2.* Cū inter ipſos, qui ſacrificaverunt, ſunt

verba Cypriani.) multa sit diversitas: quæ inclementia esset, quæ acerba duritia libellaticos, cum iis, qui sacrificarint, iungere? Et paulò ante: Nec tu existimes, frater charissime (.sicut quibusdam videtur.) libellaticos cum sacrificatis equari oportere: quando inter ipsos etiâ, qui sacrificaverint, & conditio frequenter & causa diversa sit: *Ibidem ait*: Iste, qui libello maculatus est. *Augustinus epist.* 164. Ex quo autem generesunt, qui vel thurificare idolis, vel codices divinos tradere, quàm mori maluerunt, nisi eorum, qui sua quærunt, non quæ Jesu Christi.

**LIBELLUS IN ORE DULCIS, IN VENTRE AMARUS.** Per hunc *Apoç.* 10. indicatur, mysterium iniquitatis mundo ita debere obrepere, ut illud non solum nõ respiciat, sed etiâ tanquã suaves delicias appetat, ita quidẽ, ut malignitas ejus nõ deprehendatur prius, quàm postquã ad infestina pervenit, & per sequentes phialarum plagas in ecclesia & politia operari cœpit. Tum, inquam, quando huic pesti non ampliùs resisti poterit, stultitiam suam deprehendent ii, qui in bestiaz amplificatione tantum devotæ operæ posuerint. Hoc cœpit impleri superiori seculo, & hoc nostro magis magisque implebitur: ita ut de hoc tempore usurpari possit illud *Zach.* 5. 4. de quo alibi diximus ad tit. **F U R.**

**LIBER.** Est 1. justum volumen, ut liber Samuelis *1. Chron.* 29. 29. 2. brevis recensio *Gen.* 5. 1. 3. syngrapha, sive contractus, & tabella emtionis *Ier.* 32. 7. 10. 11. 12. 14. 16. 44. 4. epistola *Esa.* 37. 14. & 59. 1. *Ier.* 29. 7. 25. 29.

**LIBER ABSCONDITUS.** Hoc nomine à quibusdam appellatur *Apocalypsis* Joannis.

**LIBER DEI. LIBER VITÆ. LIBER VIVENTIIUM.** Hæc sunt synonyma, & significant prædestinationem divinã, quã certos homines elegit ad vitam æternam. *Exod.* 32. 7. 32. 34. *Dan.* 12. 2. *Philip.* 4. 3. *Apoç.* 3. 5. 6. 13. 8. 6. 17. 8. 6. 20. 7. 12. 15. 6. 21. 27. 6. 22. 19. *Psal.* 69. 29. Interdum etiam liber Dei significat universalem & specialem Dei providentiam *Psal.* 139. 16. Illustis autem est hæc metaphora: utpote quæ significat immutabile Dei consilium, & distinctam notitiam.

**LIBERATIO.** Rabbini super textum *Exod.* 6. 6. 7. ita commētantur. In his duobus versibus occurrunt quatuor vocabula, sub quibus præcipua Dei beneficia Israeliti præstita & præstanda, sive quatuor principales ejus liberationes indicantur. Horum primum est *וַיִּצְלֵם*, quod propriè est *Educere*: secundum est *וַיִּשְׁלֹם*, id est. *Eripere tanquam ex incendio*: tertium est *וַיִּקְדֹּם*, quod est, vel *jure vindicare*, vel *solutio pretio redimere*: quantum est *וַיִּקְדֹּם*, *Assumam*, sive *recipiam*. Has autem liberationes fermè sic applicant, ut eas ad quatuor monarchias accommodent: ita ut sub monarchia Babylonica educationem populi ex Ægypto; sub Persica difficilem ejusdem liberationem ex Babylone; sub Mædonica conservationem sub Antiocho; sub Romana plenariam populi restitutionem sub Messia intelligant. Duæ priores non malè applicantur. Tertium verò vocabulum *וַיִּקְדֹּם* angustioris est significationis, quàm ut Maccabæorum rebus gestis propriè tribui possit. Significat enim, ut jam dictum est, *vindicare*, *jure asserere*, *per soluto pretio redimere*. Unde ii, quibus hoc juris competit, Hebræis in forensi praxi *וַיִּקְדֹּם* *vindices* sive *Redemptores* appellantur, adeo-



adeoque nomen hoc ipsi Messia tribuitur à Jobo *cap. 19. 25.* quod etiam Esaias in prophetiis de Christo in frequenti est usu. *Lucas 7. 37.* illud Græcè *ἀντὶ τοῦ* interpretatur. Porro quod attinet ultimam applicationem, illa est falsa, ex Judaicæ incredulitatis officina profecta. Vera itaque applicatio hæc fuerit. Duo priora vocabula indicant duas corporales liberationes, *eductionem videlicet ex Aegypto, & reductionem ex Babylone*: duo posteriora totidē spirituales, quatum typum illæ gesserint, & quæ illis *κατ' ἐνάγκην* respondeant: *redemptio nimirum ecclesie ex regno diaboli*, per redemptionis pretium à Messia persolutum; & *sponsa deinceps assumptio*, sive domum deductio, quam sponsus rediens ei aliquando de facto præstabit, & sic omni captivitati & liberationi gloriosum finem imponet.

**LIBERTAS.** *Bernhardus de gratiâ & libero arbitrio* ait: Cum, prout interim potuit nobis occurrere, triplex sit nobis proposita libertas, à peccato, à miseria, à necessitate: hanc ultimo loco positam contulit nobis in conditione naturæ, in prima restauramur à gratiâ, media nobis reservatur in patria. Dicatur igitur prima libertas naturæ, secunda gratiæ, tertia vitæ & gloriæ. Primò nempe in liberam voluntatem, & voluntariam libertatem conditi sumus, nobilis à Deo creatura. Secundò reformamur in innocentiam, nova in Christo creatura. Tertiò sublimamur in gloriam, perfecta in spiritu creatura. Prima ergo libertas habet multum honoris, secunda plurimum etiam virtutis, novissima cumulum jucunditatis. Ex prima quippe præstamus cæteris animantibus: in secunda carnem, per tertiam mortem subijcimus. Vel certè sicut in prima sub-

jecit Deus sub pedibus nostris oves, & boves, & pecora campi: ita quoque per secundam spirituales bestias hujus aeris (de quibus dicitur, Ne tradas bestiis animas confitentes tibi.) prosternit æquæ & conterit sub pedibus nostris: in ultima tandem nos ipsos nobis plenius submissurus super victoriam corruptionis & mortis, quando sc. novissima die destruetur mors, & nos transibimus in libertatem gloriæ filiorum Dei. *Augustinus de verâ relig. cap. 48.* Quem delectat vera libertas, ab amore rerum mutabilium liber esse appetat. Et quem regnare delectat, uni omnium regnatori Deo subiectus sit, plus eum diligendo, quàm semetipsum. Et hæc est perfecta justitia, quâ potius potiora, & minùs minora diligimus. *Idem de correptione & gratiâ in fine ca. 11.* Potuit non peccare primus homo, potuit non mori, potuit bonum non deferere. Numquid dicturi sumus, Non potuit peccare, qui tale habebat liberum arbitrium? aut non potuit mori, cui dictum est, si peccaveris, morte morieris? aut, non potuit bonum deferere, cum hoc peccando deferuerit, & ideo mortuus sit? Prima ergo libertas volutatis erat, posse nō peccare: novissima erit multò major, non posse peccare. Prima immortalitas erat, posse non mori: novissima erit multò major, non posse mori. Prima erat perseverantiæ potestas, bonum posse non deferere: novissima erit felicitas perseverantiæ, bonum posse non deferere. *Idem in libro de civit. Dei cis finem*: Primum liberum arbitrium, quod homini datum est, quando primum creatus est rectus, potuit non peccare, sed potuit & peccare: hoc autem novissimum eo potentius erit, quo peccare non poterit. Verùm hoc quoque Dei munere, non

**SUÆ** possibilitate naturæ. Aliud est enim esse Deum, aliud participem Dei. Deus naturâ peccare nō potest: particeps verò Dei ab illo accipit, ut peccare non possit. Servandi autem gradus erant divini muneris, ut primū daretur liberum, quo non peccare posset homo; novissimum, quo peccare non posset: atque illud ad comparandum meritum, hoc ad recipiendum præmium pertineret. Sed quia peccavit ista natura, cum peccare potuit, largiore gratiâ liberatur, ut ad eam perducatur libertatem, in quâ peccare non possit. Sicut enim prima immortalitas fuit, quam peccando Adam perdidit, posse non mori, novissima erit, non posse mori: ita primum liberum arbitrium, posse non peccare; novissimum, non posse peccare. Sic enim erit inamissibilis voluntas pietatis, & æquitatis, quomodo est felicitatis. Nam utique peccando, nec pietatem, nec felicitatem tenuimus: voluntatem verò felicitatis, nec, perdita felicitate, perdidimus. Certe Deus ipse, nunquid quia peccare nō potest, ideo liberum arbitrium habere negandus est? Erit ergo illius civitatis & una in omnibus, & inseparabilis in singulis libera voluntas, ab omni malo liberata, & impleta ab omni bono, fruens indeficienter æternorū iucunditate gaudiorū, oblita culparū, oblita pœnarū, nec tamen ideo suæ liberationis oblita, ut liberatori suo sit ingrata.

**LIBERTINI.** Vide Synagoga.

**LICIANI** PROPHETÆ. Sic dicuntur prophetæ valde illuminati, qui plus aliis vident. Nomen videtur ductum à luce. Sic Esaias ab Hieronymo putatur in numero Evangelistarum propter illustra vaticinia. Possit itaque dici propheta Licianus.

**LIGNUM CRUCIS CHRISTI.** Paulinus huic ligno indetribilem soliditatem tribuit, quod nō potuerit minui, ut etiam totus orbis terrarum partibus ejus fuerit impletus, ut scribit Cyrillus in Catechesi 4. sed quis non videt hanc esse fabulam?

**LILIUM INTER SPINAS.** Ambrosius in Psal. 118. *serm. 3.* Pulcherrimè liliū dicitur ecclesia. Sicut n. liliū fulget: ita etiā splendent opera Sanctorū. Pulcherrimè etiam dictum est liliū convalliū, quia in humilibus magis elucet gratia. Sed hoc liliū in medio spinarū, hoc inter Judæos & hereticos, hoc inter solitudines hujus seculi, quæ mentem hominis animumque compungunt. Possumus et aliter accipere; quia, sicut liliū inter spinas eminet, ita super oēs conventus ecclesia Dei refulget. Refert etiam considerare, q̄ hoc liliū splendore circūfusus sit, intrus aut q̄ habet, rubeū sit, boni & ipsum odoris, eò, quod caro Christi velut morali divinitatis claritudine circumsepta, cœlestis habuerit protectionem gratiæ. Confer Cant. 2. v. 1. 16. c. 4. 5. c. 3. 13. c. 6. 2. c. 7. 2. Porro ut liliū spinarū aculeis pungitur, sed non extinguitur: ita Dei ecclesia circumstantium adversariorum machinis premi potest, sed non opprimi. Nam & princeps infidelium hujus mundi diabolus interdum leoninâ feritate, interdum serpentinâ calliditate, adversus ecclesiā certat; & ministri illius, Christi ecclesiæq; hostes conjurati, eandē partim apertâ vi, partim opertâ fraude frustra oppugnāt. Ac videmus tyranni, fraude vero hæretici.

**LIMBUS.** Scholasticis theologis est pars inferorū, & quædam extremitas, ut limbus est extremitas vestis. De torâ hæc Durandus in lib. 3. *sent. dist. 22. q. 4.* ait: Sciendum, q̄ quadruplex est infernus, secundum

dum quadruplex pœnarum genus. Quibusdam enim datur pœna damni, h. e. perpetua carentia visionis divinæ, & perpetua pœna sensus, ratione peccati actualis, mortalis, in quo decesserunt. Et ii dicuntur esse in inferno damnatorum. Aliis debetur perpetua pœna damni absque pœna sensus, scil. decedentibus in solo peccato originali; qui dicuntur esse in limbo puerorū. Aliis debetur pœna sensus & damni, non quidem perpetua, sed temporalis, illis scil. qui decesserunt in gratia, debitores alicujus pœnæ, eò quod in præsentī vita non satisfecerunt plenè de culpis commissis. Et isti dicuntur esse in purgatorio. Aliis verò debetur sola pœna damni absque ulla pœna sensus: & isti dicebantur esse in limbo Patrum: qui prohibebantur ante passionem Christi à visione divina, eò quod non erat satisfactū pro peccato totius naturæ, quamvis hi non essent obnoxii alicui pœnæ pro peccatis suis personalib. Hæc opinio est cerebrina, ut loquuntur: & tamen adeo invaluit, ut Gennadius inter ecclesiastica dogmata c. 78. hoc quoque scribat: Ante passionem & resurrectionem Domini oēs animæ sanctorum in inferno sub debito prævaricationis Adæ tenebantur, donec authoritate Domini per indebitam ejus mortem à servili conditione liberarētur. Etc. 79. Post ascensionem Domini ad cælos, omniū sanctorum animæ cū Christo sunt, & exeuntes de corpore ad Christum vadūt. Sic plurimum Patres: nominatim Gregor. lib. 4. in Iob. c. 32. Augustinus in Psalm. 85. dubitanter loquens, dicit: Fortasse duo inferna, quorum in uno quieverunt animæ iustorum, in altero torquentur animæ impiorum. Cū de inferno inferiori & ista & alia dixisset, concludit: *Eratres, sive illud, sive istud sit, hic*

*me scrutatorem verbi Dei, non temerarium affirmatorem teneatis.* Parvulis quoque non circumcisis & non baptizatis, eis quoque qui ex fidelibus parentibus nati fuerunt, salutem negant: ut August. contra Julian. Pelag. lib. 5. c. 8. lib. 4. c. 3. de Genesi ad lit. lib. 10. c. 15. de anima & ejus origine libr. 1. c. 11. Ambros. lib. 2. de Abraham Patriarcha c. 11. Prosper de vocat. gent. lib. 2. c. 8. Gennad. de eccles. dogm. cap. 74. *Baptizatis tantum iter esse salutis credimus.* Sed hæc omnia ἀπὲρ γὰρ φησὶ. Videntur multis esse delumta speculationes Platonis, de quibus Marsilius Ficinus in 10. Platonis de rep. sic ait: *Post limbum & purgatorium descendit ad inferos.* Sed Platonicos velle scito, nō solum in purgatorio temporales esse pœnas, verum etiam in cœlesti quadā regione temporalia gaudia: ut utrinq. par pari respondeat. Sic enim distinguunt. Aut sensus in vita omninò paruit rationi, aut omnino ratio sensui, aut semper invicē pugnaverunt: atque in ea pugna vel sensus plurimum, vel ratio superabat. Anima igitur, in quib. sensus rationi per habitum confirmatum prorsus obtemperavit, sempiternum premium consequuntur. Contra verò affecta sempiternis suppliciis condemnantur. Media verò si superavit ratio, ad temporalia premia; sin verò sensus, ad temporalia supplicia transferuntur. Quibus verò nullum consultandi datum est tēpus. limbus apud Platonicos servatur, eligendi locus, hic sub præti nomine designatus &c.

LIMPIDUS. In vulgata versione est i. lævis, politus I. Sam. 17. 40. 2. apertus, detectus Ezech. 24. v. 7. 8. c. 26. v. 4. 14. Sap. 17. v. 5. 20. Eccles. 22. 21.

LINGUA. Est i. corporis membrum Iob 33. 2. 2. idioma, seu certa ratio loquendi, pronationū ingenio & differentiis usitata Gen. 10. v. 5. 20. 31. 3. extremitas alicujus rei Bfa. 5.



Esa. 5. 24. Ios. 15. vers. 2. 5. cap. 18. 19. Esa. 11. 15.  
4. sermo Dei Esa. 30. 27.

LINGUATUS. In vulgata versione ponitur pro loquace. Eccles. 8. 4. c. 25. 27.

LINGUOSUS. In vulgata versione ponitur pro maledico. Psalm. 139. 13. Eccles. 9. 25.

LITANIA. Est precatio supplex, cuius usus est in rebus adversis. Vox est originis Græcæ, ἀλιτνεύω, supplico: quod est ἀλιτν, preces supplices. Ridiculum itaque est etymum in veteri dictionario: Lataniarogatio vel invocatio, & propriè pro mortuis facta, & dicitur a letum &c. Cæterum Gentiles frequenter utebantur Litaniis, circa statuas & aras, in fortuna adversa, ut sæpe narrant Livius & Dionysius Halicarnassensis, qui dicere solet, λιτανείας ποιῶντες, supplicare ad deorum templa & aras. Sed in Ecclesia Litaneia sunt preces supplices ad Deum verum. Solennis hîc est formula, quæ incipit.

Kyrie }  
Christe } Ελέησον.  
Kyrie }

Isidorus in fine lib. 6. Letaniæ Græco nomine appellantur, quæ Latine dicuntur rogationes. Inter Letanias verò & exomologesin hoc differt, quod exomologeses pro sola confessione peccatorum aguntur: Letaniæ verò dicuntur propterrogandum Dominum & impetrandam in aliquo misericordiam ejus. Sed nunc jam utrumque vocabulum sub una significatione habetur: nec distat, utrum letaniæ an exomologeses dicantur. Sic Isidorus.

LITURGIA. λειτουργεῖν prima notione est opus facere publicum, vel publicè: sed latius postea vox illa est accepta. Apud

Græcos scriptores, Platonem, Aristotelem, Demosthenem, & alios, λειτουργεῖν est publico præstare, vel operam, vel pecuniam: λειτουργία, ejusmodi præstatio sive operæ, sive pecuniæ. οὐδὲ τις δὲ χάς λειτουργεῖν, & λειτουργεῖν τὴν οὐδὲ τις δὲ χάς λειτουργίαν Aristoteli l. 4. polit. dicuntur magistratus, qui temp. curant. Ibidem οἱ εὐποροί, divites & pecuniosi, qui tenebantur privato sumtu functiones publicas obire, dicuntur λειτουργεῖν τὰς οὐσίας, opibus suis reip. inservire. Dicitur λειτουργεῖν etiam ille, qui artem aliquam exercet, aut negotium curat, ex quo ad publicum redit aliqua utilitas. Sic περὶ οἰκονομία, procreatio liberorum, & illorum educatio. Aristoteli 7. politicorum est genus λειτουργίας. Nazianzenus in epitaphio Gorgonia ait, ipsam totam se Deo consecrassè, λειτουργήσασα πρὸς θεὸν καὶ φύσει, ὅσον ὁ τῆς σαρκὸς ἐβούλετο νόμος. Postquam debitam operam præstitisset mundo, & naturæ, quantum lex carnis postulabat. Clemens quoque Alexandrinus in 5. Stromat. scribit, nuptias habere λειτουργίας καὶ ἀρχονίας τῷ Κυρίῳ ἀναφύσσας, functiones quasdam, & ministeria ad Dominum pertinentia, hoc est, quorum ratio Domino sit reddenda, sive illa rectè obieris, sive secus: illa autem ministeria esse ait curam liberorum & uxoris. Interdum quævis ἐργασία & operæ præstatio, etiam inhonestæ, dicitur λειτουργία. Nam in Novellâ Justinian. 14. meretrices dicuntur τὴν ἀνορίαν λειτουργίαν πληροῦν, turpem operam præstare. Quin etiam res ipsæ dicuntur λειτουργεῖν, quibus est aliqua pensitatio imposita, Novellâ 44. συγχωρεῖται τὰ ἐργαστήρια λειτουργεῖν τὰ σωτήρια καὶ νενομισµένως, Officina hand gravatim suppeditent ea, quæ usu recepta sunt & legitima. Loquitur de officinis mille & centum novæ Romæ (Con-

stantino-

stantinopoleos.) quæ tenebantur sumtus ad funera præstare : de quibus & Leo loquens Nov. 12. ait ea esse *δοτοπαιγμύρια* εἰς ταύτην λειτουργίαν, *destinatas ad hanc pensionem*. Et ita quidem hæc vox usurpatur nunciatè, nunc strictè de rebus politicis. Sic & de rebus divinis cum usurpatur, habet significationem modò latiorē, modò angustiorē. Aristot. 7. polit. αἰ περὶς Θεοῦς λειτουργίαι, dicuntur omnia erga deos officia, ad quæ opus pecuniâ. Iustinus in initio libri de monarchia, originem idololatriæ inde repetit, quòd primis temporibus, viris potentioribus inferiores instituerint *πελετὸς καὶ λειτουργίας* πελεῖν, id est, cultus quosdam exhibere Deo potius, quàm hominibus debitos. LXX. Interpretes vocem *לִיטוּרְגָּא*, quæ Dei cultum & latriam significat, passim verterunt *λειτουργίαν*. At Ezech. 29. v. 40. pro *לִיטוּרְגָּא*, *operam, vel mercedem illius*, dixerunt, *ἀντὶ τῆς λειτουργίας αὐτοῦ*, 1. Paral. 28. v. 9. *לִיטוּרְגָּא*, *opus artificij*, verterunt *λειτουργίαν*. Num. 8. v. 24. *λειτουργεῖν λειτουργίαν* posuerunt pro eo, quod in Hebræo dicitur, *militiam militare*, i. e. obire ministerium, & in se exercere. Paulus Apostolus Rom. 16. vers. 27. *περὶ λειτουργεῖν ἐν τοῖς σαρκεσιν*, *ministrare alicui in rebus carnalibus*, intelligit id ipsum, quod ex Aristotele adferebamus, *λειτουργεῖν τῆς οὐσίας*, *inservire prabendâ pecuniâ*. In epistola ad Philippenses non multò aliter usurpantur *λειτουργὸς* & *λειτουργεῖν*, de officiis privatim Paulo exhibitis. Alibi *λειτουργὸς* dicitur, qui operam Deo, aut officium pietatis vel ministerii, qualecūque id sit, præbet. De angelis dicitur Heb. 1. vers. 14. *πνεύματα λειτουργικά*: de ipso Christo, *τῶν ἀγίων λειτουργὸς*, *sanctuarij minister*. Heb. 8. v. 2. de magistratibus, Rom. 13. v. 6. Apud Chrysostomum hoc sensu

etiam usurpatur de quovis fideli vitam piè instituyente: ut cum *serm. 3. in Annam* patres monet, dent operam, ut filii sui fiant cives civitatis cœlestis: quòd *τὴν ἐκείναις λειτουργίαν ἀξιώθωσιν ὑπὸ τελεῖν*, *digni reperiantur, qui functiones obeant illius civitatis*. Et postea sæpissimè reperit, eos qui vitam piè agunt, *τὴν λειτουργίαν ταύτην τελεῖν*, *hoc fungi officio*, pietatis. Ergo *λειτουργία* est quodcūq; pietatis officium, præstitum vel publicè (sic quidem Scriptura & Patres usurpant,) vel privatim, ut Chrysostomus usurpat hanc vocem. Peculiariter tamen usus ecclesiæ vocem communem aptavit ministerio & cultui, qui publicè exhibetur Deo, & ejus cultus ministris. Sed hîc quoq; multiplex diversitas. Vide paulò post vocem *λειτουργὸς*. Summa hæc est. *Λειτουργὸς* est omnis minister ecclesiæ: propriè tamen illi, qui ministrant ad altare: & *λειτουργία* laxè quidem est omne ministerium, quod ad sacra pertinet: sed propriè magis, ministerium cultus divini circa mensam Domini. Paulus Rom. 15. v. 16. dicit *ἱερουργεῖν τὸ εὐαγγέλιον*, pro *fungi sacro ministerio predicationis Evangelij*. Balsamon ad Concilium Sardicense *λειτουργεῖν* exponit *ἱερουργεῖν*. Ab hac ratione dictæ sunt *λειτουργεῖαι*, *descriptiones quadam ordinis servandi in sacris celebrandis*: cujusmodi sunt, quæ hodiè circumferuntur sub titulis partim veris, partim falsis, Petri, Jacobi, Andreæ, Basilii, Chrysostomi, & similes Liturgiæ. Latini vocant *Ordinem Agendi, Agenda, & Officium*: Græci (ut Balsamon non semel.) *ἀκολουθίαν*. Quemadmodum autem res dividitur, vetustissimo Christianorum instituto, in cultum matutinum & vespertinum: ita in Patrū libris fit mentio Liturgiæ matutinæ & vespertinæ. In Actis Concilii Ephesini pag.

295. Ὅτι πελάσαι μὴ συγχωρῆσαντες τὰς ἐσ-  
 πεινάς ἢ τὰς ἐωθινὰς λειτουργίας, Obire non  
 permittentes vespertinas aut matutinas functio-  
 nes. Et notat Balsamon, λειτουργίαν ali-  
 quando constare sola oratione, sine ulla  
 sacramentorum administratione. Obti-  
 nuit tamen, ut Liturgia peculiariter dica-  
 tur, quæ celebrationem corporis Christi  
 continet. Itaque Iustinianus Novellâ 7. ἐρω-  
 λειτουργίαν sacram functionem, describens,  
 duas illius partes cōmemorat, recitatio-  
 nem divinarum scripturarum, & partici-  
 pationē S. cœnæ: ἐν οἷς, inquit, ἱερεὺς ἕχο-  
 νε λειτουργία τῶν τε θείων ἀναγιγνωσκομένων  
 γραφῶν, τῆς τε ἱερῆς καὶ ἀρρήτου μεταδο-  
 μῆς καὶ κοινωνίας, In quibus sacrum ministerium  
 peractum est, tum divinis Scripturis legendis,  
 tum sacra & ineffabili communione dispensan-  
 dā. Ex his efficitur, Baronium in anno 44.  
 num. 83. locum illum Act. 13. vers. 2. λει-  
 τουργούντων, quem vetus Interpres rectè  
 vertit, ministrantibus, malè vertere, sacrifici-  
 cantibus: & Bellarminum errore, quando  
 lib. 1. de Missa, cap. 13. ait: Cū accommoda-  
 tur hoc verbū (. λειτουργεῖν ) ad sacra, & abso-  
 lutè ponitur in Scripturis, ubique accipitur pro  
 ministerio sacrificii. At Luc. 1. vers. 23. λειτουρ-  
 γία non est sacrificium; sed generalis vox,  
 quæ complectitur omnia ministeria à  
 Levitis aut Sacerdotibus præstari solita,  
 cū obibant vices suas. Adde quòd Lu-  
 cas ibi loquitur de cultu Judaico. Simili-  
 ter epistola ad Hebræos iis locis, quos in-  
 dicat Bellarminus. Idem Bellarminus initio  
 lib. 1. de Missa scribit, vocabulum λειτουρ-  
 γία à Patribus Græcis vix aliter accipi,  
 quàm pro ministerio sacrificii Eucharis-  
 tiæ offerendi. Sed hæc observatio ex an-  
 te dictis facilè refutatur. Et nemo versat-  
 us in Græcorum Patrum lectione, igno-  
 rat, λειτουργίαν sæpe illis dici, quid-

quid sit ad Deum colendum. Itaque can-  
 tus Psalmorum, etiam in domo privata,  
 & ad mensam, appellatur Chrysostomo  
 λειτουργία in Psalm. 41. οὐδὲ βαθυμῶντες  
 ποτε θεωρήσμεθα τὴν καλὴν ταύτην λειτουρ-  
 γίαν, Nequē unquam per ignaviam abjicie-  
 mus priam hanc Psalmorum cantionem. Idem  
 Pater commentariis in Acta, λειτουργούν-  
 των exponit κηρύττοντων, *pradicantibus*. In  
 canonibus denique Concilii Ancyranī  
 λειτουργία, sive ἱερατικὴ λειτουργία com-  
 mune nomē est omnium sacrarum fun-  
 ctionum, quæ obeuntur ab Episcopo vel  
 Presbytero, ut θεωροφῆρην, κηρύττειν, sive  
 ὁμιλεῖν, offerre, *pradicare*, *concionari* &c.  
 Sed in pauca contrahamus, quæ pluri-  
 bus perlecuti sumus. λειτουργία à ληϊτὸς,  
*publicus*, in genere significat quamlibet  
 functionem publicam: in specie notat  
 sacram functionem in ecclesia, qua ge-  
 neratim totum ministerium verbi divini,  
 & sigillatim administratio sacrae cœnæ  
 significatur. Specialiùs à quibusdam di-  
 citur ἱερουργία, *sacrorum operatio*. quæ vox  
 significat Evangelii prædicationem Rom.  
 15. 16. & sacram eucharistiam, apud eccle-  
 siæ doctores.

LITURGEUS. In genere est, qui publica  
 operatur. In specie est minister, qui pu-  
 blico servit; ut reip. vel ecclesiæ: vel et-  
 iam minister in genere. In ecclesia specia-  
 liter usurpatur. Nam apud Patres λειτουρ-  
 γὸς dicitur, qui operam Deo aut officium  
 pietatis vel ministerii, qualecunque sit  
 illud, præbet. Adhuc specialius λειτουργὸς  
 est minister ecclesiæ: specialissimè & pro-  
 priissimè, qui ministrat ad altare. Apud  
 Dionysium Areopagitam in ecclesiasti-  
 ca hierarchia λειτουργοὶ sunt diaconi: ut  
 ἱερεῖς sacerdotes, ἱεραρχαὶ Episcopi, qui  
 aliter ἀρχιερεῖς. Basilio, Gregoriis Na-  
 zianzeno



zianzeno & Nysseno, Chrysostomo, & ceteris Patribus ministri ecclesiæ omnes, præsertim verò presbyteri & episcopi vocantur λειτουργοὶ τοῦ Θεοῦ, vel τοῦ θυσιαστηρίου, vel τῆς καινῆς Διαθήκης, & οἱ τὴν λειτουργίαν τοῦ θυσιαστηρίου πεποιθότες, ministri Dei, altaris, novi Testamenti, quibus ministerium altaris est commissum. Glossarium: λειτουργός, munifex: λειτουργία, munificentia, munium functio. Liturgicus est ministerialis, ministratorius. Quo sensu Hebr. 1. angeli dicuntur πνεύματα λειτουργικά. Speciali sensu est sacerdotalis. Hinc Suidas: λειτουργική κυρίως μὲν ἡ ἱερὰ πικὴ, κατὰ χρῆσιν δὲ ἡ δουλική.

LIVOR. In genere est plaga tumida, tumex, vibex. Esaia 1. 6. in specie significat passionem JESU CHRISTI Esaia 53. 5. 1. Petr. 2. 24. Ponitur autem livor Christi per synecdochen pro omni passione, quam sustinuit toto vitæ suæ tempore, nominatim pro ea, quam expertus est paulò ante mortem & in morte sua. Nā tota Christi passio est nostra liberatio: tota, inquam, inde à primo momento nativitatis usque ad ultimum momentum mortis. Quodd autem Scriptura in sanguine & morte Christi ponit λύτρον, ideo fit, quia sine morte Christi antecedentes passionem non fuissent sufficientes.

LOCUS. Hebræis dicitur מקום à מקום surrexit, substitit: cui affine est מקום sustinuit. Unde illi ex antiquissima traditione Deum vocant מקום id est, locum: non ideo solummodo, quod sub se omnia comprehendat, ut Kimchi vult: sed etiam, quod rerum omnium substantiam conservet, juxta illud Pauli Act. 17. 28. In ipso vivimus, movemur, & sumus. Sic

itaque per locum indicatur status & conditio rei. Unde perspicitur, quomodo illud Psalm. 1. sit intelligendum, ubi de impiis dicitur לֹא יִשְׁתַּלְּטוּ בִּיּוֹדֵי נֶפֶשׁ, Non subsistent in judicio, hoc est, non erit eis pars cum sorte justorum. Eadem loci significatio locum habet Apocal. 12. 14. ubi Johannes dicit, ecclesiam volare in locum suum à facie Draconis: quem locum vers. 6. ei dinivitū preparatum affirmat. Ubi non oportet intelligere spatium physicum, sed humilem & despectam conditionem. Hinc patet vocem *Locus* interdum non tam externum corporis situm, quam rei habitum & conditionem significare. Porro locus in Scripturis etiam significat textum aliquem Scripturæ Luc. 4. 17. Hebr. 2. 6. cap. 4. 4. cap. 5. 6. item opportunitatem Job. 24. 23. Actorum 25. 16. Hebr. 12. 17. denique modum & rationem patefaciendæ Dei gratiæ sub novo fœdere. Hebr. 8. 7. Hic duo breviter expediemus. 1. quomodo Deus sit in loco. 2. an locus sit necessarius cuilibet creaturæ. De 1. Deuse est illocalis, id est, supra & extra locum. Itaque non est in loco per locationem passivam, id est, ita ut localis fiat, sive locetur: sed per modum omnipræsentiae, quia est in omni loco, hoc est, nusquam inclusus, nusquam exclusus. De 2. Locus ita est necessarius omni enti creato & finito, ut illud extra locum esse non possit: & simul ita, ut non possit esse nisi in uno loco. Nam habet fines essentiae suæ, & quidem ita, ut essentia illa non sit multiplex, sed una.

LOCUSTA. Hoc animal quibusdam in regionibus est edule. Hinc in Evangelio Joh. Baptista dicitur comedisse locustas & mel sylvestre. Siberius ad profam

Victorii de Johanne Baptista sic annotat  
ad illa verba

*Cum locustis mel sylvestre  
Sumfit in edulium.*

Locustis, vel caneris, καρχήσις: vel herbis,  
quorum alterum nomen μέλαρα: vel ar-  
borum gemmis, ἀκροδρύσις. Sed cum fue-  
rint populi ἀκροδοφάγοι, cur non locusta  
hoc loco sit insectum, cui nomen positū  
ab uredine locorū, quos attingit? Quam  
postremam sententiam paucis confirma-  
re non ab re fuerit. *Matthiolus in Dioscori-  
dem lib. 2. cap. 46.* Sic scribit: Nostro tem-  
pore volvente anno Domini 1542. locu-  
stæ ex paludibus Mæosidibus profectæ,  
non solum universam Pannoniam, ma-  
ximamque Germaniæ partem, sed totam  
etiam Italiam occuparunt, non sine ma-  
gna omnium è terra nascentium perni-  
cie: siquidem omnem segetem, omnem-  
que virentem herbam radicitus devora-  
runt. Hæ Parthis in cibo gratæ. Quam-  
obrem admirandum non est, si sacris lite-  
ris mandatum sit, ut *Levitici 11. cap.* legitur,  
à Mose probatas esse in cibis. Nec mirum  
etiam divum Johannem Baptistam iis &  
sylvestri melle victitasse in deserto: tam-  
etsi non desint interpretes, qui velint pro  
locustis, quasdam herbarum radices in-  
telligi: alii verò nonnullas arborum sum-  
mitates. At me hercule in horum senten-  
tiam devenire nunquam potui: quin po-  
tius certò crediderim, ipsum, nempe le-  
gis Mosaicæ sectatorem acerrimum, his-  
ce locustis animantibus victitasse, quem-  
admodum etiam sentit divus Augusti-  
nus, exponens divi Pauli epist. ad Roma-  
nos. *Clenardus in epistolâ scriptâ Fesse in Afri-  
câ, anno 1541.* Paucis ante diebus Fessæ vi-  
disses cælum obductum locustarum a-  
gminibus, quæ hîc non solum saltant, sed

avium ritu volitant. Jam coram video  
minas priorum prophetarum. Multis in  
locis nocte unâ fata perdunt universa.  
Bellum strenuè cum eis gerunt rustici.  
Nam plaustra plena locustis advehunt  
Fessam. Nam hos hostes vulgò hîc co-  
medunt. Vide quoque *Scaligerum exercit.*  
192. His addamus q̃ *Petr. Kirstenius notis in*  
*Arabium Evangelium Matth. c. 3.* ex sui præ-  
ptoris Arabici ore refert, ipsum affirmasse  
se circa Jordanē sæpius fuisse, & illîc lo-  
custas comedisse. Historiâ ab eo hanc ad-  
dit: Locustas illîc esse ejusdē speciei cum  
nostris, sed majores, nā pro regionum di-  
versitate variât. In Indiis n. sunt ingentis  
magnitudinis: has autem circa Jordanem  
dicebat esse mediocris magnitudinis, in-  
star avium nostrarum mortuarum, quas  
sylvestres vocare solemus. Modum præ-  
parandi talem significabat. Captis locu-  
stis, alæ & pedes abripiuntur, reliquum  
corpus collo suspēditur, Solique illîc lo-  
corum satis ferventi, per aliquod tempo-  
ris spatium exponitur. Ubi incaluerunt à  
sole probè, ebulliunt quasi & intumes-  
cunt: ubi satis intumuerunt, & spūmes-  
cere incipiunt, sufficienter præparatæ  
sunt. Cibum enim exhibent suavissimū.  
In Africa vero aliisque locis ad ignem  
coqui & assari ajebat. Itē *Kirstenius.* Quare  
ne quis ampl. us putet ἀκείδας, quibus  
vescebatur Johannes Baptista; fuisse vel  
cancros fluviatiles, vel ἀκρέμονας φυτῶν,  
ut ait Isidorus Pelusiota, *summitates herba-  
rum*, quæ aliis dicuntur ἀκρόδυες. Sed in-  
quis, austeritas in Johanne notatur eo  
ipso, quod ἀκείδας comederit. At locu-  
stas editare apud *Theophylactum in epistola,*  
*cujus est τὸ ποιμ. initium,* dicitur fuisse lau-  
tum convivium inter rusticos. Εἰς ἵων  
χθὲς πὺν πρυγίαν λαμπρῶς ἰχτιάδες γὰρ ἦν  
μοι

μοι καὶ ἀκρίδες τὰ ὄψα. ὁ δὲ θεωρεῖ. & τοὶ νεανίας τῶν ἱερῶν τὸ πρῶτον ἐν βρωμῇ καὶ τοῖς ἀκρίδαις σὺν οἷς ὅπως ἐξ ἐπίδοφυσεν. ὁ δὲ τευχίας ἐνεχύνει. Excipiebam heri Trygiam splendido convivio: nam carica & locustæ meum erant obsonium. Divinus autem hic adolescens caricas quàm plurimas comedit, & locustas nescio qua ratione exsorpsit: Trygias verò inhianserat. Itaque elus ἀκρίδων non facit ad austeritatem vitæ. E contrario inter alimenta eorum, qui erant rigidissimi jejuniorum observatores, fuerunt ἀκρόδρυες, fructus arborum, ut constat ex Epiphanio lib. 3. extremo austeritatis intendenda circa jejunia. His igitur victitavit Johannes. Resp. Austeritas notata in Johanne, non in eo est, quòd locustas esitaret: nam id ipsi commune erat cum aliis tenuiter victitantibus: sed in eo potius, quòd solis locustis vesceretur & melle sylvestri. Sed dicamus aliquid de locustis spiritualibus Apoc. 9. Locusta Hebræis dicitur ארבה à multiplicando, quòd copiosissima fœtura scaturiat & celerimè disseminetur. Mylticè significat sophistas, quorū cantus in veræ pietatis schola est ἀνόητος, utpote ex quo præter sonorum stridorem nihil percipitur. Apoc. 9. Locustæ istæ opponuntur citharædis illis Dei, qui Apoc. 15. 23. canticum Moïsis & Agni modulâtur. Sanè locusta est stridulum & mirè canorum animal, sed cantus ejus non est gratus. Est insuper ventrosus, & otiosus insectus, quod ceu caducus terræ fœtus cum appropinquante ætate exoritur, cumque eadem declinante occidit. Quæ omnia in sophistas illos optimè quadriâr, ita ut ipsorum innumerabilis multitudo, insuavis coccyismus, studium rerū terrenarum, & denique conditio πῆλομαιος, quâ fit ut frigore persecutionis faciliè e-

moriantur, hoc uno vocabulo ob oculos nobis ponantur. Porro locustæ illæ apocalypticæ decē characteribus insigniuntur, hoc modo. 1. Oriuntur ex fumo opiniorum ambitiosarum. 2. Sunt similes equis militariibus quantum ad superbiam spiritus, & indomitam contendendi libidinem. 3. Habent coronas aureis similes, quatenus per mitras, galeros, cucullos, tonsuram, & similes tesseras mentiuntur dona prophetiæ, quæ Apoc. 4. designantur nomine coronarum aurearum. 4. Sunt præditæ facie humana i. e. hypocritæ, qui composito vultu præ se ferunt magnam pietatem & humanitatem. 5. Habent capillos muliebres, i. e. sunt delicati, molles, evirati. 6. Habent dentes leoninos, h. e. præditæ ore impudente, maledicentia truce, crudeli & invicta. 7. Loricis ferreis tectæ, h. e. privilegiis munitæ, & vulgo inviolabiles. 8. Alatæ, i. e. leves, agiles, vagabundæ, nullis legum vinculis allectæ. 9. Aliis perstreperentes i. e. tumultuum authores. 10. Aculeis scorpionum instructæ, h. e. nodosa & tortuosa sophisticâ armatæ, per quæ hanc insigni nocendi facultate præditæ. Hæ sunt notæ locustarum: quarum effecta sunt, depascere reliquias viridis Christianismi maximam partem, & cruciare hominum conscientias, illorum scil. qui non sunt arbores justitiæ & germina Jehovæ. Nam qui tales sunt per fidem in Christum, illis non nocent hæc insecta. Ad extremum notetur ætas harum locustarum, quæ definitur spatio quinquemestri. Videmus enim variegatos illos ordines monachorum completis suis quinque mensibus, id est ætate elapsa, sub hyemem evanuisse, vel saltem marcescere. Sed in pauca contrahamus, quæ diximus de locustis spiritualibus Apoc. 9. Per illas itaque intelli-



guntur falsi doctores, mendaciis & crudelitate consiliorum perdescentes segetem ecclesiae. Similitudinis ratio est in quantitate & qualitate. In quantitate: quia multi sunt tales antichristi instituto, tanquam agmina & examina seductorum. In qualitate vastatrice & populatrice celestis veritatis, diviniq; & humani juris, conscientiarum, & salutis: item in qualitate doctrinae, *δυσνοήτης*, & nil praeter inanem sonum & pompam habentis.

*Λογοθέτης*. Ratiocinator, discussor. Hic duplex erat: ecclesiasticus, & palatinus. Ecclesiastici erat *εἰς τὰς δημοσιακάς καὶ ἑκκλησιαστικὰς ἐπιστάσεις λογοθεάειν*. Palatini variaverant.

*Λογοθεαφικὴ ἀνάγκη*. Est vis sermonis scripti, quam necessario ipsa verba praeseferunt. Ista vero sermonis vis sumitur vel ex ipsa significatione, vel ex usu, vel denique ex subiecta materia. Primi modii exemplum est *Gen. 1. v. 1*. In principio creavit Deus coelum & terram: secundi *Rom. 3. 28*. Colligimus igitur fide justificari hominem; ubi vox justificare ex usu Scripturae accipitur in significatione forensi: tertii, in verbis coenae, Hoc est corpus meum; ubi materia est sacramentalis, cui exprimendae adhibetur phrasis sacramentalis.

*Λόγος*. Inter nomina mystica Filii Dei est haec vox: quae non uno modo solet verti & explicari. Nam veteres nunc *verbum* & *sermonem*, nunc *rationem*, nunc *definitionem*, nunc *realitatem* interpretantur. Quod attinet ad primam interpretationem, ejus ratio multiplex adferri solet. Nam alii existimant, Christum dici *verbum* sive *sermonem*, quod sit noticia Patris, & ejus repraesentator, ut loquitur Tertullianus: alii, quod Deus Pater per hoc

Verbum omnia condiderit: alii, quod nobis interpres sit paternae voluntatis: alii, quod persona Dei cum Patriarchis loqueretur specie angelica: alii, quod Christus sit ille, de quo Pater toties locutus est in V. T. seu quem toties promissit. Secundae interpretationis haec est ratio. Sicut ratio ex animo, aut noticia ex ratione procedit: sic Filius *ἀπαρθὲς, sine ulla passione*, procedit à Patre. Deinde quemadmodum nobis ratio, ita Patri Filius est intimus. Denique Filius Dei nos efficit rationi obsequentes. Tertiae interpretationis haec adferri solet ratio: quod Filius sit quasi definitio Patris, ejus naturae penitus exprimens: item quod sit quasi definitio rerum omnium, seu, quod definitione sua omnia complectatur. Postrema interpretatio haec nititur ratione, quod Filius sit realissima veritas. Ex his interpretationibus, duae istae sunt convenientissimae. Primo sicut nos per sermonem, animi nostri sensa alicui exponimus: ita Christus nobis *λέγει*, i. e. eloquitur & declarat Patrem, & arcana de salute nostra. Deinde sicut sermo procedit à ratione, & est illius character, rursus sicut ratio emanat ab anima, & est illius character: ita Filius gignit à Patre, & est character substantiae ejus. Et haec quidem breviter dicta sunt de interpretatione hujus nominis. Jam dispiciamus, an Christus etiam in V. T. appelletur *Verbum Dei*. Affirmativa probatur ex *1. Sam. 3. v. 21*. *2. Sam. 7. v. 21*. & *6. 23. v. 2*. *Hagg. 2. v. 4. 5. 6*. In Hebraico est *דבר*, in Chaldaico *ܕܒܪܐ*. Pro *דבר* etiam occurrit *קול*. Quae voces confirmant geminam explicationem à nobis allatam. Ceterum Christus alias absolute dicitur *ὁ λόγος*, alias cum adjectione *ὁ λόγος ἔθεξ, τῆς ζωῆς, πρὸς τὴν ἀλήθειαν*. Non possum quin hoc loco annotem, Patres quosdam non

non rectè scripsisse, hominem λογικὸν δι-  
 α, h. e. ratione præditū, seu rationale, quia  
 particeps est λόγῳ ἡ τοι χρεῖς, Rationis, vel  
 potius Verbi, q̄ est Christus. Confundun-  
 tur hęc res, plus quàm toto genere diver-  
 sę, videl. λόγος ὁ ὁσιώδης seu ὑποστατικός,  
 verbū substantiale & revera subsistens, &  
 λόγος ὁ ἐμφύλιος, sive ratio humana. Locus  
 hac de re est apud Iustinū in apologia. 1. Χρε-  
 ῖς ἡ ὑπὸ Σωκράτους ἀπὸ μέγας ἐγνωσθη.  
 Λόγος γὰρ ἦν ἡ ἐστίν, ὅς ἐστι παντὶ ὄντι, i. e. Chri-  
 stus etiam à Socrate est agnitus. Λόγος e-  
 nim, sive Ratio, vel potius verbum erat,  
 atq; est, qui est in quovis hominum. Sic  
 cūm Iobius, scriptor antiquus, causam ad-  
 fert, cur humanam naturā Filius assūmse-  
 rit, nō Pater, aut Spiritus S. : quia Filius sit  
 ὁ λόγος, quē homo cūm amisisset, ait, ne-  
 cessariū fuit ad sanandā ἀλογίαν, hoc est,  
 amentiam, τὸν λόγον in terras venire. Gre-  
 gorius Nazianzenus orat. 2. Περὶ ἧς ait: Δο-  
 κεῖ δὲ μοι λέγεσθαι λόγος, ὅτι πρὸς τὸν πατέ-  
 ρα ὅπως ἔχει, ὡς πρὸς υἱὸν λόγος. ἔ μόνον διὰ  
 τὸ ἀπαθὲς τῆς γεννήσεως, ἀλλὰ καὶ τὸ σωμα-  
 φὲς καὶ τὸ ἐξαγγελικόν. Τάχα δὲ ἂν εἴποι τις,  
 ὅτι καὶ ὡς ὁρὸς πρὸς τὸ ὁραζόμενον, ἐπειδὴ καὶ  
 τῷ το λέγεται λόγος. ὁ γὰρ νουηκώς, φησὶ, τὸν  
 υἱὸν (τῷ το γὰρ ἐστὶ τὸ ἑωρακώς.) νενόηκε τὸν  
 πατέρα, καὶ σώτομος ἀπὸ δειξίς καὶ βλάβης τῆς  
 ὁ πατρὸς φύσεως ὁ υἱός. γέννημα γὰρ ἅπαν ὁ  
 γεγεννηκός τοι σιωπῶν λόγος, Verbum dicitur,  
 quod eam rationem habeat ad Patrem, quā ver-  
 bum ad mentem, non solum quia sit à Patre citra  
 omnem perpeffionem genitus, sed etiam, quod  
 Patri sit conjunctus & eum enuntiet. Sed &  
 fortassis dicere possit aliquis, eandem esse Filiū a-  
 rationem ad Patrem, quā definitionis ad definitum.  
 Nam λόγος etiam definitionē declarat. Etenim  
 qui cognovit Filium (idenim est illud, Qui vi-  
 dit.) is & Patrem cognovit: ut jam Filius non sit  
 aliud, quàm brevis ac facilis quadam demonstra-

tio natura Patris. Siquidem omne quod genitum  
 est, est tacita quadam elocutio seu verbum ejus,  
 qui genuit.

LUCAS EVANGELISTA. Hic  
 purum hellenismum aliquantò diligen-  
 tius, quàm ceteri Evangelistę observat.

LUCIFER. Est stella, solis anteambu-  
 lo: aliàs Phosphorus, Hesperus, & Vē-  
 nus. Ita Christus Apoc. ult. appellatur stel-  
 la illa splendida & matutina: quia & ipse  
 est lux spiritualis; & lucem sapientię, ju-  
 stitię & salutis, & solem paterni favoris  
 nobis reducit, quomodo videmus Phos-  
 phorum reducere solem, sive, ut poëta  
 loquitur, reddere diem. Lucifer etiam  
 sequi ore sensu dicitur Satanas: qui vo-  
 cis usus apud vulgus nunc invaluit. Or-  
 ta est autem ea appellatio ex Esa. 14. v. 12.  
 Qui locus agit de rege Babylonio. Eum  
 propheta vocat luciferum, ut significet  
 illustrem & gloriosam cōditionem, quā,  
 tanquam clarissima stella, inter alios re-  
 ges eminebat & fulgeb. t, & inter homi-  
 nes in mundo longē lateq; dominabatur,  
 sicut lucifer inter minora sidera. Dicitur  
 autē ille de cœlo cecidisse, quatenus justo  
 Dei judicio ob suam superbiam de sua di-  
 gnitate, & quasi cœlesti statu fuit deje-  
 ctus. Augustinus lib. 11. de civit. Dei. c. 15. hunc  
 locum sic explicat: Esaias ait, sub figurata  
 persona principis Babylonię diabolium  
 notans, Quomodo cecidit Lucifer, q̄ ma-  
 nē oriebatur? Idē docet de Genesi ad lit. lib.  
 11. c. 24. Et tract. 3. in Iohan. ait: Audi vo-  
 cem Patris ad Filium: Ante Luciferum  
 genui te. Qui ante Luciferum est geni-  
 tus, omnes ipse illuminat. Dictus enim  
 est quidā Lucifer, qui cecidit: Erat enim  
 angelus, & factus est diabolus: & dixit  
 de illo Scriptura, Lucifer, qui manē orie-  
 bat, cecidit. Unde Lucifer? Quia illumi-  
 natus.

natus lucebat. Unde autē tenebrosus factus? Quia in veritate non stetit. *Vatablus ad locum Esa. 14.* Alludit ad Satanam, qui olim decidit de dignitate, in qua creatus fuerat: quem vocat Luciferum, & filium auroræ, quod creatus fuisset in maximo splendore & honore. Itaque Vatablus, quem alii multi sequuntur, puenat, modum loquendi *Esa. 14.* sumtum esse ab ipso lapso diaboli. Alii putant quæ de felici rege dignitate sua elapso ibi dicuntur, allegoricè à Patribus fuisse accommodata ad diabolum. Cæterum vox Lucifer occurrit *Iob. 11. 17. 6. 38. 32. Esa. 14. 12. Psal. 110. 3. 2. Petr. 1. 19.*

**LUCIFUGÆ SCRIPTURARUM.** Hoc elogio Tertullianus insignit hæreticos, *de resurrectione carnis cap. 47.*

**LUCERNA.** Est 1. ipsum instrumentum, cui oleum imponitur, vel fax & candela. *Exod. 25. 37. Luc. 12. 35.* 2. lux æterna, sive Deus ipse, & nominatim Jesus Christus. *2. Sam. 22. 29. Apoc. 21. 23.* 3. Verbum Dei *Psal. 119. 104. Prov. 6. 23. 2. Petr. 1. 19.* 4. laudatus princeps, subditis meritò charus; quo sublato, malorum tenebræ suboriuntur. *2. Sam. 21. 17.* 5. gratiosa Dei præsentia, hominem fovens. *1. Reg. 11. 36. Iob. 29. 3. 6. prosperitas. Iob. 18. 6. 6. 21. 17.*

**LUDENS CORAM DEO.** Alii vertunt *Latificans.* Est epitheton Filii Dei, sive Sapientiae hypostatice, τῆς σοφίας ἐνυπστάτης. *Proverb. 8. v. 30. 31.* Sensus est: λόγον æternum esse lætitiā Deo Patri, & simul lætitiā humani generis, quod summè dilexit & Patri reconciliatum replet oleo lætitiæ. Confer *Esa. 53. v. 10. 11.*

**LUMBI.** Sunt alii corporis, *Gen. 35. 11.* alii mentis sive animæ *Eph. 6. 14. 1. Petr. 1. 13.*

**LUMBARE.** In vulgata versione hac

voce significatur cingulum *Ier. 13. v. 1. 2. 4. 6. 7. 10. 11.*

**LUMEN.** Est 1. lux creata *Ier. 31. 35. 2. oculus Iudic. 16. 28. 3. Christus Esa. 60. 1. Luc. 2. 32. 4. doctor veritatis Rom. 2. 19. 5. lætusterum successus Iob. 22. 28. 6. lux spiritualis. Psal. 119. 104.*

**LUMEN DE LUMINE.** In Concilio Niceno hoc nomine appellatur Christus Dominus noster. Verba sic habent: φῶς ἐκ φωτός, θεὸς ἀληθινὸς ἐκ θεῶ ἀληθινῶ. Sic in hymno:

Christe, qui luxes & dies,  
Noctis tenebras detegis,  
Lucisq; lumen crederis,  
Lumen beatum prædicans.

Et eleganter Prudentius:

Cum lumen esset, lumen effudit suum:  
Ex luce fulgor natus hic est Filius.

Hoc lumen illuminat mentes nostras in hac tenebrosa miseriarum valle. Canamus itaque cum Prudentio:

Tu lux vera oculis, lux quoque sensibus:  
Intus tu speculum, tu speculum foris.

Et cum Vidâ:

Hoc sine prostratiq; solo, in tenebrisq; voluti  
lactamur, nec mens nobis ignobilis altum  
Quidquam agitat: quidquid recti, sanctiq;  
movemur,  
Hoc de fonte manat: boni & hinc fluit omnis  
origo.

Omnes, inquam, virtutum formæ ex hoc fonte fluunt. Neque hoc mirum est. Nam Christus est αὐτοφῶς, est ἀπείρασµα δόξης τῷ πατρὶ, est sol iustitiæ, adeoque est lux à priori, & posteriori, h. e. & ζωδῶς καὶ ἐνεργητικῶς. Nimirum ut lumen de lumine oritur absq; mutatione & diminutione: ita Christus genitus est ex hypostasi Patris absque ulla mutatione. Deinde ut lumen solis semper gignitur à sole: ita



le: ita Christus ab æterno in æternum gignitur à Patre, actu indeficiente. Tertiò ut lumen à lumine accensum ejusdem est essentia: sic Christus eandem cum Patre habet essentiam communem. Quartò ut luminis natura & efficacia est incomprehensibilis: ita quoque se habet æterna generatio Filii Dei. Denique ut lumen à lumine genitum illuminat eos, qui sunt apti ad videndum: ita Christus illuminat omnes electos, qui per æter, nam electionem sunt apti ad credendum.

**LUMEN PROPHETICUM.** Est donum prophetia, quo mens hominis extra ordinem perfunditur ejusmodi lumine, ut prævideat & prædicat res futuras. Hoc lumen etiam hypocritis, item gentilibus, hæreticis, & pseudoprophetis cõceditur à Deo. Quæ de re Hieronymus super Matt. 7. ficit: Et Saul, & Balaam, & Caiphas prophetaverunt. Et Athanasius libro questionum ad Antiochum principem, quæst. 110. ait: quòd multi pravè credentes acceperint à Deo prophetiarum donum. Thomas quoq; Aquinas in secunda secunda, quæst. 172. artic. 6. exemplo Baalam & Sibyllarum probat, prophetas falsos vera prædicere, aliquando ex dæmonum revelatione, aliquando ex divina inspiratione.

**LUMEN NATURÆ, GRATIÆ, & GLORIÆ.** Deus accendit in homine triplex lumen. Et primò quidem in omnibus & singulis hominibus accendit lumen naturæ, id est, rectam rationem, quæ est veluti radius divinæ lucis, quo discernere possumus honestum ab inhonesto. Deinde in iis, qui vocantur in ecclesiã, Deus accendit lumen gratiæ, id est, fidem. Id verò lumen est commune, vel singulare. Illud est fides historica, temporaria, &

miraculorum: hoc est fides salvifica, electorum propria. Denique lumen gloriæ Deus accendit in vita æterna omnibus iis, qui in hac vita præditi fuerunt fide salvifica. Lumen naturæ est veluti luna: lumen gratiæ est tanquam sol matutinus: lumen gloriæ est veluti sol meridianus sive culminans.

**LUMINA.** Sic appellantur dona illa, quæ Deus in nos confert. Iacob. 1. 17. Nam Deus ita est lux, ut omnia ipsius dona sint lucida, vel potius mera lumina.

**L u x.** Est alia corporalis, alia spiritualis. Unde Vives lib. de An. 1. eleganter ait: Author rerum omnium lucem suam per universum mundum diffudit, spiritualem in spiritualia; corporalem verò in ea, quæ essent corporata: ut ejus beneficio & spiritus intelligerent, & oculi corporei cernerent. Cæterum lux spiritualis est increata, vel creata. Illa est Deus ipse, hæc donum à Deo profectum. Nominatim autem secunda persona SS. Trinitatis appellatur lux in Concilio Niceño: unde sequentia sunt expressa. In hymno Gregorii Magni:

*Splendor paterna gloria,  
De luce lucem proferens,  
Lux lucis, & fons luminis.  
Diem dies illuminans,  
Vernusq; sol illabere,  
Micans nitore perpeti.*

Item in hymno Ambrosii:

*Conspors paterni luminis,  
Lux ipse lucis & dies.*

Et rursus:

*Lux lucis, & fons luminis.*

Christus nimirum est lux illa, de qua Jun. Parisetus canit:

*Mm*

*Sancta*

*Sancta, salutaris, cunctisq; referta bonis, qua  
Tam vim vivificandi animos, quam iura  
beandi*

*Sola tenet — — —*

Et de qua Prosper:

*— — — Sine lumine lumen*

*Nemo videt: vitam sine vita inquirere mors  
est.*

Porrò Christus appellatur lux à Patri-  
bus phrasi Scripturæ. Nam ipse appel-  
lat se lucem mundi: & Hebr. 1. vocatur  
αὐτὸ φῶς τῆς δόξης τῆ θεῆς, in quo  
nempe relucet gloria Dei Patris. Itaque  
CHRISTUS duplici nomine est lux: tum  
quia est lumen de lumine, id est, Deus ex  
Deo; tum quia est lumen in lumine, id  
est illuminans, & ut Nonnus canit,

Πρόμαχός ἀκτῖς καὶ αὐγῶν φύσιν  
ἀνδρῶν,

Seu ut Vidas,

*Affulgens primas mundi ingredientibus oras.*

Nonnus exprimit illuminationem gratiæ  
in ecclesia, Vidas illuminationem naturæ  
in mundo. Etiam Spiritus S. appellatur  
αὐτοφῶς, à Nazianzeno. Antonius Rampe-  
logus de Janua in Dictionario pauperum c. 63.  
ait: Lux est, quæ illuminat omnia: sine  
qua nec bene ministratur in domo, nec  
bene ambulatur in via, nec bene fit ne-  
gotiatio in foro. Triplex autem lux est  
in mundo: infundens & non infusa, ut  
in sole; infundens & infusa, ut in lu-  
na; non infundens, sed infusa, ut in aë-  
re. Et sic est spiritualis lux, infundens  
& non infusa, in Deo: infundens & in-  
fusa, ut in doctoribus: non infundens,  
sed infusa, ut in simplicibus hominibus.  
Sed paulò plenius persequamur hanc  
materiam. Lux est propriè, vel meta-  
phoricè dicta. Lux propriè dicta est pri-  
ma, vel orta. Lux prima, seu primige-

nia fuit corpus quoddam lucidum, pri-  
mo die conditum, tanquam rudimen-  
tum quoddam solis: utpote efficiens  
diem, tanquam ejus vicaria. Hæc lux,  
quia tantopere celebratur Dei præconio,  
non videtur esse condita, ut tantum res  
foret triduanæ durationis. Itaque omni-  
no verisimile est, materiam fuisse stella-  
rum. Nam quia solis effectum ipsi tribui-  
tur, videl. dies, proculdubio ejusdem fuit  
cum sole essentia. Lux orta est, quæ ex  
primigenia illa est producta: vel potius  
est illa ipsa lux, collecta in stellis, nomi-  
natim in sole. Hujus lucis ortæ effectum  
est lumē. Lux metaphoricè dicta est sub-  
stantialis, ut Deus: vel accidentalis, de  
qua rectè monent interpretes, metapho-  
ricas locutiones, quæ occurrunt de luce  
in Scripturis, indicare statum virtutis, &  
conditionis. Statum virtutis, id est, sapi-  
entia, sanctimoniam, & justitiæ. Statum  
conditionis, id est, felicitatis. Contrà te-  
nebræ significant malum culpæ & pœ-  
næ, id est, peccatum & miseriam. Sed dif-  
fundamus significationes hujus vocis.  
Lux itaque 1. est opus primi diei Genes. 1.  
v. 3. 4. 2. est Deus, qui est purissima essen-  
tia, & suos electos spiritu verboq; conso-  
latur, dirigit, erigit, & vivificat 1. Ioh. 1. 5.  
3. est Christus, via ad felicitatem, veritas  
ad salutem, & vita ad gloriam. Esa. 42. 7.  
Iohan. 9. 5. 4. est favor Dei gratuitus. Psal.  
43. 3. 5. est doctrina, quam vitæ integritas  
comitatur. Iohan. 5. 35. 6. est majestas  
Dei incomprehensibilis 1. Ioh. 1. 7. 7. est  
prosperitas Iob. 18. 5.

Lux MUNDI. Est nomen Christi,  
& apostolorum. Iohan. 8. 12. Matth. 5. 14.  
Nam ille est lux mundi *ὁ αὐτὸς ὁ δὲ Χριστός*  
*τοῦ κόσμου*: hi μετεκλινῶς. Participando enim  
veram lucem, Jesum Christum, ipsi quo-  
que

que lucent. Porro Spiritus S. etiam appellatur lux in prosâ Roberti regis Franciæ: quam propter singularem elegantiam adscribere totum libet.

*Veni sancte Spiritus,*

*Et emitte cœlitus*

*Lucis tuæ radium.*

*Veni Pater pauperum,*

*Veni dator munerum,*

*Veni lumen cordium.*

*Consolator optime,*

*Dulcis hospes anima,*

*Dulce refrigerium.*

*In labore requies,*

*In æstu temperies,*

*In fletu solatium.*

*O lux beatissima,*

*Reple cordis intima*

*Tuorum fidelium.*

*Sine tuo numine*

*Nihil est in homine,*

*Nihil est innoxium.*

*Lava, quod est sordidum:*

*Riga, quod est aridum:*

*Sana, quod est saucium.*

*Flecte, quod est rigidum:*

*Fove, quod est frigidum:*

*Rege, quod est devium.*

*Da tuis fidelibus,*

*In te confidentibus,*

*Sacrum septenarium.*

*Da virtutis meritum,*

*Da salutis exitum,*

*Da pereunne gaudium.*

In hoc hymno septenarius sacer significat omnia dona Spiritus sancti, quorum capita vulgo revocantur ad septem capita ex Esa. 11. Deinde virtutis meritum ponitur pro præmio. Nam Spiritus sanctus

— — per sua dona venire

Ad sua dona facit, quodq; adjuvat ipse mini-  
(strat:

Ut canit Arator.

Cæterum quomodo apostoli sint lux mundi, & non sint, eleganter docet prosa Victorii de Johanne Baptista:

*Agnum monstrat in aperto*

*Vox clamantis in deserto,*

*Vox verbi prænuntia.*

*Ardens fide, verbo lucens,*

*Et ad veram lucem ducens,*

*Multa docet millia.*

*Non lux iste, sed lucerna,*

*Christus vero lux aeterna,*

*Lux illustrans omnia.*

Λύττον. Est pretiū redemptionis, quod pro redemptione datur; pretium redempti, apud Livium; pretiū quo captivi redimuntur. In N. T. legitur hæc vox de Christo Matt. 20. v. 28. Et 1. Tim. 2. v. 6. eodem sensu occurrit vox ἀντίλυττον. Nimirū Christus vitam suam dedit pro nobis, ut expiaret peccata nostra, & nos ab omni potestate diaboli liberatos æterna vita donaret. Itaque revera dedit seipsum ἀντίλυττον ὑπὲρ ἡμῶν. Hoc λύττον Ignatius epist. 6. ad Philipenses eleganter appellat dotē ecclesiæ, q̄ a sponso suo Christo accipit. Verba Ignatii vide supra ad titul. Jesus. Cæterum omnes miseriæ & cruciatus, quos Christus à prima statim nativitate usq; ad extremū halitum in ara crucis sustinuit, præcipuè verò mors crucis, exquisita illa, illiq; dolores cumulatè sumti de quib. Esa. 53. hæc inquam, omnia sunt pretiū satisfactionis Jesu Christi. Intellige satisfactionem sive solutionē propriè dictam, quæ est plena & adæquata: non verò impropriad & catachresticā, quæ dici solet acceptilatio, & est ficta & imaginaria solutio, dum acceptum refertur, & pro soluto habetur, quod revera solutum nō est. Huiusmodi solutio nō est tribuenda Christo. Nam il-



le ex divino, benevolo, ac iusto decreto, pro sua erga Patrem obedientia, & erga homines charitate, seipsum ultro ac spontè vadem & sponsozem pro nobis, nostrq; scilicet loco & bono, sistens, pro nobis pœnas omnes luit peccatis nostris debitas, easq; perferendo & exhauriendo, divinæ justitiæ satisfecit, meritoque suo nos ab ira, maledictione Dei, ac morte æterna liberavit, justitiam & vitam æternam acquisivit, ad justitiæ misericordiæque Dei declarationem, nostramque salutem.

**MACABÆUS.** Hoc nomen ortum putatur ex quatuor illis literis מַכַּבִּי quibus pro tesserâ militari utebantur Aslamonæi in vexillis suis. Nam si componantur quatuor istæ literæ, efficitur vox מַכַּבִּי. Sunt autem istæ literæ desumptæ ex G. 14. v. 11. Exodi, מִי בְּכֹרֶה בְּאֵלִים יְהוָה. *Quis sicut tu inter deos Jehova?* Ceterum Macabæi usurparunt istud symbolum, ut ostenderent, se sub Michaële, ductore illo populi Dei, militare, quæ Antiochi idolis, i. e. antichristo & jusque regno, quorū typum ille gerebat, opponebant. Scaliger tamen existimat Judam filiū Mattathiae solum cognominatum fuisse Macabæi, idq; jam à puero: & probat ex antiquissimis Judæorum monumentis, leonem ejus vexillo intextum fuisse. Idem tradit, omnes qui propter religionis Judaicæ professionem variis persecutionibus fuerunt exerciti, à Judæis Hellenistis appellatos fuisse Macabæos; etiam illos, qui ante Judam Macabæum vixerunt. Itaque Judas hoc cognomen accepit à puero tanquam propheticum: ut significaretur, ipsum fore eximium inter Macabæos ducem,

**MACARISMI.** Sunt hymni in com-

memorationem beatitudinis sanctorum. Μακαρισμός propriè est beatificatio, & & per metonymiam hymnus testificans beatificationem.

**MACROCOSMUS.** Est magnus mundus, cōstans ex cœlo & terra, & creaturis in eo contentis. Nam μακρὸς est lōgus & magnus: κόσμος, mundus. Huic opponitur microcosmus, i. e. parvus mundus, ut est homo.

**MACTO.** Propriè est mactum, id est, magis auctum facio, augeo, magnifico. Hac voce sæpe utitur Arnobius: ut cū lib. 7. advers. gent. ait: *Ego contumelia proximum, quinimò esse plenam contumeliam judico, cū honorari ab homine Deus dicitur, & muneri alicujus oblatione mactari. Etenim si honos augeat ejusq; accumulatur dignitatem, cui fuerit attributus sequitur ut auctior Deus fiat ab homine, à quò fuerit munere & honoris collatione donatus. atque ita eò perducitur res, ut inferior Deus sit; qui honoribus mactatur humanis.* Hoc vult doctissimus pater, Deum nō ita honorari à nobis, ut homines honorantur. Nam hominibus aliquid accedit per honore, qui ipsis defertur: at Deus nō fit melior aut beator nostrō cultu & honore, sed tantū ejus perfectio & majestas agnoscitur, prædicatur, amatur. Hinc Ps. 69. 31. dicit vir sanctus מְגַלֵּלֵנוּ בְּתוֹרָתוֹ μεγαλυνῶ αὐτὴν ἐν αἰνέσει Magnificabo eum in laude, h. e. laudabo ipsius magnitudinem. Confer 2. Sam. 22: 26. Psal. 35. 27. Luc. 1. 46: Deinde mactō est jugulo sacrificii causā. Hęc significatio huic verbo ex eo tributa est, quòd, cui sacrificatur, is mactatur, id est, augeatur honore: & ipsa quoque pecus sic honoratur, dum à profano usu segregata in sacrum deputatur. Dicitur autem mactare Deum hostiā, id est, honorare: usitatus mactare Deo hostiam.

**MACULA.**

**MACULA.** Est corporis, vel animæ. Macula corporis est vitium in corpore hominis, vel in aliis rebus, ut in animali offerendo *Exod. 12. 5.* Macula animæ est ipsa interna peccati indignitas, quæ Scholasticis appellatur reatus culpæ.

**MAGI.** *Matthæus ca. 2.* magos appellat, qui fuerunt, non carminum superstitionum & præstigiarum artifices, sed viri sapientes, & docti, & ii quidem reguli, seu toparchæ ditionis Persicæ: quæ illa ætate proprium regulum habebat, qui parebat regi Parthorum, ut ait Strabo. *Epiphanius in compendio fidei*, putat venisse hos Magos ex Arabiæ quadam regione, quæ ipse Magodiam nominat: ita ut Magi appellatio hîc sit nomen ἐθνικόν. Sed nulla est regio in Arabia hoc nomine: neque à nomine Magodia formari potest nomen gentile Magus. Μαγὸς est mimus utriusque sexus personas assimilans: & μαγία est tale artificium. Sed quid hæc ad nostros illos Magos? Errant & illi, qui existimant nomen μάγος esse Græcum, à μάγισ, *pinso*. Nam neque ulla ratio hujus etymii potest adferri: & Plato, Xenophon, Strabo, Plinius, Diogenes Laërtius, atque alii docent Persicum id esse vocabulum. Hoc igitur primum constare debet, Magos propriè dictos, Persarum sapientes fuisse, vel sacerdotes. Nam Herodotus, Strabo, & alii, præcipuum illorum officium fuisse ostendunt, ut sacra Persarum curarent, & sapientiam profiterentur. Græci cum de Persicis rebus hanc vocem usurpant, nunquam aliter accipiunt: at longè aliter, cum de magis illis, qui inter ipsos Græcos occultarum artium notitiam profitebantur. Tunc enim in malam partem, ut plurimum, id verbi accipitur; quia plerique religionis

& arcana scientiæ obreptu, artes maleficas exercebant: unde querela illa Plinii, & cum ipsius, tum aliorum multorum detestatio magiæ. *Philo Iudæus* variis locis duplicem facit magiam: legitimam unâ, circa cognitionem naturæ versantem, Regibus maximis, præsertim Persarum, coli solitam: alteram *ἡδαιμονία τῶν τελετῶν*, adulterationem prioris. Porro dum Evangelista ait Magos nostros venisse ab Oriente, intelligit Magos Persarum: quia historiæ non commemorant alios Magos Orientis, nisi Persarum. Justinus, Epiphanius, & alii istos ex Arabia venisse scribunt: & Theophylactus de Bileami posteritate fuisse ait, qui fuit conductus à Balako Moabita, adeoque in Moabiam (.quæ sanè est pars Arabiæ.) accitus. Sed Bileam fuit Interamnâs è Mesopotamia, ut constat ex *Numer. 23. v. 7. & Deuter. 21. vers. 4.* Quomodo itaque tam subitò in Moabia potuit unica ipsius prophetia tot Magos parere? Melius itaque Chrysostomus, & alii statuunt, Magos illos fuisse Persas. Ita quoque sentit *Basilius Magnus*, cujus verba in Nativitate Christi de his Magis ita habent: ἐθνὸς Περσικὸν οἱ μάγοι, *Magi sunt populus Persicus*. Persæ igitur erant hi Magi, qui Christum adoratum venerunt. An autem isti Magi reges erant? an tres duntaxat? an denique ipsorum nomina vera à majoribus prodita sunt? Resp. ad 1. Verisimile est fuisse regulos, sive toparchas. Hoc certum est, fuisse homines splendidos, & alicujus nominis. In hymno, qui cani solebat die Epiphaniæ, hæc leguntur:

*Hunc canit laus chorus angelorum,*

*Stella declarat: veniunt Eoi*

*Principes digno celebrare cultu*

*Mystica dona.*

Mm 3

*Thus*

*Thus Deo, myrrham trocleten humando,*

*Braſſeas regi Chryſeas decenti:*

*Dum colunt unum, meminere trino*

*Tres dare terna.*

Hic appellantur Principes. Quod attinet ad vocabulum *trocleten*, Chlichtovæus interpretatur rotundam: Siberus, Troglodyticā, de qua Dioscorides. Resp. ad 2. Sicut probabiliter potest differi, fuisse reges: ita quoque fuisse tres. Fermè id colligūt ex numero donatorum, de quo paulo antè in hymno. Plerique scriptores hunc numerum asserunt: ut Juvencus,

*Aurum, thus, myrrham, regique, hominique,*

*Deoque*

*Donaferunt* — Sedulius ita canit:

*Thura dedere Deo, myrrbā tribuere sepulto:*  
Per aurum, Christi regnum: per thus, ejus pontificatus: per myrrham, mors significabatur. Thus ad sacrificium, aurum ad tributum, myrrha pertinet ad sepulturā, ut ait Fulgentius. Sic & alii passim. Resp. ad 3. Beda habet hæc nomina Melchior, Caspar, Balthasar: *Zacharius* Chrysopolitanus ista Hebraica, ut ait, Apellius, Amerus, Damascus: idem & Petrus Comestor hæc Græca, ut volunt, Magalath, Galgalath, Saracin: *manuscriptum* Græcum ista, Ator, Sator, & Peratoras. Sed meræ sunt hario-lationes.

**MAGISTRATUS.** In abstracto est honor, sive dignitas, & officium ejus, qui magister sive præfectus est. In concreto significat ipsam personam, quæ honorem istum gerit. Eleganter hanc in sententiā Festus ait: *Magistratus, qui per imperia potentiores sunt, quàm privati.* Quæ vox duabus significationibus notatur, nam aut personam ipsam demonstrat; ut cùm dicitur, magistratus jussit: aut honorem, ut cùm dicimus, Titio magistratus datus est. Idem hanc vocem deducit à ma-

gistrare, quod exponit regere, temperare, moderari. Cæterum potestas magistratus, quæ est ab ipso Deo, distinguenda est ab infidelitate & improbitate, quæ à pravo magistratus animo existit. Distinguenda, inquam est, ut τὰ ἐξ αὐτοῦ, & officiū à vitio. Neque enim nostra vitia ordinationi Dei per se bonæ vel possunt, vel debent esse præjudicio. Oportet itaq; etiam *δυσπόλῳ* magistratui obedire. Rom. 13. 1. ubi Apostolus ait Omnis anima: quæ verba Bernhardus eleganter sic explicat: *Omnis anima potestatibus sublimioribus subdita sit. Si quis tentat excipere, conatur decipere. Si omnis, & vestra. Quis vos exceperit ab universitate?*

**MAGNALIA.** In veteri Latina versione sic dicuntur magnifica, & in primis æstimanda opera. Exod. 14. 13 Deut. 10. 21. & 11. 2. 2. Sam. 7. v. 21. 22. 2. Reg. 8. 4. 1. Chron. 17. 19. Psal. 106. 21. Act. 2. 11. Sap. 8. Eccles. 1. & 17. & 18. & 36. & 42. 2. Maccab. 3. Græcè dicuntur μεγαλεῖα. Sic 1. Chron. 17. 19. & Psal. 71. 19. *לְעוֹלָם* LXX. vertunt τὰ μεγαλεῖα.

**MAGNUM SABBATUM.** Septimana ante Pascha Patribus Græcis appellatur μεγάλη ἐβδομας. Infima Latinitas vocavit *Poenosam*, ut apud Bernhardū. Feria quinta illius septimanæ dicta est ἡ ἀγία καὶ μεγάλη πεντὰς, sancta & magna feria quinta: quia isto die Christus est crucifixus. Diem sequentem dixerunt *magnum sabbatum*.

**MAGOG.** Fuit filius Japhethi Gen. 10. 2. Ab illo ortæ sunt duæ gentes, Gog & Magog, & ab his Scythæ, qui & Magogi dicuntur. Hodie quoque supersunt vestigia duorum istorum nominum. Sunt n. in Tartariā duæ regiones, quas illi Gug & Mungug appellāt. Porro Ezech. 38. 2. junguntur Gog & terra Magog: & Apocal. 20. 8. Gog & Magog. Utrobique significatur omnes adversarii regni Christi per synec-



necdochen. Fortassis Gog significat hostes Christi tectos, Magog apertos. Nam <sup>23</sup> Hebræis est tectum. Breviter Cōcord. Lat. vulg. vers. ajunt: *Magog & Gog hostes ecclesie significant.*

**MAJESTAS.** Est vera, vel apparēs. Majestas vera est vel infinita, independens, & illimitata, ut est gloria Dei *Exod.* 40. 35. *Num.* 14. 22. *Deut.* 5. 24. 2. *Chron.* 7. 1. *Pf.* 29. 3. *Prov.* 25. 27. *Matth.* 14. 28. &c. vel finita, dependens, & limitata, ut dignitas magistratus *Iud.* v. 8. Majestas apparens est idolorū, ex idololatrarū hypothesi *Act.* 19. 27.

**MALEDICO.** Aliquis maledicit verbo, vel opere. Sic maledictio divina non est tantum verbi, sed etiam aliquādo rei. Sic etiam Deus benedicit verbo & opere. Deinde maledictio est legitima, vel illegitima. In Concordantiis Lat. hæc habentur: Maledicit Deus hominibus peccatoribus, & reliquis creaturis propter homines peccatores, vel gratiā suam justè subtrahens, vel etiam pœnas temporales aut æternas peccatoribus infligens. Ibidem: Maledictio est vel Dei punientis, vel hominis maledictionem in alios justè vel injustè efferentis.

**MALIGNUS.** Dicitur 1. de homine *Iob* 5. 12. *Pf.* 5. 5. & 10. 15. 2. de diabolo. 1. *Iob.* 2. 3. & 14. 6. 3. 12. 6. 5. v. 18. 19.

**MALIGNOR.** Est malè facio, malis afficio. 1. *Chr.* 16. 22. *Pf.* 37. v. 8. & 9. & 74. 3. & 104. 15. Legitur etiam maligno, are. *Psal.* 83. 4.

**MALIGNANTES.** Sunt malefici, & scelerati. *Psal.* 22. 17. & 37. 1. & 64. 3. & 92. 12. & 94. 16. Hinc ecclesia malignantium. *Psal.* 26. 5.

**MALOGANATUM.** Est 1. naturale *Num.* 20. 5. *Deuter.* 8. 8. 1. *Sam.* 14. 2. *Joel.* 1. 12. *Hag.* 2. 20. 2. artificiale *Exo.* 39. 25. 1. *Reg.* 7. v.

18. 20. 42. 2. *Chr.* 3. 16. & 4. 13. *Ier.* 52. v. 22. 23.

**MALUM.** Est aliud vitii seu culpæ *Gen.* 6. 5. aliud pœnæ, seu conditionis & afflictionis *Amos.* 3. 6. Malum istud pœnæ est vel bonum, quando pœna est justa: vel malum moraliter, adeoque & malum vitii, quando pœna est injusta.

**MAMMONA.** Vox hæc est Chaldaica, usurpata in Evangelio *Matth.* 6. 24. *Luc.* 16. v. 9. 11. 13. Significat divitias, à radice מן, nutrire, firmum esse: quod Mammon significet ea bona, quibus alimur, & quæ sunt nostræ caducæ vitæ firmitas.

**MAMMONA INIQUITATIS.** Variè exponitur, hoc modo. 1. divitiæ ab injusto homine iujustè acquisite. 2. divitiæ plurimum cum injustitia insumtæ. 3. divitiæ dantes occasionem injustè agendi seu peccandi. 4. divitiæ mendaces, fallaces & incertæ. Quæ postrema explicatio confirmatur hunc in modum. *Luc.* 16. 11. opponuntur inter sese Mammona & ἀλὴνός, id est, injustus & verus. Bona terrestria non sunt vera bona, si comparentur cum cœlestibus: sed sunt injusta, si quis ea habeat pro veris. Nam quemadmodum injusti homines fallere eos solent, qui ipsis fidunt: ita opes mundanæ fallunt possessores suos, qui eis nituntur, & eas perpetuas somniant.

**MAMMA.** Est 1. membrum nativum corporis. 2. mystica pars in corpore ecclesiæ *Cant.* 4. 10. 3. symbolum idololatriæ. *Ezech.* 23. v. 3. 17. 21.

**MAMZER.** Hæc vox occurrit *Deut.* 23. 2. Non ingreditur Mamzer in ecclesiam Dei. Significatur autem hac voce omnis, qui est natus ex muliere non conjugæ. Græci scribunt μανζῆς. Et Papias similiter: Manzer filius scortis. Vox Hebræa devivatur à זר alienus: ita ut זר

fit valde alienus, scil. à legitima familia. Nam duplex <sup>2</sup> intendit hoc loco significationem. Cæterum Mamzer prohibetur ingredi ecclesiam, non simpliciter, sed ita, ut nō fungatur publico aliquo munere: sc. ordinariē. Nam Jephthe extra ordinem gessit magistratum in populo Dei: licet esset spurius.

**MANDA REMANDA. EXPECTA RE-EXPECTA.** Vetus interpres Latinus sic vertit verba Hebraica *Esa.* 28. 10. קִי לְקַרְרָא q. d. præceptum præcepto cumula, & indefinenter expecta: nihil efficies. Adeo indociles sunt Judæi. Alij interpretantur hoc modo: *Præceptum ad præceptum, linea ad lineam, seu regula ad regulam*; ita ut hic sit sensus; Judæi sunt indociles, quocunque tandem modo tractentur, sive accurata, sive puerili institutione, ut solet cū rudioribus agi per iterationes præceptionum, ac delineationes ad oculum expressas.

**MANDRA.** Hæc vox origine est generalis, ut Latinis mansio & habitatio. In specie est stabulum pecorum, & monasterium. Hinc *archimandrita* est præfectus monasterii, In Novell. Iust. 5. & 123. ita legere est: τὸν ἀρχιμάνδριτον ἢ τὸν ἀρχιμανδρίτην.


**MANDRAGORA.** Legitur hæc vox in versione Latina Bibl. *Genes.* 30. v. 14. 15. 16. & *Cant.* 7. 13. pro Hebræa מַדְרָגָא quam Junius putat significare flores elegantia & odore amabiles. *Augustinus* lib. 22. contra *Faustum* c. 56. vocat pomum mandragoricum, & ait, se poma ista gustasse, & comperisse pulchra & suaveolentia, sed sapore insipido. Addit: se ignorare, cur mulier ea tantopere concupiverit, nisi fortè propter pomi raritatem, & odoris jucunditatem. Alii alia tradunt.

**MANDUCO.** Est 1. manducatio corporalis, sive oralis. *Exod.* 32. 6. *Iohan.* 6. 5. 2. spiritualis, quæ fit ore fidei. *Iob.* 6. v. 50. 51. 53. 54. 56. 57. 58. 1. *Cor.* 10. 3. 3. sacramentalis, eaque vel nuda, solorum symbolorum, vel conjuncta cum spirituali 1. *Corinth.* 11. 24.

**MANE, THECEL, PHARES.** Hæ voces leguntur *Dan.* 5. 27. in versione Latina veteri, & apud LXX. In originali sic leguntur מְנִי תִקֵּל וּפְרָסִין i. e. *Numeravit, appendit, & dividentes.* Hæc est scriptura manus Dei, qua Balsafari divinum judiciū denuntiabatur; quod nempe Deus numerasset regnum ejus & complevisset, regem ponderasset ac justo leviolem invenisset, regnoque indignum: quod iccirco cessit Medo & Persæ: ad quas voces alluditur.

**MANNA.** Forma vocis est Chaldaica: Hebraicè *Man*, id est, paratum, scil. ad edendum: à radice מָנָה. In Piel est מָנִה præparare, destinare, distribuere. Itaque Manna est portio jam præparata & unicuique destinata diviniūs. Color & usus ejus describitur *Num.* 11. Est autem manna illud typus partim Christi, qui est nobis panis vitæ à cælo descendens, & famem nostram explens, suavitē que animam nostram reficiens: partim jucunditatis gaudiorum, quæ est in vita æterna. Hoc est manna illud occultum, de quo *Apoc.* 2. 17. Cæterum manna illud Israeliiticum non habuit causam aliquam naturalem, qualem habet manna Syriacum, Germanicum, & Calabricum: quibus nonnulli addunt manna Polonicum, & manna rusticorum. Accipe tabellam hanc de re.

Manna



**MANE JUNCTUM VESPERI.** In hymno Ambrosii *Lucis creator optime* legitur hæc phrasis hunc in modum:

*Qui manè junctum vesperi  
Diem vocari præcipis.*

Nimirum ex vespere & manè dies unus extitit, Genes. 1. Hinc Judæi initium diei capiunt à vespere: quemadmodum feriarum celebritates religiosæ apud Christianos ab eadem incipiunt.

**MANEO.** Significat stabilitatem 1. corporalem Genes. 19. 2. mysticam, eamque vel *ἡ ζωὴ αἰώνιος* in SS. Trinitatē Ioh. 14. 10. vel præsentia gratiosæ Dei & unionis nostræ cum Christo. 1. Ioh. 1 & 2.

**MANICHÆUS.** Propriè est adjectivum, & significat eum, qui ad Manem pertinet: sed usurpatur pro ipso Mane, hæresiarchâ, qui in epistolâ quadam sic scribit: *Μανιχᾶς ὁ δούλος Ἰησοῦ Χριστοῦ.*

**MARAN ATHA.** Legitur 1. Corint. 16. 22. Sunt voces Syriacæ, quas Hesych. ita vertit: *ὁ κύριος ἡλθεν.* Adde: *κύριος ἡμῶν,* Dominus noster. Hieronymus ait: *Maran atha* magis Syrum est, quàm Hebraicum, tametsi ex confinio utrarumque linguarum aliquid & Hebraum sonet, & interpretetur, Dominus noster venit; ut sit sensus: Si quis non amat Dominum JESUM CHRISTUM, anathe-

masit, & illo completo deinceps inferatur, Dominus noster venit; quod superfluum sit adversum eum odii pertinacibus velle contendere, quem venisse jam constet. Lutherus vertit Anathema Maharam Motha, & in suis notis ad versionem Germ. sic ait: *Ban auff Deutsch / An thema auff Griechisch / Maharam auff Ebreisch / ist ein Ding. Moth aber heist todt. Will nun S. Paulus sagen / Wer Christum nicht lieb hat / der ist verban zum Tode.* Vide Levit. 6. Hactenus Lutherus. Sed huic lectioni & expositioni repugnant codices Græci, Syriaci, & Latini. Quare hic sensus merito admittitur: Qui JESUM CHRISTUM non diligit, sit anathema, id est, maledictus: & ne hoc judicium servorum Dei & ecclesiæ contemnatur. Ecce Dominus venit, qui id exsequetur. Confer Iuda vers. 14. 15. His ergo verbis indicatur species extremi anathematis; cum quis judicio Dei, tanquam piaculum, relinquitur. Hoc anathematis genus Rabbini vocant *נִדְּבָשׁ*. Habent illi tres species anathematatum. 1. *נִדְּבָשׁ*, cum quis, ut immundus, ad tempus ab hominum consorcio, aut ex cœtu ecclesiæ excluditur. 2. *נִדְּבָשׁ*, cum quis, se non emendans, ex populo suo excinditur. 3. *נִדְּבָשׁ*, extrema imprecatio, qua quis pro maledicto habetur.

Nn

betur.



betur. Prima vox est **אָרָר** *removere*, secunda **אָרָר** *devovere*, tertia composita ex **אָרָר** *Deus venit*: nisi malis ex **אָרָר** *ibi mors*.

**MARE.** Hæc vox in Apocalypsi ut plurimum ipsum doctrinæ publicæ gen<sup>9</sup> indicat. Deinde sæpe significat Occidentalem orbis partem, quâ ea mari mediterraneo alluitur. Sub quo nempe tractu hæc regiones continentur, Asia minor, Europa universa, & quidquid insularum intra vel extra maris mediterranei claustra huic terræ tractui adjacet. Sed redeamus ad primum significatum. Mare ipsum cum doctrina per se considerata non habet magnam convenientiam, sed cum doctrinæ publicæ diffusæ corpore, quatenus illud catholico credentium cœtui commune est, & quatenus ejusdem qualitas è cœlo immediatè afficitur. Confer *Apocal.* 15. cum *Ezechiel.* 47. 8. 9. 10. 11. Per hujus maris puritatem vel impuritatem animalia vel vivunt, vel moriuntur, hoc est, Christiani vitam vel mortem æternam habent præmium. Vide *Actor.* 10. 12. ubi Petro in pictura animalium spectandus exhibetur cœtus omnium vocatorum, qui Christianam religionem quocunque modo profitentur. Horum vita & mors æterna in doctrinæ puritate vel impuritate consistit. Ergo per mare, per cuius qualitatem hi vivere vel mori dicuntur, doctrinæ publicæ status & conditio significatur. Hoc mare *Apocal.* 21. 6. dicitur non ampliùs extare in cœlesti Jerusalem: quo nihil aliud significatur, quàm doctrinæ publicæ usum & exercitium ibi non habere locum. Porro *mare sanguinolentum Apocal.* 8. 8. & 16. 3. significat doctrinam publicam impuro traditionum ctuore infectam.

**MARE MAGNUM.** Ita in Scripturis vocatur mare mediterraneum: magnum scilicet ad differentiam aliorum minorum in terra Israelitica, ut sunt mare Genesarethanum, mare salis. Idem mare mediterraneum etiam vocatur mare posterius, seu Occidentale, quia terræ sanctæ situm est ad Occidentem.

**MARE RUBRUM.** Sic appellatur sinus Arabicus, non certè à colore (nam colore non abhorret à cæteris, ut ait *Curtius libro octavo.*) sed ab Erythro rege, qui ibi regnavit. Is autem fuit Esau, cognomine Edom, id est, *עֶדֶם*, *ruber*. Vide locum *1. Regum* 9. vers. 26. Cæterùm in sacris hoc mare appellatur **אֲדָמָה** id est, *mare junci, sive algæ*; quia hujusmodi plantæ in litore nascuntur, ut docet *Strabo libr.* 16. Fallitur itaque *Benjamin*, qui tradit in itineratio, *jam suph* ita dici, quasi mare finis, quod sit mare ultimum terræ sanctæ. Nam **אֲדָמָה** non est finis, sed **אֲדָמָה**. Deinde mare mediterraneum æquè est in extremitate Judææ atque rubrum. Porro mare rubrum seu carecti etiam dicitur mare Egypti.

**MARESALIS.** Est lacus ille salugine infectus, mistus cœlesti pluviz, qua fuerunt everfa Sodoma, Gomorrha, Adama, & Zeboim cum suis vicis. Lacus ille usitatè dicitur *Asphaltites & mare mortuum*.

**MARE FUSUM.** Erat vas æreum, & amplum in templo, ubi sacerdotes ad altare ascensuri antè manus & pedes abluebant. *Ioseph. libr.* 8. *antiq. cap.* 2. de Salomone: *Fecit etiam vas æneum senioribus specie, quod propter capacitatem appellatum est mare. Erat enim labrum patens per dimetientem lineam in cubitos decem, crassitudine palmari: ejus meditullium sustinebatur spirâ decies multiplicatâ.*

*plicata; cujus dimetiens linea fuit cubitalis.* Et paulò pòst: *Capiebat autem hoc mare congiurum tria millia.* 1. *Regum* 7. 26. dicitur cepisse duo millia batorum: 2. *Paralip.* 4. 5. tria millia. Ibi est sermo de aridis, hîc de liquidis. Nimirum sæpe usu venit, ut eadem sint mensuræ aridorum & liquidorum; & tunc aridorum minores sunt, liquidorum majores. Alii sic conciliant, quòd minor fuerit ea mensura, quæ ordinariè inferebatur, major autem tota capacitas, usque ad summitatem labri.

**MARE VITREUM.** *Apocalypsis cap. 15.* hac phrasi significat cœlestem illam veritatem, quæ in scriptis Prophetarum & Apostolorum revelata est. Hæc enim est sincerum, immutabile, & nulla humanarum traditionum admistione corruptum mare, ex quo omnia salutaris doctrinæ flumina in totum mundum derivantur. Vitrum est res solida, similis substantiæ, pura, pellucida, incorruptibilis: unde Hebræis זכוכית אֶתְנֵן *purus, simplex, intemeratus fuit*, dicitur. Per mare itaque vitreum ejusmodi doctrina intelligenda est, cui hæ vitri proprietates conveniunt. Talis autem est doctrina verbi Dei. *Psal.* 12. 19. & 119. Est, inquam, hæ doctrina sola 1. solida, immutabilis, & nusquam cedens. 2. semper & ubique sibi similis. 3. pura. 4. perspicua. 5. incorrupta, respuens omnium mixturam, additionem & detractionem propter partium suarum soliditatem. Porro ad hoc mare dicuntur cantare citharædi Dei *Apocal.* 15. Per hos cantores intelliguntur Danielis זְבִילֵי מִשְׁכָּן *cap. 11.* hoc est, testes Jesu Christi, qui citharis, hoc est, cœlestibus donis, instructi, piâ constantia verbum Dei prædicando, suo concentu musico

gloriam Christi celebrant. Hi soli sunt accolæ istius maris, iique perpetui. Alii mare vitreum interpretantur de perfectione bonorum cœlestium. *Mare profundam copiam & abundantiam notat.* Vitreum autem illud dicitur propter claritatem & puritatem. Ideo etiam *Apocal.* 4. 6. describitur ut simile crystallo, qui est splendidus, solidus, ac stabilis. At *cap.* 15. 5. dicitur *mixtum igni*, qui luce & calore suo figurat sapientiam & sanctimoniam à Spiritu sancto effectam, per quam Deum videmus, & in eo vitaliter calemus. Alii mare hoc figurat sapientiam Dei, cui omnia, quæ in his terris geruntur, tanquam in crystallino speculo evidenter in cœlis repræsentantur. Alii denique hæc ita explicant. Mare vitreum, crystallo simile, igni mixtum, coram throno Dei, significat abyssum divinæ sapientiæ, cui omnia clarissimè sunt cognita & perspicua, & bonitatis ejus cum justitia conjunctæ, quam exerit erga nos in Christo per efficacitatem Spiritus sui sancti, quæ in sacris literis aquæ & igni comparatur, quia nos purgat à sordibus, refrigerat contra æstum iræ Dei, fecundat ad proferendos fructus bonorum operum; & nos ad Dei amorem inflamat atque fovet in vigore fidei & pietatis; & consolidat adversus pericula & tentationes. Ex eodem illo mari cœlesti omnis salus derivatur in ecclesiam militantem & triumphantem, à throno DEI, qui est thronus tum justitiæ tum misericordiæ, cum omni sapientia, & veritate, ac potentia.

**MARIA.** Multæ scæminæ hoc nomine præditæ occurrunt in Scripturis.

1. Soror Moſis & Aharonis. *Exod. 6. Num. 12.* 2. Mater Domini noſtri Jeſu Chriſti *Matth. 1. Luc. 1.* 3. Maria Magdalena. *Matt. 27. & 28.* 4. Maria mater Jacobi & Joſeph. *Matth. 27. verſ. 56. 61. cap. 28. 1. Marc. 6. 3. c. 15. 40. c. 16. 1. Luc. 24. 10.* 5. Maria mater Johannis Marci. *Actor. 12. 12.* 6. Maria ſoror Lazari *Luc. 10. & Ioh. 11.* 7. Maria Cleopæ. *Iohan. 19. 21.* 8. Pia quædam matrona Romæ. *Rom. 16. 6.* Hic diſputatur, an una eademque fuerit fœmina, Maria Magdalena, & peccatrix illa *Luc. 7.* de qua dicitur, *Dilexit multum*, id eſt, fidem copioſam declaravit, οὐ νομικῇ ὀπιδιώξει, ἀλλὰ σπουδῇ ἐκγυσίω, ut eleganter ait Cæmærius.

MARIA VIRGO. Vox Maria Hebræis ſtillam ſive guttam maris ſignificat, vel etiam mare amarum. Hieronymus affirmat, Syris dominam ſignificare. Superſtitioſa barbaries ex ſtilla maris ſtillam fecit. Quod etymon etiam ſequitur Bernhardus. Variis elogiis hæc mater Domini inſignitur: è quibus multa ſunt idololatrica, ut quod appellatur Domina noſtra, mater gratiæ, patrona, advocata &c. multa convenientiſſima, ut αἰετρεῖς Ἰὺν &c. ſemper virgo, Θεομήτωρ, Dei mater: Θεοτόκος, Deipara: multa denique ambigua, quæ commodam interpretationem poſtulāt, ut quando appellatur fenestra cœli: à Fulgentio & Gregorio Magno: per quæ ſc. fenestram natus eſt in terris Filius Dei, non per quam ingrediamur in cœlum. Ita etiam Fulgentius: Facta eſt, inquit, Maria fenestra cœli: quia per ipſam Deus verum fudit ſeculis lumen. Poſteſt etiam alia huius nominis adferri ratio ex *Actio lib. 2.*

Virginis hærebant immotis viſcera clauſtris  
Haud aliter, quàm cum purum ſpecularia lu-

men

Admittunt: lux ipſa quidem pertransit, &  
omnes

Irrūpens laxat tenebras, & diſcutit umbras:  
Illa manent illaſa —

Vide Tertullianum de carne Chriſti. Adferuntur & aliæ ſimilitudines de hac mirabili nativitate Chriſti ex virgine, in *Proſa Adami Victorij*:

Si cryſtallus ſit humectæ,

Atque ſoliſit objectæ,

Scintillat igniculum.

Nec cryſtallus rumpitur:

Nec in partuſolvitur

Pudoriſignaculum.

Et paulò poſt:

Cur quod virgo peperit

Eſt Iudæiſcandalum?

Cum virga produxerit

Sicca ſic amygdalum.

Ibidè adfertur ſimilitudo ſumta à vellere Gedeoniſ, quæ erat impenetrabile nimbiſ Iudic. 6. In Antiphonâ δ admirabile commercium hæc eleguntur: Rubum, quem viderat Moſes incombustum, conſervatam agnovimus tuam laudabilem virginitatē Dei genitrix. Te laudamus Deus noſter.

MARTYR. Martyres vocat Eccleſia, qui Chriſto dederunt teſtimonium; & pro veritate cœleſti labores, ludibria, ærumnas, cruciatus corporum, exilia, ac mortem denique fortiter ſuſtulerunt, & pro ludo habuerunt. Unde Prudentius:

Tormenta, carcer, ungula,

Stridensque ſtammis lamina,

Atque ipſa poenarum ultima

Mors, Chriſtianiſ ludus eſt.

Hi ſunt, qui, ut eſt in hymno,

Terrore victo ſeculi,

Spretiſque poenis corporiſ,

Mortuiſ ſacra compendit

Vitam beatam poſſident.

Vires



Viros plerumque *μεγαλομαρτυρας*, ut  
fœminas *καλιμαρτυρας* appellabât. Por-  
rò martyrium distinguitur in incruen-  
tum & cruentum; & hoc propriè posi-  
tum est in morte ultronea ob causam  
Christi *Apoc. 17. 6.* Augustinus in *Psal.*  
127. ita scribit: *Seculi homines infelicitè felices sunt. Martyres autem feliciter infelices erant.*  
*Erant enim ad tempus infelices, sed in æternum felices: & in eo ipso, quod erant ad tempus infelices, putabantur magis infelices, quàm erant.*  
*Quid enim dicit apostolus? Quasi tristes, semper autem gaudentes. Quare semper? Et hic & ibi, prorsus hic & ibi. Hic enim unde gaudemus? De spe. Ibi unde gaudemus? De re. Magnum gaudium habet spes gaudentis. Et, si spes gaudentes, videte, quid sequitur, in tribulatione patientes. Martyres ergo ideo in tribulatione patientes erât, quia spes gaudebant.* Porrò martyrium significat 1. actionem seu confessionem martyris, quâ testatâ facit fidem suam. 2. sententiam, quam martyr sua confessione enuntiat. 3. passionem, quæ ab hostibus propter veritatis confessionem infligitur. 4. locum, ubi martyr est sepultus.

*משכילים*. Apud Daniele *c. 12.* duobus attributis ornantur testes veritatis, id est, fidi pastores verbi:

*משכילים ומעריקים רבים*, Eruditi, vel, Erudientes, & qui multos ad justitiam informant. Prius vocabulum propriè illos indicat, qui excellentibus ingenii dotibus præditi sunt. Et, si R. Salomoni credimus, prophetarum orales interpretes, qualis fuit Baruch, olim peculiariter hoc vocabulo sunt appellati. Per posterius vocabulum designatur illorum officium, per quod dona illa ad specialem usum transferuntur, dum videl. multos ad veræ justitiæ semitam voce & exemplo revocant. De voce *משכיל* observa, illam

verti activè & passivè. Si prior versio in loco Danielis retineatur, vox *משכיל* notabit habirum, *מעריקים* actum; si posterior, *משכיל* & *מעריקים* different ut genus & species.

**MASORA.** Legitur etiam *Massora*: item *Masoreth* ac *Massoreth*. Occurrit hæc vox *Ezech. 20. 37.* & significat traditionem in genere. In specie *Masora* est doctrina critica à priscis Hebræorum sapientibus circa textum Hebræum veteris Canonis ingeniosè inventa, quâ versus, voces, & litteræ ejus numeratæ omnisq; ipsarum varietas notata, & suis locis cum singulorum versuum recitatione indicata est, ut sic constans & genuina ejus lectio conservetur, & ab omni mutatione aut corruptione validè præmuniatur. Authores ejus dicuntur *Masoretha*.

**MATERIALE.** Vide **PECCATUM**.

**MATRICULARIUS.** Ita dicebatur ecclesiæ æconomus, quod matriculam bonorum ecclesiæ haberet. In *Gloss.* *Isid.* hæc legere est: *Matricularius, pauper, inops.* Nimirum matricularii isti erant tenuis conditionis homines.

**MATUTINUS.** Judæi diem naturalem (.quem alii vocant artificialem.) in horas *καιεμας* duodecim diviserunt. Ex quibus intervalla quatuor, Primam, Tertiam, Sextam, & Nonam præcipuè observarunt, & nonnullas ex iis cultui divino, & sacris ceremoniis tribuerunt. Eam cōsuetudinem retinuerunt, qui recens ex Judaismo nomina dederant Christo Domino: & horas matutinas antelucanis cœtibus dicarunt; reliquas assignarunt rerum sacrarum inquisitioni, & rursus precibus, cum privatis, tum publicis. Cum autem posterioribus seculis *ασησους*, & exercitationum studia institue-

rentur, factum est, ut noctis etiam vigiliæ in quatuor officiorum quadrantes distinguerentur. Ex qua partitione remanserunt lineamenta veluti operis prisci Vespertini, Completorii, Nocturni, & Matutini appellationes. Quod etiam pertinent Liturgia Matutina, Liturgia Vespertina &c. Isidorus lib. 6. c. 19. ait: *Matutinum officium est in lucis initio à stella Luciferò appellata, quæ inchoante manet oritur. A voce Matutinus est Germanicum Mitter preces matutina.*

**MAÛSSIM**, sive **MAÛSIM**. Occurrit hæc vox *Dan. 11. 38.* *מַאֲסִים* robora, fortitudines, templa. Origo vocis est *מַאֲסִים* roborari. *lxx.* vertunt *θεὸν μαωζειμ*. Aquila translulit *θεὸν ἰαυωρ*, aliter *ἰαυωρ*, itemque *ἰαυωρ* & *ἰαυωρ*. Lutherus præfat. in Danielem vocem Maüsim refert ad templa & monasteria in Papatu, & vult in voce illa tangi missam, cujus causa illa ædificata: & **DEUM** Maüsim vocat *Kirchengott* / *Messiegott*: nomine Dei intelligens idolum Missæ, quam pro summo Dei cultu habent, eaque nituntur tanquam idolo. *Cunradus Graferus in histor. Antichristi illius magni exercit.* 4. vertit, *Deum basilicarum*, h. e. numen templarium, ein *Kirchengott*; qui nempe templis ædificiisq; sacris includitur aut affigitur, ibi quæritur, & ex iis opitulari creditur. Itaque per *deum basilicarum*, intelligitur universa idololatria Antichristi, quæ pendet à magnificis templis, & universo illorum apparatu. Alii referunt ad Mahumedem, qui colitur in templis Turcicis, quæ ipsis appellantur *Muesin*. Alii vertunt Deum summi roboris, itemq; Deum munitionum; & intelligunt Deum verum, seu deum populi Judaici; quem ajunt à Daniele vocari deum munitionum, id est,

templi & urbis Hierosolymæ: sicut *vers. 31.* per munitionem intellexit ipsam urbem. Illi ergo sic interpretantur; quod Antiochus loco Dei Maüsim sit honoraturus Jovem Olympium, quem non noverant majores ipsius: utpote qui alios habuerunt deos & deas, putà Apollinem, Dianam, Afargatidem: teste Strabone 16. geograph. Quod attinet ad versionem illam, *Deus basilicarum*: illa lucem accipit ex *Ezech. 24. 25.* ubi vocem *מַאֲסִים* Chaldaus vertit *domum sanctuarii eorum*. Nam *מַאֲסִים* transfertur etiam ad significandum locum fortem, palatium, templum.

**MAUSOLEUM**. Occurrit hæc vox in vulg. *vers. pro sepulchro 2. Chr. 35. 24.*

**MEDERI**. Fit 1. naturaliter. 2. *Chro. 16. 12.* 2. civiliter *Esa. 3. 7.* 3. spiritualiter *Iob. 5. 18. Esa. 61. 1. Thren. 2. 13.*

**MEDIA SALUTIS MEDIATA**, & **IMMEDIATA**. Deus nos ordinariè perducit ad salutem æternam per varia media: quorum alia sunt mediata sive remota, alia immediata sive proxima. Illis positis non illicò ponitur salus animæ; cujusmodi sunt prædicatio verbi, usus sacramentorum, cultus Dei externus, fides historica & temporaria, & similia: His positis ponitur indubitatè vita æterna; cujusmodi sunt fides, spes & charitas.

**MEDIATOR**. Vox hæc, theologis perusitata, tribus significationibus legitur in Bibliis. 1. de Deo, teste & iudice inter partes, *Iud. 11. 10.* 2. de Christo, qui inter Deum offensum & nps peccatores intervenit conciliator *1. Tim. 2. 5. Hebr. 8. 6. c. 9. 15. c. 12. 24.* 3. de Mose, qui sequester & medius fuit inter **DEUM** & populum. *Gal. 3. 19. Deut. 5. 5.* Cæterum variè dicitur media-

mediator : nempe 1. *arbitr*; qui cognoscit, discernit, & iudicat causam, an & quomodo iniri possit fœdus, aut fieri reconciliatio. 2. *internuntius*, qui hinc inde refert utriusque partis condiciones. 3. *intercessor*, qui unam partem pro altera orat. 4. *sponsor*, qui fide jubet, ac satisfacit pro altera parte : 5. *gubernator*, qui partem obnoxiam regit, ut pateat superiori. Ista quinque in Christi mediatione concurrunt : quippe qui est propheta noster, primo & secundo modo : sacerdos, modo tertio & quarto : & rex, quinto. Porro mediator est verus, vel typic<sup>9</sup> : item unionis, vel reconciliationis, seu unionis primæ vel redintegratæ : item ratione personæ, vel officii, vel utriusque.

*Μεγάλη ἡμέρα*. Sic *Iohan.* 19. 31. dicitur sabbatum, in quod incidebat feria Paschatis. Causa igitur est concursus alterius diei, cui nomen diei magni conveniat. Nimirum primus azymorum erat dies magnus, qui tum incidebat in sabbatum. Judæis *bonus dies* dicitur, dies festi- tate aliqua insignis, ut primus & postre- mus azymorum, & id genus alii.

*MELCHOM*. Ita scribit Latinus verus interpres pro Hebr. מלך 2. Reg. 23. 13. Est idolum Ammonitarum, astrum re- gium, putà שמש sol. Appellatur *Melech*, rex; & *Molech*, regnans; & *Malcom*, sive *Melchom*, sive *Milcom*, quod est nomen pro- prium ex appellativo. LXX. pro *Molech* habent μολώχ 1. Reg. 11. 5. & pro *Milcom* μελχώμ Amos. 5. 26. Cultus huius ido- li erat talis. Pater Filium tradebat sacer- dotibus, qui faciebant duos rogos ma- gnos, & inter hos puerum nudis pedi- bus incedentem traducebant. Quidam moriebantur, quidam superstites mane- bant. Putabant si pater unum ex filiis tra-

duceret, reliquos fore salvos, ac pattem in omnibus felicem. Fuit autem huius idoli apud Ammonitas templum in Ge- bal, in eoque simulacrum lapideum, au- ro obductum, & sellæ insidens.

*MELECHETH*. Est ex מלך opus. Vetus interpres, & alii quidam deduxe- runt hoc nomen à מלך regnavit; & ideo *Ier.* 7. 17. 6. 44. v. 17. 18. 19. 25. ver- terunt reginam cœli : cùm vertendum esset operi seu exercitui cœli, hoc est stellis, & nominatim soli, palmario operi Dei in cœlestibus. Nimirum Deus arguit ibi ἀσπολατρείαν.

*MEMORIALE*. Græcis dicitur μνη- μόριον. Sæpe occurrit apud veterem La- tinum interpretem : ut *Exod.* 13. 15. & 28. 12. *Lev.* 2. 2. *Esth.* 2. 23. *Psal.* 102. 13. & 135. 13. *Esa.* 22. 16. *Zach.* 16. 14.

*MENDAX*. Ita dicitur, qui falsum sciens dicit, fallendi causa. Hinc quod omnis homo dicitur mendax *Psal.* 116. metaphoricè intelligendum est. Sicut enim mēdax decipit te, si verbis ejus cre- das : ita homo, qui est res caduca, te non juvabit, sed spem tuam frustrabitur, si nimium de ipso præsumas. Confer *Psal.* 62. 10. Itaque LXX. μᾶταιον, κενόν.

*MENSA DOMINI*. Sic appellatur eucharistia 1. *Cor.* 10. 21. Quam exemplo apostoli Patres ita sæpe nominant : ut & mensam Dominicam, cœlestem, sacram, mysticam, spiritualem, rationalem, tre- mendam. Græcis Patribus dicitur πᾶ- ρεζα ἐπὶ τῷ κυρίῳ, ἱερὴ, μυστικὴ, φεικώ- δης, λογικὴ, πνευματικὴ. Apud Chryso- stomum etiam homil. 84. tom. 6. men- sa spiritualis dicitur de prædicatione ver- bi. Vide infra PROPOSITIONIS MENSA,

MEN-



**MENSTRUATUS.** Menstruis inquinatus. Legitur *Esa.* 30. 22. c. 64. 5. *Ezech.* 18. 6. & 22. 10. & 36. 17. 4. *Esdr.* 5. 8. *Esth.* 14. 16. *Bar.* 6. 28. Nominatim *Esa.* 64. 5. de bonis nostris operibus, in se nempe spectatis, pronuntiatur, quod sint quasi pannus menstruatae. Hebr. sicut vestis remotiorum; qualis profecto est vestis menstruatæ. LXX. *οἱ πανοὶ τῶν καὶ θηλυδὼν.*

**MERCENARIUS.** Est qui mercede conductus aliquid facit. Specialiter in S. literis mercenarius est ille, qui in officio fungendo principaliter respicit ad mercedem, non autem id ut voluntati Dei & hominum saluti serviat; tanquam officii partes omisiturus, si temporalia præmia cessent. August. tract. 10. in Johan. Sunt quidam ecclesia præpositi, de quib. apostolus dicit *Phil.* 2. *Sua quærentes, non qua sunt Iesu Christi.* Quid est sua quærentes? Non Christum gratis diligentes, non Deum propter Deum quærentes, temporalia commoda sectantes, lucris inhiantes, honores ab hominibus appetentes.

**MERCE.** Est pretium laboris, sive præmium quod datur pro labore, ut is compensetur. Est autem alia merces debita pro merito, alia gratuita. Posteriori modo vita æterna appellatur merces. Qua de re Hilarius commentario in *Matth. canone* 20. sic ait: Hi igitur mittuntur ad vineam, & cum sero esse cœpisset, donum constitutæ in totius diei labore mercedis, primi operarii hora vespertis consequuntur. Merces quidem ex dono nulla est, quia debetur ex opere: sed gratuitam Deus omnibus ex fidei justificatione donavit. Augustinus tom. 3. *enchirid.* ad Laurentium cap. 107. Unde & ipsam vitam æternam, quæ certa merces est operum bonorum, gratiam Dei appellat apostolus. Stipendium, enim, inquit, peccati mors:

gratia autem Dei vita æterna in Iesu Christo Domino nostro. Stipendium pro opere militiæ redditur, non donatur. Ideo dixit, Stipendium peccati mors, ut mortem peccato non immerito illatam, sed debitam demonstraret. Gratia verò nisi gratis sit, gratia non est. Intelligendum est igitur, etiam ipsa hominis bona merita esse Dei munera, quibus cum vita æterna redditur, quid nisi gratia pro gratia redditur? *Idem tom.* 8. *præfat. enarrationis in Ps.* 31. Quid est hoc, nisi quod merces nostra gratia vocatur? Si gratia est, gratis datur. Quid est, gratis datur? Gratis constat. *Idem tom.* 2. *epist.* 105. ad Sixtum presbyterum, contra Pelagianos: Quod est ergo meritum hominis ante gratiam, quo merito percipiat gratiam, cum omne meritum nostrum, non in nobis faciat nisi gratia: & cum Deus coronat merita nostra, nihil aliud coronet, quam munera sua? Sicut enim ab initio fidei misericordiam consecuti sumus, non quia fideles eramus, sed ut essemus: sic in fine quod erit in vita æterna, coronabit nos, sicut scriptum est, in miseratione & misericordia. Non itaque frustra Deo cantatur, Et misericordia ejus præveniet me, Et misericordia ejus subsequetur me. Unde & ipsa vita æterna, quæ tunc in fine sine fine habebitur, & ideo meritis præcedentibus redditur: tamen quia eadem merita, quibus redditur, non à nobis parata sunt per nostram sufficientiam, sed in nobis facta per gratiam, etiam ipsa gratia nuncupatur: non ob aliud nisi quia gratis datur, nec ideo quia meritis non datur, sed quia data sunt & ipsa merita, quibus datur. Ubi autem invenimus etiam vitam æternam gratiam nuncupari? Habemus apud gratiæ magnificum defensorem apostolum Paulum.

Paulum. Stipendium, inquit, peccati mors est: gratia autem Dei vita æterna in Christo Jesu Domino nostro. Vide, obsecro te, in quanta brevitare quàm vigilantè verba posuit, quibus diligenter consideratis, quæstionis hujus aliquatulum dilucescat obscuritas. Cùm enim dixisset, Stipendium peccati mors, quis non congruentissimè & consequenter addere judicaret, Stipendium autem justitiæ vita æterna? Et verum est, quia sicut merito peccati tanquam stipendium redditur mors: ita merito justitiæ tanquam stipendium vita æterna. Aut si nollet dicere justitiæ, diceret fidei, quoniam justus ex fide vivit. Unde etiam & merces appellatur plurimis sanctarum Scripturarum locis. Nusquam porò dicta est merces justitia vel fides: quia justitiæ vel fidei redditur merces. Quod est autem merces operanti, hoc militanti stipendium. Sed B. Apostolus adversus elationem, quæ usque adeò magnis tentat irrepere, ut & sibi propter ipsam dicat, datum angelum Satanæ, à quo colaphizaretur, ne verticem præsumptionis erigeret. Adversus hanc ergo elationis pestem vigilantissimè militans, Stipendium, inquit, peccati mors. Rectè stipendium: quia debetur, quia dignè retribuitur, quia merito redditur. Deinde ne justitia de humano se extolleret bono merito: sicut humanum malum meritum non dubitatur esse peccatum, non à contrario retulit, dicens, Stipendium justitiæ vita æterna, sed, Gratia, inquit, Dei vita æterna. Et paulò post: Cui debetur vita æterna, vera justitia est. Si vera justitia est, ex te non est, de sursum est, descendens à patre luminum. Ut haberes eam, profectò accepisti. Quid enim habes, quod non acce-

pisti? Quapropter, ò homo, si accepturus es vitam æternam, justitiæ quidem stipendium est: sed tibi gratia est, cui gratia est & ipsa justitia. *Idem tom. 10. libro 50. homiliarum, homil. 14.* Ecce retribuit mercedem his bonis: operibus bonis. Sed quibus bonis? Quæ ipse dedit.

MERERI. Propriè est dignè acquirere, dignum esse compensatione debita, dignum esse cui rependatur merces debita. Itaq; differunt *mereri* & *impetrare*. Nam meritum propriè respicit ad debitum; impetratio propriè ad gratiam. Ut publicanus in templo orans impetravit remissionem peccatorum ex mera Dei gratia, non autem meritis est. *Luc. 18.* Oratio fidelis impetrat à Deo bona necessaria, sed ex mera Dei gratia, sine ulla ratione alicujus nostri meriti. Quod lex imperat, fides impetrat, non autem meretur. Filius prodigus impetravit gratiam patris sui, non autem meritis est. *Luc. 15.* Itaque *impetrare* propriè est idem quod cōsequi, obtinere, adipisci; etiam ex pura pura gratia, quamvis indignissimi in nobis simus, qui aliquid obtingamus & cōsequamur: *mereri* autem propriè est aliquid per dignitatem & justitiam consequi. Sed *impropriè mereri* est simpliciter consequi, accipere, impetrare, obtinere, adipisci: id quæ apud profanos & ecclesiasticos scriptores. Ita enim *Plinius lib. 1. epist. 8.* Sequi gloria, non appeti debet: nec, si casu aliquo non sequatur, idcirco, quod gloriam non meruit, minùs pulchrum est. Hic *meruit* est idem, quod *ἐρωχε*, id est, consecuta est gloriam, seu invenit laudatores. Similiter *Suetonius in Octavio*: Imitetur in promerendis sociis suis Octavium, id est, in præstandis beneficiis. *Ambrosius lib. 10. in Lucam cap. 22.* O aqua, quæ sacramen-

rum Christi esse meruisti ! Et celebre est illud *Gregorii* : O felix culpa, quæ tantum meruit redemptorem ! *Augustinus ad Hieronymum, epist. 12.* Adhuc rescripta tua non merui. *Hieronymus ad Augustinum epist. 13.* Utinam mereremur complexus tuos ! Porro mereri apud Patres etiam est dignum fieri, dignum haberi & æstimari gratiâ Dei, acceptum esse Deo : ut apud *Ambrosium tom. 4. in cap. 11. primæ ad Corinthios* : Memoria enim redemptionis nostræ est, ut redemptoris memores, majora ab eo mereamur, id est, ut majora ab eo consequi digni fiamus.

**MERITUM.** Latini scriptores vocem *meriti*, tanquam mediam accipiunt in bonam & malam partem : ita ut interdum illis sit idem, quod beneficium singulare, eximium, & magnū, præclarumq; aliquod factum, quo quis aliquem sibi ad vices reddendas demeretur & obligat : interdum verò maleficium, peccatum & culpam. Unde poëta sic canit :

*Conscia mens ut cuique sua est, ita concipit*  
intra

*Pectora, pro meritis spemq; metumq; suis.*

Interdum metonymicè significat mercedem debitam. Cæterum meriti propriè dicti conditiones sunt : ut nō sit debitum, ut sit tantum nostrum, ut sit è nostro, ut sit dignum mercede, ut proportionem superet aut saltem æquet mercedem. Hinc patet Patres κατὰ ἔξωκτος, abusive, seu impropriè locutos esse, quando usurparunt vocem *meriti* in doctrina de justificatione peccatoris coram Deo. Neque enim hic est sensus, quod homo beneficiis Deum afficiat, eumque sibi ad reddendum debitum obstringat : sed hæc vox idem valet quod *opus* seu *factū*. Quod autem nullum nostrum opus, quantum-

vis optimum & præstantissimum, sit meritum propriè dictū, ita patet. Quidquid boni facimus, debitum est; neq; nostrum est, sed Dei donum, nec è nostris viribus, sed ex gratia Dei proficiscitur; nec in se, aut propter se est dignum compensatione; denique nulla est inter Deum & nos proportio. Itaque bona nostra opera destituuntur quinque requisitis seu conditionibus meriti. Videamus hac de re aliquot loca Patrum. *Hilarius in enarratione psalmi 51. cū finem* : Spes in misericordia Dei in seculum, & in seculum seculi est. Non enim ipsa illa justitiæ opera sufficient ad perfectæ beatitudinis meritum, nisi misericordia Dei etiam in hac justitiæ voluntate humanarum demutationum & motuum vitia non reputer. *Idem in enarrat. psal. 66.* Remissio peccatorum non probitatis est meritum, sed spontaneæ indulgentiæ voluntas ex bonitatis divitiis ad miserandi munus exuberans. *Augustinus tom. 8. in enarrat. psal. 102.* Qui in nobis victi sumus, in illo vicimus. Ergo coronat te, quia sua dona coronat, non merita tua. Plus omnibus illis laboravi, ait apostolus. Sed vide quid adjunxit, Non ego autem, sed gratia Dei mecum. *Idem tom. 10. de verbis apostoli, serm. 2.* Te autem coronat in miseratione & misericordia : & si tua merita præcesserunt, dicittibi Deus, Discute bona merita tua, & videbis quia dona sunt mea. *Idem tom. 10. serm. 15.* Gratiâ salvi facti estis per fidem, & hoc non ex vobis, sed Dei donum est : non ex operibus, ne fortè dicas, Promerui, & ideo accepi. Non putes te promerendo accepisse, qui non promereres nisi accepisses, Gratia præcessit meritum tuum, non gratia ex merito, sed meritum ex gratia. Nam si gratia



ex merito, emisti, non gratis accepisti. Pro nihilo, inquit, salvos facies eos. Quid est, pro nihilo salvos facies? Nihil in eis invenis, unde salves, & tamen salvas. Gratis das, gratis salvas. Omnia merita præcedis, ut dona tua consequantur merita tua. Prorsus gratis das, gratis salvas, qui nihil invenis unde salves, & multum invenis unde damnes. *Gregorius Magnus lib. 9. expositionis moralis in Iobum cap. 11.* Et si ad opus virtutis excrevero, ad vitam non ex meritis, sed ex venia convalesco. *Bernhardus super Cantica serm. 67.* Sponsa rectius locuta est, & non prætendens meritum, sed præmittens beneficium, & se præventum dilecti gratiâ confitens. *Idem ibidem:* Nempe ut (*sponsa.*) tunc magis gratia se plenam probeat, cum totum gratiæ dederit, & primas scilicet illi partes adscribens, & ultimas. Alioquin quomodo gratia plena, si quid habuerit quod non sit ex gratia? Non est quod gratia intret, ubi jam meritum occupavit. Et paulo post: Deest gratiæ, quidquid meritis deputas. Nolo meritum, quod gratiam excludat. Nota quoque est *eiusdem Patris* sententia: Sufficit ad meritum scire, quod non sufficiat meritum. Et eleganter ait *Siberus in Breviario Christiano:* Ut inter patrem & filium, dominum & servum: sic inter Deum & hominem propriè loquendo, debitum & meritum non est. Itaque idem *Siberus* in scholiis ad Precationem illam: *Angeli tui boni committentur nos, ad dirigendos pedes nostros in viam pacis, prosperitatis, & salutis: ut hic, & in æternum, per te semper sani, salvi, & liberi ab omni malo esse mereamur:* vocem mereamur benè explicat per *simus*. Et in precatione pro Spiritu sancto illa verba, *Vt te perfectè diligere, & dignè laudare mereamur,*

explicat per *Diligamus & laudemus*. Sic in precatione pro piâ vita, *Vt in nomine dilecti Filii tui mereamur bonis operibus abundare,* rectè exponit per *Abundemus*. *Ibidem* citat illud ex *Augustino:* Deus author est meriti: qui & voluntatem applicat operi, & opus explicat voluntate. *Idem Siberus* ad hymnum illum:

*Vt pio regi pariter cœnantes,  
Cum suis sanctis mereamur aulam  
Ingredi cœli simul & beatam  
Ducere vitam.*

Vocem *Mereamur* sic explicat: *Divina gratia beneficio digni reddamur:* & addit, Merita dona sunt in nobis divina: opera nimirum fidei, quorum author est Spiritus sanctus, secundum illud: Omnia opera nostra operatus es nobis *Esa. 26.* Non possum, quin hîc ex Rabbinis annotem, beneficia Dei ante promissionem esse gratias, post promissionem esse merita. Hinc rectè *Prosper:*

*Ad mortem meritum subeundam sufficit unum:*

*Ad vitam, nisi quod donarit gratia, nullum.* Humana merita conticescant, quæ perierunt per Adam; regnet, quæ regnat, Dei gratia per Jesum rectum, ait *Augustinus*. Et *Vict.* ita canit:

———— *Largiti opura*

*Non merces paradisi erit ———*

Huc quoque spectat illud apud Aratorē:

———— *Qui per sua dona venire*

*Ad sua dona facit, quaque adjuvat ipse ministrat.*

Porrò Scholastici faciunt triplex meritum. 1. interpretativum; cum aliquis facit opus de genere bonorum, sed mala intentione; ut qui dat eleemosynam cum murmure. 2. congrui; cum quis facit opus de genere bonorum, & bona

& bona intentione, sed non ex charitate. 3. *condigni*; cum quis facit opus bonum, & bona intentione, & ex charitate. Primo modo aliquis dicitur mereri abusive; secundo partim proprie, partim improprie; tertio simpliciter & proprie. Vulgo tamen faciunt duplex meritum, ex condigno & congruo. *Meritum ex condigno* est, pro quo exigitur primum ex debito, nempe vel ex debito pacti, vel ex rigore iustitiæ. Hoc meritum consistit in quadam proportionem & æqualitate meriti ad primum. *Meritum de congruo* est, pro quo exigitur primum, non ex debito iustitiæ, sed ex sola acceptantis liberalitate. Quæ distinctiones, si ad Deum referantur, quasi nos aliquid mereamur nostris bonis operibus, fútiles sunt: ut patet ex Eph. 2.8. Porro meritum est bonum, vel malum. Distinguunt tamen aliquando inter meritum & demeritum: ut *meritum* sit actus laudabilis, factus ad bonum alterius, pro quo exigitur primum: *demeritum* autem actus vituperabilis, factus ad malum alterius, pro quo exigitur supplicium. Ad bonum autem vel malum aliquid dicitur fieri vel verè, vel interpretativè, seu reputativè. nempe propter Deum, qui bonorum nostrorum non eget, nec ex malis nostris damnum capit.

MESOPOTAMIA. Est regio minoris Asiæ, sic dicta, quod sit μέση, *media*, inter duos ποταμούς, *fluvios*, nempe Tigrim & Euphratem. In divinis literis dicitur מֶדִּינָה q.d. Syria duorum fluviorum.

Μετewρίζεν. Proprie est in sublime attollere: metaphoricè, inania contemplari. Luc. 12.29 κ' μετewρίζετε, i.e. ne curiosas speculationes sectamini, per quas quasi in sublimi pendentes neque cælum

neque terram attingatis, sed tantum inaniter agitemini.

MESSIAS. Nomen hoc usurpatur ut appellativum, vel proprium. Priori modo Messias, ut & Græcum χριστός, significat unctum sive inauguratum officarium. 1. Sam. 24.7. Posteriori modo utraq; ista vox tribuitur Salvatori mundi καὶ ἐξοχὴν, & quasi proprii nominis rationem habet. Confer Dan. 9.25. & Matth. 16.17. Ex quorum locorum collatione apparet, nomen hoc utrumque, & rem, quæ per illud significatur, vulgò notissimum fuisse in V.T. & omnium fidelium ore celebratam, ut in qua credentes haberent omnes spes suas repositas. In hunc universum mundo promissum salvatorem sub presentibus angustiis respectabant, de hoc noctu diuque cogitabant, huius nomen labiis tenebant. Porò utraque illa vox comprehendit officium Christi propheticum, sacerdotale, & regium. Nam hi omnes ungebantur: ordinariè quidem sacerdotes & reges, extraordinariè autem prophetæ, quando eis extraordinarium reformationis munus contra pseudopphetas commendabatur, ut ex historia Eliazi perspicitur 1. Reg. 19.16.

Μελαμβάνειν. Μετάληψις. Μετάληψις τῶν ἀγιασμάτων est participatio eucharistiæ, quasi dicat, rerum sanctificarum. Photius ad canon. apost. 8. Et ita quidem μετάληψις significat actionem. Aliàs notat etiam ipsam eucharistiam, ut apud Chrysost. homil. 17. in Hebr. πῆς μετέληψεως μετέχων, *participans participationis*, i.e. cænæ Domini. Porro etiam legere est μετέλαμβάνειν τὸ πᾶχος, & τῶν δώρων, id est, participare S. cænæ. Denique μετέλαμβάνειν θεότητος est percipere rem sacramenti: quia Patres finem

finem sacramentorum statuunt *θεωσις*, hoc est, deificationem, ut per illa fideles dii fiant. Atque ita Patres passim usurpant verba *θεοῦ εἶναι* & *θεοποιηθῆναι*, deificari.

*μεταποίησις*. Mutatio, quæ fit in nobis per baptismum, Patribus appellatur *μεταποίησις*, *μεταπάλασις*, *μετασχηματισ*, *instauratio*, *transfiguratio*, *renovatio*, & similibus aliis nominibus. Paulus appellat *μεταμορφωσις*, *transformationem*, *Rom. 12. v. 2*, *Conter Gal. 6. v. 15*.

MICHAEL. Cunradus Graferus in verbis novissimis ait: Hoc nomen est mystica appellatio Messiae, ut ex ejus etymologia & *Apoc. 12*. liquet. Significat enim, *Quis sicut Deus?* aut, *Quis equalis est Deo?* Exprimatur autem hoc nomen in syllabis initialibus istius clausulæ *Psal. 113. 5*.

מִי כִדְהָ אֱלֹהִים

*Quis sicut Dominus Deus noster?*

Et hujus nominis respectu Michael hic à Johanne in Apocalypsi. *6. 12*. Draconi sive Satanæ, principi nimirum hujus mundi opponitur, earatione; qua ille æqualem cum Christo honorem affectavit, & propterea de cælis deturbatus est. Cæterum hic Michael est angelus ille, cujus meminit Moses *Exod. 32. 34. 6. 33. 3. 5. ca. 32. 34*. ubi Deus ad Moysen ait: *Ecce angelus meus praibit tibi in terram Canaan*. Hic vocem מִכָּאֵל Moses Gerundensis explicat p. nomē מִכָּאֵל, & per merachefin ex prior voce resultare dicit. Addit hūc esse Michaelē, quē Daniel *7. 10. 21. & 12. 1*. vocat ducem illum magnum populi Dei. Deinde hanc appellationis hujus mysticæ rationem addit: *Quia ipsemet angelus meus proprius & cœu individuus est*: quæ verba Germanicè ita fortè interpreteris, *Als der mein Leibengel ist*: verba Hebraica istius Rabbinii ita sonant:

זֶהוּא מִלְאכֵי הַמִּיחָד לִי.

Est autem hoc notabile, quod Dominus apud Moysen, hunc viæ ducem Israël is idco promittit, ne si ipsemet immoderate eos ducat, propter illorum inobedientiā eos penitus cōsumat. Quod nequaquam ita intelligendum est, quasi Deus tam præcipitis iracundiæ sit, ut sibi temperare nequiverit: sed officium hujus angeli describere voluit, secundum quod ille sequester quidam erat inter populum peccantem, & Deum irascētem, ab ipso Deo subordinatus, qui hinc justam iram contra peccata placaret, illinc promeritam pœnam averteret. Hæc summarim ex Grafero. Vide supra tit. *Angelus facierum ejus*. Cæterum Michael in hymno *Tibi Christe splendor Patris*, eleganter appellatur primas, id est princeps, cœlestis exercitus, his verbis:

*Collaudamus venerantes*

*Omnes cœli milites:*

*Sed præcipuè primatem*

*Cœlestis exercitus*

*Michaelem in virtute*

*Conterentem Zabolum.*

Siberus ibi sic annotat: Qui quidem est princeps, ut eum nominat Daniel, Judæorum, qui sunt confitentes Deum pietate religiosa, Dominus noster Jesus Christus. Id quod etiam nominis ipsius significatio indicare perhibetur. Est enim Michael: *Quis sicut Deus?* Et hæc quidem est communis ferè opinio. Quam tamen non oportet simpliciter admittere. Nam *Iud. 7. 9*. Michael Archangelus est unus ex creatis angelis: ut qui potestate atque autoritate inferior est Deo. Et *1. Thess. 4. 16*. Christus & Archangelus discernuntur. Sic *Daniel. 9. vers. 13*. Michael dicitur unus ex principibus primariis;



ex illis nempe angelis, qui sunt præcipui Dei ministri in regenda & tuenda ecclesia. Eorum igitur plures sunt ex isto ordine. Quâquam Junius ibi intelligit Christum, principem angelorum: & ibidem adnotat, cōpositionem arguere, hoc nomen Christo competere. Sed nobis, salvo meliore iudicio, ita videtur. Nomen Michael competit Filio Dei *αρχαγγελος* Dan. 12. 1. *Apoc.* 12. 7. cuidam Archangelo creato *ἀρχαγγελος* Iud. 7. 9. quibusdam hominibus *καταρχαγγελοι* Num. 13. 1. *Chron.* 6. 7. 8. & 12. 2. *Chron.* 13. 21. *Esd.* 8. In Concordantiis Latinis hæc occurrunt: Michael. 1. Christus, filius Dei, angelorum Rex: Dan. 10. 21. 6. 12. 1. *Apoc.* 12. 7. 2. Archangelus Dan. 10. 13. Iud. 7. 9. 3. homo: videl.

Benjamita 1. Chr. 8. 16.

Gadita 1. Chr. 5. v. 13. 14.

Josaphati F. 2. Chr. 21. 2.

Issacarita. 1. Chr. 7. 3. 6. 27. 18.

Levita. 1. Chr. 6. 40.

Manassitarum dux 1. Chr. 12. 20.

Sethuri pater Num. 13. 14.

Zehediz pater. *Esd.* 8. 8.

**ἄγγελοι**, Rabbini hoc nomine vocant 1. appellationes propriè Deo competentes, vel ut cum Chrysostomo dicam, *τὰ πρῶτον τὰ τῇ φύσει τοῦ Θεοῦ, καὶ τὰ σωστικὰ μὲν αὐτῶν*, hoc est, quæ naturæ Dei insunt, & illi sunt consubstantialia, id est, proprietates Dei essentielles, & personas SS. Trinitatis, 2. virtutes: quia illæ sunt mediocritates & mensuræ.

**ΜΙΓΜΑ**. Est farrago. Occurrit hæc vox in vulg. vers. *Esa.* 30. 24.

**ΜΙΛΛΕ**. Est numerus 1. definitus *Gen.* 20. 16. 2. indefinitus *Exod.* 30. 6. Hic quaritur, quomodo accipiendi sint mille anni *Apocal.* 20. Resp. Secundum lite-

ram. Nam aliquoties repetitur ista vox mille: puta *vers.* 2. 3. 5. 4. 6. 7. Deinde analysis contextus hoc idem docet. Denique ex collatione Danielis & Apocalypf. id potest demonstrari.

**MILES. MILITES.** 1. Sunt, qui pro aris & focis pugnant in bello legitimo, sive defensivo, sive offensivo. *Genes.* 26. 26. 2. *Sam.* 24. 4. 2. Ita dicuntur satellites. *Genes.* 37. 36. 6. 40. 3. Creaturæ omnes cœlestes & terrestres dicuntur milites Dei. *Iob.* 25. 3.

**MILITIA COELESTIS.** Sic appellatur angeli. *Luc.* 2. 13.

**MILITIA COELI.** Sic appellantur astra. *Deut.* 17. 3. 2. *Reg.* 17. 16. *Esa.* 34. 4. *Ier.* 19. 13.

**MILITIA SPIRITUALIS.** Vita hominis appellatur militia *Iob.* 7. & similiter vita hominis Christiani 1. *Tim.* 1. Quò facit illud Augustini:

*Christe palma bellatorum,*

*Hoc in municipium (i.e. vit. æt.)*

*Introduc me: da soluto*

*Militare cingulum:*

*Fac consortem donativi*

*Beatorum civium.*

*Probes vires in exhausto*

*Laborantis prelio,*

*Ne quietem post procinctum*

*Deneges emerito:*

*Teg, merear potiri*

*Sine sine pramio.*

Teneatur hîc illa distinctio. Militia est corporalis 1. *Corinth.* 9. 7. vel spiritualis, & hæc est vel communis omnium Christianorum 2. *Corinth.* 10. 4. *Ephes.* 6. vel propria ministrorum ecclesiæ 1. *Timoth.* 1. 18. Rursus militia spiritualis est vel legitima, vel illegitima. Confer 2. *Cor.* 10. 3. *Jacob.* 4. 2. 1. *Petr.* 2. 11. Aut enim militamus Deo, aut diabo-

diabolo: aut pro anima, aut pro corpore: aut pro spiritu, aut contra spiritum.

**MINA.** Hebræise est מִנָּה, à quibus ad Græcos nomen μνᾶς transit. Mina Hebræorum est verus & nova. *Vetus* continebat siclos communes didrachmos cētenos, hoc est, sacros siclos quinquaginta, sive thaleros hodiernos 25. *Nova* conficiebat siclos communes 60. *Ezechiel.* 45. 12. qui faciunt thaleros 15. *Mina sacra* duplò major erat quàm profana. Itaq; continuat siclos communes 125. h. e. thaleros imperiales 30.

**MINORO.** Minuo. Verus interpres Bibliorum utitur hac voce *Psal.* 8. 8. & 106. 38. 2. *Corint.* 8. 15. Similiter voce *minoror*, id est, inferior fio *Hebr.* 2. 9. *Sirac.* 16. 23. & 19. 47. & 22. & c. Item voce *minoratio* *Sir.* 20. 11. & 39. 23. & 40. 27.

**MIRACULA.** Sunt vera, vel ficta. Miracula vera solus Deus facit, idque immediate, vel mediatè per servos suos. Miracula ficta edit dæmon, idque ad imitationem Dei vel immediate, vel mediatè. Miraculorum istorum falforum ostentatio est usitatum diaboli artificium, & huius imposturæ praxis in regno Antichristi valde est antiqua. Testatur autem Scriptura, eum circa finem mundi hac impostura frequentius usurum, quàm autem hac unquam. *Matth.* 24. 24. ubi miraculorum istorum efficacia indicatur, quòd nempe tanta sit futura, ut iis, si fieri possit, etiam electi seducantur. Sed paulò altius hæc reperamus. Miraculum dicitur propriè & strictè, vel impropriè & latè. *Miraculum* propriè est actio Dei, verè evidens & mirabilis, præter totius creaturæ naturæ ordinem edita. *Miraculum impropriè* est vel res mira, ut cum homo dicitur

miraculum: vel impostura præstigiis plena, ut cum quædam opera diaboli, quæ videntur esse mira, dicuntur miracula. Porro miraculum est privativum, vel positivum. *Privativum* est, quo positivum mutatur in privativum: ut cum homo integer fit monstrum. e. g. *Nebucadnezar.* *Positivum* est, cum vel unum positivum mutatur in aliud, ut aqua in vinum; vel privativum mutatur in positivum, ut quando cadaver vivificatur. Sunt autem gradus miraculorum, de quibus Thomas libro tertio, contra gentiles cap. 97. *Admiramur* aliquid, cum effectum videntes ignoramus causam: vel rationem modi in agendo non assequimur. Quædam igitur sunt mira, quæ miracula non sunt. Illa simpliciter miracula sunt dicenda, quæ divinitus fiunt præter ordinem communiter servatum in rebus. Et summum gradum inter miracula tenent, in quibus aliquid fit à Deo, quod natura nunquam facere potest: ut quòd sol retrocedit & stat, & mare divisum transeuntibus præbet iter. Quantò aliquid magis remotum est à facultate naturæ, tantò majus miraculum est: ut majus est miraculum, quòd sol retrocedit, quàm quòd mare dividitur. Secundum gradum in miraculis tenent illa, in quibus Deus aliquid facit, quod natura facere potest, sed non per illum ordinem. Opus naturæ est, quòd animal vivit, videt, ambulat. Sed post mortem & privationem potentia, naturaliter non potest reviviscere, videre, & ambulare. Tertius gradus miraculorum est, cum Deus facit, quod consuetum est fieri operatione naturæ, tamen absque principiis naturæ operantibus: ut cum pluit sine operatione principiorum naturæ. Peucerus libro primo, de divin. Diligenter discrimen consideretur miraculorum ecclesiæ & diaboli, quæ duobus discrepant, impossibilitate & finibus. Hoc vult dicere: Miracula ecclesiæ sunt solius Dei opera, diaboli

diabolo prorsus *adwarta na* *amixava*. Deinde miracula ecclesie directa sunt ad confirmationem veræ doctrinæ, traditæ divinitus, & verorum cultuum, consentiuntque cum verbo antè patefacto de vero cultu.

**MIRIFICO.** Mirum facio. Legitur apud vet. Latin. interp. *Psalm.* 4. 4. & 16. 3. & 17. 7. & 31. 22. *Esai.* 42. 21.

**MISERABILIS.** Personæ miserales dicuntur debiles & valetudinarii, qui ope aliena indigent. Hieron. adversus Jovinianum: *Misera potius, quam miserales.*

**מִשְׁפָּחָא.** Hæc vox inter alia significat rationem, consuetudinem, & habitum alicujus rei: ut 2. *Reg.* 1. 7.

**מה משפט האיש אשר עלה לקראתכם**  
Qualis erat habitus viri, qui obviam processit vobis? Wie war der Mann gestaltet/der euch entgegen kam?

**MISERIA.** Hæc vox strictè est calamitas, quæ etiam sancti & honesti hominis conditio esse potest. Sed latè, sive synecdochicè, peccatum & pœnam peccati complectitur. Unde usitatū est in schola theologica distinguere inter miseriam culpæ seu vitii, & pœnæ seu conditionis.

**MISERICORS.** Est is, cujus cor miseratur alium. Itaque & Deus misericors dicitur, quia habet cor miserans, propensum ad juvandos miseros.

**MISSA.** Hanc vocem quidam cōtendunt esse Hebraicam. Et hi in duas planè diversas abierunt sententias. Nam alii deducunt à **מִשְׁפָּחָא** *Dan.* 11. 38. quod Missa sit idolum Mayssim, id est, Deus fortitudinum, in quo omnem suam spem habet repositam Papistæ. Alii derivant à **מִשְׁפָּחָא** *Deuter.* 16. 10. quæ vox significat oblationem, eamque vel politicam *Exod.* 1. 11. ubi intelligitur tributum politicum: vel ec-

clesiasticam *Deut.* 16. 10. Hanc sententiam Bellarminus de Missa ca. 1. duobus argumentis non ineptè refutat. Primum est: Si vox ista Hebraica in usu Apostolis fuisset, certè retinuissent eam etiam Græci, & Syri, & alia nationes, ut retinuerunt alias similes voces, ut Amen, Alleluja, Sabaoth, Osanna, Satan, Sabbatum, Pascha. Vocabula enim Hebraica per Græcos ad nos devenerunt: cum ipsi etiam Apostoli, & primi ecclesie doctores Græcè scripserint. Porro apud Græcos nulla est mentio hujus vocis Missa. Secundum est: Si vox esset Hebraica, non Missa, sed Missah dicendum esset, quomodo tamen nemo scribit aut loquitur. In his Bellarmini verbis duo occurrunt asterisco digna. Nā 1. rectè docet, nomen Missa non esse Hebraicum, adeoq; nec Chaldaicum, quod quidam sibi pueriliter persuaserunt. 2. rectè observat hoc nomen non occurrere apud Græcos, putà antiquiores. Legitur quidem in Græcorum monumentis vox *μίσσα*; sed authorum mediæ ætatis, qui ante annos præter propter sexcentos de re militari scripserunt: & quidem pro vespertinis precibus aut matutinis, non pro sacramento. Merito itaque Bellarminum opponimus & anteponimus Baronio, qui audacter pronuntiat omnium hujus sacramenti nominum hoc antiquissimum esse. Jacobum enim fratrem Domini hæc nomenclaturam Hierosolymitanis tradidisse; Petrum verò & Paulum Romanis. Deinde illius usurpationem vetustissimam esse probat ex epistola Pii Papæ, proximi Apostolorum temporibus. Hæc Baronius: quæ quidem omnia puerilium hallucinationum sunt plena. Etenim si hoc nomen est antiquissimum, cur apud probatos auctores, qui per annos trecentos & amplius scripserunt, nullum ejus extat satis certum vestigium? Non Syri, non



non Græci, illo usi, non Latini. Justinus, Ignatius, Irenæus, Tertullianus, Origenes, Cyprianus, alii multi, quorum certa scripta ad hanc ætatem pervenerunt, intra illud tempus cum viverent, multa de hoc sacramento differuerunt: cur horum ne unus quidem istius appellationis meminit? Deinde quod attinet scripta Pii I. Papæ, ut & cæterorum omnium Paparum primi secundique seculi, ac ferè etiam tertii, illa à Cardinale Cusano, & aliis quibusdam doctissimis Papistis, judicantur *ὑποβολιμαῖα*, id est, supposititia. Sed, inquis, hoc vocabulum legitur in liturgiæ Jacobi. Resp. 1. Liturgia illa non est à Jacobo scripta. 2. Liturgia ista legitur Græcè, & Latinè. Græca est autographum, Latina apographum. Et Græca, etsi antiquitatis primæ faciem genuinam non exprimit; vetusta tamen est; utpote cujus Patres Concilii in Trullo meminerint: Latina suæ vetustatis nullum simile exemplum habet. Quanquam videtur Baronius ex Gratiano suum errorem hausisse. Scribit ille de consecrat. dist. 1. can. 47. sic: *Iacobus frater Domini secundum carnem, cui primum credita est Hierosolymitana ecclesia, & Basilius Casariensis Episcopus, cujus claritas per totum orbem circumfulsit, in Scripturis addiderunt nobis Missæ celebrationem*. Videtur Baronius ex istis verbis hariolatus esse, Jacobum nominis *Missæ* primum authorem extitisse. Absurdè & prorsus ridiculè. Nam in Græco textu ejus canonis è Concilio Trullensi, unde hæc voluit videri Gratianus desumisse, non *Missæ* nomen extat, sed *Liturgiæ*. Quare eversum est fundamentum Baronianæ hariolationis. Veniamus nunc ad illorum sententiam, qui vocem *Missæ* Latinam originem habere disputant. Sed & hi non uno mo-

do vocem istam exponunt. Alij enim, teste Bellarmino, *Missam* dici volūt, quod oblatio & preces ad Dominum mittantur. Ita Hugo de S. Victore libr. 2. de sacram. part. 8. cap. ult. Alii iccirco *Missam* vocari autumant, quod angelus à Deo mittatur, qui sacrificio adfistat, & illud ad Deum deferat, ut *Magister in 4. distinct. 13. & Thomas 3. quest. 83. art. 4* Sunt quoque qui *Missam* dictam volunt apud veteres à mittendis & in medium conferendis muneribus, quasi symbolis quibusdam, unde fieret sacra cœna, & epulum daretur pauperibus: propterea quod olim populus Christianus, ut recenset Evagrius, munera sua in oblationem mitteret, panem sc. & vinum, ex quibus, vasi magno è regione ostii templi impositis, sumebantur quæ ad S. Eucharistiæ administrationem erant accommoda, cætera verò in usum pauperum administrabantur. Et hi *Missas*, aut neutro genere *Missæ* olim dicta esse putant. Bellarminus probabilissimam eorum esse sententiam arbitratur, qui *Missam* dici volunt à missione seu dimissione populi, ut idem sit *missa* quod *missio*. Et hæc sententia doctissimis quibusque criticis probatur. Sicut enim vox *ἀφεσις*, *dimissio*, Græcis olim in dimittenda concione fuit usitata, ut ex Plutarcho, & aliis scriptoribus constat; & sic rursus sicut in judiciis Romanorum, cum præco clamabat *I licet*, iudicibus abeundi potestas facta intelligebatur: ita in Christianorum concionibus usitata fuit *missio*. Sed in Græcorum concionibus una fuit dumtaxat *missio*, cum finita concione præconis voce clamabatur *λαὸν ἀφεσις*, *populorum dimissio*: at in Liturgia veteri Christianorum duplex fuit *ἀφεσις*, *missio*, sive *missa*; prior cum finitis lectionibus S. Scriptu-

ia & precibus illis, quibus poterant inesse Catechumeni, Energumeni, & alii non initiati, voce diaconi jubebatur exire, quibus sacrā liturgiam spectare fas nō erat: posterior, cū sacris peractis & eucharistiæ celebratione finita, post ὁ χὴν ὑπολυπκὴν, *precationem dimissoriam*, à diacono pronuntiatam, populo discedendi potestas fiebat: quod in liturgia Chrysostomi intelligitur illis verbis, ὁ ἱερεὺς ποιεῖ ὑπόλυσιν, *sacerdos facit missam*, hoc est, dimittit populum. Ἀπόλυσις est ἄφεςις, *missa*; vel *missio*. Sumtum verbum è Simeonis cātico, Νῦν ὑπολύεις τὸν δοῦλόν σου δεσπότη, *Nunc dimittis servum tuum Domine*: quæ ibi dem recitantur. Ex his constat totum ordinem agendi sive Liturgiam, apud veteres in duas partes divisam fuisse: quæ propter totidem missiones dictæ sunt *missæ*; *missa* pro *missio*, ut *remissa* pro *remissio* apud Cyprianum, Optatum Milevitanum, Augustinum atque alios, translative est. Prior est *Missæ* Catechumenorum, ut in can. 84. Concil. Carthag. IV. altera *Missæ* fidelium, quæ propter excellentiam ut sola diceretur *Missæ* tandem obtinuit. Inventum est hoc nomen circa finem, ut videtur, tertii sæculi, vel paulò antè. Nā si vera est epistola Cornelii Papæ ad Lupicinum Viennensem, circa annum Domini 250. jam notum erat illud vocabulum. Var: è autem hæc vox usurpata legitur. Et primò quidem *Missæ* est Liturgia ad S. Eucharistiam: ut cū Ambrosius epist. 13. ad Marcellinam sororem ait: Ego mansi in munere, *Missam* facere cæpi: dum offero, raptum cognovi Castulum quendam, *Missæ* igitur est Eucharistia. Alibi *Missarum* celebratio apud eundem & alios auctores latius patet. Legitur enim aliquando apud antiquos scriptores au-

dire *Missam*, id est, Liturgiam audire, & communionem sumere. Sic Ambrosius serm. 34. jubet quotidie audire *Missam*. Similiter apud Eusebium histor. eccles. l. 7. c. 9. ὁ χαρισίας ἐπακούειν, *eucharistiam audire*, est communicare. Unde faciliè intelligitur, phrasin istam, *audire Missam*, non favere hodiernis *Missificis*, quibus *Missæ* cōmunio non est, sed acroama duntaxat & spectaculum. Porro post tempora Ambrosii & Augustini, ad eò increbuit hujus vocis usus, ut viri docti, putà Julianus interpres Novellarum Justini, Paulus Diaconus, & alii plures, vocabula Græca ἐκκλησιάζειν, σιῶγειν, σιῶξις, λειτουργεῖν, λειτουργία, ad concionem vocare, congregare, congregatio, sacris operari, sacrorum operatio, & apud Ignatium δοχὴν ὑπὸ πτελεῖν, *cenam Domini administrare*, per dictionem *Missæ* exprimerent. Fuit & alia hujus vocabuli significatio, cū *Missam* usurparunt pro solenni aliqua festivitate, sive die festo: ut cū in Capitulari Caroli M. lib. 2. 18. fit mētio *Missæ* S. Martini: & 20. *Missæ* S. Andree. Ita Germani dicunt *Christmes* / *Heichmes*. Adhuc quod Græci dicunt σιῶγειν, vel ἐκκλησιάζειν, id Latini dixerunt *Missas tenere*; & verbi prædicationem & sacramentorum administrationem ea locutione significantes: ut cū in Indiculo legatorum Hormisdæ Papæ, qui describitur in anno 519. num. 137. apud Baronium, ita scriptum legitur: Si hæretici non sunt, quomodo ante duas hebdomadas, quàm nos venissemus, statuerunt omnes in unum, ne quis *Missas* foras civitatem teneret; sed hic omnes; ut & multitudo esset futura seditionis congregata, & doceri posset secundum errores eorum? Atque hæc sunt significationes hujus vocis, quæ quidem apud veteres occurrunt. Apud sequioris sæculi homines *Missæ* est sacrificium

Cium externum ac propitiatorium, verè & propriè dictum, quo Christi corpus ac sanguis sub speciebus panis & vini à sacerdote pro vivorù ac mortuorum peccatis immolatur atque offertur. Sed hæc

significatio ex Patrum scriptis demonstrari non potest. Hanc itaque Missam faciamus missam. Sed contrahamus in tabulam, quæ fusiùs persecuti sumus.



**MOECHARI.** Propriè est adulterium committere. Frequens est in Latinis Bibliis veteris interpretis, pro Græco *μοιχεύω*. Significat aliquoties idololatriam, per quam alieni dii coluntur, violata fide spiritualis conjugii, debita uni Deo. *1er. 3. v. 8. 9. Apoc. 2. 22.*

**MOLA ASINARIA.** Occurrit hæc locutio *Matt. 18. 6.* Quidam intelligunt lapidem molarem, qui est grandis. Atque ita legitur planissimè *Marc. 9. 42.* Nimirum asini ad movendas molas adhibebantur, sicut hodie equi. Et hæ molæ dicuntur jumentariæ; quæ opponuntur manuariis, quas Cato trusatiles vocat. Quidam totam molam asinariam intelligunt: quia hæc est multò major quàm trusatilis, quippe quam homines vi brachiorum circumagere solent. Quidam denique intelligunt quidem lapidem molarem, sed inferiorem: quem putant dici asinum metaphoricè, quòd patiatur à superiori; quo ipso etiam est major.

MIXTUM EX THEORIA ET PRAXI.

Singularis est prærogativa Scripturæ sacræ, adeoque & theologiæ, quòd non est purè theoretica, neque etiam purè practica, sed mixta ex theoria & praxi, hoc est, ita comparata, ut doceat cognitionem veri, & actionem boni modo eminentissimam. Hac de re *Thomas explanatione 2. Timoth. 3.* eleganter sic ait: Scripturæ sacræ effectus est quadruplex: Docet veritatem, arguit mendacium; hæc quantum ad speculativam: Eripit à malo, ducit ad bonum, hæc quantum ad practicam. Ultimus ejus effectus est, ut perducatur homines ad perfectum: non enim qualitercunque bonum efficit, sed perficit. Vide tit. THEOLOGIA. Porro Scriptura sacra, adeoque & theologia, non tantum est *νοητική* & *σημαντική*, sed etiam *λογιστική*, hoc est, nō solum tradit axiomata sive propositiones, sed etiam utitur argumentis, dum ex principiis inde monstrabilibus & prioribus aut elicit conclusiones ad comprobendam

Pp 2 verita-



veritatem, ac ne sit solutiones ad captiosas sophistarum objectiones refutandas.

**MISSIO.** Est æconomica, vel officialis. Missio æconomica est, qua Deus Pater mittit Filium *Ioh. 3. v. 17.* item Pater & Filius Spiritum sanctum *Ioh. 14. 26. cap. 15. 26 Gal. 4. 6.* Missio officialis est, qua alicui imponitur munus ecclesiasticum vel politicum. Estque 1. divina *Matth. 10. v. 5. 16.* vel humana. 2. legitima, vel illegitima. 3. ordinaria, vel extraordinaria. 4. immediata, vel mediata. 5. æquiparantiæ, vel disquiparantiæ. Ibi æqualis mittit æqualem, hinc superior inferiorem.

**מִצְוָה.** Inter **מִצְוָה**, *Præcepta*, & **דְּבָרִים**, *statuta*, sive decreta, doctissimi è Rabbiniis hanc esse differentiam observant; *Mizooth*, sive præceptorum ratio est aperta; ut, Deum cole, Honora patrem & matrem: at *Chykhim*, sive statuta, sunt earum rerum, quarum **דְּבָרִים**, id est, ratio, soli Deo est nota & comperta, ut circumcissionis, & similibus. Ad hoc genus pertinent sacramenta gratiæ, sive novi Testamenti.

**MNA.** In vulg. vers. ponitur pro *Mina*. *Esd. 2. 60. Neh. 7. 72. Ezech. 45. 12. Luc. 19. v. 13. 16. 18. 20. 24. 25.* ubi occurrunt isti casus: *mnas, mnam, mna*, Genitivus *mnarum* est *1. Macc. 14. 24. & 6. 15. 18.*

**MOLLIS.** Significat 1. qualitatem taetilem. 2. blandum sermonem. *Iob. 40. 22. Prover. 15. 1. & 25. 15. 3.* delicatum *Matth. 11. 8. 4.* effæminatum & luxu perditum *1. Cor. 6. 9.*

**MOLENTES.** Sic appellantur dentes *Ecl. 12. v. 3. 4.*

**MOMENTUM.** Scholastici statuunt duo rei momenta, primum & secundum. Illud est, quo res esse intelligitur: hoc, quo actiosa esse percipitur. Sic v. g. in

Deo primum momentum est essentia; secundum, vita,

**MONIMENTUM. MONUMENTUM.** Hæc duo interdum promiscuè usurpantur: interdum *monimentum* est memoriale, *Exod. 12. 14. cap. 13. 9.* & alibi: *monumentum* verò est sepulchrum *Genes. 23. vers. 6. Matt. 8. 28.*

**MONACHUS.** Est solitarius, unicus, singularis. Peculiariter ita dicitur, qui extra mundi societatem vivit. Nam ut clericus laico, sic monachus *ἡσυχῶ* solet opponi. Hieronymus ad Paulinum, de institutione monachi *epist. 13.* Si cupis esse, quod dixeris, monachus, id est, solus, quid facis in urbibus, quæ utique non sunt solum habitacula, sed multorum? *Ius canonicum causa 16. quest. 1. capitulo.* Placuit omnibus, *talem habet canonem:* Placuit omnibus residentibus in sancta synodo Nicena, ut monachorum conversatio & vita, secundum etymologiam nominis ab omnibus discrepet. Monachus enim Græcè, Latine singularis dicitur. Unde monachum per omnia singulariter agere oportet. *Alexander II. ibidem, capitulo.* Juxta: Juxta Chalcedonensis tenorem optimi Concilii, monachis, quamvis religiosis, ad normam sancti Benedicti intra claustrum morari præcipimus: vicos, castella, civitates peragrarare prohibemus: & à populorum prædicatione omnino cessare censuimus. *Eugenius Papa d. l. capitulo.* Placuit communi, licet ait: Placuit communi nostro Concilio, ut nullus monachorum pro lucro terreno de monasterio exire nefandissimo ausu præsumat, neq; pœnitentiam dare, neque filium de baptismo accipere, neque baptizare, neque infirmum visitare, neque mortuum sepelire, neque ad ecclesiam secularem transire,

re, neque aliis qualibuscunque negotiis sese implicare: sit claustro suo contentus: quia sicut piscis sine aqua caret vitâ: ita sine monasterio monachus. Sedeat itaque solitarius, & taceat: quia mundo mortuus est, Deo autem vivit. Agnoscat nomen suum. *Monos* enim Græcè, Latine est unus: *achos* Græcè, Latine tristis sonat. Inde dicitur monachus, id est, unus tristis. Sedeat ergo tristis, & officio vacet. Quale autem sit officium monachi, *Hieronymus epistola 4. ad Rusticum monachum* describit his verbis: Nunquam de manu tua, & oculis tuis recedat liber: dicatur psalterium ad verbum: oratio sine intermissione. Vigil sensus sit, nec vagis cogitationibus patens. Corpus pariter & animus tendatur ad Dominum. Iram vince patientia. Ama scientiam Scripturarum, & carnis vitia non amabis. Nec vacet mens tua variis perturbationibus: quæ, si pectori infederint, dominabuntur tibi: & te deducunt ad delictum maximum. Facito aliquid operis, ut semper te diabolus inveniat occupatum. Si apostoli habentes potestatem de evangelio vivere, laborabant manib. suis, ne quem gravarent, & aliis tribuebant refrigeria, quorum pro spiritualibus debebant merere carnalia: cur tu in usus tuos cessura non præpares? Vel fiscellam texe junco: vel canistrum lentis plecte viminibus: sariatur humus: areolæ æquo limite dividantur, in quibus cum oleorum jacta fuerint semina, vel plantæ per ordinem positæ, aquæ ducantur irriguæ, ut pulcherrimorum versuum spectator assistas,

*Ecce supercilio clivosi tramitis undam*

*Elicit illa cadens: raucum per lavia murmur*

*Saxa ciet, scatebrig, arentia temperat arva.*

Inferantur infructuosæ arbores vel gemmis, vel surculis, ut parvo post tempore laboris tui dulcia poma decerpas. Apum fabricare alvearia: ad quas te mittunt Salomonis proverbia, & monasteriorum ordinem, & regiam disciplinam in parvis disce corporibus. Texantur & lina capiendis piscibus. Scribantur libri, ut & manus operetur cibum, & animus lectione saturetur. Ægyptiorum monasteria hunc ordinem tenent, ut nullum absque laboris opere suscipiant: non tam propter victus necessitatem, quàm propter animæ salutem: ne vageretur perniciosis cogitationibus mens, & instar fornicantis Hierusalem omni transeunti divaricaret pedes suos. Ex his verbis constat, monachos primitus fuisse solitarios, nec potuisse ecclesiasticis functionib. publicè deservire, & oportuisse laborare, & denique liberè vixisse sine ulla regula, quam primus illis præscripsit Benedictus.

**MONARCHA.** Strictè ita dicitur, qui solus imperat. Sed interdum generalius appellatur monarcha, qui primas in aliquo regimine obtinet. adeò ut etiam episcopi aliquando monarchæ sint dicti. Hilarius Papa ad Leontium episcop. *Miramur fraternitatem tuam ita legis catholica immemorem esse, ut quæque iniqua, & contra Patrum nostrorum statuta, in provincia, quæ ad monarchiam tuam pertinet, si ipse aut non vis, aut non potes, etiam nec nos silentii tui taciturnitate permittas corrigere.*

**MONASTERIUM.** Isidorus libr. 15. 4. ait: *Monasterium unius monachi, id est, solitarii habitatio.* Sed latius usurpatur, pro habitatione plurium monachorum.

**MONIALIS.** Legitur in omni genere: *hic monialis, hac monialis, hoc moniale.* Usita-

tamen monialis & sanctimonialis ponuntur pro monacha.

**M O R S.** Est prima, vel secunda. Illa est corporis, puta amissio vitæ præsentis: & dicitur temporalis: hæc est animæ, vel potius totius hominis, & dicitur æterna. Deinde est mors naturalis, vel violenta. Tertio est mors Physica, vel spiritualis, quæ & moralis, cum aliquis moritur in peccatis. Quarto mors est vel pœna, ut in impiis; vel castigatio, ut in piis; vel martyrium; vel denique *λύσις*. Quinto mors est ignominiosa, cum aliquis succumbit, ut impii: vel gloriosa, ut est mors Christi & Christianorum.

**MONOBAMBYLUM.** Est simplex conclave palatii secretius, in quo congregabatur clerus patriarcham novum electurus. Ante hoc erat aliud, in quod promiscuè conveniebant omnes, qui cuperent statim scire, quem clerus patriarcham creasset: atque illud *διβάμβυλον* dicebatur.

**MONOGAMIA.** Est conjugium cum una persona. Opponitur polygamie, sive illa sit successiva, quæ est legitima; sive simultanea, quæ est illegitima. Clemens Alexandrinus usurpat hanc vocem lib. 4. Strom. secundo sensu: ubi ait, Dominum & *πολυγαμίαν* ἐπὶ συγχωρεῖν *μονογαμίαν* ἢ εἰσάγειν. Et lib. 2. *Ἡμεῖς εὐνῆς χάριν ἔχοντες, καὶ οἷς τὸ τοῦ δεδωρημένου ὑπὸ θεῶν, μακαρίζομεν. Μονογαμίαν δὲ καὶ τὴν πρὸς τὸν ἑνα γάμον σεμνότητα θαυμάζομεν. πρὸς δὲ τὸ λευτέρως γάμος, εἰ πυροί, φησὶν ὁ δόπιστος, γάμος, Nos quidem castitatem, & eos, quibus hoc datum est, beatos dicimus: monogamiam autem, & quæ consistit in uno solum matrimonio, honestatem, admiramur. De secundis autem nuptiis, Si iuraris, inquit apostolus, jungere matrimonio. Hieronymus in Tit. 1. Scripsit &*

*Tertullianus de monogamia librum hæreticum: quem apostolo contraire, nemo qui apostolum legerit, ignorabit. quatenus scil. monogamia significat unas nuptias, secundis exclusis & damnatis.*

**MONOGAMIUM.** Est conditio monogami: unæ solæ nuptiæ: unam tantum uxorem habuisse. Utitur hac voce Clem. Alexandrinus Strom. 2.

**MONOGAMUS.** *Μονόγαμος*, ὁ καὶ ἡ, persona, quæ unas nuptias contraxit. Calpurnius & Bellarminus vocem hæc ajunt apud Græcos non esse in usu: sed à Latinis primum usurpari cœptam, etsi ex Græcis vocibus compositam. Sed *μονογαμία* occurrit apud Clementem, ut paulò antè ostendimus. Id autem fit à *μόνος* καὶ *γάμος*. Propriè fuerit monogamus, qui uno tempore unius tantum uxoris est maritus, non polygamus. Sed plurimum usurpatur pro eo, qui tantum unam uxorem habuit, neque plures unâ duxit. Apostolus Tit. 1. requirit, ut episcopus nō sit, nisi unius uxoris vir, non quòd vetet plura conjugia succedanea: ut quis prior uxore demortua, aut per legitimum divortium dimissa, aliam ducat, à priori conjugio liber.

**MONOTESSARON.** Sic appellatur harmonia evangelica ex quatuor evangelistis. q. d. unum factum ex quatuor.

**MONS.** Est hieroglyphicum regni. Apoc. 17.

**MONS COAGULATUS.** Occurrit hæc locutio Psal. 68. v. 16. 17. in vulgata vers. Lat. Augustinus vertit, montem in caseatum, & exponit de Christo, his verbis: Ipse est mons in caseatus propter parvulos, gratia tanquam lacte nutriendos: mons uber ad roborandos atque ditandos donorum excellentiâ. Nam & ipsum lac, unde fit caseus, miro modo signifi-



cat gratiam. Manat quippe ex abundantia viscerum maternorum, & misericordia delectabiligratis parvulis infunditur. Sed hæc omnia oriuntur ex unius vocolæ ignorantia. Nā Hebraica veritas habet montem gibbosum: & author Latin. concordantiarum *coagulatus* rectè explicat gibbosus.

**MONSTRUM.** In vulgata vers. Lat. hæc vox significat rem stupendam & terribilem, quæ nobis occurrit. Num. 13. 34. Sap. 17. 9. Sirac. 45. 2. 2. Maccab. 5. 4.

**MONTANA.** Hæc vox absolute apud veterem Bibl. interp. ponitur, & intelliguntur loca montana. Luc. 1. 39.

**MORIA.** Vox Hebræa, mons ille, in quo templum ædificatum est à Salomone. Varia traduntur ipsius etyma: à מור myrrha, à מרר Dominus, à ראה videre, à ירוה irrigari, ex מראר id est, Dominus conspicuus factus. Nam & myrrha primitus abundavit, & Dominus ibi apparuit Abrahamo filium mactaturo, & locus fuit conspicuus atque irriguus, & denique Jesus Christus hîc se conspiciendum exhibuit. Hebræorum traditio est, in monte isto fuisse 1. altare, in quo sacrificarant Adam, Abel & Kain. 2. altare, in quo sacrificavit Noah, egressus arca. 3. altare, in quo fuit colligatus Isaac. 4. altare extructum tempore Davidis & Salomonis. 5. Jerusalem & templum.

**MORI MORTE.** Est certò mori. Distinguere autem oportet ista duo מות moriendo morietur, & ימות moriendo morietur, hoc est, occidetur. Hoc de violenta morte dicitur: illud etiam de naturali. Vide Num. 26. 65. 2. Sam. 12. 14. 1. Reg. 1. 4. 2. Reg. 8. 10. Latinus tamen vetus interpres utramque phrasin Hebræam eodem modo vertit.

**MORI PECCATO.** Hæc phrasis di-

verlo sensu usurpatur de Christo & nobis. Nam Christus, qui fuit impeccabilis. semel mortuus est peccato Roman. 6. 10, dum id expiavit & destruxit morte sua, adeoque mortuus est peccati causa, sustinendo pœnam pro peccatis nostris. At nos debemus mori peccato, id est, non debemus ampliùs vivere in peccatis. Nimirum sicut homo mortuus in sepulchro nulli detrahit, nemini injuriam facit, neminem opprimit: non invidet bonis, non insultat malis &c. ita nos debemus mori peccato, perinde ac si nullas vires vitales ad peccandum reliquas habeamus. Rom. 6. 7. Vide Augustinum de salutaribus documentis. cap. 12.

**MORI IN PECCATIS.** Est manere & perire in peccatis, & ob ea damnari. Ioh. 8. 7. 21. 24.

**MORI LEGI.** Apostolus Gal. 2. 19. ait: Ego per legem legi mortuus sum, ut Deo vivam. Per legem, h. e. per legis maledictionem, quæ ea cõminatur omnibus peccatoribus, mortuus sum legi, hoc est, desii legi adhærere & confidere, quasi per ipsam justus & salvus esse possim; & hætenus ab ea sum aversus & quasi mortuus: ut Deo vivam per fidem & fructus fidei.

**MORS.** Ea est corporis vel animæ. Mors corporis est separatio animæ à corpore: siue sit naturalis, siue violenta. Mors anima est ejus separatio à Deo. Et hæc dicitur mors æterna, quam Christus gustavit, non sentiendo æternitatem, sed extremitatem pœnæ: non succumbendo, uti damnati gustant mortem æternam, sed vincendo. Itaque Christus ad tempus fuit separatus à Deo, affectione commodi, ut loquimur in scholis, non affectione justitiæ.

**MORTA-**

**MORTALE.** Hæc vox accipitur propriè & metonymicè. *Propriè mortale* est, quod mori potest: deinde quod morti obnoxium est. Itaque mortalitas aliàs est moriendi potentia, aliàs insuper necessitas moriendi. Priori modo Adam fuit mortalis in statu innocentiæ, sed non posteriori. Scholastici subtiliùs ita distinguunt. Mortale dicitur 1. naturalem aptitudinem ad moriendum. 2. possibilitatem ad moriendum. 3. necessitatem. Primo & tertio modo Adam ante lapsum non fuit mortalis, sed secundo. Ita immortale est 1. non potens mori. 2. potens non mori. Illud negat potentiam, hoc negat actum moriendi. Rectè itaque Macrobius in somn. Scip. lib. 2. 13. Sciendum est, quòd duobus modis immortalitas intelligitur. Aut enim ideo est immortale quid, quia per se non est capax mortis: aut, quia procuracione alterius, à morte defenditur. *Mortale metonymicè* est, quod mortem adfert. Quo sensu *peccatum mortale* Scholasticis dicitur, quod animam occidit. Et si autem omne peccatum est mortale sua natura, non tamen eventu. Nam ubi fides est in Christum, ibi peccatum est veniale, non per se & sua natura, sed ex accidenti & gratia Dei in Christo per Spiritum sanctum.

**MORTALIS.** Substantivè est homo. Ita & à Græcis *βερὸς* usurpatur. Et apud Hebræos sunt affines voces מֵתִים *mortui*, & מֵתִים *homines*.

**MORTIFICO.** Vox est usitata in S. literis, & inde apud doctores ecclesiasticos. Accipitur autem aliàs de morte corporis 1. *Sam.* 2. 6. *Psal.* 37. 32. & 43. 22. *Prov.* 19. 16. *Rom.* 8. 16. 2. *Corinth.* 6. 9. 1. *Petr.* 3. 18. aliàs de morte spirituali *Rom.* 7. 4. c. 8. 13.

*col.* 3. 5. Et hoc posteriori modo aliquis dicitur *mortificatus legi*, hoc est, liberatus à maledictione legis, ut sit tanquam mortuus, si ad legem consideretur, ut ea in ipsum dominari adeò non possit, atque si non ampliùs sit. At *mortificare facta carnis*, est peccatum abolere.

**MORTIFICATIO.** Est prima pars pœnitentiæ evangelicæ, qua fit, ut veterem hominem crucifigamus, & quantum in nobis est extinguamus. Deinde est conditio misera, tanquam mortis plena 2. *Cor.* 4. 10.

**MORTUA OPERA.** Sic dicuntur peccata *Hebr.* 6. 1. & 9. 4. quia sunt expertia vitæ, quæ est secundum Deum, & quasi cadaverosa, in quibus nec est calor, qui ad Deum tendat, nec color, nec odor, qui Deo placeat. Hugo Cardinalis illud *Hebræor.* 6. sic interpretatur: *Dicuntur mortua ab effectis, quia occidunt animas: vel opera mortua dicuntur opera bona per peccatum sequens mortificata: vel quando erant sine fide: vel ita dicuntur legales ceremonia.* Augustinus de fide & operibus c. 11. putat opera mortua dici, quæ oportet mortificari, ut vivamus.

**MORTUA FIDES.** Est inutilis & inefficax ad salutem *Iac.* 2. 17. quæ scilicet neque calorem vitalem in se habet, neque operationes vitales edit. Ejusmodi autem est fides, quæ neque respicit misericordiam Dei in Christo, neque ex se parit bona opera.

**MOSES.** Nomen habet à מֹשֶׁה *ex-*traxit: quia filia Pharaonis eum ex aquis extraxit, & à submersione liberavit. Ideò dicitur ὁδογενής in illis Orphei versibus:

Ἀρχὴν αὐτὸς ἔχων ἄμα καὶ μέσον ἡδὲ  
τελευτὴν,  
ὧς

Ὡς, λόγος ὁ χαίρων, ὡς ὑδογενὴς διέ-  
 Γξε  
 Ἐκ θεοῦ γεννώμενος λαβὼν ἡ διπαλαὰ  
 θεσμὸν.

Philo, Judæus Hellenista, & Hebraismi imperitus, hoc nomen derivat ab Ægyptiaco vocabulo *μῶς*, quod aquam significat.

**MULIEBRIA.** Sic dicuntur menstrua. Occurrit hæc vox *Gen.* 18. 11. Desierāt Saræ fieri muliebria, i. e. menstrua, quibus deficientibus deficit vis pariendi.

**MULIER.** Mysticè hæc vox sumitur non uno modo. Ac primò quidem mulier amicta sole est imago ecclesiæ catholicæ, omnium locorum & temporum, quæ ab omni terræ contagio libera ætheream regionem incolit: cui draco adversatur: quæ in deserto alitur: quæ Christum parturit, & tandem parit. *Apo.* 12. ubi per desertum nihil aliud significatur, quàm quòd ecclesia à regnis hujus mundi, eorūdem-que splendore exclusa in paupertate & exilio vitam solitariam traducere cogitur. Ad quod ei duæ aquilarum alæ tribuuntur, fides nimirū & patientia. Confer cum *Exod.* 19. 4. Deinde mulier *Apo.* 17. significat spirituales illam abominationum matrem, quam Papatum dicimus. Hæc mulier fulcitur & sustentatur à bestia illa rediviva, cujus fit mentio *Apo.* 13. Cur verò Antichristus Romanus nunc sub bestię, nunc sub mulieris imagine describitur? Resp. Capite 13. regnum antichristianum sub bestię, id est, secularis imperii, imagine describitur, quia hæc species in eo tum prævalebat, & mulieris partes perquam & veluti precariæ erant. Sed temporis successu bestia langvescens facta est mulier, id est, meretrix. Nimirum bestia illa secundaria, etsi sta-

tim in ipsis suis incunabulis, Antichristi Spiritu gravissimè tentata fuit: eidem tamen non statim prorsus succubuit, ut in hujusmodi propudium, quale describitur *cap.* 17. subito degeneraverint. Nam genius Imperatorius, sub cujus alis hæc meretrix delitescibat, ab initio non patiebatur sibi habenas imperii extorqueri, utut Imperatores plus æquo colerent episcopum Romanum. Marcescente autem imperii vigore, *דניאל* illi, de quibus Daniel, succumbere cœperunt, & contrà Pontificum potestas adeò amplificata fuit, ut generoso isti Romano imperio facies illa meretricia sit inducta, qualis hîc describitur. Meretricium istud monstrum Petrarcha & alii graphicè descripserunt: nominatim Josephus Scaliger, qui Româ discedens ita dicitur illi valedixisse:

*Spurcum cadaver pristina vetustatis,  
 Imago turpis puritatis antiquæ,  
 Nec Roma Roma compos, sed tamen Roma,  
 Sed Roma, quæ prestare non potes Romam,  
 Sed qua foveris fraude, qua foves fraudem,  
 Vrbs prurienti quæ obsoletior scorto,  
 Et obsoleti more pruriens scorti,  
 Quæ penè victa face prostitutarum,  
 Te prostituta vincis, & tuum facta es  
 Tibi lupanar in tuo lupanari.  
 Vale, nefanda, constuprata, corrupta,  
 Incerta cælibum Quiritium manceps,  
 Contaminata: quippe quid tuos mirer  
 Putere mores, quando vita computret?*

Neque vero est quòd quæras, quomodo Roma virgo, cujus fidem laudat apostolus *Romanor.* 1. potuerit adeo degenerare? Nam plagæ apocalypticæ sensim & cum successu operatæ sunt, non uno actu & ictu. Sed paulò altius repetamus hujus vocis significationes. Mulier propriè est

Qq fœmina,



*fœmina, sive sit virgo, sive uxor, sive vidua, sive meretrix: improprie, sive mystice, significat* 1. Ecclesiam. *Apoc.* 12. v. 1. 4. 6. 13. 14. 15. 16. 17. 2. meretricem illam spirituales, seu matrem abominationum & fornicationum *Apoc.* 17. v. 3. 4. 6. 7. 9. 18. 3. ecclesiam à Deo deficientem. *Ezech.* 23. v. 2. 10. 44. 48.

**MUNDUS MULIEBRIS.** Est cultus mulierum, isque vel moderatus, vel immoderatus. *Esth.* 2. v. 3. 9. 12. 15. *Ezech.* 16. 7. 6. 13. 40.

**VAS MULIEBRE.** Mulier vocatur vas Hebræorum more; quia maritus utitur uxore tanquam comite & adiutrice. *1. Pet.* 3. 7. Porro dicitur vas debile; quia sexus iste est sequior.

**MULTI.** Hæc vox in Scripturis, nudè posita & quantitatem & qualitatem significat, ita nempe ut & numerum sive copiam, & promiscuum vulgus intelligamus, hoc modo. Primò usurpatur de populo Dei *Esa.* 53. 11. 12. *Per cognitionem sui justificabit servus meus iustus MULTOS, quia iniquitates illorum bajulavit: ideoque hereditatem ei assignabo in MULTIS.* *Dan.* 9. 27. *Efficiet autem, ut pravelescat fœdus ad multos per septimanam unam.*

הַבִּיר בְּרִית לְרַבִּים:

Ubi ל significat casum applicationis, juxta regulam: Particula ב ab initio nominibus adjecta significat casum possessionis, quem genitivum vocant, vel applicationis, sive dativum, pro exigentia subjectæ materiæ. Sed paulò pluribus excutiamus vocem illam MULTI in locis modò allatis. Tollit autem illa primò discrimen inter Judæos & Gentes. *Matt.* 8. 11. Cujus rei valde conspicuum initium factum est in festo Pentecostes *Act.* 2.

dum ad concionem Petri multitudo hominum ex omnibus orbis habitabilis partibus congregatorum fuit conversa. Quo tempore cœpit impleri illud *Esaie cap.* 54. 2. *Vt dilatentur pomæria Sionis, & dispersi Israelis ex quatuor mundi cardinibus congregentur.* Deinde hæc ipsa vox significat, regnum Messie non paucos, sed multos complecti subditos. Tertiò per vocem hanc רַבִּים illud regni Messie perpetuum accidens tacitè indicatur, quo illud à supercilio hujus mundi ut plurimum fastiditur, idque propter crucis ejus scandalum, & doctrinæ illius absurditatem, quam fastuosa carnis sapientia sibi imaginatur. Scriptura itaque per vocem MULTI in hoc negotio indicat, prædicari evangelii virtutem in humili & despecta plebe omnium maximè conspicuam & efficacissimam futuram. *Ioh.* 7. 48. 49. *1. Cor.* 1. 23. 26. 27. Quid multis? Vox רַבִּים omne discrimen tollit Judæi & gentilis, sapientis & rudis, divitis & pauperis. Confer *Matth.* 21. 31. *Luc.* 18. 9. cum *Esa.* 42. 2. 3. Hic obiter ex Rabinis observa, voce רַבִּים quatuor monarchias posse designari, ita ut notet multitudinem ex quatuor monarchiis collectam ר notat Romanos, ב Babylonios, ג Javan sive Græcos, ד Medos.

**MUNDUS.** Significat semper universitatem, eamque vel omnium entium, vel omnium hominum, vel omnium electorum, vel omnium reproborum. Primæ significationis exemplum est *Iohan.* 1. v. 10. *Mundus per eum factus est.* Secundæ significationis exemplum est *Matth.* 18. v. 7. *Va mundo à scandalis.* Item *Iohan.* 14. v. 27. *Non quomodo mundus dat.* Tertiæ significationis exemplum est *Ioh.* 1. 29. *Ecce Agnus Dei.*

Dei, qui tollit peccatum mundi. & 1. Iohan. 2. 2. Non autem pro nostris tantum peccatis, sed etiam pro totius mundi. Ubi vox mundus adhibetur ad significandum efficaciam salutis Christi: ut nempe intelligamus illud esse catholicum ratione subjecti. Christus enim non pro hujus aut illius temporis, non pro hujus aut illius loci populo, non etiam pro hujus vel illius qualitatis hominibus, sed pro electis omnium temporum, prateriti, presentis & futuri; inter Judæos & Gentes; sive sint divites, nobiles, docti, potentes, sive pauperes, ignobiles, indocti, impotentes &c. satisfecit. Cur autem priori loco dicitur peccatum, posteriori, peccata, in plurali? Resp. Ut mors Christi est catholica ratione subjecti: sic & ratione objecti, quia non pro hoc aut illo peccato, sed pro omni peccato, hoc pretium est solutum 1. Iohan. 1. Dan. 9. 24. Potrò tertiæ significationis exempla etiam sunt Iohan. 3. v. 16. & 17. c. 4. v. 42. c. 6. v. 33. 51. cap. 8. v. 12. c. 9. v. 5. c. 12. v. 47. c. 14. v. 31. c. 17. v. 21, 23. Rom. 11. v. 15. 2. Cor. 5. v. 19. 1. Iohan. 4. v. 14. Quartæ significationis exempla sunt Ioh. 1. v. 10. Mundus eum non cognovit. cap. 11. v. 31. c. 14. v. 17. 30. c. 15. v. 18. 19. c. 16. v. 8. 11. 20. c. 17. v. 9. 14. 25. 1. Cor. 1. v. 20. 21. c. 2. v. 12. c. 3. 19. c. 11. v. 32. Eph. 6. v. 12. 1. Iohan. 3. v. 1. 13. c. 4. v. 4. 5. c. 5. v. 19. Tertiam significationem illustremus ex Patribus. Nam de illa maximè contenditur. Cyrillus in Iohannem lib. 11. c. 19. concilians verba Johannis cap. 17. Non oro pro mundo, & verba Johannis, 1. epist. c. 2. Propitiatio est pro peccatis totius mundi, sic ait: Beatus Johannes, quoniam erat Judæus, ne pro Judæis tantum paraclerus esse Dominus apud Patrem videretur, non autem etiam pro aliis gentibus, quæ vo-

catæ, obsecratæ sunt, necessariò adjecit pro toto mundo, id est, pro omnibus, qui per fidem vocati ad justiciam & sanctificationem perveniunt. Augustinus tom. 7. libro contra Donatistas ait: Illi (.Donatista.) dicebant, mundum semper in malam significationem positum, & testimonia de Scripturis dabant, quia scriptum est, Si quis dilexerit mundum, non est charitas Patris in illo, & cætera talia. Nos verò non solum in malam, sed etiam in bonam significationem mundum in Scripturis positum respondebamus, & commemorabamus etiam illud quod scriptum est, Deus erat in Christo mundum reconcilians sibi, qui utiq; non sibi reconciliavit, nisi ecclesiam. Idem ibidem: Nolentes (.Donatista.) consentire, mundi nomine ecclesiam posse significari, contra verba apostoli, qui dixit, Deus erat in Christo mundum reconcilians sibi, & contra ipsius verba Domini, qui dixit, Nō venit Filius hominis ut judicet mundum, sed ut salvet mundus per ipsum. Neq; n. reconciliari Deo & salvati per ipsum mundus potest, nisi mundi nomine intelligat ecclesia, quæ sola per eum Deo reconciliata salvatur. Idem tomo 9. tract. 87. in Iohannē: Et in epistola sua Johannes ait: Advocatum habemus ad Patrem, Jesum Christum justum, & ipse propitiator est peccatorum nostrorum, non tantum nostrorum, sed etiam totius mundi. Totus ergo mundus ecclesia est, & totus mundus odit ecclesiam. Mundus igitur odit mundum, inimicus reconciliatum, damnatus salvatum, inquinatus mundatum: sed iste mundus, quem Deus in Christo reconciliat sibi, & per Christum salvatur, & cui per Christum omne peccatum donatur, de mundo electus inimico, dānato, cōtaminato.

minato. *Eodem tome 9. tract. 1. in epist. Iohannis*: Christus propitiatio est peccatorum nostrorum, non tantum nostrorum, sed & totius mundi. Ecce habes ecclesiam per totum mundum. *Et mox*: Christus est propitiatio peccatorum nostrorum, non tantum nostrorum, sed & totius mundi, quem sanguine suo comparavit. *Idem tome 2. epistola 48.* Et totus mundus in maligno est positus propter zizania, quæ sunt per totum mundum: & Christus propitiator est peccatorum nostrorum, non tantum nostrorum, sed totius mundi, propter triticum quod est per totum mundum. Hic non ab re fuerit ex Concordantiis Latinis adnotare significationes vocis *Mundus*. 1. Est ingens illa machina, cælum & terram, & omnia, quæ in iis continentur, comprehendens. *Act. 17. 24.* 2. Orbis terrarum. *Marc. 14. 9.* 3. Quidquid extra verum Dei in Christo notitiam & reverentiâ homines in mundo ut pretiosum & sibi conducibile ambiunt, cupidè retinent, & desunt amissum. *Matth. 16. 26.* 1. *Iohan. 2. 15.* 4. Electi Dei, ex genere humano & mundo collecti. *Matt. 5. 14. Ioh. 1. 29. 6. 3. 7. 16. 17. 6. 4. 42. 6. 6. 7. 33. 51. 6. 8. 12. 6. 9. 5. 6. 12. 47. 6. 14. 31. 6. 17. 7. 21. 23. Rom. 11. 15. 2. Cor. 5. 19. 1. Iohan. 2. 2. 6. 4. 14.* 5. Homines omnes, tum Judæi, tum Gentes, non regenerati. *Matth. 18. 7. Iohan. 1. 10. 6. 12. 31.* 6. Impii, qui ante diluvium vixerunt. *Hebraeor. 11. 7. 2. Petr. 2. 5.* 7. Judæorum gens. *Iohan. 7. 4. 6. 12. 19.* Porro hæc vox *mundus* accipitur substantivè, vel adjectivè. Substantivè. 1. pro substantia, vel qualitatibus. Ibi intelligitur machina orbis totaliter, vel partialiter: hic pravitas & vanitas mundana. 2. pro cultu muliebri. *Esth. 2.* Adjectivè est idem quod purus: & quidem vel na-

turaliter, vel artificialiter *Exod. 25. 11.* vel legaliter & typicè *Gen. 7. 2.* vel spiritualiter *Luc. 11. 41.*

**MUNDIALIS.** Est vox usitata scriptoribus ecclesiasticis: idem quod *mundanus*. Hier. ad Marcell. *Mundialibus negotiis occupamur.* Sulpit. Sev. l. 2. *Mundiales historici.*

**MUNDITIES.** Ea est triplex. 1. corporalis. 2. typica. 3. spiritualis. *Mundities corporalis* procuratur multis modis: inprimis adhibita aqua. *Mundities typica*, quæ etiam dicitur sacramentalis & ceremonialis, procurabatur aqua asperisionis, quæ etiam dicitur aqua separationis & peccati. Aqua separationis dicitur genitivo objecti, quia aspergenda erat iis, qui ob immunditiam aliquam à cœtu erant separati, ut ea purgati reciperentur. Aqua peccati dicitur, quia ceremonialiter expiabatur peccatum. *Levit. 19. 3. Num. 31. 23.*

**MUNDI ELEMENTA.** Sic *Gal. 4. 3. & Col. 2. 7. 8. 28.* appellantur ceremoniæ legis. Dicuntur elementa, i.e. pædagogica quædam rudimenta: *mundi*, h. e. populi in V. T. Dicuntur autem infirma & egena elementa, quatenus consideratur status N. T. Nam in V. T. non erant infirma & egena; utpote signa & sigilla remissionis peccatorum per Christum.

**MUNDUM VINCERE.** Est omnia mundana post se relinquere, & opprimere. *1. Ioh. 5. 7. 4. 5.*

**MUNICEPS.** Vide infra *πολίτευμα*.

**MUTATIO.** Ea fit in melius, vel in deterius. Sic *Augustinus psalmum 45. exponit de mundo commutato per evangelium*: Unusquisque nostrum, fratres, ex vetere homine in novum mutatur: ex infideli fidelis fit, ex raptore largitor, castus ex adultero, beneficus ex malefico. *Idem Psal. 60.* Non, quomodo



quomodo mutatus est Adam à justitia ad iniquitatem, & à deliciis ad laborem, sed, quomodo mutantur illi, quibus dictum est, Fuiſtis aliquando tenebræ, nunc autem lux in Domino. *Et Psal. 69.* Mutatio vel in deterius est, vel in melius. Adam & Eva in deterius: qui ex Adam & Eva Christo adhæserunt, in melius commutati sunt. *Et Psalm. 80.* Quoniam Christus, finis legis, ideo venit, ut immutet in melius.

**MUSACH.** Occurrit hæc vox 2. Reg. 16. 18. in vulgata versione Lat. Retenta est vox Hebr. מִשַׁח id est, tegmen seu operimentum. Vetus vocab. *Musacherat* arca, in qua reponebantur donaria regum vel principum ad reficienda sarta tecta templi.

**MUTATORIA.** Ita absolutè appellantur vestes, quarum usus est sacris ac festis diebus, quibus finitis exuuntur. *Esa. 3. 22. Zach. 3. 4.* Dicuntur mutatoria vestes 2. Reg. 5. 22. & mutatoria vestimenta 2. Reg. 5. 5. Ratio nomenclaturæ est, quia non continuè gestabantur, sed per vices, ut una post alteram indueretur; sicut nos vestes habemus festivas, quas diebus sabbatinis aut festis induimus, positis interim quotidianis.

**MUNUS.** In sacris literis occurrit, pro Hebræo *Minchah*. Intelligitur aliàs munus sacrum, aliàs profanum. *Gen. 43. 1. Samuel. 10. 27. Gen. 4. 4. 2. Reg. 8. & 17.* Est verò etiam munus peculiare genus sacrificii eucharistici. *Lev. 2. & 7.* Erat ex rebus inanimatis ad sacrificandum aptis.

**MYSTERIUM.** Significatur hac voce id, quod est occultum. Quo sensu *Apocal. 17. 5.* dicitur mysterium fronti mulieris inscriptum. Quæ verba opponuntur illis *cap. 13.* ubi de Dracone dicitur, capitibus ejus inscripta esse nomina blasphemiarum.

Ille nimirum ethnicam suam impietatem palam præ se tulit. At meretrix etsi eidem blasphemæ bestiarum insidet: fronti tamen, ex qua impudicitia ejus præcipua indicia peti debebant, mysterium habet inscriptum, hoc est, hujusmodi velum habet impositum, quo bestialem & meretriciam faciem tegit. Intellige hinc præstigias Papæ, quarum ea est vis, ut hoc veluti fascino mortales ad scorti hujus adorationem & spirituale in fornicationem alliciuntur. Quid verò hoc est aliud, quàm magnifica illa Ecclesiæ & successionis ostentatio. Hoc est illud fascinum, quod mulier hæc in fronte suspensum gerit. Aludit autem Propheta in eo ad ornatum Aharonis, cujus frontali inscriptum erat קֹדֶשׁ יְהוָה *sanctum Iehovæ. Exod. 28. 36.* Sed paulò altius repetamus originem & significationes hujus vocis. Origo est Hebraica. סֵתֶר est occultare סִתְּוֹ aut סִתְּוֹת est res abscondita. Itaque mysterium est res occultata, occultanda, occulta, abscondita, abscondenda. In Scripturis aliquando tota doctrina Christiana vocatur mysterium aut mysteria *Matt. 13. 2. Luc. 8. 10. Marc. 4. 2.* Et Paulo sæpe in epistola ad Ephesios, atq; alibi, mysteriū appellatur universa Christi, & de Christo doctrina: quæ Deus ab æterno absconditam apud se cum habuisset, tempore suo mortalibus patefecit. Aliquando capita quædam doctrinæ Christianæ peculiariter ita vocantur. *1. Cor. 15. 51. Ephes. 5. 32. 1. Timot. 3. 16. 2. Thess. 2. 7.* Et ecclesia non solum in commune omnia religionis arcana nominavit mysteria: sed peculiariter sacramenta hoc nomine insignivit, & quidem ut plurimum eucharistiam. Hæc enim dicit antonomastice τὸ μυστήριον, & numero multitudinis τὰ μυστήρια, item φερατὰ

μυστήρια, *tremenda mysteria*; τὸ δὲ ὑπόρρητον μυστήριον, *ineffabile mysterium*; magnum & pavendum mysterium; τὰ ἐνδοθεν μυστήρια, *interiora mysteria*; μυστήριον σωτηρίας; μυστήριον Θεῶν, *mysterium divinum*; τὸ μυστήριον κυρίου, *mysterium Domini*; τὸ δεσποτικὸν μυστήριον, *Dominicum mysterium*; τὸ πᾶν καὶ πᾶσι μυστήριον, *tantum & tale mysterium*; μέγα τῆς σωτηρίας μυστήριον, *magnum salutis sacramentum*; mysterium pacis & unitatis; *mysterium fidei*. Porro, ut hoc obiter addam, Eucharistia etiam appellatur πελετῶν πελετὴ apud Dionysium capite tertio, hierarch. eccles. sicut Bernhardo dicitur, *sanctum sanctorum*, & *sacramentum sacramentorum*.

Μυστηρίων Θεοῦ οἰκονόμοι. Apostoli ita dicuntur 1. Corinth. 4. 1. id est, dispensatores mysteriorum Dei, verbi nempe, sacramentorum, & totius doctrinæ CHRISTI. Sic in tragœdiâ CHRISTUS *patiens*, Apostoli sæpe nominantur *mystra*. Et Patres sacramenta interdum appellant *μυστήρις*. Porro Apostoli, pastores, & similes mysteriorum DEI dispensatores appellantur *symmistæ*; quia sunt pares officio isto sacro, quod vertitur in mysteriorum sacrorum dispensatione. Denique *μυστηγωγία* sacra dicitur proprie de sacramentis: etsi etiam per ampliationem sumi potest de prædicatione verbi.

MYSTERIUM INIQUITATIS. Apostolus 2. Thessal. 2. 7. negotium Antichristi vocat *μυστήριον ἀνομίας*, quasi dicat, velatam iniquitatem. Velum illud est nomen Ecclesiæ Catholicæ, quo meretrix ista suam faciem frontemque meretriciam ira tegit, ut non possit à

quovis agnosci. Hanc larvam detrahet ipsi Dominus, juxta illud 2. Thessal. 2. 8. Tum retegetur impius ille: & Esaiæ 47. 3. Revelabitur nuditas tua. Confer Nahum. 3. 5. & 2. Timoth. 3. 9. Deinde hac phrasi significatur totum Antichristi Romani regnum fore mysticum. Mystica est missa, mysticæ vestes, mysticæ ceremoniæ, mysticus character indelebilis, & denique quid non? Casaubonus exercit. 16. numer. 43. eleganter sic adnotat ad hanc phrasin. In posteriore ad Thessal. 2. 7. dicitur consummari in Antichristo τὸ μυστήριον τῆς ἀνομίας, *mysterium iniquitatis*; hoc est, *occulta quadam iniquitas*, alta, & numeris omnibus absoluta: nam ea vis est hujus locutionis; quam observo etiam apud alios auctores. Iosephus Iudaici belli libro primo, loquens de Antipatro filio Herodis, *bipedum sceleratissimo*; τὸν Ἀντιπάτρου βίον οὐκ ἂν ἀμάρτοι πρὸς εἰπὼν κακίας μυστήριον: Non erraverit, qui dixerit, vitam Antipatri fuisse malitiæ mysterium.

Μυστήρια φρικτὰ. Patres sic appellant eucharistiam, id est, *mysteria tremenda*. Gregorius Magnus eodem sensu vocat *pavendum mysterium*. Quin ipsum templum vocatur à Chrysostomo *φρικτὸν δέσπον χωρίον*, *locus maximè terribilis*.

NABLA. NABLUM. NABLIUM. Est instrumentum musicum, ab Hebraico נבל, quod proprie utrem significat. Est enim utri simile, chordis intentum, & utraque palma pulsari solitum.

NABUCHODONOSOR. Fuit rex Babylonius. Dicitur etiam Nebucadnezar, Nebucadlezar, Nebucadrezar, in Scriptura. Beroso Ναβουχοδονόσορ.

⊙. In vulg. vers. semper Nabuchodonosor. Præcipua nomina propria Chaldeorum hæc occurrunt: *Nebo*, sive *Lebo*: *Nego*: *Scheschah*: *Meschach*: *Schadrach*: *Lezar*, *Retzar*, sive *Netzar*: *Adan*: *Bel*: *Phil*: *Pal*: *Chad*. Hinc patet, Nebucadnezar esse compositum ex tribus, *Nebo*, *Cad*, *Nezar*. Ad damus etiam quædam nomina propria Assyriorum: *Schalman*: *Teglath*: *Haddon*: *Neschroch*: *Asar*: *Ballat*: *Phul*: *Schar*. Ex his composita sunt, *Salmanassar*, *Teglatphassar*, *Asarhaddon*.

**NADAB.** Est uomen proprium i. filii Aharonis *Exod.* 6. & 24. 2. filii Jeroboami 1. *Regum* 14. & 15. 3. filii Jehielis 1. *Chron.* 8. & 9. 4. filii Semei 1. *Chr.* 2. v. 28.

**MAGID.** Hebraica vox מגיד significat primò ducem, principem, antecessorem: quo sensu *Daniel.* 9. 25. Messias appellatur *Nagid*: ubi tamen Graerus hanc vocem vertit *presentem*, quòd radix ejus מגיד sit *obviam fieri*, unde מגיד è regione. Quæ interpretatio nihil habet incommodi. Deinde hæc eadem vox significat adversarium: ut *Daniel.* 11. 22. ubi Antiochus Epiphanes appellatur מגיד בריר *Adversarius fœderis*. Vulgo vertunt, *Princeps fœderis*: sed ineptè. Nam Spiritus sanctus ista phrasi voluit signanter indicare, qualis monstri hujus affectus cum erga populum Dei, tum erga cultum Dei futurus sit: quòd nempe utrumque istorum sit oppugnaturus: ita ut digitum velut intendat in nomen *Antiochi*, quòd ἀντιοχόντ⊙, *adversantis, venientis*, significationem habet. Porro hic titulus Antiocho ita tribuitur, ut in eo principaliter respiciatur ad typum Antichristi, quem gessit. Hinc Paulus 2. *Thessal.* 2. 4. Antichristum appellat ἀντικείμενον: quæ vox

Hebraicam istam phrasin illustrat. Quod attinet ad versionem vulgo receptam, quâ Antiochus statuitur *princeps fœderis*: velim scire, ubi locorum in canone vox בריר de fraudulentis colligationibus hominum perfidorum usurpetur. Multò angustior est vox ista, quàm ut de profanis confœderationibus usurpari debeat. Apud hunc prophetam extra hunc locum sexies occurrit, & semper aut de sancto Dei fœdere, aut de vero Dei cultu usurpatur. *Daniel.* 9. 4. 27. *cap.* 11. 22. 28. 30. 32. Ubi autem meminit confœderationis profanæ Antiochi *cap.* 11. 23. alio utitur vocabulo, nempe הנהגה בריר quæ si dicas ex hodierna fori consuetudine, *Exprædicata consociatio*. Nam sic propheta novum vocabulum ex forma Hithpaël fingit, quod aliàs in Canone nusquam invenitur, ut fraudulentum Antiochi ingenium evidentius exprimat, qui omnium tyrannorum more juramentis & fœderum religione, ut pueritalis, lusus esset, ut homines deciperet. Hoc ut melius perspicias, velim te observare historiam Antiochi esse principale objectum & veluti scopum ultimæ visionis: unde illam historiam copiosius describit Spiritus sanctus, quàm alterius cujusquam regis Syriaci aut Ægyptiaci, idque non propterea solummodò, quòd crudelis hæc bestia populum Dei tyrannicè simul & malitiosè afflicta erat, sed id eo potissimum quòd in hoc monstro typum agnoscebat magni Antichristi, qui aliquando iisdem ferè artibus ecclesiam Nov. T. oppressurus erat. Totius v. narrationis ἀντ. 21. c. 11. usque ad v. 35. inclusivè tria præcipua sunt capita: in quorū primo v. 21. 22. 23. 24. cōprehenditur persona Antiochi cum ipsius ingenio, & artibus,



artibus, per quas ad regnum avitum aspiraturus erat; quibus additur successus, quem in iisdem experiri debuit. Alterum caput historiam continet expeditionum illius Ægyptiacarum *vers.* 25. 26. 27. 28. 29. 30. In *tertio* tyrannis ejus, describitur, quam contra fœdus sanctum exercebit. *v.* 28. ad 35. inclusivè. Hæc autem ita disponuntur, ut in illis viva imago historiæ Antichristi exprimat, secundum nempe tenorem istius vulgati dicti: *Intravit ut vulpes, regnavit ut leo, mortuus est ut canis.* Sicuti etiam in residuis decem *vers.* capitis istiusmet historiæ Antichristi ad exemplar hujus typi accuratè describit. Sed redeamus ad primam significationem vocis *נָאֵד*. Esaias *c.* 55. in illa illustrissima prophetia de Christo, & beneficiis Evangelii ipsius, inter alia *vers.* 4. tria significantissima epitheta tribuit Christo: dum eum *נָאֵד* *testem*, *נָאֵד* *principem*, & *נָאֵד* *padagogum*, vocat. Prima vox propriè significat *protestantem*, tertia *precipientem* sive *mandantem*, ita ut utraque exprimat ipsius officium propheticum, quatenus nimirum illud circa doctrinæ reformationem & populi redargutionem versari debebat. Vox intermedia exprimit officium ipsius regium.

**NANÆA.** Est nomen Dianæ 2. *Maccab.* 1. v. 13. 15. Junio videtur ita dicta, quasi puella, à *נָאֵד* *filius, puer.*

**NAOPHYLAX.** Est editius q. d. custos templi. *Ναός* est templum.

**NARDUS PISTICA**, vel **NARDUM PISTICUM.** Sic dicitur *νάρις* *μετὰ πιστεύουσαν* *οὐδ' αὖ εἶσαι*, *nardus fideliter preparata*, ut rectè docent Camerarius in *Marc.* 14. & Fabricius in poetæ eccles. Rectè itaq; Baronius in *Annalibus* interpretatur nardum non adulteratam. Quidam dedu-

cunt à *πίνω*, *bibo*: quod Athenæus doceat, nardum aptam esse *πρὸς πίνον*, *lib.* 15. Sed in priorem sententiam omnes ferè Græci eunt: qui vocem *ναρὶς* sæpè usurpant de re fideliter facta. Sic in literis Emanuelis Imp. ad Fridericum Imp. legitur *ναρὶς* *ῥάλασμον*, *fidele balsamum*, id est, salubre. *ναρὶς* etiam de persona occurrit apud Cedrenum pro *πιστός* *p.* 545. 577. & sæpe alibi ὁ *ναρὶκὸς* τῶν *ἱεραπόκτων*, *fidelissimus ministrorum*. Significat etiam hæc vox id quod fidem confirmat: ut apud Eusebium *lib.* 8. *demonstrationis Evangelicæ* vinum mysticum sacrosanctæ Eucharistiæ dicitur *ἡμεῖς* *ναρὶς* *τῆς* *καὶ* *νῆς* *ἀγαθῆς*, *potus novi Testamenti fidem confirmans.* Porro nardinum unguentum olim magni fuit pretii: quod vel inde colligere est, quia unica fuit urbs Laodicea, quæ unguentum hujusmodi cum laude conficeret: nec multò ante Galeni tempora in aliis etiam urbibus cepit fieri quod commendaretur. Placet hoc loco inferere judiciū Cl. philologi, Christiani Becmāni, amici nostri, qui de nardo pistica hunc in modum ad me scribit: Quantopere hic stimulus pupugerit interpretes, satis notum. Sculterus cum Hartungo facit ab Opis opidulo, quasi olim fuerit nardus Opistica. Frustra. Quando Athenæus, Strabo, & alii, qui harum rerum fategerunt, nominatim quoque Dioscorides, Plinius, & reliqui, nardi Opisticae ne meminere quidem: in explicatione aliās nardi Celticæ, Italiæ, Indicæ, occupatissimi. Aliis *ναρὶς* dicitur à *πέν*, τῷ *πίνω*. Nimis morosa hæc ἀναλογία. Et quomodo liquor nardum tantopere commendat? Malim ergò à *πίσις* facere: ut sit probatæ fidei nardus. Plinio *l.* 12. *c.* 12. *since-*  
*ra.* Eidem ibidem opponitur pseudonardus.

pus. Et analogia satis conveniens. Ut à φύσις φυσικός, à δειξις δεικτικός: ita à πίσις πικτικός. Eodem significato invenimus βάλακμον πικκόν: κερμα πικκόν: notante etiam Casaubono contra annales Baronii. Sic Becmannus.

**N A S U S.** In sacris hæc vox habet notam hieroglyphicam iracundi furoris & excandescentiæ. Et Hebræi una voce nasum & iram indigitant נָס, à quo duale נִסְנָס nases. Hoc deducitur à radice נָס, quâ hujusmodi furor propriè denotatur, qui cum vindictæ cupiditate conjunctus est. Deuter. 9. 20. Psalm. 2. 12. Unde videmus eos, qui aliqua enormi injuria læsi sunt, ore compresso per nases spirare, non aliter quàm si ille inflammato cerebri coarctatus spiritus uno impetu se per hos meatus vellet ejicere. Hinc Lucas Actor. 9. 1. Saulem sævientem introducit spirantem; & Latini proverbialiter dicunt, spirare minas. Ex quibus patet, cur in Scripturis sacris per nasum potentia illa animæ, quam Græci τὸ θυμοειδές vocant, indicetur.

**N A S C O R.** Primò dicitur de conceptione in utero: ut cum angelus ait Matth. 1. Quod natum est in ea. Deinde nasci est in lucem prodire: ut cum Christ⁹ in symbolo dicitur natus ex Maria virgine. Tertiò nasci est quoquo modo produci: idque vel naturaliter, ut cum è grano nascitur culmus: vel supernaturaliter, ubi rursus est duplex nativitas. Nam primò Filius Dei natus est à Patre modo ineffabili & actu immutabili. Deinde Christus nascitur in cordibus nostris per fidē, spem, & charitatem.

**NATALIS CALICIS.** Sic apud Eli- gium & Paschasium dicitur dies cœnæ Domini. Nimirum natalis hic ponitur

pro festo die aut sollemnitate: quia dies natales solent festivo plausu transmitti, Apud Augustinum leges sacramentum calicis, de doctr. Christ. l. 4. c. 21.

**NATHINÆUS.** Præscorum Judæorum quatuor erant classes: popularis, sacerdotalis, Levitica, & dedititia, quæ erat ex exteris in religionem cooptatis. Dedititii illi dicti fuerunt *Nathinai*, cum David illos constituit, sive dedit, ut Levitis ministrarent, sicut Levitæ sacerdotibus. Cæterum hoc nomine appellati fuerunt Gibeonitæ, tanquam publici servi, qui nomine cætus populi Dei publicas angarias obibant, ex statuto Josuæ, de quo Jos. 9. 23. Horum fit mentio 1. Chron. 9. 2. Esdr. 2. 7. & 8. Neh. 3. 7. 10. & 11.

**NATIVITATIS TERRA.** Est patria Gen. 11. 28.

**NATIVITATIS VULTUS.** Est facies nativa Iacob. 1. 23.

**NATIVITATIS ROTA.** Est totus cursus naturæ in vita quotidiana. Sic Iacob. 3. 6. de lingua dicitur, quod inflammet rotam nativitatis, hoc est, quod accendat totum cursum naturæ, corrumpendo & turbando constitutiones æconomicas, politicas & ecclesiasticas. Hugo Cardinalis rotam nativitatis exponit, rotam vitæ hujus temporalis, & cursum, quo de die in diem, de septimana in septimanam, de mense in mensem, de anno in annum, sicut rota, volvitur malo igne cupiditatum. In Concord. Latin. ita legere est: *Rotam nativitatis, curriculum vitæ nobis præscriptum.*

**NATIVITUS.** Occurrit hoc adverbium apud Tertullianum libr. de anima, capite duodecimo, & est idem, quod ex nativitate: sive illa nativitas sit substantialis;

lis; five accidentalis: five physica, five metaphysica, five hyperphysica.

**NATURA.** Est increata, vel creata. Illa est solius Dei: hæc est rerum extra Deum; estque universalis, vel particularis. *Secundum naturam* fit, quod convenit congruenter ordini illi, quem Deus rebus creatis initio indidit. *Præter naturam* fit & inest, quod ab externa causa provenit, sic tamen, ut proprietates rei non tollantur. Ita in aere, qui sua natura est tenebricosus, lumen est à sole, præter aeris naturam. *Contra naturam* fit, quod ita est à causa externa, ut aliquid nativum ex eo pellatur. *Supra naturam* fit, quod à Deo efficitur modo ejusmodi, qui naturæ finitæ est impossibilis. Apostolus *Roman. 1. vers. 26. 27.* opponit *κατὰ φύσιν* & *ἐκτὸς φύσιν*, id est, ea quæ sunt & fiunt secundum legem naturæ & contra eam.

**NAZARAEUS.** Hebraicè נִזְרִי *separatus*. Erat nomen hominum votivorum in Ver. Test. qui abstinebant ab omni quod vitis producit, à tonsione, & immundo. *Levit. 25.* Quatuor autem numerantur perfecti Nazaræi: Samuel, Samson, Johannes Baptista, & Jacobus justus frater Domini. Sunt qui addunt Christum. Sed non rectè. Nam ille utique bibit vinum. Et verò Christus non נִזְרִי *Nazaræus*, five *Naziræus*, sed נִזְרִי *Nazarenus* ab urbe Nazareth appellatur: quia ibi natus est. Hic incidit quæstio ardua, quomodo *Matth. 2. 23.* dicatur, à prophetis prædictum esse, ut Christus Nazaræus vocaretur? Resp. 1. Per enallagen vocis; pluralis numeri, prophetis, posita est pro voce singularis numeri. 2. *Esaias capite undecimo, vers. 1.* Christum appellat

נִזְרִי *surculum*, idque duplici nomine: quòd nempe sit verus ille surculus, qui contra Satanæ & mundi conatus & machinas sit futurus arbor longè maxima: deinde quòd sit proditurus è loco, qui nomen habet à נִזְרִי id est, surculo. Nazareth enim à Nezer dicta est. Porro Christiani à Judæis appellati sunt *Nazareni*. Qua de re Tertullianus libro quarto, adversus Marcionem: *Vnde & ipso nomine nos Iudæi Nazarenos appellant per eum. Nam & sumus, de quibus scriptum est, Nazarai exalbatii sunt super nivem: qui scilicet retrò luridati delinquentia maculis, & ingrati ignorantia tenebris.* Isidorus libro septimo, capite decimoquarto. *Christiani olim à Iudæis quasi ob opprobrium Nazareni vocabantur.* Denique hæretici quidam dicti sunt *Nazarai*, qui **CHRISTUM** Nazarenum in omnibus imitantur, etiam quantum ad ceremonias Mosaicæ. *Augustinus de hæresibus.*

**NECESSITAS.** In sacris literis significat 1. vim cogentem, oppositam libertati. *1. Corinth. 7. 37. Philem. vers. 14. 1. Petr. 5. 2.* 2. afflictionem & rem adversam *Psal. 25. 17. & 31. 18. 2. Corinth. 6. 4.* 3. indigentiam *Deuter. 15. 20.* 4. opus seu onus publicum, quod pro reip. necessitate est faciendum. *Deut. 24. 5.*

**NEDFYRI.** Occurrit hæc vox in tomis Conciliorum, vitæ beati Bonifacii & Burchardi: *Sive illos sacrilegos ignes, quos nedfyri vocant.* Vox est Germanica *Notthsewer*. Sic appellant supe: stitiosi homines ignem illum, quem festo S. Johannis eliciunt ex palo, quem ex sepe extractum & fume circumligatum huc illuc ducunt, donec flammam concipiat: cui nescio quæ tribuunt.



**NEOPHYTUS.** Est recens natus. *i. Timoth. 3. 6.* usurpatur de illo, qui est νεοκα-  
τήχης, ut loquitur Chrysostomus. Ita  
passim Polybio οἱ νεανίσκοι, & Livio ju-  
venes sunt milites nuper conscripti. Sic ac-  
cipiendum *Marc. 14. 51.* καὶ κρατῶσιν αὐ-  
τὸν οἱ νεανίσκοι, &prehendunt eum mi-  
lites.

**ΝΕΟΣ ΔΙΔΑΣΚΑΛΟΣ.** *Novus Apostolus.* Est  
idem, quod novus Episcopus. Ita Epi-  
phanius in epistola operis initio præfixa,  
vocatur νέος διδάσκαλος: cui appellationi  
congruit vox ἰσοπίσκαλος, *aqualis Apostolo,*  
inter titulos frequens, quibus Græci in-  
signioris nominis Episcopos vel Patriar-  
chas solent ornare. Atque ita sæpe *Aposto-*  
*latus* ponitur pro episcopatu. Sidonius  
Apollinatis libro quarto, epist. 4. ad Lu-  
pum Tricassinum Episcopum: *Præter offi-*  
*cium, quod incomparabiliter eminenti apostola-*  
*tui tuo debetur.* Et epist. 7. ad Fontelum E-  
piscopum Vasionensem: *Ego quoque ad a-*  
*postolatus tui notitiam pleniorē cum præroga-*  
*tiva domestica familiaritatis accedo.* Hinc et-  
iam non solum ecclesiæ Apostolorum  
operâ fundatæ, sed etiam quævis, quæ in  
fide semel ab Apostolis tradita conspira-  
rent, dictæ sunt Apostolicæ.

**NOACHUS.** Hunc putant Janum eth-  
nicorum, sic dictum ab Hebraico נֹחַ  
propter inventionem vini. Eundem pu-  
tant esse Saturnum, sic dictum à radice  
נִחַץ *Abcondit,* propterea quod in mun-  
do antediluviano natus esset, ejusque  
natales propter nimiam ejus longævi-  
tatem quasi absconditi haberentur. Eum  
sane plerique putant propter utriusque  
mundi notitiam bifrontem fuisse fi-  
ctum.

**NOLENTIA.** Est actus nolentis. Oc-

currit hæc vox apud *Tertullianum libr. 1.*  
*contra Marc.* Occurrit etiam *volentia* id est  
actus volentis, libentia.

**NOMEN DEI.** Significat *i.* vocabu-  
lum, quo Deum nuncupamus, ut Jeho-  
vah. *2.* ipsum Deum in essentia unum, in  
personis trinum, in actionibus glorio-  
sum. Quod pertinent illæ phrasæ: *Dei no-*  
*men assumere in vanum: Baptizare in nomen*  
*Dei: sanctificare, glorificare, invocare, bla-*  
*spphemare nomen Dei.* Vide etiam paulò  
fòst.

**NOMEN SUPRA OMNE NOMEN.**  
*Philip. 2. 9* est gloria summa & majestas  
Christi Θεανθρώπου, sedentis ad dextram  
Patris, & dominantis in medio inimico-  
rum suorum. Confer *Ephes. 1. 20.* Itaque  
intelligitur peculiare ὀνόμας Christi Me-  
diatoris. Aliàs nomen יְהוָה & similia,  
quæ soli Deo competunt, possunt etiam  
hoc titulo insigniri.

**NOMEN DEI.** Significat majestatem  
& gloriam Dei. Confer *Psal. 48. 11. 2. Sa-*  
*muel. 7. 23. Esa 42. 8.* Atque hoc modo ac-  
cipiendus est locus *Exod. 23. 21.* ubi de an-  
gelo fœderis, id est, de Malitia dicitur,  
יְהוָה בְּקִרְבִּי *Quia nomen meum est in ipso,*  
id est, majestas divina in angelo isto ha-  
bitat, ita ut sit Jehova. Quod nomen so-  
li Deo convenit. *Esaia 42. 8.* ita ut falsi  
sint Rabbini, qui hanc regulam confin-  
xerunt: *Nomen Iehova omnibus creatis ange-*  
*lis equivocè communicari.* Hinc dicunt, no-  
men יְהוָה Deo esse essenziale, angelo  
ve ò huic non nisi per accidens com-  
petere. Cui malitiæ Rabbinicæ oppo-  
natur illud R. Salomonis, qui ad præ-  
dicta Mosis verba sic annnotat: *Quia no-*  
*men meum ipsi commune est, dixeruntque ma-*

gistri nostri, hunc esse מִסְטֵרִים, cuius nomen idem est cum nomine Domini sui יְיָ. Utraque enim vox Arithmetice efficit 314. Et si autem non sit firma hæc probandi ratio, ut taceam Judæos per huiusmodi Gematrias, ut vocant, multas exercere præstigias: sciendum tamen est, per eas multa mysteria Messia, de ipsius nempe persona & officio, non incommodè à Rabbiniis, etiam nihil tale animadvertentibus, exponi. Ex quo suspicari licet, hunc pia & orthodoxæ antiquitatis Israeliticæ olim pium & ingeniosum lusum fuisse, quo se oblectarunt, fidemque suam & spem in promissum Messiam sustentarunt. Ut jam nihil dicam de eo, quod hoc ipsum investigandi studium infinitam diligentiam legendi, scrutandi, conferendi & expendendi verbum Dei præle ferat. Sed redeamus ad locum Exod. 23. Hic lucem accipit ab eo, qui est Col. 2. 9. ubi Paulus dicit, *in illo inhabitare omnem plenitudinem deitatis corporaliter*. Hoc nempe est Mosis illud, *Quia nomen meum est in ipso*.

NOMEN BLASPHEMIÆ. In Apocalypsi cap. 13. dicitur, Caputibus bestiarum impositum esse *nomen blasphemie*: quod primò falsi Dei cultus splendidissimam speciem significat: deinde magicam quandam vim innuit, quam hæc ostentata species habet in seducendis splendoris illius admiratoribus. Quæ omnia in veteri Romano Imperio sunt evidentissima. Nam potestas ipsius fuit bifida, ita ut fuerit imperiosa tyrannide, & blasphema religione insigne: quorum illud per capita, hoc per nomen blasphemie significatur. Bifida illa potestas in Romulo sanguinario, & Numæ ipsius successore, & Pontifice Maximo ad vivum fuit expressa. Atque hæc ratione diabolus in Româ, tan-

quam Latinâ suâ Anti-Jerusalem, per hosce duos fundatores Mosis & Aharonis officia exprimere voluisse censendus est, ita ut Roma inde à suis incunabulis regni Antichristiani metropolis fuerit, adeoque Deum Maussim, id est, Basilicarium Deum, coluerit. Pertinet huc illa formula, *Pro aris & focis*, quâ Imp̃p. nihil efficacius noverant ad animos militum incitandos.

NOMINUM PERMUTATIO. Judæorum plerique duo nomina habuerunt: & *יְהוָה*, assumptio in filium, filii que appellatio ex variis causis contingebat: putà vel natura, vel ex lege Mosis de semine fratri mortuo excitando: item adoptione, vel arrogatione: nec non propter affinitatem: nam gener socero filius dicebatur: adde successionem in regnum, vel privatam hæreditatem: nam etiam hi eorum filii censebantur, quibus successerant.

NON. Hebræis est נֹכַח & נֹכַח; quæ duæ voculæ hoc modo differunt. Adverbium negandi נֹכַח non negat actionem, sed rem, & cum nominibus potius aut vocibus nominalibus, quales sunt Benonicæ, quàm cum verbis, conjungitur: unde etiam fit, quod in forma status constructi נֹכַח ut plurimum invenitur. Alia est ratio particulæ נֹכַח. Ejus enim significatio est negare actionem: unde cum præteritis & futuris usurpatur. Vide Kimchium in Lexico ad vocem נֹכַח.

NONNUS. NONNA. Ægyptii quondam viros & virgines pietate ac vitæ sanctimonia insignes, *Nonnos & Nonnas* appellarunt: ut ipsis Nonnus idem fuerit quod monachus; nonna, quod monacha. Quibusdam etiam peculiariter hoc nomen tributum est: ut poeta insignis appellatus fuit Nonnus, ut esset hoc no-

men ipsi tanquam stimulus pietatis & sanctitatis.

NOMOCANON. Photius Patriarcha Constantinopolitanus scripsit Nomocanonem, quem Theodorus Balsamon commentario illustravit. Baronius & Bellarminus utrumque habent pro schismatico: quod Romanæ ecclesiæ fuerint infensi.

NORUNT INITIATI. Ἰκανοὶ μεμνημένοι. Hæc formula Patribus est usitatissima in mentione sacramentorum. In unius Chrysostomi homiliis & aliis scriptis minimum quinquaginta locis potest observari. Apud Augustinum in epistolis, enarrationibus in Psalmos, tractatibus in Johannem, homiliis five

sermonibus, & aliis scriptis, non multo rarius occurrit. Extrat & apud alios omnes Patres sæpissime.

NOTARIA, seu NOTARIACA EXPOSITIO. Est methodus, quæ per notas quasdam sive characterum, sive linearum, sive punctorum, divinis Scripturis vel appositæ, vel insertæ, verborum ac sententiarum ac latentium sensuum rationem demonstrat. Vide Sixtum Senensem biblioth. sanctæ. lib. 3. c. 1. & Martiam Martinium in Lexico. lit. N. Summa hæc est. Omnis, quæ per notas fit expositio, duplici constat literarum varietate. Ex iis aliæ quædam literatæ dicuntur, aliæ illiteratæ. Notæ literatæ sunt xv i. hoc ordine.

1. A. Apile.
2. Γ. Gehennon.
3. Δ. Diabolos.
4. E. Ecclesis.
5. Z. Zerema.
6. M. Mellon.
7. X. Xenion.
8. ς. Uranion.

9. Π. Pneuma.
10. Τ. Tropos.
11. Υ. Ypsilon.
12. ΥΥ. Ypsilon hypogrammenon.
13. Χ. Character.
14. ΧΧ. Character diplus.
15. Ϟ. Sagur.
16. Ϟ. Pethach.

Notæ illiteratæ sunt itidem xv i. hoc ordine.

1. Stauros.
2. Ancyra.
3. Ancyra ano.
4. Asteriscus.
5. Obelus.
6. Metobelus.
7. Ceraunion.
8. Obelos ano estigmenos.

9. Limniscus.
10. Sublimniscus.
11. Antigraphe.
12. Antistigma.
13. Cryphia.
14. Diple.
15. Diple Peristigme.
16. Siclus Nechudoth.



**NOTIO.** Scholasticis theologis est *γνώσις*, quod divinam personam notificat. e. g. innascibilitas, generatio activa & passiva, spiratio activa & passiva. In Deo Patre sunt tres notiones: quia est ingenuitus, gignit, & spirat. In Filio duę: quia gignitur & spirat. In Spiritu S. una: quia spiratur.

**NOVELLITAS.** Apud Tertullianum est novitas opinatorum, hæreticorum, & omnium *ἐπεροδίασκαλέντων*. Verba ipsius adversus Praxean hæc sunt: *Hanc regulam (fidei) ab initio evangelii decucurrisse, etiam antepiores quoque hæreticos, nedum ante Praxean hesternum, probabit tam ipsa posteritas omnium hæreticorum, quam ipsa novellitas Praxea hesterni.*

**NOVISSIMUS.** Est idem quod extremus. Valde hac voce delectatur vetus interpret Bibl. Esa. 44. 6. & 48. 12. & Apoc. 1. 8. Deus dicitur primus & novissimus, h. e. ab æterno in æternum manens. Ambrosius hexaem. 1. 4. sic exponit: *Verè & secundum Deitatem est initium omnium, quia nemo ante ipsum: & finis, quia nemo ultra ipsum.* Lyra: *Ego sum primus & novissimus. Per hoc idem signatur, quod supra dicitur, Ego sum α & ω.* Hugo: *Ego sum primus per naturam, à quo omnia: & novissimus, ad quem omnia: vel (sic de Christo speciatim exponitur.) primus, omnium excellentissimus, & tamen novissimus, i. e. omnium despectissimus.* Potrò novissima hora dicitur tempus N. T. inde à Christi ascensione usque ad initium mille annorum, de quibus. Apoc. 20.

**NOVITIOLUS.** Tertulliano est catechumenus, tanquam tiro & parvus novitius in militia Christiana. Vide lib. de penit.

**NOVUM MANDATUM.** Christus Iob. 13. 34. ait: *Novum mandatum do vobis, ut diligatis invicē, sicut dilexi vos.* Quæ

verba non uno modo exponi solent. *Quidam* putant eo sensu dici novum, quod in veteri lege jubeamur proximum diligere, ut nos ipsos: at nūc plus quàm nos ipsos; tanquam dilectio nova sit gradu auctior, aut exemplo novo atque singulari in Christo insinuata. *Alii* novum dici existimant, quod Christus nunc pro regula & norma diligendi ponatur, non nos ipsi. *Alii* novum, quod innovandum sit & instaurandum novo studio, cū obsoleverit & in desuetudinem abierit propter glossas Phariseorum. *Alii*, quod novo spiritu à Christo sit promulgatum. *Alii*, quod sit mandatum suave, charum. Nam quia novitas est grata, & amorem gignit, usu venit ut novum pro charo ponatur. Itaque hoc sensu mandatum illud Christi semper debet esse novum, quod nunquam apud nos oblitteretur & antiquetur: cui quoque exercēdo in singula momenta datur occasio nova; quatenus nempe Dei benignitas singulis matutinis est nova erga nos. Thren. 3. 23. Denique *quidam* putant appellari novum, quod conveniat novo homini.

**NUDIPEDES.** Sunt hæretici nudis pedibus semper ambulantes. *Augustin. de hæres.*

**NUDUS.** Est r. vestibus non indutus Gen. 2. 25. 2. detectus, seu manifestus Iob. 26. 6. Hebr. 4. 13. 3. destitutus donis spiritualibus. Ezech. 16. v. 7. 22. 39. c. 23. 29. Apoc. 3. 17. c. 16. 15. Est itaque nuditas corporalis, vel spiritualis, & rursus illa est gloriosa, ut ante lapsum & in vita æterna: vel ignominiosa, ut post lapsum.

**NUMERUS HOMINIS.** Ex tristissima Hebraismi consuetudine significatur numerus ejusmodi, qui hominis caput rerumque humanarum modum

non

non excedit. *Apoc.* 13. Cujus interpretationis ratio manifesta petitur ex *Apoc.* 21. 17. ubi Johannes 144. cubitorum mensuram vocat mensuram hominis, hoc est, inter homines usitatam. Sed videamus, qualis sit ille numerus hominis? Apostolus dicit esse numerum hominis, & numerum ejus sexcenta sexaginta sex. Et paulò ante ænigmatis hujus mysterium in nomine bestia, inq; numero nominis ejus constituit. Unde quidam sic disputant. In his verbis per nomen, quodcunque etiam fingatur, aliud nihil quàm bestia appellatio; per nominis verò hujus numerum, ejus arithmeticus valor intelligi potest. Jam verò nomen bestia est *Romana*, scilicet ecclesia: quæ vox proculdubio Hebraicè ab apostolo est considerata. Videmus enim usitatum esse Johanni, ut in hujusmodi mysteriorum designatione Hebraicis vocabulis utatur: qualia sunt *Abaddon* & *Armageddon* *cap.* 9. 11. & 16. 16. Ex his efficitur, Johannem hoc suo numero nos manu ducere ad vocem רומי, quæ in numeris facit 666. Vox illa descendit à radice רים *sublimis, excelsus* fuit, atque ita superbam, arrogantem & sublimem significat. Ad quam appellationis rationem alluisse videtur Daniel *cap.* 11. 36. quando de Antichristi imperioso fastu inter alia dixit ויתרום *Et efferet seipsum*. Quod etiam Johannes respicit *c.* 18. 7. ubi de meretrice illa Romana dicit, *Quantum seipsam extulit*. Et *cap.* 17. v. ult. disertis verbis ait: *Mulier, quam vidisti, est urbs illa magna, quæ regnum habet super reges*. q. d. Roma est bestia illa, cujus numerus est 666. His rationibus addantur illæ. 1. Nomina illa, Romulus, Roma, Remus, Troja, Hector, & simj-

lia, sunt Hebraica: Non itaque est absurdum, si Hebraicè resolvantur. 2. Johannes considerat Romam, quatenus ecclesiam Christi mentitur. Itaque non vox רומ, sed רומי est assumenda: ut intelligatur ecclesia Romana. 3. Nomen istud רומי est tessera catholicorum istorum, qui fideliter serviunt bestia. Hoc nomen qui habet, censetur in numero Christianorum: qui non habet, judicatur hæreticus. 4. Hujusmodi nomen oportet intelligere, quod simul exprimat ipsum tempus 666. quo bestia rerum in ecclesia plenè potiri cœpit. Constat autem ex historia ecclesiastica, anno Christi 760. Pipinum, & Carolum M. Romam effecisse verè Romanam, id est, excelsam. Tumenim confirmata est καὶ βασιλεία, Cæsareo-Papatus. 5. Numerus arcessendus est ab anno Christi 94. quo scripta est apocalypsis: vel ab excidio urbis: vel ab assumptione Domini. Quidquid autem horum fiat, semper manuducimur ad Romanam ecclesiam, quæ ab anno 700. regnum suum externum magis magisque stabilivit. 6. Triplex illa periodus: *Tempus, tempora, & dimidiū temporis*: confirmat hanc sententiam. Nam prima periodus est ab excidio Hierosolymitano usq; ad annū Chr. 735. sive 800. secunda inde ad annum 1517. tertia inde usq; ad hunc annum. Quæ divisio periodorum nō potest alii aptare, quàm bestia Romanæ. Sunt, ut hoc obiter moneam, qui per hos annos non initium regni bestialis, sed ejus durationem, inde ab anno Christi 1073. sive à Papatu Gregorii VII. qui omnipotentiam Pontificiam confirmavit. 7. Fundamentum characteris hujus numeralis.

lis in eo recumbit, ut per illum agnoscamus nomen bestię, & sic ipsam bestiam, atque nobis caveamus ab illius fraudibus & impostura. Quod ipsum vox חַיִּים magis præstat, quàm ulla alia: in qua etiam sex literę senarium ter repetitum ob oculos ponunt.

**NUPTIÆ.** Sunt carnales *Gen. 29. v. 22.* vel mysticę & cœlestes *Matth. 22. v. 2. 3. 4. 8. 9. 10. 6. 25. 10. Marc. 2. 19. Apoc. 19. v. 7. 9.* Alii distinguunt in nuptias naturę, gratię, & glorię.

**NUPTIÆ SECUNDÆ.** Eadem sunt privilegia & honoraria primarum & secundarum nuptiarum. Par enim utrobique est ratio. Non itaque audiendus est Tertullianus, qui & ante & post suam ad Montanistę transitionem, secundis nuptiis iniquior & durior fuit. Vide lib. 1. ad uxorem, ubi pro monogamia & univiratu tanquam pro aris & focis pugnat. Sed & Papistę irregulares fecerunt nuptias secundas. Quid? Concilium Neocæsariense, quod Nicæno est antiquius, & à Leone IV. approbatum fuit, canone 2. nuptias secundas damnavit: *περὶ τὸν εἰς γάμους διαγαμέντων μὴ ἐστῆναι.* Quibus verbis prohibet presbyterum interesse convivio nuptiarum secundarum. At hæ nuptiæ sunt à Spiritu sancto probatę *Rom. 7. 3. 1. Cor. 7. 39.* Et Concilium Laodicenum cap. 1. *διαγάμιον*, tanquam legitimam commendat his verbis: *ἐλευθέρως καὶ νομίμως δευτέρως γάμοις συναφθέντας*, libere & legitime secundis nuptiis conjunctos seu, ut vulgo loquimur, copulatos.

**Nux.** Mysticę *Cant. 6. 8.* ecclesia sic appellatur: quia est Deo fructifera varietate bonorum operum. Confer. *Esa. 5.*

**Cæterum pro Descendi in hortum nucum,** Junius habet, *Ad hortos putatos descenderam.* Sed Hebręi nucem interpretantur.

**OBSIGNARE PECCATA.** *Dan. 9. 24.* est compendium evangelii. Nam angelus Gabriel describit ibi morbum & curandi methodum, & denique restitutionem perfectę sanitatis, his verbis: *Ut cohibeatur transgressio, & obsignentur peccata, & propitiatio fiat pro iniquitatis culpa, adducaturq; justitia aeterna.* Gradus morbi sunt tres, de quibus videtur. **PECCATUM.** Curandi ratio similiter tribus verbis non minùs significanter exprimitur, hoc modo. *Transgressio cohibetur*, hoc est, inhibetur, includitur, in carcerem detruditur, captivatur; qua postrema voce utitur Micheas c. 7. 19. Nimirum Christus per mortem suam coëcuit dominatum peccati, ejusq; vim lethalem hinc à conspectu Dei exclusit, illinc à renatis prohibuit. *Rom. 6.* Huc accedit, quod per missum & donatum Spiritum sanctum cohibuit profusam peccati licentiam, & impurę carnis aculeos retudit. Secundo peccatorum gradui verbum *ὑποσημαίνω*, obsignare, opponit. Nimirum Christus obsignavit peccata, hoc est, quasi occlusa seposuit, & à conspectu removit. Sic itaque verbum *ὑποσημαίνω* præcedenti *καταλαμβάνω* non nihil est affine. In eo tamen differt, quod aliquantò latiùs pateat, & mitiorem peccati curandi rationem significet. Usitatissima ipsius significatio est obsignare: à quâ interdum transfertur, ut significet, claudere, ultimam manum imponere, & sic clausum aliquò reponere, ut quasi à conspectu removeatur, neceidem ampliùs pateat. Hoc itaque vult dicere angelus. Peccatum, quod hætenus semper coram Dei conspectu



specu expositum fuit, per Messiam, Angelum illum secreti sigilli, annulo Davidis obsignabitur, reponetur, & à conspectu removebitur, ita ut quasi captivatum projiciatur in profundum maris, cooperatum tegatur, & post tergum Dei projiciatur. *Mich.* 7. 19. *Psal.* 32. 1. 2. & 51. 11. *Esa.* 38. 17. Videtur autem propheta in hujus verbi usurpatione respicere ad id, quod *cap.* 7. 10. de processu supremi judicii dixerat, *Libros fuisse apertos*, id est, omniatum in aprium fuisse producta, & publicæ recognitioni subiecta. Alii vertunt, *Vt finem accipiat iniquitas*, hoc est, ut culpa consummetur & quasi absumatur. *Thren.* 4. 22. Quæ sententia non malè convenit officio Messiae. Porro extra Christum transgressio nostra consignatur in tabulis Dei, ut Job fatetur *cap.* 14. 17. id quod conscientiam non potest non angere. Sequitur jam tertius medicinæ gradus, *וְעָרַף* *Vt expietur iniquitas*. Angelus verbum *expiare* ex media Moysi lege, ex medio tabernaculi fœderis, tēplique, quod ei successit, omniumque Moisaicarum ceremoniarum apparatu accersivit: ubi de fructu & effectu sacrificiorum, oblationum, purgationum, & reliquarum ceremoniarum frequenter usurpatur, qui nempe erat placatio Dei, averruncatio iræ ejus, & ipsius cum peccatore, qui offert, reconciliatio. Hinc celebratissimum illud propitiatorium templi, quod Græci *ἱλαστήριον* vocant, & in quo verus & genuinus typus Christi ejusdemque officii representabatur, *וְעָרַף* dictum est. Quæ omnia si attendantur, apparebit, per verbum *expiandi* hoc loco usurpatum, universam illam medendi vim, quæ olim diversarum victimarum ceremoniis contra diversa peccata typicè adscripta fuit;

quidquid etiam per sacerdotis magni annum ingressum in sanctum sanctorum, & reliquas officii ejus partes, quæ quidem huc spectant, præfiguratum fuit, uni Christo ejusdemque in arca crucis sacrificio ab angelo adscribi, per quod nimirum vera & realis propitiatio in conspectu Dei efficaciter & finaliter fuit perfecta. Hæc demum ratione morbi nostri cura & medela legitimè perficitur, dum per sacrificium Christi omne malum à nobis averruncatur, & omne bonum in nos confertur. Unde etiam Daniel suam precationem in hoc fundamento extruit, dum à v. i. hujus capituli recenset mala culpæ & pœnæ tum suæ, tum populi, & à Deo petit beneficium remissionis peccatorum, defensionem populi, exauditionem precum, & similia. Hactenus est curatio morbi: sequitur sanitatis restitutio in illis verbis: *Vt adducatur justitia seculorum sive æterna*. Vide tit. JUSTITIA ÆTERNA sive SECULORUM.

OBSIGNATIO HOMINUM ELECTORUM. Obsignatio ista nihilest aliud, quàm actus divinæ providentiæ, quo Deus electorum securitati ita prospicit, ut ad instar pastoris ovium, dum suum pecus cum alieno grege commiscet, singulos signari curet. Confer *Apoc.* 7. cum *Ezech.* 9. Utrobique enim paterna cura & sollicitudo Dei super electis suis describitur: quibus nimirum inter fœnarum & scandalorum pericula certum veluti signum & characterem imprimit, ut angeli, dispensatores plagarum, ab illis abstineant. Fructum autem istius obsignationis præcipuum ecclesia percepit sub Antichristi magni tyrannide: ut constat ex *Apoc.* 14. Porro numerus obsignatorum est 144000. cujus hæc videtur esse ratio. Centum

quadraginta quatuor sunt numerus quadratus, cujus radix est duodecim. Per hanc radicem fundamentum omnibus apostolis commune, cui nimirum hæc obfignatorum ecclesia superstructa est, indicatur. Confer *Apoç. 21. 16.* ubi introducit forma urbis sanctæ quadrata, & ambitus ejus dicitur fuisse 144. cubitorum, & murum ejus habere duodecim portas, notatas totidem nominibus filiorum Israel, habere denique duodecim fundamenta, quibus duodecim apostolorum nomina sint inscripta. Ubi duodecim tribus Israel, quemadmodum etiam *cap. 14.* mysticè pro tota ecclesia catholica ponuntur. Quod ipsum etiam fit apud Jeremiam *cap. 31.* ubi de ecclesia gentium acturus, versu 1. capitis manifestò indicat, eam omnium Israelis tribuum nomine censi. Nec typus iste ad rem parum est accommodatus. Sicut enim tribus illæ olim distinctis regionum terminis à se invicem secretæ erant, quarum singulæ etiam suis quibusdam externis & peculiaribus prærogativis gaudebant, interim tamen omnes sub filiorum Israelis nomine censebantur: ita hic electus mundi flos; etsi locis à se invicem distinguitur, pro temporis etiam locique ratione diversis circa externum religionis cultum institutis utitur, vi tamen divinitus factæ obfignationis, inque fidei, quam Agno inviolatam præstant, unitate, & charitatis mutux vinculo mysticæ Israelis domus viva mēbra existunt.

**OBSIGNATIO VISIONIS ET PROPHETÆ.** Hæc phrasis *Dan. 9. 24.* significatur finis, effectum & approbatio prophetiarum V. T. de Christo significatur. Nam verbum *obfignare* præter consignationem significat etiam finem & effe-

ctum, qui est, *Ultimam manum imponere, ad finem perducere, concludere*: quo sensu Judæi numerant annos ab obfignato, id est, completo sive absoluto, *Milchnah*: item ab obfignatione *Talmud*. Estque hæc phrasis non parum elegans, in qua etiam publicæ approbationis significatio simul includitur, ut constat ex *Ioh. 6. 27.* Itaque obfignatio visionis facta per mortem Christi significat, veterem prophetiam, Christo exhibito & passo, finem suum cōsecutam esse. Christus enim, scopus prophetiarum V. T. unicus, realiter implevit, obfignavit & ratificavit omnia, quæ à prophetis fuerunt prædicta de nostri redemptione per ipsum. *Act. 10. 43. Iob. 17. 4. 6. 19. 30.* Nihil enim mancum aut imperfectum obfignatur. Hæc verò non sic accipienda sunt, quasi in N. T. nullum amplius prophetiæ donum, nullusque propheta sit futurus: sed ratione principalis objecti veteris prophetiæ, quod erat Christus, cujus persona & officium in N. T. non prædici, sed prædicari debet. Cæteriùm Judæi in *Seder Olam* sic annotant: *Anno 52. regni Persarum & Medorum mortui sunt Haggæus, Zacharias & Malachias. Et illo tempore recessit prophetia ab Israele. Fuit autem hic annus à mundo condito 3404.* Sed errant homines cæci. Nam obfignatio prophetiæ facta est anno M. 3418. quo ad finem decurrit periodus LXX. septimanarum Danielis. Desinant itaque Judæi expectare Messiam, & audiant Mosen & prophetas à Deo obfignatos. Colophonis loco contra Papistas notetur perfectio canonis Biblici, ex hac phrasi. Nam si canon V. T. obfignatus est à Deo, utique perfectus est: quia, ut ante diximus, manca non obfignantur.

**OBLATA.** Est adjectivum; quod substantivè ponitur nunc pro hostiæ oblatione, nunc pro ipsa hostia oblata. Orthmarus cap. 3. *Panī rotula, quæ vulgò oblata dicuntur.*

**OBLATOR.** Est qui aliquid offert in festo. Græcis *συντελεστής*. Quanquam etiam hæc vox aliter accipitur, ut in illo Gregorii: Christus est *ὁ ποιητὴς τῶν αἰώνων*, ὁ *συντελεστής*, καὶ *μεταποιητής*, i.e. qui creavit secula, & illa consummabit, & instaurabit.

**OBLATIO.** Vetus ecclesia cœnam Domini appellat *θυσίαν*, sacrificium, propter memoriam sacrificii, semel in cruce facti & oblari: & eandem ob causam, *προσέβην, ἀναφορὴν, προσφορὴν*, i.e. oblationem.

**ODIBILIS.** Est odio dignus, invius, odiosus. Sæpè occurrit apud veterem Bibliorum interpretem. *Rom. 1. 30. Tit 3. 3. Apoc. 18. v. 2. 4. &c.* Usurpat & Lamprius in Heliogabalo.

**ODIO.** Est voluntate averfor, inimicè sum affectus. Occurrit aliquoties apud vet. Bibl. interpr. *Luc. 16. 13. Apoc. 17. 16.* & Vide Concordantias Latinas. Tertullianus quoque in apol. usurpat hanc vocem: Oditur ergo in hominibus innocuis etiam nomen innocuum. At enim secta oditur in nomine utique sui authoris. Verba ibi facit de nomine Christianorum.

**ODOR VITÆ AD VITAM, ET MORTIS AD MORTEM.** Est elogium evangelii, adeoque etiam sacramentorum. Sic de Eucharistia canit Vidas:

*Vita piis est, atque eadem mors fontibus  
esca:*

*Uno eodemq; salus fluit, atque è fonte vene-  
num.*

Thomas Aquinas in prosa de cœna Domini sic modulatur hac de re:

*Sumunt boni, sumunt mali,*

*Sorte tamen inæquali*

*Vita, vel interitus.*

*Mors est malis, vita bonis.*

*Vide paris sumtionis.*

*Quàm sit dispar exitus.*

Porro in Scripturis est odor. 1. naturalis *Genes. 27. 27.* 2. artificialis & legalis *Genes. 8. 21.* 3. spiritualis sive mysticus. *Cant. 1. 4. & 7.*

**OECONOMUS MAGNUS.** *Οἰκονόμος μέγας*. Erat ordinis ecclesiastici munus. Administabat omnia ecclesiastica prædia & illorum redditus. Erat primus cleri post patriarcham.

**OECONOMI MYSTERIORUM DEI.** Hoc elogio insigniuntur apostoli, adeoque & illorum successores. 1. *Cor. 4. 1.* Dicuntur œconomi, h.e. dispensatores, qui ordine accurato ex mandato & præscripto domini sui debent bona concedita distribuere iis, quibus par est. Per mysteria intelliguntur verbum, sacramenta, & tota doctrina Christiana, seu, ut cum Patribus loquar, τὰ ἐκφορὰ & τὰ ἀπόρρητα. Nam Patres universam doctrinam Christianam distinguebant in τὰ ἐκφορὰ, i.e. ea, quæ enuntiari apud omnes poterant, & τὰ ἀπόρρητα, id est, arcana temerè non vulganda, quòd videl. gentiles & ignari ea deriderent.

**OECONOMIA.** Hæc vox apud Patres est πολὺσμος. Et primò quidem Tertulliano lib. contra Praxean c. 2. & 8. œconomia est ratio deitatis in se, & operū internorū inter personas ejus. Verba ejus loco priori ita sonant: Custodiatur οἰκονομίας sacramentum,



mentum, quæ unitatem in Trinitate disponit. Locus posterior ita habet: Trinitas per confertos & connexos gradus à Patre decurrens, & monarchiæ nihil obstre-  
 pit, & οἰκονομίας statum protegit. Deinde  
 œconomia significat voluntariâ & gra-  
 tiosam dispensationem, qua Filius Dei di-  
 gnatus est seipsum demittere nostri cau-  
 sa ad assumendam naturam humanam, &  
 perficiendum redemptionis opus. Unde  
 Athanasius tomo 2. epistola ad Iovinianum Imp.  
 ait, quod λόγος sit factus οἰκονομικῶς παι-  
 δον: & in psalmi 67. verba dicit, quod τὴν  
 οἰκείαν οἰκονομικῶς σιωπῆσαι δόξαν, id  
 est, propriam gloriam dispensativè um-  
 brâ quodammodo obscurarit. Idem dia-  
 logo 4. de Trinitate: Οὐ γὰρ φύσει θεότητος  
 ὑπὲρ ἡμῶν ἀπέθανεν, ἀλλ' ἐνώσεως οἰκono-  
 μία, hoc est, Non enim naturâ deitatis  
 pro nobis mortuus est, sed unionis dis-  
 pensatione. Ibidem: ὁ ταπεινώσας ἑαυτὸν  
 μέχρι θανάτου, καὶ ὑποθανὼν θεὸς ἔστιν, ὃς φύ-  
 σει θεότητος ὑποθήσκει, ἀλλ' ἐνώσεως οἰκono-  
 μία, id est, Qui humiliavit se usque ad  
 mortem, & qui mortuus est, Deus est, nō  
 naturâ deitatis moriens, sed unionis œ-  
 conomia. Idem adversus eos, qui damno affi-  
 ciunt genus nostrum eo quod negant Servatorem  
 ex natura nostra sumsisse primitias, tom. 2. Ne-  
 cessarium est, maximeque necessarium,  
 credere Scripturis sanctis, confiteri ex  
 genere nostro primitias, celebrare singu-  
 larem assumptis in genus humanum a-  
 morem, obstupescere magnæ œconomiæ  
 atque dispositionis miraculum. Iustinus  
 Martyr in expositione fidei: Ad hunc modum  
 œconomiam inter nos provinciamque  
 suam obivit implevitque. Pertinet huc  
 illa phrasis: ἐνωτικός οἰκονομία, item σω-  
 τηριος οἰκονομία, id est, incarnatio sive

nativitas Domini nostri Jesu Christi.  
 Tertio Eusebius lib. 1. de præpar. evange-  
 lica, & Gregorius Nazianzenus orat. 2.  
 de Filio, duplicem faciunt Christi œco-  
 nomiam; alteram, quæ ad providentiam  
 refertur illam, qua Deus ante humanita-  
 tem assumptam salutis nostræ consuluit;  
 alteram, quæ earum est rerum, quas no-  
 strâ causâ gessit, ac passus est in corpore.  
 Plerique Patres Græci œconomiæ no-  
 mine hanc potissimum de incarnatio-  
 ne atque humanitate Christi tractatio-  
 nem à se susceptam appellarunt. Quarto  
 œconomia significat dispensationē my-  
 steriorum DEI in prædicatione verbi  
 & administratione sacramentorum: ut  
 cum Chrysostomus dicit, DEUM voca-  
 re homines οἰκονομικῶς, id est, per mini-  
 stros, qui promiscuè offerunt gratiam  
 bonis & malis. Quinto œconomia tri-  
 butur angelis bonis, quando apparent  
 in corporibus. Ita dicimus angelos as-  
 sumsisse corpora οἰκονομικῶς: item cor-  
 pora ab ipsis assumpta esse κατ' οἰκono-  
 μίαν. Cæterum œconomia, quæ tri-  
 butur CHRISTO, est alia exinanitio-  
 nis, alia exaltationis. Ita status exina-  
 nitionis Christi est tota illa œconomia,  
 qua Christus forma servi accepta Patri  
 fuit obediens ad mortem. Similiter sta-  
 tus exaltationis Christi est tota illa œco-  
 nomia, qua Christus resurrexit è mor-  
 tuis, ascendit in cælos, sedet ad dextram  
 Patris, & inde venturus est ad judican-  
 dum vivos & mortuos.

OECCUMENICUS. Est universalis,  
 pertinet ad orbem terrarum, vel ad  
 orbem Romano Imperio subiectum,  
 vel ad orbem Christiano nomini ad-  
 dictum. Sic Luc. 2. οἰκουμένη intelligitur  
 de orbe

de orbe Romani imperii. Et cùm dicimus Concilia œcumenica, intelligimus orbem Christianitatis.

**OFFERTORIUM.** *Isidorus lib. 6. c. 19. ait:* Fertum dicitur oblatio, quæ alteri offertur & sacrificatur à Pontificibus, quod offertorium nominatur, quasi propter fertum. Oblatio vocatur, quia offertur. *Vetus vocabularium:* Offertorium oblatio, quasi propter fertum, quia primo loco fit oblatio, & postea sacrificium. Et offertorium dicitur locus, ubi reponuntur, vel ubi fiunt oblationes.

**OFFICIA.** Ipsi officiales interdum appellantur officia: ut apud Tertullianum, *Nos divina officia angelos credimus.*

**OLEUM.** Est corporale, vel spirituale. De illo est *Genes. 27. v. 28. Exod. 25. 6. & alibi:* de hoc *Psalms. 45. 8. & 89. 21. Cant. 1. 3. Esa. 10. 27. Heb. 1. 9.* Est autem oleum spirituale seu mysticum, multiplex Spiritus sancti donum, quod instar olei fragrantia sua afficit & reficit animam, & vi sua lenit atque sanat vulnera animæ. Hinc est, quod Evangelium confertur cum oleo, ut lex cum vino.

**OMNIPOTENS.** Παντοδύναμος, omnipotens est solus Deus. Hic enim ut est immensæ essentiae: ita quoque immensæ & interminatæ est potentia:

*Cui quidquid natura negat prestare potestas.* Eleganter *Damasceus:* Πάντα ὅσα θέλει θεὸς, δύνανται, Omnia quæ vult Deus, potest. Hinc rectè *Iun. Parisetus* ita canit:

— divina potentia nullo

*Et præscripta modo, nullique obnoxia meta,  
Quin valeat, quodcunque liber prestare—*  
*Et Marius Victor:*

*Mens fuge nostra procul, plus sit tibi credere  
semper*

*Posse Deum, quidquid fieri non posse putatur.*

Idem:

*Numinis omnipotens quid enim non dextera possit?*

Quod etiam pertinet illud, quod omnipotens

*Positasque leges texere, ac retexere queat.* Verus Vocabularium eleganter ait: *Deus potest, quidquid possit est potentia.* Porro etsi omnipotentia gradus non habet: Deum ramen rectè omnipotentissimum dixit *Augustinus lib. 21. de civit. Dei cap. 9. ubi ait, multa fieri per miraculum omnipotentissimi creatoris.* Hic omnipotentissimum vocat, cui nihil deest omnipotentia, seu qui prorsus est omnipotens. Ita, inquam, ut sit *omnipotens faciendo quod vult, non patiendo quod non vult,* ut ait idem *lib. 5. de civit. Dei c. 10.* Itaque cavendum ne doctrina hac abutamur. Ideo sæpe Patres ajunt, omnipotentiam esse asylum hæreticorum, quod se recipiunt, ubi rationibus fuerint victi. *Greg. Naz. orat. 51.* Quā in sententiā *Humbertus Silvæ* candidæ Episcopus disp. adversus Græcos eleganter ait: *Hi non invenientes, quoniam Scripturarum funiculo scapham assertionis suæ pertrahant ad alicujus stabilitatis litus, fluctuantes pertrahuntur in illud omnipotentia pelagus.*

**OMNES.** Hæc vox significat vel singula generum, id est, omnes & singulos: vel genera singulorum, id est omnis generis, ordinis, conditionis, sexus, ætatis, nationis &c. Quod pertinet distinctio præpositionis apud *Aristotelem*, quod illa sit vel simpliciter καὶ ὅλον, ut omnis homo est animal: vel καὶ ὅλον ὡς μὴ καὶ ὅλον, ut, Omnis Judæa exivit ad Christum. Pertinet huc illud *Augustini epist. 107. ad Vitalem:* Quod dictum est, *Deus vult omnes homines salvos fieri,* cùm tam multos nolit salvos fieri, ideo dictum est, quia omnes, qui sal-

vi fiunt, nisi ipso volente, non fiunt. Itaque in huiusmodi enuntiatis erit vel elliptis, hoc modo, Deus vult omnes homines (*scil. electos*). salvos fieri: vel ἀναδιδωσῆς, hoc pacto, Deus vult omnes homines salvos fieri, qui salvi fiunt: vel denique distributio in genera singulorum, hoc modo, Deus vult omnis generis & ordinis homines salvos fieri. Porro vox omnis notat quantitatem discretam Gen. 1. 21. vel continuam, & ita idem est quod totus, Gen. 2. 7. 11. Marc. 1. 7. 28. 33. 39. Sumitur itē vel propriē, ut Gen. 1. 7. 25. 26. 29. vel hyperbolicē Gen. 6. 7. 12. 17.

ΟΜΟΡΗΡΙΟΝ. ὁμοφόριον. Latinis dicitur humerale. Est vestis Patriarcharū & Episcoporum. Illud Patriarcharum, stolam Aharonis referebat: hoc Episcoporum, habebat figuram agni, & representabat oviculam perditam, quæ in humerum suscepta reportabatur ad gregē; intertextis crucibus, quæ Christum in ærumnis ferendis imitandum esse admonerat.

Ὁμοῶσι. Basilii, Gregorius Nazianzenus, & alii veteres Patres, voces παῖδες & ὁμοῶσι, etsi clarissimis Scripturarum testimoniis contentas, & Concilii Niceni autoritate firmatas, per aliquod tempus apud infirmos non usurpabant: Φειδόμενοι, inquit Basilii in libello de fide, ὀνομάτων καὶ ὀρημάτων ἐκείνων, αἱ λέξεις αὐτῶν οὐκ ἐμφέρεται τῇ θεῷ ἡμετέρῃ, parentes uti nominibus illis, quæ non extant in divinā Scripturā ipsis dictionibus. Porro ὁμοῶσι est consubstantialis, coessentialis: ut Christus est nobis ὁμοῶσι secundum humanam naturam: & Patri est ὁμοῶσι secundum divinam naturam, τῇ φύσει καὶ ἐστὶν ὁ αὐτὸς Deus, τῇ ἰδιότητι verò καὶ ὑποστάσει Filius. Ὁμοιούσιος

est similis essentiae; non verò ἐσυσdem.

ΟΝΟΣ. Propriē est quidquid hominum humeris, vel jumentorum dorso, vel quovis vehiculo ferendum imponitur. Exod. 23. 5. 1. Regum 5. 15. Impropriē est 1. negotium quodcunque difficile & molestum Exod. 1. 11. 2. quidquid incommodum est proximo 2. Corinth. 2. 5. cap. 11. 9. 1. Thessal. 7. 2. 3. id quod gravat conscientiam Matth. 23. 4. Luc. 11. 46. Actorum 15. 26. 4. infirmitas propria & alterius. Galat. 6. vers. 2. 5. prophetia, visio, & denuntiatio severi iudicii Dei, tum extra, tum intra ecclesiam Esa. 13. 1. & 14. 28. sic cap. 15. 17. 19. 21. &c. 6. doctrina & vita Christi. Matth. 11. 30.

ΟΠΙΝΙΟ. Apud Daniele cap. 12. 4. præsens seculi conditio ad vivum depingitur, his verbis: Circa tempus finis multi varia cōminiscentur, & multiplicabitur scientia. In Hebraico canone occurrit vox וְרִבְּוּ, quæ significat extendere, vagari, ita ut וְרִבְּוּ sint vagabundi & latē excurrentes Opinatores. Significat itaque propheta ultimis hisce temporibus multos defecturos à regno Antichristi, verum ita, ut defectionem istam secutura sit scientia varia, cum qua opinionum varietas conjuncta multos à serio pietatis affectu sit abreptura. Experientia sane hoc ipsum confirmat. Nam inde ab anno 1500. scientia crevit, pietas decrevit.

ΟΠΙΝΑΤΙΣΣΙΜΟΣ. Occurrit hæc vox in vulg. vers. Iudith. 2. 13. civitatem opinatissimam Melothum, id est, celeberrimam.

ΟΠΟΣ ΟΠΕΡΑΤΟΝ. Est opus, quæ tale, externo ritu peractum. Huic opponitur opus operantis.



**O P O R T E T .** Hoc verbum inter alia significat firmitatem decreti Dei, & officiorum pietatis atque honestatis necessitatē. De priori usu vide *Apocal. 1. vers. 1.* ubi Apostolus ait sibi revelari, quæ oportet fieri citò. Hic per verbum *Oportet* notanter designat iudiciorum & beneficiorum Dei æternum & irreprehensibile decretum. Similiter accipitur hæc vox *Actorum 14. 10.* De posteriori usu vide *Matth. 23. vers. 23.*

**Ὀπτασία.** Est apparitio bonorum angelorum, quæ fit vigilantibus. *Lucæ 24. 23.*

**Ὀρμη.** Est apparitio bonorum angelorum, quæ fit dormientibus, vel in ecstasi in raptis. *Act. 10. v. 17. 19. c. 11. 5.* Quamquam *Ὀρμη* etiam usurpatur pro *ὀπτασία*. *Matth. 17. 9. Act. 10. v. 3. 4.*

**O R E G L A D I I , & G L A D I O O R I S .** Hac formula indicatur discrimen inter gladium secularem & spiritualement. Nam ore gladii cadunt homines in bello & quovis tumultu: gladio oris conficiuntur hostes Dei & ecclesiæ. De ore gladii vide *Exod. 17. 13. Luc. 21. 24.* De gladio oris *Apocal. 2. 16.*

**O R A C U L U M .** In vulg. versione significat 1. propitiatorium, ex quo Deus responsa dabat Moysi & summo sacerdoti. 2. ipsum adytum, seu sanctum sanctorum. *Exod. 25. vers. 18. 20. cap. 37. 6. c. 40. 20. Levit. 16. v. 2. 13. 15. 1. Reg. 6. v. 5. 16. 17. 19. 20. 21. 22. 23. 31. c. 7. 49. c. 8. v. 6. 8.*

**O R A T O R I U M .** Est locus, in quo Deus oratur. *Iudith. 9. 1.*

**O R I E N S .** Propriè est plaga cœli ad solis ortum. *Genes. 11. 2. cap. 12. 8.* Mysticè est Christus, sol ille iustitiæ, semper oriens, & nunquam occidens. *Zach. 3. 8. c. 6. 12. Luc. 1. 78.*

**O R I G I N A L I S .** In vulg. vers. 2. *Petr. 2. 4.* originalis mundus est idem quod priscus.

**O R T U S .** Est ab orior. *Genes. 5. 10.* Et interdum ponitur pro *hortus*. *Iob. 8. 16.* in vulg. vers.

**O R T H O D O X U S .** Sic dicitur, qui est *ὀρθὸς δόξης, rectus sententia*. Peculiariter, qui rectè sentit de Christiana religione. *L. 2. Cod. de summâ Trinitate*, is dicitur esse orthodoxus, qui est Nicenæ adsector fidei, & catholicæ religionis cultor, nempe qui omnipotentem Deum & Christum Filium Dei uno nomine confitetur, Deum de Deo, lumen de lumine. Et quia orthodoxi insistant & adhærent traditioni & confessioni sanctæ Dei ecclesiæ catholicæ, ideo iidem vocantur catholici, eoque nomine ab hæreticis discernuntur. *L. 1. Cod. de summâ Trinitate*: ubi Imperatores Gratianus, Valentinianus, & Theodosius ajunt: Hanc legem sequentes, Christianorum Catholicorum nomen jubemus amplecti: reliquos verò dementes, vesanosque judicantes, hæretici dogmatis infamiam sustinere. Porro *orthodoxia* est recta sententia, cui opponitur *cacodoxia*. Unde *Eutropius libro vigesimo secundo, rer. Roman.* ait: Cosmas à Monotheletarum cacodoxiâ rediit ad orthodoxiam.

**O S C U L U M .** Est corporale *Genes. 27. 26.* vel spirituale & mysticum *Cant. 1. 1.* Rursus osculum corporale est vel purum & licitum, vel impurum: item est sincerum *Genes. 29. 12.* vel hypocriticum *Luc. 22. 48.* Porro osculum sanctum *Roman. 16. 16. 1. Corinth. 6. 20. 2. Corinth. 13. 12. 1. Thessal. 5. 25. 1. Petr. 5. 14.* est, quod proficiscitur ab animo sanctæ charitatis pleno.

OSTENTUI HABERE. Et ignominia exponere Hebr. 6. 6.

Οὐσία. *Essentia*. Hæc est increata, vel creata. Illa Scholasticis dicitur essentiâs, hæc essentiata. Hic Origenes, sæpe magis philosophus Platonius quàm theologus, in sexto adversus Celsum disputat, An Deus habeat οὐσίαν, *essentiam*, velut Casaubonus vertit, *substantiam*: αὐτὸν οὐδὲ οὐσίαν μετέχει ὁ Θεός. μετέχεται γὰρ μᾶλλον ἢ μετέχει, Sed neque substantia particeps est Deus: magis enim participatur (substantia) quàm participat. Et post pauca subdit quærendum esse, num sit potius Deus nominandus οὐσία οὐσιῶν, ἰδέα ἰδεῶν, *substantia substantiarum, & species specierum*. Propterea Dionys. Arcopagita libro de divinis nominibus dicitur Deus, nō simpliciter οὐσία, sed elegantissimè πρὸ πάντων οὐσία, *substantia omnem substantiam transcendens*. In hymno tertio Synesii leges hos versiculos: πρὸ πάντων νοῦ κόσμου ῥίζα, *quæ ante substantiam est mens, mundi radix*: & φύσις ἀφ' ἑαυτῆς τὸ πρῶτον ὄν, *natura ineffabilis, id quod ante omnem substantiam existit*. Contrà apud Irenæum Deus dicitur, sed ab homine hæretico, ἀνοῦσιος, *in substantivus*. Sed de ea quæstione, an dicendus sit Deus habere substantiam, legatur Gregorius Nazianzenus oratione 49. quanquam vel sola vox Concilii Niceni autoritate firmata, ὁμοῦσιος, *consubstantialis*, ei quæstioni finiendæ satis esse sobriis hominibus debebat. Porro Scholastici distinguunt inter entitatem & essentiam, ita ut entitas dicatur generaliore sensu. Ita relationes tres divinas personales tres quidem entitates relativas, at non tres essentias relativas vocant.

Ovis. Propriè est bestia nota Gen. 4. 2. impropriè & mysticè significat fideles

Pf. 79. 13. Iob. 10. Sic pastor ovium, & ovile est duplex. Iob. 10. 7. 1. 6.

PÆDOBAPTISMUS. Hæc vox significat puerorum baptismum, qui eodem jure nititur, quo senum. Christus enim, quando baptismum instituit, Apostolos suos jussit, ut omnes gentes baptizent, ita videlicet, ut nec sexus, nec ætatis discrimen ullum eis præscripserit. Sicuti ergo decrepitis senex pro sua decrepita senectate ex verbis Christi nullum ad jus baptismi speciale privilegium allegare potest, sed generali mandato Christi acquiescere necesse habet: ita infanti ætati ex iisdem nullum impedimentum potest obijci, cum illa sub generali gentium appellatione, si non meliore, saltem non deteriore jure, quàm senilis ætas comprehendatur. Huc accedit praxis Apostolorum, qui multoties integras familias baptizant: à quibus infantes nullo jure vel colore possunt excludi.

PACIFICA. Sunt sacrificia eucharistica, hostiæ seu victimæ pacificæ. Exod. 20. 24. 6. 24. 5. Levit. 3. 4. 6. 7. 8. 9. 17. 19. 22. 23. Num. 7.

PACIFICUS. Est nomen Salomonis apud vet. interpr. 1. Chron. 22. 9. Cant. 8. 7. II. 12.

PAEDAGOGIA. Sic appellatur oeconomia sive administratio ecclesiæ Judaicæ, quatenus per varias ceremonias, tanquam elementa & rudimenta, veteres ducebantur ad Christum. Galat. 3. vers. 24. 25.

PAGANUS. Propriè est ad pagum pertinens, in pago habitans. Tales homines agriculturæ & rei pecuariæ dediti, non solent militare. Hinc per metaphoram ethnici & infideles dicuntur pagani, quia sub Christi vexillo non militant; seu qui  
arma

arma militiæ Christianæ non induerunt. *Orosius* paganos ex eo vult dici, quòd à civitate Dei alieni in locorum agrestium pagis oberrent. *Quidam* denique hanc appellationem sub Christianis Imperatoribus ortam esse volunt, cum, idolorum templis clausis & ecclesiis Christo conditis, in pagis tantum reliqui essent, qui ethnicis superstitionibus tenaciùs adhærescerent.

**PALATHÆ.** Sunt fructus æstivi, ut annotat author *Concord. Latin.* Occurrit 2. *Sam.* 16. v. 1. 2. 1. *Chr.* 12. 40.

**PALÆSTINA.** Fuit regio maritima ad Occidentem Judææ. Quinque fuerunt ipsius metropoles: Gaza, Asdodus, Ascalon, Acron, & Gatha. *Ios.* 13. 3. Et ita quidem strictè sumitur hæc vox. Sed generalius dici cœpit Palæstina illa terræ sanctæ pars, quæ Idumæam, Samariam, & Galilæam continet.

**PALMONI.** Fictitium est vocabulum, Hebraicè פלמון: quod Rabbinii ex vocibus פלמון, *Miraculum*, sive *Abscōditum quid*, & פלמון, quod R. Salomon ἀπόκρυφον interpretatur, compositum opinantur. Quæ ratione vox hæc idem significat, ac si Germanicè dicas, *der wunderliche / der seltsame* / aut potius, *der vngenante vnd wolbekante*. Hac voce Christus nominatur *Dan.* 8. Ut per hoc nomen innuatur. Christum prodigia illa, quæ ibi Danieli revelantur, quali abominari, & nolle, ut nomen suum geminum de illis usurpetur.

**PALMES.** Est naturalis *Num.* 13. 24. *Ioh.* 15. v. 4. 6. vel spiritualis & mysticus. *Pf.* 80. 12. *Ezechiel.* 17. vers. 6. 7. 9. *cap.* 19. 11. *Iohan.* 15. v. 2. 5.

**PALMUS.** Est nomen mensuræ. *Exod.* 28. 16. De Deo dicitur *Esa.* 40. 12. quòd

cœlos palmo ponderaverit.

**PANIFICUS. PANIFICA.** Est pistor & pistrix. 1. *Sam.* 8. 13.

**PANIS AFFLICTIONIS.** Dicitur etiam panis oppressionis, tribulationis, lachrymarum. *Deut.* 16. 3. 1. *Reg.* 22. 27. *Psal.* 80. 6. & 127. 2.

**PANIS MENDACII.** Dicitur etiam panis impietatis. Et est panis malis artibus acquisitus. *Prov.* 4. 17. & 23. 3.

**PANIS DE COELO.** Sic appellatur manna *Exod.* 16. v. 4. 8. 12. 15. 32.

**PANIS.** Propriè significat panem cibarium coctum, qui inciditur & manducatur: ut quando distinctè nominantur panis & aqua 3. *Reg.* 13. 19. panis & vinum *Gen.* 14. 13. *Psal.* 104. 15. Deinde per synecdochen pro omnis generis cibis ponitur, ut 4. *Reg.* 6. 32. item pro toto apparatu cōvivii in esu & potu, *Luc.* 14. 1. *Exod.* 18. 12. Hinc est, quòd radix juniperorum, lac caprarum: cibus jumentorum, & fructus arborum appellantur panis *Proverb.* 27. 27. *Psal.* 147. 9. *Ier.* 11. 19. Quid? Nomen panis intelligantur omnia, quæ ad sustentationem hujus vitæ pertinent ac necessaria sunt: ut in oratione Dominica. Nam quia Christus non solum spiritualia, sed etiam temporalia in divinissimo illo compendio à Deo petere nos docuit, necesse est, ut nomine panis intelligamus omnia corporalia, quæ ad hanc vitam commodè transigendam requiruntur: ut cum Isaac precatur pro uxore *Gen.* 25. 21. centurio pro servo *Matth.* 8. 6. Salomon pro bona ætatis temperie, fecunditate terræ &c. 3. *Reg.* 8. 36. Itaque vocabulum panis in oratione Dominica merito extenditur ad omnia illa, quæ in politia, œconomia &c. ad necessariam, tranquillam, & honestam vitæ hujus rationem



requiruntur. Cæterum varia sunt panis cibarii genera, & quidem hoc modo.

1. *Panis gregarius* est, qui ex materia crassiore, solet dari servis aliisque tenuioris conditionis.

2. *Panis fermentarius*, seu fermentatus, est, qui sale & fermento insperso conficitur.

3. *Panis azymus* est, qui caret fermento. Hunc Tacitus ἐξαιρέτως vocat *panem Iudaicum*.

4. *Panis furnaceus* est, qui in furno coquitur. Dicitur etiam *testaceus*.

5. *Panis subcineritius* est, qui coquitur sub cineribus. Hic in usu fuit Hebrais. Gen. 18. 6. Exod. 12. 39. Iud. 7. 13. 1. Reg. 17. 13. Hos. 7. 8.

6. *Panis ὑποπυρίας* est, qui coquitur supra carbones.

8. *Panis ἄπυρος*, sive ἄπυρίτης, est ille, qui vulgo dicitur *bis coctus* & *nauticus*. Spartiano appellatur *buccellatus*. Græci vocant ἄρτον ξηρόν, quo videntur usi Christiani in suis *Xerophagiis*, ut nominat Terullianus. Dicitur & παξαμάς & παξαμάδιον; quam vocem Suidas putat esse Latinam: ἄπυρος, inquit, ἄρτος, ὁ ὡς τὰ πωμαίοις λεγόμενος παξαμάς.

8. *Panis αὐτόπυρος*, αὐτοπυρίτης, ξηροπυρίτης, & πυρίνος, est, qui ex tritico paratur. Nam *πυρός* est triticum. Dicitur etiam *syncomisticus*, quod omnes partes tritici recipiat.

9. *Panis similagineus* est, qui fit ex simila.

10. *Panis siliginis* est, qui ex purissima farinæ parte paratur. Hinc Plin. li. 18. 8. *Siliginem dixeris propriè delicias tritici*. Et ca. 11. Summa laus siliginis bonitate & cribri tenuitate constat.

11. *Collyra* est genus panis mundi &

parvuli, sive potius placentæ, quæ ut lagana in sartagine frigitur. LXX. 2. *Samuel*.

6. 19. utuntur hac voce: ἐκόςω δειμέλαισε καὶ λυρίδα ἄρτον. Quidam interpretantur *tortum panem*: vetus versio habet *collyridam*: Pagninus, *placentam*: Tremellius, *tracampanis*.

12. *Panis hordeaceus* est, minoris nutrimenti. Usitatus fuit veteribus. 2. Reg. 4. 42. Ezech. 4. 12. Ioh. 6. 9.

13. *Panis ex milio confectus*, antequam refrigescat, sine fastidio edi potest. Tria ipsius genera usitata sunt apud Bearnos.

14. *Panis speusticus*, ὑπό τοῦ ὡς δειν dictus, est, qui accelerando coquitur. Cato eum sic describit: *Speusticum panem sic facito: manus mortariumque benè lavato: farinam in mortarium indito, aquam paulatim addito, subigitoque pulchrè; ubi bene subegeris, desingito coquitoq; sub testâ.*

15. *Panis fit ex oryzâ, fabis, pisces, panico, zelâ, & alicâ.*

16. *Obelia* est panis, qui olim vendebatur obolo, vel potius qui affabatur in obeliscis.

17. *Panis ostrearius*, sic dictus est à deliciis: ut & *artolaganus*.

18. *Mystile*, μυσίλη, est panis excavatus, quo jas sorbetur. Dicitur etiam *canica*, quod canibus projiceretur.

19. *Selene* est panis, ita dictus à forma lunæ cornicularis. Ita in quibusdam Germaniæ locis vocantur *cornua Martini*.

20. *Panis* parabatur apud veteres *expapavere*: quod propterea Georg. 1. à poëta dicitur *Cereale*.

21. *Sesamium* est placenta ex sesamo, melle & oleo. Clemens Alexandrinus protrept. Σησαμῖ, καὶ πυραμίδες, καὶ πλύπη.

22. *Pyramis* est genus panis à figura sic dictum.

dictum. Dictæ autem pyramides, ut *castellamenta* apud Arnobium lib. 2. Ejus verba sunt: *Vt spirulas & botulos facerent, ificia, castellamenta Lucanica.*

23. *Tolypa* est mellitus globulus, sic dictus à *τολυπης* sphaericâ figurâ, quod esset placenta rotunda in modum glomeris lanarum.

24. In Indiâ Occidentali panem conficiunt ex *Maizo* semine, ex quo etiam vinum. Est semen ad unguem referens Sorghum Italorum. Vide Cardanum lib. 12. de subtilitate.

25. In Æthiopiâ panis fit ex *tapho*, grano præstantiore quàm est nostrum frumentum, quod non corrumpatur.

26. Panis etiam fit ex *hyricâ radice*, expresso succo. Panis iste valde salutaris est homini, & anno servatur.

27. *Panis medius inter siligineum & similaceum* est, qui nullâ parte tritici ademtâ minùs nutrit quàm siligineus & similaceus. Siligineus est omnium purissimus: mox similaceus: dehinc medius, quo genere panis delectabatur Augustus Cæsar.

28. *Panis fursuraceus* levissimè omnium nutrit, & quàm citissimè per alvum descendit.

29. Fiebant olim *panes ex farina siliginea, alicâ & caseo ovillo*, ut est apud Catonem.

30. Fiebant etiam *panes ex frumento, adipe, melle, & caseo*, ut memoriæ prodidit Celsus lib. 2. Medic.

31. *Panes* olim fiebant ex lacte, nucibus, melle, itria, & liba.

32. Fiant *placenta fermentata cum butyro & caseo.*

33. Olim fiebant *panes ex glandibus.*

34. In quibusdam Galliæ locis fit *panis ex castaneis.*

35. In caritate annonæ fit etiam *panis ex avena.*

36. *Panis dulciarius* est valde usitatus.

37. Dantur *panes lactici.*

38. Ex *semine lotometra* fiunt panes in Ægypto.

39. In Italiæ quibusdam locis paratur *panis ex tribulo.*

40. Ex *loto*, qui est fructus fabæ similis, paratur panis.

41. Antiqui ex *palmis* faciebant panes.

42. In Cariâ & Rhodò paratur *panis ex ficu Ægyptia*, sive sycomoro.

43. Ex *radice ari* conficitur *panis tritico* pulchrior.

44. *Panis* fit ex *asphodelo.*

45. E *rapis, napis, & siseribus* paratur panis.

46. Optimus panis paratur è *cucurbitis.*

47. Ex *lupinis* paratur panis *prastans.*

48. Ex *ciceribus, dolichis & lentibus* fieri solent panes.

49. Ex *lappa herba* parari potest panis.

50. Ex *asellis arefactis* in pollinem redactis paratur panis.


51. Ne longiores simus, ex omnibus ferè *napis, radicibus, bulbis, & herbis* possunt confici panes *vesci & alimentarii.*

Quæ hæcenus dixi de variis panum generibus, multiplicem habent usum. Nam 1. hinc intelligitur singularis providentia Dei, qui omnibus regionibus tam liberaliter prospexit de alimento. 2. hinc discimus, hostias illas, quarum usus est apud Papistas & Lutherozelotas, non esse panem verum: utpote qui ad nullum panis alimentarii genus

referri possunt. 3. hinc responderi potest ad illam quæstionem, quæ anno 1557. ex Brasilia mota fuit: An etiam in cœna Domini possit adhiberi panis Brasiliensium ex plantis & radicibus confectus. Huic quæstioni satisfecit Theodorus Beza epist. 2. ad Thilium, his verbis: *Panis & vinum sunt cœna signa ex Domini institutione. Vbi igitur panis aut vini vel nullus est usus, vel nulla certo tempore copia, num cœna Domini nulla celebrabitur? Imò ritè celebrabitur, si quod panis aut vini vicem, vel ex usu communi, vel pro temporis ratione supplet, panis aut vini loco adhibeatur.* Hæc enim mens fuit Christi, cum panem & vinum ad hæc mysteria deligeret, ut propositis earum rerum signis, quibus corpus nostrum alitur, veram alimoniam spirituales velut ob oculos representaret. Itaque à Christi sententia nihil aberrat, qui nullo prorsus novandi studio pro pane & vino substituat, quæ etsi non parem, similem tamen alimonia analogiam habeant.

PANIS DEI. PANIS ANGELORUM.  
PANIS VITAE. PANIS SANCTUS. Hæc

phrales aut accipiuntur de Christo, aut de sacramento eucharistiæ. De Christo: ut Ioh. 6. vers. 32. 33. 35. 41. 48. 50. 51. 58. Sic apud Ignatium: *οὐχ ἡδοναί τε φθόγγος οὐδὲ ἡδοναῖς τοῦ βίου τούτου ἄρτον τοῦ Θεοῦ θέλω, ἄρτον ζωῆς.* Non delector nutrimento corruptibili, neque voluptatibus huius vitæ: panem Dei expeto, panem vitæ. De sacramento eucharistiæ: ut Cyprian. de cœn. Domini: *Panem angelorum sub sacramento manducamus in terris; eundem sine sacramento manifestius edemus in cælis.* Chrysost. in 1. Cor. homil. 27. *Σὺ ἄρτον ζωῆς λαβὼν πῆγμα θανάτου ποιεῖς καὶ οὐ φοβείσθαι, Tu sumto pane vitæ, opus mortis facis, & non times?* In Liturgiis Græcis legitur sæpiù: *ἅγιος ἄρτος*, sanctus panis. Innocentius 3. mysteriorum lib. 5. c. 24. ait: *Quinque panes sunt nobis necessarii, quatuor in via, & quintus in patria: corporalis ad sustentationem, spiritualis ad informationem, doctrinalis ad eruditionem, sacramentalis ad expiationem, æternalis ad fruitionem. Teneatur hinc illarabella.*



Dividitur etiam in panem naturæ, gratiæ, & gloriæ.

PANIFRAGIUM. Ἀποκλάσις. Est fractio panis: quæ quidem in sacra cœna est mystica; sacramentum scil. fracti & immolati corporis Christi. Prosper: *Dum frangitur hostia, dum sanguis de calice in ora si-*

*delium infunditur: quid aliud quàm Dominici corporis in cruce immolatio ejusque sanguinis de latere effusio significatur? Beda: Frangit ipse panem, quem discipulis porrigit, ut ostendat corporis sui fractionem non absque suâ sponte aut procuratione futuram. Vide in Jur. Canon. distinct. de consecr.*

PANIS



**PANIS PROPOSITIONIS.** Hebraicè dicitur panis facierum. *Exod.* 25. 30. Sic appellabantur panes sacri, qui coram facie Dei, tanquam ex propitiatorio arcæ prospectantis, proponebantur in mensa, & quidem jugiter: unde & panes juges appellantur *Num.* 4. 7. Docebat isritus, ecclesiam Deo esse perpetuæ curæ, à qua oculos gratiæ suæ nunquam avertat: ipsius verò esse, ut sit alitrix filiorum suorum per divinæ veritatis confessionem, & studium pietatis. Porro panis propositionis aliquando à Patribus dicitur panis mysticus ante consecrationem. Syris panis eucharisticus dicitur *ܢܦܝܬܐ* à *ܢܦܝܬܐ* rumpere; quòd frangatur. Ideo ejus panis partes Græci vocant *κλάσματα*, Paschalius micam, Euagius *αγίας μελίδας*. Vide illum *c. 17. de corp. & sang. Domini*, hunc *hist. eccles. l. 4. 36.*

**PANIS QUOTIDIANUS.** Latini *ἄρτον* *ἁπλῶς* interpretatur panem quotidianum *Matth.* 6. 11. quòd sit quotidiana & maximè necessaria alimonia. Hanc interpretationem confirmant ex Luca, qui *c. 11. 3.* vocat *ἄρτον* *ἁπλῶς* καὶ ἡμέτερον q. d. panem, quo indies ad fluxam corporis nostri substantiam sustentandam egemus. Et huc respexit Syrus, qui *ἁπλῶς* vertit *דסין קנן* *desin Kanan* q. d. panem necessitatis. Ubi memorabile est, quòd ante Hieronymi tempora Latina versio habuit *quotidianum p. nem*: At Hieronymus secutus Cyprianum reddidit *super substantialem*. Et ita etiam Ambrosius & Augustinus. Itaq; ex illorū mente panis *ἁπλῶς* est cibus corporis Christi, qui animæ substantiam fulcit. Quanquam alii tradunt corpus Christi dici panem *ἁπλῶς*, quòd universas substantias ex-

cellat: ut *ἁπλῶς* sit idem, quod *ἐπι-σῆμα*. Rursus alii scribunt, corpus Christi appellari panem *ἁπλῶς*, id est, supervenientem, quòd Christus jubeat petere, non panem præsentis vitæ, sed cibum ad futuram & sequentem vitam. Qui de pane temporali interpretantur, hanc adferunt rationem. Panis *ἁπλῶς* est adventitius, adventās, succedaneus, sequēs; quia non sufficit semel accepisse, sed necesse est ut in hac vertentium temporum vicissitudine subinde & semper, singulis diebus nobis adveniat. Ita *Luc.* 11. 4. appellatur panis *ἁπλῶς* καὶ ἡμέτερον, quia ex manu Dei singulis diebus circumit & adventat. Itaque hic fuerit sensus: Pane continnè, subsequenter subinde temporibus, sūt vñd sūt in hac vita nobis est opus; ut moneamur, Patrem cœlestem singulis diebus quotidie suppeditando panem nos pascere. Varinus *ἁπλῶς* interpretatur *ἐπερχόμενον*, supervenientem, ne nostrę industriæ, sed Dei donationi illum tribuamus. Alii hanc adferunt rationem: panem non esse aliquid principale, quod in oratione à Deo petēdum sit, sed *ἁπλῶς*, adventitium, accessorium, adjectivum. Et hæc quidē interpretationes nituntur ista notatione, quòd *ἁπλῶς* sit à participio *ἁπλῶν*, *ἁπλῶς*. Quo sensu Demosthenes dixit *ἁπλῶς* ἐκκλησίαν, proximè insequentem concionem. Et ita *LXX. Proverb. 27. 1.* τὴν ἁπλῶς dixerunt pro die sequenti. Sed quia adjectiva in *ἁπλῶς* non solent à participiis fœmininis formari, ideo simplicissimum est, si *ἁπλῶς* hoc vocabulum *ἁπλῶς* deducamus: ut panis *ἁπλῶς* sit, qui sustentandæ substantiæ corporis & vitæ nostræ sit necessarius, quasi qui *ἁπλῶς* τὴν *ἁπλῶς*,  
T c 3 ad sub-

ad substantiam, hujus vitæ pertineat. Ita Basiliius ἄρτον θηρίσιον explicat, ἄρτον τὸν πρὸς τὴν ἐφήμερον ζωὴν τῇ ἐξίᾳ ἡμῶν χρησίμον, i.e. panem, qui ad quotidianam vitam substantia nostra sit utilis. Et Suidas ait: θηρίσιον, ὁ θηὶ τῇ ἐξίᾳ ἡμῶν ἀρμύζων, ἡ καθημερινός, qui substantia nostra sustentanda convenit & quadrat, sive quotidianus. Porro quia ἐξίᾳ etiam significat facultates, seu bona externa, Luc. 15. 12. θηρίσιος significat vulgarem, necessariam, & sufficientem substantiam, sicut πειρίσιος significat eximium thesaurum, sive peculium: ideo quidam ἄρτον θηρίσιον vertunt panem necessitatis, quo opus habemus, quiq; nobis sufficit. Quam interpretationem confirmat Syrus, qui reddidit panem necessitatis. Atque ita panis θηρίσιος erit panis demensi, ut vocat Salomo Prov. 30. 7. Quem locum LXX. ita verterunt: Da mihi πὰρ δέοντα καὶ ὡς ἀρκούν, ea, quæ necessaria sunt & sufficientia, seu quibus sum contentus. Sed omnium simplicissima est illorum sententia qui θηρίσιον vertunt, substantiæ nostræ consentientem, & quidem quotidie. Unde patet vulgatam versionē non tolli per nostram sententiam, sed stabiliri. Sed in pauca cōferamus, quæ disputantur de hac phrasi. 1. Græci quidam Patres ἄρτον θηρίσιον de Eucharistia interpretantur: quod panis mysticus & animæ, & corporis substantiam fulciat. θηρίσιος, ait Cyrillus, ἀντὶ τῆς τῇ ἐξίᾳ τῆς ψυχῆς καὶ τῇ σὺν σώματι, epiusus dicitur, propterea quod anima substantiam fulciat. 2. Græci quidam Patres interpretantur de Christo. Petrus Laodicensis in orat. Domin. expositione: Panis θηρίσιος ὡς δὲ τὸ θηρίον, h. e. ab eo quod adventurus est, ut sit sensus. Tu panem non presenti seculo congruum, sed eum qui sanctis in

futurum seculum repositus est, da nobis hodie. Similiter Damascenus capite de mysticis. ἕτος ὁ ἄρτος ἐστὶν ἀπαρχὴ τῆς μέλλοντος ἄρτου, ὅς ἐστιν θηρίσιος. τὸ δὲ θηρίσιον δηλοῦν τὸν μέλλοντα, τὰ τέσσα, τὸν τῆς μέλλοντος αἰῶνος. i.e. Hic panis est primitia futuri panis. Nam ἐπίσιος significat eum qui est futurus, h. e. futuri seculi. 3. Alii accipiunt de necessitatibus hujus vitæ.

PANIS SALUTIS. In hymno Telucii author personent &c. ita legimus:

Octava prima redditur,  
Dum mors abundā tollitur,  
Dum mente circumcidimur,  
Noviq; demum nascimur.  
Dum manē nostrum cernimus  
Redisse victis hostibus:  
Mundiq; luxum temnimus,  
Panem salutis sumimus.

Hic per primam octavā intelligitur Dominica in Albis, quæ est prima octava, id est, septimana post Pascha, à quo primitiis ecclesia arcessebat initiū anni. Hæc octava solebant sollemniter peragere administrationem baptismi: quod illis verbis innuitur, mors ab undā tollitur, hoc est, per salutare baptismi lavacrum

—— Veteris peccatum expellitur Ada,

Ut canit Alcimus. Per panem salutis intelligitur panis τῆς εὐχαριστίας,

—— quā Christi nobis fas sumere corpus,  
Et sacrum æterni calicis potare cruorem,

Ut idem Alcimus canit.

P A P A. Est vox honorifica, significans patrem. Hesychius, πᾶπ-  
πας πατὴρ ἐποικλείσματος. πᾶππα θεοφώνησις πατρὸς θεοῦ πατέρος. Suidas: πᾶππα & ἄππα non simpliciter vocatur pater: sed est venerationis vox ad patrem. Hinc pastores ecclesiarum dicti sunt

sunt Papæ, tanquam patres Spirituales: & tandem vox hæc translata est ad primæ sedis episcopum, tanquam *πρωτον των ιερων*, ut *Iustinianus ait Novell. 131.*

**PAPATUS.** Propriè est officium, dignitas & conditio papæ: sicut consularatus & apostolatus sunt officiorum nomina. Nunc usitatè Papatum dicimus religionem Papæ Romani.

**PARABOLA.** Concordantiarum vulg. vers. author sic adnotat de hac voce. Parabola 1. sententia, dictum grave, eruditum. *Num. 23. 7. Prov. 1. 1.* Sic passim in historia evangelica. 2. proverbium sarcasticum. *2. Chron. 7. 20. Psal. 69. 12. Esa. 14. 4. Jerem. 24. 9. Ezech. 18. vers. 2. 3. Mich. 2. 4. Hab. 2. 6. 3. exemplar. Hebr. 9. 9. 4. Similitudo. Hebr. 11. 19.* Alii sic distinguunt parabolâ, quod sit nuda & theorematice, ut est gnoma; vel vestita & allegorica, ut *Matth. 13.*

**PARABOLANI.** Sic dicuntur, qui ad curanda debiliùm ægra corpora deputantur: idque vel à parabola evangelica, in qua quidam à latronibus vulneratus, à Levita neglectus, à viatore Samaritano fovetur & curatur: vel à Græco *παράβολος*, quod significat hominem, qui se fidenter periculo objicit, *ὁ κινδυνώεις παράβολων ἐαυτὸν*, quales erant, qui Alexandriæ ægtotos publicè curabant. Occurrit hæc vox *lib. 1. Cod. tit. 3. l. 18.* A voce *παράβολος* fit *παράβολεύω*, strenuè contemno periculum. Quam in sententiam *Phil. 2. v. ult.* docti quidam legendum pronuntiant *παράβολευσάμεν* & *τῇ ψυχῇ*, quod vulgo legunt *παράβλευσάμενος*.

**PARACLETUS.** Est tutor causæ, defensor, protector, advocatus, hoc est,

qui advocatur, ut alicui patrocinetur. Hoc nomen tribuitur Christo & Spiritui sancto. Et Christo quidem; quia ipse est advocatus noster, apud Patrem intercedendo *1. Iohan. 2. 1.* Spiritui sancto autem; quia nobis datus est à Patre propter CHRISTVM, ut nobis adsit in omnibus necessitatibus, docens verbum Dei intelligere, credere, & facere; dictans nobis preces & suspiria, adeoque faciens, ut clamemus *Abba pater*; denique consilio, consolatione, & ope nos adjuvans. *Iohan. 14. 16. c. 16. 26. Rom. 8. vers. 15. 26. Gal. 4. 6.* O itaque nos felices, qui habemus paracletum Christum, Filium Dei, & Spiritum sanctum, qui est Spiritus Patris & Filii.

**PARADISUS.** *Siberus in Breviario Christiano* sic ait: *παράδεισος αἰωνίου* hortus est, vel fuit potius, in Eden, in quem Adamum humani generis parentem primum Deus collocavit: *νοητός*, locus felix, quem piis Deus incolendum inhabitandumque post mortem constituit. Hic locus appellatur cælum tertium, cælum beatorum, *πρὸ ὕψους ἡ ἐξουῶς*, ubi hauriemus

*Lucis inaccessa jubar, immemorabile lumen.*

Vidas appellat cœli

*Arbitria ad nostros non pervenientia sensus.*

**PARALIPOMENA.** Latini vocant *Relicta*. Libri Chronicorum in Bibliis usitatè appellantur libri Paralipomenon; quia quædam in libris Regum præterita plenius explicant. Hebræi hos libros vocant *דברי הימים* *Verba dierum*, quasi dic. diaria, seu annales. Hæc verò Chronica non sunt illa, quæ in libris Regum allegari solent: sed sunt epitome quæ-



quædam ex illis per Esdram confecta, post reditum ex captivitate Babylonica: ut fert communis opinio.

**PARASCEVE.** In genere est præparatio: specialiter est præparatio ad festum: specialissimè, tempus interjectum inter advesperationem & solem occasum. Eo Judæi se ad sabbatum parabant: item ad reliquas præcipuas ferias. Parasceve illa Judæorum à Tertulliano & aliis appellatur *cæna pura*; appellatione translata à ritibus gentium. Nam apud gentiles cæna pura appellabatur cæna illis appositæ, qui in casto erant. Sicut itaque gentiles per suam puram cœnam ad sacra sua præparabantur: ita Judæi ad sua solenniora festa per parasceven.

**PAROCHUS.** Usitatè dicitur, qui præest ecclesiæ alicui regendæ. Ratio adfertur non una. 1. quod Dei jussu, ecclesiæ præbet, *παρέχθαι*, verbum & sacramenta. 2. quod Christo sponsam suam adducit. Pastores enim sunt quasi Christi nymphagogi. Quo sensu parochus dicitur, qui sponso sponsam deducienti assidet. 3. quod peregrinis indigentibus debet præbere panem, & similia. Hinc Budæus: *Xenoparochi, ut opinor, iidem sunt, qui peregrinis salem & ligna præbebant.* Idem non parochias, sed parœcias primùm appellatas esse censet: ut parœci dicti sint, qui fanum aliquod accoluerunt, ejusdem scilicet fani consortes.

**PARTURIO.** Propriè est partum edere cupio: per translationem usurpatur 1. de ineffabili generatione Filii Dei *Prov.* 8. 25. in vulg. vers. 2. de solitudine: ut cum creatura dicitur parturire *Rom.* 8. 22. itemque ecclesia *Esa.* 26. 18. *Apoc.* 12. 2. 3. de charitate vehementi fidelis pastoris, qua complectitur suos auditores *Gal.*

4. 19. 4. de vario conatu, progressu, & opere tum bono, tum malo. *Psal.* 7. 15. *Prov.* 10. 31.

**P ARVULUS.** Est talis vel quantitate *Gen.* 25. 22. vel qualitate, putà humilis corde. *Matth.* 11. 25.

*Πᾶσα γράφη.* Sic 2. *Tim.* 3. v. 16. apostolus appellat scripturam totam propheticam, ita ut *πᾶσα* sit positum pro *ὅλη*, uti 1. *Cor.* 13. v. 2. *πᾶσα ἡ πίστις*, *omnis fides*, significat *ὅλην τὴν πίστιν*, id est, totam fidem, scil. miraculorum. q. d. Quidquid illius fidei uspiam reperitur in cūctis *ῥαμματεργοῖς*. Unde particula universalis *πᾶσα* intelligitur restrictè, sive secundum subjectam materiam, & non absolutè. Quo fit, ut utrovis modo Latine reddas, sive *omnis*, sive *tota Scriptura*, nempe sacra illa; rectè interpreteris. ita ut fallantur Papistæ, qui hæc verba de unaquaque Scripturæ sacræ pericopâ seorsum considerata exponunt. Ubi nihil refert, fuerintne eo tempore omnes libri sacri N. T. sive minùs: quia verba Apostoli generalem continent sententiam de universis libris divinis, Ecclesiæ Christi ad informationem in fide & vita commendatis.

**PASCHA.** Hæc vox 1. significat solennitatem illam legalem, de qua *Exod.* 12. 2. Interdum dicitur de toto festo azy-morum, interdum de illo die quo agnus comede-batur. 3. aliquando designat Christum 1. *Cor.* 5. 7. Sic Damascenus in hymno Christum appellat Pascha nostrum, & Pascha æternum, item Pascha mysticum. 4. Origeni Pascha est sacrificium Christi in cruce. 5. aliquando Pascha dicitur eucharistia, commemoratio illa veri Paschæ. Sic Gregorius Nazianz. orat. 42. dicit, communicantes in cæna Domini *μετέλαμβάνειν τὴν πύχνα*, partici-  
pare

*pate Pascha.* 6. etiam extra eucharistiam usurpatur hæc vox: ut cum Chrysost. ait serm. 88. tom. 5. nos semper posse *πάσχα ἐπιπλεῖν*, quia mortem Domini semper possumus annuntiare.

*Πάσωρ.* Hieronymus in prologo galecto librum Simeonis, qui vulgo dicitur Maccabæorum tertius, appellat *πίστορα*, sive Pastorem Latino casu, non autem Pastorem: nempe *ἀπὶ τῆς πασίδ* sive *πασίδ*, id est ab atrio, in quo sacerdos ille summus Simeon unâ cum fidei suo comitatu intercessit ne rex Ptolemæus Philopater veniret in sanctuarium: etsi frustra fuit hæc ipsius vigilantia.

**PASSIBILIS.** Est mortalis, seu passionibus obnoxius. In vulg. vers. usurpatur de Christo. *Act.* 26. 23. *Iacob.* 5. 17.

**PATER.** Aliquis ita dicitur naturâ, imitatione seu similitudine curæ, adoptione, doctrina seu informatione, honore seu dignitate, reverentia, & ætate. Exempla vide in Concord. Lat. Quando de Deo usurpatur, duobus modis accipitur: & *ὁ θεὸς* & *ὁ πατήρ*. Etsi enim Patris appellatio commune vocabulum est totius Trinitatis, seu Unitatis in tribus perfectæ: præcipua tamen ratione primæ tribuitur personæ, quod universæ originis fons sit. Pertinet huc distinctio: Deus dicitur Pater, propter æternam generationem, & ratione tum creationis & conservationis rerum, tum redemptionis. Itaque Deus est pater omnium jure creationis, & specialiter suorum electorum jure redemptionis.

**PATRES.** Hoc nomine insigniuntur prisci doctores ecclesiæ, propter ætatem & eruditionem insignem. De his tria in primis tenenda sunt. 1. quinam sint, & quo tempore vixerint. 2. quæ sit

ipsorum autoritas, quemque in docendo, scribendo, & agendo modum servaverint. 3. quæ sint ipsorum scripta spuria & dubia. De I. Numeramus in universum Patres 44. eosque partimur in tres classes sive ordines. In primo ordine sunt illi, qui inde à temporibus apostolorum usque ad concilium Nicenum, anno 326. floruerunt: & sunt numero 17. hoc modo:

1. Dionysius Areopagita an. Chr. 60.
2. Clemens Romanus Papa, an. 70.
3. Ignatius, episcopus Antiochenus, an. 71.
4. Polycarpus, æqualis Ignatii.
5. Hermes, an. Chr. 72.
6. Justinus, cognomento Martyr & Philosophus, an. Chr. 150.
- Athenagoras, Justini *σύνχρον*.
8. Theophilus, episcopus Antiochenus, an. 170.
9. Tatianus, eodem tempore.
10. Irenæus, an. 180.
11. Tertullianus, an. 203.
12. Clemens Alexandrinus, eodem tempore.
13. Origenes Adamantius, an. 226.
14. Gregorius Neocæsariensis, an. 233.
15. Cæcilius Cyprianus, an. 240.
16. Arnobius, an. 285.
17. Lactantius Firmianus, Arnobii auditor.

In secundo ordine sunt Patres 20. qui claruerunt inde à Concilio Niceno, quod est primum œcumenicum, usque ad concilium Constantinopolitanum tertium, quod est sextum & ultimum œcumenicum, hoc est, ab anno Christi 326. usque ad an. 681. Series talis est.

1. Athanasius, an. Chr. 326.

Vu

2. Maca-

2. Macarius, cognomento Senior. an. 340.
3. Hilarius, eodem tempore.
4. Optatus Milevitanus, an. 365.
5. Basilius Magnus, an. 370.
6. Gregorius Nazianzenus, eodem tempore.
7. Epiphanius, eodem tempore.
8. Ambrosius, eodem tempore.
9. Gregorius Nyssenus, frater Basilii.
10. Hieronymus, an. Chr. 380.
11. Aurelius Prudentius, an. 390.
12. Johānes Chrysostomus, an. 398.
13. Augustinus, an. 420.
14. Cyrillus Alexandrinus, an. 430.
15. Theodoretus, æqualis Cyrilli.
16. Leo Magnus, Papa, an. 440.
17. Prosper Aquitanus, an. 445.
18. Vigilus, an. 495.
19. Fulgentius, an. 500.
20. Isidorus Hispalensis, an. 595.

In tertio ordine sunt Patres 7. hoc modo.

1. Beda Venerabilis, an. 700.
2. Johannes Damascenus, æqualis Bedæ.
3. Rabanus Maurus, an. 830.
4. Haymo, an. 850.
5. Theophylactus, epitomator Chrysostomi, an. 880.
6. Oecumenius, an. 1070.
7. Bernhardus, an. 1120.

De II. Quæ sit & quanta Patrum auctoritas, ex ipsis audiamus Patribus. *Tertullianus contra Hermog.* ait: Adoro Scripturæ plenitudinem. *Athanasius in synopsi* ait, ad fidem sufficere illa, quæ in Scripturâ reperiuntur dogmata. *Basilius tractatu de fide*: Manifestum est infidelitatis & arrogantiae crimen, vel rejicere aliquid, quod scriptum est, vel addere aliquid

quod non scriptum est. *Augustinus contra liter. Petil. lib. 3. c. 6.* Sive de Christo, sive de ejus ecclesia, sive de quacunque alia re, quæ pertinet ad fidem vitamque nostram, non dicam si nos, sed omnino quod secutus adjecit, Si angelus de cælo vobis annuntiaverit, præterquam quod scripturis legalibus & evangelicis accepistis, anathema sit. Hinc patet, Patres Scripturæ deferre hunc honorem, quod sit unica regula & norma fidei. Vide plura in hanc sententiam ad titulum PRINCIPALITAS. Deinde Patres dicta & testimonia sua eatenus recipi volunt, quatenus cum scriptis prophetis & apostolicis consentiunt. Sic enim *Augustinus epist.* 19. Ego solis eis Scripturarum libris, qui jam canonici appellantur, hunc timorem & honorem deferre didici, ut nullum eorum authorem scribendo aliquid errasse firmissimè credam. Alios autem ita lego, ut quantalibet sanctitate doctrinaque præpolleant, non ideo verum putem, quia ipsi ita senserunt, sed quia mihi vel per illos authores canonicos, vel probabili ratione quod à veritate non abhorreat, persuadere potuerunt. *Idem ad Crescon. l. 2. c. 32.* Ego hujus epistolæ auctoritate non teneor, quod literas Cypriani non ut canonicas habeo, sed eas ex canonicis considero: & quod in iis divinarum Scripturarum auctoritati congruit, cum laude ejus accipio: quod autem non congruit, cum pace ejus respuo. *Chrysostomus in Psalmo 95.* Si quid dicatur absque Scriptura, auditorum cogitatio claudicat. Videamus jam modum, quem Patres in scriptis suis servarunt. Principio Patres multi de rebus sacris incommodè sunt locuti, sex de causis. 1. quia disputationis ardore eò protracti sunt.

2. quia



2. quia nondum moris disputationibus securiùs locuti sunt. 3. quia in exhortationibus vehementiùs rhetoricati sunt, vel in favorem aliorum, vel ut alios permoverent. 4. quia formulas loquendi à vulgo mutuati sunt, & proinde sæpè populariter docuerunt. 5. quia victi multitudinem in superstitionum pelagus abrepti sunt, ut imperus fluminum trahit navigantes. 6. quia sæpe loquuntur recitativè, non assertivè. De primo loquitur *Basiliius epist. 64. de Gregorio Neocæsariensi*: Hoc (nimirum quod dixit Patrem & Filium hypostasi unum esse.) non ex decreto, sed ἐκ τῆς ἀντιθέσεως ex contentione, dictum esse in disputatione adversus Ælium intelligere non potuerunt illi. De secundo accipe illud *Augustini lib. 1. contra Julianum Pelag. cap. 2.* Disputans in catholica ecclesia non se aliter intelligi arbitrabatur, tali quæstione nullus pulsabatur, vobis nondum litigantibus securiùs loquebatur. De tertio *Hieronymus* loquitur, quando de seipso agens excusat quædam incommode dicta: Rhetoricati sumus, & aliquid declamationibus dedimus. *Theodoretus dialog. 3.* sic ait: Non ego dogmatum & decretorum regulam ea duco, quæ in ecclesia panegyricè & declamatoriè dicuntur. De quarto accipe illud *Cani in loc. com. lib. 11. c. 6.* Negare non possumus, viros aliquando gravissimos, in divinarum præsertim prodigiis describendis, sparsos rumores & excepisse, & scriptis etiam ad posteros retulisse. Qua in re, ut mihi quidem videtur, aut nimium illi sibi, aut fidelium certè vulgo indulserunt: quod vulgus sentiebant non tantum ea faciliè miracula credere, sed impensè etiam flagitare. Et mox ait, auctoribus nobilissimis placuisse, veram hi-

storiæ legem esse ea scribere, quæ vulgò vera haberentur. De quinto ait *Augustinus epist. 119.* Multa hujusmodi propter nonnullarum vel sanctarum, vel turbulentarum personarum scandala devitanda, liberiùs improbare non audeo. De sexto accipe illud *Hieronymi apolog. pro libris contra Jovin. cap. 4.* Veteres interdum coguntur loqui, non quod sentiunt, sed quod necesse est dicunt, adversus ea, quæ dicunt Gentiles. Rursus: Aliud est γυναικῶς scribere, aliud ἀορµαλικῶς. Idem testatur *Otho Frisingensis libr. 4. ca. 18.* Considerandum secundum quid loquantur auctores, quid opinando, quid asserendo, quid ex magnitudine doloris semet consolando. Sic *Joachimus Abbas in Revelat.* Opinando dicere potest ex conjecturis, non intelligendo. *Catharinus de certitud. grat. assert. 13.* Neque enim quodcunque Pontifices in suis decretis enuntiativè aut opinativè magis, quàm decisivè loquuntur, illud haberi debet quasi decisum & determinatum. Denique *Bellarminus* de Celestino & Innocentio cõtraria docentibus ait, neutrum aliquid de ea re certi statuisse, sed utrumque quod sibi probabilius videbatur, respondisse: & multa esse in epistolis decretalibus, quæ non faciunt rem aliquam esse de fide, sed solum opiniones Pontificum de ea re nobis declarant. Sed non tantum incommode dicta, verum etiam manifesti errores, & ii quidem crassiores, occurrunt in scriptis Patrum. Et sæpenumero accidit, ut Patres posteriores priorum errores rejecerint. Ita quod *Irenæus*, *Justinus*, *Clomens Alexandrinus*, *Tertullianus*, docuerunt, gentes sine *CHRISTO*, sola naturæ lege, salvatas esse, *Augustinus* apertè

refellit. Quid? Veteres quidam suos errores, aut incommode dicta, vel retractarunt, vel emolliuerunt. *Anselmus in comment. super 2. epist. ad Corinth.* ita scribit hac de re: In libris sanctorum doctorum, quos authenticè legit ecclesia, nonnunquam inveniuntur prava, vel hæretica: non tamen pro his libri vel authores damnantur. Perlegat eorum libros prudens lector, & inueniet verum esse quod dico. *Idem testatur Sixtus Senensis præfat. lib. 5. bibliothec.* Veteres dum unum errorem omnium virium conatu destruere annituntur, sæpe in alterum errorem vel deciderunt, vel quodammodo decidisse videantur agricolatum more, qui incurvum teneræ arboris stipitem corrigere volentes, immodica nonnunquam attractione modum excedunt, plantamque in contrariam diversamque deducunt formam. *Canus loc. com. libr. 11. c. 6.* Non omnia, quæ magni authores scripserunt, sunt undique perfecta. Nam & labuntur aliquando, ut ille ait, & onercedunt: & indulgent ingeniorum suorum voluptati: vulgoq; interdum etiam indulgent. Porro Patres, ne doctrina ecclesiæ horridior videretur, inflexerunt eam ad disputationes physicas, multosq; locos, putà de peccato, de libero arbitrio &c. magis philosophicè, quàm theologicè tradiderunt. Imò religionis doctrinam in multis flexerunt & formarunt ad opiniones Gentilium, & ritus illorū non nihil immutato transtulerunt ad cultum Deipio proposito an præpostero. Sic q. *Plato libr. 10. de rep. Virgilius Æneid. 6. Ovid. metamorph. 15. de pœnis purgatoriis post mortem scripserunt, ad Purgatoriū multi ex veteribus transtulerunt in ecclesiam. Gregorius Nyssen<sup>o</sup> de vita Gregorii Thaumatur-*

*gi sic ait:* Permisit etiam memorias martyrum, ne vulgus imperitum propter voluptates in errore simulachrorum permanerent. *Augustinus confess. lib. 6. c. 2.* testis est, consuetudinem, quā solebant epulas instituere ad memorias martyrum, à gentilitate duam fuisse. *Theodoretus de evangelica veritatis cognitione lib. 8.* Pro Pandiis, & Diasiis, & Dionysiis, hoc est, Jovis Liberique Patris solennitatibus, Petro, Paulo, Thomæ, Sergio, Marcello, Leontio, Antonino, Mauritio, aliisq; sanctis martyribus, solennitates populari epulo peraguntur. Structura simulachrorū & imaginum gentilis fuit consuetudo, fatente *Eusebio lib. 7. hist. eccles. c. 17.* Similiter ex more ethnico, de quo *Cicero offic. lib. 3.* thus & cerei accedebantur ad imagines. Vigiliæ anni-versariæ gentibus fuerunt usitata, ut patet ex *Suetonio in Vespas. cap. 7.* Aspersio aquæ lustralis, de qua *Iuvenalis Satyr. 6.* gentilis est ritus, ut disertè testatur *Sozomenus lib. 6. c. 6.* Similiter accensio lucernarum de die apud *Senecam libr. 14. epist. 15.* item rasura capillorum, de qua *Apulejus lib. 11. de asino aureo.* Pro thoracibus Serapidis, crucis dominicæ signum unumquemque in postibus, ingressibus, fenestris, parietibus, & columnis depinxisse, author est *Ruffinus lib. 2. hist. c. 29.* Constantinus Magnus pro Labaro posuit signum crucis, ut ait *Sozomenus lib. 1. c. 5.* Neq; solū gentilium ritus, sed etiā Iudæorum ceremonias revocavit ecclesia. Ita enim est, ut ait *Alcuinus de offic. divin.* Ecclesia recepit vestimenta sacra, ad instar sacerdotum Mosaicæ legis. Confer *Amalarium de offic. eccles. lib. 2. c. 22.* Et *Gratianus de consecrat. dist. 1.* ait, cōsecrationes, & sacras unctiones, ad imitationē Moysi & Levitarū faciendas. Hęc & similia quando in scriptis Patrum

Patrum legimus, non debemus imitari Chamum, qui verenda Noë patris sui deridebat, sed Semum & Japherum, qui piè illa tegebant. Superest unum, quod in lectione quorundam Patrum est observandum. Mos fuit hic veterum, siue curiositas ut in vocibus peregrinis, quarum non ignorarent etymum, satagerent aliquid invenire, quod earum significationi accommodarent. Sic in dictionibus Hebraicis etyma Græca aut etiam Latina Patres comminiscuntur; non quod veram originem ignorent, sicut multi existimant; sed ex mera curiositate. Sic nomen *Iesus* à Græco ἰᾱσθαι, *sanare*, deduxerunt, etiam illi, quos vera ejus origo & significatio non latebat. Sic enim *Cyrillus Hierosolymitanus catechesi* 10. Ἰησοῦς ἐστὶ κατὰ μὲν Ἑβραίουσιν σωτὴρ, κατὰ δὲ τὴν Ἑλλάδα γλῶσσαν, ἰᾱμην, hoc est, *Iesus* secundum Hebræos quidem est servator, secundum Græcam verò linguam, sanans. Ita *Ambrosius* etymum duplex dat nomini *Levites*, lib. 2. *de Abel & Cain*: In Levitis figuræ agni præcessit mysterium, verum venturum Levitem, qui proprii corporis passione tolleretur peccatum mundi. *Levites* significatur susceptus pro me, vel ipse mihi levis. Sic *Ambrosius*. Prius etymum est à lingua Hebraica, posterius à Latina. *Anastasius Sinaita monachus*, homo Græcus, qui non ignorabat unde vocabulum βάπτισμα deducatur, quod sciret peccatum originale sacro lavacro ablui, scripsit βάπτισμα dici, quasi βάπτισμα, ἐν ᾧ βάλλεται, ἡγοῦν πίπτει τὸ πᾶσιμα, hoc est, abjectio lapsus, quippe in quo abjicitur seu cadit peccatum. Similiter vocem Hebraicam *Pascha* à verbo Græco πάσχειν deduxerunt, non quod veritatem ignorent, sed propter illam, quam diximus,

piam curiositatem. *Ambrosius* lib. 2. *de Abel & Cain*, cap. 2. *Pascha Domini*, inquit, transitus est à passionibus ad exercitia virtutis. Et ideo *Pascha Domini* dicitur, quoniam & tunc in typo illo agni veritas Domini passionis annuntiabatur, & nunc ejus celebratur gratia. *Iustinus in dialogo cum Tryphone* ait, agnum fuisse symbolum τοῦ πάθους τοῦ σωτῆρος, δι' οὗ πάσχειν ἐμελλεν ὁ χριστός, hoc est, passionis crucis, in qua *Christus* erat passurus. *Philo Iudeus*, etsi nō dicit ille quidem expresse πάσχειν deduci à πάσχω, crebra tamē allusione id videtur significare: ut *de herede rerum divinarum*: Πάσχειν ἐστὶν, ὅταν ἡ ψυχὴ τὸ μὲν ἄλογον πάθος ἀποβαλεῖν μελετᾷ, τὴν δὲ ἄλογον ἐν πάθειαν εἰδυσιῶς πάσχει, hoc est, *Pascha* est, quando anima meditatur abjectionem irrationalis passionis, rationalem verò passionem lubens sustinet. Similiter χριστός, *unctus*, dici queat quasi χριστός, *benignus*.

De 3. Multum refert, ut scripta veterum germana discernantur à supposititiis. Quæ quidem discretio est bona pars *Criticæ theologicæ*. Solent autem hîc variæ traditæ regulæ, putà, quod diversitas stili ostendat aliquem librum non esse hujus vel illius authoris: quod res & vocabula recetioris ævi prodant scriptum aliquod falsò tribui authori antiquo: quod plerique critici in dubium vocent hoc vel illud scriptum: quod vocabula barbara prodant scriptum non esse authoris, qui torsè scripsit: ut in tractatu de singularitate clericorum, qui vulgo tribuitur *Cypriano*, non tantum stilius satis diversus à stilo *Cypriani*, sed etiam verba multa parum Latina, quæ in *Cypriano* non inveniuntur, qualia sunt, *inordinaliter*, *contubernalitas*, *mulcedo*, *passibilitas*, & alia, ostendunt, non esse *Cypriani*. Sed texamus *Indicem*



librorum sive scriptorum partim dubiorum, partim spuriorum, partim corruptorum: idque ex Roberto Bellarmino de scriptoribus ecclesiasticis, & Guilelmo Perkinso de Romana fidei e mentito catholicismo.

1. Liturgia S. PETRI.

2. Epistola PAULI ad Laodiceses: & ejusdem epistola ad Senecam.

3. Proto evangelium S. JACOBI. Ejusdem Liturgia. Hæc precationem continet pro iis, qui in monasteriis degunt: quæ Apostolorum temporibus nulla fuerunt. In ea quoque sæpius occurrunt verba Apostolorum seculo ignota: Θεοῦ &, ὁμοσσιος, λειτουργία pro ritu missandi. Talis etiam ritus cœnæ ibi describitur, quem ab Apostolis observatum non fuisse constat ex Actis Apostolorum & Justino Martyre. Hujus porrò scripti pene 600. à Christo annis nulla fit mētiō. Bellarminus ait, hanc liturgiam à posterioribus ita locupletatam esse, ut non facile sit dijudicare, quæ pars S. Jacobum habeat authorem.

4. Missa ÆTHIOPUM, adscripta S. Mathæo. Meminit epactæ & aurei numeri.

5. Pastor HERMÆ. Tertullianus, Athanasius, Hieronym⁹, Eusebius, & alii rectè scribunt, hunc librum nō esse in canone.

6. Narratio PROCHORI de rebus gestis S. Iohannis. Bellarminus putat hunc esse librum, qui sub nomine Circuitus Iohannis inter apocrypha recēsetur ab Athanasio. Cæterum historia ista est authoris recentioris: quia facit mentionem τῆς ὁμοσσιου τριάδος.

7. Missa S. MARCI, continet preces pro Papa, pro lectoribus, cantoribus, subdiaconis, quorum fuerunt munera posterioribus seculis recepta.

8. Libri passionis S. ANDREÆ nulla fit mentio apud probatos authores, Euse-

bium, Hieronymum, Gēnadium, & blasphemia q̄dam habet, *Salve sancta crux*, &c. Passio hæc tribuitur presbyteris Achaïæ.

9. Missa ANDREAE ejusdē est generis.

10. Narratio LINI. Hanc Bellarminus dicit esse similem narrationi Prochori: hoc est, omninò confictam, ut sonant ipsius verba.

11. Multa sunt conficta sub CLEMENTIS Romani nomine. Euseb. lib. 3. c. 35. Epistola ad Corinthios una genuina est. Idem c. 34. Rufinus in præfat. ante Recognitiones Clementis, & Conc. Vasense 1. c. 6. unius epistolæ Clementis ad Jacobum fratrem D. mentionem faciunt: tres autem nunc edūtur. Deinde has epistolas non esse Clementis, apertè constat. Jacobus obiit 7. annis ante Petrum: & Clemens non fuit Romanæ Ecclesiæ præsul nisi post Petrum, ut constat ex omnibus penè historiis. Epistola 5. communionem rerum & uxorum docet. 2. Jacobū stultissimè monet, ut non murium stercora inter fragmenta dominicæ portionis appareant, neq; putrida per negligentiam remaneant Clericorum. Porrò Canones Apostolorum eidem tribuuntur. Hos Tertullianus, Athanasius, & Damascenus recipiunt tanquam genuinos. At dist. 15. c. sancta Romana, hic liber dicitur apocryphus, & hoc idem confirmatur dist. 16. can. 1. & 2. Bellarminus judicat quinquaginta canones esse genuinos. Item Constitutionum Apostolicarum li. 8. ab eodem scripti non majorem merētur fidem. De his nil Eusebius, nil Hieronymus, nil Gennadius. Deinde author se prodit, ubi dicit vernū æquinoctium incidere in vicesimū secundum diem mensis duodecimi, qui appellatur *dystros*, sive *Martius*. At Christi & Apostolorum seculo, æquinoctium fuit Martii 25. & non 22.

nisi

nisi post Nicenum Concilium. Hoc vidit Carolus Bovius & excusare non potuit. Citant quidem aliquando veteres Constitutiones & Dispositiones Apostolicas, sed non scriptas (ut fatetur Basilii lib. de Spiritu S. c. 27.) imò ne scriptas quidem à Clemente, quia nomen ejus non apponunt nisi posterioribus seculis.

12. Opera DIONYSII AREOPAGITAE de celesti Hierarchia: De Ecclesiastica Hierarchia: De divinis nominibus: Epistola item aliquot, ut est nominatim epistola ad B. Paulum, fidem non merentur. Multi in Aët. c. 17. ut Erasmus, L. Valla, Cajetanus & alii præterea docti, negat prorsus hæc esse scripta Dionysii Apostolici, his ducti rationibus. *Primò*, etsi fuerat Pauli discipulus ab eo conversus, beneficii tamen conversionis & amicitiae cum præceptore ad eo obliviscitur, ut ne uno quidem loco Pauli meminerit: obscurum quendam Hierotheum præceptorem suum appellat. *Secundò*, plurimorum meminit ordinum, ut Pontificum, Præsulum, Sacerdotum, Monachorum, &c. quorum (præterquam Episcopi) Dionysii ætatem nullum habuisse, probari potest. *Tertiò*, Eusebius & Hieronymus in Catalogo, horum nullam faciunt mentionem; imò nullus ante Gregorium M. qui tamen citans hujus literas, non judicat eum fuisse Dionysium Areopagitam. His attexam rationes Illyrici. *Prima*: quod ille tumidus, laciniosus, improprius & ampullatus, stylus, ut est istius Dionysii, nequaquam tempore Apostolorum Athenis fuit usitatus, sed 300. demum postea annis in Græcia & etiam Romæ cœpit esse in usu. *Casaubonus tamen exerc. 16. ad annales ecclesiasticos Baronii* auctor est, hunc Dionysium eximie præ ceteris Patribus, de mysteriis, & nomina-

tim de sacramentis; novo quodam & inusitato genere scripsisse: quod sciret, tali genere dicendi Gentium mysteria tractari consueisse. *Secunda*: Recentior versio habet, quod Hierarchiam ad Timotheum scripserit, quem etiam suum filium vocat: quod idem est usu scripturæ & Ecclesiæ, ac discipulus. Cum Timotheus habuerit diutissime præstantissimum præceptorem, illud electum Christi vas, fueritque adhuc vivo Paulo celebris Doctor ac Episcopus: ut ille potius hunc Dionysium docere potuerit, quàm ab eo doceri. *Tertia*: mox post conversionem Areopagitæ, docuit Paulus Corinthi diu, & Ephesi diutius, quæ loca facile Athenis adiri possunt: ut si Dionysius iste discendi cupidus esset, potuerit per integrum biennium Paulum quasi domi habere: eoque non fuerit necesse eum, sese in disciplinam Hierotheo homini in Ecclesia planè ignoto dedere. *Quarta*: Initio Hierarchiæ dicit suos præceptores istam doctrinam ab Apostolis accepisse. Unde liquidò constat eum non fuisse Apostolorum discipulum. Ideo autem in plurali dicit (*præceptores*) ut per plures sibi invicem succedentes præceptores, eam doctrinam ab Apostolis ad se provenire ostendat. *Quinta*: Qui possibile fuit, istum Dionysium non sæpe quævisse scribendo ad Timotheum, an quid ipse rectius ab Apostolo Paulo audivisset de illis ipsis rebus, cum quo ille tandiu familiariter vixisset, & planè eruditus fuisset. *Sexta*: meminit hic scriptor crebrò chori & templi à se invicem distincti & aliarum partium templi. Atqui tempore Apostolorum & 100. annis postea, non habuerunt Christiani tam operosa templorum ædificia, sed initio in domibus conveniebant. *Septima*: Jo. Apostolus diutius Dionysio vixit, fuitque plerumque Ephesi, & in Asia minori ubi

ubi & Timotheusegit, qui ei familiaris fuisse scribitur. Quomodo ergo iste Dionysius ausus fuit docere Timotheum habentem tantum præceptorem; & nõ potius millies repetendo petiisset ut sibi Timotheus, vel de hac re, vel de alia suam aut Pauli Johannisve sententiã perscriberet. *Octava*: Iste Dionysius in libro de divinis nominibus citat Clementem philosophum de dialectica differentem, ac dicentem, quod exemplaria rerum principalia, aut ideæ seu causæ formales sint relative. Nullus vero fuit alius Clemens philosophus quàm Alexandrinus, cujus libri jam extant, qui ducentis post Christum annis vixit. Videtur etiam omnino ille locus citatus in fine octavi Stromatum esse, ubi Clemens dicit causas, præsertim formalem esse relativam. *Nona*: Iste Dionysius citat 4. cap. de divinis nominibus Ignatii epistolæ; quæ tamen sicut illorum vitæ testantur, sunt post mortem Dionysii Areopagitæ scriptæ. Sic idem citat Evangelium Johannis & Apocalypsin in sua Hierarchia, idque ita tanquam si ea scripta jam diu fuissent pars sacræ scripturæ. At contra si credimus historicis, utrunque scriptum Johannes paulò ante mortem, nempe circiter 14. annos post Dionysii mortem, edidit. *Postrema*: Inter epistolas istius Dionysii est una ad Polycarpum scripta, quæ eum alloquitur tanquam jam doctorem & Episcopum. Jam testantur scriptores Dionysium, esse passum in Galliis anno Domini 96. & Polycarpum 166. suæ vero ætatis 86. Unde liquidò apparet, Polycarpum tempore passionis Dionysii adhuc impuberem fuisse. Hæc ætatis Illyricus. Dionysii Mysticâ Theologiam Athanasii seculo ignotam arbitratur *Sixtus Senensis Bibliotheca* l. 4. Mihi

vehementer placet, quod *Casaubonus exercit.* 16. ait, hunc Dionysium esse scriptorem antiquissimum & elegantissimum, sed non illum, de quo habetur mentio in Actis: & addit, hoc affirmare illos, qui sint penitus rudes tum linguæ Græcæ, tum antiquitatis ecclesiasticæ.

13. *MARTIALIS Burdegalenfis* fuit ante paucos annos in Gallia repertus; & impudenter se appellat, *Apostolum Christi*. Nulla ejus mentio apud Eusebium, Hieronymum vel Gennadium. Bellarminus ait: Sanctus Martialis I Episcopus Lemovicensis, dicitur scripsisse duas epistolas, unam ad Burdegalenses, alteram ad Tolosanenses. Sed multa sunt, quæ eas epistolas supposititias esse indicare videantur.

14. *Opera ABDIÆ* sunt conficta. Spurius eum & mendacem asserit *Molanus*, l. 1. de fide hæreticis servanda c. 6. Vide plura apud *Ivell. in Duplicat. cont. Harding. art. 1. sect. 5.* Audiamus etiam Bellarminum: vitæ Apostolorum, quæ sub nomine ejus (*Abdiæ*.) circumferuntur, fabulis similiores sunt, quam vitæ narrationi.

15. *Euseb. l. 3. q. 35. & 36. & Hieron. Septem* IGNATII numerat epistolas: at nunc sub illius nomine habentur 12. Quinque ergo spuria: *Ad Mariam Cassabolitam, ad Tarsenses, ad Hieronem, ad Antiochenos, ad Philippenses.* Et si detur genuinas esse: multa tamen admixta sunt quæ non sunt Ignatii. Ut quod dicit epist. ad Philippenses, quarta & sexta feria post passionis Dominicæ hebdomadam jejunandum, & prohibet jejunium Sabbathi: cum Augustinus hæc aliter disputet. Item quod dicit: *Quicumque cum Iudæis pascha ederit, comparticipabit eis qui Dominum occiderunt.* Cum Euphаний citet Canonem Apostolorum planè contrarium; & historia Ecclesiastica



ctica aliud doceat. Præterea epistolæ ad *Smirneses* author, corrigit Salomonem: *Honora* (inquit) *fili Deum & regem*, Prover. 24.8. Ego verò dico: *Honora Deum ut omniū auctorem*, Episcopum verò ut principem sacerdotum, honorare oportet, & regem. Theodoretus dialog. 3. citat locum ex hac epistola de errore Menandri, qui tamen in ea hodie nō legitur. & Trithemius omisit. Item Bellarminus ait Græcos codices esse corruptos. Epistola ad *Ephesios* spuria vel saltem corrupta. Theodoretus *Cyrensis* in *Eraniste* dialogo 1. & *Gelasius* in libro de duabus in Christo naturis contra *Eutychen*, citant ex ea testimonium, quod in editis exemplaribus non habetur. Circumferuntur etiam tres alię, ad B. Virginem *Deiparam* una, & ad S. Johannem Evangelistam duę, quibus additur epistola B. Virginis ad *Ignatium*. Sed neque in codicibus Græcis habentur, neque gravitatem eloquii S. Ignatii omninò redolent, ut sunt verba Bellarmini.

16. De *PAPA* scriptis iudicium *Eusebii* est, *hist. libr. 3. cap. 36.* eum peregrina de Christo loqui & fabulosa scribere, & Apostolicas disputationes non recte intelligere & millenarios annos ponere.

17. *Historia EGESIPPI*, quæ hodie extat in Bibliotheca S. Patrum, spuria est. Nam lib. 3. cap. 5. ait, Antiochiam, tertio loco, ante, ex omnibus quæ in orbe Romano essent civitatibus, æstimatam, quarto demum censerī, postquam Constantinopolis excrevit, civitas Byzantium. Verus autem Egesippus fuit ante Constantini tempora, ann. Dom. 160. Hoc ipso argumento utitur Bellarminus. Deinde Trithemius ait, eum scripsisse libros Ecclesiasticorum actuum à passione Domini ad suam usq; ætatem. Hi aut libri cōti-

nent historiam de *Macabæis*, de bello Judaico, & de U bis Hierosolymitanæ excidio. Vide plura in Renati Laurentii præfatione.

18. JUSTINUS Chiliasta est in Dialogo cum *Triphone*. *Libellus quæst. & respons.* non est genuinus. Nam quæst. 82. & 86. Origenis mentionem facit. Et q. 127. Irenæi, & Manichæorum. Librum de expositione fidei Bellarminus iudicat non esse Justinī: item epistolam ad Zenam & Serenum: denique librum quæstionum quinque Gentibus à Christianis propositarum.

19. Liber de transitu *Maria* dubius *Meliton* Sardensi tribuitur à Trithemio: sed malè. Apocryphus est *dist. 15. cap. Sancta Romana*. Hieronymus hujus non meminit. *Beda* in retractatione *Actorum* c. 8. ait, falsa multa continere & *Meliton* imponi tantum. Idem sentit F. Suarez in *Thomam*. Et Bellarminus ait, indignum esse librum, qui tanto viro tribuatur.

20. IRENAEUS Chiliasta fuit. *Euseb. lib. 3. c. 39.* Ambigunt nonnulli, Græcene an Latine scripserit: quoniam non inveniuntur ejus libri nisi Latine conscripti.

21. THEOPHILUS ANTIOCHENUS. *Commentarij* sub ejus nomine in *Proverbia* & *Evangelium*, improbantur ab Hieronymo *Sixtus Sen. Bibliotheca lib. 4.*

22. TERTULLIANUM Ecclesiæ hominem non fuisse ait Hieronymus: quia ad Montani dogma est delapsus, imò Hæresiarcha fuit. Obiter hîc observa, Tertullianum Deum vocare corpus, ut significet, ipsum esse veram substantiam. Sice enim ait contra *Praxeam*: *Quis negabit, Deū corpus esse, et si Deus spiritus est? hoc est, Quis negabit, Deum veram esse substantiam, tamen si spiritus est.*

Libriejus contra Orthodoxos scripti sunt hi:

Liber contra Psychicos, id est, contra Catholicos.

De Monogamia.

De Ieiunio.

De fuga in persecutione.

De pudicitia.

De exhortatione ad castitatem, &c.

In his habentur multa semina Papatus. Gelasius omnes ejus libros judicavit apocryphos dist. 15.

Librum de pœnitentia non esse illius judicavit Erasmus.

Scripsit etiam Montanista librum de corona militis, in quo novam prophetiã explicat.

Opera Tertulliani supposititia, vel dubia, Bellarmino sunt hæc duo: Liber de Trinitate, & Epistola de cibis Judaicis.

23. ORIGENES errorum plenus. Hieronymus ejus scripta venenata appellat. Eusebius etiam & Rufinus testantur & conquesti sunt ejus scripta ab hæreticis pessime tractata.

Spuria. Homilia in Lib. Iesu Nave, quæ abundant Solœcismis, & in Hieronymi Catalogo non sunt.

Tractatus tres in librum Iob, ubi accusantur hæreseos, qui unum Deum & tres personas dicunt.

Homiliae duae in Psal. 38.

Homilia 4. posterioris explicationis in Cantica.

Thronorum tractatus unus.

Commentarii in Romanos. non fideliter redditi à Rufino.

Liber de pœnitentia. Gelasius dist. 15. dicit Apocryphum.

Homiliae in diversos. In iis mentio Arianorum & Manichæorum. Ex iis si quæ

sunt ab eo scriptæ, corripit eas Rufinus.

Bellarminus his addit:

Homiliae in Leviticum.

Commentaria in Iob.

Homiliae in Psalmos.

Tractatum quintum in Mattheum.

24. CYPRIANUS dum Tertullianum nimis miratur, faver aliquando Montanistis.

Spuria, quæ certò non sunt Cypriani, hæc sunt.

Tractatus de Sina & Sion.

De revelatione capitis Iohannis Baptista. nã meminit Pipini regis Francorum.

Expositio Symboli meminit Arianorum. Rufini est, teste Hieronymo.

De singularitate Clericorum. habet vocabula barbarâ. Inordinabiliter, contubernaliter, conjugalitas, absentare.

Sermones 12. de cardinalibus operibus Christi, sunt incerti autoris. Teste Pamelio, & Sixto Sen. lib. 4. bibliothecæ.

Sermo de baptismo Christi contradicit sententiæ Cypriani de hæreticis rebaptizandis.

Liber de laude Martyrii argutias affectat.

Liber de duplici Martyrio Turcarum meminit, qui non fuerunt Cypriani seculo.

Liber de 12. abusibus, ut opinantur Trithemius & Pamelius.

De stella & Magis & Innocentium morte.

Sermo adversus Iudeos.

Librum Genesis & Sodoma Sixtus Sen. ait esse Tertulliani, Bellarminus dubitat.

Passio Cypriani scripta est à P. Diacono anno 807. Sigebertus.

Liber de aleatoribus.

Oratio pro Martyribus.

Oratio sub die Passionis.

**Liber de pœnitentia Cypriani** dist. 15. cap. S. Romana.

In hoc libro dicitur fuisse magus: quod Perkinso videtur esse falsum: fuit enim professione Rhetor ut Hieronymus ait in Catalogo, & super Jonam cap. 3. qui de Magia nihil: nec Cyprianus ipse in descriptione conversionis suæ libr. 2. ep. 2. nec Pontianus diacon<sup>9</sup> ejus in vita Cypriani.

Cypriani liber de *unitate Ecclesiæ* corruptus est ad stabiliendum primatum Petri. Hæc enim verba, [ *Et illi pascendas mandavit oves suas.* Rursus. *Vnam constituit Cathedram.* Item, *Primatus Petro datur ut una Christi Ecclesiæ, & Cathedra una monstretur.* Et, *qui Cathedram Petri super quam fundata est Ecclesiæ deserit.* ] hæc verba, inquam, desunt in variis MS. exemplaribus. Vide T. Jamesii Catalogum.

*Dubia.* De disciplina & bono pudicitia. Et ad Novatianum hæreticum, quod lapsis spes venia non deneganda.

25. **METHODII** liber de *creatione* non habetur apud Hieronymum, dubius est. 10. *Simlerus in Bibliotheca.* Libellus revelationum est supposititius. Bellarm.

26. **GREGORII NEOCÆSARIENSIS** de Annuntiatione, &c. *homilia* dubia. Nam vitæ Sanctorum, lectiones item, & hymni eorum festis convenientes, primū à Carolo constituti sunt circa an. 807. P. *Æmilii l. 2. de Gestis Fran. orum.* Sigebertus ad an. 807.

27. **ARNOBII** libri contra gentes sunt tantum septem, ut testatur Hieronymus epist. ad Magnum. Octavus non est ejusdem operis liber. *Sixtus Senens. lib. 4.* Octavus ille liber inscribitur Octavius, & est dialogus inter Christianum Octavium & ethnicum Cæcilium, auctore Minutio Felice.

Commentarii sub ejus nomine in Psalmos sunt authoris multò recentioris. *Bellarmin. de amiss. grat. & statu peccati, lib. 4. ca. 9.* Nam hæreseos Pelagianæ mentionem faciunt.

28. **Concilium NEOCÆSARIENSE** canones habet 14. ut dicit Collector Conciliorum, non 24. ut Gratianus ait.

29. Pontificii sugillant **EUSEBII CÆSARIENSIS** historiam Ecclesiasticam, sed malè. Fuerit enim Arianus & Origenis immodicus defensor; fide tamen digna historiâ est. Hieronymus dicit: Ecclesiasticam pulchrè Eusebius historiâ texuit. Et Basilii vocat eum *ἀξιόμηνον*.

30. **LACTANTI** carmen de passione Christi est spurium, quia contradicit genuinis scriptis Lactantii, his verbis:

*Electe genu, lignumque crucis venerabile adora.*

Præterea nulla ejus mentio in Catalogo operum Lactantii apud Hieronymum in Catalogo, licet aliorum meminit quæ jam non extant.

*Carmen de resurrectione*, Venantio ascribitur in Vaticano codice. *Thomasius. Phœnix* authorem Christianum non videtur habuisse. *Idem.* Bellarminus eleganter sic ait de Lactantio: Et quidem opera omnia, ex captis carminibus, Lactantii sunt: & quemadmodum ad eloquentiam Tullianam proximè accedunt, ita erroribus variis sic deformata sunt, ut non sine causa Gelasius Papa in Concilio Romano apocrypha censeret voluerit.

3. **DONATIO CONSTANTINI.** Cusanus de Concord. Cath. l. 3. cap. 2. *Sunt* (inquit) *meo judicio illa de Constantino apocrypha, sicut fortasse etiam quadam alia longa & magna*

Xx 2 scripta



scripta sanctis Clementi & Anacleto Papa attributa. Constantinus Italiam filiis testamento delegavit, ut ait Naucler. lib. 2. gener. 11. Non habetur hæc Donatio apud ullum probatum veterem authorem. Imò in antiquis Gratiani codicibus non habetur distinctio de donatione, ut testatur Antoninus 1. part. Histor. tit. 8. cap. 2. §. 8. Caput (inquit) illud non habetur in antiquis decretis, quid ergo & quantum donavit Constantinus, non est bene certum. Idem asserit Canus locor. com. lib. 10. c. 5. Quinetiam decreta Paparum de hac donatione sibi ipsis contradicunt. Nam dist. 96. c. Constantinus, dicitur Romana urbs & Italia tota una cum Imperio Occidentis donari Sylvestro. Sexti verò decretalibus l. 1. Tit. 6. de Electione, c. Fundamentum: Ubi tantum donatæ mentio fit. Naucler. vol. 2. Gen. 11. ita scribit: Qualia autem & qua Constantinus Ecclesia donaverit Romana, variant in hoc scribentes. Tex. in c. Constantinus, refert eum concessisse B. Sylvestro & Ecclesia Romana, urbem Romam, Italiam & omnium Occidentalium regionum provincias, ut habetur dist. 96. c. Constantinus. Alii dicunt textum istum paleam esse, & nihil probare: quod credibile redditur. Nam Constantinus postea præmissa regna filiis suis testamento reliquit, qua etiam abinde successionis iure in manibus remanserunt Imperatorum & regum Catholicorum. Ad quod non facit modicum ca. Fundamentum, de elect. l. 6. loquens de Donatione Constantini. tantum dicit de urbis Romana donatione: Italia & aliarum provinciarum nullam faciens mentionem. Sed nec can. futuram. 12. quæst. 1. qui tex. asserit, quod Constantinus fidem veritatis adeptus dedit licentiam per universum orbem sub suo degentibus Imperio, eos non solum fieri Christianos, sed etiam fabricare Ecclesias, & prædia constituit tribuenda, donariaque immensa tribuit, & fabri-

cam templi primamque sedem B. Petri instituit, adeo ut sedem Imperialem relinqueret, & B. Petro ac successoribus ejus profuturam concederet. Pro hac parte facit, quod qua hodie dicuntur de patrimonio Ecclesiæ, ferè omnia inveniuntur à sequentibus principibus donata, alii aliter sentiunt, vincat veritas. Rursus: De dono ejus aut concessione apud nullos extat authores, præterquam in libro Decretalium. idque in antiquis voluminibus minimè contineri author est Antoninus præsul Florentinus in Chronicis. Quod valde miror; cum Isidorus qui fuit ab hinc anno 800. gravis author ac planè sanctus, in historia sua apertè dicat eum urbe Roma Pontifici concessisse. Hæc Nauclerus.

32. NICENI Canones ultra 20. spurii. Theod. l. 1. c. 8. viginti agnoscit de Ecclesiastica politia non plures. Ergo 70. Canones editos fuisse à Patribus fictum est. Præterea Canones isti in tomis vulgaribus corrupti sunt. Apud Ruffinum veri Canones habentur, ut testatur Cyrillus in epist. ad Concil. Carthag. Extat in Tom. 1. Concil. in actis Concil. African.

33. Epistola Synodi Nicenæ ad Sylvestrum, fictitia. In ea dicitur Macarius esse Episcopus Ecclesiæ Constantinopolitanæ: quæ tamen eo tempore nulla in universo orbe fuit.

34. Idem de Rescripto Sylvestri sentiendum.

35. Eiusdem farinæ sunt Canones Arabici 80.

36. Concilii SINVESSANI nullus antiquus author meminit. In eo dicitur Diocletianum verba habuisse cum Marcellino, quod falsum est. Sigonius de regno Occidentali, lib. 1. Præfatio item hujus Concilii in primo tomo Concil. incerti authoris est; & proinde nullius fidei.

37. Synodus ARELATENSIS secunda apertissi-

apertissimè depravata & incerti temporis. Dicitur enim habita sub Constantino & Sylvestro: in ea tamè fit mentio Bonifaciorum ca. 17. & Concilii Vasensis l. c. 28. quod fuit sub Leone I.

38. *Chronicon* EUSEBII est corruptum. In eo Petrus (inquit) Christianorum Pontifex primus, cum primùm Antiochenam Ecclesiam fundasset, Romam proficiscitur, ubi Evangelium prædicans 25. annis ejusdem urbis Episcopus perseverans. at contrà in historia lib. 3. c. 1. ait Petrum in Ponto, Galatia, Cappadocia, & Asia prædicasse, & circa finem vitæ Romæ constitutum, cruci affixum esse. Vide etiam cap. 4.

39. *Concilii SARDENSIS* Can. 3. 5. 7. suspexit fidei. In his enim conceditur appellatio ad Papam: & statutum est ei licere mittere legatum à latere, qui ejus nomine in provinciis alienis lites componat. Verùm *Augustinus* epistola ad Celestinum ait, ut aliqui tanquam à tuæ sanctitatis latere mittantur, nullâ invenimus Patrum Synodo constitutum. Et contra *Crescon* lib. 3. c. 34. nullum Sardicense Concilium agnoscit nisi hæreticum. Et hæc est sententia *Cusani* l. 2. c. 25. de concord. Cath. Pugnant etiam apertè cum canone 5. Nicenæ Synodi. Interim alii censent canones non esse fictitios, sed de privilegio in Julium Papam extra ordinem collato intelligendos; & Constantinopolitanæ synodi canone 2. antiquatos.

40. *Concilia ROMANA* sub Constantino & Sylvestro spuria. horum historici non meminerunt.

41. *ATHANASIUS*. *Evagrius* lib. 3. c. 31. ait Apollinarii libros sub Athanasii nomine venditatos à Nestorianis ac Eutyrianis.

Spuria ipsius scripta sunt ista.

*Liber de varijs quæstionibus sacra scriptura ad Antiochum principem*: in eo Magnus Athanasius citatur quæst. 23. Et mentio fit Sancti Gregorii Nazianzeni quæst. 117. & 129. Theologiam quoque Mysticam Dionysii allegat, Athanasii sæculo ignotam. *Sixtus Senensis*, lib. 4.

*Quæst. 16. de veneratione crucis*, Septimæ Synodi actione 4. tribuuntur Leontio cuidam, qui circa tempora Mauritii vixit.

*Tractatus de definitionibus Theologicis*. Ibi citatur Nysenus.

*Disputatio Laodicea habita de fide inter Arium & Athanasium*. Author indicat Arium hunc fuisse, non hæresiarcham sed alterum. Cassander Vigilii Martyris esse vult.

*Commentaria in omnes epistolas Pauli* sub nomine Athan. Theophylacti sunt.

*Exhortatio ad Monachos*.

*Libellus de passione imaginis Christi crucifixi in Berytho Syria*: contigit enim in anno 764. Sigebertus.

*Epistola ad Marcum Papam pro exemplaribus Niceni Concilii*, quia exempla quæ erant Alexandria, fuerunt cremata ab Arianis, unâ cum Marci rescripto. Hæc incensio librorum fuit sub Constantio. *Athanasius* epist. ad orthodoxos. Marcus autem Papa eo tempore fuit defunctus. *Bellar. de Pontif.* l. 2. c. 25.

De unita Deitate Trinitatis, libri septem.

*Epistola Secunda ad Serapionem de Spiritu Sancto*.

Hi libri vulgo constituunt quartum tomum operum Athanasii: de quo Belarminus ita pronuntiat: In hoc tomo nihil ferè est, quod verè sit Athanasii: Rectè autem dicit ferè: quia in eodem

tomus continetur *Synopsis totius Scripturae*: quæ est Athanasii.

*Scripta ejusdem dubia.*

*Tractatus de incarnatione Christi.*

*De salutari adventu.*

*Contra hæreses, Sermo.*

*Ad Maximum Oratio decima sexta.*

*Epistola ad Marcellinum de interpret. Psalmorum.*

*De virginitate, Sermo.*

*Testimonia è sacra Scriptura.*

*Sermo de passione Domini.* Hic citantur quæstiones ad Antiochum, quæ non sunt Athanasii: juramenta vetat.

*Epistola ad omnes fratres per Ægyptum, &c.*

*Sermo de Deipara Virgine.* In eo refutatur error Nestorii: scriptus ergo fuit post Concilium Ephesinum.

*Sermo in illud Evangelii: Qui dixerit, &c.*

*Disputatio in Niceno Concil. contra Arium.*

*Epistola ad solitariam vitam agentes,* partim epistola est, partim fragmentum alterius operis. Et quædam promissa dicuntur, quæ ibi jam non extant. *Author editionis Commeliniana.*

*Scriptum de vita Antonii dubiæ fidei.* Nuper fuit additum operibus. In multis nugatorium est. Bellarminus quidem illud prolixè laudat: sed fabulæ, quæ ibi occurrunt, reclamant.

*Homilia de Semente.*

*Declaratio Levitici.*

*Epistola ad Felicem Papam* ait, Romana Ecclesia est sacer vertex, in quo omnia vertuntur. hæc allusio non est, nec esse potest in Græco, ergo Latine potius scripta. Præterea multa in hac epistola dicuntur, quæ Athanasio non conveniunt, ut quod dicit Romæ sumptum prædicationis exordium: & in Niceno Concilio decretum

esse, debere provocationem fieri ad Roman. Episcopum in omnibus causis. *1. volus.*

*Epistola ad Liberium Papam* in 1. Tom. Concil. in allegationibus scripturæ inepta: & proinde Athanasio non tribuenda.

42. *Synopsis sub Dorothei Tyrensis nomine* & falsè ei ascribitur, & plena est fictis narrationibus. Inter disc. 72. numerat Eunuchum reginæ Æthiopum: & Juliam scæminam Episcopum facit: & Cæsarem, cujus mentio Epistola ad Philip. id est, Neronem, Episcopum fuisse dicit. *Bellarminus* ait: Ipsa verò synopsis plena est fabulis.

43. *Damasii epistolium* Tom. 2. operum Hieronymi Erasmus ei putat falsò ascribi. Tribuitur etiam ei liber de vitis Pontificum: sed liber ille est Anastasii bibliothecarii. *Bellarmin.* Conciliorum editio Veneta concedit, pugnare cum probatis historiis.

*Et Epistola 4. ad Episcopos Numidiæ* spuria est. Nil enim tum Episcopus Romanus commercii habebat cum ecclesiis Africæ: qui tamen in hac epistola edita sua proponit, & non servantibus minatur.

*Bellarminus* ait: Vera ejus (*Damasii*) scripta non extant: exceptis paucis epistolis, quarum aliquæ sunt inter epistolas S. Hieronymi, aliquæ in historia Theodoretii lib. 2. cap. 22. & lib. 3. c. 10. & 11.

44. *Opera Ephremi.* Edita ab eo Syriacè nunc non habentur nisi vel Latine vel Græcè.

45. *Gregorii Nysseni oratio Catechetica de anima,* corrupta ab hæreticis. *Niceph. l. 11. c. 19.*

*Libri octo de philosophia* non videntur esse S. Gregorii Nysseni, ait *Bellarmin.*

*De festo purificationis orationes.* *Amphilochii,*



*philochii*, *Gregorii Nysseni*, *Chrysostomi*, *Cyrilli Alexandrini*, & *Andrea Cretensis* apud Lippomanum & Surium supposititiæ; quia hoc festum fuit Justiniani tempore institutum. Vide *Durand. Enchir. lib. 7.*

46. GREGORII NAZIANZENI *Tragedia* non sapit stylum Gregorii, neque versum Jambicum, more Gregorii, accuratè observat. Eui ipidem videtur imitari. *Fulco & Bellarminus. Metaphrasis in ecclesiasten* non est Gregorii Nazianzeni, sed Gregorii Thaumaturgi. *Bellarmin.*

47. CYRILLI HIEROSOLYMITANI *Catecheses* dubiæ. *Josias Simlerus. In Indice*, inquit, librorum Græcorum quos respub. Augustana emit ab Antonio Eparcho Corcyro, nominantur Johannis Episcopi Hierosolymitani *Catecheses* *φωτιζομένων* 18. & *μυσταγωγικαί* quinque. Quare videndum est ne fortè Johannis sint, qui longè posterior fuit Cyrillo, quæ tamen alteri de industria fortè ascripta sunt, ut plus authoritatis haberent. *In Bibliotheca.*

*Cyrilli Hierosol. epistola ad Aug. de miraculis Hieronymi* spuria. Constat Cyrillum ante Hieronymum obiisse. Et author Sabinianum damnat quod duas in Christo voluntates ponit.

48. BASILII scripta dubia, vel saltem corrupta.

*Liber de Spiritu Sancto*: in cujus medio inserta quædam cêset Erasmus, quæ non redolent characterem Basilii.

*Asctica* in catalogo monumentorum ejus in Monodia Nazianzeni, non habentur. Eustathius qui apud Armenos instituit vitam monasticam illorum author nonnullis visus. *Sozom. lib. 3. c. 13. Niceph. lib. 9. c. 16. & lib. 13. c. 29.*

*Regula* sub nomine Basilii dubia. Ejus

nulla mentio apud Nazianz. & sub ejus nomine est alia quæ 35. capita tantum habet. Sunt in eâ quædam quæ cum Basilii scriptis non conveniunt.

*Libellus de vita Basilii* sub nomine AMPHILOCHII spurius: & fabularum est plenus, & cum historiis pugnantia tradit. Vide *Ivellum Duplicat. contr. Hard. art. 1. sect. 33.*

Basilii *epistola ad Casaream Patriciam* dubiæ fidei.

49. *Preces ad finem αμαρτυρείας* falsò ascriptæ PRUDENTIO. Giselinus seorsim excusas vidit, non indicato authoris nomine, & contradicunt apertè odæ 7. libri *καθημερινών*, dicendo, *Non posco beatam*—*In regione domum, &c.* Dictum impium & non tribuendum Prudentio. Vide *catalogum Illyrici*, editum an. 98. p. 186.

50. AMBROSII spuria.

*Sermones breves ad Populum* 92. nam horum aliqui reperiuntur inter Sermones Aug. ut 25. est 9. Augustini. 38. est inter Sermones de Tempore 73. & 69. est 31. Sermo de Sanctis. Ser. 19. de verb. Dom. est inter Ambrosianos 7. & 25. de verbis Apostoli est apud Augustinum 9. & inter Ambrosianos 37. fuit de Tempore 77. & inter Ambrosianos 68. est apud Augustinum de Sanctis 26. Inter Ambrosianos primus, est apud Aug. de Sanctis 31. & secundus, 33. Vide Bellarminum.

*Sermo de Agnete.* In fine hæc verba habentur. Hæc ego Ambrosius.

*Sermo de baptismo Augustini*, ornat eum cuculla nigra, & falsò monachus auctorem facit.

Sermones 3. 14. 30. 31. 32. 34. 44. 47. 50. 51. 52. 53. 54. 56. 57. 58. 60. 61. 62. 66. 71. 77. 78. & 82. sunt ad verbum inter Sermones S. Maximi. *Bellarmin.*

Ejusdem

Eiusdem generis *Liber de Salomone*.

*Preces preparatrices ad Missam* non sunt Ambrosii: ibi adoratio Sacramenti stabilitur.

*Liber de Apologia David*. Bellarm.

*De vocatione gentium* libri duo, qui falso ascribuntur Ambrosio; vel etiam Prospero Aquitanico, qui in carminibus contra ingratos universalem gratiam & redemptionem oppugnat, quæ tamen in prædictis libris asstruuntur. Bellarminus tamen putat, Prosperi esse.

*Liber ad devotam virginem*.

*Liber ad virginem lapsam*, nam declamatio est, & propemodum tota in epistola Hieronymi ad matrem & filiam, extat. *Hospin.*

*Liber de interpellatione David*.

*Liber de viduis* pugnat apertè cum *Comm. ad Rom. c. I.*

*Commentarii in Hebræos* potius Remigii esse videntur, vel Anselmi. Et omnino commentaria in epistolas S. Pauli, à multis non creduntur Ambrosii, nec sine causa. *Bellarmin.*

*Historiam Egesippi ex Græco conversam* esse ab Ambrosio, non credibile Erasmo.

*Commentaria in Apocalypsin*. Six. Sen. Biblioth. l. 4.

Ambrosii *liber de fide contra Arianos* Nazianzeno tribuitur; in Latina operum ejus editione, Ruffino interprete.

Ambrosii *Missale* mentionem facit festi Assumptionis, quod non fuit receptum nisi posterioribus seculis.

*Scriptum de vita Gervasii* apud Ambrosium est spurium. nonnulla enim habet pugnantia cum scriptis genuinis Ambr.

*Epistola* 84. Prosperi est. *Suarez.*

51. *Opera Hieronymo* falso ascripta communi omnium iudicio.

*Traditiones Hebraica in libros 3. Regum & Chronicorum*. Sixtus Sen. libr. 4. & Lyranus.

*Prefationes in* { *Baruch.*  
*Maccabæorum libros 2.*  
*Psalterium 2.*  
*Parabolas Salomonis. 2.*

*Homilia 4. in Cantica.*

*Loci Hebraici in Acta*. Citant Hieronymum in cap. 27.

*Commentarii in Threnos Ieremie*. Sixtus Sen. lib. 4. Rabani Mauri sunt, vel Bedæ, ut censuit Erasmus.

*Commentarii in Marcum cum prefatione*. Sixtus Sen. lib. 4.

*Prefat. in Lucam & Iohannem.*

*Commentarii in Psalmos*. Lindanus, Canus, Erasmus, Bruno.

*Prefatio & commentaria in Iob*. Sixtus Sen. lib. 4. Hæc commentaria Marianus Victorius tribuit Bedæ: & rectè juxta Bellarminum.

*Comment. lib. 3. in Proverbia Salomonis*. in cap. 31. citatur Gregorius. Hæc quoque commentaria rectè tribui Bedæ, censet Bellarminus.

*Comment. in 13. epist. Pauli* Sixtus Sen. lib. 4.

*Epistola ad Demetriadem Pelagii* est. *Greg. Arimin.* 2. d. 26. q. 1. art. 3. Non Hieronymi esse, sed Pelagii, clarè patet ex *Aug. de gratia Christi & peccato orig. c. 37. & 38.* in quibus verba Pelagii ex epistola, quam se ad Demetriadem virginem scripsisse commemorat, recitantur, quæ vicina sunt allegatis. Idem patet ex *epistola Aug. ad Iulianam*, matrem prædictæ Demetriadis, in qua etiam recitat verba Pelagii in epistola eadem contenta.

*Epistola*

Geruntii filias.  
 Marcellam virginem in exilium missam.  
 Epistola ad Anneum agrotum de viro per-  
 fecto.  
 Institutio amici in scientia divina legis.  
 De tribus virtutibus.  
 De assumptione Mariae Sermo, ad Paulum & Eustochium.  
 De honorandis parentibus.  
 De septem gradibus Ecclesiae, ad Rusticum Narbonensem Episcopum.  
 De laude virginitatis, ad Mauritii filiam.  
 De his quae Deo in scripturis attribuantur.  
 Symboli explanatio ad Damasum.  
 Explanatio fidei ad Cyrillum.  
 Ad Praesidium diaconum de Cereopaschali.  
 De celebratione Paschae.  
 In Susannam lapsam objuratio.  
 In Evagrium objuratio ob Levitam.  
 Hortatio ad militem seculi.  
 De 10. tentationibus Israelitarum.  
 Explanatio in psal. 40 & 117.  
 Ad Dardanum de generibus musicorum.  
 De resurrectione Domini, Sermo.  
 De nativitate Domini, Sermo.  
 De epiphania Domini, Sermo.  
 De Quadragesima, Sermo.  
 Ser. 10. in vigilia Paschae de esu agni.  
 Ad Eustochium de vinculis Petri.  
 De observatione vigiliarum.  
 Ad Pammachium & Oceanum exhortatoria.  
 Ad quendam qui in saeculo poenitebat.  
 De diversis generibus leprarum.  
 De duobus filiis frugis & luxurioso.  
 Regula monachorum per Lupum de Olivo collecta.  
 Dialogus sub nomine Hieron. & Augustini.  
 Homilia de corpore & sanguine Domini.  
 Homilia super Evang. Matthaei.  
 Apologia pro Origene. non est Pamphili Martyris.

Catalogus scriptorum aliquot ecclesiasticorum.

Epist. ad Tyrasium super mortem filiae.  
 Ad Oceanum de ferendis opprobriis.  
 Hieronymi responsio ad epistolam Damasi.  
 Ad Paulum & Eustochium de virtute psalmorum.  
 Ad Damasum de oblatione altaris.  
 Regula monachorum c. 41. continens.  
 Chromatius & Heliodorus Hieronymo.  
 Hieronymus Chromatius & Heliodoro.  
 De nativitate Mariae.  
 Eusebius de morte Hieronymi ad Damasum.  
 Augustinus de magnificentia Hieronymi.  
 Vita Hieronymi incerto auctore.  
 Tractatus dubiae fidei.

Hieronymi epistola ad Augustinum. Quum in urbe.

Alia ad eundem, Anno praeterito.

Epistola ad Apronium.

Hierony. Theophilo, Beatitudo tua.

Hierony. ad Celantiam.

Comitis liber, quem Micrologus Lecti-  
 narium vocat. cap. 25. fertur sub nomine  
 Hieronymi. Honorius l. i. c. 88. sed aucto-  
 ris est multò recentioris.

Bellarminus ait, plurimos libros & e-  
 pistolas commemorari, in quibus nihil  
 sit, quod Hieronymi doctrina vel fide di-  
 gnū sit, Colophonis loco notetur illud.

Distinct. 16. cap. Sancta Romana Hiero-  
 nymi iudicium approbatur, de Origene,  
 de Rufino, & de universis, in quibus il-  
 los reprehendit.

52. CHRYSOSTOMI spuria ex Six-  
 to Senen. Biblioth. lib. 4.

Commentarii in Psalmos non sunt Chry-  
 sostomi.

Non epistola sexta ad Theodorum.

In Gent. c. 2. homilia 1. quae incipit: Digni-  
 tas humanae originis.



*In Gen. cap. 2. hom. 1. incipiens,* Deus institutor mundi: quæ collecta est ex centonibus Augustini; suntque in ea duo integra capita, ex libro de Ecclesiasticis dogmatibus transcripta, nempe trigesimum primum, & trigesimum secundum. Belarminus ait: Liber iste habet authorem Chrysostomo posteriorem. Et addit: Aliæ quoque sunt nonnullæ (homilia.) quæ dubiæ fidei videri possint.

*In Genes. cap. 2. hom. 1. Jubetur Adam.*

*In Gen. cap. 3. hom. 1. Deus sine initio.*

*In Gen. cap. 3. hom. 1. Quotiens mecum temporis.*

*In Gen. cap. 3. hom. 1. Christiano cum hoste.*

*In Gen. cap. 15. hom. 1. Fides est Religio- nis.*

*In Gen. cap. 25. hom. 1. Portabat Rebecca.*

*In Gen. cap. 37. hom. 1. Filii autem Jacob.*

*In Exod. cap. 17. hom. 1. Stabat Moyses.*

*In Iud. c. 11. hom. 1. Deus, qui voluit.*

*In 1. Reg. 13. hom. 1. Dominus Deus cum David.*

*In 2. Reg. 7. hom. 1. Imitatores Christi.*

*In 2. Reg. 17. hom. 1. Perdidit Absolon.*

*In 3. Reg. 17. De Helia hom. 1. Gloriosos olim.*

*In idem hom. 1. Cum gesta peccata.*

*In 4. Reg. 2. de ascensione Helia. hom. 1. incipiens,* Apud quosdam veteres. Hanc Beda in *Questionibus libri Regum* putat esse Chrysostomi; sed stylus resipit autorem ejus homiliæ, cujus initium est, *Exulta cælum, & in latitia esto terra.* quæ ponitur inter pseudepigrapha Hieronymi, in die Dominicæ resurrectionis, & inter sermones Eusebii Emisleni.

*In 4. Reg. 5. De Naaman, hom. 1. Cum Naaman.*

*In 4. Reg. 6. De Heliseo, hom. 1. Et si frequenter.*

*In Iob. cap. 1. hom. 1. Veruntamen fratres charissimi.*

*In Iob. cap. 1. hom. 1. Athletam in certamen.*

*In librum psalmodum Prefatio, incipiens,* Post Mosem.

*In lib. psal. Prefatio altera, incipiens:* Omnis scriptura.

*In psal. 1. hom. 1. Beatitudo est omnium.*

*In psal. 2. hom. 1. Quemadmodum qui in Solem.*

*In psal. 9. hom. 1. Creatoris omnium rerum.*

*In psal. 9. hom. 1. Deus generis nostri.*

*In psal. 13. hom. 1. Quemadmodum cum Dominus.*

*In psal. 14. hom. 1. Est pulcher psalmus.*

*In psal. 22. hom. 1. Circulo consecrato.*

*In psal. 24. hom. 1. Viatores arctæ & angustæ viæ.*

*In psal. 25. hom. 1. Filii lucis.*

*In psal. 26. hom. 1. Ex plenitudine verbi.*

*In psal. 29. hom. 1. Celebritas confessionis.*

*In psal. 33. hom. 1. Sermo divinus.*

*In psal. 37. hom. 1. Sapere a nobis.*

*In psal. 38. hom. 1. Et quomodo potest psalmus.*

*In psal. 39. hom. 1. Nec hunc quidem psalmum.*

*In psal. 40. hom. 1. Nonnulli quidem.*

*In psal. 40. kom. 1. Etiam si propheta.*

*In psal. 42. hom. 1. Hic psalmus est.*

*In psal. 42. hom. 1. Cohæret priori.*

*In psal. 68. hom. 1. Qui orationibus.*

*In psal. 71. hom. 1. Dominus virtutum.*

*In psal. 84. hom. 1. Omnis, qui se agnoscit.*

*In psal. 90. hom. 1. Psalmum nonagesimum.*

*In psal.*

*In psal. 93. hom. 1. Adversus fluctus.*  
*In psal. 95. hom. 1. Egregiam vereque mirandum.*  
*In psal. 69. hom. 1. Ictus à vipera Paulus.*  
*In psal. 106. hom. 1. Spiritus sanctus.*  
*In psal. 115. hom. 1. Narratur quod apiculæ.*  
*In psal. 118. hom. 1. Benignitas Dei.*  
*In psal. 110. hom. 1. Veritatem prædicandam.*  
*In psal. 121. hom. 1. Dominus noster.*  
*In psal. 142. hom. 1. Judicia Domini sicut abyssus multa.*  
*In Esaia cap. 1. hom. 1. Si volueritis, & audieritis.*  
*In Esa. 9. hom. 1. Christus unà cū patre.*  
*In Esa. 42. hom. 1. Vita innovata.*  
*In Esa. 62. hom. 1. Quoniam tēpus venit.*  
*In Ierem. 1. hom. 1. Magnum Jeremiæ meritum.*  
*In Dan. 3. De tribus pueris, hom. 1. Trium puerorum sermo.*  
*In Dan. 13. De Susanna, hom. 1. Divinæ lectiones.*  
*In Zach. 6. hom. 1. Nobiles genere.*  
*Opus imperfectum in Matthæum Chrysostomi esse purant etiam quidam Catholici, alii negant, quia sapit Arianismum. ab omnibus tamen ob variam eruditionem commendatur. Bellarminus sic scribit hac de re: Cujuscunque sit opus, aut ab hæretico aliquo compositum fuit, aut ab hæretico aliquo corruptum: quamvis alioqui liber sit doctus, & minimè spernendus.*  
*In Matth. c. 2. hom. 1. Hoc futurum.*  
*Hom. 1. Dedicatur novus.*  
*Hom. 1. In eo quod dixit.*  
*In 4. Hom. 1. O incomparabilem.*  
*In 5. hom. 1. Non tantum.*  
*In 5. hom. 1. Cū nobis pro officio.*

*In 5. hom. 1. Per omnia.*  
*In 6. hom. 1. Dominica.*  
*Hom. 1. Sicut in superioribus.*  
*Hom. 1. Series Lectionis.*  
*In 7. hom. 1. Omnibus notam.*  
*In 9. hom. 1. Christum in.*  
*Hom. 1. Multæ tempestates.*  
*In 14. Hom. 1. Hodie nobis.*  
*In 15. hom. 1. Miratur.*  
*In 18. hom. 1. Videtur.*  
*Hom. 1. Exercitia.*  
*Hom. 1. Magnum.*  
*In 19. hom. 1. Justus.*  
*Hom. 1. Quoniam.*  
*In 20. hom. 1. Postquam.*  
*Hom. 1. Proximè.*  
*In 21. hom. 1. Puto.*  
*Hom. 1. Si ad arborem.*  
*In 22. hom. 1. Omnis malitia.*  
*Hom. 1. Frequenter.*  
*In 26. hom. 1. Ad hodiernum.*  
*Hom. 1. Secundum Salvatoris.*  
*In 27. hom. 1. Evangelicæ.*  
*Hom. 1. Sufficiens.*  
*In Marc. hom. 1. Animal.*  
*Hom. 1. Nunc veniamus.*  
*Hom. 1. Videte.*  
*Hom. 1. Quoniam.*  
*Hom. 1. Instruxerat.*  
*In 5. hom. 1. Interrogat.*  
*In 8. hom. 1. In superiore.*  
*In 9. hom. 1. Jurat.*  
*In 10. hom. 1. Quoniam.*  
*In 11. hom. 1. Ille qui.*  
*Hom. 1. Ingreditur.*  
*Hom. 1. In evangelio.*  
*In 13. hom. 1. Evangelica.*  
*In Luc. 1. hom. 1. De sol.*  
*In 2. hom. 1. Joseph autem.*  
*In 10. hom. 1. Tum dixit.*  
*In 15. hom. 1. Omnium.*

In 16. hom. 1. Quoniam dixerat.

In 19. hom. 1. Si per Christum.

In Ioh. 1. hom. 1. De Johanne dicitur.

In 4. hom. 1. Innumera.

In 11. hom. 1. Grandi fratres.

In 14. hom. 1. Dominus Christus.

In 20. hom. 1. Maria.

Hom. 1. Hoc ergo.

In 1. Cor. 13. hom. 1. Apostolus Paulus.

In 1. Cor. 15. hom. 1. In hesterno fratres.

MISSA CHRYSOSTOMI, spuria. Habet precationem pro Imperatore Alexio, qui vixit longè post Chrysostomum: & pro Nicolao sive Papa, sive Patriarcha Constantinopolitano. Exemplaria multum variant. Inter Sanctos qui ibi commemorantur, ipsius Chrysostomi fit mentio: ergo non ab illo conscripta, sed ab aliis sub illius nomine diversis temporibus, variis editionibus cōfuta. Et illa in primis quæ dicuntur de cultu imaginis Christi, supposititia sunt. Nā Chrysost. in vetis scriptis artem pingendi superstitiosam existimavit. homil. 50. in Matthæum. Et Synodus Nicæna 2. undique corradens testimonia pro cultu imaginum, nusquam tamen hanc Liturgiam citavit.

Ejusdem est generis homilia de natali Petri & Pauli, apud Surium.

Homilia nonnulla ad populum Antiochenum ex variis tum locis tum authoribus confutæ sunt, ut hom. 66. verba [qui purpuram indutus est. — stat Sanctus supplicaturus, &c.] totidē ferè verbis leguntur inter Sermones Augustino in scriptos de S. Paulo. Bellarminus ait: In quinto tomo omnia ferè sunt certa, & indubitata, exceptis homiliis ad populum Antiochenum: & aperte colligitur ex contextu illarum, per multas esse fragmenta homiliarū Chrysostomi in Matthæum, vel in Johannē &c.

53. AUGUSTINI spuria scripta communi omnium judicio.

I. Tom. Regula clericorum fragmentum.

Regula secunda: & de vita Eremitica.

Erasmus etiam vult tertiam regulam esse confictam, quæ appellatur virorum vel ad Servos Dei. Et Polydoro non est visum has ab Augustino regulas conscriptas. Bellarminus ait: In hoc tomo, ut notum est ex libris Retractionum, sola duo opera dubia esse possunt, Regula, & de vita eremitica, quorum non fit mentio in libris Retract. Et quidem ex tribus regulis, sola tertia est certa Augustini.

II. Tom. Epistolæ spuria.

Epistola qua fuerat CXI. cujus loco substituit Erasmus epistolam ad Fortunatianum.

Epistola CXLII. ad Demetriadem virginem.

Epistola sedecim Augustini ad Bonifacium & Bonifacii ad Augustinum, à 181. ad 199.

Epistola Augustini Cyrillo Hierosolymitano de laudibus Hieronymi.

Epistola Innocentii quæ 93. est apud Augustinum, spuria est Erasmo.

Epistola ultra 242. omnes recentè à Lovaniensibus additæ.

III. Tom. De Ecclesiasticis dogmatibus liber. dicitur esse Gennadii. VValefridus de rebus ecclesiasticis c. 20. Thomas in catena, ad primum caput Matthæi. Verum quæ interseruntur à cap. 21. ad cap. 52. sunt authoris multò recentioris: & author videtur Pelagio favere. Bellarminus ait, huic librum esse conflatum præcipuè ex sententiis Concilii Araucani, Innocentii, Zozimi, Cœlestini, & ipsius Augustini.

De fide ad Petrum Liber unus. Fulgentio ascribitur à Bertramo. Libr. de corpore & Sang. Domini.

Demira-



*De mirabilibus Scriptura liber.* Differit author de Computo annorum per cyclos lib. 2. c. 4. libri ergo scripti sunt post 600. annos à Christo. Bellarminus ait, librum esse indignum ingenio, & gravitate S. Augustini, quem etiam non magnificat, & S. Augustini esse negavit S. Thom. 3. p. q. 45. art. 3. ad secundum.

*De Spiritu & anima liber.* citat Boethiū cap. 37. Hugoni de S. Victore ascribitur à Trithemio.

*Quaestiones de Trinitate.* Bellarm.

*De benedictionibus Patriarcharum.*

IV. Tom. *Liber de 8 quaest. Dulcitii.*

*Liber quaest. 21. & quaest. 65.* Bellarm.

*Quaestiones veteris & novi Testamenti.* Hunc librum Bellarminus existimat esse alicujus haeretici.

*De incarnatione Verbi.*

*De Trinitate & Unitate Dei.*

*De essentia divinitatis.*

*De fide rerum invisibilium.*

*De vera & falsa poenitentia:* in his citatur Augustinus.

*De salutaribus documentis.*

*De amicitia.*

#### DUBII.

*Liber de Continentia.*

*Liber de Patientia.*

*Liber de bono viduitatis.*

*Liber quaest. 33.*

VI. Tom. *De altercatione Ecclesiae & Synagoga.*

#### DUBII TRACTATUS.

*Oratio de 5. haeresibus.*

Hunc libellum Erasmus negat esse Augustini: cui Bellarminus contradicit.

*De unitate Trinitatis contra Felicianum liber.*

*Tractatus de Epicureis & Stoicis.*

*Tractatus in illud, Ego sum qui sum. Hic*

tractatus, ut & praecedens, non habetur in Retractionibus; neque in Indiculo. Bellarminus tamen censet, tractatus hos pulcherrimos esse, & Augustino dignissimos.

VII. Tom. *Contra Fulgentium Donatistam.* Ejus mentio non habetur in Retractionibus, neque in Indiculo.

*Liber hypognosticon.*

*De praedestinatione & gratia.* Bellarm.

*Liber de praedestinatione Dei.* Bellarm.

*Responsio ad articulos sibi falsè impositos.* Prosper est, & inter ejus opera habetur.

IX. Tom. *Expositio in Apocalypsin Ioannis.*

*De diligendo Deo.*

*Soliloquia.*

*Manuale.*

*De triplici habitaculo.*

*De scala Paradisi.*

*De 12 abusuum gradibus.*

*De contritione cordis.*

*De Speculo.*

*De vita Christiana.*

*De assumptione Mariae.*

*De contemptu mundi.*

*De vanitate saeculi.*

*De obedientia & humilitate.*

*De bono disciplina.*

*De visitatione infirmorum.* Bellarm. l. 1. de extrema unctione. c. 4.

*De visitandis infirmis.*

*De consolatione mortuorum.* lib. 2.

*De laudibus Charitatis.* tractatus.

*De sobrietate & castitate.*

*Speculum peccatoris.*

*De conflictu virtutum & vitiorum.*

*De rectitudine catholica conversationis.*

*De creatione primi hominis.*

*De arbore scientiae boni & mali.*

*De Antichristo.*

*Super Magnificat.* Atque hi libri sunt

Yy 3 mani-

manifestè supposititi in tomo nono.

### TRACTATUS DUBII.

*Liber de Agricultura Dominica, sive de feria quarta.*

*Liber meditationum.*

*Sermo de Catalcysmo.*

*De tempore Barbarico.*

*De virtutibus Charitatis.*

*De utilitate jejunii.*

*De pugna animæ.*

*De urbis excidio.*

*De bono disciplina.*

*De pœnitentia medicina, liber. Et de utilitate pœnitentiæ.*

### X. Tomo.

#### SPURII SERMONES.

*De revelatione Stephani.*

*Sermones ad fratres in Eremito.*

Hos Bellarminus dicit magna ex parte videri confictos.

*Sermones de verbis Domini. 3. 14. 18. 19. 20. 22. 28. 34. 38. 47. 52. 54. 56. 57. 58.*

*De verbis Apostoli 21. 25. 26. 34. 35.*

*Bellarmini iudicium:* Homiliae, sive Sermones de Verbis Domini, & de verbis Apostoli, aut omnes, aut ferè omnes Augustini sunt: multi enim habentur in Indiculo Possidii, & qui non habentur, similes sunt aliis, sive gravitatem sententiarum, sive stylum & verba consideres.

*Libri 50. homiliarum. 2. 3. 4. 7. 9. 10. 15. 21. 22. 30. 31. 41. 45. 46.*

*Bellarminus ita iudicat:* Liber quinquaginta homiliarum totus, aut ferè totus Augustini est: eadem ratione; quam scilicet dixit ad præced. sermones de verbis Domini, & de verbis Apostoli.

*De tempore. 9. 10. 11. 18. 24. 28. 33. 37. 38. 39. 43. 47. 48. 51. 59. 62.* dicit non ieiunare

in quadragesima peccatum esse: hoc tamen negat in genuinis scriptis. Epist. 118. ad Jan. ca. 4. 63. 68. 77. 95. 96. 97. 99. 113. 114. 115. Nam articuli Symboli Apostolici non fuerunt Augustini seculo in eum ordinem, quo hîc habentur, digesti. Ille enim in libro de Symbolo ad Catechumen. omittit *descensum ad inferos*, & *vitam eternam*: Chrysost. tom. 5. de Symbolo omittit *communione Sanctorum*. 117. 118. 120. 121. 125. 128. 130. 132. 136. 137. 138. 152. 156. 157. 158. 159. 161. 167. 169. 174. 176. 181. 183. 188. 196. 199. 207. 211. 223. 224. 226. 228. 229. 238. 239. 241. 242. ex his etiam alii censentur spurii à Protestantibus, ut 91. 215. 251. 255.

*Sermones de Sanctis. 2. 5. 7. 10. 11. 15. 19. 20. 22. 26. 27. 30. 31. 33. 34. 35. 37.* omnes ultra 50. additi à Parisiensibus. Protestantes reliquos omnes spurios, & neque Augustini esse, neque Fulgentii censent, quod, inter alia, illorum author Serm. 35. facit Isidori mentionem, qui 200. post Aug. annos vixit. Bellarminus ait: De homiliis de tempore & de sanctis non eadem certitudo haberi potest: credibile tamen est, magna ex parte Augustini esse.

*Sermones de diversis 35.* omnes ultra 43. additi à Lovanienlibus. A nostris omnes censentur spurii. Bellarmino videtur secus. Judicat enim omnes istos sermones graves, & doctos, & S. Augustino esse dignissimos. Colophonis loco velim observari, Augustinum crebrò usurpare e-nallagen temporis præteriti imperfecti & plusquamperfecti: ut quando in libro contra epistolam fundamenti ait: *Ego verò Evangelio non crederem, nisi me ecclesia commoveret autoritas*: id est, *Non credidissem cum adhuc Manichæus essem, nisi me commoverisset &c.*

54. *Palladii historia Lausiaca* farrago est amilium fabularum nihili proinde faciēda: hoc cuivis legenti facillimè constabit.

55. *EPISTOLÆ DECRETALÆ*, quæ dicuntur esse scriptæ per *Clementem*, *Evaristum*, *Telesphorum*, *Higinum*, *Anicetum*, *Soterū*, *Calixtum*, *Vrbanum*, *Pontianum*, *Antherum*, *Fabianū*, &c. usque ad *Sylvestrū*, spuria sunt.

*Ratio prima*: Idem & unus author omnium epistolarum fuit, quia stylus sive orationis compositio, in omnibus eadem est, & phrasēs in multis epistolis identidē recurrunt. Impossibile esse enim tot episcopis unam & eandem loquutionem fuisse, etiam si alii conarētur alios imitari.

*Secunda*: Multa in his epistolis parum Latine, imò barbarè dicuntur: ut episcopi sunt obediendi, diligendi, & summo perè venerandi, & non detrahendi, vel laacerandi. Et, Patres omnes sunt venerādi, non respuendi, aut insidiandi, &c.

*Tertia*: Hæ epistolæ in citandis sacræ scripturæ locis, Hieronymi translationē sequuntur, quam tamen Pontifices harū Decretalium authores nunquam viderant, quia nondum fuit.

*Quarta*: A veritate historicā alienissima in singulis penè epistolis continētur. Loquuntur enim de Primatu & regno Ecclesiæ Romanæ, de ordinatione Episcoporum, de non ledendis, accusandis & deponendis sacerdotibus, de appellationibus ad sedem Romanam: ubi tamē tribus his primis seculis ob varias persecutiones, parvus (ut *Sylvius* loquitur) respectus habebatur ad Ecclesiam Romanam.

*Quinta*: Idem testantur viri docti & graves: putā *Cusanus de concord. Cath. l. 3. cap. 2.* *Bellar. de Pontif. lib. 2. c. 14.* ait se non negare aliquos errores irrepsisse in hæ epistolas, neque audere indubitas esse affirmare.

Et *Isidorus in præfat. ante Concilia*, harū omnium non meminit. *Eusebius* tantum *Clementis* & *Victoris* epistolarum meminit, quæ tamen hodie non extant. *Damasus* de antecessoribus suis scribens, nil de epistolis tamen, neque *Hieronymus*.

56. Præterea epistola decretales Pontificum, quæ habentur in *Tomis Conciliorum* à *Sylvestro* usque ad *Gregorium I.* & deinceps, vel supposititiæ sunt, vel saltem, suspectæ fidei. Hoc indicant magna in plurimis styli insulitas, ineptæ scripturarum allegationes, & studium dominandi in Ecclesiam Catholicam. Eò enim collimant penè omnes, ut *Primatum Ecclesiæ Romanæ* tueantur. Imprimis hæ, quarum nomina sequuntur.

1. *Epistola MARCI ad Episcopos Ægyptios*. Dicit Romanam ecclesiam nunquam errasse nec erraturam deinceps. Verū hæc opinio de firmitate Romanæ fidei, non fuit recepta nisi his proximis seculis. *Catharinus in Gal. 2.*

2. *JULII epist. 1. ad Orientales pro Athanasio*, non congruit cum genuina quæ habetur apud *Socratem l. 2. c. 15.* & *Sozom. l. 3. c. 8.* *Secunda* item absurda est & inepta.

3. *Rescriptum LIBERII ad Athanasium*: & epistola ad omnes Episcopos.

4. *FELICIS epistola*.

5. *STEPHANI ad Damasum*, & *DAMASI ad Stephanum Africa Episcopum alia*: in qua hæc habentur verba, *Charitative, compassibiliter, ordinabiliter, præfixi fratres, innotuistis, pro indicastis* &c.

Ejusdem farinae epistola ad Episcopos *Numidia*, &c. alia ad Episcopos *Illyricos*.

6. *SYRICII epistola prima ad Himerium episcopum Tarraconensem*. Fidei dubiæ esse ostendit styli barbaries; ut in his verbis: *In ergastulis autem suis tales personas retruden-*  
das,



*cas, ut tantum facinus continuâ lamentatione deflentes purificatorio penitendini igne possint decoquere. Deinde imperiosè mandat Episcopo Tarraconensi, ut sua decreta passim omnibus Episcopis observanda communice: verum non tanta tum fuit Episcopi Romani auctoritas. Non majoris fidei epistola ad Mediolanenses, nec tertia nec quarta ad Episcopos Africanos scripta.*

7. ANASTASII dua. Harum data, & Consules qui nominantur, non congruunt cum probatis historicis. Et in primâ hæc habentur verba. *Quasi ad caput charitative mittere non dubitatis, & mandat auctoritate Apostolica standum esse ad lectionem Evangelii.*

8. Epistola sub INNOCENTII I. nomine ideo suspecta, quod multæ sunt in illis Traditiones quæ illius seculi Theologis prorsus fuerunt ignotæ. Et integri paragraphi in his ponuntur, quæ tum in priorum, tum posteriorum Pontificum scriptis habentur. Epistola 3. ad Exuperium mentionem facit quinque librorum Salomonis. Epist. 22. mentionem facit infularum Episcopatum, quæ tum non erant in usu apud Christianos. Et Epistola ejus ad Concil. Carthaginense inutilis est & inepta.

INNOCENTII Epistola quæ sunt 91. & 93. inter epistolas Augustini, spuria sunt. Erasmus.

9. HILARII Epistola.

10. FELICIS Epistola. Exordium 2. epistolæ ita est: *Quoniam importabilibus verbis garrulasti.*

11. ANASTASII Epist. ad Anastasium Imperatorem eum admonet, ut monitis Apostolicis, i. Pontificum decretis pareat. At ipsi tunc temporis monitis Imperatorum parebant.

12. JOHANNIS Papæ Epistola secunda

pugnat cum historia illius temporis.

13. Epistola BONIFACII, & annexa deprecatio Aurelii Carthaginensis. In hac epistola fit mentio Justinii principis: cum tamen Bonifacius Episcopus R. neque Senioris neque Junioris Justinii temporibus vixit. Videtur ergo ab adulate pontificio conficta.

14. VIGILII prima epistola, nugatoria. Docet quod ecclesiæ diruta restaurari & consecrari possint solâ Missæ celebratione, sive aquæ benedictæ asperzione.

Tertia adeo confusè scripta est & edita, ut non intelligi queat.

15. JOHANNIS III. Epistola.

16. BENEDICTI I. Epistola. Ejus pars una fragmentum est Epistolæ primæ decretalis Alexandri primi. Pars altera est integrum penè caput 4. epist. 1. ad Timotheum.

17. Epistola SIXTI III. ad Orientales hæc habet verba: *Valentinianus Augustus nostra auctoritate Synodum congregari jussit.* Ineptè; Valentinianus proprio jussu potuit convocare Concilium: & non habuit opus auctoritate Pontificis, ficta ergo epistola.

In Epistola Sixti III. de malis doctoribus & operibus fidei. Illa verba [Semper tamen Purgatorii locum excipio, in quo anima hominum corporibus soluta ad tempus expiantur] ab alio addita sunt. Apertè enim pugnant cum antecedentibus & cōsequentibus. Nam Sixtus dicit, duo tantum esse loca, Gehennam & cælum: & extra regnum Dei non esse vitam.

18. Gregorii III epistola 3. in 3. tomo Concil. ad Episcopos Bavaria non convenit cum exemplari quod habetur apud Aventinum lib. 3. Annalium.

19. Zacharia epistola 5. in 3. tom. Conc. continet

tinget inepta responsa ad stultissimas questiones. Inprimis notandum quod præcipit de tempore in quo lardum comedendum. *Sexta Epistola* est ab impuro Rhapsodo contaminata. Catalogus testium.

20. *EPISTOLA NICOLAI ad Michaëlem Imperatorem.* In ea dicit pios Imperatores nunquam imperasse Sacerdotibus, sed obsecrassse solum ut patres. At contra *Euseb. l. 10. ca. 5. & Niceph. l. 7. cap. 43.* dicunt Constantinum imperasse Miltiadi Episc. Romano, ut judicaret causam Cæciliani Carthaginensis Episcopi.

21. *SYNODI ALEXANDRINAE epistola ad Felicem Papam* spuria est, & mendaciorum plena.

22. *Hilarii epistola numero 88.* apud Augustinum non est Hilarii Pictaviensis. *Erasmus.*

*Epistola item ad Apram filiam* nil habet Hilarii, neque *Hymnus ad eandem.*

Et hæcenus quidem numerus epistolarum decretalium. Jam redeamus ad principalem nostrum numerum authorum.

57. *Historia de vita Ambrosii* sub nomine PAULINI spuria est. *Erasmus in præfatione in libros Ambrosii.*

58. *EVODII libri duo de miraculis S. Stephani* apud Augustinum tom. 10. spurii. Trithemius dicit Evodium scripsisse volumen de factis in Aphrica miraculis, per reliquias Stephani Martyris ab Orosio presbytero allatas, at hi libri nihil tale; & de his libris nullibi habetur mentio.

59. *SOPHRONII* non est *Sermo de assumptione Mariae* apud Hieronymum, sed nugatoris, qui postremis temporibus vixit, ut stylus indicat. Præterea, Sophronius Hieronymo fuit æqualis, ut ex libro de Ecclesiasticis scriptoribus constat. In hoc ve-

ro libro mentio fit hæresium Eutychetis & Nestorii, quæ post Hieronymum exortæ sunt. Ita de Sophronio judicat Perkinus. At Bellarminus ipsum collocat in an. Chr. 630.

60. *MAXIMI TAURINENSIS Sermones,* incertæ fidei: ex iis enim plurimi variis authoribus ascribuntur.

*Sermo in natale Domini,* cujus exordium: In adventu Dominico, est apud Augustinum 11. de Tempore.

*Sermo in Epiphania,* Licet fratres dilectissimi, &c. est 37. de Tempore.

*Sermo de accusatione Domini apud Pilatum,* qui incipit, Mirum forsitan videatur, est de Tempore 118.

*Sermo de solennitate paschali,* est 128. de Tempore.

In natali S. Stephani, qui incipit, Lectio Actuum Apostolorum est quintus de sanctis apud Augustinum, & aliud habet exordium ex Augustino, ut fatentur Lovanienses.

*Sermo in natali Apostolorum Petri & Pauli,* qui incipit, Gloriosissimos Christianæ fidei, &c. est de Sanctis 27. Et *Sermo* qui incipit, Legimus in libro qui Apostolorum actibus inscribitur, est nonus apud Ambrosium. Et de verbis Apostoli apud August. 25.

Bellarminus ait, multos sermones tribui simul, & sancto Ambrosio, & S. Maximo: sed credibilius esse, S. Maximi esse illos etiam, qui tribuuntur Ambrosio.

61. *CYRILLI ALEXAND. in Iohannem Commentariorum,* l. 12. At ex his 4. medii interierunt. Ergo his libri 4. additi sunt à Jodoco Clitoveo, nempe quintus, sextus, septimus, octavus, & quidem ad imitationem Cyrilli. Itaque ex duodecim illis libris in Iohannem, Cyrilli non sunt,

nisi primi quatuor, & quatuor postremi.  
Bellarminus.

Libri 6. *Comment. in Leviticum.*

*Epistola ejusdem ad Colosyrium* dubiæ fidei. Non habetur inter opera ejus. Ejus fragmentum ab aliis citatur. Et utrum à Cyrillo Alexan. sit scriptum necne, incertum.

62. *EUCHERTII libri 3. in Genesin & commentarii in lib. Regum*, incerti authoris, & recentioris. *Sixtus Senens. prafat. in Bibliothec. & li. 4.* Bellarminus utrumq; istum commentarium putat esse cujusdam Angli.

Ejus etiam *homilia de assumptione Mariae*, spuria, nam in ea hæc habentur verba: *Merito S. Patres constituerunt, ut in hac solennitate Maria Virginis hoc Evangelium legeretur*—, at festum assumptionis sub Mauritio Imperatore institutum est, circa ann. 595. Vide Durandi *Enchiridion*. Ex ista homilia de cæteris æstimatio facienda.

63. *Libri JOH. CASSIANI & FAUSTI RHEGIENSIS* damnantur à Gelasio in Concilio 70. Episcoporum. Et rectè scriptum enim Cassianus contra Prosperum, & Faustus contra Fulgentium, de prædestinatione Sanctorum, & de bono perseverantiæ. Præterea Faustum damnarunt Pr. Diaconus lib. de Incar. Hormisda Papa in Epistola, in 5. Tom. Biblioth. Ado in Chron. & Trithemius in Fausto. Ergo Diedo & Ruardus Tapperus, Fausti scripta approbando, Semipelagianos se esse produnt.

64. *Libri 12. THEODORETI de curatione Gracarum affectionum* dubii sunt, quia Nicephorus in Catalogo lucubrationum Theodoreti horum nullam mentionem facit. Et in his stabilitur invocatio Sanctorum, quæ tamen in commentariis in epistolas damnatur. in Coloss. 2. 12.

*Theodoreti epistola ad Leonem & Renatum* sunt dubiæ fidei.

Item *Liber de Sanctis* nonnulla ab aliis inserta habet.

65. *LEONIS scripta & demigea & a.*

*Sermo in festum omnium Sanctorum* vel spurius est, vel saltem titulus est confictus. nam hoc festum primò institutum fuit à Bonifac. IV. circa an. 610. Petrus de Natalibus l. 10. c. 1.

*Sermo 5. de Quadragesima* est inter Augustinianos 63. de Tempore. Et 8. est 33. de Tempore apud eundem Augustinum.

*Epistola quadam ut 84. & 92.* nusquam extant nisi apud Gratianum. Is autem falsator egregius veteribus, ea sæpe tribuit quæ ab iis nunquam scripta sunt. Et mirum videri possit, Leonem edicta prætoria per Europam, Asiam, Africam mittere, cum tamen necesse habuerit Imperatoré suppliciter exorare ut Concilium intra Italiam convocari juberet. Et Leonis epistol. 84. & 46. vel confictas esse, vel saltem corruptas hinc constabit. In his sibi arrogat plenitudinem potestatis in longinquis provinciis; & Anatolio Constantinopolitano Episcopo executionem suæ dispositionis injungit initio epist. 46. At contra Concil. Constantinop. I. c. 36. *Definimus ut Constantinopolitana sedes parem habeat dignitatem sedis veteris Romæ, & in ecclesiasticis negotiis æquè ac illa magnificetur.*

66. *Epistola mutua JUSTINIANI & JOHANNIS* urbis Romæ Episcopi in Cod. libr. 1. Tit. 4. de Summa Trinitate, dubiæ fidei sunt. Nam primò ibi Justinianus dicit se operam dedisse ut omnes Sacerdotes Orientalis tractus, se Romana sedis subicerent. At historici hoc tribuunt Phocæ Imperatori. Ado Viennensis in Chronico ad an. 604. Ivo in Chronico. & latina in Bonifacio 3. Tribuitur etiam

Michaeli



Michaëli Palæologo. Deinde in hæc epistola, Papa dicitur esse *caput omnium Ecclesiarum*: at contra habetur apud Gregorium 4. *Registr. epist.* 32. 34. 36. 38. Tertio: hæc epistola, ut & altera Johannis, non habetur in antiquis manuscriptis codicibus, ut testatur *Alciatus Parerg. lib. 5. c. 23.*

67. *Attici Epistola in fine Concilii Chalcedon.* spuria. Vide Junii Animadv. in Bellarm. de Roman. Pontif. lib. 1. cap. 24. & 1. 2. c. 25.

68. *Epistola Concilii Chalcedon. ad Leonem ficta.* E Bibliotheca Colonienſium Prædicatorum non ita pridem edita.

69. *GELASII liber de duabus naturis* non est scriptus à Gelasio I. Papa. Bellarm. de Pontifice lib. 4. cap. 10. & de scriptoribus ecclesiasticis, ad an. 492. Et Canus loc. com. lib. 6. cap. 8. Concedunt tamen esse vel Gennadii, vel Gelasii Cæsariensis Episcopi.

70. *VIGILII epistola ad Theodosium, Anthemium, Severum*, hæc eticos Eutychianos, quâ profitetur se ejusdem cum illis esse sententiæ. Censura. Dicitur esse commentitia à Baronio Tom. 7. ad ann. 538. & à Bellarm. de Pontifice lib. 4. c. 10. verum describitur epistola à Liberato, & extat cap. 22. Breviarii, & habetur in Chronico Victoris. Idem testatur scriptam fuisse post ordinationem Vigilii: contrarium ergo sentiens Bellarminus decipitur.

71. *Encomium ANDREÆ CRETENSIS de dormitione sanctæ Deiparæ* cap. 6. mentionem facit festi assumptionis Mariæ, hoc autem festum fuit primò institutum circa an. Dom. 595. ergo orationes ejus videntur spuria.

72. *Canones CONCILII AGATHENSIS* qui citantur de consecr. d. 1. c. Missas, nusquam habentur.

73. *EUSEBII EMISSENI Homilia* scriptæ sunt non ab Episcopo Emesæ Græco, sed à quodam Gallo, ut apparet hom. de Blādina. Fulco. Consentit Bellarm. 1. 1. c. 5. de extrema unctione. Vide etiam libr. 2. de Sacramento Eucharistia cap. 29. & de scriptorib ecclesiast. ad an. 430.

74. *Sermo de festo Nativitatis*, cujus exordium: Nativitas Domini, & extat inter opera Fulgentii, tribuitur Augustino: estq; Sermo 15. de Tempore. Tribuitur item Severiano in quibusdam MS.

75. *Dialogorum liber GREGORII M.* dubius. Italicis prociigiis plenus: nec in orationis genere, nec in rebus ipsis cum reliquis Gregorii scriptis congruit. Chemnitius.

Ejus *Sacramentarium & Antiphonarium* Pamelius edidit: sed horum nulla apud authores mentio, nisi apud *Micrologum. cap. 24.*

In Nicena Synodo 2. tribuitur *epistola de veneratione imaginum*, Gregorio Magno, quæ Gregorii tertii est. Magnus enim Gregorius adorationem imaginum prohibuit.

76. *CAESARII ARELATENSIS Homilia de verbis Apostoli*, Si cujus opus manserit, &c. est Sermo 41. apud Augustinum de Sanctis.

77. *Canones SEXTAE SYNODI in Trullo* supposititii dicuntur à Pontificiis: verum in Synodo Nicena secunda jubentur observari, & apud Gratianum approbantur d. 16. c. Sextum. Citatur à Beza vetustum quoddam scholium Balsamonis, ex vetusto manu-scripto codice descriptum. Verba Latine ita sunt: *Est autem hac quoque Synodus universalis. Et si enim Occidentales Episcopi Itali videlicet & Latini, quibus lethale vulnus à quibusdam hujus Synodi canonibus infi-*

gitur, valde instant istam non esse universalem, neque ei interfuisse Romani Papa vicarios, quod alia sit sexta Synodus regnante Constantino Pogonato habita, sicuti dictum est, hac verò multo post tempore Iustiniani Rhinotmeti mandato, coierit: Ego tamen hac audire non sustinens, & huius allocutionis coherentiam potius considerans, & ordine sequentes canones his verbis scriptos: Sancta & universalis Synodus hac & hac definiit, prateritis recentibus nomocanonibus, ut qui neque regum, neque Patrum à quibus edita sunt Synodi, subscriptiones contineant: sumptis in manus vetustioribus nomocanonibus comperi ex subscriptionibus in hac quoque Synodo quæ in Trullo regij Palatii coijt, adfuisse universa Synodi Romana Ecclesia nomine vicarios, Basilium quendam Cortina Creta Insule metropolis, & alium quendam Ravenna Episcopum, neque istos duntaxat, verum etiam Papæ tum Romani legatos Thessalonica, Sardinia, Heraclea in Thracia & Corinthi Episcopos. Hæc ille. Et Bartholomæus Caranza de his ita scribit: In volumine Conciliorum excuso Colonia feruntur novem canones ascripti sexta Synodo, cum tamen sciamus sextam Synodum, quando primò sub Constantino congregata est, nullos edidisse canones: sed post sub Iustiniano convenientes 227. Patres in Trullo Regia Palatii Constantinopoli canones ediderunt sequentes 102. Hoc ita tradunt Patres, qui ad septimam Synodum convenerunt in Nicæa sub Constantino filio Leonis, & Irene ejus matre in actione quinta, & explicatius in actione sexta Tomo 1. in utroque loco citant Canonem octuagesimum secundum. Horum etiam Canonum meminit Nicolaus I. in epistola ad Michaelem Imperatorem. Item & Anastasius Abbas Apostolica sedis Bibliothecarius in præfatione 8. Synodi, dicens: quum Sexta nullam protulerit, prater fidem, regulam, sed quas ejus asseverant regulas, longè post sextam Synodum ab ipsis constat esse penes se, privatimque de-

promptas, &c. Item Patres qui ex Occidente & Oriente convenerunt ad Synodum Florentinam in Sessione 5 citant hos 102. canones sextæ Synodi in Trullo. Item Gratianus in decreto citat aliquot canones istorum, & scribit illi sextæ Synodo. Hæc ille. Dist. 16. cap. Sextam. Adrianus Papa ait, Sextam Synodum sanctam cum omnibus suis canonibus recipio. Et idem Adrianus in epistola ad Tarasium hæc habet verba: In sexta Synodi divinè & legaliter prædicatis canonibus.

Novem illos canones qui in 2. tomo Conciliorum sexta Synodo tribuantur, adulterinos esse concedit Surius.

78. BEDÆ MARTYROLOGIUM variis additionibus corruptum nonnulli existimant.

79. Synodus Nicæna 2. pro adorandis imaginibus, idololatrica & impia est: & proinde rejecta fuit ab Occidentalibus Ecclesiis. Aventinus lib. 4. annalium: Scita (inquit) Græcorum de imaginibus adorandis tradunt Concilio Francofurtensi rescissa sunt. Idem Andæate sexta, Hovedenus, &c. Albertus Pighius noluit editionem hujus Concilii Coloniensem, pro genuinâ agnoscere. Multa etiam in eo palpabiliter falsa.

80. Caroli Magni librum contra Nicenam Synodum Pontifici supposititium dicunt; sed sine argumento. Hujus libri meminit Hincmarus Remorum Archi-Episcopus cap. 10. contra Hincmarum Janduncensem Episcopum; & testatur quod illum adolescentulus in regio Palatio legerit: citat etiam ad verbum integrum ferè ca. 28. l. 4. Deinde Romæ in Lateranensi Bibliotheca, idem exemplar vetustis Longobardicis literis descriptum extare, Augustinus Steuchus ejus Bibliothecæ præfectus publico etiam scripto testatur. Hæc doctissimus Hospinianus.

81. DAMASCENI ORATIO de dormitione Deiparæ dubia. Citat enim Euthimium, qui vixit posterioribus seculis sub Alexio.

De libris ejus de imaginibus sic pronuntiat Baronius: *in multis ejus scripti fidem vacillare, & compluribus ipsum scaterere mendaciis.*

Libellus sub ejus nomine editus à Turriano Jesuita è bibliotheca Cardinalis Sfortiæ de corpore Christi, nullius fidei, ut verbo dicam. Scripta ejus propter pudendos errores non magnam apud pios autoritatem merentur.

82. De operibus ISIDORI Hispalensis Bellarminus sic ait: Mirum est, unde tot opera S. Isidori prodierint: quorum non meminit S. Hildephonsus, qui eadem ætate vixit, qua Isidorus ipse.

83. DONATIO LUDOVICI Pii (qui fuit filius Caroli Magni) qua scilicet is Romam & liberum jus eligendi novum Pontificem Papæ & civibus Romanis concessit. dist. 63. c. *Ego Ludovicus*, fictitia est. Quia Paschalis à populo vi coactus pontificatum obire, neglecta autoritate Imperatoris, per legatos purgat se apud Ludovicum Pium, & culpā in Clerum & populum transfert. Imperator verò à Papa satisfactionem accepit, verum Clerum & populum cum increpatione monet, ne simili exemplo Imperatoriam majestatem læderent. *Sabellicus Ennead. 8. l. 9. Platina in Paschali. Molinæus I. C. Bibliothecarium Rom. Pontificis hujus capituli authorem esse: & proinde ut suspecto minimè credendum fore, existimat. Præterea canon dist. 63. c. Ego Ludovicus, pugnat cum dist. 63. c. Cum Hadrianum.* Nam si Ludovicus primus liberam Pontificis electionem concessit:

curejus nepos Ludovic. II. injuriam sibi factam esse putabat?

84. Iuramentum OTTONIS Imperatoris, per legatos Joanni Papæ præstitum dist. 63. c. *ubi Dominus*, confictum est. Is enim Romam profectus ut Papæ Dominus, Joannem ob scelera curavit depōni, comprobante id toto Clero & populo. *Luiprandus, P. Diaconus hist. libro 6. & Theod. à Niem.*

85. Liber de vitis Pontificum editus, sub nomine Anastasii. Multa in hac historia asseruntur à veritate aliena, quæ nullius gravis & prisca authoris testimonio confirmari possunt; multi in eo Chronologici lapsus, nonnulla pugnantia & asystata. Baronius suspicatur à pluribus, minimum duobus, scriptoribus esse confarcinatum. Nonnullis in locis adulterina aliorum adjectione vel detractio, ob summam superiorum seculorum inscitiam, depravatus est. Platina, Tritheimius, Onuphrius tribuunt quoad priorem partem, Damasus. Abundat scdissimis barbarismis & solæcismis. Hæc Albinus.

86. PASCHASII LIBER de corpore & sanguine Domini depravatus est: narratio enim de visibili specie corporis Christi in forma infantis, quæ habetur c. 14. in Bibliotheca S. Patrum, inserta est à Monacho fabulatore. Nam hæc fabula pugnat cum tota doctrina Paschasii de modo præsentia Christi in cœna, & magna styli varietas est. Hoc observavit *Hospin. lib. 5. de Sacrament.* Bellarminus hunc librum appellat insignem; & addit, hunc authorem fuisse primum, qui seriò & copiosè scripserit de veritate corporis & sanguinis Christi in Eucharistia contra Bertramum presbyterum, qui fuit ex-



primis, qui eam in dubium revocarunt.

87. SIMEON METAPHRASTES fuit trivialis Constantinopoli ludimagister, & Sanctorum vitas scripsit, quæ non immeritò mendaciorum legenda dici possunt. Bellarminus de scriptoribus eccles. sic annotat: Illud autem observandum est, à Metaphraste scriptas fuisse historias de vitis sanctorum, multis additis ex proprio ingenio, non ut res gestæ fuerunt, sed ut geri potuerunt.

88. ANSELMUS de imagine mundi lib. 2. à quibusdam Honorio ascribuntur. Simlerus in Biblioth.

Anselmi commentarius in Mattheum, locum à Græcis intertextum, asserit Bellarm. de Euchar. l. 4. c. 19.

89. OPERA BERNARDO ascripta spuria, vel saltem incerta fidei.

De vita solitaria ad fratres de monte Dei.

Meditationes.

De interiore domo.

De ordine vite.

Scala Paradisi: Lovanienses rejiciunt.

Formula honestæ vite.

Speculum Monachorum.

Sermones varii; quos vide in editione Antuerpiensi: Inter hos.

Sermo de cæna Domini.

Liber de conscientia.

Sermo de Andrea.

Descriptio Clara-Vallis.

Epistola Bernardi Sylvestris.

Sermones Gilleberti 48. in Cantica, ab eo loco quo Bernardus morte præventus defierat, scripsit enim Bernar. tantum 86.

De lamentatione Mariae.

Doctrina Bernardi.

Homilia de discipulis euntibus Emaus.

Libellus de amore Dei.

De natura & dignitate amoris divini libellus.

Liber de passione Dei, super illud: Ego sum vitis vera.

Oratio rhythmica ad membra corporis Christi: Et alia de dominica passione: item alia ad Christum & Mariam: item alia de nativitate Christi.

Formula privata confessionis.

Ad Sororem modus bene vivendi.

De conscientia Liber alius.

Deprecatio ad Mariam.

De miseria humana.

Sermones de pugna spirituali.

De 12. gradibus humilitatis.

Sermo in Dominica infra octavam Epiphania.

De cæna Serm. 15. P. Martyr alterius nomen appositum vidit.

Homilia super, Simile est regnum cælorum negotiatori.

Epistola ad Mattheum Albanensem Episcopum.

Super salve Regina, Meditatio.

Sermo in adventu Domini de 11. oneribus.

Vita S. Malachie.

Vide Bellarminum de scriptoribus ecclesiasticis, ad an. Chr. 1130. ubi egregiè ostendit, dicta scilicet opera non esse Bernardi.

90. HUGO DE S. VICTORE. Opera ejus tribus tomis comprehenduntur. Bellarminus de illis ita judicat: Non pauca sunt in operibus Hugonis, quæ non videntur germana ejus opera.

91. Galfridi Arthurii Monumetensis lib. 4. de rebus Britannicis. Censura G. Neubrigenis: Quidam (inquit) nostris temporibus scriptor emerfit, ridicula de Britannis segmenta contexens; eosque longè supra virtutem Macedonum

donum & Romanorum, impudenti vanitate attollens. Galfridus hic dictus est, agnomen habens Arthuri: pro eo quod fabulas de arthuro ex prisca Britonum figmentis sumptas, & ex proprio auctas, per superinductum Latini sermonis colorem, honesto historia nomine palliavit. Qui etiam majori ausu, cuiusdam Merlini divinationes fallacissimas, quibus utique plurimum de proprio adiecit, dum eas in Latinum transfunderet, tanquam authenticas & immobili veritate subnixas, prophetias vulgavit. Rursus; Præterea in libro suo, quem Britonum historiam vocat, quam petulanter & impudenter ferè omnia mentiatur, nemo nisi veterum historiarum ignarus, quum in librum istum incidit, ambigere finitur. Nam qui rerum veritatem non didicit, fabularum vanitatem indiscrete admittit. Omitto quanta de gestis Britonum ante Iulii Caesaris imperium & adventum, homo iste confinxit; vel ab aliis conficta tanquam authentica scripserit. Hæc ille aliquanto asperius: quanquam & in ipsum Neubrigensem refundi eadem culpa debet, quâ Arthuri tribuit. Aliquando enim deflectit ipse à cæteris historicis; nugis item fabulisque circumfluit, in suâ rerum Anglicarum Historia.

92. *Epistola FRANCISCI ad omnes fratres suos, spuria.* Bellar. de Missa. li. 2. c. 10.

93. *PSALTERIUM B. MARIE* falsò tribuitur Bonaventuræ. nam ille super Magistrum ait, cavendū esse, ne, dum matris excellentia ampliatur, filii gloria minuatur.

94. *Iacobi de Voragine* Episcopi Genuens *Legenda* vulgò dicta *Aurea*, revera est impudentissima legenda mendaciorū.

95. *NICEPHORUS CALLISTUS* fabularum plenus. Apud eum fabula est de imagine Christi missa ab eo ad Abagarum. *Euseb. hist. lib. 1. in fine*, nil tale in Ar-

chivis reipub. Edessenæ reperit. Bellarminus ait, in historia hujus authoris inveniri errores proprios Græcorum: & non paucos errores in rebus historicis. Idem docet Cardinalis Baronius in *Analibus*.

Sed concludamus Criticum nostrum de doctoribus ecclesiæ, & aliis veteribus scriptoribus. Concludamus, inquam, nonnullis regulis in medium allatis.

I. Veteres authores, qui non citantur à posteris suis, nec ab aliquo bono authore, vel spurii proculdubio sunt, vel non in ecclesia probati, & minoris certè fidei.

II. Libri editi à Romanis bibliothecariis, quiq; tantum in Vaticana bibliotheca reperiuntur, vel in monachorum claustris, meritò habentur suspecti.

III. Quæ à veteribus incommode dicta sunt de re aliquâ fidei ante exortam de re eadem hæresin, comode & candidè sunt exponenda, & emollienda: sin post, communi calculo rejicienda.

IV. Libri tribus primis seculis, quæ ecclesiæ infantia, & tempus innocentia dici possunt, scripti, in tres classes disparari debent. Aut enim sunt libri verè apostolici & canonici: aut sunt genuini scætus Patrum: aut sunt supposititii. Rursus, qui sunt genuini Patrum scætus, conscripti sunt ab iis ad Christianam religionem nuper conversis, aut à confirmatis in eadem, aut denique à lapsis in hæresim vel alium errorem.

V. Historia ecclesiastica ante Cōstantini tēpora planè fuit neglecta. Prim⁹ Eusebi⁹ Cæsariensis ad scribendā ecclesiæ catholicę historiā καθολικὴν, seu universalē, animū appulit, & orsus à nativitate Dñi, rerum

rerum gesta, ut seriem ad sua usque tempora singulari diligentia pertexuit. Eusebii exemplum postea secuti sunt, qui hodieque extant, quique ab Evagrio soli nominantur, Sozomenus, Theodoretus, Socrates, & post hos ipse Evagrius: cujus historia definit in anno Imp. Mauricii 10. Christi 600. tribus demtis, vel paulò plus.

VI. Post seculum sextum paulatim unà cum temporum cōditione immutata fuit prior forma theologiæ simul & historiæ. Nam Scripturæ minùs diligenter fuerunt tractatæ & minùs simpliciter expositæ. Res externæ, miracula, imagines, reliquiæ, sanctorum cultus, actandem unius Papæ dominatio & monarchia, prioris religionis institutis successerunt. Cæterum qualis fuit istorum temporum theologia, talis & historia. Nam & in historicis monumentis, miracula ut plurimum utramque paginam conficiebant, vel à sanctis, vel ab imaginibus, vel à reliquiis edita: atque ut supremum ecclesiæ monarcham theologi agnoscebant; ita multi historiam scribere professi, Romanorum Pontificum successiones, Antipaparum schismata, aut novas artes à Papis excogitatas, firmandæ potentia suæ, literis mandare: id verò erat historiam scribere ecclesiasticam. Fuit sanè illorum temporum & imperitia meliorum literarum magna, & miraculorum benigna copia; verorum sine dubio multorum, sed & falsorum nihilo pauciorum. Fatetur hoc Bellarminus lib. de scriptoribus ecclesiasticis, ubi ad an. 850. de Siméone Metaphraste ita scribit: Illud autem observandum est, à Metaphraste scriptas fuisse historias de vitis Sanctorum, multis additis ex proprio ingenio,

non ut res gestæ fuerint, sed ut geri potuerunt. Additenim Metaphrastes multa colloquia, sive dialogos Martyrum cum persecutoribus, aliquas etiam conversiones astantium paganorum in tanto numero, ut incredibiles videantur: denique miracula plurima, & maxima, in conversione templorum, & idolorum, & in occisione persecutorum: quorum nulla est mentio apud veteres historicos. Quæ Bellarminus scribit de Metaphraste, ad alios ejusdem farinae scriptores jure merito transferuntur.

VII. Veteres interdum adhibuerunt piam fraudem. Vide titulū PIA FRAUS.

VIII. Cæsar Baronius in historiæ ecclesiasticæ illustratione fabulas parciùs admisit quàm alii: tantamque in hoc studio adhibuit diligentiam, ut, si eam immoderato partium studio non corrumpisset, dignus foret sine controversia, cui omnes & veteres & recentiores, qui illam eruditionis partem unquam attigerunt, assurgerent & fasces submitterent: ut sunt verba Isaaci Casauboni, prolegomenis exercitationum 16. de rebus sacris & ecclesiasticis.

PATIENS. Significat eum, qui patitur. Et primò quidem Deus dicitur patiens Exod. 34. 6. Luc. 18. 7. & alibi passim; quia diu patitur, id est, fert & tolerat peccatores, non accelerat ardorem iræ suæ. Deinde homo dicitur patiens, qui iram cohibet ac moderatur. Denique patiens dicitur, qui tolerat afflictiones. 2. Timoth. 2. 24.

PATRIARCHA. Sic in genere dicuntur principes familiæ. Antonomastice Abraham, Isaac, & Jacob appellantur patriarchæ. Denique patriarcha est idem quod hierarcha. Sic in Orientali Ecclesia



fiâ erat summa dignitas patriarchæ, ut pontificis in Occidentali. Erant quatuor, Alexandrinus, Antiochenus, Hierosolymitanus, & Constantinopolitanus, qui inter reliquos primas tenebat, & οἰκουμενικὸς dicebatur. Constantinopolitanus confirmari necesse habebat à metropolitano Heracleensi, idque factum jam à temporibus Severi Imperatoris, qui Byzantium Heracleæ subjecit. Eo demortuo, & sede vacante faciebat Cæsariensis. Tamen archiepiscopi Bulgariæ & Cypri, & quidam alii metropolitani, qui αὐτοκέφαλοι dicebantur, ei non suberant. Quæ de primatu fuit contentio inter Romanum pontificem & patriarcham Constantinopolitanum, eam deciderit Justinianus, & Romæ Constantinopolin subjecit. *Novell. 121.* Sed & postea contentio de primatu fecit, quæ sub Michaële Palæologo sublata est. In ecclesia occidentali primò unus patriarcha fuit Aquilejæ, mox sub Phoca etiam Gradis ordinatus alter. His deinde additus Foro-Julienensis: postremò quartus accessit Moscoviæ.

**PATRICIUS.** Origo hujus dignitatis in ecclesia est à Constantino Magno. Præponebantur patricii episcopis in ecclesia: quippe proximi ab Imperatore. Hinc ut Imperator *Πατριμονάρχης* dicebatur, & ecclesiæ præerat tanquam caput: ita patricius aliquis ejus locum tenebat, & *ὑπεκκλησίω* hac de re dicebatur.

**PATRINUS.** Ita dicitur, qui de fonte sacro suscipit; quia est ceu pater. Unde Hebræis eleganter appellatur *אביר* *pater fœderis*. Scriptoris ecclesiasticis etiam dicitur sponsor, susceptor, pater initialis, arbiter initiationis, testis ba-

ptizati pueri, propater, pater spiritualis, patrimus, sponsor baptismi, fidejussor. Sic mulier, quæ suscipit infantem ex fonte sacro, dicitur *matrina*, susceptrix, onomastria initialis, parens mystica, parens initialis, promater, & patrima.

**PATRONUS.** In ecclesia sic dicitur, qui ecclesiam aliquo beneficio singulari ditavit, & jus beneficiarii nominandi sibi retinuit. Vulgò *collator*. Patronatus est jus patroni. Vulgò *collatura*.

**PAULUS.** Fuit nomen apostoli gentium: qui fuit binomius. Nam major pars Judæorum binominis erat, altero nomine Judaico, altero Græco vel Romano. Sic noster apostolus fuit appellatus Saul; quod nomen in tribu Benjamin erat familiare: itemque Paulus, quia cum civis Romanus esset, debuit nomine aliquo Romano insigniri. Ejus verò nominis Latini non prius est mentio in Actis, quàm ad gentiles missus est, quibus notior erat Romana appellatio, quàm Judaica. Sunt qui putant ipsum appellatum fuisse Paulū, quòd Sergium Paulum procos. converterit. Sed hoc est insipidum; ut & illud, quòd Paulus sit dictus à *Παῦλος*, quia fuerit mirabile Dei organum.

**PAUPER.** Est 1. egenus *Exod. 22. 25. Lev. 14. 21.* 2. afflictus, miser, tenuis; cuius conditio est vilis, qui ab aliis faciliè & impunè opprimitur. *Psal. 9. v. 10. 13. 19. & 10. v. 2. 8. 9. 10. 12. 14. 17.* 3. pauper Spiritu, afflictus & humilis coram Deo. *Matth. 5. 3. c. 11. 5. Luc. 4. 18. Iac. 2. 5.* 4. spiritualibus donis destitutus. *Apoç. 3. 17.*

**PAUPERCULA.** Sic appellatur Ecclesia afflicta in vulg. vers. *Esa. 51. 21. & 54. 11.*

**P A X.** Est 1. pax Dei, cum iis, quos  
Aaa gratuito

gratuito amore complectitur in mediatore Christo *Actor. 10. 36. Rom. 5. 1.* 2. ipse Christus, author, princeps & unica causa reconciliationis, salutis, & glorificationis electorum. *Ephes. 2. 14.* 3. effectum illius pacis, quam habemus, Deo reconciliati per Christum. *Luc. 2. 14.* 4. tranquillitas rerum status, & securitas in hac vita: quæ priorum respectu est spiritualis pacis velut appendix. *Psal. 29. 11. & 72. 7.* 5. Societas aut fœdus inter homines. *Deut. 23. 6. Ios. 9. 6.*

**PAXIMACIA.** Sic veteres appellarunt parvulos panes semilibres, id est sex unciarum. *Cassianus collat. 2. abbas Mosi cap. 19.* author est, veteres Patres in eremo degentes duobus paximaciis, id est duobus parvulis panibus, vix unius libræ, id est 12. unciarum, pondus habentibus, fuisse in singulos dies contentos. Singula ig. paximacia fuerunt sex unciarum, & duo simul juncta penderunt libram 12. unciarum, qualis fuit apud veteres in usu. Alii legunt *paximacia*. *Paxamatus* etiam in Gloss. Isid. est panis subcineritius. *Paximas* vel *paxamas*, apud Suidam est panis bis coctus. Videtur dictus ab authore Paxamo. Columbano de regul. monach. cap. 5. *Paximas* est genus parvi panis: *Olera*, inquit, *legumina*, *farina aquis mixta cum parvo pane paximate*, ne venter oneretur & mens suffocetur.

**PECCATUM.** Tria potissimum sunt vocabula in canone veteri, quibus peccatum significatur. Ea conjunguntur *Dan. 9. 24.* *פֶּשַׁע הַפֶּאָרָה עוֹן*, *Transgressio*, *Delictum*, *Iniquitas*. Vox *פֶּשַׁע* summum inobedientiæ & prævaricationis gradum indicat, quæ in hominem,

qui Dei aliqua cognitione imbutus est, & qui se in conscientia recessu legi ejus obnoxium sentit, cadere potest: per quam nempe Dei verbum ejusque mandata multoties malitiosè, nec citra illorum contemptum, transgredimur, freventliche vnd muthwillige vbertretung. Cujus protervix accuratam & graphicam descriptionem habet *Esaias cap. 1.* Deinde per vocem *עוֹן* omnis error, delictum & deviatio à lege Dei intelligitur, quæ quotidie variis modis infinitate corruptæ carnis, ejusdemque ad legem Dei inhabilitate committitur. Hæc vox in plurali hæc ponitur *פֶּשָׁעִים*, sed prior in singulari. Cujus discriminis hæc est ratio. Peccatorum nullus est numerus, etiam in renatis, eaque omnia Messias obsignat, ut loquitur angelus hoc loco. Sed & protervia illa, quæ in habitum abiit, à Messia cohibetur. Denique vox *עוֹן* iniquitas, sive culpa, significat fontem, ex quo transgressio & peccatum scaturiunt. Hic est ille fomes, quem *Rom. 7.* apostolus describit. Hæc est illa matricula, de qua *David Psal. 51. 7.* Præterea hæc etiam vox significat culpam & reatum, adeoque non tantum fontem, sed etiam effectum peccati monstrat. Atque hæc sunt tria illa vocabula, quibus morbus noster cum suis symptomatis depingitur. Confer *Ierem. 33. 6. 7. 8.* qui est loco Danielis geminus. Scholastici faciunt peccatum naturæ, ut est monstrum; artis, ut est nævus in opere artificis; denique moris, & hoc est hujus loci. In eo considerant materiale & formale. Quade re *Thomas q. 71. art. 6. in 2. 2æ.* *Augustinus in definitione peccati posuit duo; unum, quod pertinet ad substantiam*

ziam actus humani, quod est quasi materiale in peccato, cum dixit dictum, factum, vel concupitum: aliud autem est, quod pertinet ad rationem mali, quod est quasi formale in peccato, cum dixit contra legem aternam. Hic materiale est subjectum, formale autem inordinatio seu vitiositas. Et ita quidem accuratè locuturi accipiunt hos terminos. Sed Melancthon & alii populariter formale peccati faciunt reatum seu condemnationem: cum illa formam, id est, ἀνομιαν, sequatur: materiale autem dicunt esse ipsum vitium. Hinc usitata est regula, manente materiali peccati in renatis, tolli formale, id est, reatum.

**PECCATUM HABERE.** Hoc nihil est aliud, quam corruptæ carnis infirmitate adhuc laborare, & ab eadem tentari. Quam in sententiam Johannes I. epist. cap. 1. 8. ait: Si dixerimus, quod peccatum non habeamus, nos ipsos fallimus, & veritas non est in nobis.

**PECCATUM OPERARI.** Hoc est facitare artem peccandi, seu carnis concupiscentiis fræna contra conscientiam laxare. Hoc Hebræi eleganter exprimunt ista phrasi *פּוֹעֵל חַטֹּאת* Qui operantur iniquitatem, seu, Operarii iniquitatis. Quod pertinet illud Johannis I. epist. cap. 3. 8. eos, qui peccatum operantur, ex diabolo esse. Verba Græca eleganter sonant, ὁ ἔχων τὴν ἀμαρτίαν, & ὁ ποιοῦν τὴν ἀμαρτίαν.

**PECCATUM ORIGINALE.** Hoc in hymno Ambrosii, Immense cæli conditor, appellatur vetus error: sicut peccatum actuale, nova fraus. Verba sic habent:

Infunde nunc, piissime,

Donum perennis gratiæ,

Fraudis novæ ne casibus

Nos error atterat vetus:

Porro peccatum originis etiam appellatur à poetâ Christiano malum

Quod latet arcanâ non enarrabile fibra.

Et in hymno Petri Abelardi vocatur *zyma scoria*, his verbis:

Naturam superet

Natus rex gloria:

Regnet. & imperet,

Et *zyma scoria*

Tollat de medio.

Ubi Siberus sic annotat: *Zyma scoriæ* ἀλγυοεχὴς est peccatum originale, seu primigenium; quæ est ipsa vitiositatis impressio, quæ in totum genus humanum à parente primo promanavit. ζύμη, fermentum est: Scoria, fæces sunt metallorum, seu crementa. Cæterum peccatum originale sic dicitur, non ad restrictionem, quasi æquivocè peccatum appelletur: sed ad distinctionem peccati actualis. Nec etiam originale appellatur, quod sit aliorum omnium peccatorum fons & origo, significatione transiivâ, & ratione effecti, etiam si id ei revera comperat: sed, vel quia inest unicuique ab ortu suo, id est, ab ipso conceptionis momento; vel quia contrahitur à primâ origine, id est, à primo parente; vel quia omnes jam inde ab initio in Adam peccaverunt. Quæ tres rationes olim à diversis allatæ, in hanc unam contrahi possunt; originale vocari, quia propagatione hæreditariâ nativitatem nostram maculavit, atque in nobis statim, ut primùm homines sumus, infedit, & originis lege in nos derivatum est.



Πέμπειν *ἑὺχαρισίαν*. Veteres partes consecrati panis appellarunt *ἑὺλογίας*, quas mittebant ad alias paræcias, aut ad *ἑπιδημῶντας*, peregrinos, declarandæ dilectionis ergo, & consensionis in fide. Eusebius 5, hist. c. 26. *πέμπειν εὐχαρισίαν*, mittere eucharistiam, id dixit. Postea illa consuetudo fuit prohibita: extatque summa canonis Concilii Laodicensi in hæc verba apud Balsamonem: *ὡεὶ τὸ μὴ τὰ ἄγια εἰς λόγον εὐλογιῶν καὶ τὴν ἑορτήν τὴν πάχα εἰς ἐπίρας παροικίας μεταπέμπειν*, De non transmittendo sancta in usum consecrationum; festo Paschatis, ad alias paræcias. Similiter etiam Latini Eulogias dixerunt frustra panis benedicti quidem, sed non in usum Eucharistiæ; qui & mittebatur ad absentes, & sacris peractis à sacerdote, dabatur iis qui communicare non fuerant parati, ut est in Decreto Pii I. Dabantur eadem Eulogia & Catechumenis, qui jus sumendæ eucharistiæ non habebant. Itaque hoc illis erat loco sacramenti, atque adeo quoddam sacramentum illis erat, laxiore significatione. Ac propterea panem illum vocarunt etiam *ἀντίδωρον*: quoniam locum obtinebat τὸ δῶρον, id est, eucharistiæ. Dixerunt eundem panem & *κλάσιν* & *κατάκλασιν*, fractionem, propter fractionem, quam in illo dividendo observarunt. Hinc phrasin in jure canonico Græcorum, *μετέδδιναι κατάκλασιν*, participem facere fracti, hoc est, partem panis benedicti dare.

**PENTECOSTE** Πεντηκοστή dies est quinquagesimus à Paschate, insignis ille & celebris, apud Judæos quidem, propter legem divinam latam in monte Sinai, Christianos verò, propter Spiritum

sanctum specie in oculos incurrente in apostolos effusum. Deinde totum intervallum à Dominica resurrectionis, ad Pentecosten, veteres Græci & Latini pentecosten vocant. *Τὸ β. 1. Epiphanius serm. cathol. καὶ δι' ὅλα μὴ τὴ ἑταρὴ νηστεία φυλάττεται ἐν τῇ αὐτῇ αἰγίᾳ καθολικῇ ἐκκλησίᾳ. Φημὶ δὲ, τετραδὲ καὶ περσάββατω, ἕως ὧρας ἑνάτης, διχαμόνης τῆς πεντηκοστῆς ὅλης τῶν πενήκοντα ἡμερῶν, ἐν αἷς ἔτερον καλίστῃ γίνονται, ἔτε νηστεία περστέτακται.* Hieronymus: *Die Dominico & per omnem pentecosten nec de geniculi adorare, & jejunium solvere, multaq; quæ scripta non sunt, rationabili sibi observatio vindicabit.*

**Πενηχῆσθαι** Cyrillus Hierosolymitanus in *Procatechesi* eleganter ait, Catechumenos, quibus fas non est cognoscere sacra mysteria, *πενηχῆσθαι*, vocem circumsonantem audire: postea verò quàm facti sunt fideles, *ἐννηχῆσθαι*, intus erudi. Unde Catechumenos ponit inter τὰς ἑξω, extraneos ab ecclesia.

**PERFECTI**. Patres promiscuè omnes veros Christianos appellabant perfectos; omnesque hortabantur ad βίον τέλειον, vitam perfectam: authore Christo Matth. 5. vers. 48. & apostolo Colos. 4. vers. 12. & cap. 1. vers. 28. Peculiari autem notione τέλειος, perfectos, illos appellarunt; qui mundo renuntiassent, & vitæ austerioris propositum suscepissent: quomodo usum venisse diximus in vocibus ἀσκήειν, & *asceta*, & *ascetria*: de quibus supra.

**PERFECTIO DEI**. Perfectum multifariam usurpatur. Vulgo perfectum opus dicitur, quod est absolutum & consummatum, ut domus cujus non amplius pendet:

pendet opus, aut liber, qui ad umbilicum perductus est. Ita Deus non dicitur perfectus. Talis enim perfectio procedit ad perfectionem ab imperfectione, quæ nulla unquam in Deo fuit. Perfectum quoque dicitur unumquodque, cui nihil deest eorum, per quæ possit finem assequi, ad quem res ordinata est. Hoc sensu omnia Dei opera in sua specie sunt perfecta. Neque hoc modo Deus perfectus dicitur: quia non est ad certum finem ordinatus, cum ipse sit summus finis. Sed perfectum Deum dicimus, ut nulla absolute ei desit perfectio. Unumquodque enim eatenus est imperfectum, quatenus est in potentia passiva ad aliquem actum. At Deus est purus actus, nec in eo ulla est passiva potentia. Quapropter oportet ut quidquid est perfectionis & virtutis in creaturis, non modo fluat ab illa prima perfectione, quæ est in Deo, sed etiam ab ea includatur. Nam ut omnis potestas magistratuum inferiorum includitur potestate summi principis; & ut sol comprehendit virtutes omnium calidorum & calefactiuum; & sicut ratiocinatio humana includitur in intellectu angelico: ita omnis perfectio creaturarum includitur perfectione creatoris. Excipio tamen eas perfectiones creaturarum, quæ sunt vel remedia malorum, vel subsidia imperfectionum. Ejusmodi enim perfectiones Deo tribuere non laus est, sed contumelia. e. g. vis motrix, qua animal sese movet motu locali est perfectio quædam animalis, quæ non est in Deo: quia hæc perfectio est levamentum imperfectionis. Nimirum quia animal non potest eodem tempore simul esse in pluribus locis, data est ei facultas motrix; quæ huic imperfectioni aliqua-  
~~totus~~ <sup>totus</sup> medeatur, ut animal saltem in plu-

ribus locis sit successive, & diversis temporibus. Hæc perfectio non est querenda in Deo; quia cum ubique sit, non habet quod se moveat. Sic ratiocinari & texere syllogismos est perfectio quædam humanæ menti à Deo indita, veritatis indagatrix, & ex notioribus gradum sibi struens ad ignotiora. Hæc perfectio, cum sit subsidium ignorantie, & supplementum imperfectionis, frustra in Deo quaereretur, qui non ratiocinatur, nec veritatem indagar, nec ex uno alterum colligit: quia omnia ei pariter nota sunt, & omnia una simplici intellectione cognoscit. Imò verò ut res cognoscat, non opus est ut in eas oculum intellectus sui convertat: sed ipse se aspicit, & in mente sua videt archetypum æternum rerum omnium, & in voluntate sua causam efficientem omnium eventuum. Atque si quis totum corpus haberet oculis oblitum, aut esset totus pupilla, non opus haberet conversione corporis aut oculorum, nec ad circumstantia circumferret aspectum, quia uno eodemque temporis puncto, quoquo versum aspiceret, & omnia circumstantia ei pariter obversarentur: ita cum Deo nihil sit magis præsens altero, non opus est mentis aciem volvat, aut res lustret ordine successivo. Nec ad novam cognitionem assequendam affert novam intentionem animi, quia ipsi nihil est novum. Sic præteritorum memoria, & futurarum prospicientia, virtutes sunt & perfectiones hominis, qui natus est in tempore; & cujus actiones, & duratio, mensurantur à tempore. Quas virtutes Deus ei indidit, ut hausta documenta custodiat, & evitet noxia. Hæ perfectiones cum sint remedia imperfectionum, & subsidia infirmitatis, non possunt Deo

nisi *ἀνθρώπων* tril' ui, & quæ *ἀνθρώπων* in hoc argumento dicuntur, *θεοῦ* intelligenda sunt. Accedit alterum id quæ insigne discrimen: nempe quod illæ perfectiones, quæ in creaturis sunt variæ atque dispersæ, in Deo sunt una eademque perfectio. Veluti si aliquod esset animal, quod unico sensu omnia ageret quæ nos agimus quinque sensibus: non secus ac omnes lineæ à circumferentia ad centrum circuli protractæ, in centri puncto uniuntur, & quod magis abscedunt à centro, eò magis dilantur, & sparguntur: ita omnes virtutes creaturarum in Deo sunt una virtus, & quod magis à Deo absceditur, eò magis sparguntur & rarefunt, donec ad indignissima perveniant. Causa huius discriminis est, quod hæ perfectiones seu virtutes creaturarum sunt qualitates & ornamenta addita substantiis. At unica illa Dei perfectio est ipsissima ejus essentia, quæ cum sit simplicissima, ob multipliciter tamen effectuum varia nomina sortitur. Inde est quod in homine aliud est scire, aliud velle. Nec præscientia hominis causa est eventus futuri. At cum præscientia Dei sit ipsissima ejus essentia, necesse est eandem esse perfectionem cum voluntate & providentia, ac proinde ejus præscientiæ insit vis non modò præcognitrix, sed etiam ordinatrix futurorum. Nec purandum est, Deum præscire futuras procellas, aut terræ motus, aut eclipses, quia futuræ sunt: sed potius dicendum, eas futuras, quia id fore Deus præservit. Neque tamen per hæc volumus, si quando eadem perfectiones Deo & creaturis tribuuntur, has perfectiones de Deo & creaturis prorsus, æquivocè prædicari. Sapientia quidem Deo & angelo non tri-

buitur *οὐκ ἔστιν ἡ ἀνθρώπων*, & eodem planè sensu: quia hæc in Deo substantia est, in angelo autem qualitas. Nec tamen iccirco æquivocè hæc dicuntur. Nam inter merè æquivoca, ut inter lupum animal, & lupum muricem equinum, nullus est ordo naturæ, nulla dependentia, nec per unum itur ad alterius cognitionem. At sapientia angeli, imago quædam est divinæ justitiæ, & quasi scintilla inde emicans: & unius cognitio ad alterius contemplationem animum nostrum evehit. Hæc ergo sunt de eorum genere quæ analogæ appellantur: veluti cum ens dicitur genus analogum substantiæ & accidentis, & pes dicitur de pede animalis, & de fulcro mensæ: est enim in maxima diversitate non obscura tamen quædam analogia atque convenientia. Hinc jam facile est judicare, cur quædam attributa Dei dicantur communicabilia, quædam incommunicabilia. Nimirum quædam Dei attributa sunt *ἐνεργητικά*, id est, operantia, ita ut imaginem aliquam sui extra se producant in creaturis: ut sunt bonitas, sapientia, sanctitas &c. Hæc itaque dicuntur communicari non quantum ad *οὐσίαν*, sed quantum ad usum & actum externum. Rursus sunt attributa quædam Dei quiescentia, ut loquuntur, hoc est, ita comparata, ut nullam extra se edant operationem: ut sunt æternitas à priori, immensitas &c. Hæc itaque dicuntur *ἀνεργητικά*. Hic tamen tenendum est, attributa communicabilia traducta per incommunicabilia, nullo modo à creaturis participari. e.g. bonitas æterna, immutabilis, immensa &c.

PERMISSIO. Hæc est actus voluntatis. Est q; alia Dei, alia creaturatum. Permissio Dei est, quæ ille volens permittit aliquid



quid fieri, ita ut concurrat cum opere, & permittit, illudque efficaciter dirigat. Itaque quidquid fit permittente Deo, id fit volente Deo, seu voluntate ipsius. Hinc *Augustinus enchiridio ad Laurentium capit. 95.* rectè ait: Non fit aliquid, nisi omnipotens fieri velit, vel sinendo ut fiat, vel ipse faciendo. Idem docet *Hugo de S. Victore libro primo, cap. 7. part. 4. de sacram.* Cum bonum facit, & permittit malum, apparet voluntas ejus in illo, quoniam esse vult quod facit aut permittit. Item: Est Dei voluntas beneplacitum ejus, & voluntas ejus operatio ejus, & voluntas permissio ejus. Huc etiam pertinet illud *Lombardi libro primo, distinct. 45. cap. 11.* Permissio quoque Dei & operatio Dei voluntas Dei appellantur. Ex his videre est, permissionem rectè Deo tribui. Neque enim intelligitur otiosa aliqua inspectio, vel invita actio, vel voluntatis remissio aut etiam omissio, sed actio ejusmodi, quâ Deus non efficit quidem opus creaturæ, sed tamen illud ita fieri sinit, ut simul efficaciter dirigat. Alia est ratio permissionis illius, quâ homo homini aliquid permittit. Nam illa sæpe est actio invita, inspectio otiosa, & peccatum peccans, ut loquuntur, hoc est, ita comparatum, ut sit causa peccati, quod ab alio perpetratur: ut quando magistratus permittit lupanaria.

**PERPETUUS.** Perperuum tempus, quando ad sacrificia legalia refertur, significat longum illud temporis spatium usque ad Christi plenam manifestationem sub Evangelio: Si ad leges politicas Moysi, tempus brevius, nempe usque ad jacobileum. Aliis locis, de Christo & fœdere Dei, notat æternitatem.

**PERSONA.** In sacrosancta Trinitate,

ut eleganter ait *Siberus in Breviario Christiano*, persona, τὸ ὁμοῶς, seu ὁμοῶς, est per se verè, & reipsa, non imaginatione aut cogitatione consistens singulare, τὸ δὲ π, in unius naturæ essentia peculiaribus, & quas cum nullo habet communes, notionibus, ac sempiterna, quæ est character, proprietate distinctū. Hebræi eleganter personas SS. Trinitatis appellant פנים facies, & מדרגות modos.

**PERSONARE. PERSONARI.** Personare est 1. constituere personam. 2. in personam assumere. Proinde personari est 1. constitui personam. 2. assumi in personam. Personatur autem aliquid vel extrinsecus, per aliquid externum, ut humana Christi natura est assumpta à λόγῳ in unitatem personæ: vel intrinsecus, ut divinæ personæ per notionēs suas characteristicas, ὁμοῶς ὁμοῶς. In genere est intima præsentia. In specie est naturalis, quomodo forma præsens est formato: vel supernaturalis eaque gemina. 1. In SS. Trinitate: ubi ὁμοῶς ὁμοῶς est modus, quo personæ SS. Trinitatis sunt ἀσύμφοροι καὶ ἀνεκφοίτητοι. 2. In Christo: ubi λόγος est in carne per ὁμοῶς ὁμοῶς, proximam illi, quæ est in SS. Trinitate.

פרוש. Est aspera, exercitator: & modò Phariseis peculiariter tribuitur; modò in genere cuivis austeriorem vitam agentis. *Iosephus libro secundo, de bell. Iud. capite septimo*, dicit, tria esse genera philosophiæ, seu tres philosophias, apud Judæos: videl. Phariseos, Sadduceos, & Hæssæos. Pharisei, inquit, dicuntur, qui certorem legalium rituum notitiam profitentur. Dicti sunt non à פרוש, quod est explanare; sed à פרוש quod est separare, ita ut Phariseus sit quasi ἀποκεκομμένος, id est, separa-

separatus à vulgo sanctimoniâ quâdam vitat. Vide Casaub. exerc. 1. num. 9. ad annales Baronii.

PETRA. Observant grammatici Græcorum, aliud esse πέτραν, aliud πέτρον: nā πέτραν esse rupem aut saxum ingens, πέτρον verò parvum lapidem, quales sunt, qui Græcis χερμαδες & χερμαδια pugillares lapides, quod manum impleant, dicuntur. Hoc discrimen non est in lingua Latina, ubi petra in fœminino tanum genere usurpatur. Usurpatur autem hæc vox propriè, vel metaphoricè. Propriè petra est rupes: metaphoricè declarat aliquid naturæ rupis, lapidis, aut saxi conveniēs: & tum obtinet significationem vel ex communi usu loquendi petram, vel scripturæ & Patribus peculiarem. Significatio ex communi usu loquendi petra rursus est duplex. Autem in bonam, aut malam partem accipitur vox petra. In bonam: ut cum homo firmus adversus affectus dicitur petra; & cum virtutes dicuntur petra, quod sint habitus constantes, vel quod sint quasi editæ ropes extra aleæ periculum; denique cum bona vitæ æternæ propria conferuntur πέτραις ἀκινήτοις, petris immobilibus. In malam partem accipitur hæc vox, quando homines insipientes, ignari, & stupidi appellantur λίθοι, πέτραι, ξύλα, λίθινοι, αἱ πλιθινοί, & λελιθωμένοι, id est, lapides, petra, ligna, lapidei, suapte natura lapidei, & qui obriguerunt instar lapidum. Et hæc quidem omnes metaphoricæ locutiones ex usu communi loquendi sunt petra. Significatio scripturæ & scriptoribus ecclesiasticis peculiaris & ipsa non est una. Nam petra ibi dicitur, vel ex qua, vel super quam ecclesia catholica edificatur. Priori modo omnes verè fideles sunt vivæ petra, seu vi-

vi lapides, ex quibus constat spirituale ædificium ecclesiæ 1. Petr. 2. v. 5. Posteriori modo petra dicitur univocè, vel æquivocè seu analogicè. Univocè Deus & Christus appellatur petra: analogicè hoc idem nomen tribuitur fidei, bonis operibus ecclesiæ, Scripturis, Apostolis (.nominatim Petro.) martyribus, singulis fidelibus. Et primò quidem Deus in V. T. locis penè innumeris appellatur πῆξ, petra, rupes. Quæ appellatio ad significationem nominis Tetragrammati proximè accedit. Nam Deus appellatur petra, quia est principium & causa omnium rerum, & habet robur in victum tum sibi tum suis, & ab æterno in æternum durat, & denique est spes & fiducia nostra, seu fundamentum spei & fiduciæ. Hoc sensu nomen petra est Deo propriam in quarto modo. Quæ etiam causa est, quod vox πῆξ ab Interpretibus librorum factorum per sæpe non vertitur petra, aut rupes, sed Deus: ut Deut. 32. 2. Sam. 22. v. 32. Psalm. 31. v. 3. & 73. v. 26. & multis aliis locis. Deinde Christus appellatur petra tribus potissimum de causis: tum quia est Deus, idem essentia cum Patre & Spiritu sancto; tum quia est fundamentum ecclesiæ, seu lapis angularis, in quo totum ædificium congruenter coagmentatum crescit, Ephes. 2. v. 20. 21. Psalm. 118. v. 22. Esa. 28. v. 16. Matth. 21. v. 42. Luc. 20. v. 17. Act. 4. v. 2. 1. Petr. 2. v. 16. tum denique quia Christo, ceu rupe durissima omnes ecclesiæ illius hostes obtruntur Matth. 21. v. 44. 1. Cor. 10. v. 4. Tertò si des vera diceretur petra & fundamentum, quia est habitus à Christo ita infusus, ut sit ἀμετάθετον & ἀναισθητον, hoc est, firmus & nulla persuasionem mutabilis. Unde est illa locutio frequens in Patribus, fundari & stare ἐν τῇ πέτρᾳ, ἐν τῇ

πέτρα, ὅτι τῆς πίστεως, id est, super petram, seu in petra fidei. Vide *Cyrrillum Hierosolymitanum Catechesi 14. Damascenum 3. de imaginibus, Iacobi liturgiam, Chrysostomum tom. 7. pag. 30. de martyribus, Cyrillum contra Nestorium lib. 11.* Hoc quoque sensu præcipua doctrinæ Christianæ capita, ut de cultu unius Dei, de sacrosancta Trinitate, de salute per unum Jesum Christum & his similia, dicuntur fundamentum ecclesiæ. Porro à petra, cum pro fide accipitur, est verbum elegans πετρώδης, hoc est, in petram converti: ut cum Patres dicunt, Petro id nomen esse inditum propter τὴν πεπερωμένην πίσιν, propter firmissimam fidem. Ita de Stephano ait Chrysostomus, ipsum ποτὶ πλεον τῇ πίσει πετρώδην, quoad fidem, omni lapide duriores fuisse, cum nempe lapidum ictus exciperet. Quemadmodum autem fides, ita etiam bona opera quarto loco appellantur petra & fundamentum. Sic Paulus 1. Tim. 6. vers. 19. ait, θεμέλιον καλὸν εἰς τὸ μέλλον, fundamentum bonum in futurum: ubi Oecumenius sic annotat: τὴν τῶν ἀγαθῶν ἔργων περᾶν θεμέλιον ὠνόμασε, actionem bonorum operum nominavit fundamentum. Quinto ipsa quoque ecclesia vocatur petra & mons propter stabilitatem & firmitudinem, si ve, ut loquitur Chrysostomus, ἄχ τὸ στέρον αὐτῆς καὶ ἀσάλευτον. Epiphanius in compendio de fide catholica ecclesiam appellat sanctam Jerusalem, virginem Christi, ejus sponsam, & ἀσφαλῆ βάσιν καὶ πέτραν, tutam basin & petram. Hieronymus super Iobi 29. Petra ecclesia fundata super Christum, firmissimam petram, de se gratiam Spiritus sancti, velut rivos, effundit. Sexto Scripturæ etiam Patribus appellantur petra & fundamentum. Ori-

genes contra Celsum, tom. 4. ait, domum Dei ædificari super summis montibus πάντων τῶν προφητῶν λόγων, οἵτινες αὐτῷ θεμέλιός εἰσι, omnium sermonum prophetarum, qui sunt ejus (. domus, id est ecclesiæ. ) fundamentum. Chrysostomus in libro ad eos qui scandalizantur, ait: ὁπλοῦμεθα τῆς πέτρας ἐκείνης καὶ τῆς ἐκείνης τῆς λεγούσης, καὶ εἶδεν ὁ θεὸς πάντα ὅσα ἐποίησε, καὶ ἰδοὺ καλὰ λίαν, Apprehendamus illam petram, & dictum istud, Et vidit Deus omnia quæ fecit, & ecce omnia bona valde. Septimo Apostoli & Prophetæ appellantur petra & fundamentum. Nam Paulus Ephes. 2. vers. 10. ait, fideles superædificari fundamento Apostolorum & Prophetarum, vel, quod ipsi posuerunt, vel quod sunt ipsi Apostoli & Prophetæ ratione doctrinæ. Ita Hieronymus ad Hedybiam quæstione octava: Petræ, inquit, sunt universa vaticinia Prophetarum: qui & ipsi à petra Christo cum Apostolis petræ vocabulum acceperant. Octavo martyres sancti appellantur hoc eodem nomine. Sic Stephanum protomartyrem appellat Chrysostomus petram & columnam ecclesiæ tom. 7. pagina 579. Τί ποῦν τῆς πέτρας ἐκείνης τῆς λογικῆς γλῶσσῃς ἂν διωατώτερον; τί δ' ἂν ὁφθαλμοῦ τοῦ σόλου τῆς ἐκκλησίας στέρότερον; hoc est, Quid igitur petra illa rationali potentius fieri queat? quid cerni possit columna ecclesiæ firmitus? Nono & ultimo fidelium quilibet petra nominatur à Patribus. Sic enim Origenes tractatu 1. in Matth. Petra est enim, quisquis Christi discipulus est: & Gregorius Nyssenus libro de perfectione, ἄχ τούτων καὶ ποιῶν πέτρα καὶ ἡμεῖς ἐσόμεθα, μιμούμενοι καθὼς ἐστὶ διωατὸν, ἐν τῇ τρεπτῇ φύσει τὸ ἀτρεπτον καὶ ἀμετάθετον, hoc est, Per hæc &



his similia, ipsi quoque siemus petra, si imitati fuerimus, quantum fas est in mutabili natura, Domini nostri naturam, neque conversioni, neque mutationi obnoxiam. *Ambrosius lib. 6. in Evangelium Lucae*: Qui carnem vicerit, ecclesiae fundamentum est. Et paulò post: Petra est Christus, qui etiam discipulo suo hujus vocabuli gratiam non negavit, ut & ipse sit Petrus, quòd de petra habeat soliditatem constantiae, fidei firmitatem. Enitere ergo, ut & tu petra sis. *Thomas in Catena aurea, sive continuo in quatuor Evangelistas commentario*: Petra est omnis, qui imitator Christi est. Causam hujus nomenclaturae accipe à Gregorio Nazianzeno orat. 28. petras dici fideles, propter *περρότητα καὶ βάρος* & *λοχισμόν*, firmitatem & pondus mentis, id est, ut alii Patres dicunt, propter soliditatem fidei, & constantem professionem. Hic observare oportet infinitam Dei bonitatem, qui proprios uni sibi titulos, mortalibus servis suis communicare non dedignatur. Nam sicut Christus *Iohan. 8. v. 12.* dicit ipse, Ego sum lux mundi: & *Matth. 5. vers. 14.* Apostolis suis dicit, Vos estis lux mundi: sic ipse solus est petra ecclesiae, illiusque fundamentum & lapis, & nihilominus tamen hos titulos etiam tribuit membris suis: quanquam alio sensu. Tantum enim *κατάμετέξιν*, propter communicationem ex gratia Dei factam, vel potius *καθ' ὁμοίωσιν*, propter aliquam convenientiam, de servis Dei ejusmodi vocabula praedicantur. Nimirum in Deo est *φύσις πλάγματος*, natura rei, in nobis *τιμὴ ὀνόματος*, honor nominis; ut loquitur Chrysostomus homilia post captum Eutropium habitā. Sed jam videamus illud, quod supra diximus, Apostolis, & no-

minatim Petro attribui nomen petrae. Diximus quemlibet fidelium nominari petram à Patribus. Eximie verò illi nominantur petrae, qui inter ecclesiae membra excellunt, ut Martyres & Apostoli. Rursus inter Apostolos Petrus frequentissime dicitur ab omnibus Patribus petra & fundamentum ecclesiae: non propter aliquam monarchiam (neque enim metaphora petrae adhibetur ad exprimendam dominationem, sed ad indicandam soliditatem, vel firmitatem.) sed propter eminentiam zeli; quia nempe Petrus fuit praeditus *ζήλω πεπρωμένῳ*, ut loquitur Chrysostomus, id est, zelo ignito. Huc accedit & illa ratio; quòd nomen hujus Apostoli petram notat. Petrus enim ita dictus est à vera petra quae est Christus: ita ut Petrus sit nomen *παρωνυμον*, seu denominatum à petra. Ex his patet Christum & Petrum non uno eodemque modo appellari petram & fundamentum ecclesiae. Nam Christus est petra ecclesiae ratione personae & officii sui, seu est fundamentum vitale, essentialiale, principale, & *αὐτοθενές*. Petrus est petra non ratione personae suae, sed ratione doctrinae, adeoque est fundamentum ministeriale. Quare sicut metonymicè, sive metalepticè, authorum nomina pro ipsorum operibus ponuntur: ita Petrus, id est doctrina, seu confessio Petri, est petra ecclesiae. Christus est *αὐτοδιώκεις*, sive *αὐτοφύης πέτρα*, seu *αὐτοπέτρα*: Petrus est *διωκτὸς*, sive *δοκτοπέτρα*, quae *ρώμην πέλινην* habet à Christo. His ita positis non difficile est explicare locum *Matth. 16. vers. 18.* Tu es Petrus, & super hanc petram aedificabo ecclesiam meam. Nam *πρώτως* intelligitur Christus, unicum il-

Iud fundamentum principale, ut liquet ex 1. *Corinth.* 3. vers. 2. & *regis* doctrina seu confessio & fides Petri, adeoque & ipse Petrus, tanquam causa instrumentalis. Sicut enim homo pius rectè dicit, Deus me sanavit, &, Medicus me sanavit, &, Rhabarbarum me sanavit: ita ecclesia rectè potest dici ædificata super Christo, & super doctrina Petri, & super Petro vel unoquoque fidelium. Videamus hac de re sententiam Patrum. *Tertullianus adversus Marcionem libro quarto, capite 13.* Affectavit charissimo discipulorum de figuris suis peculiariter nomen (*Petri.*) communicate. *Hilarius de Trinitat. libro secundo.* Unum igitur hoc est immobile fundamentum, una hæc est felix fidei petra, Petri ore confessa: Tu es Filius Dei vivi. Et libro sexto, de Trinitat. Super hanc igitur confessionis petram ecclesiæ ædificatio est. Et paulò post: Hæc fides ecclesiæ est fundamentum. *Chrysostomus homil. 55. in Matth.* Super hanc petram ædificabo ecclesiam meam, id est, fidem atque confessionem. *Cyrillus dialogorum cum Hermiâ libro quarto.* Petram, opinor, per agnominationem aliud nihil quàm inconcussam & firmissimam discipuli fidem vocavit. *Eusebius Emisenus homiliâ in natalem sancti Petri:* Super hanc petram, quam tu modò in fidei fundamentum posuisti: super hanc fidem, quam tu modò docuisti, dicens, Tu es Christus Filius Dei vivi: super hanc petram, & super hanc fidem ædificabo ecclesiam meam. *Ambrosius serm. 84.* Quia petra Christus, Simon nuncupatus est Petrus. Et super *Ephes. 2.* Super istam petram ædificabo ecclesiam meam, hoc est, in hac catholicæ fidei confessione. Et cap. 5. de incarnationis Dominica sacramento: Fides ergo est eccle-

siæ fundamentum. Non enim de carne Petri, sed de fide dictum est &c. *Augustinus de verbis Domini secundum Matthæum sermo. 13.* Super hanc petram, quam confessus es, super hæc petram, quam cognovisti, dicens, Tu es Christus Filius Dei vivi, ædificabo ecclesiam meam. *Idem tract. 24. in Iohan.* Petra erat Christus, super quod fundamentum etiam ipse ædificatus est Petrus. *Idem tract. 10. in primam epist. Iohan.* Quid est, super hanc petram ædificabo ecclesiam meam? Super hanc fidem, super id, quod dictum est, Tu es Christus Filius Dei vivi. Hanc eandem sententiam confirmant novem Pontifices Romani: putà *Eutychianus in decretali epist. 1. tom. primo Concil. Leo I. sive Magnus in celebratâ ad Flavianum Constantinopolitanum Episcopum epistola: Leo II. in epistolâ ad Constantinum Pogonatum Imper. Felix Papa epistolâ 3. tom. 1. epistolarum Pontificum Romanorum: Gregorius Magnus tom. 2. in explicatione septem Psalmorum pœnit. Innocentius III. in epistolâ ad Ottonem Frisingensem: Adrianus IV. in epistola ad Fridericum I. Nicolaus II. in iure canonico, dist. 22. cap. Omnes. Gregorius VII. Hildebrandus dictus, in illo versu:*

Petra dedit Petro, Petrus diadema Rodolpho. His subscribunt Hugo de sancto Charo, Anselmus Glossa interlinearis, & Nicolaus Lyranus, omnes super h. locum: item Thomas Aquinas lect. 5. super Iohan. 6. & Pererius in Danielelem.

PHARAO INFANTICIDA. Crudelis ille brephoctonus & persecutor ecclesiæ figurat diabolus, juxta hymnum:

Post jugum servile Pharaonis,  
Post catenas dira Babylonis,  
Liber homo qui patriam querat  
Cælestem Hierosolymam.

PHARISÆUS. Vide supra פָּרִישִׁי.

PHILOSOPHIA INANIS. Ita Coloss. 2. 8. appellatur omne id, quod ab hominibus adhibetur ad evertendam justitiam Evangelii: h. e. argutiae & inanes persuasiones de solida sapientia & justitia extra Christum.

PHURIM. Judæi habent festa legalia septem, puta sabbatum, neomeniam, pascha, pentecosten, festum clangoris, festum propitiationis, & scenopegiam. Alias festivitates adjecerunt his Hebræi propter varios eventus, sicut Encania & Phurim id est, festum Hester. Sed non dicuntur legales, i. e. lege institutæ. Quod attinet ad festum Phurim, id est, sortium, illud celebratur 14. & 15. mensis Adar (.nobis 27. & 28. Febr.) quibus Judæi legunt historiam Esther, & quoties mentio fit Hamani, pugnis & malleis pulsant scamna in synagogis, ac si caput Hamani ferirent. Dicitur autem Phurim, q. d. κληρωτήρια, ob sortem in urnas conjectam authore Hamano, tempori cædi Judæorum optando. A qua immani laniena Deus gratiosè Judæos liberavit. Itaque εὐχαριστίας ἕνεκα hoc festum fuit humanitùs institutum.

PHYLACTERIA. Sunt membranulæ, in quibus Judæi inde à Pharisæorum tempore inscribunt sententias quasdam Biblicas, abusi textu Deut. 6. 8. Hebraicè appellantur פְּתִילֵי תְּפִלִּין, orationes: quod oraturi, applicent sibi istas membranas. Sunt autem duæ: quarum una alligatur fronti, & dicitur פְּתִילֵי שֵׁל רִאשׁוֹן, id est, orationes capitis; altera manui sinistræ, & dicitur פְּתִילֵי שֵׁל יְמִינִי, id est, orationes manus. Vide interpretes super Matth. 23.

PHYSICUM. Scholastici frequenter distinguunt causam & actionem in phy-

sicam & moralem. Causa physica verè ac realiter influit in effectum: moralis nō influit quidem, sed tamen agit externè. Sic v. g. Deus vocando hominem internè est causa physica: pastor vocando hominem externè est causa moralis. Hinc patet physicum hīc non opponi hyperphysico, sed significare influentiam, quæ vel verè & merè est physica, ut cū sol agit in hæc inferiora; vel est posita in influxu hyperphysico, qui aliquid simile habet influxui merè physico, ut cū Deus nos regenerat, imprimendo nobis formam supernaturalem. Breviter τὸ physicum accipitur propriè pro naturali; vel impropiè pro eo quod habet aliquam convenientiam cum naturali, non quidem ratione principii interni, sed tamen ratione principii externi, quod producit in nobis supernaturaliter nova agendi principia, sicut in naturalibus fit naturaliter.

PHIALA. In Apocalypsi mysticè significatur plaga magna, qua Deus affecturus est postrema regni Antichristiani secula, hoc modo. Spiritus sanctus plagas triplices commemorat in hoc libro. Primi ordinis plagæ figurantur per sigilla: secundi ordinis, per tubas: tertii, per phialas: ubi manifesta est pœnarum αἰγιονότης, hoc modo. Phialæ vasa sunt, quibus aqua vel alius quidam liquor cōtinetur. Cum hujusmodi itaque infuso & paulò post effundendo liquore Spiritus sanctus has ultimas iræ Dei plagas comparat, ut indicet, quantò aqua spissior est aëre, qui per tubam torquetur, tantò phialarum istarum plagosam operationem fortiorē & efficaciorē futuram, quàm tubarum fuit. Rursus quemadmodum nūs tubæ valde est conspicuus & patheticus; sigilli non item: ita pœnæ secundi ordinis

vehementius



vehementiores sunt illis primi ordinis. Sigilla & tubæ affecerunt mare, ejusque flumina, h. e. universam ecclesiam: sed phialæ effunduntur in lacum, id est, ecclesiam Romanam afficiunt. Vide tit. **LACUS IRÆ DEI.**

**PHOSPHORUS.** Clarior evangelii doctrina 2. *Pet.* 1. 19. appellatur hoc nomine; quod aliàs propriè significat stellam Veneris, quæ valde est illustris. Nimirum doctrina evangelii antecedit & sequitur Christum, solum illum justitiæ, sicut Phosphorus (qui & Hesperus.) antecedit & sequitur solem.

**Φωτισμα, Illuminatio.** Baptismus ita dicitur antiquæ ecclesiæ. Etsi enim donum illuminationis etiam conferant verbum & sacra cœna: tamen ut sacra cœna peculiari quadam ratione appellatur communio; sic baptismus, illuminatio. Vide *Dionysium cap. 3. hierarch. eccles.* Sic *veo φωτισμῶν*, recens illuminati, sunt modò vel nuper baptizati.

**PIACULUM.** Græcis *καὶ ἀγρυα*, Hebræis *זֶבַח* dicitur. Quæ vox occurrit *Esa.* 53. 10. *Postquam posuerit animam suam זֶבַח hostiam pro delicto.* Ubi vox *זֶבַח* idem prorsus significat, quod apud Paulum *Peccatum*, quando dicit, *Eum, qui non noverit peccatum, pro nobis à Deo factum esse PECCATUM.* Nimirum ut *זֶבַח* significat reatum atque sacrificium pro reatu: ita *זֶבַח* est peccatum & sacrificium pro peccato. In Concord. Lat. vulg. vers. ita legere est de hac voce: *Piaculum* 1. expiatio *Levit.* 17. 11. 2. *Sam.* 21. 3. 2. *Chr.* 29. 24. 2. scelus. *Lev.* 19. 29. *Iud.* 20. 6.

**PIETAS.** Est sincera veri Dei cognitio & reverentia, cum ejusdem cōstanti professione & cultu conjuncta. 1. *Tim.* 4. 8. & 6. 6. Vide etiam paulò post.

**PIETATIS SACRAMENTUM.** Ita in vulgata versione 1. *Tim.* 3. 16. dicitur incarnatio Filii Dei. In Græco est *μυστήριον*. Itaque *ἐνανθρώπησις* Filii Dei est inter maxima pietatis, i. e. doctrinæ Christianæ, mysteria.

**PIETATES.** Ita appellantur officia pietatis in vulg. vers. 2. *Pet.* 3. 11.

**PIA FRAUS.** Eodem sensu dicitur, quo dolus bonus, & officiosum mendacium. Harum rerum exemplum occurrat apud priscos ecclesiæ doctores: quibus solenne fuit primis ecclesiæ nascentis temporibus bono fine falsos libros fingere. Hac de re *Casaubonus exercit. 1. ad apparatus Baronii* sic ait: Postremò illud quoque me vehementer movet; quòd videam primis ecclesiæ tēporibus quàm plurimos extitisse, qui facinus palmarium judicabant, cœlestem veritatem figmentis suis ire adjutum; quòd facilius videlicet nova doctrina à Gentium sapientibus admitteretur. Officiosa hæc mendacia vocabant, bono fine excogitata. Quo ex fonte proculdubio sunt orti libri sexcenti, quos illa ætas & proxima viderunt, ab hominibus minimè malis (nam de hæreticorum libris non loquimur.) sub nomine etiam Domini Jesu, & apostolorum, aliorumque sanctorum publicatos. *Et mox:* Quemadmodum autem istorum factum non possumus non gravissimè reprehendere: ita judicia illorū Patrum satis mirari non possumus, qui ejusmodi scripta tanta facilitate receperunt, & ad fulciendam cœlestis veritatis auctoritatem testimonia ex illis proferre non dubitarunt. Quis ignorat Justinum, Clementem Alexandrinum, Tertullianum, & alios Patres, libros sæpe laudare, quos jam nemo vel mediocriter studiis

theologicis imbutus, dubitat apocryphos fuisse: & quidem notæ aliquando non optimæ, ac proinde jure optimo à Papa Gelasio & Concilio Romano postea esse damnatos. Sed tempore opus erat, ut fraus detegeretur. Refero in hunc censum oracula Sibyllina. Et paulò post: Neque nos sanè negamus, multa divinitus, dici potuisse à paganorum varibus, non minùs quàm ab asina Balaam. Illa tantùm rejicimus, quæ arcana religionis nostræ apertius explicant, quàm factum sit unquam à Dei prophetis. Itaque Casaubonus existimat carmina Sibyllarum de Christo, & aliis mysteriis religionis, itemque librum integrum, qui sub nomine Mercurii Trismegisti circumfertur, & similia, esse *ψευδεπίγραφα*, hoc est, falsò inscripta: utpote quæ sint Christianorum, vel potius Semichristianorum figmenta. Hæc quoque est sententia Augustini de civitate Dei, lib. 18. cap. 48. Quæcunque, inquit, aliorum prophetiæ de Dei per Christum Jesum gratiâ proferuntur, possunt putari à Christianis esse confictæ.

PIEL. Ejus forma est duplex. Prima simplex, quæ significationem Kal simpliciter intendit: altera, quadrata, in qua actio thematis substantiva fit transitiva, & vis ejus ita intenditur, ut fiat frequentativa, ut *Πινω*

PINNA. PINNACULUM. Quod Luca 4.9. est pinna templi, id apud Matt. 4.5. vertitur pinnaculum. Nihil autem aliud ibi significati verisimile est quàm peribolum, qui circa summum tectum templi erat, ne quis ibi ambulans caderet, qualem Deus fieri omnibus in tectis jusserat Deut. 22.8. Latini podium appellant: Græci *πρυτανεύον*, quia ab ædificiis

extabat, & velut in aëre pendere videbatur, tanquam ala. In hunc locum diabolus Christum duxit: quia persuadere volebat, ut præcipitem se mitteret, conveniebat ejus consilio, ut in editissimum locum duceret. Erat autem Jerusalem in loco edito, templum autem in editissimo totius urbis, in monte Moriâ. 2. Par. 3. 1. Denique pinna locus erat totius templi altissimus.

PIETAS. Hæc est virtus ad omnia utilis. 1. Tim. 4. Ethnici pietatem statuerunt deam, ut & alias virtutes. Hæc eleganter refutat Arnobius lib. 4. adversus gentiles. his verbis: Nos (*nisi forte communem tollitis nobis atque eripitis sensum.*) nihil horum sentimus & cernimus habere vim numinis: neque in aliqua contineri generis sui forma: sed esse virtutem viri, salutem salvi, honorem honorati, victoriam victoris, concordiam concordis, pietatē pii, memoriam memoris, feliciter verò viventis ac sine ullis offensionibus felicitatem.

PLASMA. *πλάσμα*, figmentum, à *πλάσσω*. Hinc est plasmò, plasmatio, plastes, protoplastes, & protoplastus: è quibus quatuor priora vocabula usurpantur de Deo & creatione, ultimum de Adamo. Voce *plasmò* utitur vetus Bibliorum interpres 2. Reg. 19. v. 25. Job. 10. v. 8. Psal. 74. v. 17. & 119. v. 73. Esa. 37. v. 36. 4. Esdr. 6. v. 46. & c. 8. aliquoties. Sirach. c. 33. v. 13. Sic *plasmatio* 4. Esdr. 8. v. 7. item *plastes* Esa. 45. v. 11. 18. Patribus quoq; usitata sunt hæc vocabula: ut in hymno Ambrosii Rex sempiternæ &c.

Qui mundi in primordio  
Adam plasmasti hominem.

Et paulò post:

Vt hominem redimeres,  
Quem antè jam plasmaveras.

PLACABILIS. Est 1. placatus, propitius. Exod. 32. 12. Job. 33. 26. 2. gratosus, charus.

charus. *Gen.* 43. 14. *Prov.* 15. 4. 3. acceptus. *Prov.* 15. 8. *Esa.* 60. 7. & 61. 2. *Malach.* 2. 13. 4. expiatorius. *Exod.* 29. 33. *Num.* 5. 8.

PLANTO. Plantat homo idq; propriè *Gen.* 9. 20. vel impropriè *1. Cor.* 3. v. 6. 7. 8. Plantat & Deus, & quidè 1. creando *Gen.* 2. 8. *Psal.* 94. 9. 2. instaurando per Christum *Esa.* 51. 16. 3. ædificando ecclesiam per ministerium verbi & magisteriũ spiritus *Matt.* 15. 13. 4. stabiliendo suos *Exod.* 15. 17. 5. patienter ferendo impios *Ier.* 12. 2.

Πληροφορία. Est firma persuasio, siue certioratio & assecuratio. In N. T. sæpius occurrit, & significat plenum animi affectum & studiũ, fidemq; stabilem. Propriè πληροφορία est, plenum aliquid adferens, non vacuum, non imperfectum: deinde, qui plenam fidem adfert. Hanc fidei plenitudinem eleganter describit *Catechismus Tridentinus*, seu *Romanus*, parte 1. cap. 2. quæst. 2. his verbis: Quis in materia fidei evangelicæ dicitur credere? Credendi vox hoc loco putare, existimare, opinari non significat: sed ut docent sacræ literæ, certissimæ assensionis vim habet, quamens Deo, sua mysteria aperienti, firmiter constanterq; assentitur. Quamobrem is credit (quod ad hujus loci explicationem attinet.) cui aliquid sine ulla hæsitazione certum & persuasum est. Neq; verò existimare quisquã debet, fidei noticiam minùs certam esse, quòd ea non cernantur, quæ nobis credenda fides proponit. Etenim divinum lumen, quo ea percipimus, tametsi rebus perspicuitatem nõ adferat, nos tamen de his dubitare non sinat. Deus enim qui dixit de tenebris lucem splendescere, ipse illuxit in cordibus nostris, ut non sit nobis opertum evangeliũ, sicut iis qui pereunt. Huc usq; *Catechismus Romanus*: cum quo è diametro pugnat

canon 13. sessionis 6. Concilij Tridentini. Si quis dixerit, omni homini ad remissionem peccatorũ assequendam necessarium esse, ut credat certò & absq; ulla hæsitazione propriæ infirmitatis & indispositionis, peccata sibi esse remissa, anathema sit. Ita Trident. Concilium pugnat cũ Catechismo Tridentino, seu Romano, qui jussu Pii V. Pontificis Rom. editus, & ex decreto Concilii exaratus est. Colophonis loco notet illud *Basilii Magni* ἡθικῶν seu *Moralium summa* 80 c. 22. τί ἰδιον πίστεως ἀδιάκριτος πληροφορία, Quid est proprium fidei? Indubitata persuasio. De hac persuasione Juvenecus rectè canit:

Namq; ubi certa fides fuerit cõplexa salutem  
Non erit ulla illic anceps agitatio. — —

PLETHI. Vide CRETHI.

PLUMARIUS. Nicol. Fullerius miscel. sacr. l. 1. c. 20. putat artẽ plumariã eam fuisse, quæ nunc apud Indos Occidentales viget, q; opera plurima ex aviũ plumis versicolorib. contexunt exquisita & inimitabili arte. Hæc solertiã putat illuc esse tractatã unã cum ipsis hominibus. Alii plumariam artẽ dictam esse putant, quòd super culcitris plumeis exerceret. Sed astipulor Fullerio. Itaq; plumarius propriè est artifex operis plumarii, seu ex pluma: synecdochicè quilibet dædal<sup>9</sup> variator. De arte plumaria & opere plumario idè est judiciũ. Vide hæc vocabula in vulg. vers. *Exod.* 35. 35. c. 39. 29. c. 26. v. 1. 31. 36. c. 28. 39. & 36. 37.

PLUVIA TEMPORANEA seu TEMPESTIVA & SEROTINA. Occurrit hæc *Deut.* 11. 14. & *Joel.* 2. Est autẽ pluvia tempestiva, quæ decidit post sementẽ, & terrã instituit ad pferendos fructus: serotina, quæ antecedit collectionẽ proventuũ, & reddit grana turgida, ut uberior messis colligat.

PNEUMA.



**PNEUMA.** In prosa, quæ canitur die Epiphaniæ, hæc leguntur verba: *Omni nunc caterva tinnulum jungat laudibus organi pneuma*: ubi vox πνεῦμα significat cantionem musicam organo pneumatico decantandam.

**POENITENTIA.** Significatio ejus alia est in Canone, alia in praxi ecclesiæ. Nam ibi poenitentia est actus hominis avertentis se à malo, & convertentis ad bonum: hic est actus idem certis signis coram ecclesia manifestatus. De priori eleganter dicunt Rabbini: *Ad poenitentiam quatuor requiruntur*: Primum, ut aliquem poeniteat peccati, iniquitatis, & reatus: Secundum, ut ea deserat: Tertium, ut confiteatur illud in eo: de suo: Quartum, ut in corde suo firmiter & sincere constituat, se nolle ad illa reverti. Vide plura infra, ubi hic titulus recurrit.

**POENA.** Triplex est poena; solutionis sive satisfactionis, probationis, castigationis, & ædificationis. Et poena solutionis aut est perfecta, ut λύτρον Christi: aut imperfecta & semper continuata, ut est poena damnatorum.

**POETICI LIBRI.** Sic à theologis dicuntur quinque ista volumina; Job, Psalmi, Proverbia, Ecclesiastes & Canticum canticorum: non quòd constent oratione numerosa, qualis est apud Græcos & Latinos, constans longarum & brevium syllabarum varietate: aut quòd rhythmicè sint conscripti: sed quia conscripti sunt stilo pathetico, qualis est poeticus. Itaque τὸ poeticum hic non est idè quod numerosum, sed significat πᾶν poeti-cum. Deinde in iis libris non solum est poesis sublimitate stili constans, sed etiam membra orationis jucundè temperans, quanquam citra pedum mensuras.

Scribit quidem Hieronymus prologo i. in Jobum, *A verbis Job, in quibus ait, Per-eat dies, in qua natus sum &c. usque ad eum locum, ubi ante finem voluminis scriptum est, Idcirco ipse me reprehendo &c. hexametri versus sunt dactylo spondeoq; currentes, & propter lingvæ idioma crebrò recipientes & alios pedes, non earundem syllabarum, sed eorundem temporum.* Sed hic usurpari potest illud vetus: ὁ μανθάνω.

**POENITEOR.** Occurrit in vulg. vers. Marc. i. 15. & Act. 3. 19. Poenitemini, pro poenitentiam agite.

Πολίτευμα. Est vita, sive conversatio civilis. Occurrit hæc vox Philip. 3. ubi apostolus πολίτευμα nostrum reponit in cælo. Videtur autem respexisse ad illa Heracliti verba; πολιτεύσμαι ἐν ἐν ἀνθρώποις, ἀλλ' ἐν θεοῖς, epistolâ ad Amphidiamantem. Rectè vertitur, *Municipium nostrum est in cælo.* Nam municeps est, qui in civitatem Romanam receptus muneribus capeffendis fit aptus; seu qui receptus est in civitatem, ut munus faciat cum civibus, suo interim utens jure. Hæc egregiè competunt electis, quorum nomina scripta sunt in cælo.

**POLITIA.** Aliquando est vitæ institutum. Sic Epiphanius πολιτείας μέγας appellat instituta vitæ austeriora. Quas vulgò regulas dicunt monachorum, quæ totius vitæ degendæ normam præscribunt, eas Græci Patres πολιτείας interdum appellant: unde etiam πολιτεία ponitur pro κακῆς χά & vexatione corporis ex pia devotione aut etiam superstitione. Apud Chrysostomum τὰ πολιτείας nomine intelliguntur bona opera, quæ alibi πρᾶξιν ἀγαθὴν & βίον καθαρόν vocat.

**POENITENTES.** Ita specialiter in ecclesiâ

ecclesiâ dicuntur, qui ob scandalum datum certos ritus obeunt, per quos testantur serio se resipiscere, & cum offensis in gratiam redeunt. Olim in Ecclesia Orientali erant quatuor eorû ordines. 1. *προκλαίοντες*, *aggementes*; qui extra ecclesiam stantes orabant ingressuros, ut preces pro se funderent. 2. *ἀκροώμενοι*, *ἀνσουλτάντες*; qui stabant in loco, cui nomen erat *Ναὶσθηξ*, *Ferula*. 3. *ὑποπίπτοντες*, *Succidentes*; qui intra ecclesiam post suggestum stabant, & orantes procidebant. Illi ante eucharistiam exhibant cum Catechumenis. 4. *συνεσῶτες*, *Consistentes*; qui orantes quidem in ecclesia stabant, sed ad eucharistiam non admittebantur. Basilii Magni canon. 58. ὁ μοιχεύσας πεντεκαίδεκαετίαν. πῶσαρχ μὲν ἐστὶν προκλαίων, πέντε δὲ ἀκροώμενος, πῶσαρχ ὑποπίπλων, καὶ ἐνὶ συνεσῶς, ἡγοῦν τοῖς πρῶτοις συνευχόμενος, τῶν ἀγιασμάτων δὲ μήπω ἀξιόμην, εἰ μὴ μετὰ τῶτο.

**PŒNITENTIA.** Usurpatur de Deo & hominibus. In Deo pœnitentia non est affectus, sed mutatio effectus: quia nempe ipsi displicet suam beneficentiam erga perversos continuare, aut suas pœnas in convertos extendere amplius. *Gen.* 6. v. 6. 7. *Ier.* 26. v. 13. 19. In hominibus pœnitentia est legalis vel evangelica, initialis vel consequens &c. Vide nostras definitiones theologicas.

**POLYANDRIUM.** Tria significat. 1. locum, ubi multi sunt viri. 2. locum, ubi multi sunt sepulti. 3. locum, ubi congregabuntur in fine seculi omnes homines. Postrema ista significatio est apud Lactant. de opific. Dei, c. 11. *Tunc fient terramotus, & scindent se montes, & subsident in latitudine valles profunda, & conge-*

*rentur in ea corpora mortuorum, & vocabitur nomen ejus πολιάνδριον.*

**POLYMITARIUS.** Est, qui varii coloris filis opus variegat. *Exod.* 35. 36. 37. 38. in vulgata vers.

**POLYSTAURIUM.** Erat vestis Patriarchalis, cui multæ cruces erant intertextæ. Dicebatur etiam *φανόλιον*.

**PONTIFEX.** Numa Pompilius constituit magnum sacerdotem hoc nomine, cum Tiberis impetu magno delatus antiquissimum pontem invaderet. Hic votis placatoriis ad fluvium factis, ne pontem dirumperet, fluvio persuasit, ut pontem quietè toleraret. Ita *Suidas*. Pontifex itaque ethnicis primitus dictus est sacerdos ille, qui pontem liberavit. Deinde quilibet sacerdos dictus est Pontifex. Manavit hoc nomen ad Christianos Latinos: qui pontificem vocarunt quemlibet pastorem ecclesiæ, & κατ' ἐξοχήν pastorem ecclesiæ Romanæ; qui etiam differentiarum causa dicitur Pontifex Maximus.

**POTESTAS.** Ea Scholasticis est triplex. 1. summa, seu autoritatis; quæ est solius Dei. 2. Media, seu excellentiæ; quæ est Christi *θεανθρώπου*. 3. Infima, seu ministerii, qualis est hominum. Deinde potestas *Rom.* 13. 1. significat magistratum. Denique angeli appellantur potestates *Coloss.* 1. 16.

**PRÆCEPTUM.** Sumitur latè pro quavis sententia, qua aliquid præcipitur: vel strictè, & ita præcepta, ceremoniarum & judicia distinctè dicuntur *Deut.* 5. 31. ubi *ἡγομα*, *ἐντολαί*, sunt leges morales, quarum ratio est clara & evidens in ipsa litera. *ἡγομα* δὲ *δικαιώματα*, sunt ceremoniarum, quæ rationem habent secre-

Cc tam:

ta m: *οὐκ ἔστιν, ἀλλὰ*, sunt leges iudiciales.

**PRÆDAMNO.** Significat antè damnationem mente concipio, antequam fiat. Est autem prædamnatio alia iusta, ut est illa in Deo ab æterno: alia iniusta, de qua Tertull. in apol. *Ignoram scilicet, ignotum & authorem, vox sola prædamnat, quia nominantur, non quia revincuntur.* Quod attinet ad prædamnationem diviniam, illa est præparatio pœnæ, & à Scholasticis appellatur *reprobatio affirmativa & activa*, quæ est alter actus reprobationis, ante omnes quidem res, sed non causas in rebus aut à rebus exituras præcogitatas & consideratas. Est enim respectivus peccati, tanquam antecedentis necessarii. Quia ut Deus iustè hominem propter peccatum in tempore damnat: ita & illum ab æterno propter peccatum prædamnavit. Primus actus reprobationis dicitur præteritio, seu non-electio, Scholasticis *reprobatio negativa & passiva*, ante omnes res, & causas in rebus aut à rebus exituras. Ejus enim causa extra Dei voluntatem nulla est. *Matth. II. 13.*

**PRÆDESTINATIO.** Hujus vocis notio in Scripturis est specialis. Significat enim præordinationem seu electionem ad gratiam & gloriam æternam. *Rom. 8. 30.* Et hoc sensu ex Patribus & Scholasticis prædestinatio definitur præparatio gratiæ ad gloriam, seu præparatio gratiæ & gloriæ. Sed in scholis theologicis attenditur latior significatio hujus vocis, ita quidem, ut prædestinatio ponatur genus electionis & reprobationis. Cujus latitudinis ratio adfertur triplex. Nam primò prædestino, & vocis vim spectes, nihil est aliud quàm ante destino, constituo, ordino: & proinde prædestinatio æ-

terna est destinatio ad quæcunq; statum, sive beatum ex gratia, sive miserum ex justitia. Deinde veteres doctores eodem modo usurpant hanc vocem. *Augustinus tom. 9. tract. 48. in Iohannem ait: Quomodo dixit istis. Non estis ex ovibus meis? Quia videbat eos ad sempiternum interitum prædestinatos, non ad vitam æternam sui sanguinis pretio comparatos. Et tractatu 110. Pro eo mundo Christus non rogat, de quo scriptum est, Ne cum mundo damnemur: neq; enim quòd prædestinatus sit, ignorat. Et paulò post: Ipsi sunt mundus damnationi prædestinatus. Fulgentius lib. 1. ad Monimum: approbat & explicat sententiã Augustini, quæ ad interitum quosdam prædestinatos affirmat. Idem ibidem: Non ergo prædestinati sunt mali ad hoc, quòd malè operantur, à concupiscentia sua abstracti & illecti, sed ad hoc, quòd iustè patiuntur inviti. Prædestinationis enim nomine non aliqua voluntatis humanæ coactitia necessitas exprimitur, sed misericors & iusta futuri operis divini sempiterna dispositio prædicatur. *Concilium Valentin. sub Lothario cap. 3. Cõfitemur prædestinationem electorum ad vitam, & prædestinationem impiorum ad mortem. Ad extremũ res ipsa habetur in Scripturis. Legimus enim ibi nõ tantum electos esse prædestinatos ut conformentur imagini Filii Dei Rom. 8. v. 29. sed etiã reprobos esse πρὸς ἐξουσίαν τοῦ Θεοῦ ἵνα κατασκευάσῃ αὐτοῖς ἔργα ὧν ἐπιταγέταις αὐτοῖς. Iude vers. 4.**

**PRÆMIUM.** Scholastici præmiũ beatorum duplex ponunt: 1. *substantialẽ*; quod est animæ beatitudo, consistens in clara visione & perfecta securitate de visionis illius & fruitionis perpetuatione, & gaudio quod habent in Deo. 2. *Accidentalẽ*; quod consistit in gaudio, quate-



nus habent de bono creato vel de liberatione ab aliquo malo. *Iidem* dicunt primum quoddam auream, quoddam aureolam, quoddam quod nec est aurea nec aureola. *Aurea* est primum substantiale: *aureola* est gaudium seu gradus gaudii de operibus à se factis, rationem habentibus excellentis victoriæ, per quod apparebit exterius in corpore quidam decore: *primum quod nec est aurea, nec aureola*, est gradus quidam gloriæ.

**PRAEPUTIUM.** Est 1. carnis. *Gen.* 17. v. 11. 14. 23. 2. cordis. *Deut.* 10. 6. *Ier.* 4. 4. 3. arborum. *Lev.* 19. 23. 4. ipse præputiatus. *Ro.* 2. v. 26. 27. 5. status & conditio præputiati post Christi manifestationem *Gal.* 5. 6. c. 6. 15.

**PRAESCIENTIA.** Est 1. præstitutum Dei. *Act.* 2. 23. 1. *Petr.* 1. 2. 2. adventus. Ita 2. *Petr.* 1. 16. in vulg. vers. præscientia Christi ponitur pro adventu ejus. Puto legendum esse *præsentia*.

**PRAESCITI,** *προεγνωσμένοι*. Aliàs hac voce significant communiter electi & reprobi: aliàs specialiter electi: aliàs denique itidem specialiter reprobi. Secundæ significationis exemplum est apud *Iustinum Martyrem* apologia 2. *pro Christianis*, ubi ait, Deum rati sper Christum in cœlis detenturum, dum hostiliter adversantes ei demones percutiat, & eorum numerus, qui boni atque probati esse ab eo præcogniti sunt, expleatur. *Similiter in dialogo cum Tryphone Iudeo* ait, electos, ut crederet, præcognitos fuisse. *Ambrosius lib. 1. de vocatione gentium cap. 3.* ait: In electis & præscitis atque ab omnium generalitate discretis, specialis quædam censet universitas. *Item*: Plebs ergo præscita, plebs non repulsa, ii sunt, qui in Christo justificati sunt. *Augustinus tom. 7. de bono perseverantia li. 2. c. 18.* Unde aliquando eadem prædestinatio significatur etiam no-

mine præscientiæ, sicut ait apostolus, Non repulsi Deus plebem suam quam præscivit. Hoc quoque ait, præscivit, non rectè intelligit, nisi prædestinavit: quod circumstantia ipsius locutionis ostendit. Loquebatur enim de reliquiis Judæorum, quæ salvæ factæ sunt, perennatib. cæteris. Tertiæ significationis exempla occurrunt apud Scholasticos, qui præscitos & prædestinatos opponunt, ita ut illi sint damnandi seu reprobi, hi servandi seu electi. Superest prima significatio, quæ in libellis theologicis passim occurrit. Nam præscientia Dei sic est comparata, ut illam præsciat futura, i. e. evidenter ea cognoscat. Itaque Deus omnia præscit: quia ipse scit, quid facere, quid permittere, quid impedire velit. Ceterum etsi omnia Deus præscit: tamen frequentius electi in Scripturis dicuntur præsciti. *Rom.* 8. v. 29. c. 9. v. 2. 1. *Petr.* 1. v. 20. Quibus in locis vox *προγνωσκis* eleganter vertitur *prædecretum*, seu *ante-decretum*.

**PRAESCRIBO.** Inter alia significat normam proponere imitandam: sicut præceptor discipulo dat *εποταμιον*. Ita hæretici habent suas præscriptiones, Deinde præscriptio est certa exceptio. Ita Tertullianus edidit præscriptiones, i. e. exceptiones, contra hæreticos.

**PRAESENTIA.** Est *συνωρισμένη ἀδίαστατος*, *indistans ab aliquo*, seu existentia rei cum re. Ita locatum à loco non distat, neque cognitum à cognoscente, neque notificatum à notificante, neque creditum à credente. Porro dicitur aliquid præsens esse. 1. *τοπικώς*, localiter, respectu loci. 2. *σημαντικώς*, *significativè*, quatenus repræsentat. 3. *αἰνληπτικώς*, *perceptivè*, quatenus percipit. 4. *εργητικώς*, *operativè*, quatenus operatur. Rursus præsentia est major vel minor, mediata vel immediata, naturalis vel supernaturalis,

essentialis vel accidentalis, realis vel intentionalis, substantialis vel passionalis, quod pertinet præsentiæ sacramentalis. Ad extremum tres sunt modi præsentiæ Dei: γενικός, *generalis*, quomodo Deus omnibus rebus est præsens: ειδικός, *specialis*, quomodo Deus est præsens ecclesiæ suæ: ειδικώτατος, *specialissimus*, quo pacto personæ SS. Trinitatis sibi invicem sunt præsentes, & λόγος præsens est carni assumptæ.

**PRÆSTABILIS.** Primò est idem quod excellens, præstans: deinde, qui facile præstat, hoc est, remittit *Joel. 2. v. 13.* Hugo: *Benignus* (.Deus.) *attrahendo, misericors dulciter suscipiendo, patiens expectando, multa misericordia omnia remittendo, & præstabilis super malitia, minimè puniendo: vel præstabilis, quia semper præsto est veniam postulanti.* Hi sunt quinque digiti in manu Dei attrahentes. In Concordant. Lat. vulg. vers. sic adnotatur: *Præstabilis, quem pœnitet. Joel. 2. 13.*

**PRÆSUMO.** Est 1. antè sumo, præ-occupo, priùs sumo: ut in vulg. vers. 1. *Cor. II. 21.* Si cœnam præsumit. 2. mente judico, suspicor, animo sumo rem cognitam; præsumo cogitatione. Sic dicimus præsumere spe. 3. nimium mihi sumo, audax & impudens sum. Hinc & præsumtio variè dicitur. Est enim 1. propriè dicta, qua quis ante sumit, seu præcipit rem aliquam. 2. impropriè dicta: & hæc est culpabilis, videl. superbia, qua quis nimium sentit de suis viribus aut operibus, aut impunitate: vel laudabilis, quæ nempe est modesta secundum veritatem. Distinguitur etiam in temerariam, verisimilem seu probabilem, & violentam.

**PRÆTER.** Hæc vocula latius pater,

quàm *contra*, juxta illud *Bernhardi lib. 2. de consideratione ad Eugenium*: *Contra salutem propriam cogitet nihil. Minus dixi, contra: præter dixisse debueram.* Ita *Chrysostomus in Gal. 1.* ad illa verba *Pauli*: *Etiamsi ego aut angelus de cælo evangelizaverit vobis præter id quod accepistis, anathema sit: sic annotat: Neq; dixit, Si contraria annuntiaverint, aut totum evangelium subverterint: verum si vel paulum evangelizaverint præter evangelium, quod accepistis, etiamsi quidvis labefactarint, anathema sit.*

**PRAVICORDIUS.** *Prævis corde.* Occurrit in vulg. vers. *Eccles. 3. 38.*

**PRECATIO.** Est civilis, vel religiosa. Precatio civilis, sive socialis, est, cum in communi hominum societate unus aliquid ab altero precatur. Religiosa est, quæ soli Deo debetur. Est quæ vel communis SS. Trinitati, vel propria Christi mediatoris, quæ dicitur αἰτίωμαι θεανδρικών, quo Christus θεανδρῶν in unitate personæ invocatur.

**PRANDIUM.** Patres nonnulli cœnam Domini appellant prandium. *Zeno Veronensis serm. ad neophytos.* Hortor vos nativitatistantæ festa læto celebrare convivio; cœlesti prandio, honesto, salubri, atque perpetuo. In veteri tragœdia, *Christus patiens*, eodem versu, & prandium nominatur & cœna. Sic enim ait poëta, sive is fuit Apollinæis, sive Gregorius Nazianzenus: Μύσαις ἀεὶ σὺν παρθεῖς δειπνον μέγα, *Mystrum prandium apponens, cœnam magnam.*

**PRETIUM.** In Scriptura usurpatur de sanguine Christi: *Pretio emti estis.* Patres corpus Christi vocant *sacrum pretii nostri*, in quo Dominus portavit pretiū redemptionis nostræ: *August. in Ps. 22. Ecce Christus*

*ſus paſſus eſt: ecce mercator oſtendit mercem: ecce pretium, quod dedit: ſanguis ejus fuſus eſt: in ſac-  
co ferebat pretium noſtrum: percuffus eſt lancea:  
foſſus eſt ſaccus: & manavit pretium orbis terra-  
rum. Idem cōfeſſ. c. 14. euchariftiam vocat  
ſacramentum pretii.* *Am. 4. 1. 2.*  
mus religio am memoria ſacrificii Chri-  
ſti, quod eſt pretium redemptionis noſtre.

**PRETII NOSTRI SACRAMENTUM.**  
Sic Auguſt. Cōfeſſ. c. 14. vocat euchar-  
iſtiam; quia eſt memoria ſacrificii illius, in  
quo ſolo poſita eſt noſtra ſalus, & pre-  
tium noſtrum.

**PRESBYTER.** Proprie eſt ſenior: dein-  
de honorabilis perſona: tum eccleſiæ pa-  
ſtor, *Act. 14. 23. & 15. 2. 1. Timoth. 5. v. 17.*  
*19. Tit. 1. 5. 1ac. 5. 14.* & ſpecialiter paſtor,  
qui eſt gradu inferior, quàm epicoſopus:  
denique Chriſtianus excellens, qui in pa-  
ſtorum collegium cooptatur diſciplinæ  
juvande cauſa. In hiſtoria eccleſiæ penul-  
tima ſignificatio eſt uſitatiffima. *Clem. A-*  
*lexandr. Strom. 6. κατὰ τὴν ἐκκλησίαν πρε-*  
*σβυτέρων, πρεσβυτέρων, Διγλόνων.*  
Et 7. τὴν μὲν βελτιωτικὴν οἱ πρεσβύτεροι  
σώζουσιν εἰκόνα, τὴν ὑπορετικὴν δὲ Διγλόν-  
νοι. H. er. ad Evagr. *Alexandria à Marco Ev-*  
*angelifta preſbyteri ſemper unum ex ſe electum in*  
*excelliori gradu collocatum epicoſopum nomina-*  
*bant.* Tamen etiam permutabantur illa  
nomina, ut epicoſopi pro preſbyteris, &  
preſbyteri pro epicoſopis dicerentur. Ita  
Johannes 3. ep. ſe vocat πρεσβύτερον. Sic  
Hieron. in cap. 1. Tit. ait: Idem ergo eſt preſ-  
byter, qui epicoſopus. Ibidē ſcribit, à ſuperbia  
profectum eſſe, ut decretum fuerit in to-  
to orbe, ut unus de preſbyteris electus ſuperpo-  
neretur ceteris. Addit: non ſuam, ſed ſcri-  
pturarū eſſe ſententiam, epicoſopum & preſ-  
byterum eſſe unū nomen officiū. Quid hīc ama-  
bo ſtatuumdum? Reſp. Nomina iſta pri-

mò quidem fuere communia, ut Chry-  
ſoſtomus, Theodoretus, & Oecumenius  
docent: ſed ſucceſſu temporis gradu di-  
gnitatis diſtingui cœperunt epicoſopus &  
preſbyter: tandem etiam acceſſit gradus  
iuriſdictionis, invaleſcente καὶ ἀρχιεπισκοπῇ  
in eccleſia.

**BRESBYTERIUM.** Eſt 1. officium & di-  
gnitas preſbyterorum, quæ etiam dicitur  
preſbyteratus. 2. cœtus ſeu collegiū preſ-  
byterorum. 3. locus, ubi congregari ſo-  
lent preſbyteri.

**PRIAPUS.** Eſt horrenda ſtatua idolo-  
latrica, terriculum. *1. Reg. 15. 13. 2. Chron. 15.*  
*16.* Sic quidem vulgatus interpres. Priori  
loco vox Hebr. ſignificat horrorem, hor-  
rendum idolum: poſteriori intelligitur  
Aſtarte, quæ fuit & Juno, & Venus, &  
Luna, ut monet Joſephus Scaliger.

**PRIMATUS.** Primatus eccleſiaſticus  
eſt functionis, vel ordinis, vel temporis,  
vel ætatis, vel præſtantiæ donorum, vel  
dignitatis, honoris & poteſtatis. *Primatus*  
*functionis* eſt apoſtolarus. Nam Apoſtoli  
gradu ſuperiores erant aliis miniſtris ec-  
cleſiæ. Hunc primatum omnes Apoſtoli  
ex æquo habuerunt. *Primatus ordinis* eſt,  
quo quis primus eſt in ordine collegarū.  
Hunc Petro tribuunt Patres. *Primatus*  
*temporis* eſt, quo quis tempore prior eſt a-  
liis. Sic Petrus prius ad apoſtolatū vo-  
catus eſt quàm Johannes, Paulus &c. *Pri-*  
*matuſ ætatis* eſt, quo quis ætate aliis ante-  
cedit. Hunc primatum etiam Petrus vi-  
detur habuiſſe. *Primatus præſtantiæ donorum*  
eſt, cū quis eminere inter alios ob dona  
ſibi collata. Sic agnoſcit Paulus τὸς ὑπὲρ  
ἀλλων ἀποſτόλους. *Primatus dignitatis, honoris,*  
*& poteſtatis* eſt, cū quis alio eſt dignior,  
& ideo honoratur præ illo, & plus po-  
teſt. Intellige dignitatē & honorem toto



genere diversum. Hujusmodi primatum Petrus præ aliis Apostolis non habuit: ut patet ex sequentibus. *Cyprianus martyr libro de unitate ecclesie, sect. 3. ait*: Hoc erant utique & cæteri Apostoli, quod fuit Petrus, pari consortio præditi & honoris & potestatis. *Ibidem*: Christus Apostolis omnibus post resurrectionem suam parem potestatem tribuit. *Idem epist. 71. ad Quintum*: Petrus, quem primum Dominus elegit, & super quem ecclesiam suam ædificavit, à Paulo reprehensus, non vendicavit sibi aliquid insolenter, aut arroganter assumpsit, ut diceret, se primatum tenere, & obtemperari à novellis & posteris sibi potius oportere. *Chrysostomus super Act. 1.* Jam & illud considera, quam Petrus egerit omnia ex communi discipulorum sententiâ, nihil autoritate sua, nihil cum imperio. *Idem in Gal. 2. de Paulo* ait: Jamque se cæteris honore parem ostendit, nec se reliquis illis, sed ipsi summo (τῷ κεφαλῇ) comparat, declarans quòd horum unusquisque parem fortitus sit dignitatem. *Ambrosius libro de incarnationis Dominica sacramento, cap. 5.* Petrus ubi audivit, vos autem quid me dicitis? statim loci non immemor sui primatum egerit: primatum confessionis utique, non honoris: primatum fidei, non ordinis. *Ordinem hic vocat superioritatem, seu gradum, quo alius sublimior extiterit. Idē super Gal. 2.* Paulus accepit à Deo, ut dignus esset habere primatum in prædicatione gentium, sicut & habebat Petrus in prædicatione circumcissionis. *Ibidem*: Paulus Petrum solum nominat, & sibi comparat, quia primatum ipse accepit ad fundandam ecclesiam: se quoque pari modo electum, ut primatum habeat in fundandis gentium ecclesiis. *Gregorius Magnus libro 4. in 1. Reg. cap. ult.*

dicat, Paulum esse effectum caput nationum. Ex his, & similibus locis Patrum, patet, Petro tribui primatum sive prærogativam ordinis, donorum, ætatis, fervoris sive zeli &c. non verò dominationis, jurisdictionis, potestatis, honoris, dignitatis: nisi forte honoris & dignitatis vocabula restringas ad dona majora & plura. Sed videamus titulos, qui Petro passim tribuuntur, & illos accommodemus ad ea, quæ paulò ante ex Patribus recitata sunt. *Eusebius eccles. historia li. 2. c. 14.* Petrum his titulis ornat: τὸν καὶ πρῶτον καὶ μέγαν τῶν ἀποστόλων, τὸν ἀρετῆς ἕνεκα τῶν λοιπῶν ἀπάντων προσήγορον, fortem illum, & magnum inter Apostolos, qui virtutis ergo ante reliquos omnes loqui solitus. Etiam apud *Chrysostomum homil. 3. in Acta* tale quid legitur: εὐκότως πάντες ἐχόμεν διὰ τὴν ἀρετὴν τοῦ ἀνδρός, Merito hac ita fiebant. propter excellentem viri (Petri.) virtutē. *Idem super Matt. 16.* sic scribit: Τί οὖν τὸ σῶμα τῶν ἀποστόλων ὁ Πέτρος; ὁ πάντα χεὺς θερμὸς, ὁ τοῦ χοροῦ, τῶν ἀποστόλων κεφαλὴ &c. Quid igitur Petrus os illud Apostolorum? Is, ut calidus ubique, chori Apostolorum coryphaeus &c. Hic tria elogia tribuuntur Petro. In primo, quòd dicitur fuisse os Apostolorum, virtutis præstantioris specimen inesse quidam existimant, & rectè. Secundum elogium passim tribuitur Petro apud *Chrysostomum*. Oportet autem per θερμότητα, id est, calorem, intelligere zelum Petri, ut constat ex illo *Hieronymi super Matth. 15.* In omnibus locis ardentissime fidei invenitur Petrus. Ita *Cyrillus in Iohannem lib. 12. ca. 64.* ait, Præveniebat alios Petrus. Ardore namque Christi præcipuo fervens, & ad faciendum, & ad respondendum paratissimus erat. In tertio elogio specimē est hono-

honoris, quem coapostoli habuerunt Petrus: at non dominationis, neque monarchiæ. Nimirum quo sensu Demosthenes Dionysio Halicarnasseo dicitur dux & coryphæus chori Orationū, & Appius Claudius eidem appellatur *κερυφαίον* τῶν δεκαρχίας, id est, *præcipuus dux decemviri*: eodem sensu Petrus Chrysostomo dicitur *κερυφαίον* τῶν χορῶν τῶν ἀποστόλων, & Epiphanio in Ancyroto pag. 484. ὁ *κερυφαίον* τῶν ἀποστόλων q. d. coryphæorum supremum, seu maxime præcipuū. Adeo autem appellatione hâc coryphæi, vel etiam *κερυφαίον*, nullum peculiare jus dominationis, aut honoris toto genere sejuncti, attribuitur, ut in eodē collegio possint esse plures *κερυφαίον*, ut in collegio Apostolorum Petrus, Johannes & Jacobus, qui & præstiterunt reliquis, & nominantur ante reliquos. Porro Petrus à Græcis Patribus appellatur ἡγεῖς, ἀρχηγός, κεφαλὴ, πρωτοστάτης, πρεσβύτερος, πρῶτος τῶν ἀποστόλων, id est, *prætor, dux, caput, antistes, præses, prælocutor* Apostolorum. Quæ quidem omnia sunt vocabula ordinis, non dominationis. Quâ de re eleganter & verè Cyrillus in Iohannem libr. 4. cap. 38. Petrum qui præerat, omnes respondent: sanctam profectò sanctisque congruentem disciplinam optimè conservantes, & posterioribus prudentiæ atque modestiæ laudabilia præbentes exempla. Decet enim non omnes confusè, nec profusientes impudenter, quasi raptâ uti ratione: sed cedere iis, qui & consilio & ordine præpositi sunt. Propterea Paulus quoque ait, Prophetæ duo aut tres vicissim loquentur. Opus igitur erat divinitus comprobatae prudentiæ, soli responsionem cōmittere illi, qui ordine major erat. En pulchrè de-

scriptum primatum Petri: quem & tot locis Augustinus ait, fuisse primū ordine. Huc quoque pertinet, quod Barlaam ait in libello de principatu papa: Apostoli, quod ad ecclesiam attinet, ἰσοπῆμοι πάντες ἐν ἑνὶ γένει, i. e. honore pares erant: sed in sacro illo choro duodecim virorum B. Petrus ἐξήρχετο, i. e. erat coryphæus: hanc habēs prærogativam, quod præsentibus cæteris ipse docendi initium faciebat: ac fortasse etiam πρωτοκαθεδρία, honos primo loco sedendi, illi deferebatur. Sic itaque in potestatis æqualitate fuit aliqua inter Apostolos honoris diversitas. Id enim loca illa Scripturæ sine dubio innuunt, in quibus vel nominatur primus inter Apostolos Petrus, ut Matth. 10. v. 2. Marc. 3. v. 16. Act. 1. v. 13. & alibi: vel seorsim à reliquis nominatur, ut Marc. 1. v. 36. Et prosecutus est eum Simon, & qui cum eo erant. Sic Luc. 8. v. 45. Act. 11. v. 14. & 37. Hæc est honoris prærogativa, de quâ Casianus lib. 3. de incarnatione Domini: Primum decuit respondere (Petrum.) ut idem esset ordo responsionis, qui erat honoris: & ipse antecederet confessione, qui antecedebat ætate. Honoris prærogativa non est dominatio, neque imperium monarchicum. At, inquis, Patres non solum attribuunt Petro πρῶτον, honorem, inter collegas, item κυριαρχίαν & πρεσβειαν, curam & præfidentiam, similesque titulos: sed etiam regnum, ut quando Ambrosius ait lib. 4. de fide, Christū dedisse Petro regnum. At, inquam ego, ibi est sermo de regno cælorum, seu de jure clavium, quod omnium Apostolorum fuit cōmune. Hinc Chrysostomus eleganter ait, omnes Apostolos communē ἀρχὴν πνευματικὴν, principatum, vel dignitatem spiritualem, à Christo accepisse. Rursus, inquis, Petrū usurpasse aliquā auctoritatem

tem inter Apostolos. Resp. Autoritas illa Chrysostomo dicitur παρρησία, *libertas, aut fiducia loquendi, eaque generosa: seu pia quædam audacia faciendi aliquid eximiū præ cæteris.* Verba Chrysostomi sic habent super Matth. 17. Πέτρος ὁ πανταχοῦ θεμιτός, καὶ παρρησίας γεμῶν, μάλλον δὲ ἀγαπῆς ἢ παρρησίας: *Petrus in omnibus calidus, plenus libertatis, vel charitatis potius quam libertatis.* Hic Chrysostomus, quasi corrigens se, tribuit charitati, quod antea tribuerat τῇ παρρησίᾳ. Nulla hic est monarchia, aut dominatio. Quæ de re idem Chrysostomus super Act. 1. vers. 25. sic ait: Ὁ εὖ δὲ αὐτὸν μετὰ ἡγίων πάντων ποιῶντα γνώμενος οὐδὲν αὐθεντικῶς, οὐδὲ δεσποτικῶς: *Observe autem ipsum (Petrum.) omnia facere de communi sententia Apostolorum: nihil quasi haberet auctoritatem, aut principatum.* αὐθεντικῶς est, quod in Scholis dicitur authoritativè. Vox primatus occurrit Coloss. 1. 18. 3. Iob. 9.

PRIMICERIUS. Est quisquis in ordine suo primus. Ita Augustinus serm. 21. Stephanum vocat *primicerium martyrum: & Badricus Dolens-Archiepisc. in historia Hierusalem Petrum appellat primicerium Apostolorum.*

PRIMITIVUS ACHAÏÆ IN CHRISTO. Sic Rom. 16. 5. dicitur, qui primus in Asia Christo nomen dedit, ad fidem ejus conversus.

PRIMITIÆ. Sunt 1. naturales. 2. legales. Exod. 23. 19. 3. Spirituales. Et ita 1. Christus dicitur primitiæ dormientium seu mortuorum. 1. Corint. 15. vers. 20. 23. 2. credentes dicuntur primitiæ. 1. Corint. 16. 15. 2. Thess. 2. 13. Apoc. 14. 4. 3. dona Dei dicuntur primitiæ spiritus. Rom. 8. 23.

PRIMOGENITUS. Propriè est qui de matre primus natus est. Deinde ponitur

pro præcipuo & eccellente: item pro charissimo. Jus primogeniti in V. T. erat dupla portio hæreditatis. v. g. si tres essent filii, hæreditas in quatuor partes dividebatur, quarum duæ primogenito cedebant. Deut. 21. 17. Deinde ad primogenitum transferebat sacerdotiū & regnū patris 2. Par. 5. v. 1. 2. Christ⁹ dicitur *primogenitus omnis creatura* Col. 1. 15 i. e. princeps & dñs omnium creaturarū, seu hæres primarius omnium creaturarū. Heb. 1. 2. Et eodē sensu dicitur principium opificii Dei Apoc. 3. 14. Idem dicitur *primogenitus ex mortuis* Coloss. 1. 18. id est, princeps eorum qui ex mortuis unquam resurrexerunt, aut resurgent. Nemo enim ad tantam resurrexit dignitatem, ad quantam Christus. In Concor. Lat. dicitur, Christum appellari primogenitum ratione temporis, quod sit ante tempora, & ratione dignitatis.

PRIMOGENITUS MORTIS. Est angelus morti præpositus. Iob. 18. 13. ut est in Targum. Alii explicant cruentissimam mortem. Et sic in vulg. vers. est, *Mors primogenita.*

PRIMOGENITI PAUPERUM. Sic Esai. 14. 30. dicuntur homines pauperrimi, alios paupertate præcedentes.

PRIMUS. Est 1. æternus Esa. 41. 4. & 44. 6. & 48. 12. Apoc. 1. 17. & 22. 13. 2. primus ratione numeri, temporis, & ordinis. Genes. 8. 5. 3. præstantissimus Cant. 4. 14. Ezechiel. 27. 22. 4. primarius. 1. Samuel 22. 9. 2. Reg. 25. 18. 5. qui in principiis populi est constitutus. 1. Reg. 21. 9. Iob. 29. 25.

PRIMI TEMPORIS. Ita dicuntur in vulg. vers. 1. fructus præcoces Ierem. 24. 2. 2. robustiores Gen. 30. 42.

PRIMUM. Interdum est idem quod optimum: ut frumentum primum Ezech. 27. 17. Interdum etiam idem quod purgatissi-



gatissimum. *Proverb.* 3. 14. *Thren.* 4. 2.

**PRINCEPS.** Est qui quoquo etiam modo, autoritate, munere, nomine, supra alios eminet. Ita Christus dicitur princeps: & Satan, princeps hujus mundi: & magistratus, princeps populi, vel absolutè princeps.

**PRINCIPALITAS.** Hæc vox occurrit apud *Tertullianum* libro de præscriptionibus: Principalitas, inquit, veritati, posteritas mendacitati deputanda. Idenim est Dominicum, & verum, quod prius est traditum: id autem extraneum & falsum, quod est posterius immissum. His verbis *Tertullianus* commendat veram antiquitatem, de quâ accipe illud Christi *Matth.* 19. v. 8. A principio non fuit ita: & istud Pauli *I. Corinth.* 11. vers. 23. Ego enim à Domino accepi, quod & tradidi vobis: & *I. Iohan.* 1. v. 1. Quod erat à principio: denique illud *Iudæ* v. 3. Necesse habui vobis scribere, ad vos hortandos, ut decertetis pro fide, quæ semel tradita est sanctis, ἐπὶ τῶν ἐξουσιῶν τῇ ἀπαξ ὡς ἀδοθεῖσιν ἡμεῖς τοῖς ἀγίοις. Hinc liquet, illam demum esse fidei regulam verâ, quæ à principio fuit, quæ à Domino est accepta, quæ semel fuit tradita. Hoc & *Tertullianus* volebat, cùm in libro de velandis virginibus scribebat. Veritati nemo præscribere potest, non spatium temporum, non patrocinia personarum, non privilegia regionum. Hoc & *Cyprianus* volebat, cū in epistola ad *Caciliū*, errantes in religione, ad radicem atque originem traditionis Dominicæ, omnibus novellis & humanis traditionibus valere iussis, jubebat reverti. Ideo *Tertullianus* ait, de rebus fidei aliunde suadere neminem posse, nisi ex literis fidei: & *Cyrillus Hierosolymitanus* in *Catechesi* ait, οὐδὲ τὸ τοῦ χυδν, id est, ne minimum quidē,

quod ad fidem pertineat, aliunde peti debere, nisi ex Scripturis: & *Basilius* libro de fide ait, fidei everfionem esse, ἢ ἀθετεῖν ἢ τῶν γεγραμμένων, ἢ ἐπιθετεῖν τῶν μὴ γεγραμμένων, aut prætermittere aliquid quod sit scriptum, aut aliquid non scriptum inducere: denique *Chrysostomus* alii que Græci Patres subinde admonent, Nihil hodiè post semel à Christo traditam fidei regulam, posse quemquam παγεῖσθαι, novi aliquid inducere, sine peccato. Idcirco *Gregorius Nazianzenus* in epicedio *Athanasii* orthodoxam fidem ἐγγράφον εὐσέβειαν nominabat, id est, pietatem scripturis comprehensam: hæresin verò *Arianam*, ἀρεῶν καινοτομίαν, id est, novitatem extra Scripturas inductam. Et hæc omnia verissimè quidem illi. Nam ut est apud *Tertullianum* de præscriptionibus: Nobis nihil ex nostro arbitrio inducere licet: sed nec eligere, quod aliquis de suo arbitrio elegerit. Apostolos Domini habemus authores, qui nec ipsi quidquam ex suo arbitrio; quod inducerent, elegerunt: sed acceptam à Christo disciplinam fideliter nationibus assignaverunt.

**PRINCIPIUM.** Est 1. æternitatis, & existentiae universalis. Ita Christus est principium *Coloss.* 1. 18. *Apoc.* 1. 8. & 3. 14. & 22. 13. 2. originis & excellentiae *Prov.* 1. 7. 3. conditionis. *Gen.* 10. 10. *Iob.* 42. 12. 4. loci & situs. *Genes.* 33. 2. *Ios.* 13. 30. *Iob.* 28. 1. 5. temporis. *Genes.* 1. 1. 6. magnitudinis. *Iob.* 40. 14.

**PROBLEMA.** Occurrit in vulg. vers. *Iud.* 14. v. 12. 13. 15. 16. 19.

**PROBO.** Probat homo, & quidem vel res alias, ut aurum *Psal.* 12. vel actiones, ut bona vel mala opera *I. Thessal.* 1. 5. 21. vel personas *I. Timoth.* 3. 10. Probat & Deus *Psal.* 17. 3. & 26. 2. & 66. 10. Probat, in-

Ddd quam

quam, nos, non ut discat, sed ut ostendar, quales sumus.

PRO ARCHIVIS ESSE. Ἀρχεῖον, & inferto digammā Aeolico Ἀρχεῖον, est curia magistratuum, ubi asservantur documenta & instrumenta publica. Hinc *pro archivis* esse significat aliquem aut aliquid eo loco habere, quo merentur res asservatæ in archivis. Quam in sententiam Ignatius epistolā ad Philadelphenses ait: Ἐποὶ ἀρχεῖον ἐστὶν Ἰησοῦς ὁ Χριστός, οὗ καὶ ἀρχεῖον καὶ δὴλ' ὁ δλεθεῖς, id est, Mihi pro archivis est Jesus Christus, quem nolle audire manifesta est perniciēs. Hinc Prophetæ & Apostoli dicuntur actuarii Dei, & ecclesiæ tabellio: quia videl. occupantur circa archiva Dei, ut illa constituent, amplificent, & semel constituta & amplificata fideliter conservent.

PROBATICA PORTA. Aliter porta gregis. Erat Hierosolymis proxima templo. In toto muri Hierosolymitani ambitu novem portæ leguntur: *Gregis, Vallis, Fontis, Davidis* (. quæ & piscium. ) *Vetus, Equorum* (. quæ & Ephraimi. ) *Anguli* (. quæ & Benjaminis. ) *Aquarum, Rudertum*, quæ & Sterquilinii. Ex his portis in omnes terræ Israelis partes exitus patebat hâc ratione: Ex Gregis, Vallis, ac Fontis, in totam Australem regionem usque ad desertum Sinai. Ex portâ Piscium in Emmauta, Bethlehē, Joppen, & in omnem Palæstinam, ad magnum usque mare. Ex portâ veteri ad Tyrum & Sidonem. Ex portâ Equorum ad Dan, Emath, & Damascus. Ex porta Benjamin in silvas tribus Benjaminitidis. Ex porta Aquarum & Sterquilinii in montem Olivarum, Jordanem, mare salis, & omnes tractus Orientis.

PROLOGUS GALEATUS. Ita Hiero-

nymus appellat præfationem, quam sacris Bibliis præposuit: quod in eo discernens libros canonicos ab apocryphis, velut commune & galeatum præsidium id velleret esse, ad tuendam omnium divinorum voluminum auctoritatem, seu, quod eo, tanquam galeâ, illos regeret. De hoc prologo ita scribit Thomas de Vio Cajetanus, Cardinalis sancti Xysti, & Papa adversus Lutherum legatus ad Carolum V. Imperatorem, præfatione in Iosuum: Divo Hieronymo, Pater beatissime (. alloquitur Clementem VII. ) universa ecclesia Latina plurimum debet, non solum ob annotatas ab eo in libros veteris & novi Testamenti particulas tum adjectitias, tum ambiguas: sed etiam propter discretos ab eodem canonicos a non-canonicis.

PROMEREOR. Hæc vox in vulg. vers. Hebr. 13. 16. passivè usurpatur: Talibus hostiis promeretur Deus. In Græco est, ἐπαρῆσθαι, id est, delectatur. Inepta itaque est versio vulgata.

PROPASSIO. Est perturbatio, cum aliquod πῦρ in nobis primum exurgit, ante accommodatum assensum. Hieron. in S. Matth. ait: Inter πῦρ & πρὸς πῦρ, id est, inter passionem & propassionem hoc interest, quod passio reputatur in vitium, propassio licet vitii culpam habeat, tamen non tenetur in crimine. Sed rectius πρὸς πῦρ est affectus ita motus, ut in æquilibrio retentus non declinet ad pravitatem. Et huiusmodi propassio fuit etiam in Christo. Deinde πρὸς πῦρ significat passionem Christi, quæ antecesserunt magnam ipsius passionem.

PROPHETA. Hæc vox usurpatur de homine nudo, & de Christo mediatore. Exemplum utriusque huius significationis est Deuter. 18. 17. Prophetam ex medio tuo,

ex fratribus tuis, qualis ego sum, suscitabit tibi Dominus Deus tuus: Et illi obedietis. Ad quæ verba R. Moles Gerundensis eleganter ita annotat: Versus hic incipit primum à Nun, & definit in Nun: per quod indicatur, quod propheta huic omnes quinquaginta porta intelligentia & cognitionis nota sunt futura. Idem decem vocabulus constat, per quod indicatur, prophetæ illius verbis eandem obedientiam deberi, quæ decem præceptis. Et quod Moles ibidem de eo dicit *וזהו כמותי* qualis ego sum: dicit vocem hanc Arithmetice tantundem valere, quantum *וזהו* id est, humilis, mansuetus. Unde patet, quanta cura & diligentia verus ille Israel mysterium Messie in Canone perquisiverit. Porro modus, quo Deus se patefecit prophetis, ponitur Numer. 12. 6. visio, scilicet in ecstasi, & somnium, & ore ad os. *Isidorus libr. 7. cap. 8.* recenset septem genera prophetiæ: puta ecstasim Actorum 10. 10. visionem Esaia 6. 1. somnium Genes. 37. per nubem Genes. 16. 10. vox de cælo Genes. 22. vers. 11. 12. accepta parabola, sicut apud Salomonem in Proverbiis. Septimum genus est repletio Spiritus sancti. Et hæc tenus quidem proprie accipitur vox propheta. Aliàs etiam significat eum, qui docet ex immediato Dei dono, sive voce, sive scripto; sive spiritu & gratia tantum sit propheta, sive etiam officio & missione. In Concord. Latin. ita est legere. Prophetarum triplex genus. 1. Eorum, qui in ecclesiæ gubernatione extra ordinem suscitati, de communibus ejus necessitatibus Deum è renata consulebant, & de futuris respondebant. Ideo Videntes sæpe dicuntur. 2. Alterum genus eos complectitur, qui celsantibus sacerdotibus extraordinariè à Deo immittebantur. 3. Tertium genus est prophetarum N. T. qui doctrinæ divi-

næ explicandæ & applicandæ dono insigniuntur. Horum omnium caput & princeps est Christus.

PROPHETIA. Duobus modis hæc vox accipitur in Scripturis. Et prius. id quidem est prophetia extraordinaria, quæ est donum Dei ac veluti Regale ecclesiæ, quod datur peculiaribus personis, ut populum Dei vel hostes ipsius rerum futurarum prædictione instruant. Deinde est prophetia ordinaria, h. e. sedula & accurata verbi Dei meditatio atq; interpretatio ecclesiæ perpetua.

PROPOSITIONIS MENSÆ. Hodie Græci in celebratione Eucharistiæ duas mensas adhibent: unam vocant *οὐρανίου*, q. d. mensam propositionis; in qua ponuntur panis & vinum ante consecrationem: deinde transferuntur, quæ fuerunt ibi appositæ, in alteram mensam, ubi fit consecratio. Eam mensam vocant altare, & *αγίου θυσιασίου*, sacrum suggestum. Quid? Vetuse ecclesiæ mensam Domini appellavit *θυσιαστήριον*, & altare: unde appellatio ista, *Sacramentum altaris*.

PROPOSITIO. In vulg. vers. est 1. anigma. *Iud. 14. 14. Dan. 8. 23.* 2. thema. 1. Reg. 18. 24. 3. documentum, quod sub exemplis latet. *Psal. 78. 2.*

PROPOSITUM. Est vel hominis *Ast. 11. 23. 6. 27. 13.* vel Dei. *Rom. 4. 5. c. 8. 28. c. 9. 11. Eph. 1. 7. 5. 11. 2. Tim. 1. 9. 9.*

PROSELYTUS. Est advena. Specialiter est, qui ex paganismo ad Judaismum accedebat. Nā populus Dei dividebatur in Israelitas cives natos & factos. Erant a. duplices proselyti: videl. alii circūcisi & totā legem amplexi, & hi appellabāt *גר* i. e. proselyti iustitiæ, seu veritatis, & *גר* i. e. proselyti fœderis: alii incircūcisi, qui appellabantur *גר* h. e. pselyti portæ, q. intra portas, inter Judæos sc. habitabāt.



**Deut. 14. 21.** Profelyta est fœmina, quæ ex gentilibus ad Judaismum accessit: ut Hagar, uxor Josephi & Moſis &c.

**PROSEUCHA.** Propriè est precatio. Deinde est locus orationis. Sic Judæi habebant suas proseuchas Romæ, Alexandriæ, & in aliis urbibus. Latine dicemus *Oratoria*. Porro quia Judæi erant propensissimi ad dandum eleemosynam, mendici catervatim accedebant ad ista loca; & quod domicilia non haberent, ea interdum occupabant. Hinc, quia & Judæi & mendici omnibus invisi erant, proseuches nomen in contemtum abiit.

**PROSTIBULUM.** In vulg. vers. est 1. scortum. *Levit. 21. 7. Deut. 23. 18. 2. lupanar. Ezech. 16. v. 24. 39. Joel. 3. 3.*

**Προσέλευμα.** Est dies sabbatum antecedens. *Marc. 15. 42.*

**PROPUGNACULUM.** Est 1. corporale *Iud. 9. 51. 2. mysticum & spirituale. Cant. 4. 4. & 8. 9. Esa. 54. 12.*

**PROSCRIPTUS.** In vulg. vers. est idem quod depictus, *Vorgemahlet. Gal. 3. 1.*

**PROSPEROR.** Est 1. prosperè ago. *1. Chron. 22. 11. 2. Chron. 7. 11. cap. 18. 11. Psalm. 1. 3. & 37. 7. 2. benedictione peculiari prosequor. Et ira de Deo dicitur Psalm. 118. 25. O Domine, bene prosperare. Cæterum vetus interpres Prospero neutro passivè convertit.*

**PROSA.** In re ecclesiastica *Prosa* est canticum divinas laudes continens stylo profocarmineo, ut loquuntur: ita nempe, ut non habeatur ratio quantitatis syllabarum, sed assimilis definentiæ, vel parvis numeri syllabarum. Alii appellant sequentiam. Exemplum esto illud Petri Abelardi:

*Mittit ad virginem,*

*Non quemvis angelum,  
Sed fortitudinem  
Suam, archangelum,  
Amator hominis.*

*Fortem expedit  
Pro nobis nuntium,  
Naturæ faciat  
Ut præjudicium  
In partu virginis.*

*Naturam superet  
Natus rex gloria,  
Regnet & imperet,  
Et zyma scoria  
Tollat de medio.*

*Superbientium  
Terat fastigia:  
Colla sublimium  
Calcet vi propria,  
Potens in prælio &c.*

**PROTOAPOSTOLARIUS.** Erat primarius inter doctores ecclesiæ Orientalis, qui populo Apostolorum scripta exponerent.

**PROTOMARTYR.** Primus martyr. Sic Abel in V. T. Stephanus in N. fuit protomartyr.

**PROTOPLASTUS.** Est primum fictus seu formatus *Sap. 10. v. 1. & 7. 1.* At *Protoplastes* est, qui primò fingit. Sic Adam est homo protoplastus: Deus est protoplastes.

**PROTOSYNCELLUS.** Πρωτοσύγκελλος. Est primus inter synecellos. Scribitur etiam *Protopsingelus*.

**PROTELOR.** In vulg. vers. est prolongor. *Deut. 5. 33.*

**PROTESTOR.** Est 1. contestor. *2. Chronica. 24. 19. 2. testor, palam, & asseveranter loquor. Ioh. 13. 21. 3. testificor. Act. 20. 23. Protestationis vox occurrit 2. Maccab. 7. vers. 6.*

**PROVI-**

**PROVIDENTIA DEI.** *Atheodoretus* nominatur *θενοισ*: & scripsit ille decem libros *πρὸς θενοισ*. Eodem vocabulo etiam profani auctores providentiam Dei appellarunt: ut de Stoicis testatur *Cicero lib. 2. de nat. deorum*. In sacris autem literis illud vocabulum de providentia Dei non reperitur: sed ibi vocatur illa *πρόνοια*: ut videre est *Act. 2. v. 23*. Reperitur autem de providentia humana, *Act. 24. v. 3*. ubi *Tertullus* providentiam præfidis *Claudii Lysiae* laudat. Cæterum Stoici, nullo addito, *θενοισαν*, aut *providentiam*, dicentes, Dei providentiam intelligebant. Hinc apud *Senecam* titulus libri de *providentia*. Hinc *Cicero 2. de nat. deor. Ut, si quis dicat, Atheniensium temp. consilio regi, desit illud, Areopagi: sic cum dicimus, providentiâ mundum administrari, deesse arbitror, deorū* Porro providentia Dei sumitur 1. in genere, pro decreto. 2. in specie, pro decreto, quod opponitur prædestinationi. 3. pro executione decreti, quæ solet in scholis dici providentia actualis.

**PROTURBOR.** Est commoveor. *Mich. 7. 17.*

**PROVERBIUM.** Est 1. adagium, tritum in ore populi dictum. *Gen. 10. 9. Num. 21. 17. 2. Petr. 2. 21.* 2. dictærum, quod sarcasticè in aliquem effertur. *Deut. 28. 37. 1. Reg. 9. 7. Ezech. 14. 8.* 3. institutio. *Prov. 22. 6.* 4. Similitudo. *Ioh. 10. 6. & 16. v. 25. 29.*

**PROXIMUS.** Ex usu Scripturæ est quivis homo cuivis homini. Nam jure creationis omnes sumus consanguinei: quippe ἐξ ἐνὸς αἵματος.

**PSALTERIUM.** Est 1. instrumentum ψαλτῆ, quo psalter canit. 2. cantio ipsa, & nominatim canticum εἰσόδιον. 3. liber psalmorum Davidis. De instru-

mento quæritur, quale fuerit, *Chrysostomus* in protheoriis ad psalmos ita describit: ψαλτήριον τῶν ἐν ταῖς μὲν ἡν, πλὴν ὀρθιον, καὶ ἀνωθεν εἶχε τῶν φθόγγων τὰς ἀφορμὰς, i. e. Psalterium instrumentorum unum est quæ fidibus tenduntur, sed erectum, cuius sonus altrinsecus è superiore parte redditur. Habet autem decem verticilla & totidem chordas. Hieronymus in modum Διτερæ compositum fuisse ait. Augustinus scribit, psalterium habuisse in superiore parte sonorum lignum, quasi tympanum, cui nervorum series incumbat. Hinc quidam statuunt Psalterium esse nostram Harpam. *Hadrianus Junius* existimat esse ipsum nablium, seu, ut *Chrysostomus* in Psalmodum librum adnotat, ναῦλα ψαλμοκίνητον λύραν: unde illud,

— τῷ πνεύματι  
τὰ θεῶν πόσα καὶ βέλη τένας  
Ὁ Δαβὶδ, ψαλμοκίνητω λύρα.

**PSEUDOCRISTUS.** Est qui Christum sacrilegè mentitur. *Matth. 24. 24. Marc. 13. 22.* Sic pseudoapostolus. *2. Cor. 11. 13.* & pseudopropheta *Zach. 13. 2. Matt. 24. 11. Apoc. 16. 13.* dicuntur, qui se gerunt pro apostolis & prophetis, cum nihil sint minùs quàm apostoli & prophetæ.

**PSEUDEPIGRAPHUS.** Hoc nomine appellantur illi libri apocryphi, qui falsum auctoris titulum præ se ferunt. e.g. liber Sapientiæ appellatur *Sapientia Salomonis*, ita ut sit genitivus efficientis: cum tamen non à Salomone, sed à Philone cōpositus sit iste liber. Quamquam *Melito Sardenis ecclesiæ* antistes Proverbia Salomonis etiam appellat *Sapientiam Salomonis*. Porro non solum multi libri apocryphi seu ecclesiastici

Ddd 3      sunt

sunt *Ψευδωνυμοι* sive *Ψευδωνυμοι*; sed etiam multa scripta Patrum. Quod etiam in scriptis profanis locum habet.

**PSEUDOPROPHETA.** Est i. falsus dictus propheta. 2. falsus doctor. Nimirum i. ut propheta, sic & pseudopropheta dicitur strictè vellatè.

**PTISANA.** Triticum contusum, 2. *Sam. 17. 19. Prov. 27. 22.*

**PTOLEMENSIS.** In vulg. vers. occurrit 1. *Maccab. 12. 48. & 13. 25.* pro Ptolemaidensis.

**PUBERTAS.** Hæc canonicè in maribus incipit an. 14. in fœminis 12. Occurrit hæc vox *Ruth. 1. 13. Prov. 2. 17. Ezech. 23. 7. 3. 21. Joel. 1. 8. Malach. 2. 14.*

**PUBLICANUS.** Apud Romanos honestus erat publicanorum ordo. Sed Judæis erant valde invidi ob exactiones graves. Hinc apud illos proverbium: *Ne contingat tibi uxor & familia, in qua aliquis sit publicanus, quia omnes sunt publicani, i. e. scelerati.*

**PUBLICOR.** Est in sterquilinum redigor, *Esd. 6. 11. Dan. 2. 5.*

**PUDENDA.** Eleganti metaphorâ sic vocantur peccata, quibus aliquis est dectus, *Apc. 16. 15. Ecce, venio ut fur, Beatus, qui vigilat & custodit vestimenta sua, ne nudus ambulet, & videantur pudenda ipsius.* Hebræi vocant *פדע*, & hac voce indicant illud animi vitium, in quod aliquis per corruptæ naturæ inclinationem præcipuè propendet, v. g. sexus fœminei *פדע* est superbia & lascivia; theologorum *פדע* est ambitio, avaritia, invidia, *αλυσαν μωσων*: Hæc ergo summo studio regenda sunt. Sicut enim pudenda in humano corpore sunt infirmissima, ad quæ propterea vitiosa corporis illuvies, quando per morbum proritat, facillimè deferuntur: ita sunt peculiaritæ quædam vitia, ad

quæ hic vel ille naturali quadam inclinatione propendet, & per quæ conversatio ejus diaboli insidias præcipuè obnoxia est. Hæc itaque vestimenta strictu, hoc est, diligenti virtutis studio, coercenda sunt, ne luci, exponantur. Hujusmodi pudenda observare licet in iis, qui hodiè evangelici appellantur. Illi siquidem adeo contendendi inter sese libidine vexantur, ut qui non pugnat, non tumultuatur, pro fidei vix habeatur. Hæc talia certamina non aliunde oriuntur, quàm ex fermento, quod illi secum ex spirituali Egypto contra disertum Dei interdictionem abstulerunt. Hoc fermentum effervescendo ebullit: hæc Papatus fæces ejusmodi flatus pariunt: nec calor donorum spiritualium tam fortis est, ut eos digerere aut consumere possit. Contra hanc *פדע* teneatur parabola illa Christi *Matth. 24. 25. &c.* ubi inter alia sic legimus: *Si verd dixerit servus ille nequam in corde suo: Dissert Dominus meus adventum, coeperitq; verberare confervos, quinetiam comessari eum ebrjis (h. e. cum illis turbarum & bellorum insanis concitatoribus.) veniet Dominus ejus eo die, quando is omnium minimè expectat.*

**PULCHRITUDO PULCHERRIMA.** Est Deus, & nominatim Filius Dei. *Psal. 45.* Hic enim est summa pulchritudo, eaque absoluta, perfecta, indeterminata, immensa, pulchrorum omnium origo, regula, & mensura; eum quo quidquid convenit, visendum, pulchrum, & decorum est; quidquid discrepat, fœdum, turpe, & inquinatum. Est enim in aspectabilis Dei, qui lumen est, & in quo nullæ sunt tenebræ, imago, & splendor: quo major nec dici, nec cogitari potest. Est sol justitiæ *Malach. 1. & ut canit Videt*



*Principium de principio, de fonte oriens sol.*

Quod etiam pertinet illud :

*Nate Deo ipse Deus, verum de lumine lu-*  
*men,*

*Lux de luce micans* — — —

Et istud Paulini :

*Christus erit cunctis regnum, lux, vita, co-*  
*rona.*

Item, illud Prudentii :

*Christus nostra salus : hinc vivimus, hinc ani-*  
*mamur.*

PUNIO. Clem. Alex. 4. Strom. Punio non juvat eum, qui peccavit, ad hoc ut non fecerit, sed ad hoc, ut non peccet amplius, neque ullus alius incidat in similia. Hic ergo bonus Deus castigat propter has tres causas : primum quidem, ut is, qui castigatur, seipso melior evadat : deinde, ut ii qui possunt salvi fieri per exempla, præparentur admoniti : & tertio, ne is, qui injuria afficitur, contentui habeatur, & aptus sit ad injuriam accipiendam.

PYGMÆUS. In Concordant. Lat. vulg. vers. ita legere est : Pygmæus, Gam-madæus, robustus, & lacertosus, Græci Medum interpretantur. Ezech. 27. 11.

QUADRAGESIMA. Sicut apud Græcos vox Pentecoste & quinquagesimum à Paschate diem, & spatium 50. dierum, significat : ita Quadragesima & Dominicam primam, à qua incipit jejunium, peculiariter, ut ordiens tempus 40. dierum ; & totum jejunii tempus, significat. Græci quadragesimam vocant Σάββατος, Latini carnisprivium. Origo est à quadraginta diebus, quibus Christus jejunavit in deserto. De eo variè arguantur Scholastici & Patres. Catholicon : Sicut filii Israel morati sunt in deserto per 42. mansiones, cibati mannâ : sic & nos ab hac Dominica usque ad Pascha per

40. dies à deliciis vitæ abstinemus. Gregorius homil. 1. in Quadragesima considerat, quod hoc numero solvantur decimæ totius anni ; subtractis scil. sex diebus, ut xxxvi. dies remaneant.

QUINISEXTUS, seu QUINISENUS. Concilium sextum œcumenicum, putà Constantinopolitanum III, appellatur πένδεξτος *quinisextum* : quia assumpsit quosdam canones Concilii œcumenici V. Dicitur etiam Trullanum à loco sacri Palatii, quod appellabatur *Trullus*.

QUOMODO. Est triplex *Quomodo* : videl. curiositatis, incredulitatis, & infirmitatis. Itaque non omnis, qui quærit *Quomodo*, facit ex incredulitate, aut dubitatione, aut malitioso affectu vel contradicendi studio : cum verè fideles eadem interrogatione sint usi. v. g. Maria Luc. 1. Unde Ambrosius commentario in Luc. lib. 2. ad cap. 1. de verbis Maria, *Quomodo* fiet istud : ita scribit : Videtur hîc non credidisse Maria, nisi diligenter advertas. Neque enim fas est, ut electa ad generandum unigenitum Dei Filium, fuisse videatur incredula. Et paulò post : Etenim cum dixit, *Quomodo* fiet istud, non de effectu dubitavit, sed qualitatē ipsius quæsit effectus. Bernhardus in assumptione B. Mariae, serm. 4. *Quomodo*, inquit, fiet istud ? Neque enim eo modo quo fieri solet in cæteris. Atque hæc dicta sunt pro innocenti *Quomodo*, ut vulgo loquuntur.

RABBI. Est magister, Matth. 8. 19. Hæc vox, & similes, Rab, Ribbi, Rabban, paulò antè Christum natum inter Judæos ortæ sunt. Ex iis Rabban est titulus omnium præstantissimus, magnatem potius ac principem, quàm doctorem notans. Arabes usurpant pro Jehova.

R A K A.

**R A K A.** Est Syriaca vox, significans vanum, inanem, nequam. Hebr. רָקִי est vacuus. Hinc רָקִי nequam, vanus, inutilis. Errant igitur, qui vocem Græcam faciunt, *ράκι* Ⓞ, i. e. quasi pannosus, pauper. Augustinus libr. 1. de serm. Domini ait, se ab Hebræo quodam accepisse, *Raca* esse interjectionem irascentis.

**R A D O.** Usurpatur in vulg. vers. de Deo iudicia sua exequente per homines. *Esā. 7. 20.*

*Ράκη.* Chrysostomus homil. 85. in Johan. & ejus epitomator Theophylactus docent, moris fuisse in Palæstina, δύο *ράκη*, ἦτοι δύο πανία συμβάλλειν, καὶ ὑφαίνειν ἱμάτια, ἀντὶ *ράφης* χρώμενοι τῷ συνυφασμῷ, duos pannos committere, & texere vestimenta, pro futura utentes contextura. Sic Johannes docet, tunicam Christi fuisse à summo textam, & inconsutilem : adeoque ostendit diversam fuisse à communibus tunicis, quæ aut *ράπται*, *confutæ*, erant, aut *συμφορηται*, *fibulis commissa seu conjuncta*.

**R A N A.** Hebræis dicitur רָנָה : quæ vocem volunt esse compositam ex רָנָה *agilis fuit, manè surrexit* : & רָנָה *scientia, cognitio, opinio* : quod rana sit animal valde argutum, matutini temporis gnarum. Atque hæc inter alia causa est, quod sophistæ ultimi temporis vocantur *ranæ Apoc. 16.* videl. propter subtilitatem, qua multos irretiunt : ut nihil dicam de ortu ipsorum ex stagno antichristi, de molesta coaxatione, de amphibii indole politico-ecclesiastica, denique de lutulentis ipsorum animis : quæ omnia nobis insinuat hieroglyphicum *ranæ*, luridi istius animalis & amphibii. Verisimile autem est, Johannem d. l. respicere ad ranas Ægyptiacas *Exod. 7. 28. 29.* ad quem locū Rabbini adnotant ex vetusta traditione, ranas

istas tanta diritate Pharaonis & aulicorum ejus domos appetiisse, ut nec strictos custodum militumq; enses, nec mortem à satellitibus intentatam reformidarent. Quod sanè ranis apocalypticis egregiè competit. Tanta enim vi, tanto zelo, tanta impudentia magnatum domos invadunt, ut nihil ipsos prohibere possit. Merito itaque exclamet aliquis : Spiritus hosce tori æcumenicæ, & in primis ordini aulico & politico id futuros, quod *ranæ Mosaicæ* fuerunt Ægypto, & in primis Pharaoni, ejusq; aulicis.

**R A T I O.** Sæpe opponitur fidei : ut cum dicimus, *Qua ratio non potest solvere, fides debet irridere*, scil. in iis, quæ ex Dei auctoritate credimus. Hic enim debemus captivare rationem 2. *Cor. 10. 5.* Itaq; hic locus non faver illis, qui ut hominum erroribus assentiantur in religionis negotio, dicunt se captivare rationem.

**RATIO SUPERIOR & INFERIOR.** Illa Scholasticis dicitur, quæ inhæret rebus æternis : hæc ad tēporalia se demittit.

**RATIO THEORETICA & PRACTICA.** Illa solum apprehendit res : hæc & apprehendit & causa est.

**RATIONABILIS.** Ut plurimum est ratione factus : aliquando etiam rationem habens. Occurrit in vulg. vers. *Iob. 32. 3.* & *Rom. 12. 1.* Ibi est *responsio rationabilis* : hic *obsequium rationabile*, λογική λατρεία, i. e. cultus rationalis, h. e. spiritualis, nō consistens amplius in brutarum pecudum oblatione, ut olim in V. T. Lyranus *τὸ rationabile interpretatur discretum*, quando caro sic maceratur, quò natura servetur & vitia excludantur. Mel us Haymo : *Rationabilis cultus est, ut Deo, qui est Spiritus, mens hominis offeratur, mortificata à vitiis.* Sic Hermes in Pœmandro c. 1. ait : Ἀγὼ  
εἰς ὁ πᾶ-

εἰ δὲ πάσης ὑπεροχῆς μέζων, ἅγιος εἰ δὲ κρείσσων τῶν ἐπαίνων, δέξαι λογικὰς θυζίας αἰγίας ἀπὸ ψυχῆς καὶ καρδίας πρὸς διέσπαστα ταυρίας. Chrysostomus homil. II. in 6. Hebr. eleganter locum apostoli sic explicat: Τί δὲ ἐστὶ λογικὴ λατρεία τὰ Ἀβρ. ψυχῆς, τὰ Ἀβρ. πνεύματι. Et paulò post: οἱ αὐτοὶ ἀπείκειαν, σωφροσύνην, ἐλεημοσύνην, ἀνεξικακίαν &c.

**RATIONALE.** Erat una ex vestibus summi sacerdotis. Exo. 25. & 28. In Hebr. est **יָשָׁן** & **וְשָׂן** **יָשָׁן** i. e. rationale iudicis, seu pectorale juris. LXX. vertunt **λογεῖον**, **λόγιον**, & **λογεῖον** τῆς κρίσεως. Appellatur **יָשָׁן** quod crassum esset pectorale: utpote duplicatum, ne facillè laceraretur. Appellatur **pectorale**, quia ob pectus gerebatur. at pectorale **iudicii** seu **juris**, quia eo induebatur summus sacerdos, ut de iure seu rebus agendis responderet Israëlitis. Erat enim quoddam rituale **ὄργανον** συμβουλευτικόν πρὸς τῶν πρακτικῶν, si quando de re gravi, de qua ex communibus rationibus concludi non posset, incideret dubitatio. Ideo Græci vocarunt **λογεῖον**, seu (quod rectiùs.) **λόγιον**, **oraculum**, quod per illud cognoscerent λόγον divini responsi. Quia verò λόγος est quoq; ratio, eam significationem secuti Latini, **Rationale** verterunt; quasi legerint **λογικόν**: ut ita dictum putarint, quod instrueret λόγον, **rationem**, eorum, qui de rebus obscuris Deum per sacerdotem interrogabant.

**REATUS.** Est status & conditio illius, qui est reus. Duplex aurem est reatus, culpæ & pœnæ. Hinc Catholicon: *Quia obligatio quodammodo media est inter culpam & pœnam, ex eo, quod propter culpam aliquis obligatur ad pœnam: ideo nomen medii transsumitur ad extrema, ut interdum ipsa culpa vel pœna reatus dicatur.*

**RECONCILIARE.** In N. T. frequens est καταλλάττειν, quod propriè est commutare, alium facere: deinde conciliare, reconciliare, seu facere, ut quis ex alienato fiat gratosus. Locus præcipuus de nobis i reconciliatione est 2. Cor. 5. v. 18. & seq. Ubi diligenter notandum est reconciliationem illam considerari activè & passivè. Nam primò apostolus docet, *Deum sibi reconciliasse mundam in Christo*: & tandem subiungit, *Reconciliamini Deo*, i. e. date operam, ut per fidem apprehēdatis hanc reconciliationem.

**REDIMERE.** Propriè est pretio exposito iterum acquirere: deinde quolibet modo acquirere: tum, acquisitum tollere à venditore: denique, tollere & auferre. Postrema hæc significatio locum habet in vulg. vers. Dan. 4. 24. *Peccata tua elemosynis redime*, h. e. averte pœnā, omissione peccati, & substitutione bonorum operum in illius locum. Erat in Chald. est **כָּדַם** abrumpe.

**REGENERATIO.** Latè significat totum illum statum, quo efficiamur filii Dei: atque ita regeneratio complectitur vocationem, justificationē, sanctificationem, & glorificationem. Strictè ponitur pro sanctificatione: item pro glorificatione Matt. 19. 28. in quo loco verba illa *in regeneratione* possunt referri vel ad ἀπολυσθῆσαντες, vel ad καθίσταθαι. Nam discipuli Christum secuti erant in regeneratione, id est, tempore prædicationis evangelii, per quam perficitur regeneratio. Et ipsi sedebunt in duodecim thronis in regeneratione, id est, in die novissimo, quo cum omnibus electis plenè regenerabuntur. Bernh. in declamat. super illa verba Matt. 19. ait: *in regeneratione corporum sedebit in sede maiestatis, qui pro animarum regeneratione*



*fletu in ignominioso supplicio crucis.* Hujus loci est distinctio, quod regeneratio sit vel in spem vivam, vel in rem vivam. Illa est inchoata, hæc consummata: illa pertinet ad statum viæ, ista ad statum patriæ.

**REGNUM DEI.** Est vel quod Deus habet, vel dat habendum. Illud est potentia, gratia, vel gloria: hoc est vel dominium mundanum, quod Deus alicui assignat *Dan. 4. 17.* vel vita æterna, eaque vel consummata *Matth. 6. 32.* vel inchoata *Rom. 14. 17.* De regno potentia vide *Dan. 4. 35.* de regno gratia *Matth. 5. 19.* de regno gloria *Apoc. 21.*

**RELIGIOSITAS.** Occurrit hæc vox *Sirach. 1. v. 17. 18.* & significat diligentiam in colenda vera religione, de qua *Isidorus lib. 8. c. 1.* Tria sunt, qua in religionis cultu ad Deum colendum in hominibus requiruntur, id est, fides spes, & charitas. Scholasticis duo sunt interni actus religionis, devotio & oratio: externi sex, adoratio, sacrificium, votum, juramentum, adjuratio, laus. Sed satis insipide.

**RELIQUIÆ HODIERNÆ.** Illæ maxima ex parte aut incertæ sunt fidei, aut palam supposititiæ & falsæ. Quod facile agnoscunt, qui gravitatem religionis Christianæ ex vera antiquitate habet cognitam.

**REMITTERE PECCATA.** Solus Deus remittit peccata per potestatem, si ve authoritative, id est, illa habet pro non commissis, seu ea non imputat ad condemnationem: pastores remittant peccata ministerialiter, nuntiative, seu interpretative, hoc est, remissionem peccatorum resipiscentibus à Deo petunt & annuntiant, ut ministri & legati Dei. Hac de re *Ambrosius lib. 2. de Cain & Abel*

6. 4. sic ait: Verbum Dei dimittit peccata: sacerdos est iudex. Sacerdos quidem suum officium exhibet: at nullius potestatis jura exercet. *Idem libro 3. de Spiritu S. c. 19.* Nunc videamus utrum peccata donet Spiritus sanctus. Sed hinc dubitari non potest, cum ipse Dominus dixerit, Accipite Spiritum sanctum: quorum remiseritis peccata, remissa erunt. Ecce quia per Spiritum sanctum peccata donantur. Homines autem in remissionem peccatorum ministerium suum exhibent, non jus alicujus potestatis exercent. Neque enim in suo, sed in Patris, & Filii, & Spiritus sancti nomine peccata dimittuntur. Isti rogant, divinitas donat. Humanum est obsequium, sed munificentia supernæ est potestatis. Sic *Augustinus tom. 7. lib. 2. contra epistolam Parmeniani, cap. 11.* Cum vero interpositum est, Hoc cum dixisset, insufflavit, & ait illis, Accipite Spiritum sanctum: & deinde illatum, per eos vel remissionem, vel retentionem fieri peccatorum: satis ostenditur, non ipsos id agere, sed per eos utique Spiritum sanctum. *Cyrillus Alexandrinus lib. 12. in Ioban. cap. 56.* Certè solius veri Dei est, ut possit à peccatis homines solvere. Et paulò post: Quia igitur ratione divinæ naturæ dignitatem ac potestatem discipulis suis. Salvator largitus est? Quia certè absurdum non est, peccata remitti posse ab illis, qui Spiritum sanctum in seipsis habeant. Nam cum ipsi remittunt aut detinent, Spiritus qui habitat in eis, per eos remittit & detinet.

**REPROBUS.** Dicitur 1. ratione officii 1. *Cor. 9. 27.* ubi reprobus doctor est, qui rectè docet, sed impiè vivit. Ejusmodi doctor non est probus, utpote sibi

sibi & auditoribus inutilis, & se damnationis reatu obligans. 2. ratione status & personæ. Sic homines, qui non sunt electi in Christo, dicuntur reprobi, i.e. reprobati à Deo.

**REPLICO.** Occurrit in vulg. vers. pro instruere mandatis *Num.* 27. 23. perlegere *Ios.* 2. 35. & loqui 2. *Chr.* 35. 25.

**REQUISITA NATURÆ.** Est verecunda circumlocutio secessus. *Deuter.* 23. 12.

**RESIPISCENTIA.** Respondet Græco *μετάνοια*. *Matth.* 9. 13. & completur fidem & sanctitatem: ita ut resipiscere sit accipere fidem, cum qua cohæret sanctimonia. Alia est ratio *μεταμελείας*. Illa enim, nisi Deus succurrat, est iter ad desperationem.

**REPROMISSOR.** Occurrit in vulg. vers. *Eccles.* 29. v. 21. 22.

**REPROPIOR.** Occurrit in vulg. vers. pro propitior, propitius fio. *Lev.* 19. 22. 2. *Sam.* 21. 14. 1. *Reg.* 8. 38. item pro expio. *Hebr.* 2. 17.

**REQUIES.** Est 1. hominis: estque tum animi, tum corporis. *Levit.* 23. v. 3. 29. 2. Dei, qui cessat ab opere, vel insuper in isto opere acquiescit. *Genes.* 2. 1.

**REQUIESCERE.** Inter alia hoc verbum significat nō exferere vim suam. Sic *Irenæus* dicit, Christum crucifixum & mortuum esse, requiescente Verbo. Porro requiescit 1. Deus *Genes.* 2. 1. 2. Spiritus sanctus *Num.* 11. v. 25. 26. *Esa.* 11. 2. 1. *Petr.* 4. 14. 3. Homo, vel res aliæ creatæ aut arte factæ. *Genes.* 8. vers. 4. 9. c. 18. 4. Requiescit autem Deus, vel desistendo ab opere, vel desistendo ab illo & simul acquiescendo in ipso. Requiescit Spiritus sanctus conferendo dona sua.

Denique requiescit homo, quod sit fessus.

**REQUIETIO.** Occurrit pro requies in vulg. vers. *Levit.* 16. 31. & 23. 32. & 25. vers. 4. 5. 1. *Chr.* 2. v. 52. 54. *Esa.* 66. 1. *Act.* 7. 49.

**RES DEI, & RES SCRIPTURÆ.** Lutherus ait, res quidem Dei obscuras esse, sed res Scripturæ esse perspicuas. Hoc vult, mysteria divina de Trinitate, incarnatione, & similia, itemque judicia Dei nobis esse ignota & inscrutabilia: at quæ DEUS in verbo suo patefecit, ea nobis nequaquam esse inscrutabilia. Vide *Lutherum de servo arbitrio*. Alia etiam distinctione ibidem utitur: Ait enim Scripturarum sive claritatem, sive obscuritatem, vel internam, vel externam esse: internam, ipsius cordis scilicet; externam, in ipsis verbis positam. Si de interna Scripturæ obscuritate, vel perspicuitate loquamur, ait ne unum quidem iō & illo modo in Scripturis perspicuum esse, sine Spiritus sancti interna luce: omnia enim hac ratione & hoc respectu, carni & acumini hominis obscura esse: Sin autem externam Scripturæ claritatem vel obscuritatem intelligamus, ait omnia dogmata isto modo clara esse, & in lucem producta, in verbi ministerio & Spiritus sancti magisterio.

**RESPONSORIA.** Responsoria, inquit *Rabanus*, dicta, quod uno canente Chorus respondeat. *Isidorus* lib. 6. 18. *Antiphona ex Græco interpretatur vox reciproca, duobus scil. choris alternatim psallentibus, ordine commutato, sive de uno ad unum, quod genus psallendi Græci invenisse traduntur. Responsorios Itali tradiderunt, quod alio desinente id alter respondeat. Inter responsorios autem &*

Eee 2 antiphonas

antiphonas hoc differt, quod in responsoriis unus versum dicit, in antiphonis autem, versibus alternant chori.

**RESTIPULOR.** Est vicissim stipulor, nempe ab eo, cui ante à nobis stipulanti aliquid promissimus: vicissim exigo promitti: mutuam sponsonem requiro.

**RESURGO.** Est i. à mortuis resurgo. *Matth. 20. 19. 1. Cor. 15. 2. subisto Psal. 1. 5. 3. erigor, surgo. Ier. 8. 4. Amos. 5. 2. 4. spiritualiter resurgo Coloss. 1. 12.*

**RESURRECTIO.** Est i. carnis, vel spiritus. Carnis: *Matth. 22. 7. 27. 30. Spiritus Coloss. 1. 12. 2. prima, vel secunda. Apoc. 20. 7. 5. 6. Ubi vulgo per resurrectionem primam intelligunt spirituales. Sed ex contextu pater, intelligendam esse resurrectionem martyrum, quæ fiet in πᾶσιν τοῖς αἰῶσιν* C. i. sub initium mille annorum.

**RESURRECTIO CHRISTI.** Metonymicè interdum sic appellatur festum resurrectionis Christi, de quo *Ven. Honorius Fortunatus* ita canit:

*Salve festa dies, tote venerabilis aeo;*

*Quà Deus infernum vicit, & astra tenet.*

*Ecce renascenti testatur gratia mundi,*

*Omnia cum Domino dona redisse suo.*

*Namq; triumphanti post tristia Tartara Christo,*

*Vndique fronde nemus, gramina flore favent:*

*Legibus inferni oppressus super astra meantem*

*Laudant rite Deum lux, solus, arva, fretum.*

*Qui crucifixus erat; Deus ecce per omnia regnat,*

*Damq; creatori cuncta creata precem.*

**Ponò ipse quoque Christus appellatur**

resurrectio *Iohan. 11. 25. i. e. author resurrectionis gloriose.*

**RETRIBUO.** Retribuit Deus, partim beneficia largiendo, partim judicia exercendo *Deut. 32. 7. 35. 41. 43. Psal. 116. 12. Retribuit & homo, & quidem bona, vel mala Psal. 7. 5. & 35. 12. & 38. 31. & 41. 8. Luc. 14. 14.*

**RETRIBUTIO.** Est i. compensatio. *Luc. 14. 12. 2. beneficium. Psal. 103. 2. 3. finis. Psal. 119. 112. 4. vindictio, sive tempus, quo charos nobis à tyrannide hostium liberamus. Esa. 63. 4.*

**RESURRECTIO DEI.** Est dies, quo Deus apparet in iudicium adversus impios. *Sophon. 3. 8.*

**REVELO.** Revelat i. homo. *Levit. 18. 7. 6. 7. 9. 11. 13. 14. 15. 16. 17. 18. 19. 2. Deus; & quidem Pater Matth. 11. 23. Luc. 10. 21. Gal. 1. 16. deinde Filius Matth. 1. 27. Luc. 0. 21. denique Spiritus sanctus. Eph. 3. 5.*

**REVELATIO DIVINA.** Modus, quem Deus in revelatione adhibet, est *ἐν δόξῃ* 70, seu internus, per solam Spiritus S. inspirationem; vel *μεσσοεικός*, seu externus, per organa & adminicula varia. Interdum enim clara voce, interdum somniis, visionibus, symbolis, imaginibus, & similitudinibus adhibitis, interdum per angelos assumpta specie humana, interdum per prophetas Spiritu Christi actos sub veteri testamento locutus est, ac tandem plenissimè per Filium suum in carne manifestatum, qui apostolos legavit *eis ὅλην οἰκουμένην*. Teneatur hîc ista tabella:



Deus se revelat per Verbum	Internum:	Vigiliis:	Enthusiasmum.
		per	Ecstasim.
	in:	Somno:	Theorematicum.
		per som- nium:	Allegoricum.
Externum:	Immediatum:		
	Mediatum:	per	Christum. Angelos. Homines.

**REGULUS.** Iohan. 4. 46. vetus interpres videtur leg. sic βασιλιον, & ideo vertit Regulus. At Graeci codices habent βασιλικος, regius, nempe ex regis ministris. Chrysostomus duplicem interpretationem adfert: vel quia ipse esse πῦρ ῥόου βασιλικού, regis sanguinis: ἡ ἀξιωματικὴ δὲ χηρὴ ἐπὶ τὸν οὐτὼν καλεῖται οὐκ εἶχε, vel quod aliquā praeclatus esset dignitate, qua si vocatur: puta procurator regis, vel cubicularius regis; quod pertineret ad aulam regis sive tetrarchae Galilaeae, qui erat Herodes Antipas. Hoc sensu Hieronymus Palatinum vertit. Atque hoc omnium verissimum putamus.

Ῥητὸν. Sic appellatur propria significatio verborum Scripturae sacrae. Ei oppositur ἡ ἀλγοισία, ut videre est ex usitate regulā, Non est haerendum in ῥητῶ, ubi subiecta materia nos manu veluti ducit ad ἀλγοισίαν. Teneat hic illud elegans Chryf. in I. Cor. II. 9. καὶ πῶς γέγραπται ταῦτα; λέγειται γε γράφεται, καὶ ὅταν μὴ διὰ τῶν ῥημάτων αἰσθάνῃ αὐτῶν τῶν πραγμάτων κείμενα ἢ ὅτι τῶν ἱσχυρῶν. ἢ ὅταν τὸ αὐτὸ μὲν νόημα κείμενον ἢ, μὴ ἐπὶ αὐτῶν δὲ τῶν ῥημάτων: At ubi haec scripta sunt? Dicitur scriptum esse ali-

quid, etiam tum, quando non verbis, sed rebus ipsis expressum fuerit in historiis: aut quando mens quidem expressa est, licet verba non isdem. Sic ἀλγοισία τὸ κείμενον πᾶν πραγμάτων habemus in Scripturis Jesum Nazarenum appellandum esse: videlicet quia Esa. 11. 1. vocatur Ῥῆ. Confer Matth. 2. 23.

**RHYTHMICA POESIS.** Monachi & Scholastici cum viderent rhythmos per universam Europam frequentari & in pretio esse, ut allicerent homines ad studia sacrarum literarum, excogitarunt novam poesin rhythmicam, seu metricam divinæ Scripturae expositionem, eamque distinxerunt in prosa carmineam & carmineam; & hanc iterum dividerunt in rhythmicam & leoninam. Descriptiones & exempla vide apud Sixtum Senensem lib. 3. sanctae bibliothecae, & in nostro compendio philof. titul. poetic.

**RITUALIS ANNUS.** Aliter appellatur annus ecclesiasticus: quia in ritibus ecclesiae observatur. Sic ecclesiae Occidentis ferias suas inchoant à Dominicâ Adventus: ecclesia Syrorum à Kalendis Novembris. Ritibus istius ecclesiae ex W id-

manifestatio recitat Cl. Matth. Martinus in Lexico tit. *Ritualis annus*: ubi bene moneritur Syriacæ ecclesiæ perperam ab ipsis Apostolorum temporibus deduci; cum multa ibi sint partim superstitiosa, partim recentioris & sequioris ævi. Frustra itaque sunt, qui allegant consensum ecclesiæ Romanæ cum Syriacæ, ut astruāt suarum pomparum antiquitatem. Qualis amabo est antiquitas in Rituali Syriaco; *In commemoratione patris Antonij & sanctorum sociorum ejus* Matt. 19. à v. 17. ad 27. Item *Lectio patris Antonij & conservorum ejus* Luc. 18. à vers. 18. ad 31. Item *in commemoratione Antonij & sociorum ejus* 1. Corinth. 9. à vers. 13. ad fin. cap. Basilij & sociorum ejus 2. Corinth. 3. vers. 4. ad fin. cap. &c. Unde apparet, post annum à Christo nato 400. demum illas rituales distinctiones esse obsignatas. Et res ipsa ostendit, jam tum in Syriacas quoque ecclesias irrephisse qualdam corruptelas.

**ROBUSTI.** Hebræis dicuntur עֲצוּמִים, ficut fortes גִּבּוֹרִים. Prior illa vox occurrit Dan. 8. 24. *Prodigiose corrumpendo perdet, prospereque efficiet; perdet autem corrumpendo tam robustos quam populum sanctorum*: hoc est, seculares & spirituales. Hæc verba sunt accipienda de Antiocho & Antichristo, cujus ille typus fuit. Antiochus ab uno latere Judæorum apostatas variis artibus ad se pellexit, ab altero proceres Syriacos aulica sua vaficie decepit. Antichristus Romanus similiter **ROBUSTOS**, id est, reges & principes, præstigiis suis de gradu dejecit: & **POPULUM SANCTORUM**, id est, doctores & episcopos, qui fraudem ejus observare, aliisque indicare debebant, decepit. Vox עֲצוּמִים est à עָצָה, robore præditus fuit. Quod de hujusmodi robore est intelligendum, quod

soliditatis suæ vim in se habet, & citra alterius adminiculum subsistit. Unde nomen עָצָה os, ossis: quod sic dicitur Hebræis: quia solum in corpore sua soliditate subsistit, & reliquas partes sustentat. Rabbini etiam prædicamentum substantiæ עָצָה appellant. Ex qua significatio ne vocem עֲצוּמִים substantiales, essentielles, osses, possumus interpretari: ut intelligantur seculares illi, qui proprio robore subsistunt, sed ita, ut ossium hoc robur Beltiæ usibus eatenus commodent, ut statum simul spiritualement, tanquam succulentam Papatus carnem, sustentent. Apoc. 17. 13. Altera vox apud Danielelem est קִשְׁיָא: quæ hoc loco non simpliciter sanctos, sed sanctificatos significat: quo sensu apud Moserum sacerdotes dicuntur sanctificari, hoc est, initiari, purificari, consecrari. Germanicè dices die geweiheren. Videtur itaque Daniel d. l. bifidam Antichristi familiam notare. Uritur verbo השחית admodum significanter. Ita enim non tam seductio, quàm seductionis effectus indicatur, qui est sensim & pedetentim homines corrumpere, quomodo videmus phthisin sensim & paulatim nocere, & caniciem pedetentim obrepere. Quod notandum est contra illos, qui annum, mensem, & diem defectionis assignari postulant, quo nempe ecclesia defecit à doctrinæ morumque integritate. Perinde illi faciunt, atque si aliquis ex homine cano quærat, quando ipsius canities cœperit. Redeamus ad vocem עֲצוּמִים. Illam Spiritus S. Apocal. 19. 18. vertit ἰαγερός, his verbis: *Adeste aves cæli, & congregemini ad cœnam magnam Dei, ut edatis carnes regum, & carnes tribunorum, & carnes robustorum, & carnes equorum, & eorum qui ipsis insident.* Hæc sunt præcipua

cipua membra, ex quibus bestiae regnum constat, & in quae tandem resolvitur. Quae anatomia bestiae Antichristianae diligenter est observanda.

**ROTA.** Est 1. pars eurus. *Exod.* 14. 25. 2. aënis regio media *Psal.* 77. 19. 3. rota mystica. *Ezech.* 1.

**RUNCINARUM LEVIGATA DEPLANIS.** Sic *Arnobius lib. 6. advers. gentiles* appellat simulacra gentilium. Runcina est dolabra, quâ poliuntur asseres. Respicit autem ad locum prophetæ *Esaiæ* 44. 13. *Artifex lignarius extendit normam & formavit illud in runcinâ: vel, ut alii vertunt, formati ipsum amussu.*

**RUSTICATIO.** Occurrit apud vulg. interpret. *Ecl.* 7. 16. & 27. 7.

**SABA.** Latini confundunt, quæ Hebræi distinguunt. *Psal.* 72. 10. שָׁבָא וּשְׁכֵנָה שֶׁבַח: ubi Scheba notat Æthiopiam illam, cuius reginæ dicebantur Candacæ; Seba Arabiam desertam. Confer *Genes.* 10.

**SABAOTH.** Vox hæc retinetur in Græca & Latina versione Bibl. *Ierem.* 11. 20. *Rom.* 9. 29. *Iac.* 5. 4. Dicitur autem de solo Deo, quod sit *Iehova Sabaoth*, id est, Deus exercituum, cui omnes exercitus creaturarum celestium & terrestrium militant, ut eis tanquam ministris suis uti possit & soleat, bono suorum filiorum, & malo impiorum. Confer *Ioel.* 2. 23. Nimirum Deus est supremus dux, μέγας ἐξέτας, καὶ παντοδύναμος, der rechte General.

**SABBATUM.** Est 1. septimus ille dies, quo Deus quievit ab opere creationis. *Genes.* 2. 3. 2. quilibet septimus dies, quem Deus in lege sanctificare præcepit. *Exod.* 20. 3. ipsa septimana *Levit.* 23. 15. *Amos* 8.

*Luca* 18. 12. 4. festum, quo quiescitur tanquam sabbato. Ita duo sabbata continua esse poterant: ut cum sabbatum ordinarium & solenne Pentecostes continuabantur. 5. dies Dominica, quâ Christus cœpit quiescere ab opere redemptionis. Et *Vertius Valens Antiochenus* quilibet septimanæ diem sive feriam vocat σαββατικὴν ἡμέραν. 6. tempus à cultura terræ feriatum: ut olim septimus annus in Cananæa *Levit.* 25. 4. 7. Sabbatum spirituale sanctum; quies à malis operibus. 8. Sabbatum æternum; requies ab omni miseria. Est igitur sabbatum 1. dierum. 2. mensium. 3. annorum. 4. seculorum seu æternitatis. Cæteri: ùm quare quilibet dies hebdomadis sabbatum dicatur, causa est eadem, cur singulos dies ferias appellemus. *Baronius libro primo, eccles. annal.* ad ann. Christi. 58. ait: Sicut Iudæi paschalem solennitatem septem diebus, comedentes azyma, celebrabant: ita Christi ecclesia placuit totidem dies aliâ ratione post Pascha solenniter agere, eamque ob causam eas ferias dicere; quorum quoniam prima erat ipsa festivitas pascha, qua eam sequitur, secunda, ac deinceps cetera numerarentur eodem ordine. At quoniam, ut dictum est, quolibet die septimo, quem Dominicum appellandum esse maiores censuerunt, eandem Christi resurrectionis memoriam singulis agendam hebdomadis statuerunt: inde factum est etiam, ut, sicut in prima resurrectionis hebdomadâ dies singuli feria nomine; ita sequentibus singulis hebdomadis, quod eadem repetita solennitas videretur, eodẽ quoque modo ceteri hebdomadâ dies etiam feria dicerentur, cum præsertim fideles horrerent eosdem à diis gentium nominare, vel Iudaico more à sabbato, primam, secundam sabbati, & sic deinceps, nomen deducere. Porro veteres Christiani & sabbatum



tum & Dominicam sancta habebant. Hinc Scaliger de emend. temp. li. 7. Quid autem (Æthiopes.) sabbatum æque ac Dominicam ab opere immune habent, id non est argumentum Iudaismi, sed veteris Christianismi. Quot enim canones sunt, qui vetant sabbato opus facere? Canon XXXIII. apud illum Clementem, quisquis fuit ille, lib. 8. ἐργάζεσθωσαν δὲ οἱ δοῦλοι πέντε ἡμέρας· σάββατον δὲ καὶ κυριακὴν ἀργάζεσθωσαν ἐν τῇ ἐκκλησίᾳ. Ἀφ' τὴν διδασκαλίαν τῆς εὐσεβείας, id est, opus faciant autem servi quinque dies. Sabbato verò & die Dominicâ feriantur propter doctrinam divini cultus. Cæterum observatio sabbati incipit à vespere & desinit in vespem. Ut enim in creatione universitatis prima creati mundi facies tenebrosa fuit, cui inde lux allata, arque ita ex tenebrarum & lucis duratione dies constituta, ita & hæc ex divina institutione res habet. Levit. 23. 32. Itaque sabbati sanctificatio legalis in eo est posita, ut integrum *νυχθήμερον* impendamus quieti, hoc est, abstinemus ab omni negotio servili, mechanico, laborioso, quaestioso, quotidiano, arque ordinario.

SABBATUM, SABBATI. Exod. 31. 15. sic legere est שבת שבתון קדש ליה' יי. Cōfer. Levit. 23. 3. Schindlerus vertit sabbatum sabbatuli: & ait, *sabbatum* est à vespera ad vesperam; *sabbatulum* est illud, quod de die profano additur sacro tanquam parvum sabbatum. Alii vertunt *sabbatum* *cessationis*, sive *sabbatum sabbati*, hoc est, sabbatum planè sabbatum, quo prorsus cessabitis. Alii ita vertunt: *Sabbatum est requies sancta à Domino*. Quomocunque vertatur, hic est sensus: Sabbatum, quo cessandum est ab omni opere, ut cultui Dei vacemus.

SABBATUM MAGNUM. Ita Ioh. 19. 31.

appellatur sabbatum, in quod eo anno  
incidebat pascha. Ita nobis Christianum  
pascha dicitur der grosse Sontag. In  
Christiana ecclesia, eam hebdomadem,  
quæ pascha antecedit, Patres Græci μεγά-  
λην ἑβδομάδα dixerunt, Latinitas infima  
Poenosam, ut Germani die Marterwoch.  
Etejus hebdomadis quinta dies ἡ μεγάλη  
πεντάς, & ἡ μεγάλη πέμπτη, & magnum sab-  
batum dies sequens dicitur. Photius ad ca-  
non. apost. 53.

SABBATUM SECUNDOPRIMUM. Vide  
supra ΔΔ περί πρῶτον.

**SABBATUM ENOCH.** Perfecta perio-  
dus annorum solarium constat septem  
millibus añorum: & ejus septima pars di-  
citur *sabbatum Eno*. h. apud Æthiopes; quia  
Enoch juxta illos natus est anno M. 700.  
Fortasse sabbatum Enoch ab eo dictum,  
quòd Enoch septimus ab Adam, vivus in  
cælum sublatus est. Itaque vetus Schola  
Judæorum dicit, Enoch esse symbolum  
sabbati cœlestis, h. e. quietis æternæ.

SABBATI ITER. Id extraditione Ju-  
deorum erat cubitum bis mille. Tan-  
to spatio arca, tanquam dux itineris, antece-  
debat castra *Ios. 2. &* tantum erat interval-  
lum suburbanorum in circuitu *Num 35. 5.*  
Efficiunt autē 2000. cubiti, pedes 3000.  
seu quinque stadia. Kimchi bis mille cu-  
bitos definit per milliare Italicum, id est,  
quartam partem milliariis Germanici.

SABBATORUM UNA. Est prima hebdomadis. Hebraismus duplex: *sabbatum* pro seprimana; & *una*, pro prima. Hieronym. Hedibie q. 4. *Vna sabbati dies Dominica intelligenda est: quia omnis hebdomada in sabbatum, & primam, & secundam, & tertiam, & quartam, & quintam, & sextam sabbati dividitur.*

SABBATI INTERMEDIUM TEMPUS.

## Sic

Sic appellatur tempus interjectum inter duo sabbata. *Astor. 13. τὸ μετὰ τὸ σαββατον* est tempus sabbati intermedium. Et *Ioh. 7. 14. μετὰ τὸν ἑορτῆς*, est *εἰς τὸ μετὰ τὸν ἑορτῆς*.

**SACERDOS.** Propriè sic dicitur antistes sacrorum, qui sacris præest, & ea administrat. Nam sacerdos dicitur, quasi sacra dans. Itaque hoc sensu omnes pastores dici possunt sacerdotes. Specialiter autem hoc nomine insigniuntur, qui sacrificia offerunt. Hinc Aharon ejusque successores dicuntur sacerdotes: item Christus: denique omnes Christiani. De postrema hac nomenclatione sic loquuntur Patres: *Cyprianus de unctione chrismatis*: Ut sicut Christus à chrismate dictus est, eò quòd singularis excellentiæ oleo unxitur eum Deus: ita & participes ejus quotquot sunt, consortes sint tam unctionis quàm nominis, & dicantur à Christo Christiani, ut sint sui, Christo duce, rectores & duces, & offerant Deo quotidianum sacrificium, ordinati à Deo in ætæmonia sacerdotes. *Cyillus Alexandrinus in Leviticum libr. 9.* An ignoras tibi quoque, id est, omni ecclesiæ Dei & credentium populo, sacerdotium datū? Audi quomodo Petrus dicit de fidelibus: Genus, inquit, electum, regale sacerdotium, gens sancta, populus acquisitionis. Habes ergo sacerdotiū, quia gēs sacerdotalises, & ideo offerre debes Deo hostiā laudis, hostiam orationum &c. Et *ibidem*: Omnes enim, quicumq; unguento sacri chrismatis delibuti sunt, sacerdotes effecti sunt: sicut & Petrus ad omnem dicit ecclesiam, vos autem genus electum, & regale sacerdotiū. *Ibidem*: Unusquisq; nostrum habet in se holocaustum suum, & holocausti sui ipse succedit altare, ut sem-

per ardeat. Ego si renuntiem omnibus, quæ possideo, & tollam crucem meā, & sequar Christū, holocaustum obtuli ad altare Dei. Cæterum nulli sunt in N. T. sacerdotes, qui offerant Deo sacrificium peopriè dictum, ut fingitur in Papatu. Nam Christus est sacerdos æternus, non quòd in æternum sacrificet, sed quia virtus sacrificii ejus durat in æternum *Dan. 9. v. 24. Heb. 10. v. 14.*

**SACERDOS SECUNDUM ORDINEM MELCHISEDEC.** Est epitheton Christi *Psal. 110. 4.* quia ille est sacerdos ad similitudinem Melchisedeci *Heb. 5.*

**SACERDOS UNCTUS.** Ita appellatur Pontifex maximus. *Lev. 4. v. 3.* Nam sacerdotes inferiores non ungebantur, sed tantum eorum vestes aspergebantur, *Exod. 29.* Unde in V. T. soli reges & pontifices dicuntur propriè uncti. Nam illi soli ungebantur ordinati: propheta non nisi extra ordinē, ut *Elisæus*. Itaq; Jonathan paraphrastes *Lev. 4.* ubi in Hebr. est *sacerdos unctus*, rectè vertit, *sacerdos magnus*. Et *Abenezra* rectè annotat: *Sacerdos magnus ipse est sacerdos unctus*. Hinc lucem accipit locus 2. *Maccab. 1. v. 10.* ubi mentio fit τῶν ἱερέων ἁγίων. Nimirum sacerdotes Christi sunt Pontifices summi.

**SACERDOTALIS TERRA.** Apud veter. interpr. Bibl. sic appellantur agri præsidum sive præfectorum. *Gen. 47. 26.*

**SACERDOTIUM.** Est quadruplex. 1. Leviticum, transitivum, sive typicum. *Exod. 28. v. 1. 4. 41. & alibi.* 2. Æternum & intransitivum, quale est Christi. *Hebr. 7. vers. 24.* 3. Internum & spirituale: quo sensu Christiani dicuntur regale sacerdotium. *1. Petr. 2. 9.* 4. Externum & sacramentale: quo sensu apud veteres peculiarisatione pastores administrantes eucharistiam

ristiam dicuntur sacerdotes. Quod pertinet phrasis illa, quâ sacerdos apud Patres dicitur. *conficere corpus Christi*; nempe sacramentali ratione.

**SACRAMENTUM.** Sacramentum est id, quod faciat, seu quo sacra- tur. Triplex est hujus vocis significatio; prima apud profanos auctores, secunda apud veterem Latinum sacrorum Bibliorum interpretem, tertia apud Patres & alios theologos Christianos. Quod attinet ad profanos auctores, sex modis illi usurpant hanc vocem. 1. pro juramento, quo sacra- tur homo ad rem certam, ut ad militiam, imperatori aut reipublicæ. 2. pro ipsa mi- litia, quæ dicto modo sacra- tur. 3. pro mi- lite, qui sacramento est addictus. 4. pro obligatione quâvis, firmiter servanda, tanquam jurata. 5. pro sponsione mutua. 6. pro pecuniâ, quæ à partibus litiganti- bus deponitur apud Pontificem, cum certa & sancta obligatione, tanquam ju- ramento. Deinde vulgatus Bibliorum interpres Latinus adhibuit vocem *sacra- mentum*, ubi in Græco est *μυστήριον*, id est, arcanum ad sacra pertinsens. Itaque sacra- mentum ipsi est nunc doctrina rerum sa- crarum, nunc doctrina rerum sacrarum arcana, nunc sanctum Evangelium, nunc doctrina arcana rerum impiarum, nunc actio seu res occulta. Vide *Daniel* 2. vers. 18. 30. 47. *cap. 4. vers. 6.* *Ephes.* 1. vers. 9. *cap. 3. 4. cap. 5. vers. 32.* *Coloss.* 1. vers. 27. 1. *Timothe.* 3. vers. 16. *Apocal.* 1. vers. 30. *cap. 17. vers. 7. 4.* *Esdr.* 2. vers. 7. *Tob.* 12. vers. 7. *Sapient.* 2. v. 22. *cap. 6. vers. 24. cap. 12. vers. 6.* In usu ecclesia- stico sacramentum accipitur generaliter, & specialiter. Generaliter sacramentum est 1. legale signum; cujusmodi erat labor vitæ ante lapsum. 2. signum temporalis boni; ut est iris. 3. signum gratiæ offi-

cialis; ut est unctio sacerdotum & re- gum, impositio manuum &c. 4. quod- vis mysterium sive arcanum. Hinc Patres sacramentum interdum vocant sacram & celestem doctrinam, in quam Christia- ni in baptismo obligantur: sicut *Augusti- nus* *tom. 9. de symbolo ad Catechumenos libro tertio, capite primo.* ubi sic ait: Sacramentum symboli, quod accepistis, memoriæque mandatum pro vestra salute retinetis, noveritis hoc esse catholicæ fidei funda- mentum, super quod surrexit ædificium ecclesiæ, constructum manibus Prophe- tarum & Apostolorum. Hoc sensu idem Pater omnia mysteria sacræ Scripturæ appellat sacramenta Scripturarum. *Inter- dum* res arcana significatur hoc nomine: ut cum *Augustinus* *tomo 9. de symbolo ad Ca- techumenos libro secundo, capite secundo.* certa- men infantum in utero Rebeccæ appel- lat magni sacramenti figuram, his ver- bis: In utero Rebeccæ duo certant in- fantes, procedente majore, minoris ma- nu emissæ ex utero planta majoris appre- hensa est. In quorum certamine magni sacramenti figura monstrata est, ut mi- nor supplantaret majorem, ei que post- modum primatum atque benedictio- nem auferret. In quibus parvulis quasi- dentibus, & sacramentum, ut dixi, magnum exhibentibus, & reprobi in E- sau demonstrantur Judæi, & prædestina- ti in Jacob apparent Christiani. Idem *Au- gustinus* mysterium unionis duarum natu- rarum in Christo appellat sacramentum incarnationis Filii Dei, *tomo tertio, in sen- tentiis cap. 335.* his verbis: Illa forma vide- bitur Filii, quam sibi per sacramentum incarnationis univit. *Interdum* quævis sa- cra actio & ceremonia appellatur sacra- mentum: ut quando *Cyprianus* imposi- tionem



tionem manuum, quâ recipiebantur in in veram ecclesiam ii qui ab hæreticis baptizati fuerant, vocat sacramentum, *epistolâ 72. ad Stephanum Papam Romanum*: ubi scribit, decretum esse in synodo Africana, eos qui sint foris extra ecclesiam tincti, & apud hæreticos & schismaticos profanz aquæ labe maculati, quando ad nos atque ad ecclesiam, quæ una est, venerint, baptizari oportere, eò quòd parum sit eis manum imponere ad accipiendum Spiritum sanctum, nisi accipiant & ecclesiæ baptismum. Tunc enim demum plenè sanctificari & esse Filii Dei possunt: si sacramento utroque nascentur. Intelligit Cyprianus sacramentum utrumque, de quo loquitur hoc loco, nempe baptismum & impositionem manuum. Eodem significato *Bernhardus sermone de cænâ Domini* lotionem pedum appellat sacramentum. Sic omnia sacrificia Vet. Testam. appellantur à Patribus sacramenta. Sequitur *specialis* acceptio hujus vocis: eaque rursus, vel minùs, vel magis specialis. Illa est, quando sacramentum ponitur pro appendice fœderis: hæc, quando eucharistia antonomastice appellatur sacramentum à Patribus. Priorè significationem quod attinet, sacramentum aliàs propriè & strictè sumitur pro signo, sigillo, ac medio externo, quo res cœlestis declaratur, obsignatur, & communicatur credentibus: aliàs impropriè & latè pro signo, & re significata, seu pro re terrestri & cœlesti. Prior significatio si attendatur, sacramentum est in prædicamento relationis. Huc pertinet quod vulgò cum Augustino dicimus, sacramentum esse visibile signum gratiæ invisibilis: item, Accedit verbum ad elementum, & fit sacramentum, i.e.

signum & sigillũ. Posterior significatio si attendatur, sacramentum est in prædicamento actionis. Ita enim sacramentum est actio divinitus instituta, constans ex re terrestri & cœlesti, juxta illud *Irenæi libro quarto, advers. hæres. cap. 34.* Quemadmodum qui est à terrâ panis, percipiens vocationem Dei, jam non communis panis est, sed eucharistia, ex duabus rebus constans, terrena & cœlesti: sic & corpora nostra, percipientia eucharistiam, jam non sunt corruptibilia, spem resurrectionis habentia. *Augustinus in sententiis à Prospero collectis*: Hoc est, quod dicimus; hoc est, quod omnibus modis approbare contendimus, sacrificium scilicet ecclesiæ duobus confici, duobus constare, visibili elementorum specie, & invisibili Domini nostri Jesu Christi carne & sanguine; sacramento, & re sacramenti.

SACRAMENTUM ALTARIS. Vide supra PROPOSITIONIS MENSA.

SACRARIUM. In genere est locus, ubi sacra ponuntur. Dicitur etiam hoc nomine illa pars, in quâ sunt clerici, ad celebranda sacramenta. Item est adytum, sive cella, pars templi secretior, ubi se sacerdos præparat & sacris vestibus adornat. Denique sacrarium & sacellum interdum confunduntur, etsi alterum sine altero esse possit.

SACRIFICIUM. Aliud est gentile, aliud Deo sacrum: & hoc est commune, vel proprium. Sacrificium commune pertinet ad omnes fideles V. & N. Test. est quæ hilasticum, vel eucharisticum. Illud est sacrificium Christi, quo sanctificati sumus in perpetuum, quicūq; illud fide amplectimur: h.e. partim laus & gratiarũ actio,

Fff 2 partim

partim sanctimoniam vitæ. Sacrificium proprium est vel V. vel N. T. Ibi est sacrificium typicum, cuius sex sunt species, puta holocaustum, sacrificium vespertinum, sacrificium retributionum, sacrificium confessionis, hostia pro peccatis, & sacrificium consecrationis: hic est sacra cœna, quæ dicitur sacrificium, phrasi in ecclesia usitata. Et si enim, si strictè & propriè loqui volumus, alia res est sacrificiū, alia sacramentum: nam sacrificium est populi ad Deum, sacramentum Dei ad populum; quia in sacrificio nos aliquid offerimus Deo, cum in sacramento Deus nobis aliquid offerat: etsi, inquam, hæc ita se habent: tamen sacramentum est sacrificium, seu in sacramento est aliquod sacrificium, quantum ad actionem, quæ sacramentum peragitur, phrasi in ecclesia usitata, tum quia omne opus, quod in ecclesia ex Dei voluntate & iussu præstatur, sacrificium appellatur, sicut universum Evangelii ministerium est sacrificiū, uti Paulus ait *Rom. 15. v. 16. ἱερεῖον τοῦ εὐαγγελίου τῷ θεῷ*, *Sacrificio Evangelium Dei*: & *Phil. 2. v. 17. Immolor supra sacrificio fidei vestræ*: tum quia in sacramenti legitimo usu fit gratiarum actio, solennis ad Deum, quam iidem Scriptura vocat sacrificium: tum denique quia sacramentum est memoriale sacrificii Christi propitiatorii. Propterea & sacra cœna est sacrificium; tum quia est sacra actio divinitus mandata, tum quia in illa gratiæ aguntur Deo solennes pro liberatione nostri per Christum; tum denique quia est commemoratio sacrificii à Christo peracti. Itaque sacra cœna est sacrificium eucharisticum & propitiatorium. Eucharisticum quidem propriè dictum: propitiatorium vero propter memoriam & re-

presentationem sacrificii semel in cruce facti & oblati: Cum ergo Patres sacrificium ecclesie à Christo institutum dicunt, ipsam dispensationem & communionem sacra cœnæ intelligunt. Hinc *Irenæus libr. 4. adversus hæreses cap. 34.* ait: Offerimus ei non quasi indigenti, sed gratias agentes donatione ejus. *Eusebius Casariensis de demonstrat. Evangelicâ lib. 1. c. 10.* Merito sanè, quando illius memoriam, corporis quæ ejusdem & sanguinis recordatione quotidie celebrant, & ad longè præstantius & sacrificium & munus assumpti sunt, quam illud antiquius fuerit. Et quibusdam interjectis: Mirabilem quandam victimam, sacrificium quæ eximium Patri suo operatus pro nostra omnium salute obtulit, ejusque rei memoriam, ut nos ipsi Deo pro sacrificio offerremus, instituit. *Cyprianus de cœnâ Domini sect. 10.* Celebrantes sacramenta commonemur, quasi ungulam findens & ruminans pecus, revocare ad fauces, & minutatim commolare Domini institutionis exemplum, ut semper passio sit in memoria. *Chrysost. homil. 17. in epist. Hebr.* Offerimus quidem, sed ejus mortem revocamus in memoriam. Et *paul. post.* Non aliam hostiam sicut Pontifex, sed eandem semper facimus, vel potius hostiæ seu sacrificii facimus recordationem. *Ambrosius tomo 4. lib. 4. de sacramentis, cap. 6.* Ergo memores gloriosissimæ ejus passionis, & ab inferis resurrectionis, & in cœlum ascensionis, offerimus tibi hanc immaculatam hostiam, incruentam hostiam, hunc panem sanctum, & calicem vitæ æternæ. *Theodoretus in ca. 8. Hebr.* Si ergo & sacerdotium, quod est ex lege, finem accepit, & sacerdos, qui est secundum ordinem Melchisedeci obtulit sacrificium, & effecit ut alia sacrificia non essent:

essent necessaria, cur novi testamenti sacerdotes mysticam liturgiam seu sacrificium peragunt? Sed clarum est iis, qui sunt in divinis rebus eruditi, nos non aliud sacrificium offerre, sed illius unius & salutaris memoriam peragere. Hoc enim nobis ipse præcepit Dominus, Hoc facite in mei recordationem: ut per figurarum contemplationem, earumque pro nobis susceptæ sunt perpeffionum recordemur. *Augustinus tom. 2. epist. 23. ad Bonifacium*: Nonne semel immolatus est Christus in seipso, & tamen in sacramento non solum per omnes paschæ solennitates, sed omni die populis immolatur: nec utique mentitur, qui interrogatus, eum respondeat immolari? Si enim sacramenta quandam similitudinē earum rerum, quarum sacramenta sunt, non haberent, omnino sacramenta non essent. Ex hac autem similitudine plerumque etiam ipsarum rerum nomina accipiunt. Ex his patet, quo sensu Eucharistia Patribus dicatur oblatio, sacrificium, sacrificium commemorationis, sacrificium corporis Christi &c. Porro sacrificium. Hebræis appellatur קרבן & קריבן. Prius illud vocabulum à macerando deductum, comprehendit totum genus sacrificiorum cruentorum, quæ in animalibus vivis vario ceremoniarum discrimine & apparatu offerebantur. Alterum à placatione derivatum, incruenta sacrificia præcipuè designat, quæ nempe in rebus inanimatis offerebantur.

**SADDUCÆUS.** Josephus commemorat tres philosophias sive sectas Judæorum: videl. Phariseos, Sadducæos, & Essæos. Ex his Sadducæi dicti sunt, non à πῦρ *justus*, q. *justitarius*: sed à Zaddok, qui fuit discipulus Antigoni Sochei. Socheus iste habuit duos discipulos, Za-

dok & Baithos, qui ipsius sententias corruerunt; & alio vultum, quæ dextrè erant intelligenda, trahentes, novæ hæreseos fundamenta jecerunt. Ab illo Zaddok dicuntur Zadducæi, ut à Baithos Baithusæi. Ille porro Antigonus successit Simeoni Justo; ut verisimile sit synagogam ten. pli secundi, simulacresierunt prophetæ, in illas sectas dividi cœpisse. Cæterum Pharisei & Sadducæi dissimularis odiis, vixerunt inter se, etiam in officiis collegæ: at, eum res tulit, acerbis inimiciis in se mutuo exarserunt. Inter ipsorum dogmata sacra historia refert, quod negaverint resurrectionem mortuorum.

**SAL.** Est 1. naturale *Marc. 9. 50. 2. legale sive typicum Levit. 2. 13. Marc. 9. 49. 3. spirituale Marc. 9. 50. Coloss. 4. 6.* Quod etiam pertinet, quod apostoli appellantur sal terræ. *Matth. 5. 13.* Summa est: Sal est naturale, vel mysticum; & hoc legale, vel spirituale. Sal mysticum sacrificii erat symbolum incorruptæ integritatis, & ejus quidem geminæ 1. illius, quam in Christo & à Christo habemus. 2. illius, quam Spiritus sanctus in nobis efficit. Porro *igne saliri*, est verâ pœnitentia & cruce condiri, ut Deo sapiamus. *Matth. 9. 50.* Adhæc *sal insatuatus* sive insulsus, est doctrina humanis commentis aut pravis moribus inutilis reddita. Teneatur hîc & illa distinctio: Sal spirituale est principale, vel ortû à principali. Illud est Christus, quo tam homines quàm opera eorum redduntur Deo, tanquam saporibus, grati & jucundi: hoc est fides & sanctimonia vitæ. Denique *sal fœderis* *Levit. 2. 13.* est sal, quo fœdus q. salitur, ut incorruptum & inviolatum durer. Dicitur & *fœdus sive pactum salis*. *Num. 18. 19.*



est fœdus gratum & q. lapidum partibus fœderatis.

**SALVATOR. SERVATOR.** Græcis dicitur σωτήρ. Audiamus de his vocibus iudicium. Calvinus. Sic autem ille scribit in harmonia evangelistarum, super Luc. 1. v. 46. Nomen σωτήρ & plus Græcis significat, quam Latinis Servator: nempe qui non semel tantum liberat, sed perpetuæ salutis author est. Et rursus d. l. super Luc. 2. v. 11. Cum autem σωτήρ plus Græcis exprimat, teste Cicerone (. Verrina 4. ) quā Latinis Servator, nec exter nomen Latinum, quod illi respondeat, satius mihi visum est barbarè loqui (. vertendo nimirum vocem σωτήρ, Salvator. ) quā ex Christi virtute aliquid diminuire. Nec dubito quin idem vulgato interpreti & vetustis ecclesiæ doctoribus fuerit consilium ( illi enim voce Salvator crebrè utuntur. ) Salvator ergo Christus dicitur, qui plenam salutem confert. Hactenus Calvinus. Hanc ἐσώπριαν & ἐσέγειαν huius vocis, quando Christo tribuitur, eleganter exprimit Prudentius:

*Christus nostra salus: hinc vivimus, hinc animamur.*

Adoremus itaque hunc

*Æternæq. spei fontem, pelagiq. salutis.*

Semper itaque ingeminemus istud:

*Vita, salus, & lux, mundi q. redētio Christus.*

Locus Ciceronis lib 2. contra Verrem sic habet: Itaque eum non solum patronum istius insule, sed etiam σωτήρ in scriptum vidi Syracusis. Hoc quantum est! Ita magnum, ut Latino vocabulo uno exprimi non possit. Is est nimirum Soter, qui salutē dedit. Minus autem est servare, quā salutē dare. Servat is (. ut annotat Manutius ad illum Ciceronis locum. ) qui, ne salus amittat, aliqua ratione præstat: salutem dat, qui amissam re-

stituit. Sic apud Polybium lib. 5. Antigonus ob insignem clementiam & varia beneficia, quibus etiam hostes affecit, post mortem σωτήρ ἐκείνου, Salvator est appellatus. Neq; verò vox Latina ignota est veteribus. Non certè Lactantio, Arnobio, & Porphyrio, è quibus hic postremus in Panegyrico Constantino dicto,

*Undique pacatis Salvator maximarebus  
Gaudia præstabis — — —*

Servator propriè is est, qui, quem occidere in prælio potuit, pepercit, sed ita, ut in servitutē redegerit. Unde ille merito suo servator, hic ab evētu servus appellatur.

**SALVATOR MUNDI.** Solus Dominus noster Jesus Christus est salvator mundi. Hieronymus quidem Gen. 41. 45. nomen Ægyptium, Josepho impositum, vertit Salvatorem mundi, tanquam qui Ægyptiacum mundum consiliis salvaret à fame. Sed ea versio meritiò suspecta est. Hebraica enim veritas ita habet: Et vocavit Pharaon nomen Iosephi Tsaphenath Paneach. Docti quidam reddunt, absconditorum explanatorem sive interpretem. Et ita Philo vertit ὁνειροχρήτην & κρυπτῶν εὐρετήν. Hieronymus quoque in quæst. fatetur, Hebraicè sonare repertorem absconditorum, sed Ægyptiacè, salvatorem mundi. Porro σωτήρ, salvator, dicitur γενικῶς vel ειδικῶς. Ita 1. Tim. 4. 10. Deus dicitur salvator omnium hominum, maximè fidelium. Ubi Ambrosius: Ipse est salus omnium, quia ex ipso & per ipsum vivunt, quantum ad præsentem vitam attinet, omnes: quantum verò ad promissam salutem, fideles.

**SAMSON.** In prosa Ecce dies celebris, hoc nomen ita explicatur:

*Samson dictus soleorum,*

*Christus*

*Christus lux est electorum,*

*Quos illustrat gratia.*

**SANCTIFICO.** Est 1. sanctum facio, ipso opere. 2. sanctum agnosco, prædico; adeoque sanctum facio animo, affectu, studio, cultu. 3. usui sancto deputo. 4. præparo.

**SANCTIMONIALES.** Ita dicuntur monachæ, sive virgines Deo consecratæ: ἀσκήτεια, quæ se exercent divinis rebus.

**SANCTIMONIUM.** Est sanctimonialium professio.

**SANCTIFICIUM.** Est sanctuarium, seu locus sanctifici, id est, ejus qui sanctè aliquid facit. Legitur in vulg. vers. Psal. 78. 69.

**SANCTUM SECULARE.** Hebr. 9. 1. τὸ ἅγιον κοσμικόν, sanctuarium mundanum, est terrenum & caducum sanctuarium, quod opponitur cœlesti & æterno, in quod Christus est ingressus.

**SANCTA DAVID FIDELIA.** Act. 13. 34. τὰ ὅσια Δαβὶδ, τὰ πρὸς appellantur benignitates sive beneficentiæ in Davidem collatæ, eæque certæ & constantes. Itaque benignitates Davidis dicuntur passiva significatione.

**SANCTA IMPORTUNITAS.** Ita theologi practici appellant fervorē precum, quo fit, ut sancti homines replicent, duplicent, & quadruplicent, id est, crebrò instent apud DEUM gemendo. Patres dicunt, pios quasi agmine facto DEUM adoriri precibus: alludentes ad parabolam de vidua Luca 18. In Liturgia Basiliana, σὲ τοίνυν ἀνθρώπων τὸν μένον ἀγαθὸν καὶ εὐήκοον, Te multis verbis, & quasi importunè oro, qui solus bonus es, & libenter exaudis. Sic & in liturgia Chryso-

stomi. Jure aliquis miretur, verbum δουλώω, quod pudorem incutere significat, à viris piis usurpari, cum Deum alloquuntur. Sed hæc illis vocem extorsit zeli vehementia, & de ejus bonitate certa fiducia. Magis mirum est verbum ἀπειλῆν, minari, Gregorio Nazianzeno in simili argumento usurpatum. Narrat ille Gorgoniam sororem suam, cum aliquando morbo laboraret insanabili, ad altare accessisse, & capite illi admoto, cum lachrymis & clamore magno, preces ad Dominum ferventissimas effudisse, μὴ πρὸς ἄλλον ἀνέλθῃ, inquit, ἢ τῆς ὑγείας τυχεῖν ἀπειλῶσαν, minantem se non prius altare dimissuram, quàm esset nacta sanitatem. O fidei vehementia! o Christi bonitatem, humana mente incomprehensibilem, per quam verè piis tantum liceat! Gregorius eleganter ait, ipsam & σεβῆ πιναι καὶ καλὴν ἀναρχωτίαν ἀναρχωτῆσαι, pià quadam & honesta impudentia egisse impudentem. Factum DEO placuisse exitus probavit. Sanata enim ab altari recessit Gorgonia. Similis est illa phrasis, Deum fatigare precibus, item obtundere.

**SANCTUM SANCTORUM.** Vulgatus Interpres Dan. 9. 24. ita vertit hæc verba: Ut ungatur Sanctus sanctorum, id est, Christus. Quæ sententia etsi per se non est incommoda, nec absurdi quidquam habet: ab hoc tamen loco est aliena. Nam angelus his verbis ostendit per crucem Christi omnem veterem cultū & omnes legales ceremonias, in quibus Christi officium & meritū hucusq; repræsentatum fuit, quasi sanctificatum iri, ut omnium piorum spes & fides, quæ hisce ceu adminiculis susten-

tata

tata fuerat, rata & grata haberetur. Hoc ergo ut signanter indicaret, *primò* utitur *Sancti sanctorum* appellatione propterea, quòd hoc seu caput & principalis sedes erat istius cultus, ad quam omnes legales ceremoniæ dirigebantur. Deinde verbum *Ungo* huc applicat perquam commodè. Hoc enim in doctrinâ de ceremoniis propriè significat, *Authoritatem collatam muneri confirmare, munus collatum ratum habere, facultatem alicui tribuere agendi ex officio.* Videtur autem angelus in verbi hujus usurpatione respicere ad illud *Exod. 30. 25. & seqq. &c. 40. 9. 10. 11.* ubi sanctum illud sanctorum cum sua supellestile ceremonialiter quidem ungitur & inauguratur. Verum tamen angelus hîc testatur, illam non veram, efficacem, & genuinam sanctificationem & approbationem fuisse, sed tantum typum illius gessisse: nunc autem veram unctionem accessuram, per sanguinem nempe mortis Christi, per quam universum veteris sacerdotii officium, omnium victimarum sanguis, omnia altaria & sacrificia ungenda & sanctificanda sunt *2. Cor. 1. 20.*

**SANCTI.** Sic κατ' ἐξοχὴν appellantur homines beati, qui in hac vita floruerunt & excelluerunt singulari & herouca sanctitate, & jam in cœlesti patria degunt. His adhibendus est honos, non implorationis, sed venerationis, h. e. ad Deum pro constantia illorum in confessione, proque similibus donis, gratiarum actionis, itemque imitationis & honorificæ opinionis.

**SANCTUS.** Tribus potissimum modis accipitur in Scriptura: videl. pro eo, qui est iustus, integer, nulloque vitio cōtaminatus; item pro eo, cui imputatur sanctitas Christi; deniq; pro eo, qui san-

cto fini & usui destinatus est. Hac de re insignis est locus in *Catechismo Romano part. 1. cap. 10. quest. 12.* Quomodo ecclesia Christi inter tot peccatores dicitur sancta? Appellatur sancta, quòd Deo consecrata dedicataq; sit. Sic enim cætera hujusmodi, quanquam corporea sint, sancta vocari consueverunt, cum divino cultui addicta & dedicata sunt: cujus generis sunt in lege veteri vasa, vestes, & altaria: in quâ primogeniti quoq; qui Deo altissimo dedicabatur, sancti sunt appellati. Nec mirum cuiquam videri debet, ecclesiam dici sanctâ, tamen multos peccatores continet. Sancti enim vocantur fideles, qui populus Dei effecti sunt, qui ve se fide & baptismo suscepto, Christo consecraverunt: quanquam in multis offendunt, & quæ polliciti sunt, non præstant. Quemadmodum etiam qui artem aliquam præsentur, etsi artis præcepta non seruent, nomen tamen artificum retinent. Quare D. Paulus Corinthios sanctificatos & sanctos appellat: in quibus nonnullos fuisse perspicuum est, quos ut carnales, & gravioribus etiâ nominibus acriter objurgat. Sancta etiâ dicenda est, quòd veluti corpus cum sancto capite Christo Domino, totius sanctitatis fonte, conjungitur, à quo Spiritus S. charismata, & divinæ bonitatis divitiæ diffunduntur. Præclare sanctus Augustinus interpretans verba illa prophetæ, Custodi animam meam, quoniam sanctus sum: Audeat igitur & corpus Christi, audeat & unus ille homo clamans à finibus terræ, cum capite suo, & sub capite suo dicere, sanctus sum. Accepit enim gratiâ sanctitatis, gratiâ baptismi, & remissionis peccatorum. *Ac paulò post:* Si Christiani omnes, & fideles in Christo baptizati, ipsum



ipsam induerunt, sicut Apostolus dicit, Quotquot in Christo baptizati estis, Christum induistis: si membra sunt facti corporis ejus, & dicunt se sanctos non esse: capiti ipsi faciunt injuriā, cujus membra facti sunt. Accedit etiam, quod sola ecclesia legitimum sacrificii cultum, & salutarem habet sacramentorum usum, per quæ tanquam efficacia divinæ gratiæ instrumenta, Deus veram sanctitatem efficit: ita ut quicumque verè sancti sunt, extra hanc ecclesiam esse nō possint. Patet igitur ecclesiam esse sanctam: ac sanctam quidem, quoniam corpus est Christi, à quo sanctificatur, cujusq; sanguine abluuntur. Hucusque Catechismus Romanus.

SANGVIS JESU CHRISTI. Hic est sanguis fœderis & N. T. qui nos purgat ab omni peccato. *Zachar. 9. 11. Matt. 26. 28. Marc. 14. 24. Luc. 22. 20. 1. Iohan. 1.* Itaque ejus λόγον est nostrum λόγον. Hic quæri solet de aqua & sanguine manantibus è latere Christi, utrum physificatione id factum sit, an miraculo: item, utrum mixtum sanguis & aqua fluxerint, an separatim? Resp. ad 1. Narratio Johannis insinuat, si diligenter attendatur, & Patres crediderunt, miraculo id esse factum. ad 2. Gregorius Nazianzenus, sive Apollinarius Laodicensis, in tragœdia Christus patiens commemorat διπλὸν κρηνὸν, duplicem scaturiginem, his verbis:

Ὁ θεὸς ὁ θεὸς τε, πῶς διπλὸς κρηνὸς ῥέει.

Πλευρᾶς, αἵματι καὶ πεφυρμένον ποτὶν:

Videte videte, quomodo duplex scaturigo fluat

E latere, sanguis & aqua permixta.

Sed error est librariorum. Nam contrariam sententiam, quæ proculdubio vera est, paulò post proponit ille poeta, cum ait:

Πλευρᾶς νενογμήνης δὲ θαυμαστὸς ὕδωρ

Ἐκξεν ὁ θεὸς, αἵματι & πεφυρμένον.

Latere perforato statim cum miraculo aqua

Manavit, & sanguis non permixtus.

Et ita Nonnus, successivè fluxisse ait:

Πρῶτα μὲν αἷμα χύθη, μετέπειτα δὲ  
θεσκελον ὕδωρ.

SAPIENTIA SALOMONIS. Hoc nomine interdum ipsa hujus regis virtus intellectualis seu dianœtica, interdum liber quidam significatur. Et rursus quando liber significatur, aut Proverbia Salomonis intelliguntur, aut peculiaris liber pseudepigraphus & apocryphus. Sic apud Melitonem Sardensis ecclesia antistitem in epistola ad Onesimum, quam recitat Eusebius lib. 4. hist. Eccles. c. 26. Proverbia Salomonis & Sapientia Salomonis habentur pro uno, his verbis: *Psalmi Davidis, Proverbia Salomonis, quæ & Sapientia, Ecclesiastes &c.* Hic Melito Salomonis Proverbia nominat Sapientiam, ut Rufinus interpret Eusebii indicat, & pronomen relativum quæ satis probat. Sed apud Athanasium in synopsi Scripturæ Sapientia Salomonis accipitur pro peculiari libro, eoq; apocrypho. Verba sic habent: *Præter illos autem (libros canonicos V. T.) sunt adhuc alii veteris instrumenti libri non canonici, qui Catechumenis tantum leguntur: Sapientia Salomonis, cujus initium est, Omnis sapientia à Domino est &c.*

SARABARUM. SARABALLUM. Occurrit Dan. 3. v. 27. & intermixto apocrypho v. 94. Suidas ait: Σαράβαροι ἐστὶν Περσικὴ. Isidorus lib. 19. 23. Quibusdam nationibus sua cuique propria vestis est: ut Paribis sarabara, Gallis linna, Germanis renones, Hispanis striges, Sardis mastruge. Sarabara sunt fluxa ac sinuosa vestimenta, de quibus legitur in Daniele, Et sarabara eorum non sunt immutata. In Græc. vers. est σαράβαροι αὐτῶν.

Ggg

SATAN.

**SATAN.** Hoc nomine appellatur in V. & N. T. princeps malorū angelorum, quod sit adversarius Dei & piorum. Quā de re *Cyprianus de exhort. martyr.* sic ait: Adversarius vetus est, & hostis antiquus, cū quo prælium gerimus. Sex mille annorum penē completur, ex quo hominem diabolus impugnat, omnia jam genera tentandi, & artes atque insidias deji- cendi, usu ipso vetustatis edidicit. Si imparatum invenerit Christi militem, si rudem, si non sollicitum, ac toto corde vigilantem: circumvenit nescium, fallit incautum, decipit imperitum. Si quis verò dominica præcepta custodiens & fortiter Christo adhærens contra eum steterit, vincatur necesse est: quia Christus, quem confiteretur, invictus est. Cæterum nomen Satan per se est appellativum, idem quod adversarius. Ita vertitur *Ἐπίβουλος*, insidiator 1. Sam. 29. 4. 2. Sam. 19. 22. 1. Reg. 5. 4. & *Ἀντίβολος*, Psal. 109. 5. Retinetur *σατὰν* 1. Reg. 11. v. 14. 23. 25. Sed per synecdochen antonomasticam est ille adversarius Dei & piorum, princeps malorum angelorum. LXX. verterunt *Ἀντίβολος* 1. Chr. 21. 1. & *sapius* Job. 1. & 2. & *Zach* 3. v. 1. 2.

**SATURITAS.** Est 1. corporis. *Exod.*

16. 12. 2. animæ. 1. Sam. 2. 5. Luc. 6. v. 21.

**SCABELLUM.** Est f. hominis. *Iacob.* 2. 3. 2. Dei 1. Chr. 28. 2. *Esa.* 66. 1. *Act.* 7. 49. 2. Christi, regis ecclesiæ. *Psal.* 110. 1.

**SCALA COELI.** Jacob Patriarcha *Gen.* 28. in somnio vidit scalam, cujus pars ima erat in terra, & summa pars ejus per- tingebat usque ad cælum. Per istam sca- lam doctissimi Hebræorum dicunt signifi- cari, omnia ista inferiora dependere à superioribus. At potiùs hac figura fuit si- gnificatus Christus, qui cælum terræ conjungit ratione personæ & officii. *Ratione personæ*, quia est Immanuel sive *θεοῦ ὄνομα*. *Ratione officii*, quia hic solus est mediator, pertingens à cælo usque ad terram, per quem bonorū omnium cœ- lestium plenitudo deorsum ad nos fluit, nosq; vicissim ad Deum conscendimus. Idem cū sit caput angelorum, efficit ut illi membris suis in terra ministrent. Ita- que hunc sibi propriè honorem vendi- caturus erat, quod postquam mundo manifestatus esset, angeli descenderent & ascenderent ministræ beneficentiæ Pa- tris erga nos, propter ipsum. *Ioh.* 1. v. 51. Porro gradus in hac scala cœli ab aliis ali- ter enumerantur. Johannes Arndt hoc ordine proponit in sua Postilla:

1. Gradus.	2. Fides in Christum.	3. Charitas.	4. Confessio.	5. Tribulatio.	6. Patientia.	7. Preca- tio.	8. Spe- cio.	9. Gloria.
------------	-----------------------	--------------	---------------	----------------	---------------	----------------	--------------	------------

**SCANDALUM.** Bernhardus facit du- plex scandalum, interius & exterius. *Interius* vocat, cū vetus homo offendicu- lum præbet novo homini. Sic *Matth.* 5. dicit Christus, oculum, manum & pe- dem, i. e. concupiscentias pravæ nos scan-

dalizare, i. e. molestare novum homi- nem, ut in offenso cursu non pergat in via Domini. *Exterius* scandalum est, quod fo- ris accedit, & præbet vel causam, vel oc- casionem ruinæ. Hoc usitatè à theologis venit appellatione scandali, & dividitur

inda-

in datum & acceptum. De scandalo interno accipe illa Bernhadi in festiv. S. Michael ferm. 2. Interdum est in nobis spiritualis intentionis oculus simplex, & qui gratia magis quam noster est dicendus. Sed scandalizat nos oculus noster, qui verè à nobis est, dum voluntas nostra aliam minùs castam importunè ingerit intentionem. Cum bonis operibus intentos ad alia opera trahere voluntas propria conatur, manus nostra est, qua scandalizat nos. De virtute in virtutem ire desiderantes sapiùs scandalum patimur à pede quodam pusillanimitatis & negligentia nostra, qui nimirum descendere magis ac remissius ire conatur. Consilia adversus istiusmodi scandala sunt Matth. 5. v. 29. 30. Porro scandalum activum est scandalizare, passivum scandalizari. Scandalizat, qui dicit, facit, aut omittit aliquid, quo movere alium vult ad peccandum aut saltem potest. Scandalizatur, qui peccandi occasionem sumit, vel datam, vel visam dari, aut saltem læditur suo vitio.

**SCARAMANGIS.** Erat genus vestis apud Christianos orientales. Diaconus in Heraclio: *Loricam ipsius auro contextam, & scaramangin ipsius detulerunt cum capite ipsius.*

**SCENOFACTORIA ARS.** Est ars conficiendorum tabernaculorù in vulg. vers. Act. 18. 3.

**SCENOPEGIA.** Propriè est tabernaculi compactio. Per metonymiam est festivitas tabernaculorum apud Judæos, quæ Levit. 23. 34. dicitur σκηνώω εορτή. Heb. מִסְכָּוֹת. Institutum fuit hoc festum, ut Israëlita meminiſſent, majores suos olim habitasse in σκηνάϊς, per annos 40. cum ex Ægypto exiissent. Vide Levit. 23. & Nehem. 8. Cæter. in dicimus η σκηνοπηγία & τὰ σκηνοπήγια.

שָׂדֵי. Sic Hebræi vocant dæmonia, è radice שָׂדֵי sive שָׂדֵי, vastavit, perdidit: unde Germ. Schade. Et sanè diabolus verè est שָׂדֵי אֱלֹהִים, ein Schadenstroph. A Rabbiniſ diverſæ hujus appellationis rationes adferuntur. Alii eos sic dictos volunt, quod aëris & aquæ dominio præſint; ventorumque ſint & tempeſtatum concitatores: alii, quod homines obſeſſos torqueant, & per Pythones reſponſa, hominibus noxia, dent: alii, quod cædibus humanique ſanguinis effuſione delectentur: alii denique, quod pervertant hominis intellectum. Quæ omnia, ſi excipias primam ſententiam, egregiè in Spiritus illos immundos comperunt.

**SCHISMA & SCHISMATICUS.** Schisma propriè eſt ſciſſura: metaphoriçè, animorum diſcidium: Synecdochicè, diſſenſio charitati Chriſtianæ contraria, eſſi maneat in fide concordia. Hinc Auguſtinus libr. 2. contra Creſconium cap. 3. ait: Hæreſis eſt diverſa ſequentium ſecta: ſchiſma verò eadem ſequentium ſeparatio. Et Iſidorus lib. 8. c. 2. Schisma à ſciſſura animorum nomen accepit. Eodem enim cultu, eodemque ritu credit, ut cæteri: ſolo congregationis delectatur diſſidio. Itaque ſchiſmaticus eſt, qui ſchiſma facit, vel ſequitur, hoc eſt, qui οὐνοδοξίαν tuetur in fide, ſed non οὐνοδοξίαν in charitate. Unde Papias ait: Schismatici ſunt, qui in cauſis fidei recta ſentiunt, ſed ex tota mente, cujuſlibet contentionibus, pacis communionẽ diruprà, à fraterno conſortio ſeparantur. Quare ſchiſmatici non ſunt, qui ſe ſeparant & recedunt à communionẽ episcoporum falſa pertinaciter docentium, & ab eccleſia amplectente & pertinaciter ſectante falſam



sam doctrinam & hæresim: cum talis separatio sit mandata. Hinc *Ignatius epistola ad Philadelphenses* eleganter ait: Fugite itaque ut filii lucis, & veritatis sectionem unitatis, & pravæ doctrinæ hæreticorum, à quibus pollutio egressa est in omnem terram. Ubi verò pastor est, eodem & vos, ut oves, sequamini. Multi enim lupi velleribus tecti in Dei stadio currentes, perniciosas voluptatibus illectos captivos comprehendunt. Verum in vestris concordibus animis, nullus dabitur illis locus. Abstinete itaque vos ab herbis noxiis, quas Jesus non excolit, sed fera, humano gaudens sanguine. Sic *Ius canonicum causa 24. quest. 1. capitulo*, Quæ dignior, schismaticos non simpliciter ex quavis desertione ecclesiæ definit: sed ex desertione, quæ fit propter aliam causam, quàm propter fidem. Nam si quæ ecclesiâ veram fidem deseruit & respuit, idq; pertinaciter, illam deserendam Ius canonicum censet.

SCHOLASTICI. Hoc nomine insigniuntur doctores illi, qui res sacras ad disputationis incudem revocarunt, & methodo scholæ potiùs quàm ecclesiæ convenienter tractarunt. Quid de illis sit sentiendum, breviter indicabo.

I. PETRUS LOMBARDUS collegit sententias theologorum, an. 1145, & Magister Sententiarum, & theologorum Scholasticorum dici meruit. Composuit librum Sententiarum, Glossas Psalmorum & Epistolarum. Liber sententiarum est præcipuum ipsius opus, compilatum potiùs ex Patribus, quàm ex Scripturis sacris. Quamvis autem Petrus Lombardus Magister appelletur: tamen discipuli ejus, Scholastici doctores, viri acuti, & docti, non omnia probant, quæ Magister

docuit. Notantur enim articuli xxvi. in quibus Magister rejicitur, in additione ad Magistrum excusatypis. Nec solum opinionones ejus aliquando refellunt: sed etiam non defuerunt, qui eum ad Alexandrum III. Pontificem detulerunt, hæresis nomine, quòd docuisset, Christum, ut hominem, non esse aliquid. Quam ejus sententiam damnatam fuisse in Concilio quodam Parisiensi, jubente Alexandro Pontifice, testatur Matthæus Paris in historia Anglicana. Hæc totidem verbis mutuati sumus ex *Bellarmino de scriptoribus ecclesiasticis*. Huc accedit, quòd bonus ille Magister incidit in seculum infelix, quo theologia nimis quàm fuit deformata. Vide supra tit. PATRES reg. 6. sub finem.

II. PETRUS COMESTOR an. 1150. scripsit historiam sacram 16. libris. Scripsit autem inferens verbis sacris multa ex Glossis, & ex profanis authoribus, & non raro admiscens incertas historias, ut ait *Bellarminus d. l.* Appellatur vulgo Magister historiarum Scholasticarum.

III. GULIELMUS ANTISIODORENSIS episcopus an. 1240. Scripsit summam theologicam Scholastico more, in qua lib. 3. tract. 12. c. 1. q. 2. & c. 2. q. 1. fidem valde prædicat, & inter alia dicit, merita hominum justorum priùs & principaliùs à fide quàm à charitate dependere. Quam ob causam notatur à *Bellarmino tract. de script. eccles.* his verbis: Quamvis ipse fidem prædicet longè alio sensu, quàm Lutherani faciant: tamen sententiæ ejus, hoc potissimum tempore, viranda esse videtur. Vide eundem. *Bellarmin. lib. 5. de justifi. cap. 15.*

IV. GULIELMUS PARISIENSIS anno 1240. condemnavit quosdam articulos, qui habentur in additione ad libros Magistri sententiarum.

V. ALE-

V. ALEXANDER HALENSIS, natione Anglus, ann. 1245. fuit præceptor Bonaventuræ & Thomæ Aquinatis. Scripsit Summam theologiæ & Postillam in tota Biblia.

VI. VINCENTIUS BELLOVACENSIS claruit ann. 1250. Scripsit opera laboriosissima, ac præsertim quatuor speculâ, Doctrinale, Historiale, Naturale & Morale. Doctrinale speculum tractat de omnibus scientiis, à Grammatica usque ad theologiam. Historiale speculum tradit historias ab initio mundi usque ad annû Domini 1244. Naturale speculû tractat de rebus omnibus, herbis, avibus, locis, temporibus &c. Morale speculum tractat de passionibus animi, legibus, gratia, vitiis & virtutibus.

VII. ALBERTUS MAGNUS ann. 1265. Scripsit plarima opera philosophica & theologica. *Bellarminus libr. de scriptoribus ecclesiasticis* scribit: Inscribuntur libri duo, unus de mirabilibus, & alter de secretis mulierum; Magno Alberto. Sed uterque liber indignus est, qui tanto viro tribuatur. Nam superstitiosa quædam continent, & multa vana.

VIII. THOMAS AQUINAS natus est anno 1224. & obiit ann. 1274. Ejus opera septendecim tomis continentur. Hunc vulgo appellant angelicum doctorem. Sed nimium ipsi deferunt.

IX. BONAVENTURA claruit anno 1265. Opera ejus in octo tomos distribuuntur.

X. PETRUS DE TARANTASIA claruit anno 1265. Factus est Papa, nomine Innocentius V. Non defuerunt, qui plus quàm centum propositiones ejus reprehenderent: sed à Thoma Aquinate fuerunt defensæ.

XI. EGIDIUS ROMANUS ann. 1290. acerrimè defendit Thomam.

XII. JOANNES DAUNS SCOTUS obiit ann. 1308. Fuit primus & perpetuus Thomæ impugnator.

XIII. DURANDUS A SANCTO PORTIANO anno 1320. scripsit commentaria in quatuor libros Magistri sententiarum, in quibus sunt multa, quæ à communi Doctorum sententia abhorrent, quædam et ab ecclesia improbata sunt, ut ait Bellarminus. Sed revera huic Durando displicuit sophistica Thomæ.

XIV. GULIELMUS OCKAM, natione Anglus, ann. 1320. strenuè egit causam Ludovici IV. Imperatoris: quam ob causam à Pontificiis reprehenditur. Nominatim Bellarminus hoc cramate ipsum ornat: Vir doctus, sed fautor Ludovici Imperatoris IV. nimis ardens, ob quam causam in aliquos errores lapsus meruit, ut in Indice librorum prohibitorum nomen ejus poneretur. Sic Bellarminus. Nimirum opus de potestate Pontificum & Imperatorum cum aliis contra Johannem XXII. Papam scriptis interdictum fuit.

Atque hi sunt præcipui Scholastici: qui si plenè enumerentur, in tres ætates dividuntur. Prima ætas, & veluti protasis theologiæ Scholasticæ est à Lanfranco usque ad Albertum Magnum, id est ab anno Christi 1050. ad ann. 1250. Hujus ætatis doctores invecas in ecclesiam opinioniones, non divinarum Scripturarum testimoniis, sed Patrum sententiis malè detortis, & verbo Dei æquatis defendere conati sunt. Et primus ex iis *Lanfrancus*, nuper excogitaram transubstantiationis doctrinam acerrimè propugnavit, cui se opposuit Berengarius. De secunda Scholasticorum ætate Trithemius ita

scribit : Hæc ætate philosophia secularis sacram theologiam sua curiositate inutili fœdare cœpit. Errores enim ritusque Pontificii jam non ex Patrum sententiis, ut in superiori ætate factum, sed ex Aristotele defendebantur. Hæc ætas incipit anno Christi 1250. ab Alberto Magno, & definit an. 1320. in Durando : à quo ordinatur tertiam Scholasticæ theologiæ ætatem, quæ fuit omnium pessima & deleteria. Modestia siquidem, quæ fuerat in mediâ Scholastica, ne temerè de quibusdam quæstionibus aliquid affirmaretur, fuit sublata, & portenta opinionum fuerunt defensa usque ad ann. Christi 1517. Meritò aliquis dubitet, debeatne illa secula καιρὸς περὶ τοῦ λόγου, hoc est, tempora portentiloquiorum, an ἀγνοίας, hoc est, ignorantia, nominare.

SCRIPTURA SACRA. Sic vocamus verbum Dei à Prophetis, Evangelistis, & Apostolis, Spiritus sancti afflatu per scriptum. Itaque Scriptura sacra non differt à verbo Dei realiter, sed tantum ratione: nimirum, quia verbum dicitur, ut enuntietur; scriptura, ut scribitur. Unde & vox Dei, & verbum Dei, & sermo Dei, & scriptura pro eodem sumuntur. Hieronymus in præfat. pentateuchi: *Per Apostolorum os, inquit, mihi Christus sonat.* Gregorius in epist. *Quid est sacra Scriptura, nisi quædam epistola omnipotentis Dei ad creaturam suam? in quâ verba Dei sonant, & cor Dei discitur.* Nemesius: ἡ τῶν θεῶν λογικῶν διδασκαλία τὸ πρὸς ἀφ' ἑαυτῆς ἔχει, ἀλλὰ τὸ θεόπνευστον εἶναι, *Divinorum eloquiorum doctrina fidem ex se facit, quia est divinitus inspirata.* Quod dixi de verbo Dei & Scriptura, idem de doctrina Apostolica & Scriptura sacra est tenendum, illa videl. reali-

ter esse τὸ πρὸς, & tantum distingui externo accidente, nempe prædicatione, quæ fit voce; & scripture, quæ fit calamo. Nimirum scriptura omnis est symbolum & index verbi; verbum verò symbolum & index cogitationum & conceptuum mentis: & proinde Scriptura sacra est symbolum verbi Dei; verbum verò Dei est symbolum voluntatis Dei. Quare per Scripturam sacram non oportet intelligere ipsos characteres externos, sed verbum iis characteribus significatum & comprehensum, quod non tantum facit ad bene esse, sed etiam ad esse ecclesiæ; ex quo nimirum Deo placuit voluntatem suam literis consignare & ecclesiæ commendare. Porro variis nominibus appellatur Scriptura sacra: videl. *Scriptura Dei, & sancta; sacra litera, Scriptura καὶ ἐξοχὴ, scriptura in plurali; verbum sermo, eloquium, & oracula Dei; item lex, doctrina, testimonium, fœdus, & testamentum Dei.* Exod. 32. v. 15. Rom. 1. v. 2. 2. Tim. 3. v. 15. Iohan. 10. v. 35. c. 5. v. 39. Psal. 19. & 119. Esa. 2. vers. 3. Rom. 3. v. 2. 2. Cor. 3. v. 14. 2. Pet. 3. vers. 16. ubi singulariter notandum est, nullum esse versum Psalmo 119. præter unum 122. qui non habeat, si non plures, saltem unam ex his decem vocibus: עדות: משפטים: תורה: דבר: צדק: דרך: חקים: מצות: פקודים: אמרה: Quibus elogiis insignitur & commendatur verbum Dei. Sed redeamus ad vocabula. Divina historia, inquit, Possesivinus lib. 2. biblioth. select. ca. 1. dicitur *Scriptura sacra*, quod scribæ velociter scribentis, & eorum, qui sacras literas conscripserunt, animos & manus dirigentis liber hic est, cœlesti plenissimus mysteriorum. Quæ ideo *divinum codicem* sæpe Augustinus; ceteri vero *Biblia*, hoc est, libros nominant; quoniam non solum omnibus aliis libris, verum etiam cunctis, quæ unquam fuerunt



runt bibliothecis, maximè præstant. Certè omnipotentis Dei & Imperatoris cæli epistolæ dixit Gregorius M. libr. 4. epist. 84. ad Theodorum medicum: qui cum Theodoro gratias ageret de pecuniâ pauperibus transmissa, eum diligentissimè hortatur ad legendas sacras literas. *Sed quia*, inquit, *ille plus diligit, qui plus præsumit; erga dulcissimam matrem gloriosissimi filii mei Theodori habeo aliquam querelam, quia donum ingenii, donum rerum, donum misericordie, atque charitatis à S. Trinitate percepit: sed tamen secularibus indefinenter causis adstringitur, assiduus processionibus occupatur, & quotidie legere negligit verba redemptoris sui. Quid est autem Scriptura sacra, nisi quædam epistola omnipotentis Dei ad creaturam suam: Et certè sicubi esset gloria vestra a libi constituta, & scripta terreni, iam Imperatoris acciperet, non cessaret, non quiesceret, non oculis somnum daret, nisi prius quid sibi terrenus Imperator scripsisset agnovisset. Imperator cæli, Dominus hominû & angelorû, pro vita tua tibi suas epistolas transmisit, & tamen, gloriose fili, easdè epistolas ardentè legere negligis. Stude ergo quæso, & quotidie creatoris tui verba meditare. Disce cor Dei in verbis Dei, ut ardentius ad æterna suspires, ut mens vestra ad cælestia regna majoribus desideris accendatur. Tantò n. tunc major erit ei requies, quantò modò ab amore conditoris sui requies nulla fuerit. Sed ad hæc agenda infundat nobis omnipotens Deus consolatorem spiritum. Testamentum vetus & novum: quod testatoris volûtatem ac dispositionem contineat. Nam & propterea Græcè habetur *Ἀσθήνη*, cujus in vetere pmissio erat terræ manantis lac & mel, eaq; brutorum sanguine sanciebatur: in novo autem hæreditatis æternæ, q̃ & jurejurâdo, & Filii ipsius Dei sanguine confirmatum est. Et mox: Pactum autem, & fœdus, & chirographum idem sunt cum testamen-*

to. Ubicunq; n. in Græco textu vox hæc, Testamentum, est, ibi, ait Hieronymus, habetur Hebraicè *Berith*, q̃ dicitur à verbo *Baray*, mundavit: quodq; designat fœdus inter viventes liquidò ac præcisè transactû. In quo nimirum conditiones utrinq; consent: Dei quidem promissa nobis vita felicitasq; supernaturalis, nostri autem ad superhumana oblatio fidei, atque operû, q̃ digna sint filiis Dei: q̃ quoniam ipsi præstare non possumus viribus solis humanis, sit eadè ipsâ gratia, qua vocamur ad divinû consortiû, adspirante, agente, perficiente, ut credamus, sperem, diligamus, Deo vivamus, atq; hac viva fide recti ad æterna illa bona suspirantes, his caducis contemtis, adversa feramus paciënter, nulla re divinæ amicitie præpositâ. Hæc v. omnia, quoniam certa stipulatione sancita sunt, Scriptura sacra quasi chirographum, ac tabula Dei ab Augustino etiam dicta sunt. Quoniam enim, ait, generatio labitur, generatio venit, & celeri cursu currunt tempora; voluit Deus Scripturam sacram manere veluti tabulas quasdam, & quoddam Dei chirographum, quod omnes transeuntes legeret, viam, quâ ad Dei promissa venit, tenerent. Lex item & Evangelium: illa, quoniam præcipit; hoc, quia felicissimo nuntio declaravit, & perfecit. Paulò post: Theologia positiva. In divinis enim literis materia & ratio est, quâ theologi possimus effici. Et mox: Positiva: quod legibus ratiocinationum, definitionû, ac divisionû haud coarctetur, nec in eam tradendâ cadat omnino ea disceptandi ratio, q̃ Scholasticæ penitior adhibetur. Ac quidè, quæ Græcis est thesis, hæc Latinis positio est; quæ cum sententiam ratâ, stabilem, firmam designet, in divina Scriptura præcipuû habet locû, quæ est universæ theologiæ Scholasticæ

basis

basis & fundamentum. *Iterum*: Neque verò solum quodd divina divinitus tractentur in Scriptura sacra, verum etiam quodd hæc ex ore Altissimi prodiit, dicta est *Verbum Dei*. Et paulo post: Potrò Dei verbum, cum non humana investigatione, sed revelatione, vel inspiratione divina cognitum sit, appositè ita dictum est, quodd præter alia noticiam nobis Jesu Christi, qui est Verbum Dei, suppeditat, ex quâ ut origine manat firmitas & intellectio totius Scripturæ: quippe is factus nobis est Sapiencia à Deo; & in ipso sunt omnes thesauri sapientiæ & scientiæ absconditi: qui solus verus est doctor: qui, ait Augustinus, *poteſt ſpeciem imprimere, ac lumen infundere, atque virtutem dare cordis audientis, cathedram habens in celo, & intus corda docens Filius Dei & Ars Patris*. Et hæc quidem placuit transcribere ex Poslevino, doctore Pontificio, ut hoc Scripturæ encomium opponi possit aliis Papistis, quibus Scriptura sordet. Summa encomii Posleviniani huc credit: Historia divina appellatur Scriptura sacra, Biblia, Epistola Dei omnipotentis, Testamentum, Pactum, Fœdus, Chirographum, Lex, Evangelium, Theologia positiva, Verbum Dei. Cæterum partitio librorum S. Scripturæ multiplex occurrit apud *Sixtum Senensem* initio lib. 1. *bibliotheca sancta*. Nam Hebræi dividunt in libros 22. juxta numerum litterarum alphabeti sui: Servator, in legem, Prophetas, & Psalmos: Damascenus, in Legalem, Hagiographa, Carmineam, Propheticam, & præter hæc, Binarium unum: Gregorius Nazianzenus, in libros propheticos & historicos: antiqui Hebræi, in Legalia, Prophetica, & Hagiographa: priſci Latini, in Legalem, Prophetiam, Hagiographam: recentiores

Judæi, in Legem, Prophetas priores, Prophetas posteriores, & in Scripturas, hoc est, sancta scripta: recentiores Latini, in Legalem, Paræneticam, Propheticam: Augustinus, in historiam continuam, & discretam, seu promiscuam, & in Prophetas: Michael Medina, in quatuor ordines five acies, Legem, Prophetas, Hagiographa, libros ecclesiasticos: Petrus Aureolus in Politica, Chronica, Poëtica, Hymnidica, Dialectica, Oratoria seu Prophetica, Ethica five Moralia. Quæ partitiones omnes facillè possunt conciliari.

**SCRIBÆ.** Apud Judæos erant, qui legem populo legebant, in templo & in synagogis, ac, si opus esset, interpretabantur. Propterea in Evangeliiis *νομιοι*, hoc est, legis periti, & *νομοδιδασκαλοι*, hoc est, legis doctores appellantur. Ab ipso Moſe quidam putant institutos: alii à Davide. In ipsa captivitate durasse Scribarum ordinem, argumento est magnus ille Scriba Esdra. Cæterum è corpore Scribarum fuerunt, qui sequerentur Phariseos, qui Sadduceos, qui Essenos. Errant itaque, qui docent, Scribas fuisse alteram partem sectæ Phariſaica.

**SECLUM.** Hebræis appellatur *עולם*: per quam vocem non solum temporis, sed etiam locorum universalitas, hoc est, æternitas, & orbis universus indicatur. e. g. justitia seculorum *Dan. 9. 24.* significat justitiam æternam & universalem. Ita *Psal. 110.* Christus appellatur *עולם ברוך*: *sacerdos æternus*, id est, perpetuus & universalis, omnium temporum, & locorum. Huc refer illud *Esaïæ 6. 55.* ubi sub persona Messia dicit: *Et percutiam vobiscum* *עולם ברית* *fœdus universale*. Confer *Esa. 61. 8.*

**SECLARIS.** Propriè est ad seculum perti-

pertinens: tum idem, quod mundanus, ad hujus vitę usum pertinens. Sic 1. *Cor.* 6. 3. τὰ βιωτικά redditur secularia. Et hoc modo accipitur bonam vel malā in partem. In bonam: ut secularia judicia, quę pertinent ad res temporarias 1. *Cor.* 6. In malam: ut secularia desideria, quę pertinent ad ambitionem, avaritiam, voluptates. *Tit.* 2. 12. Sic dicuntur artes seculares, i.e. mundanę, distinctę à sacris: *seculare brachium*, potestas mundana politici magistratus, qua externę cogit: opposita ecclesiasticę & spirituali.

**SECULARIA TEMPORA.** Sunt temporamundana, sive duratio rerum creatarum. 2. *Tim.* 1. 9. *Tit.* 1. 2. ubi ante tempora secularia est idem, quod ab æterno, ut eleganter explicat Liranus. In Concord. Lat. vulg. versita explicatur: *Secularia temporum series.*

**SECULARIA DESIDERIA.** Sunt mundanę cupiditates, quę terminantur finibus hujus seculi. *Tit.* 2. 12.

**SECLUM.** Est 1. tempus longum *Exod.* 21. 6. 2. æternitas, sive, ut vulgo loquuntur, tempus perpetuum. *Psal.* 9. 6 & 10. 16. *Dan.* 2. 20. 3. hic mundus *Matth.* 13. v. 39. 40. 49. & 24. 3 & 28. 10. 1. *Cor.* 2. 8. *Heb.* 1. 2. & 11. 3. 4. vita pręsens. *Pf.* 73. 12. *Matt.* 12. 32. 5. corruptio cordis & morum, ad quam se componunt & accommodant homines pręsenti vitę addicti, & futurę contemptores. *Luc.* 16. 8. *Rom.* 12. 2. 2. *Cor.* 4. 4. & 7. 10. *Gal.* 1. 4. *Eph.* 2. 2. *Iac.* 1. 27. & 4. 4. 6. regnum cœleste futurum. *Marc.* 10. 30. *Luc.* 18. 30. & 20. 35. *Hebr.* 6. 5.

**SECUNDUM OPERA & PROPTER OPERA.** Differunt hæc duo plurimum. Nam secundum opera idem est, quod prout testantur opera, qualis homo sit, nempe credens, seu vera fide in Christum

præditus. Nimirum solis credentibus vita æterna est promissa: bona autem opera sunt τρεπίεως fidei. Ita ergo ex qualitate operum intelligitur qualis sit homo. Propter opera autem est idem, quod pro meritis operum, sic ut opera sint causa meritoria, propter quam vita æterna homini debeatur. Hæc dere insignis est locus apud *Gregorium Magnum in explanatione Psalmi 6.* Si illa sanctorum felicitas misericordia est, & non meritis acquiritur, ubi erit, quod scriptum est: Et tu reddes unicuique secundum opera sua? Si secundum opera redditur, quomodo misericordia æstimabitur? Sed aliud est secundum opera reddere, & aliud propter ipsa opera reddere. In eo enim quod secundum opera dicitur, ipsa operum qualitas intelligitur, ut cujus apparuerint bona opera, ejus sit & retributio gloriosa. Illi namque beatę vitę, in quā cum Deo & de Deo vivitur, nullus potest æquari labor, nulla opera comparari. *Basilius Magnus in Psalmos septendecim, homilia 2.* docet, Scripturę consuetudinem esse, ut ἀνταπόδοσιν dicat pro δόσει, id est, retributionem pro datione seu dono, & ἀνταπόδοῦναι pro δοῦναι, retribuere pro dare. *Augustinus tom. 8. enarratione Psalmi 102.* docet, Deum nobis retribuere, non quæ debet, sed quæ non debet, nempe bona pro malis, & inter alia dicit: Retribuit ergo mihi ille verè solus, qui solus donat. q.d. retribuere idem est quod donare. Ibidem: Retributio est, cum peccator & impius vocatus es, ut justificeris. Ibidem. Coronat te, quia sua dona coronat, non tua merita. Ibidem. Quod coronaris, illius misericordia coronaris. Idem enarrat. *Psal.* 118. In profundo malignitatis reddebant ipsi (.Christo.) mala pro bonis: ille in sum-



mo benignitatis reddebat bona pro malis.

**SECURITAS.** Duplex est securitas, spiritalis & carnalis. Hæc est noxia, illa utilis & necessaria omnibus credentibus: quippe quæ nihil est aliud quàm *ἀνταφορία*, seu confidentia de perseverantia in fide Christi usq; ad finem. De hac passim loquuntur Patres: ut *Tertullianus lib. de resurrect. carnis cap. 51.* Quemadmodum enim nobis arrhabonem spiritus reliquit, ita & a nobis arrhabonem carnis accepit, & vexit in cælum, pignus totius summæ illuc quandoque redigendæ. Securæ estote caro & sanguis, usurpatis & cælum & regnum Dei in Christo. *Minutius Felix in dialogo, qui Octavius inscribitur:* Christiani sunt securi spe futuræ felicitatis. *Ambrosius super Rom. 8.* Sic securos nos debere esse fidei causa hortatur, ut Deum, antequam ex impiis fideles essemus, Filium suum pro nobis morti tradidisse ostendat. *Ibidem:* Confidentia hæc de sponsione Christi est, qua promissit in tribulatione adjuvare sibi dicatam fidem. *Idem in enarrat. Psalm. 39.* Gravis populus est, qui fidem Deo suo servat, & qui non aliqua levitate mutetur, neq; nutet, neque fluctuet, sed charitate sit fundatus in Christo, ut possit dicere, Confido enim, quia neque mors, neq; gladius, neq; tribulatio separare me possit à charitate Dei, quæ est in Jesu Christo. *Idem super Rom. 4.* Promti sint circa fidem: securi, quia cui credunt, vivificat mortuos. *Et paulò post:* Hortatur gentes ad hanc fidei firmitatem, ut Dei promissionem & gratiam sine aliqua ambiguitate percipiant, securi exemplo Abraham. *Augustinus tom. 10. serm. 5. de verbis Apostoli:* Securus efficeris nō de te, sed de Domino tuo, securus efficeris de pignore tuo. *Idem to. 9.*

*de symbolo ad Catechemenos:* Secura sint membra de tanto capite, fideliterq; sperent ad ipsum se posse pervenire. *Idem to. 10. serm. 28. de verbis Domini:* Præsume non de operatione tua, sed de Christi gratia. Gratiâ enim salvari estis, ait Apostolus. Non ergo hîc arrogantia est, sed fides: prædicare quid acceperis, non est superbia, sed devotio. *Et mox:* Bona præsumtio, sed moderata.

**SEDERE IN CATHEDRA MOVIS.** *Augustinus lib. 4. doctr. Christi c. 27. & lib. 16. contra Faustum c. 29.* scribit, cathedræ Movis eâ fuisse vim inditam, ut in illa sedentes cogeret vera dicere. Sed hæc expositio non est probanda, ut etiam *Maldonatus*, Jesuita Hispanus, *super Matth. 23.* scribit: ubi mentem verborum Domini his verbis explicat: Ergo cum jubet servare ac facere, quæ Scribæ & Pharisei dum in cathedrâ Movis sedent, dicunt: non de ipsorum, sed de legis ac Movis doctrinâ loquitur. Perinde enim est ac si dicat: Omnia quæ lex & Moses vobis dixerunt, Scribis & Phariseis recitantibus, servate ac facite: secundum aut opera illorum nolite facere: ut *Hilarius* & *Hieronymus* videntur intellexisse. Sic *Maldonatus*: & quidem rectè. *Theophylactus* similiter, sedere in cathedrâ Movis exponit, ea docere quæ præcepta sint in lege Movis. Ex his itaq; verbis nulla infallibilis, sive *ἀναμαρτία*, in fide, quæ prælatis tributa sit peculiari privilegio, potest elici.

**SEDES APOSTOLICA.** Vide **APOSTOLUS.**

**SEDUCO.** Seductio est 1. moralis, vel spiritualis. 2. universalis, vel particularis. 3. ex infirmitate, vel pro æresi profecta. 4. totalis, vel partialis. 5. finalis, vel ad tempus. Quod attinet ad electos Dei filios, illi.

illi neque universaliter, neque totaliter, neque finaliter seduci possunt. Nam ipsorum nomina scripta sunt in cælo: & Deus manum illis supponit, ut, si quando cadant, non excidant. Vehementer itaque hallucinantur, qui defendunt apostasiam Sanctorum.

**SELAH.** Hæc vox legitur in psalmis & cantico Habbacuci. Targum Psalm. 3. 2. (ubi hæc vox primum occurrit.) vertit **פדל** in secula. Sic Aben Ezra interpretatur per **פדל** in perpetuum. Et Hieronymus vertit semper. Hinc est, quod Strapulensis existimat, Selah Hebræis simile aliquid ei esse, quod in ecclesiasticis antiphonis est signatura tonorū finaliū sub vocalibus EUOAE, id est SEULORUM AMEN. Aliis videtur idem esse atque, *Sic se habet, sic est rei veritas.* Alii volunt, quod ea vocula nihil significet, sed tantum dirigat accentum musicum, & sit supplementum melodix: ut cantorem moneat de certa quadā ratione canendi, qua melodia attollatur. Hieronymus in Psalm. 4. Verbum Selah LXX. Interpretes, Symmachus & Theodotio diapsalma transferunt: Aquila verò Semper. Et puto, aut Musici cujusdam soni esse signaculum, aut certè perpetuitatem eorum, quæ prædicta sunt, indicari: ut, ubicunque Selah, hoc est, diapsalma, sive semper, apponitur, ibi sciamus, non tantum ad præsens tempus, verum ad æternum, vel quæ sequuntur, vel quæ præcesserunt, pertinere. Idem in Habac. 3. Hoc quod LXX. transferunt diapsalma, & nos posuimus semper, Symmachus interpretatur eis **פדל** **אין**, id est, in æternum: Theodotio eis **פדל** **אין**, id est, in finem: quinta editio ipsum Hebraicum Selah. Idem epist. ad Marcell. Quidam diapsalma commutationem metri esse dixerunt: alii pausationem spiritus: nonnulli al-

terius sensus exordium. Sunt qui rhythmi distinctionem, & quia psalmi tunc temporis junctæ voce ad organum canebantur, cujusdam musica varietatis existiment silentium. Nobis nihil horum videtur. Et mox: Ex quo animadvertimus, hoc verbum superiora pariter inferioraque connectere, aut certè docere sempiterna esse, quæ dicta sunt. Et paulò post: Igitur, ut nos solemus completis opusculis ad distinctionem rei alterius sequentis, medium interponere Explicit, aut Feliciter, aut aliquid istiusmodi: ita & Hebræi, ut, quæ scripta sunt, roborentur, facere solent: ut dicant Amen, aut In sempiternum: aut scribenda commemorant, ut ponant Selah, aut transacta feliciter protestantur, pacem in ultimo subnotantes. Porro Tremellius & Junius putant vertendam esse vocem Selah pro exigentia loci per planè, maxime, summe, vehementissime, potentissime, excellenter; seu, ut Paulus loquitur, **καὶ ὡς ἐβολή**. Denique sunt, qui putant esse signum epiphonematis, ac si dicatur NB, seu

*Sensibus hoc imis (. res est non parva .) repetas.*

De voce diapsalma obiter notetur illud Augustini in Psalm. 4. Psalma est quod psallitur: diapsalma verò interpositum in psallendo silentium: ut quemadmodum sympsalma dicitur vocum copulatio in cantando, ita diapsalma disiunctio eorum, ubi quadam requies distincta continuationis ostenditur.

**SEMIEN.** 1. Semen mulieris est Jesus Christus: filius nempe virginis. Genes. 3. 15. 2. Semen cæleste est verbum Dei. Luc. 8. 11. 3. Semen Dei est vis illa vivifica, siue **δυνάμεις πνευματικῆς**, quæ in cordibus electorum viget per gratiam Spiritus sancti. Malach. 2. 15. 1. Ioh. 3. 9. 4. Ecclesia dicitur semen Christi, Esa. 53. 10. 5. Semen ecclesiæ sunt homines vera fide

præditi. *Apoc. 12. 17. 6.* Semen diaboli sunt homines impii *Gen. 3. 15.*

**SEMICINCTIA.** Occurrit apud ver. interpret. *Act. 19. 12.* quæ vox ietenta est ex archetypo Græco.

**SEMPITERNUM.** Est 1. temporis cursus & duratio usque ad finem mundi. 2. temporis cursus, duratio & intervallum, à sacramento, ritu & typo legali divinitus instituto usque ad plenam Christi Servatoris per Evangelium manifestationem. 3. æternitas. De prima significatione vide *Gen. 9. 12.* de secunda *Genes. 48. 4.* de tertia *Gen. 17. 19. Hebr. 7. 24.* Quanquam locus *Gen. 17.* etiam potest referri ad secundam significationem.

**SEM.** Fuit filius Noë primogenitus, cuius posteritas duas priores monarchias, Babyloniam & Persicam in Asia possedit. Hic putatur fuisse Jupiter q. d. Jehu-piter sive Jehovah pater, propter promissionem nempe de Christo ex ipsius semine nascituro. Huic in hæreditatis divisione cælum, id est, jura ecclesiæ populi que Dei obvenerunt. Conjectura ista confirmatur per obliquos casus *Iovis*, *Iovi* &c. qui non ab alio, quam Jehovah vocabulo descendunt.

**SENSATUS.** Est sensu valens, prudens, intelligens. Occurrit *2. Chron. 2. 12.* & sapius in *Siracide*, apud vulg. interp. Ita *sensare* *Syrach. 13. 27.* In prosâ Pentecostes, Spiritus sanctus appellatur *Amator sanctæ sensatorum semper cogitatum.* Ubi sensati cogitatus sunt agitationes mentis castæ, & motus animi cum divino verbo congruentes.

**SEPTEM.** Hic numerus appellatur perfectionis, non una de causa. Et primò quidem Deus post creationem rerum sanctificando diem septimum, illum aliis

perfectiorem effecit. Deinde universum hoc seculum constat septem dierum revolutione. Tertiò Deus peculiariter hunc numerum selegit in variis festis. Denique videtur hic ipse numerus occultam aliquam in se vim habere. Porro, ut alii numeri, ita & hic sæpenumero usurpatur indefinire; ut numerus definitus pro indefinito positus esse intelligatur.

**SEPTEM DONA SPIRITUS SANCTI.** Ex *Esa. 11.* veteres elicerunt septenarium donorum Spiritus sancti: videl. sapientiæ, intellectus, consilii, fortitudinis, scientiæ, pietatis, & timoris Domini. Alii pro pietate substituunt precationem ex *Zach. 11.* Pertinet huc illud ex hymno Ambrosii,

*Tu septiformis munere.*  
*Tu, scil. Paraclète,*

*ab utroque Deus, Deus unus, & unus*  
*Spiritus unigeno qui concelebraris honore.*  
ut canit Scaliger: & ut Victorius,

*Semper enim Deus unus, apud quem*  
*Vivebat genitus Verbum Deus, & simul al-*  
*mus.*

*Spiritus, arcani vitalis summa vigoris.*  
Porro de septem donis Spiritus sancti sic legitur in hymno, qui olim cani solebat in die Mariæ Magdalenæ:

*Lauda mater Ecclesia;*  
*Lauda Christi clementiam;*  
*Qui septem purgat vitia*  
*Per septiformem gratiam.*

Septem ista vitia. Sedulius eleganter ait esse:

*Damónico cuneata globò*  
In prosâ Roberti regis Franciæ, *Veni sancte Spiritus*; de septem donis Spiritus sancti ita legimus:

*Da tuis fidelibus;*  
*In te confidentibus*  
*Sacrum septenarium.*



Ubi Siberius ita annotat: Septenarius & denarius magni numeri in divinis voluminibus. Intelligit omnia dona & Spiritus sancti officia. Victorius in prosa sic ait:

*Simplex in essentia;*

*Septiformis gratia:*

*Nos reformet Spiritus.*

Ibi Siberius rursus sic annotat: Septiformis, i.e. multiplex in donis.

SEPTENTRIO. Hunc Hebræi vocant *סִבְיָה* i.e. obscurum. Ratio adfertur gemina. 1. quod Soli multo tempore non sit exposita hæc pars. 2. quod olim non fuerit excultra. At hodiè per Dei gratiam toti orbi præluceat.

SEPTIMANALIA. Sunt festum hebdomadarum, quo offerebantur panes, de quibus Victorius in prosa:

*Panes legis primitivi:*

*Sub unâ sunt adoptivi:*

*Fide duo populi.*

SEPTIMANA MAGNA. Sic dicitur illa, quæ pascha antecedit, ob varios pietatis ritus, qui ad meditationem passionis Christi pertinent. Euseb. hist. eccles. l. 2. c. 17. Chrysost. homil. 30. in Genes. Balsamo ad epistolam Dionysii Alexandrini. Septimana post pascha dicitur Græcis *Ἀγχαίνισμα* quæ renovatoria, quia celebrabatur ut triumphalis resurrectionis Christi, per quam confirmatur nostri renovatio ad vitam æternam. Eadè etiam *ἑβδομάς τῆς Θωμᾶς*.

SEPTICOLLIS. Ita dicitur Roma, quia est septimons, *ἑπτάλοφος*. Sed & Constantinopolis, nova illa Roma, est septicollis. Unde Bellon. observ. l. i. c. 76. de Constantinopoli: *Septem montes murorum ambitu non minus claudit atque vetus Roma.* Verùm montes, quos Roma complectitur, sunt omnium celebratissimi: ut me-

ritò ipsa sola appelletur septicollis. Unde Propert.

*Septem urbs alta jugis, toti quæ præsidet orbi.*

SEPULTURA. Sepulturæ veterum erant extra civitates, ut in agris Gen. 23. 4. Luc. 7. 12. item ubi casus ferebat Genes. 48. 7. 1. Sam. 31. denique in horris: ut Christus est sepultus in horro & monumento divitis Senatoris.

SEQUENS ISRAELITAS PETRA. Hæc phrasi intelligitur Christus, qui nube, petra, manna, &c. fuit figuratus. Hæc petra dicitur sequuta Israëlitas. I. Cor. 10. 4. ubi τὸ ἀκολουθεῖν non solum est sequi præeuntem, sed simul iter facere, sive præeas, sive sequaris, sive te comitem ad latus euntis ad junxeris. Est enim ab α i.e. ὁμῶς, & κλέυθος, via.

SEPTUAGESIMA. Græcè *ἑβδομηκονστή*. Sic appellatur Dominica, qua veteres disciplinam ecclesiæ severiorem inchoabant: & nominatim jejunium. Quædere est in hymno:

*Dies absoluti prætereunt;*

*Dies observabiles redeunt.*

*Tempus adest sobrium;*

*Quarantus puro corde Deum.*

Cæterum hæc Dominica dicitur Septuagesima, quia ab ea usque ad pascha sunt dies LXX. quos volunt repræsentare LXX. annos captivitatis Babylonicæ. Eo tempore intermittitur Alleluja. Porro Sexagesima est Dominica post Septuagesimā, habens LX. dies. Sic Quinquagesima, Quadragesima &c.

SERVUS SERVORUM. Gregorius Magnus, Papa, episcopi universalis sive æcumenici titulum averfatus, servum sese servorum Dei appellavit. Ego, inquit in epistolis, fidenter dico, quod, quisquis se uni-

H h h. 3. versa.

versalem sacerdotem vocat, vel vocari desiderat, in elatione sua Antichristum præcurrat: quia superbiendo sese cæteris præponit. Cæterum *servus servorum* phrasi Hebraica dicitur servus omnium infimus atque minimus, & omnibus inferiens: sicut è contratio *dominus dominorum*, sive *dominantium*, dicitur, qui est dominus omnium maximus & supremus.

**SERVILE OPUS.** Sic *Levit.* 23. v. 7. 8. *Num.* 28. 18. dicitur omne opus corporalis laboris, quo quærantur τὰ βιωτικά; maximè si sabbati sanctificatio impedit.

**SERAPHIM.** Sunt angeli, qui igniti apparere solebant, ut hoc symbolo significaretur, partim puritas naturæ angelicæ, partim ipsorum officium, quod in eo vertitur, ut sint muri ignei pro populo Dei & incendiarii hostium Dei & ecclesiæ. Cyrillo Seraphim *ἐμπνέσαι ἡ θεομαχίας*. Fabricius in Lexico ait: *Seraphim, amoris divini igne accensi.* Sed simplicissimum est, angelos ex specie assumpta, in qua apparent, & ex actionibus legativis, istud nomen accepisse: veruntamen ita, ut symbolū naturæ & officii insinuetur.

**SERPENS VECTIS.** Sic *Esa.* 27. 1. appellatur Leviathan seu balæna: quoddam oblongus. Confer *Iob.* 26. 13. Est autē apud Esaiam allegoria hoc modo: Serpens seu balæna est hostis; qui est oblongus, i. e. valens magna vi; & tortuosus, i. e. valēs fraude.

**SERPENS ANTIQUUS.** Est diabolus *Apoc.* 12. 7. Ille est *serpens* ob astum & venenum mendacii & antiquitatis: *antiquus*, quia ab initio homicida. Ab initio, inquam, *δὲ τοσαύτας, defectionis*, non *πρωτογενέας, creationis.* *Joh.* 8. 44.

**SESACH.** Propriè est festum quoddam Babylonicum: vel ut alii volunt, &

dea quietis, & festum quietis seu voluptatis: à *שָׁח, quiescere.* Deinde Sefach est ipsa Babylon, non simpliciter, sed *εὐνοίας, & Cæ, festum celebrans.* *Jer.* 25. 26. & 51. 41. Dicitur etiam *Scheschac, Sac, & Sefac.*

**SESSIO.** Est ipse actus sedendi. Occurrit in vulg. vers. 1. *Sam.* 20. 18. *Esth.* 5. 9. *Psal.* 139. 2. *Thren.* 3. 63. 4. *Esd.* 2. 23.

**SEXAGESIMA.** Erat minima ex decimis Judæorum. Judæi ad duas decimas tenebantur lege. De prima est *Num.* 18. v. 21. 25. quæ præstabatur Levitis ad eorum alimoniam; ipsi autem Levitæ hujus decimæ decimam præstabant sacerdotibus. De altera est *Deut.* 13. 23. & *Levit.* 27. v. 30. 31. Præter has, & alias voluntarias habebant: ubi hic mos servabatur; ut qui minimum donum darent, minus sexagesima parte justæ æstimationis frugum suarum non darent: qui autem liberaliter agere volebant, quadragesimam penderent; qui neque liberali animo, neque sordido erant insignes, intra hos terminos consistentes, aut ad hos aut ad illos, prout erant affecti, accedebant. Primorum oblatio dicebatur, *theruma oculi boni*; secundorum, *theruma oculi mali*; postremorum, *theruma mediana.* Deinde *Sexagesima* in ecclesia Latina dicitur Dominica post Septuagesimam. Vide paulò ante *Septuagesima.*

**SICCUM.** Est terra arida. *Exod.* 14. v. 16. 21. c. 22. 29. 2. *Reg.* 2. 8. *Neh.* 9. 11. 2. desertum. *Psal.* 105. 41. *Esa.* 50. 2.

**SICLUS.** Est nummus & pondus. Erat autem siclus apud Hebræos, Chaldæos, Syros, Egyptios, Persas. Hinc siclus distinguitur in Hebraicum & Gentilem, hoc modo:

Siclus

Siclus	Hebraicus	Sacer, sive sanctuarii: semuncia argenti, seu dimidius thal. Imper.
		Communia, seu vulgaris, profanus, laicus, civilis, politicus, provincialis, regius: erat subduplus ad sacrum, nimirum quarta pars thaleri Imperialis.
Gentilis	Aegyptius	Argenteus 10. obol. Attic.
		Aureus 8. obol.
	Persicus	dimidio minor Aegyptio.

Servator noster venditus fuit xxx. siclis sacris, id est, 15. thaleris, quæ est mina argenti. *Euseb. lib. 10. demonstr.* Porro siclus etiam fuit pondus in auro, argento, ære, & ferro.

**SIGAIOM.** Est genus carminis. Radix est  $\Psi$  *errare, oblectari.* Aben Ezra exponit delictum: alii errorem & ignorantiam confessionem: alii oden variam, erraticam, seu *ποικιλωδαν*: alii oden mixtam, quod omnibus rationibus musica caneretur, junctis symphoniis gravibus & acutis: alii denique cationem ad varios & instabiles modos sive tonos factam, quæ usurpata fuerit in magnis animi perturbationibus & angustiis, ubi uni sermoni non insistitur, sed ab alio ad alium transcurritur.

**SIGILLA.** Hæc vox in Apocalypsi significat pœnas certò venturas, ut quæ à Deo firmiter decretæ & ceu sigillo ipsius obsignatæ sunt: non aliter nempe, quàm ut itatus pater filio inobedienti confirmat, se pœnas de eo, ni emendetur, certissimè sumpturum. Sigillorum istorum apertio, est executio decreti, quod Deus intra sapientiæ & justitiæ suæ inaccessu penetralia contra mundi ingrati tudinem tulit. Sigilla hæc continent historiam ec-

clesiæ inde à tempore scriptæ Apocalypsis usque ad annum Christi 606.

**SIGILLUM.** Hæc vox *Apoc. 7. 2.* habet notam hieroglyphicam singularis illius Dei curæ & solitudinis circa electos, qua illos in mediis pœnis & scandalis à reliqua mundi fæce discernit. Deinde electorum periculū perdendorumq; metus per idem indicatur: quem metum hæc sigilli appressio suis bestię antichristianæ fucata impostura majorem arguit, quàm sub ethnicorum persecutione. Nam ibi nihil tale adhibitum legimus. Cujus rei hæc proculdubio causa fuit. Sub gentilium persecutione Christianismus à Paganismo facilè discernebatur. At verò in regno Antichristi veros Christianos Christiani larvati persequuntur, ubi confusionis longè majus futurum est periculum. Ideo Christus, tanquam pastor bonus, eos signat, ut oves genuinas à personatis discernat. Denique sigillum hoc documento est, cœterum hunc nullo carnali caractere conspicuum fore, qui scilicet in oculos incurrat, ut ecclesia citius inveniri & facilius agnosci queat, quàm Scriptura, ut Bestię propugnatores contendunt.



**SIGNUM CRUCIS.** De hoc Tertullianus eleganter ait: *Crucē, non materia, sed forma, quæ est ipsum Dei corpus, tute[m]ur claustra pectoris: quæ posteriora verba sumimus ex hymno, Iam ter quaternis trahitur, Horis dies ad vesperam.* Augustinus ait: *Signum crucis à nobis expellit exterminatorem, si tamen cor nostrum Christum habeat inhabitatorem.* Hic enim est, qui crucem consecravit: &, ut canit Sedulius,

— — — — — *pœnam vestivit honore,*

*Suppliciumq[ue] dedit signum magis esse salutis:  
Ipsaq[ue] sanctificans in se tormenta beavit.*

Hic tenenda est regula, plerisque veterum metonymicè seu metalepticè loqui de cruce: ut in hymno Venantii Fortunati,

*Vexilla regis prodeunt,*

*Fulget crucis mysterium.*

Et in alio:

*O crux ave, spes unica*

*Hoc passionis tempore:*

*Auge piis iustitiam,*

*Reusq[ue] dona veniam.*

*Te summa Deus Trinitas*

*Collaudet omnis Spiritus:*

*Quos per crucis mysterium*

*Salvas, regenos per secula.*

Rursus in alio hymno Venantii Fortunati:

*Pangelingva gloriosi*

*Prelum certaminis,*

*Et super crucis trophæo*

*Dic triumphum nobilem.*

Hic passio Christi eleganter appellatur certamen gloriosum: quo nempe sapientia malitiam, veritas astutiam, humilitas superbiam, inobedientia contumaciam, innocentia peccatum, ignominia crucis Satanam, vita denique mortem devicit,

Siberus eleganter ait in *Breviario Christiano*: *Laudes crucis per metonymiam intelligenda de eo,*

*Sponte sua nostras qui solvit sanguine pœnas  
Sufficit cruce.* — — —

Ut ita

— — — — — *fieret mors*

*Unius infantis multorum vita reorum,*

Ut est apud Prosperum.

**SIGNACULUM.** Est idem, quod sigillum. Occurrit *Iob. 9. 7. & 14. 17. & 38. 14. Cant. 8. 6. Eccl. 12. 33. & 38. 28. Ezech. 28. 12. Hagg. 2. 24. Rom. 4. 11. 1. Cor. 9. 2. 2. Tim. 2. 19. Apoc. 5. v. 2. 5. 9.*

**SIGNATOR.** Occurrit apud veter. interpret. *Neb. 10. 1.* Signatores autem fuerunt.

**SIGNO.** Sæpe idem est, quod obliquo. Et ita signat Deus & homo. Deus: videl. communiter *Deut. 32. 34. Iob. 14. 17. & singulariter Pater Iohan. 6. 27. 2. Cor. 1. 22. Eph. 1. 13.* item Filius *Ezech. 9. 4.* denique Spiritus S. *Eph. 4. 30.* Homo: *1. Reg. 21. 8. Esai. 3. 12.*

**SILENTIUM DIMIDIÆ HORÆ.** Hoc silentium *Apoc. 8. 1.* quibusdam indicat brevem illi in respirationem, quæ ecclesiæ circa Constantini ætatem fuit concessa, furore gentili jam mitescente. Tum enim fatales illæ turbæ iussu & providentia Dei in ecclesia & politia, unâ cum piorum persecutione ad tempus, sed non diu, cessarunt.

**SILEO.** Deus dicitur silere humanitūs. *Psal. 28. 1. & 35. 22. & 39. 13. & 50. 2. Esai. 42. 14. Soph. 3. 17.* Deinde naturaliter homo, & aliæ creaturæ silent. *Gen. 34. 5.* Deniq[ue] homo silet metaphoricè. *Pf. 39. 3. Soph. 1. 7.*

**SILOH.** Consentiant Christiani omnes interpretes, & veterum etiam Hebræorum plerique omnes, hac voce Mes-

siam

nam significari. Sed in derivatione vocis non consentiunt. Alii enim explicant *χοιρῶν αὐτῆς*, id est, secundina ejus, scil. Judæ: hoc est, filius in secundinis contentus. Nam *יָשׁוּעַ* est fascia, in qua involvitur fœtus in utero materno. Sic explicat R. David. Alii vertunt tranquillatorem, salvatorem, & pacificum, cui omnia feliciter succedunt, à *יָשׁוּעַ* pacificum esse. Latinus interpretes vertit, Qui mittendus est, quasi sit à *יָשׁוּעַ*, misit. Est qui derivat hanc vocem à *יָשׁוּעַ*, cessare: ut *יָשׁוּעַ* sit filius natu minimus, post quem cessat partus. Tum fuerit hic sensus: Messias est ultimus filius Davidis, qui terrestre ac corporale ipsius regnum tollit, & cum cœlesti ac spiritali commutabit, Alii vertunt secundinam ejus, scil. matris virginis: quod *יָשׁוּעַ* sit articulus fœminini generis. Ita ergo Siloh idem fuerit, quod *Semen mulieris*. Septuaginta: *ἕως ἂν ἔλθῃ τὰ δόκείμενα αὐτῷ, donec veniant, quæ reposita sunt ei* q. d. bona reposita, de quibus traditæ sunt promissiones, quibus finem Christus attulit. Alii è Græcis priscis: *ἕως ἂν ἔλθῃ ὃ δόκεται, donec veniat cui repositum est*, nempe regnum æternum. *Abrahamus Scultetus in delitiis Pragensibus* ait: Simplex vocis Siloh intellectus aliam vim affert, quæ non gignit multas disputationes. Siloh enim significat faustum, felicem, Salvatorem. Credo etiam, inquit Phil. Melanchthon, hæc vocabula Latina, *Salve, Salus*: item *Salvus & Salvator*, orta esse ab Hebræo. Ut apud Salomonem in Proverbiis, & sæpè in Prophetis, vocabulum *Salus* & *Salva*, pro salute, opulencia, felicitate, abundantia, prosperitate. Talis igitur Messias.

**SILVÆ DOMUS.** Ita 1. Reg. 7. 2. di-

citur domus, quæ refrigerationis æstivæ causa in silva fuit structa æstuosis regionibus.

**SILVA MELLIS.** Ita appellatur favus mellis. 1. *Sam.* 14. 27. quod in Cananæa per silvas magna copia mellis erat.

**SILVESTRE MEL.** Sic *Matth.* 3. appellatur mel, quod in silva fiebat. Nam in calidioribus regionibus tanta apum copia esse solet, ut, cum alvearibus capi non possint, in silvas avolent, & aut in arborum truncis, aut in rupium fissuris mellificent. Hoc mel non est quidem amarum, ut quidam prodiderunt, sed tamen non ita suave ut mel domesticum: quia sapit naturam arborum & rupium, in quibus conficitur.

**SIMILITUDO.** Est 1. Dei: *Genes.* 1. 26. & 5. 1. *Iacob.* 3. 9. 2. hominis, & aliarum rerum, tum naturalium, tum artificialium *Genes.* 5. 3. *Exod.* 16. 14. *Deut.* 4. *vers.* 15. 16. 3. parabola, figurata oratio, aliud dicens, aliud intelligens sub dictis occultum. *Luc.* 4. 23 & 5. 36. & 6. 39. & 8. 4. & 12. 16. & 13. 6. & 20. 19. & 21. 29.

**SIMILOR.** Idem est, quod similis fio. Sic vulg. interpr. *Hebr.* 2. 17. Debuit per omnia fratribus similari.

**SIMONIACUS.** Hoc nomine appellatur, qui officia ecclesiastica & res sacras vendit vel emit. Peccatum ipsum appellatur Simonia. Utrumque nomen originem habet ex historia Simonis Magi, qui gratiam Spiritus S. volebat emere pecunia. Contra hoc crimen multa possent adferri ex Patribus. Sed nos uno vel altero erimus contenti. *Gregorius Nazianzenus*, ut citatur in jure canonico, capitulo Qui studet; & capitulo, Quicumq; Priori loco sic

ait: Qui studet donum Dei pretio mercari, in sacro ordine nulla ratione de cætero permanere, aut revocari posse dubium non est. Talis à communione omnibus modis abscindatur. Nam Spiritus S. donum pretio comparari, quid aliud est, quàm capitale crimen, & Simoniaca hæresis. *Posteriori loco hac habentur: Qui-* cunq; sacros ordines vèdunt aut emunt, sacerdotes esse non possunt. Unde scriptum est: Anathema danti, anathema accipienti, h. e. Simoniacæ hæresi. Quomodo ergo, si anathema sunt, & sancti non sunt, sanctificare alios possunt? Et cum in Christi corpore non sint, quomodo Christi corpus tradere, vel accipere possunt? Qui maledictus est, benedicere quomodo potest? *Gelasius Papa, epistola 1. capitulo 26. ut citatur in jure canonico, capitulo Quos: Quos constituerit indignos meritis, sacram. mercatos esse pretio dignitatem, convictos oportet arceri, non sine periculo facinus tale perpetrantes, quia dantem pariter & accipientem damnatio Simonis, quâ sacra lectio testatur, involvit. Ipsi etiam gentiles luce naturæ intellexerunt, falsam esse religionem, in qua res sacræ pecunia venduntur & emuntur: ut videre est in Platonis dialogo, qui inscribitur Eutyphro vel *ἡ εὐφροσύνη*, de sancto: ubi docet, falsæ religionis notam esse, quod sit *ἐμπορικὴ*, id est, mercatoria sive institoria. Nos Christiani id certiùs novimus ex *Act. 8. v. 18. & seqq.* ubi cum Simon Magus emere oblata pecunia facultatem conferendi Spiritum S. voluisset, gravissimè à Petro apostolo fuit objurgatus & reiectus. Breviter: Simonia est ambitus in factis, i. e. studiosa voluntas vendendi & emendi spiritualia vel spirituali-*

bus annexa per temporalia: sic dicta à Simone Mago. *Act. 8.*

**SINUS DEI.** Est arcanum, tutela, & benedictio ejus. *Suidas: κόλπος Ἰηὺ θεῶ ὁ τῶν ἀγαθῶν θησαυρός.*

**SINUS ABRAHÆ.** Est cælum beatorum. *Luc. 16. 22.* Dicitur sinus; quia pater in cælo velut accumbentes tanquam in sinu Abrahami recumbunt. *Matth. 8. 11.* Nam in discumbendo hic ordo est, ut, cui quis proximus est, in ejus sinum recumbat. *Ioh. 13. 23.* vel quia sinus paternus aut maternus infantibus solet esse locus refugii & quietis. Sinus autem Abrahami dicitur; quia Abrahamo potissima promissio facta est de gentibus omnibus in semine ejus benedicendis. *Gen. 12. 18. & 22.* & ipse est pater, ut credentium, ita beatorum. *Rom. 4.*

**SION.** Significat 1. montem, & arcem in isto monte. 2. civitatem Davidicam quod in ea parte urbis Hierosolymorum David habitaverit. 3. figuratè ecclesiam Dei, quæ sub lege cultum externum habuit in templo Hierosolymitano; & sub evangelio per orbem plantatum veritatem exhibuit in typo demonstratam. 4. ecclesiam in cælis triumphantem. Vulgo dicunt, Sionem literaliter esse montem, allegoricè ecclesiam militantem, tropologicè eor hominis credentis, anagogicè ecclesiam triumphantem. Porro *filia Sionis* ecclesiam Judaicam designat, quæ militantis & triumphantis ecclesiæ typus fuit. *Filia Sion* sunt mulieres & puellæ Hierosolymitanæ. Aliquoties etiam hoc nomine omnes urbis illius incolæ significantur. Item veræ ecclesiæ cives, ut *Cant. 3. 11.*



**SITIO.** Accipitur i. de siti corporali, eaque naturali vel præternaturali. 2. de vera & laudata siti spiritali. *Psal.* 42. 3. & 63. 2. *Esa.* 35. 7. & 44. 3. & 55. 1. & 65. 13. *Matth.* 5. 6. *Iohan.* 4. v. 13. 14. 6. 6. 35. 6. 7. 37. *Apoc.* 21. 6. & 22. 17.

**SODOMA.** Ecclesia Romani Antichristi appellatur Sodoma ob impiam & libidinofam vitam. Eadem appellatur Babylon & Ægyptus. *Apoc.* 11. 8. & 14. 8. & 17. 5. & 18. 2. Sub quibus symboli- cis appellationibus universa illa impietas significatur, quæ sub plagis Apocalyp- ticiis continetur. Qui sanè Papatum penitiùs introspexerit, fateri cogetur, cum tanquam Tripolim ex hisce tribus metropolibus quasi constructam esse. Videt. **ÆGYPTUS.**

**SOL.** Propriè est princeps stellarum *Genes.* 19. 23. Metaphoricè est i. æstus afflictionum & persecutionum. *Cant.* 1. 6. 2. gloria, qua quis fruitur. *Ierem.* 15. 9. 3. Spes liberationis. *Amos.* 8. 9. 4. visio veritatis. *Mich.* 3. 6. 5. Christus *Esa.* 60. 20. *Malach.* 4. 2. ubi sol mysticè significat Christum, solem illum iustitiæ, de cuius plenitudine ecclesia, ceu subjecta luna, omnesque stellæ, id est, ecclesiæ doctores & omnes electi, lumen suum hauriunt. Sol iste obscura- tur, quando per humanarum inventionum traditiones, non ipsi Christo, sed doctrinæ cœlesti de ejus merito & effi- cacia tenebræ offunduntur, ut lux illa veritatis mortalibus non amplius luceat. Atque ita fit, ut terra solem, à quo illustrari debebat, obscuret, sive eclipsin pariat, quæ tamen ipsummet solem non afficit. Porro sol est lucis vas & receptaculum, ejusque vehicu-

lum, ὄχημα, ut loquitur Basilus. Ita **CHRISTUS** in se continet plenissi- mam lucem, eamque nobis advehit. Et sicut

*Ostendit sese Titan, atque omnia secum:*

Ita Christus ostendit nobis seipsum, & in seipso omnia quæ ad nostram beatita- tem satis sunt.

**SOLATIUM.** Consolatio est phi- losophica, id est, humana, vel divina: moralis & externa, vel interna: tempo- ralis, vel æterna.

**SOLUS, A, UM.** Scholastici doc- cent hanc vocem accipi categorematicè, vel syncategorematicè. Ibi ut no- men, hîc ut adverbium sumitur. Ita cum dicimus, nos sola fide justificari, particula *sola* accipitur categorematicè. Neque enim solùm justificamur fide: sed merito Christi principaliter, fide instru- mentaliter.

**SOLA FIDE JUSTIFICARE.** Cum dicimus *sola fide nos coram tribuna- li DEI justificari*, non hunc sensum ha- bet, nos justificari, quod nos justos pu- temus, quasi fides sit opinio. Neque et- iam sola fide idem est quod solitaria fi- de, quæ nulla profert opera. Neque idem est quod propter qualitatem aut meritum fidei. Quis igitur est sensus? Est metonymicus, sive metalepticus, hoc modo. Sola fide, tanquam unico instrumento, & unica manu apprehen- dimus & nobis applicamus justitiam, obedientiam & meritum Christi. Illam siquidem obedientiam loco nostro præ- stitit. Hac, inquam, fide justificamur, hoc est, à Deo constituimur, censemur, ju- dicamur,

dicamur, habemur, reputamur, & pronuntiamur iusti, i. e. innocentes & absoluti à damnatione & pœna omni, & qui habeamus jus vitæ æternæ. Addimus *coram tribunalis Dei*: coram quo nulla valet, nullaq; potest consistere iustitia, nisi omnibus numeris, partibus, & gradibus perfecta: ut discernamus justificationem nostri, quæ fit coram Deo, à justificatione nostri, quæ fit coram hominibus. Hæc enim fit ex operibus. Quam in sententiam apostolus Jacobus ait *cap. 2. v. 24. Videtis igitur hominem justificari ex operibus*, hoc est, coram hominibus ostendi, declarari, cognosci, & comprobari iustum: & *non ex fide tantum*, id est, ex sola præsumptione & professione externa oris, quod credamus in Christum. Porro nos sola fide justificari docent etiam Patres. Nam *Justinus Martyr epistola ad Diognetum* sic ait: αὐτὸς γὰρ ἑαυτὸν ἀπέδειξεν, ἐπέδειξε δὲ καὶ πείσους. ἢ μόνῃ θεὸν ἰδεῖν συγκεχώρηται, i. e. Ipse se ipsum ostēdit. Ostendit autem per fidem. Qua sola Deū videre concessum est. *Clementis Alexandrinus pedag. lib. 1. Μία καθολικὴ τῆς ἀνθρωπότητος σωτηρία ἡ πίστις*, h. e. Una & universalis humani generis salus est fides. *Origenes super epistolam ad Rom. lib. 3.* Imminet igitur nobis, qui integram esse Scripturam apostoli conamur asserere, & ordine suo cuncta cōstare ut requiramus quis sine operib. sola fide justificatus sit. Quantum igitur ad exemplū attinet, sufficere arbitror latronem, qui cum Christo crucifixus clamavit ei de cruce, Domine Jesu memento mei, cūm veneris in regnum tuum. Nec aliud quidquam describitur boni operis ejus in evangelio: sed pro hac sola fide ait ei Jesus, Amen dico tibi, hodiè mecum eris in paradiso. *Ibidem* ait, quod ad justificandum sola fi-

des sufficiat. *Hilarius in Matthæum canone 8.* Fides sola justificat. *Basilii Magni homiliâ de humilitate*: Hæc enim est perfecta & integra gloriatio in Deo, quando neque ob iustitiam suam quis extollitur, sed novit quidē seipsum veræ iustitiæ indigum esse, sola autē fide in Christum justificatum. *Chrysostomus tomo 5. serm. de fide & lege*: Latro credidit duntaxat & justificatus est à misericordissimo Deo. Atque hīc ne mihi dixeris, defuisse ei tēpus, quo iustè viveret & honesta faceret opera. Neque enim de hoc contēderim ego: sed illud unum asseveraverim, quod sola fides per se salvum fecerit. *Idem super epist. ad Gal.* Illi (.nempe Judæi.) dicebant, Qui sola fide nititur, execrabilis est: hic (.nempe *Paulus.*) contra demonstrat, ὅτι ὁ τῇ πίστει προσέχων μόνῃ εὐλογημένος, q̄ qui sola fide nititur, benedictus est. *Ambrosius super 3. Rom.* Iustificati sunt gratis, quia nihil operantes, neq; vicem reddentes sola fide iustificati sunt dono Dei. *Idē aliquoties hoc reperit super 4. Rom. & super 1. Cor. 1.* ait: Hoc constitutū est à Deo, ut q̄ credit in Christum salvus sit sine opere, sola fide gratis accipiens remissionē peccatorum. *Hieronymus super Rom. 4.* Proposuit (.Deus.) gratis per solam fidem dimittere peccata. *Augustinus ad Petrum diaconum cap. 26.* Erasmus enim & nos naturā filii iræ, sicut & cæteri. A quaita nullus liberatur nisi per fidem mediatoris. *Bernhardus serm. 22. super Cantica*: Quisquis pro peccatis compunctus esurit & sitit iustitiam, credat in te qui justificas impium: & solam per fidem justificatus, pacem habebit ad Deum.

SOLVERE ET LIGARE. Metaphorica hæc est locutio, non eodem modo semper exponenda, sed diversè pro loco, & re,

& re, & persona, qua de fit sermo. Nam metaphora solvendi & ligandi eodem spectat cum metaphora clavium. Petita autem est à magistratibus, qui habent jus conjiciendi in carcerem, & dimittendi è carcere, quemadmodum *Chrysostomus ostendit libr. 3. de sacerdotio*. Hebræi autem ea translatione usi sunt ad denotandam alicujus potentiam. *Iosephus lib. 1. belli Judaici cap. 4. οἱ δὲ (Pharisæi.) τὴν ἀπολόγηται τῆς ἀνθρώπου* (Alexandræ regnum Judaicum administrantis.) κατὰ μικρὸν ὑπὸντες, ἤδη καὶ διοικηταὶ τῶν ὅλων ἐχέοντο, δῶκεν τε καὶ κατὰγειν, οὗς ἐθέλοισιν, λυεῖν τε καὶ δεῖν, hoc est, hi simplicitatem mulieris paulatim laceffentes, tandem gubernatores summa rerum evaserunt, ejiciendo & reducendo, quos lubitum esset, item solvendo & ligando. Hic potentia magnæ indicia sunt, posse in exilium pellere, & revocare ab exilio, item solvere & ligare. Sed, ut dixi, hæc phrasis diversam potestatem designat, pro loco & personis, quibus de agitur. Nam alia est potestas ligandi & solvendi, quæ regi aut supremo magistratui competit: alia quæ magistratui inferiori, cui jurisdictio fuerit demandata: alia item licitori, qui est minister magistratus. Cum igitur hæc metaphora, quam Dominus Petrum & Apostolos alios alloquens usurpavit, modò majorem, modò minorem potestatem denotet, quaeritur quis sit sensus verborum Domini *Matt. 16. & 18.* Intelligitur autem uno verbo potestas ligandi & solvendi vincula peccatorum, in nomine Christi. Hoc est, quod Scholastici dicunt, Deum remittere peccata *authoritative*, Apostolos & eorum successores *nuntiative*, *interpretative*, & *ministerialiter*.

Σωματικῶς. Est 1. corporaliter. 2. verè.

Sic *Col. 2. 9.* in Christo dicitur habitare omnis plenitudo deitatis corporaliter, hoc est, omnis perfectio deitatis, æternitas, immensitas &c. in Christo est verè & substantialiter, imò & visibiliter, quatenus Deus patefactus est in carne. Hac dere eleganter differit Hugo Card. *Corporaliter, id est, veraciter, complete, non umbraliter*. Item: *Corporaliter, id est, solidè, quasi secundum tres dimensiones corporum*. Et Lyra: *Plenitudo divinitatis, id est, divinitas perfecta, non solum per essentiam, præsentiam, & potentiam, per quem modum in omnibus creaturis est: vel per gratiam, per quem modum est spiritualiter in sanctis: sed etiam per unionem in supposito: Corporaliter, quia est à Verbo assumpta in corpus*.

SOMNIUM. Est naturale, vel non-naturale. Illud est vulgare, vel singulare: hoc, divinum, vel diabolicum: & divinum est theorematicum i.e. clarum, vel allegoricum & ænigmaticum.

SOMNIATOR. Est 1. qui somniat. 2. Propheta falsus. *Gen. 37. 19. Deut. 13. 3. Jer. 27. 9. Zach. 10. 1.*

SOMNUS. Est 1. affectio physica sive naturalis. *Luc. 9. 32.* 2. affectio antiphysica sive præternaturalis. 3. stupor animi. *Roman. 13. 11.* 4. mors corporis. *Ioh. 11. 11.* Itaque somnus est corporalis, vel spiritualis: & corporalis est secundum, vel præter naturam.

SOPHISTA. Antichristus *Dan. 8. 23.* duobus epithetis depingitur: videl. פנים עז, & מבין חירות. Prius, *impudentem*, posterius *intelligentem anigmata*, interpretantur: è quibus hæc posterior interpretatio nimis est angusta. Nam חירות latius patet quàm Græcorum ænigma, ut q̄ in genere de omnibus argutè dictis & inventis usurpatur. Itaque מבין חירות significabit hominem cautum & versipellem, què



ingenii versuri expedita facultas nunquam destituit, quique omnes alios capere, ipse vero à nemine capi aut circumveniri potest. Cujusmodi Protea in scholis olim *subtilistam*, hodie *sophistam*, in aulis *Practicum*, in castris *Hannibalem*, vulgo *vulpem* appellare consueverunt. Quæ omnia Antichristo & tanis ipsius, de quibus *Apoc.* 16. egregiè competunt.

SORS. Est triplex. 1. Divina & extraordinaria, eaque infallibilis. *Iosue* 7. 1. *Samuel.* 10. *Ion.* 1. *Actor.* 1. 2. Humana, seu politica: eaque divisoria *Levit.* 16. *Iosue* 18. vel consultatoria, in rebus liberæ electionis. 3. Diabolica; quæ dicitur *μαντιχη*, divinatoria, quod ad divinandum adhibeatur, videl. ad inquirendum curiosè de rebus præteritis, præsentibus vel futuris. Porro fors accipitur propriè, ut *Levit.* 16. 8. vel impropriè: & ita fors spiritalis est illa quæ pertinet ad vitam æternam *Actor.* 26. 18. *Eph.* 1. 11. *Coloss.* 1. 12.

SPECIES. Usitatum est panem & vinum in eucharistia appellare species: ut in prosâ Thomæ Aquinatis de sacrâ cœnâ,

*Quod non capis, quod non vides,  
Anima firma fides,  
Præter rerum ordinem.*

*Sub diversis speciebus,  
Signis tantum, & non rebus,  
Latent res eximia.*

*Caro cibus, sanguis potus:  
Manet tamen Christus totus  
Sub utraq; specie.*

SPECULUM TRINITATIS. Itaeleganter appellatur essentia Dei unius & trini: utpote in quâ, tanquam in speculo nitidissimo, resplendent omnes res bo-

næ; utpote simulachra seu imitabiles divini bonitatis.

SPES CHRISTIANA. Est expectatio boni æterni propter Christum fide apprehensum. Hæc à terrenis sublevat ea contemnendo: facit, ut finem in summo bono constituamus, & propter illum finem operemur, imò & patientes simus, dum differtur. Hoc est *spernere* terrestria, *spirare* cœlestia, *separare* se à mundo, & *superare* omnia obstacula, quæ diabolus, mundus & caro nobis obiectant.

SPIRITUS SANCTUS. Sic appellatur tertia psona τῆς ἐν μονάδι παναγίας τριῶν ἀγίων τριάδος. Et spiritus quidem appellatur, tum quia spiratur à Patre & Filio, id est, ab iis unâ spirantibus procedit: tum quia nobis inspirat sanctos motus, facitque ut homo regenitus

— agat magna cœlestia semina mentis. Appellatur autem sanctus, quod immediate sanctificet. Itaque vocabula *Spiritus* & *sanctus* hîc non accipiuntur *ἁπλῶς* (ita enim Pater & Filius his nominibus insigniuntur.) sed *χαρὰν ἡγιασμένων*. Eleganter itaque Prudentius in hymno, *Inventor rutili dux bone luminis*, de Patre ait,

*Spirat de patrio corde paracletum.*

SPIRITUS SEPTEM. *Apocal.* 1. 4. est Spiritus sanctus, unus ille quidem, sed quasi septuplex, relatus ad septem ecclesias, quibus Johannes scribit. Quod autem *Apoc.* 5. v. 7. Christus dicitur habere septem illos spiritus Dei missos in universam terram, id accipiendum est de donis Spiritus sancti, quæ Christus spargit in universum mundum. Ista dona sunt septem, id est, perfectæ. Septenarius enim est numerus perfectionis.

SPON-

**SPONSUS.** Proprie est qui fidem matrimonii dedit. Inde transfertur ad initium rerum aliarum: ut cum infans recens circumciscus appellatur sponsus. *Exo. 4. 25.*

**STATUS EXINANITIONIS & EXALTATIONIS CHRISTI.** Modus ille, quo Christus abolitis peccatis, diffidium inter Deum & nos sustulit, consideratur in duplici Christi statu, nempe humiliatiōnis & exaltationis: in quibus tota illa salutis nostræ dispensatio, & triplicis officii Christi executio consistit. *Status exinanitionis* est tota illa œconomia, quâ Christ⁹ formâ servi accepta, patri fuit obediēs usque ad mortē, mortem aut crucis. *Phil. 2. 7.* *Status exaltationis* est tota illa œconomia, quâ ex mortuis resurrexit, ascendit in cœlum &c. Hinc patet exinanitionem & exaltationem Christi respicere totam personam, non verò humanam duntaxat naturam.

**STATUS PROPORTIONATUS, & SUPEREXCEDENS.** Scholastici dicunt res creatas, & inprimis hominem, à Deo ordinari vel secundum ordinem naturæ, vel supra istum ordinem. Priorem statum appellant proportionatum, posteriorem superexcedentem: quia ibi res ferūtur ad finem suum, juxta proportionem naturę creatæ; hinc diriguntur à Deo ejusmodi ordinatione, quæ excedit proportionem naturæ. Ceterum etsi inter hominem & Deum datur proportio similitudinis seu imaginis: non tamen datur proportio æqualitatis; quæ καθ' ἕξοχὴν appellatur proportio. Atque hoc modo oportet intelligere, quando dicimus inter hominem & Deum nullam esse proportionem.

**STATUS VIÆ & PATRIÆ.** Quidquid ab homine, vel circa hominem sit, duob⁹ terminis & statibus concluditur, quos veteres theologi *viæ & patriæ* nominibus significarunt, argumento istorum locorū, *Prover. 2. v. 20. c. 4. v. 26. 27. Matth. 7. vers. 13. 14. 2. Cor. 7. v. 7. Hebr. 4. v. 14.* Huic distinctioni æquivalet illa, quâ distinguitur ecclesia in *militantem & triumphantem*: & ista quâ homines electi distinguuntur in *victores, & comprehensores.*

**STATUS ANIMALIS & SPIRITUALIS.** *Status animalis* est hujus vitæ, ubi homo vivit tanquam animal, indigens cibo, potu, vestibus &c. *Status spiritualis* est alterius vitæ: ubi homo viveret tanquam angelus, seu tanquam spiritus. Itaque cum Apostolus *1. Cor. 15.* docet, corpora nostra in cœlis futura spiritualia, non respicit substantiam, sed statum perfectionis: non loquitur de οὐσίᾳ, sed de ἐξουσίᾳ: non tollit proprietates corporis essentielles, sed extollit corporis cōditiones supra infirmitates miserabiles.

**STAUROPEGIUM.** Est crucis fixio: item diœcesis episcopi, in qua ille crucis figendæ jus habebat.

*Σταυρός.* Est σκόλοψ, ὁρθὸν ξύλον, *palus, lignum erectum.* Atque ita etiam Judæi habuerunt σταυρόν: quia suspendio multarunt quosdam facinorosos. Deinde σταυρός peculiariter est crux è lignis compacta. Et ita Judæi non habuerunt σταυρόν.

**STELLÆ.** Mysticè significat hæc vox doctores ecclesiæ, quorum illustri splendor non in externa pompa, sed in cœlestium donorum præstantia consistit. Hæ stellæ è cœlo cadunt, quando neglectâ rerum cœlestium cura; desertaque ecclesiastica vocatione, quæ jam eis sordet,

sordet, rebusterrenis, quæ ipsis magis al-  
lubescunt, studere incipiunt. *Apoc.* 9. Ita-  
que per huiusmodi casum intelligitur a-  
postasia sive defectio à fide ad res terre-  
nas.

STELLA MAGNA È COELO DECIDENS. Hac phrasi *Apoc.* 8. 11. notatur apo-  
stasia universalis. Additur enim, stellæ isti  
nomen esse absinthium, & versam esse  
tertiā aquarum partem in absinthi-  
um, & multos homines mortuos es-  
se ex aquis, quod amaræ factæ essent.  
Nempelapsus ille è cœlo est defectio ab  
ecclesia: & absinthium est amara, id est,  
falsa doctrina, & acerba persecutio.

STELLA MATUTINA. Est J. Christus  
*Apoc.* 22. 10. 2. summus honor electorum.  
*Apoc.* 2. 28.

STIPULOR. Non est propriè promitto,  
ut vulgo exponūt: sed solenni verborum  
conceptu postulo, mihi aliquid promitti  
solenni forma. Sic *1. Petr.* 3. 21. baptisimus  
dicitur stipulatio bonæ conscientiæ: quia  
si credamus in Christum & piè vivamus,  
argumento resurrectionis Christi, à Deo  
securè possumus petere paternum ejus  
favorem & vitam æternā. Deus interro-  
gat nos, an resipiscere velimus & credere  
Evangelio, & hanc obedientiam à nobis  
stipulatur: & nos obedientes ab eo retri-  
bulamur paternam benedictionem, quā  
nobis promittens se nobis ultro debito-  
rem fecit.

SUADEO Est consulo, hortor, com-  
mendo, præcipio, allicio. Sic *Gal.* 1. 10. Mo-  
dò enim hominibus suadeo, an Deo: subintelli-  
ge, obediendum. Vel: Nunc enim, uti um  
suadendo ad Deum: espicio an ad homi-  
nes? utrum ad homines, aut ad Deum re-  
mitto & revoco auditores?

SUADIBILE. Quod suaderi potest. Ba-

pista Mantuanus lib. 3. de patientia ca. 2.  
*Sapenumero*, inquit, *mecum cogitavi*, unde tam  
suadibilis sit ista Scriptura, unde tam potenter  
influat in animos auditorum: unde tantum ha-  
beat energia. ut non ad opinandum tantum, sed  
ad solidè credendum omnes inflectat?

SUBSTANTIA. Specialiter in Scriptu-  
ra est fundamentum, sive id, quod facit  
subsistere. Sic *2. Cor.* 9. 5. *ἡ ἀρχὴ τῆς χάριτος*,  
initium substantiæ, dicitur illa doctrina, quæ  
fundamento religionis nobis est tradita,  
& nos fulcit in itinere ad vitam æternam.  
Ita *cap.* 11. v. 17. *ἡ ἀρχὴ τῆς χάριτος καὶ χάρις*,  
substantia gloriationis, est fundamentum  
gloriationis, hoc est, id, quod facit gloria-  
ri, quo tanquam fundamēto nititur glo-  
riatio. Et *Hebr.* 11. fides dicitur rerum spe-  
randarum substantia, quia efficit, ut quo-  
dammodo res futuræ fiant præsentēs,  
dum per fidem eas intruemur, tanquam  
verè suis temporibus eventuras, propter  
firmitatem divini consilii nobis patefa-  
cti. Eleganter hac de re Bernhardus epist.  
193. ad Innocentium Papam: Ego verò secu-  
rus in magistri Gentium sententiam pergo, &  
scio quoniam non confundor. Placet mihi. fateor,  
illius de fide diffinitio, etsi iste etiam ipsam laten-  
ter insimulet. Fides est ait, substantia rerum spe-  
randarum, argumentum non apparentium.  
Substantia, inquit, rerum sperandarum, non im-  
manium phantasia conjecturarum. Audis sub-  
stantiam: non licet tibi in fide putare vel d. sputa-  
re pro libitu, non hāc illā quo vagari per inania  
opinionum, per devia errorum. Substantia nomi-  
ne aliquid tibi certū fixumque præfigitur. Certis  
clauderis finibus, certis limitib. coarctaris. Nō est  
enim fides aestimatio sed certitudo. Idem ibid.  
de Petro Abailondo hæretico: Denique in  
primo limine theologia (vel potius stultilogia  
sua.) fidem diffinit aestimationem: quasi cuique in  
eā sentire & loqui quæ libeat liceat, aut pendeant  
sub



sub incerto in vagis ac variis opinionibus nostra fidei sacramenta, & non magis certâ veritate subsistant. In Concordant. Latin. ita explicatur hæc vox: Hypostasis, substantia rerum sperandarum, i. illud quod facit ut extent quæ sperantur. Porro n vulg. vers. substantiæ nomine designantur sapissimè divitiæ, facultates, & mundanæ hominum opes. *Genes* 12.3. & 13.6. c. 14. v. 11. 12.16. *Num.* 16. v 32. Vide Concord. Latin. vulg. vers.

SUCCENDERE PITYRA. In epistola Jeremiæ, quæ vaticinio Baruchi subjungitur, de mulieribus Babylonii dicitur, illas sedisse in viis & succendisse τὴν πύργον. Vulgo putant religionis aut scelerum expiandum causâ mulieres in viis Babylonii vel turfur, vel ossa olivæ cremasse: quod πύργον sit turfur, & olivæ os. Sed ex Theocriti Pharmaceutria constat, succendere πύργον fuisse genus incantamenti amorii, ad conciliandos amores adhibitum. Ibi enim Simætha venefica, quæ Delphidem juvenem deperibat, dum illum carminibus magicis ad se trahere conatur, Νῦν, inquit, ἵστω τὴν πύργον. Nunc sacrificabo, vel succendam, pityra. Ac disertim fatetur Simætha sub Eidylli istius finem, hujusmodi incantationes se ab Assyrio sive Babylonio hospite didicisse. Atque hæ sunt artes illæ, quas auctor epistolæ illius Judæis Babylone cavendas hortatur.

SUCCESSIO. Ea est duplex: una localis & personalis, altera realis & doctrinalis. Illa sine hac nullius est momenti, juxta illud *Ambrosii* tom. 1. libro primo, de penitentia, cap. 6. Non habent Petri hæreditatem, qui Petri fidem non habent, quam impia divisione discerpunt. Huc etiam facit, quod *Martyres Gallie* in epistolâ ad E-

leutherium Papam scribunt de Irenæo: Scimus quod solus officii gradus non facit aliquem justum. *Chrysostomus* in opere imperfecto super Matthaum, homil. 43. cap. 23. Multi sacerdotes, & pauci sacerdotes: multi nomine, pauci opere. Videte ergo, quomodo sedetis super cathedram: quia non cathedra facit sacerdotem, sed sacerdos cathedram: non locus sanctificat hominem, sed homo locum: non omnis sacerdos sanctus, sed omnis sanctus sacerdos. Qui bene federit super cathedram, honorem accipit ab illa: qui malè federit, injuriam facit cathedræ. *Hieronymus* ad Heliodorum, epistolâ 1. Non est facile stare loco Pauli, & tenere gradum Petri, jam cum Christo regnantium: quia hinc dicitur, non sanctorum filii sunt, qui tenent loca sanctorum, sed qui exercent opera eorum. *Gregorius*, ut citatur in jure canonico, distinct. 40. Nos qui præsumus, non ex locorum vel generis dignitate, sed morum nobilitate innotescere debemus: nec turbium claritate, sed fidei puritate. *Idem* ad *Anastasium presbyterum* libr. 6. epist. 29. Non loca vel ordines creatori nostro proximos faciunt, sed ei nos merita bona jungunt, aut mala disjungunt. In summa: Vera successio Evangelica est perduratio in doctrina & fide vera, cui respondet sancta vita. His enim notis insignes fuerunt Prophetæ, Patriarchæ, & Apostoli.

SUCCESSIO EPISCOPORUM ROMANORUM. Hæc est incerta: quia quo ordine, & quàm diu primi episcopi Romanæ ecclesiæ præfuerint, mirum in modum veteres inter se discrepant. Deinde incerta quoque est sequentium aliquot episcoporum Romanorum successio, inter tot schismata & dejectiones Pontificum, & violentas sedis Romanæ occupatio-

nes. Numeranturenim schismata triginta inter Papas & Antipapas. Sed videamus de primis Episcopis Romanis. *Tertullianus lib. 3. carminum ita canit:*

Ex quibus electum magnum, plebiq;  
probatum (locatum,

Hac cathedra, Petrus qua federat ipse  
Maxima Roma *Linum* primum considerare iussit.

Post quem *Cletus* & ipse gregem suscepit ovilis.

Hujus *Anacletus* successor sorte locatus:

Quem sequitur *Clemens*, is apostolicus benè notus.

*Evaristus* ab hoc rexit sine crimine legem.

*Sextus Alexander*, *Sixto* commendat ovile &c.

Ad hos versus Tertulliani annotavit Baroni-  
us in margine *to. 1. annal. an. 69. Germana successio Romanorum Pontificum*. Et idem  
tamen paulò post, in eadem sectione, ait  
de Clemente: *Post Cletum, sed ante Anacletum*  
*esse ponendum, verius esse putamus*. Ita Cardinalis  
Baronius dissentit à seipso. Porro *Optatus Milevitanus lib. 2. adversus Parmenianum* sic ait: Sedit prior Petrus, cui successit  
Linus, Lino successit Clemens, Clementi  
Anacletus. Optatum sequitur *Augustinus* *epist. 165. & Hieronymus de scriptoribus ecclesiasticis*. Ita ergo Clemens Optato Mile-  
vitano, Augustino, & Hieronymo, imò  
& plerisque Latinorum, est secundus. At  
secundum Martyrologium Romanum,  
Irenæum, & Epiphanium est tertius. Ter-  
tulliano est quartus à morte Petri. Bel-  
larminus conciliare studet has opinio-  
nes dissidentes, aitque Clementem qui-  
dem à Petro ordinatum Episcopum, sed  
eum ultro, cessisse Lino & Cleto. Sed

huic conciliationi contradicit epistola  
prima Clementis ad Jacobum Aposto-  
lum, ubi Clemens scribit, *Sibi soli à Petro*  
*traditam esse docendi cathedram*. At *Ignatius*  
*epist. ad Mariam Cassobolitæ* scribit Clemen-  
tem successisse Anacleto. Idem tradunt  
Irenæus & Tertullianus. Epiphanius  
nullam facit mentionem Anacleti. *Libro*  
*septimo constitutionum Apostolicarum* de Epi-  
scopis Romanæ ecclesiæ sic loquitur Pe-  
trus: *Romanæ ecclesiæ Linus* *Claudia primus à*  
*Paulo; Clemens post ejus mortem à me* *Petro se-*  
*cundus ordinatur*. Hic dicitur *primò*, Linum  
fuisse Romanæ ecclesiæ primum Episco-  
pum: *secundò*, eundem Linum non à Pa-  
tro, sed à Paulo constitutum Romanum  
Episcopum: *tertio*, mortuum esse ante Pe-  
trum: *quarto*, post mortem Lini à Petro  
vivo Clementem esse ordinatum secun-  
dum Episcopum Romanum. Et certè in  
*libro Pontificali Damasi* dicitur, Linum fuisse  
temporibus Neronis à consulatu Sa-  
turnini & P. Cæpionis usque ad Capito-  
nem & Rufum Coss. id est, ab anno 2.  
Neronis, usque ad an. 13. Jam verò con-  
stat inter plerosque, Petrum 14, id est, ul-  
timo Neronis anno occisum esse. Quo-  
modo ergo Linus post Petrum sedit, ut  
alii docent? Plura de hac irreconciliabili  
discordia in recensione Episcoporum  
Romanorum vide in *Symphonia catholica*  
*Polani. cap. 18. thes. 65.* ubi ex Baronio hæc  
verba citantur: *Si autem in ordine & tempore*  
*primorum Romanorum Pontificum quempiam*  
*errare contigerit, in multos alios errores ferri omni-*  
*nino cogetur.*

*Συνκατάθεσις*. Latine dicitur *condescen-*  
*sus, condescensio, & dispensativa prudentia*. Oc-  
currunt hæc voces apud Patres, & signifi-  
cant modum docendi attemperatum ca-  
ptui discipulis. Quo pacto videmus Deū

verbo suo nobiscum agere συγκαταβα-  
τικῶς.

**SYMBOLUM APOSTOLICUM.** Est institutionis Evangelicæ comprehensio, seu epitome fidei Christianæ. Ambrosius eleganter appellat *clavem*. Dicitur *symbolum*, quod fidelibus tesserae usum præstet, per quam se mutuo agnoscunt, & ab infidelibus dignoscuntur. Ejusmodi tesserae etiam fuerunt in paganorum mysteriis. Dicitur *Apostolicum*, quod complectatur summam doctrinæ Apostolicæ. Quanquam alii volunt, sic dici, quod Apostoli, antequam digrediendo separarentur, concorde sententia capitibus istis doctrinæ summam complexi sint. Quæ de re Cyprianus in exposit. symbol. Discessuri ab invicem Apostoli, normam predicationis in commune constituunt. Aliàs dicitur *symbolum fidei*.

**Συμβολικὴ Θεολογία.** Pars illa theologiæ, quæ tractat de sacramentis, symbolis illis gratiæ, appellatur *συμβολικὴ Θεολογία*, sive *ἱεραρχία*. Vulgo dicunt: *Theologia symbolica non est argumentativa*: quod accipiendum est de ῥητῶ, non verò de *Ἀξιοία*.

**Συμβόλων δημιουργός.** Ita appellatur Christus; quia instituit sacramenta N. T. symbola illa visibilia invisibilis gratiæ per totum mundum jam diffusa.

**SYNAGOGA.** Κατ' ἐξοχὴν de civitate Judæorum dicitur, ut Ecclesia Christianorum. Dico κατ' ἐξοχὴν, non verò tantum. Neque enim ita est, ut scribit Augustinus in Psalm. 77. Nostram Apostoli nunquam dixerunt synagogam, sed semper ecclesiam. Hæc magni Patris assertionem labefactat unicus saltem Jacobi locus cap. 2. vers. 3. εἰς τὴν συναγωγὴν ὑμῶν, si ingrediatur in synagoram ve-

stram, hoc est, in ecclesiam, ubi convenit Christianorum. Latinus interpret vocem Græcam Jacobo usurpatam vitans, ut videtur, de industria, vertit, in *conventum vestrum*. Itaque Augustini affirmatio de Latina versione reperitur vera. Paulus Hebr. 9. vers. 25. de ecclesiasticis conventibus usu: par nomen ἐπισυναγωγῆς. Ignatius epist. 1. conjungit hæc duo nomina: Χωρὶς πρεσβυτέρων ἐκκλησία σὲκ ἔστιν, οὐ συναθροισμα ἅγιον, οὐ συναγωγή ὁρίων, Sine presbyteris ecclesia non est, neque congregatio sacra, neque synagoga sanctorum. Cæterum de vocibus synagoga & ecclesia Augustinus in Psalm. 80. scribit, ecclesiam Judæorum dictam esse synagogam, id est, congregationem, quod congregari & pecora solent, atque ipsa propriè, quorum & greges dicimur: Christianorum verò ecclesiam, id est convocationem, quia convocari magis est ratione utentium. Sed Iohan. 10. vers. 3. dicitur pastor καλεῖν τὰ πρόβατα: & Xenophon in Cyneg. καλεῖν de canibus usurpat. Itaque falsus fuit & in eo Augustinus. Cæterum falsorum Christianorum conventus appellantur à Græcis πῦδος συναγωγῶν, falsa synagoga.

**SYNAGOGA LIBERTINORUM.** Ita Act. 6. dicitur synagoga istorum Judæorum, qui cæteris erant liberiores, minusque arctis legibus regerentur. Alii sic dictos putant à Liberto quodam.

**SYNAXIS.** In genere est actio cōgregantis: in specie est partim collectio in ecclesiam Christi, partim conventus ecclesiasticus ad verbum Dei audiendum, ad orandum, & ad sacramenta utenda; partim celebratio eucharistiæ; partim ipsa eucharistia; partim denique



unio cum Deo. *Συνάγειν* est cogere cœtum. Itaq; propriè *συνάξις* est idem quod *συναγωγή*, congregatio. Sed videntur primi Christiani, de industria vocis formationem novam usurpasse, ut discrimen ponerent inter Christianas synaxes, & Judaicas synagogas. *Παρασυνάξις* est falsa synagoga, perinde ut *ᾠδασυναγωγή*. Porro *συνάξις* apud Dionysium semper significat eucharistiam. Nam eo sensu id nomen ille accipit, non quia *συνάξεται*, congregatur, populus: sed propter τὴν πρὸς Θεὸν *συναγωγὴν καὶ κοινωνίαν*, id est, conjunctionem cum Deo & communionem: seu *Ἀφ' τὴν πρὸς τὸν κοινωνίαν, καθ' ἣν τῷ Σωτῆρι, χρείσω, ὡς μὲν τῇ κεφαλῇ συναγόμεθα*, propter communionem cum uno, per quam Servatori Christo, ut membra capiti, *συναγόμεθα, conjungimur*. Hinc Dionysius Deum, qui per hoc sacramentum operatur hanc conjunctionem, appellat *συναγωγὸν, conjunctorem*.

SYNCELLUS. *σύγκλητος*. In Græca ecclesia olim proximus erat Patriarchæ, vicarius vivi & successor mortui. Erant syncelli plures, ex quibus primus *πρὸς σύγκλητον*. Heraclius ad duos redegit. Vox *syncelli* sonat, qui cellam communem cum alio habet, quasi contubernalis, à *συν* & *cella*, h. e. Patriarchæ conclave. Quidam vocant *Congellum*, quia etiam Græci scribunt *σύγκλητος*. Scalig. l. 3. can. Isag. *σύγκλητος τοποτηρητής δὲ χρεὺς τοῦ ἱεροῦ*. Est ergo suffraganeus in Latina ecclesia.

*Συζητητής τοῦ αἵωνος* & *πύτυν*. Sic 1. Cor. 1. 20. appellatur disputator linguâ clarus in hoc seculo, id est, in mundo, inter homines, qui solas res terrenas seu naturales sapiunt. Huic eleganter opponi potest *συζητητής τοῦ αἵωνος μέλλοντος*, qui confert de rebus futuri seculi, juxta illud Hiero-

nymi: *Discamus ea in terris, quorum scientia nobis perseverat in cœlis*.

TABERNACULUM DEI, sive, FOEDERIS: Officium Christi, & cultus, qui ei ex illo debetur, in tabernaculo fœderis, & post hoc in templo, fuerunt præfigurata. Dicitur etiam *tabernaculum conventus & testimonij*; item tabernaculum typicum, legale, & materiale. Vide Exod. 30. 36. 38. & alibi. *Tabernaculum mysticum* est ecclesia militans, Esa. 33. 20. & 54. 2. Ezech. 37. 27. item triumphans Luc. 16. 9. Hebr. 8. 2. cap. 9. 11. Apoc. 15. 15. & 21. 3. Porro tabernaculum Davidis est ejus regnum, quod in Christo firmatum est in æternum. Esa. 16. 5. Amos 9. 11. Act. 15. 16. Denique tabernaculum materiale est duplex. 1. tentorium jussu Dei à Mose cōstructum. Exod. 26. 2. quod David instinctu Spiritus S. arcæ Jehovæ erexit. 1. Chr. 15. 1. & 16. 1.

TALMUD. Sunt quædam pandectæ rerum Judaicarum, divinarum & humanarum, verarum & falsarum, bonarum & malarum; in primis juris civilis & canonicorum. Est autem duplex Talmud. 1. *Hierosolymitanum*; pro Judæis in terra Israëlita viventibus; cujus minor est usus, cum pauci illic loci degant. 2. *Babylonicum*; pro Judæis in Babylonia & aliis peregrinis regionibus. Id dividitur in *Mischna* & *Gemara*. *Mischna* est lex secundaria continens traditiones patrum inde à Mose usque ad R. Juda Hannasi, qui floruit an. Chr. 150. *Gemara* est collectio disputationum super *Mischna* ortarum, cum suis decisionibus.

TARGUM. Sic vocatur Chaldaica metaphrasis Bibliorum: qualis est Onkelos in Mosen, & Jonathan, in Prophetas. Est & alius Jonathan Mosis interpres. Est & Targum Hierosolymitanum in Pentateuchum.

reuchum. Josephus Cæcus hagiographa vertit.

**TABULÆ.** Sunt I. materiales *Exod.* 26. v. 5. 17. 19. 20. 21. 22. 24. 25. 26. 28. 29. 2. cordis. *Prov.* 3. 3. 6. 7. 9. 3. mysticæ. *Cant.* 8. 9.

**TACEO.** Tacet I. homo. 2. *Sam.* 13. 20. 2. Deus, quando non aspicit nos oculis misericordiæ, nec juvat dextrâ potentix. *Psal.* 28. 1. & 50. 21. & 83. 2. & 109. 2. *Esa.* 42. 14. & 57. 11. & 64. 12. & 65. 6. 3. lapis, & mare. *Habac.* 2. 19. *Marc.* 4. 39.

**TELETA.** Τελετή. Est I. ritus, quo quis initiatur. 2. initiatio ipsa: à τελέω, perficio, initio, ut ad perfectionem Spiritualem pervenias. Inde τελεστής, initiator: τελεστήριον, initiatorium. De gentilium mystagogia usurpatur: sed & transfertur ad Christiana sacra: unde & eucharistia τελετή appellatur, & Christus, ceremoniarum nostrarum conditor, τελετήρχης.

Τελεστικαὶ ὁπικλήσεις. *Dionysius* sub finem hierarchia ecclesiastica sic appellat invocationes quæ fiunt in ordinationibus episcoporum & presbyterorum. Potest quidem accipi hæc phrasis generaliter de precibus quæ in omnibus initiationibus & sacramentis fiunt: sed *Maximus* & *Pachymeres*, interpretes *Dionysii*, restringunt generalem vocem ad ordinationes, & interpretantur τὰς ὅπιν τῆς χειροτονίας εὐχάς, hoc est, preces, quæ fiunt in cooptatione in sacrum ordinem.

Τελεταὶ ἱεραρχικαὶ. Sic *Dionysius* cap. 3. hierarch. ecclesiast. vocat sacramenta; quasi dicas, sacras teletas, vel initia, i. e. instrumenta ἱεροτελεστικῆς πρᾶγματειας, ut ibidem loquitur, id est, sacramentum initiationis.

Τέλειον. τὸ τέλειον, perfectio, consummatio, apud quosdam Patres est ipsa eucha-

ristia: quæ etiam *Dionysio* dicitur τελείωσις. Ratio nomenclaturæ est, quia conjunctioni nostræ cum Christo veluti colophonem imponit participatio corporis & sanguinis Christi in Cæna Dominica. Nullus enim restat alius modus, quo in terris versantes arctius cum Christo capite nostro jungamur. In canonibus concilii *Ancyran*, & aliis occurrunt ista: ελθεῖν ὅπιν τὸ τέλειον, venire ad id quod perfectum est: & τελείως δεχέσθαι, recipere perfectè: item μετέχειν τῷ τελείῳ, & λαμβάνειν τὸ τέλειον.

**TEMPLUM.** Appellatio templi typum gerit ecclesiæ, quatenus est externa, visibilis, & mater omnium vocatorum, adeoque externa professione religionis Christianæ speciem aliquam præ se fert. Hujus templi atrium, hoc est, vastissimus ambitus, permittitur gentibus, non Indianis dæmonolâtris, aut aliis paganis, sed Danitis illis & Ephraimitis, seu locustis, quæ veri Dei notitiam & cultum verbis jactant, sibi quæ in hanc Dei domum nescio quod jus hæreditarium arrogat, tanquam carnales *Jacobi* posteris, quos tamen Spiritus sanctus in genuini Israëlitis recensione ut adulterinos rejicit. *Apo.* 11. Confer 2. *Thess.* 2. v. 3. 4. In loco *Apocalypsis* diligenter notandum est verbum *Conculcare*: quod refertur ad equitatum illum ferocientem cap. 10. Quo significatur, Gentes illas sub ementito catholicæ religionis, ordinariæ successionis, hæreditariæ possessionis totius templi prætextu, suam in eo equinam libidinem, id est, mundanum fastum exercituras, & templum pedibus ita conculcaturas, ut operis operati hypocritica ostentatione, vitæ Sodomiticæ impuritatem, idolomaniam plus quam gentilis fœditate tyranni-

ca denique persecutione hoc sint effecturæ, ut filia Sion, id est ecclesia obli- gnatorum, sit futura ut tuguriolum in vinea, & tegillum in cucumerario, ut loquitur Esaias c. i. unde Johannes & phra- sin & rem ipsam est mutuatus. Vis phra- sis recumbit in radice מִדְּבָר, quæ propriè significat pedibus conculcare & pessun- dare. Ita intelligimus, quæ sit futura conditio templi דֵּי quantum ad attri- um. Sacrarium quod attinet, illud non dabitur *Gentibus*, sed *duobus testibus*, hoc est, paucis fidelibus, qui præditi erunt Spiritu Enochi & Eliæ, & illorumdem sortem experientur, hoc est, vivent vi- tam piam instar Enochi, erunt Zelosi ut Elias, & habebuntur pro hæreticis, opinatoribus, sectariis, seditiosis. Alii malunt hæc ita explicare, ut dicant res- pici ad historiam populi ex Ægypto educendi, adeoque ad personam & of- ficium Moysi & Aharonis. Alii putant duas illas oleas Zachar. 4. *vers. ult.* lite- raliter significare Jehosnam sacerdotem magnum & Zorobabelem ducem, ty- picè hos duos testes, id est, omnes pios, qui sub angustiis illis contra insectum Daniticum præstabunt fidelem operam Jehosue sacerdotis, & contra equita- tum Ephraimiticum gerent se tanquam Zorobabel, licet sub contemptibili ha- bitu. Quod pertinent non solum nomina ipsa, quorum hoc Babylonis ventilato- rem, illud salvatorem significat: sed et- iam ambidextrum officium illorum, qui olim post captivitatem in urbis & templi instaurationem intenti, una ma- nu pugnabant, altera ædificabant, quo fuit præfiguratum officium omnium pio- rum tempore calamitatis publicæ. Deni- que sunt, qui duos illos testes, illorumq;

officium per Josephum & Levi, qui in recensione genuinorum Israëlitarum *Apoc.* 7. Dano & Ephraim expunctis substi- tuuntur, depingi posse existimant. Ego expensis hisce sententiis existimo illas in fundamento convenire. Cæterum fata duorum istorum testium sunt, quod re- portant victoriam spirituales de bestia, utut corporaliter ab illa vincantur. Idem cruciant habitatores terræ, quatenus cō- cionibus & scriptis suis multum negotii ipsis facessunt, arguendo & confutando illorum idolomaniæ & hypocrisis. Hinc illæ querelæ: Nos antiquum statum tur- bare, nostrum sensum sequi, novo cælo opus habere &c. Porro templum usitatè distinguitur in materiale, & spirituale. Templum materiale est legitimum, vel idololatricum. Templum legitimum est vel typicum, putà Salomonicum seu Hierosolymitanum 1. *Reg.* 6. vel Christianum in N. T. De templo idololatrigo in V. T. Vide 1. *Sam.* 5. 2. & 31. v. 9. 10. 1. *Reg.* 16. 32. &c. Templum spirituale seu mysti- cum est 1. corpus Christi *Ioh.* 2. 19. 2. qui- libet electus 1. *Corinth.* 3. v. 16. 19. c. 6. 19. 3. ecclesia. *Malach.* 3. 1. *Zachar.* 6. *vers.* 12. 13. 4. cælum beatorum. *Apoc.* 3. 12. & 14. 15.

TEMPUS. Hebræis inter alia appella- tur מוֹעֵד à radice עָד, in locum, rem, aut tempus condicere. Unde nomen מוֹעֵד hu- jusmodi locum vel tempus significat, in quo aut personæ conveniunt, aut re- rum agendarum eventus, quasi ex con- dicto concurrunt. v. g. tabernaculum fœderis dicitur מוֹעֵד אֱלֹהִים, quod Deus cum Israelitis in locum hunc ex pacto veluti conveniebat. *Exod.* 25. 22. De tem- poris conditione & nomen & verbum usurpatur. 2. *Sam.* 20. 5. Ex quibus ap- paret,



parer, non impliciter hac voce tempus, sed certi temporis periodum, sive tempus periodicum denotari. Sic *Dan.* 12. 6. accipitur hæc vox: quam Græcus rectè vertit, non *χρόνος*, sed *καιρός*. Confer *Apoc.* 10. 5. 6. 7. ubi angelus jurat, *tempus non amplius fore*. Quod non est accipiendum de temporis revolutione naturali, sed de illa periodica revolutione, quæ apud Danielelem decursui regni Antichristiani & prodigiorum sub eodem est præstituta. Porro de hac voce sic adnotat author Concordant. Latin. vulg: verſ. Tempus est 1. mensura motus secundum prius, præsens, & posterius. 2. certa quantitas dierum vel mensium. 3. tempora secularia. 4. tempus acceptum, tempus gratiæ, visitationis; temporis plenitudo. 5. tempus æternum, quod est sine mensura. 6. necessitas, occasio, opportunitas temporis, in quo pii afflicti ad Deum confugiunt. 7. Ea ipsa, quæ sunt aut fiunt in tempore; status rerum in tempore gestarum aut gerendarum. *Exempla vide d. l.*

**TEMPUS DEI & HOMINIS.** Illud est, quod Deus justè & sapienter determinavit: hoc est, quod hominis phantasia determinat.

**TEMPUS, TEMPORA, ET DIMIDIUM TEMPORIS.** Hæc verba apud Danielelem *cap.* 12. sic accipienda sunt. Prophetæ visio *cap.* 11. & 12. in tres classes dividitur. Prima est descriptio status populi Dei à templi instauratione usque ad ejus excidium, ubi potiores partes tenet Antiochus. Secunda est historia exurgentis & dominantis Antichristi, quam propter rerum convenientiam illi typo immediatè subjungit. Tertia

est antichristi ruina. Huic rerum partitioni propheta accommodat temporis distributionem ita, ut primæ classi unam periodum, negotio Antichristiano duas, tertiæ dimidiam assignet. Hanc sententiam præter cōtextum etiam probat experientia: item illa clausula *Dan.* 12. 7. ubi angelus de impletione omnium istorum sic ait: *Interim dum consummatur dispersio populi sancti, perficientur omnia illa*, id est, dum ecclesia in eremo suâ exulans cum prodigiis illis, de quibus Daniel dixit, colluctatur, periodica illa tempora circumagentur, & prodigia illa unà implebuntur, hoc modo. Prima periodus est annorum 490, à templi instauratione ad illius excidium. Secunda est inde ab excidio Hierosolymitano usque ad initium seculi decimiseptimi post CHRISTUM. Tertia inde ab initio seculi decimiseptimi, fortè usque ad annum 1625. vel 1642. vel 1694. Atque hæc est ratio hujus locutionis apud Danielelem. In apocalypsi eadem est ratio divisionis: sed materia non nihil variat, quæ differentia applicationis diversitatem parit, hoc modo. Prima periodus est annorum 700. seu 666. sub quibus ecclesia catholica ethnica persecutionis impetum sustinuit, prima medietate, alterâ per varias sectas & schismata immane quantum turbata: ita ut hæc periodus eleganter respondeat primæ periodo Danielis. Secunda periodus est ab anno CHRISTI 600. usque ad 1500. tertia perinde ut apud Danielelem. Ratio diversæ hujus applicationis est, quod Daniel statum ecclesiæ Judaicæ & novi testamenti conjunctim describit, Johannes autem de ecclesia N. T. solum agit.

TEMPO-

**TEMPORANEUS.** Est 1. matutinus *Iacob* 5. 7. 2. præcox. *Esa.* 28. 4. 3. tempestivus, vernalis. *Deut.* 11. 14. *Ier.* 5. 24. *Hof.* 6. 4. Et sic quidem explicatur hæc vox in Concordantiis Latinis.

**TENEBRÆ.** Sunt 1. caligo lux opposita *Gen.* 1. 2. 2. afflictiones, calamitates, & miseria. 2. *Sam.* 22. 29. *Psal.* 18. 29. 3. sepulchrum, ubi omnia opaca. *Iob.* 7. 4. 4. caligo spiritualis extra Christum. *Ioh.* 1. 5. 5. reproborum sempiterna miseria. *Matth.* 8. 12.

**TEPIDUS.** *Apoc.* 3. 16. significat hominem mixtum ex Christiano & non Christiano, h. e. qui & Christo & Beliali vult esse addictus. Ille duobus modis est improbus; Diabolum colendo; & eum conjungendo cum Christo. Itaque *frigidus* est, qui tantum malum facit, & non fallit specie boni: *calidus*, sive fervidus, qui zelo secundum Deum est præditus.

**TERAPHIM.** Sunt imagines, sive idola, *Gen.* 31. 17. *Hof.* 3. 4.

**TERMINUM HABERE.** Apud Scotum occurrit hæc phrasis, in *prologo sententiarum*, *quest.* 3. his verbis: Sicut theologia beatorum habet terminum: ita & nostra ex voluntate Dei revelantis. Terminus autem præfixus à voluntate divina, quantum ad revelationem generalem est eorum, quæ sunt in Scriptura sacra, quoniam sic habetur in Apocalypsi ultimo: Qui apposuerit ad hæc, apponet ei Deus plagas, quæ apponuntur in libro isto. Igitur theologia nostra de facto non est nisi de his, quæ continentur in Scriptura, & de his quæ possunt elici ex ipsa. Ex his Scoti verbis liquet, terminum habere idem esse, quod constare certo numero, mensura, & pondere.

**TERRA.** Hæc vox mysticè significat

terrena studia *Apoc.* 18. 1. ubi de angelo è cœlis descendente affirmatur, *terram*, id est, terrena studia, *per eum illustratam esse*: in quantum nempe generosis & excitatis ingeniis ad agnoscendam & oppugnandam meretricem Babylonicam opus est. Atque hoc est illud tempus, de quo Zacharias c. 14. 17. *Erit autem aliquando dies, qui notus erit Domino, non dies, neque etiam nox: circa vesperam verò futura est lux.* Porro terra nova est ecclesia triumphans, sive instauratio & salus ecclesiæ. *Esa.* 65. 17. & 66. 22. *Apoc.* 21. 1.

**TERRA & MARE.** Quando in Apocalypsi hæc duo conjunguntur, per terram status secularis, per mare status ecclesiasticus designatur. Sic *Apoc.* 9. dicit Spiritus sanctus, terram & mare per angelos ex quatuor mundi cardinibus affecta esse, h. e. ecclesiam & politiam ex æquo perturbatam. *Cap.* 18. dicit terram, (non autem mare,) illustratam iri, ut innuat, non tam statum ecclesiasticum, quam genus politicum, adeoque promiscuum terræ vulgus, angeli illius fulgore illustratum iri: cum interim Spirituales illi tenebris suis Ægyptiacis securè indorimant.

**TERRA ULTIMA.** Sic in vulg. vers. appellatur sepulchrum. *Ezech.* 31. v. 21. 25. Junius vertit *terram imam*.

**TERRIGENA.** Occurrit apud vulg. interpr. *Psal.* 49. v. 3.

**TERRIBILIS.** Est 1. formidabilis. *Deut.* 7. 21. *Psal.* 76. 8. 2. valde reverendus. *Exod.* 15. 11. *Deut.* 28. 58. *Psal.* 47. 3. & 111. 9. *Deut.* 9. 4. 3. inexpugnabilis *Cant.* 6. v. 3. 7. 4. terrificus. *Dan.* 2. 31. & 7. 7.

**TERRIBILITER.** Interdum est idem, quod magnificè, seu potius mirificè. *Psal.* 138. 14.

**TESTEUS.**

TESTEUS. In vulg. vers. est idem, quod testaceus. *Ierem. 19. 1. Thren. 4. 2. Dan. 2. 41.*

TESTAMENTUM. Hoc vocabulo significatur testimonium de ultima voluntate, quo aliquis testatum facit, quid de bonis suis post mortem suam fieri velit. Atque hæc est forensis significatio. Apud theologos hæc vox significat partim fœdus, quod Deus pepigit cum populo suo, partim libros Scripturæ sacræ, quibus illud fœdus comprehensum est. Prior appellatio ex eo est orta, quod LXX. Interpretes vocem Hebraicam בְּרִית (quæ pactum seu fœdas significat.) reddiderunt *Διαθήκη*, id est, ordinationem, dispositionem, sive testamentum: accipientes hanc vocem sensu generali, tanquam dicerent *συνθήκη*, id est, pactum seu fœdus, uti vocem Hebraicam vertit Aquila, teste Hieronymo. Vide *1. Reg. 5. v. 12. 2. Reg. 23. v. 2. Esa. 59. v. 21. Ier. 31. v. 31. 32. 33.* Utraque vocis *Διαθήκη* significatio occurrit in novo testamento. Nam *Act. 3. v. 25.* accipitur pro fœdere sive pacto; *Heb. 9. v. 15. 16. 17.* pro testamento. Jam quod attinet ad alteram significationem, qua testamentum ponitur pro libris canonicis, illa est admodum usitata, & nritur hac ratione; quod libri isti sacri sint documentum benignæ voluntatis Dei erga genus humanum.

TESTIMONIUM. Dicitur *1. de arca testimonii Exod. 28. 43. 2. De Dei voluntate, suis sub lege & euangelio proposita. Psal. 19. 8. 3. De testimonio hominum vero & falso. Exod. 20. 16. Iohan. 5. 36.*

TETRAPLUS. Est quadruplus. *Tetrapla* Biblia Origenis erant, ubi quatuor columnæ: ut *hexapla*, ubi sex. e. g.

I. Textus Hebræus Hebræis literis.

II. Textus Hebræus Græcis literis.

III. Translatio Aquilæ.

IV. Symmachi.

V. I XX. Interpretum.

VI. Theodotionis.

Θεάνθρωπος. Est nomen Christi incarnati proprium. Ille siquidem est Deus & homo in unitate personæ. Hinc Prudentius:

*Ille manet, quod semper erat, quod non erat, esse*

Incipiens — — —

Et ut est in prosa de nativitate Christi: *Mirabilis natura, mirifice induta, assumens quod non erat, manens quod erat.* Bernhardus in prosa *Latabundus*, naturam Christi divinam componit cedro, quæ cariem non sentit: humanam verò hyssopo, quæ est humilis & fragilis. Verba sic habent:

*Cedrus alta Libani*

*Conformatur hyssopo*

*Vallenostri.*

Deitas Christi ab aliis comparatur hamo, humana natura escæ: quâ captus fuit infernalis Leviathan. In Antiphona, *O admirabile commercium*, hæc extant: *Deus homo factus est: id quod fuit, permansit: & quod non erat, assumpsit: non commixtionem passus, neque divisionem.* Et paulò antè: *Creator generis humani, animatum corpus sumens de virgine, nasci dignatus est, & procedens homo sine semine largitus est nobis suam Deitatem; scil. per unionem personalem, seu potiùs ἀφ' ἑσῶ καὶ ἀκατανοήτω ἐνώσεως τρόπον. ineffabili & incomprehensibili unionis modo, quo ut canit Prudentius,*

*Non Deus ex nostris minuit sua: sed sua nostris*

*Dum tribuit, nosmet dona ad caelestia vexit. Hæc unio eleganter appellatur mirabiliter*

LII

liter



liter singularis, & singulariter mirabilis : de qua Fulgentius, Verbum, inquit, caro factum in veritate humana caro esse cœpit; sed in veritate divina Verbū esse non destitit. Nam ut canit poëta Christianus, Filius Dei

*Divinam clausit mortali in corpore mentem.*

Scaliger de hoc mysterio ita canit :

*Tu, quod non fueras, placito tibi tēpore factus,*

*Ut fierē, quod erā: passus mea crimina, servus*

*Ex domino, ut servi excuterēs fera vincula collo.*

Augustinus hanc unionē ita describit: Filius Dei, assumpta forma servi, filius hominis factus, quod erat mansit, quod non erat, assumpsit.

Θεογενεσία. Dionysius Areopagita sic vocat baptismū, in tractatu de baptismo. Nam renatū sacro lavacro fieri diu dicebantur Patribus. Verba Dionysii sic habent: ἐξῆς τὰ θεῶα τῆς θεογενεσίας ἐποπτεύωμεν σύμβολα καὶ μοι μηδεὶς ἀτέλεστος ὅτι θεοανιέτω, Deinceps sacra baptismi symbola contemplemur: nemo verò nō initiatus ad hoc spectaculū accedat:

Θεώσις. Patres finem & fructum ultimum sacramentorum non dubitarunt dicere θεώσιν, deificationem; cū scirent vanarum superstitionum auctores suis epoptiis eum honorē audere spondere. Passim igitur legas apud Patres, τῆς ἱερᾶς μυστηριαγωγίας τέλος εἶναι θεώσιν, finem sacramentorum esse, ut qui vera fide illa perciperent, in futura vita diēvadant. Itaque Augustinus c. 56. enchiridii ad Laurentium, de fidelibus loquens, qui in Scripturis vocantur templum Dei, dicere non dubitavit, templum Dei adificari ex diis, quos facit Deus non factus. Et Athanasius orat. 4. contra Arianos, verbo θεοποιεῖσθαι, deificari, in eam rem est usus: quod mox ab eodem explicatur τῇ δὲ πνεύματος μετοχῇ σωσάμεσθαι τῇ θεό-

την, participatione Spiritus conjungi deitati Idem ad Adelphium, Christus, inquit γέγονεν ἄνθρωπος, ἵνα ἡμᾶς ἐν ἑαυτῷ θεοποιήσῃ, factus est homo, ut nos in se deos faceret. Similia dicta nusquam non apud Patres occurrunt. Ira vox θεωθῆναι, fieri Deum, familiaris est Dionysio: item θεῶσθαι. Hæ locutiones apprimè faciunt ad consolationem afflictæ animæ.

THEOPHANIA. τὰ θεοφάνια, festum apparitionis Dei. Talia gentes instituebant, cū numen, opinione sua, vidissent. Apud Christianos τὰ θεοφάνια sunt Servatoris nostri secundum carnem natiuitas, quæ & γενέθλια & ἑπιφάνια; etsi hoc postremum vocabulum sit naturā generalius, quàm θεοφάνια. Nam τὰ ἑπιφάνια significant apparitionem illustrem & manifestam: sed τὰ θεοφάνια sunt exhibitio Dei manifesta, & ea quidem ἀπὸ γενέσεως καὶ σκευώσεως δὲ λόγου: quæ, cū venisset plenum tempus, accidit anno mundi 3948. exeunte Septembri. Conjecta tamen est πανήγυρις τῶν γενεθλίων δὲ 25 in XXV. Decembris; quod hoc mense CHRISTUS natus crederetur ex nescio qua traditione. De voce Theophania vide plura ad titulum Epiphania.

THEOLOGIA. Nomen hoc fuit primò usurpatum ab ethnicis Græcis, qui suam theologiam diviserunt in historicam, mysticam & civilem: ac postea ab ipsis Christianis, ut colligi potest ex Apocalypsis ἑπιγραφῇ, in qua Johānes evangelista & apostolus, theologi elogio insignitur: atque ex Basilii epist. 2. ad Gregorium Nazianzenum, ubi doctrinam sacræ Scripturæ theologiam nuncupat. Tres autem sunt hujus vocis potissimæ significationes. 1. sermo Dei. 2. sermo de Deo. 3. assertio deitatis τῷ λόγῳ: quæ est specia-

dis theologia. Mediam significationem, utpote usitatissimam, hîc attēdimus. Dividitur theologia hoc modo accepta, in *archetypam*, quæ est solius Dei: & *ectypam*, quæ est *unionis*, communicata cum Christo *θεοῦ ὁμοῦ*; *visionis*, communicata cum beatis in altera vita; & *revelationis*, communicata cum hominib. in hac vita. Revelatio autem latius sumpta, in naturalem & supernaturalem distribuitur. Illa fit vel intus, per legem naturæ, omnium hominum cordibus inscriptam, *Rom. 1. v. 15.* vel foris, per creaturarum contemplationē; *Ro. 1. v. 20.* hæc fit vel immediatē, ut cū prophetis & apostolis Deus revelavit theologiam: vel mediatē, ut cū nobis illam revelat per prophetas & apostolos. Si sermo sit de revelatione supernaturali, quæritur an theologia sit scientia, sapientia, vel prudentia, an verò aliquid ex his omnibus mixtum, ita nimirum ut sit simul theoretica & practica? Nos arbitramur esse mixtam, tum propter duplicis illius finis, nimirum cognitionis & cultus Dei in hac vita conjunctionem necessariam, tum propter unius sub altero ordinationem. Quemadmodum enim pietas nostræ salutis & gloriæ Dei, sic cognitio Dei pietati nostræ seu cultui Dei in S. literis subordinatur. *1. Tim. 4. v. 8. Col. 3. v. 16. Tit. 1. v. 1.* Non ergo theoria & praxis sunt in theologia differentię oppositæ, sed conditiones inter sese ad vitam æternam consequendam consociatæ, suoque ordine collocatæ. Dux itaque sunt partes theologiæ; una contemplativa, quæ tractat de natura Dei, & de operib. creationis, gubernationis, & redemptionis: altera practica, quæ præcipit de officiis pietatis erga Deum, & charitatis erga proximum. Nam etsi in hac multâ opus est contēpla-

tionē: tota tamē hæc contēplatio ad praxin ordinatur. Teneantur hîc variæ partitiones theologiæ. *Dionysius Areopagita theologiam symbolicam* appellat doctrinam de sacramentis, sive signis sacramentalibus. Ea enim appellantur symbola. *Scholasticis* tritum est illud: *Theologia parabolica*, seu *allegorica*, non est *argumentativa*. Intelligunt hîc eam theologiæ partem, quæ occupatur circa parabolas sive allegorias: ex quibus firma argumēta ad fidē & mores cōfirmandos peti non possunt, si allegoriarum & parabolarū circumstātiās spectes. At verò si præcipuum ipsarum finem & scopum consideres, non minùs firma ex iis petuntur argumenta, quàm ex aliis locis. Proinde illud *Scholasticorū* axioma, vel de circumstātiis tantum allegoriarū & parabola ū, vel de allegoricis interpretationib. ex humano ingenio pfectis, est intelligendum. *Iisdem Scholasticis* theologia dividit in *exaltatam* & *humilē*. Illa etiā dicitur *comprehensorum*, hæc *viatorum*. Porro *Græci Patres* eam præcipuē nominarunt *Theologîā*, quæ ad doctrinam de Christi deitate pertinebat. *Gregorius Nazianz.* etiam quibus orationibus de Patre, Filio, & Spir. S. egit, eas *Theologię* nomine inscripsit. At cū de Christi humanitate atq; incarnatione agerent, versari dicebantur in *œconomia*. *Theologia Scholastica* dicit, quæ certiore methodo, & exquisitis rationibus persequitur res divinas. *Theologia infusa* est partim ordinaria, videl. supernaturalis illa & arcana, in verbo Dei tradita: partim extraordinaria, videl. habit<sup>9</sup> propheticus. *Theologia cōtroversa*, seu *polemica*, est, quæ persequitur cōtroversias in negotio religionis. *Theologia practica* est de vitæ Christianæ officiis: ubi excellit *Theologia casuum cōscientiæ*. Denique *theologia positiva* est ipsif-

fina Scriptura sacra, sic dicta, quod tradat meras positiones, hoc est, principia firmiter posita. Nam quæ Græcis *θέσις* est, hæc Latinis positio dicitur; quæ cum sententiam ratam, firmam, & stabilem designet, in Scriptura præcipuum locum habet: quæ est universæ theologiæ Scholasticæ basis & fundamentum. Hanc ob causam Bonaventura loquens de positiva theologia ait: *Cum secundum lumen supernaturale procedat ad dandam homini viatori notitiam rerum sufficientem, quatenus ei expedit ad salutem, partim per plana verba, partim per mystica, describit totius universi continentiam, quasi in quadam summa, in quo attenditur ejusdem Scripturæ latitudo: describit decursum in quo attenditur longitudo: describit excellentiam salvandorum, in quo attenditur sublimitas: describit & miseriam damnatorum, in quo profunditas consistit, non solum ipsius universi, sed etiam divini judicii: & sic describit totum universum, quantum expedit de ipso habere notitiam ad salutem secundum ipsius latitudinem, longitudinem, altitudinem & profunditatem.* Et paulò post subdit: Sic enim exigebat conditio capacitatis humana, qua nata est magna & multa magnificè & multipliciter capere, tanquam speculū quoddam nobilissimum, in quo nata est describi non solum naturaliter, verum etiam supernaturaliter rerum universitas mundanarum. Scilicet Bonaventura in prologo Breviloquii. Sed *μεθ' ἡμᾶς* proponamus, quæ hætenus dicta sunt. Theologus, si pressius, atque ex usu veterum Græcorum accipias, is est, in quo divinitatis est cognitio, quemadmodum docet Gregorius Nazianzenus. Fusiore significato, qualem usurpant, non est a Scholæ, is est theologus, cui non solum nota sit divinitas, verum etiam qui ea cognoscit, quæ de divinitate sunt, vel ad divinitatem spectant: ut sunt verbum Dei,

fides, ecclesia, sacramentum. Itaque theologia strictè est doctrina de Deo: latè, de omnibus rebus divinis. Utraque est Dei, Christi, beatorum, nostra, vel malorum dæmonum & hominū. *Διχομύως* sic habet. Theologia est vera, vel falsa: quæ sunt duæ species sub uno genere æquivoco. Itaque theologia vera differt specie à falsa. Theologia vera est archetypa, vel ectypa. Quæ sunt duæ species sub genere analogico. Nam theologia archetypa est infinita: ectypa finita. Theologia ectypa est Christi *θεογονίας*, vel creaturarū. Et hæc est distributio generis in species. Theologia creaturarum est vel beatorum angelorum & hominum, vel nostra. Hæc est distributio ex adjuncto, seu gradu. Theologia nostra est naturalis, vel supernaturalis. Hæc est distributio generis in species. Theologia supernaturalis est una specie: sed ex modo tradendi est positiva, infusa, vel acquisita; & hæc scholastica, practica &c. item est totalis, vel partialis, ut theologia symbolica, allegorica &c.

*Θεογονία*. DEIPARA. Est nomen Mariæ virginis. Hæc enim genuit, sive peperit, Christū, qui est verus Deus. Hunc inquam, peperit *ἡ ὁρίστα*. Ex hac Christus, cujus egressu *ἡ τὴν θεότητα*, est à diebus æternitatis, Mich. 5.

— Non labe virili

Sumit principium, facer illum seminat ignis.

Id est, Spiritus sanctus.

Et, ut canit Prudentius,

— Virtus divina puellam

Sincero afflatu per viscera casta maritat.

Nimirum, tota sacrosancta Trinitas formavit carnem, quam solus Filius assumpsit. Hinc incarnatio tribuitur toti Trinitati *inchoative*, soli Filio *terminative*. Itaque Filius duo egit in mysterio *ἐκ θεότητος οὐκ οὐνο-*

*πίας*:



*μίας*: primò ipse unà cū Patre & Sp. S. fuit author cōcepti fœt<sup>9</sup> ἐκ τῆς παρθένου αἱμάτων, ἀνδ' ὁμιλίας ἀνδρῶς, ut loquitur Ignatius; ipse incrementi, conformationisque ἀγαλλάσιος; ut est apud Theophylactū: deinde ipse solus, manens quod erat, factus est quod non erat, induendō nostram carnem. Quò pertinet illud Augustini de tribus sororibus texentibus unam togam, quam solā media induit. Ceterū Māria, ut est in hymno Petri Abelardi

*Audit, & suscipit*

*Puellanuntium:*

*Credit, & concipit,*

*Et parit filium;*

*Sed admirabilem:*

*Consiliarium*

*Humani generis;*

*Deum & hominem;*

*Et patrem posteris*

*In pace stabilem.*

Et, ut canit Sedulius:

*Est dictum comitata fides, utrumque puella*

*Siderēū mox implet onus, rerumque creator*

*Nascendū sub lege fuit: stupet inscia reus*

*Virgo sinus, gaudetque suū paritura parentē.*

Θεομήτωρ. Est epitheton Māriæ apud Patres: quod eodem modo est intelligendum, ut Θετόκος.

Θελομαχεῖν. Hoc fit duobus modis. Aut enim aliquis cum bestiis pugnat in theatro: aut cum hominibus in bestias conversis. Ita Heraclitus Ephesius epistolā 1. ad Hermodorum scribit: Ephesiorum cives conversos esse in bestias, quippe qui se arment in mutuas cædes, quod ne leones quidem faciant. Hinc Ephesii dicti sunt bestię. Atque hoc est, quod Apostolus scribit 1. Corinth. 15. se pugnassee Ephesii cum bestiis. Quo eodem sensu Ignatius

ad Tarsenses scripsit: ὁποῦ Συναίως μέγας Ῥώμης θελομαχῶν, οὐχ ὑπὸ ἀλόγων θηρίων βεβρωσκόμενος, ἀλλ' ὑπὸ ἀνθρώπων μόρφων, A Syriā Romam usque cum bestiis depugno non quòd à brutis feris devorer, sed à feris humanam gerentibus formam exagiter.

THESAURUS. Est thesaurus Dei & hominum. Thesaurus Dei est providentiæ, seu potentiæ & naturæ Psalm. 33. 7 & 135. 7: vel gratiæ Matth. 12. 35. vel gloriæ Coloss. 2. 3. Luc. 18. 22. Thesaurus hominis est corruptibilis 1. Reg. 7. 51.

THORAX. Hæc voce Apocal. 11. significatur libertas illa ad tempus tuta & inviolabilis, quā gaudent locustæ Abaddonis, hoc est, clerici Pontificis Romani.

THRONUS. Est 1. sedes, eaque Dei Apoc. 1. 4. vel hominis 2. Sam. 3. 10. 2. angelus ipse. Coloss. 1. 16. Rursum thronus est materialis, vel spiritualis.

TOTUS CHRISTUS, & TOTUM CHRISTI. Hæc duo ita differunt, ut illud personam Christi, hoc naturam significet. Hæc de re Damascenus libr. 3. orthodoxa fidei c. 7. sic disserit: Totus igitur (Christus) est Deus perfectus, sed non totum Deus: nam non solūm Deus, sed & homo. Et totus homo perfectus, non totum autem homo: non solūm n. homo, sed & Deus. Nam totum est naturæ repræsentativum: totus autem hypostaseos. Quemadmodū aliud naturæ est; aliud verò hypostaseos. Eandem in sententiam Petrus Lombardus lib. 3. sent. distinct. 22. q. 3. ait: Christus eodem tempore totus erat in sepulchro, totus in inferno, totus ubiq; sicut & modò totus est, ubicunq; est; sed non totū. Nec in sepulchro, nec in inferno totum erat, & si totus. Sicut Christus totus est Deus, totus homo, sed non totum: quia non so-

lūm est Deus vel homo, sed & Deus & homo. Totum enim ad naturam refertur, totus autem ad hypostasim: sicut aliud & aliquid ad naturam, aliud verò & aliquis ad personam referuntur.

**TOTALITER TOTUM.** Est epitheton Dei. Græcè ὅλος ὅλον. Scholastici appellant totum perfectionis. Nimirum Deus non est totum, quod partes habet; sed est totum, quod omnem sive totam perfectionem possidet totaliter, seu absq; partibus.

**TONU.** Est solitudo, vastitas, inanitas: quæ sc. stuporem incurrit. ܬܢܐ Chaldæis est stupere, admirari.

**TRACTUS.** In Breviario Christiano Siberi hoc nomine appellatur carmē lugubre, seu oratio pœnitentialis tempore jejunii, quæ sic incipit: *Domine non secundum peccata nostra facias nobis &c.*

**TRADERE CLAVES.** Hæc metaphora sæpe ad potestatem aliquam designandā valet: at non semper ejusdem generis, neque patem. Sumitur n. ista trāslatio è more communi tradēdi claves. Porro in cōmuni vita traduntur claves, modò ut hoc symbolo declaretur & dominatio illius, qui claves accipit, & illius subiectio, qui claves tradit. Sic Regi urbem subditā ingredienti, clavis traditur: sic uirib; quæ deductionem facit, claves victori tradit. Hic traditio clavium, dominationis in accipiente, subiectionis in tradēte est symbolum. Aliquando acquisitio domini, non autem dominatio intelligitur. Sic emptori domus venditor clavem tradit: atque hujusmodi clavibus traditis, possessio tradita videtur, ut ait *Iurisconsultus lege 74. dig. de contrahenda emtione*. Aliquando neque dominatio, neq; dominium traditione clavium denotatur, sed tantum munus aliq

aut ministerium: ut cū in repub. quæstor instituitur, qui publicam pecuniam tractet, clavis illi traditur ærarii: & paterfamilias cū promum condū instituit, cellæ penuriaræ clavē ei tradit. In hoc exemplo clavis traditio, ministerii symbolum est in accipiente; in tradente, herilis imperii. In superiore exemplo, indicium est publici muneris, quod accipit quæstor, ut reip. ministret: confert autem res publica penes quam est imperium & dominatio. Sicut igitur, si quis traditione baculi vel annuli, primò aliquem presbyterum instituat, deinde alii episcopatum cōferat: aut si Imperator traditione gladii constituat aliū prætorii præfectum, alium tribunum militum; symbola quidem erunt eadem, at potestates non erunt eadē, neque pares: sic symbolo traditionis clavium, uno eodemq; potestates diversæ possunt designari & solēt. Cū igitur metaphorica hæc locutio modò majorē, modò minorem potestatem denotet, q̄ritur, cujus sint potestatis symbola claves Petro datæ à Domino *Matth. 16*. Baronius ait supremi domini in ecclesiā: Bellarminus summæ potestatis in ecclesiā. Uterq; errat. Hæc n. potestas soli Christo est propria, & est verè inexplicabilis quædam plenitudo potestatis. Itaq; Petri claves nihil aliud sunt, nisi potestas ligandi & solvendi vincula peccatorum in nomine Christi: neque ea Petro fuit propria, sed omnium Apostolorum communis: imò communis fuit semper, & hodieque est omnium legitimorum pastorum, ut ait *Theophylactus super Matth. 16*. Verba ipsius vide supra ad tit. **CLAVES REGNI COELORUM.**

**TRADITIO.** Patres nomine Traditionis aliquando significant doctrinam in ecclesia primitiva receptam, quam Apostoli

stoli tradiderunt, quæque in illorum scriptis exprimitur. *Cyprian. epist. 74. ad Pompejum*: Si aut in Evangelio præcipitur, aut in Apostolorum epistolis aut actibus continetur, ut à quacunque hæresi venientes non baptizentur, sed tantum manus illis imponantur, in pœnitentiam; observetur divina hæc & sancta traditio. *Idem*, ut Hydoparastatarum sive Aquariorum errorem, quem in S. cœnæ administratione committebant, in melius reformaret; Pauli exemplo eos revocavit ad Evangelicæ veritatis ac Dominicæ traditionis rationem: *ne*, inquit, *ab eo quod Christus magister, & præcepit, & gessit, novella institutione decederent. Hac radix atque origo est traditionis Dominicæ, ad quam est revertendum, ne aliud fiat à nobis, quam quod pro nobis Dominus prior fecerit.* Deinde traditionem non-scriptam aliquando vocant, quæ non quidem verbis Scripturæ, sed tamen sensu continetur. Huc referuntur omnia, quæ ex Scripturis colliguntur per analogiam seu bonam consequentiam. Sic *Origenes in Rom. 6. & Augustinus lib. 4. contra Donatistas cap. 4. in de Genesi ad liter. li. 10. c. 23.* pædobaptismum appellant traditionem Apostolicam. Hoc itaque modo traditio est non scripta quidem verbis, sc. ipsa tamen sensu & fundamento. Proinde eadem traditio poterit esse scripta, & non scripta. Scripta sensu: non scripta verbis. Tertiò traditionis nomine consuetudines ecclesiasticæ de rebus liberis, seu ritibus ecclesiasticis, pertinentibus ad decorum & politiam ecclesiæ. Appellantur autem hæ traditiones *Apostolica hæc ἐπαίρον*. Sic *Hieronymus epist. ad Lucinium*: Unaquæque, inquit, provincia, præcepta majorum leges Apostolicas interpreteretur. Quanquam hæc traditio non unius est generis. Alia

enim est originalis & universalis, alia recentior & particularis. Traditio originalis & universalis est, quæ à principio nascentis ecclesiæ viguit: cujusmodi erat consuetudo illa, quam tuetur Augustinus libris de baptismo contra Donatistas; ac propterea consuetudinem originalem appellat initio libri 6. Atque hæc quidem est prima conditio, ob quam traditio ista appellatur originalis. Deinde requiritur, ut ubique in ecclesia catholica obtinuerit, idque semper, non interrupta serie temporum, certa connexionis successione, ut loquitur Augustinus contra Faustū Manichæum lib. 28. Præclare enim & verè Julius Rugeius, Papæ Protonotarius, in opusculo de libris canonicis, & apocryphis, pronuntiat, *Traditionem nullam ullius esse ponderis, nisi nullis temporum intercapitibus interruptam ab Apostolorum usque temporibus. Inde enim necessum esse traditionem manare.* Et lippis atque tonsoribus notum est illud Augustini: *Quod universa tenet ecclesia, nec Conciliis institutum, sed semper retentum est, non nisi apostolica auctoritate traditum, rectissime creditur.* Traditio recentior & particularis, si accommodata sit genio loci & temporis, suum habet pretium. Loquitur autem adhuc de traditionibus ritualibus Ad extremum traditiones dogmaticæ, quæ sunt præter, extra vel contra Scripturam, nullius sunt momenti. Cū enim Scriptura sit omnibus numeris perfecta, non indiget aliquo supplemento vel mantilla. Hujusmodi traditionibus quidam Patres indulserunt: ut *Iustinus*, qui in dialogo cum Tryphone errorem Chiliastarum defendit auctoritate traditionis Apostolicæ: Sic *Irenæus* scribit, *CHRISTUM* vixisse annos 50, & ait se hoc traditione ab Apostolis accepisse.

*Tertul-*



*Tertullianus* quoque, *Montanista* factus, prophetiis & traditionibus additus fuit. *Clemens Alexandrinus lib. 1. Strom.* ait operarios Dei habere duplicem agriculturam, scriptam & non-scriptam. Sic *Eusebius de prepar. evang. l. 1. c. 8.* docet, Apostolos quædam scriptis, quædam sine literis observanda tradidisse, & excellentiora quædam perfectis reservasse. Sed hic merito usurpatur illud verus: οὐ μανθάνω.

**TRAHO.** Trahit 1. homo, vel alia creatura 2. *Sam. 17. 13.* 2. Deus: & quidem Pater *Ioh. 6. 44.* & Filius, sponsus ecclesiæ *Cant. 1. 4. Ioh. 12. 32.* Cæterum Pater nos trahit ad Christum, quando ex nolentibus facit volentes, Quæ gratia est vis suavissima, eaque irresistibilis. Filius nos trahit, quando ex nolentibus volentes factos magis magisque ad se allicit. Ergo tractus Patris est primus & antecedens, Filii secundus & consequens: utriusque amoris & suavitatis plenus.

**TRANSUBSTANTIATIO.** Hæc à sophistis in cœnam Domini est introducta, & solet appellari μεταστώσις, μεταστροφῆσις, μεταποίησις, καὶ μεταμόρφωσις. Sanè est aliqua mutatio elementorum in sacra eucharistia, sed nō substantiæ, verum officii, usus, & vocationis, ut loquitur *Irenæus*. Itaque panis eucharisticus est corpus Christi, non per transubstantiationē, sed per cœlestem vocationem, adeoque ἀπεκλῆς καὶ τῷ ὄντι. Nam

*Intus Christus adest, & inobservabile Numē.* Quod attinet ad vocabulum Trāsubstantiationis, illud heri & nudius tertius natum, ecclesiæ funestum fuit.

**TRANSFIGURATIO.** Est 1. gloriosa Christi apparitio *Matth. 17. 2. Marc. 9. 2.* 2. dolosa Satanæ & malorum hominum deceptio. 2. *Cor. 11. 7. 13. 14. 15.*

*Τριάς.* In doctrina de Deo hæc vox notat personarum Trinitatē. Quidam vertunt triplicitatem: non satis commodè. Et si enim *Gregorius Nazianzenus* de sacrosancta Trinitate ait, Ἀγίρεται ἡ Ἀγίρετως, καὶ συνάπτει διηρημένως, hoc est, Pater, Filius & Spiritus sanctus unus Deus est individue partitus, & dividue conjunctus: tamen illa Ἀγίρεσις non est intelligenda nisi logicè. Nam μονὰς ἐν τριάδι, καὶ τριάς ἐν μονάδι sic est veneranda, ut est in symbolo Athanasii, ut nulla ibi cogitetur separatio. Rectius itaque vertitur vox τριάς, trina unitas, trinitas, & unitas in tribus perfecta. Nam, ut canit *Julius Scaliger*,

*Est trinus, & unus Deus omnium creator:*

*Solus & author bonus omnium bonorum.*

Et, ut *Prudentius* canit:

*Deus ex Deo perennis,*

*Deus ex utroque missus.*

In hymno *Ambrosii* hæc leguntur:

*Summa Deus clementia,*

*Mundique factor machina,*

*Vnus potentialiter,*

*Trinusque personaliter.* (naturā.

Ubi τὸ potentialiter est idem, quod οὐσίᾳ,

In alio ejusdem hymno sic canitur:

*O lux beata Trinitas,*

*Et principalis unitas.*

Trias ista ὡς ἀρίστη καὶ ὁμοῦσι ita describitur à Patribus. Pater est infectus, innatus, ut loquitur *Tertullianus*: verbigena, & verbifactor, ut *Prudentius*: ἀλόγητος καὶ ἄλογος: qui sicut nunquam non fuit Deus, ita nunquam non fuit Pater. Filius, λόγος, Patris primogenitus, ut ante omnia, & unigenitus, ut solus ex Deo, delapsus in virginem, natus est, homo Deo mistus, ut loquitur *Tertullianus*: ut, qui erat in divinitate Dei Patris Filius,

Filius, ipse fieret in humanitate hominis  
filius. Spiritus sanctus, τὸ ἄγιον πνεῦμα, ex  
Patre & Filio ἐκπορεύων, καὶ ἐκπορεύμε-  
νον εἰς καὶ ἡμῶν

Quo manat de fonte boni, & fluit omnis o-  
rigo.

Addamus plura piæ antiquitatis hoc de  
mysterio testimonia, & veluti sententias  
vermiculatas. Ὁ κτῆν, ὅτι ἦν ὁ θεὸς ἁλόγος,   
Deus absque Verbo nunquam fuit, Damasc.

—— Personis stat tribus unus apex. Forr.  
Οὐτε ἐνέλειψε περὶ τῷ πατρὶ λόγος, οὐτε  
τῷ λόγῳ πνεῦμα, Nunquam Patri Verbum,  
neque Verbo Spiritus deest, Damasc. Πνεῦμα  
ἐκ τοῦ πατρὸς ἐκπορεύομενον, καὶ ἐν τῷ υἱῷ ἀ-  
ναπαύομενον, Spiritus ex Patre procedens, &  
requiescens in Filio. Idem. Filius Paulino di-  
citur

—— per omnia cum Patre concors.

Sedulio —— in genitore manens.

Scaliger de Spiritu sancto:

Deus unus, & unus Spiritus in nato natiq̃ue  
parente

Qui semper eras, & semper eris.

In prosa, quæ canitur dominicâ Trinita-  
tis: Pater, Filius, sanctus Spiritus, tria sunt nomi-  
na omnia eadem substantia. Hic intelligun-  
tur nomina τρεῖς ὁμοῦ. Ibidem: Proprietas  
in personis, unitas in essentia. Intelligitur τὸ  
ἰδιόζον ἀντιφώνητον. Capitius ita canit:

Ex Patre ipsa Dei Mens, sanctusque ex utroq̃,  
Spiritus, est qui una Patris, Natiq̃ue volun-  
tas.

Arator:

Quod Pater, & Natus, quod sanctus Spiritus  
unus

Sint Deus & numerum triplicet substantia  
simplex.

Victor: ii prosa elegantissima:

Profitentes Unitatem

Veneramus Trinitatem

Pari reverentiâ.

Tres personas asserentes,

Personali differentes

A se differentiâ.

Hac dicuntur relativè,

Cum sint unum substantivè,

Non tria principia.

Sive dicas tres, seu tria,

Simplex tamen est usia:

Non triplex essentia.

Simplex esse, simplex posse,

Simplex velle, simplex nosse,

Cuncta sunt simplicia.

Non unius, quàm duarum,

Sive trium personarum

Minor efficacia.

Pater, proles, sacrum flamen

Deus unus, sed hi tamen

Habent quadam propria.

Vna virtus, unum numen,

Vnus splendor, unum lumen,

Hoc una, quod alia.

Patri proles est aqualis,

Nec hoc tollit personalis

Amborum distinctio:

Patri compar, Filioq̃

Spiritalis ab utroque

Procedit connexio.

Non humana ratione

Capi possunt hæ personæ,

Nec harum discretio.

Non hic ordo temporalis,

Non hic situs, aut localis

Rerum circumscriptio.

Nil in Deo, præter Deum,

Nulla causa præter eum,

Qui causat causalia.

Effectiva, vel formalis,

Causa Deus, & finalis,

Sed nunquam materia.

Dignè loqui de personis

M m m

V m

Vim transcendit rationis,  
Excedit ingenia.

Quid sit gigni, quid processus,  
Me nescire sum professus:  
Sed fide non dubia.

Qui sic credit, ne festinet,  
Et à viâ non declinet,  
Insolenter regia:

Servet fidem, servet mores,  
Nec declinet ad errores,

Quos damnat ecclesia.

Nos in fide gloriemur,

Nos in una modulemur.

Fidei constantia.

Trina sit laus Unitati,

Sit & simpla Trinitati.

Coaterna gloria. Amen.

Nota, Quod hîc dicitur, Deû esse causam formalem, accipiendum est de causa exemplari. Basilius ita describit personas SS. Trinitatis: *ὡς κατὰ ῥηπικὴ αἰπά τῶν ἡρομῶν, ὁ πατήρ, δημοσερχική, ὁ υἱός, τελειωτική, τὸ πνεῦμα ἅγιον.* Bernhardus hanc doctrinam ita commendat: Inquirere de Trinitate perversa curiositas est: credere, & tenere sicut sancta ecclesia tenet, fides & securitas est: videre autem eam sicuti est, perfecta & summa felicitas est. Ignatius epist. 6. ad Philipp. *αἰτε εἰς ἀρχήν τοῦ ὁ Θεὸς καὶ πατήρ, καὶ εἰς μοιοληὺς υἱός, Θεὸς λόγος καὶ ἄνθρωπος, καὶ εἰς ὡρακλήν τοῦ πνεῦμα τῆς ἀληθείας.*

TRIPLEX MUNDI MACHINA. Hæc verba leguntur in hymno *Adesto sancta Trinitas*: leguntur, inquam, hoc modo:

Tæcalorum militia.

Laudat, adorat, predicat;

Triplex ἡ mundi machina:

Benedicit per secula.

Siberus interpretatur cælum, terram, & inferos. Sed quomodo inferi laudant Deum?

Videtur intelligi Europa, Asia, & Africa quæ tres partes olim tantum fuerunt cognitæ.

TRISTEGA. Est tertiana mansio apud ver. interpr. Gen. 6. 16. Ezech. 42. 6.

TRISTITIA. Est duplex 1. secundum mundum, sive κατ' ἄνθρωπον; & hæc est noxia: 2. κατὰ Θεόν, secundum Deum; & hæc est bona: 2. Cor. 7. 10.

Τρισάγιον. TRISANCTUM. In veteri ecclesia formula illa δοξολογίας, collaudationis, Sanctus, Sanctus, Sanctus, ex Esa. 6. v. 3. vel ter iterabatur, vel terter. De quo notatu digna sunt verba Damasceni lib. de Trisagio ἐπεὶ δὴ τὸν Τρισάγιον ὕμνον ἐν τῆς συνήθουσιν ὡχάις τριπλὸν φάμεν, ἀξιὸν καὶ πρὸς τοῦτ' ἀγαθὸν ὅτι περὶ οὗχ ἅπαξ τῶ Πατρὶ, καὶ ἅπαξ τῶ Υἱῶ, καὶ ἅπαξ τῶ Ἁγίῳ Πνεύματι τὸν Τρισάγιον ὕμνον προσάγομεν. ἀλλὰ καὶ ὡς τῇ ἀγίᾳ Τριάδι τὸν Τρισάγιον ὕμνον προσφέρομεν, Quia ter sanctum hymnum in consuetis precationibus tertio dicimus, opera pretium est & de hoc dispicere: quid non semel Patri, & semel Filio, & semel Spiritui S. ter sanctum hymnum adducimus, sed communiter S. Trinitati ter sanctum hymnum offerimus. Vide Germani Patriarchæ Constantinopolitani Theoriam mysticam. De additione illa ad Trisagion, sanctus Deus, sanctus fortis, sanctus immortalis, miserere nobis, vide Damascenum 3. de orth. fide c. 10. Verba Græca ita sonant: Ἁγίῳ ὁ Θεὸς, ἅγιος ἰσχυρὸς, ἅγιος ἀθάνατος, ἐλέησον ἡμᾶς. Primum ἅγιος ad Patrem, secundum ad Filium, tertium ad Spiritum S. referebatur.

TROPOLOGIA. Est 1. sermo de tropis. 2. sermo tropicus. 3. sermo de moribus, cum aliquis Scripturæ locus ad mores conformandos traducitur. Vulgo dicitur tropologicus Scripturæ sensus.

TUBÆ. Tubarum duplex est usus inter homi-



homines. Sunt enim instrumenta furoris bellici, per quem nempe viri & equi ad pugnam incitantur & inflammantur. Deinde eadem ad profanum aularum fastū adhibentur. Atque hæc causa est, quòd in Apocalypsi plagæ secundi ordinis per tubas significantur. Habent nempe tubæ istæ mysticæ indicium iræ Dei effervescentis, & permittentis, ut ecclesia ambitionum ingeniorum certaminibus cōtendendiq; libidine molesteretur. Intelligenti itaque hīc sunt turbulenti illi motus & seditiosæ contentiones, quibus ecclesia, post erectum & confirmatum Papatum, per aliquot secula gravissimè perturbata est, ab anno Christi 606. usque ad 1517.

Τρόπος τῶν ἀρχέως. Est modus subsistendi. Sic ex Damasceno dicimus Patrem, Filium, & Spiritum S. differre τῶν ἀρχέως.

Τροποφορεῖν. Et paterna lenitate & indulgentia aliquem ferre. Act. 13. 18. Helychius vertit τρέφειν, nutrire. Quæ quidem explicatio consentit cum versione LXX. Deut. 1. 31. Neh. 9. 21. Sed Budæus illud Ciceronis ad Atticum ep. 29. l. 13. τὸν τύπον μου πρὸς θεὸν τροποφύρῃσιν, sic exponit: Morem gere, indulge, accommoda patientiam: indulge ambitioni meæ insanæ & insolenti, vel elationi meæ.

Τράπεζα Κυρίου. Apostolus 1. Cor. 10. 21. eucharistiam appellat mensam Domini. Et Patres crebrò sic appellant. Sunt & alia hujus mensæ epitheta apud ipsos: putà ἐπουργάνιος τράπεζα celestis mensa, in Liturgia, quæ Jacobi nomen præferit: τράπεζα ἱερά, mensa sacra, apud Chrysostomum homil. separata in verba Pauli 1. Cor. 10. 1. Apud eundem μυστικὴ τράπεζα, mystica mensa, tom. 5. Savil. pag. 367. & alibi sæpe: item τράπεζα ἡ φεμώδης, mensa terribilis, Chrysost. homil. in verba Pauli, Oportet hæreses esse: denique τράπεζα λογικὴ & πνευματικὴ, mensa rationalis & spiritualis. Quanquam mensa spiritualis etiam occurrit de prædicatione verbi.

ΤΡΙΤΕΥCHUS. Est liber continens tria volumina, ut volumen Josuæ, Judicum & Ruthæ.

ΤΥΠUS. Apud theologos est figura rei futuræ, sacramentum seu similitudo divinitus præmonstrata, quæ etiam aliquando antitypus, seu ἀντίτυπον, dicitur. Alioqui antitypus est figura figure respondens, ut baptismus circumcisioni, eucharistia agno paschali. Papias ait: Typus est prophetia in rebus, secundum quod res esse noscuntur. Inter oēs autem typos V. T. excellunt illi, qui Christū præfigurarunt. De oraculis idem judicium. Hac de re teneatur iste typus.

Christus in V.  
T. fuit præ-  
nuntiatus

Typis, seu  
figuris &  
umbris;  
sunt

Res  
ut

Arbor vitæ. *Gen. 2. Apoc. 2. v. 7.*  
Agnus paschalis. *Exod. 12. 1. Cor. 5. v. 7.*  
Serpens æneus. *Num. 21. Ioh. 3. v. 14.*  
Altare. *Exod. 27. v. 1. & c. 3. v. 1. Hebr. 13. v. 10.*  
Victimæ. *Levit. 1. v. 3. Heb. 9. v. 8.*  
Arca cum propitiatorio. *Exod. 25. vers. 20.*  
*Rom. 3. v. 25.*  
Templum. *1. Reg. 8. Iohan. 2. v. 21.*

Personæ:

Adam. *Rom. 5. v. 14.* (5. & 7.  
Sacerdotes: ut Melchisedec. *Hebr.*  
Duces: ut Moses & Josua.  
Reges: ut David, Salomon.  
Prophetæ: ut Jonas.  
Naziræi: ut Simson.

Rerū  
& per-  
sona-  
rum.

Evēta

Maectatio & esus agni paschalis.  
Exaltatio serpentis in deserto.  
Immolatio victimarum.  
Davidis exilium & regnum.  
Salomonis sapientia & majestas.  
Jonæ ejectio in mare, conservatio,  
& liberatio.  
Simsonis proditio & mors.  
Ingressus Pōrificis in sanctuarium  
cum sanguine.  
Mosis intercessio.  
Josuæ victoriæ.  
Davidis fiducia, preces, victoriæ.  
Ædificatio templi Salomonis.

Facta

Oraculis, h.  
e. pmissio-  
nib⁹ & præ-  
dictionib.  
de Messia:  
ubi occurrit  
oraculorum.

Materia.  
Sunt e-  
nim ista  
oracula  
de Chri-  
sti

Deitate. *Es. 9. Ier. 23.*  
Humanitate. *Esa 7.*  
Passione, morte, & resurrectione. *Genes. 3.*  
*Psal. 22. Esa. 53.*  
Officio & beneficiis. *Esa. 11. & 53. Ezech. 34.*  
Regno æterno. *2. Sam. 7. Psal. 45. 69. Esa. 9.*  
Simplicia & absoluta, h. e. nullis typis in-  
voluta: ut sunt omnes directæ, expref-  
sæ, & claræ promissiones & prædictio-  
nes de Christo. *Genes. 49. Esa. 7. 9. 53. Ier.*  
*23. Mich. 5. Zach. 9. Deut. 18.*

Species  
seu va-  
rietas.  
Sunt e-  
nim hæc  
oracula.

Typica,  
quæ sunt e-  
dita  
A typis. *Pf. 2. 16. 22. 40. 45.*  
De typis. *Exod. 12. 2. Sam.*  
*7. Pf. 72.* Porro

Porro oracula typica non sunt unius generis. Nam

Alia sunt	Simplicia: quæ habent impletionem in solo Christo. Ea dijudicantur	Historiæ evidentiâ: quod res ipsa in nullum alium comperat. <i>Psal.</i> 16. <i>Act.</i> 2. & 13. Solus Christus corruptionem non vidit.	
		Attributorum excellentiâ & maiestate: ut solus Christus habet regnum universale & æternum. <i>Psal.</i> 2. 8. 45. 72. <i>2. Sam.</i> 7.	
	Composita; quæ Christo & typo convenientia, geminâ habent impletionem, adeoque	Significatam, veram, & perfectam in CHRISTO:	
		eamque { literalem figuratam anagogicam.	
Oracula composita, impleta sunt vel	Literaliter in CHRISTO & typo	Significantem, typicam, & imperfectam, in typis, eamque { literalem figuralem.	
		Os non fractum. <i>Exod.</i> 12. <i>Ioh.</i> 19.	
		Agnus immaculatus. <i>Exod.</i> 12. 1. <i>Pet.</i> 1.	
		Serpens exaltatus. <i>Num.</i> 21. <i>Ioh.</i> 3.	
		Deus mi cur dereliquisti me? <i>Psal.</i> 22. <i>Matth.</i> 27.	
	Literaliter in Christo, figuratè in typo.	Foderunt manus, diviserunt vestimenta. <i>Psal.</i> 22. <i>Matth.</i> 27.	
		Posuerunt acetum. <i>Psal.</i> 69. <i>Ioh.</i> 19.	
		Loquar in parabolis. <i>Psal.</i> 78. <i>Matth.</i> 13.	
	Anagogicè in Christo, literaliter in typo.	Ædificabit mihi domum. <i>2. Sam.</i> 7.	
		Conteret eos virgâ ferreâ. <i>Psal.</i> 2. <i>Apo.</i> 2.	
	Figuratè in Christo & in typo.	Comedens panem meum. <i>Psal.</i> 10. <i>Ioh.</i> 13.	
		Lapis, quem reprobarunt. <i>Psal.</i> 118. <i>Matth.</i> 21.	



**TRICLINIUM.** Est. conclave habentres κλίνας, tres lectos, scil. discubitorios. Erant enim multi οἶκος triclini, ubi tres lecti; multi tetraclini, ubi quator lecti; item pentaclini, ubi quinque; hexaclini, ubi sex; & ita deinceps. Nam δεκακλίνης οἶκος, ἐξηκοντακλίνης, ἑκατοντακλίνης, ubi decem, sexaginta & centum lecti in historiis Græcorum occurrunt. 2. lecti terni contigui circum tres mensas appositi dicuntur triclinium. 3. ipsum etiam cœnaculum, seu palatium. Quo sensu R. Jacob in Pirke Abhoth eleganter ait: *Seculum hoc simile est vestibulo ante seculum venturum: para te in vestibulo, ut ingrediaris in יְרֵקָרְבָּ i.e. triclinium, seu palatium.*

**UCHAL.** Hoc nomen occurrit Proverb. 30. v. 1. & est factum à verbo, quod significat posse, ita ut Uchal sit idem, quod potero. Hoc est nomen Christi, ut & Ithiel, eodem in loco: ita ut his duabus appellationibus moneamur de nostri sanctificatione per Dei præsentiam & potentiam infinitam in Christo: prout quinq; sequentibus versib. d. l. exponit. Vide tit. ITHIEL.

**VADE POST ME SATANA.** Ita Christus alloquitur Petrum Matth. 16. Hæc verba lucem accipiunt ex 2. Sam. 19. 22. ubi David repudiens consilium de occidendo Semei, ut hîc Dominus consilium Petri de non subeunda morte, ait: *Quid mihi est vobiscum filii Sarvia? Cur efficiamini mihi hodie יְהוֹשָׁפָט in Satan?* Ex quo apparet instar proverbii esse, soliti de eo usurpari, qui malū & perniciosum daret consilium, faciens in eo officium veri Satanæ, i.e. adversarii & inimici. Iccircò apud Chrysostomum Dominus ita Petrum alloquitur: *Ego tibi dico, ut ipse non patiar, consilium id esse Diaboli.* Et Rufinus in benedi-

ctione Dan; ait Petrum cum hæc dicebat, non rectè equitasse in fide, h. e. peccasse in fide. Et eleganter Jansenius ait, *Petrum revera egisse Satanam revocando à jussu Dei.* Erant itaque Petro Zelotæ, qui negant aliquid hîc à Petro esse peccatum.

**VENIALE.** Vet. vocab. Cathol. Veniale dicitur tripliciter: ex genere, ut verbum otiosum: ex causa, ut quod ex infirmitate vel ignorantia geritur: quod excusationem quandam habet: ex eventu, sic culpam præcedentem mortalem confessio sequens facit venialem. Hæc valent in foro soli, non verò in foro populi. Hîc enim veniam meritus est CHRISTUS.

**VENTER.** Est 1. hominis vel bestię. Genes. 25. 25. Levit. 3. 10. 2. voracitatis, ebrietatis, omnisque intemperantiæ & luxuriolæ vitæ studium. Rom. 16. 18. Philip. 3. 19. 3. homo intemperantiæ deditus. Tit. 1. 12. 4. mysticus venter. Cant. 5. v. 4. 14. & 7. 2. Iohan. 7. 38.

**VENTILABRUM.** Propriè est instrumentum mechanicum. Impropriè significat 1. hostes ecclesiæ, quibus Deus utitur tanquam ventilabris. Ier. 15. 7. 2. doctrinam evangelii. Matth. 3. 12. Luc. 3. 17.

**VERBUM.** Hoc nomen inter alia significat Christū, qui dicitur Verbum καὶ ἐξοχὴν & Verbum Patris, nō quod sit ἀξίθεσις, id est, propositū; aut idea, & forma in divina mente: sed quia est λόγος ἐνυπόστατος, persona Trinitatis secunda, & λόγος ὁ πατὴρ ὡς ἡμᾶς, id est orator Patris ad nos. Vide suprā titul. Λόγος, & paulò post Verbum scriptum. Porro Verbum Dei est internum & æternum, vel externum. Illud est vel essenziale, ut conceptus Dei: vel personale, ut Filius Dei: hoc est vel imperativum, ut in creatione

tionem *Genes.* 1. vel enuntiativum sive systematicum, ut lex & evangelium.

**VERBUM REI & RES VERBI.** Tritum est in scholis theologicis: *Eides intuetur in verbum rei; spes in rem verbi.* Verbum rei nominant promissiones; Rem verbi res promissas, seu bona spiritualia & corporalia.

**VERBUM SCRIPTUM ET NON-SCRIPTUM.** Hæc duo Judæi & Papiæ opponunt, ea ratione ut hoc illi apponant, & huic contra illud directorium attribuant. Et hoc quidem Rabbinus *רַב־בַּרְבַּאי* q. d. oralem traditionem vocant, in quo verum intellectum canonis scripti explicari contendunt, quod propterea nō minori pietatis aff. etu ab omnibus generosè Judaizantibus acceptari volunt, quàm canonem scriptum. Hoc etiam verbū non-scriptū *תורה שבעל פה* i. e. sepem legis divinæ vocant, dicentibus per eam verbum Dei scriptum ab extraceu per aggestos aggeres muniri & dilatarī: cujus summam tandem in Talmud scripto comprehensam esse dicunt, propter periculum, quod huic orali thesauro ex dissipatione hujus gentis metuendum erat. Pontificii verò hanc eandem legem non scriptam, tanquam hujus consobrinam, modò sensum ecclesiæ, modò perpetuam consuetudinem & praxin ecclesiæ Catholice, modò traditiones Patrum, modò pectoris Pontificii motus proprios, quando nimirum is cum diligentia agit, vocant. Et hoc verbum non-scriptum similiter eodem pietatis affectu recipiendum & prosequendum imperant, quo verbum Dei scriptum. Verū enim verò hoc Judæorum & Pontificiorum verbum non-scriptum non est à Christo obsignatum, sed pertinet ad mandata hominum, contra

quæ graviter deſonat *Eſaias cap. 29. 13. 14.* Porro verbum Dei appellatur etiam verbum Christi, evangelii, fœderis, Moſis, prophetarum, apostolorum, nempe ex præſcripto Dei loquentium. In Concordant. Lat. vulg. verſ. ſic inter alia adnotatur: *Verbum λόγος, Dei Filius, Sapientia Patris seu Patris interpres: ille item de quo locutus est Deus, & quem ecclesia ſua ſervatorem promittit atque exhibuit.*

**VERBA DIERUM.** Sunt añales, Chronica. *1. Reg. 14. 19. & 15. v. 7. 23. 31. & 16. aliquoties.*

**VELAMEN MOſIS.** De hoc Sedulius ita canit: ——— *lex velamine Moſis*

*Teſta diu; Chriſto nobis veniente pateſcit.*

Nam Chriſtus eſt *ἀντίφωτος καὶ ἀντίρεκτος τοῦ νόμου.* De velamine Moſis vide *2. Cor. 3. v. 15. 16.* ubi apoſtolus exponit allegoriā velaminis Moſis, hoc eſt, quod Moſes injiciebat ſuper faciem ſuam. Velamen iſtud fuit ſymbolum obſcuritatis & imbecillitatis hominum, qui legis fulgore hebetantur potiùs quàm illuſtrantur; quod velamē advenu Chriſti, corda illuſtrantis & ad Dominum convertentis, ſublaturum eſt, ut ab iſta cæcitatſ ſervitutē in lucis libertatem per virtutē Spiritus Chriſti aſſeratur.

**VESPERÆ DUÆ.** Agnus paſchalis inter duas veſperas erat immolandus. *Exod. 12. 6.* Id eſt intervallū inter oblationem veſpertinam & ſolem occaſum. Veſpertinū autem ſacrificium obiri ſolebat ab ho. a nona, id eſt, tertia exaëta poſt meridiem. Ergo duplex eſt veſpera, ſeu *ὄψια* prior inclinantis ſolis, ſeu oblationis veſpertinæ; altera occidentis ſolis & horizontem ſubeuntis. Illam Græci vocant *δελήνη πρωϊαν* & *ὄψιαν*; hanc *ὄψιαν δελήνην.*

VESPERÆ

**VESPERE SABBATI QUÆ**  
**LUCESCIT IN PRIMAM SABBATI.** Sensus est: In fine sabbati, sive trans-  
 acto sabbato. Confer Matth. 28. &  
 Marc. 16.

**VESTIGIUM.** Scholastici distin-  
 guunt inter vestigium & imaginem, tan-  
 quam inter minus & majus. Nam omni-  
 bus creaturis Deus impressit sui vesti-  
 gium, at non imaginem: Quippe quæ in  
 angelis & homine tantum cernitur.

**VESTES SCINDERE.** Moris erat  
 apud Judæos rumpere ad ostendendum  
 ingentem animi dolorem & indignatio-  
 nem. 1. in funere & luctu. 2. in blasphemis  
 & conviciis in Deum. 2. Reg. 18. *Matth.*  
*26. v. 65. Act. 14. v. 14.* 3. in clade & ca-  
 lamitate publica vel privata. *Exod. 4. 1.*

**VESTES CHRISTI.** Christus duas  
 tantum vestes & cum ivit ad crucem, &  
 cæteræ etiam vita gestavit: videl. pallium,  
 & tunicam. Ex his pallium nunc *ipallion*,  
 nunc plurali voce *ipallia* appellatur.

**VIGILIA.** *Εὐχέλμερον*, & nox di-  
 videbantur ab Hebræis in vigilias. Nox  
*ἡμέρον* quidem in quatuor. Prima vigilia  
 erat à vespere, secunda à media nocte,  
 tertia à manè, quarta à meridie. *Scalig. lib.*  
*1. de emend. temp.* Nox autem in tres vigi-  
 lias fuit divisa. *Schindlerus in lexic.*

**VIATICUM.** Patres baptismum &  
 S. cœnam appellant *ἐφόδια*, *viatica*, q. d.  
 viæ subsidia. Nam hæc vita stilo Scriptu-  
 rarum viæ quædam est.

**VIA.** Veteres constituunt tri-  
 licem viam perveniendi ad Deum: videl. pur-  
 gativam, illuminativam, & unitivam.  
 Quantum ad viam purgativam quinque  
 sunt illius gradus, per quos ascenden-  
 dum est, ut plenè anima purgetur. Primus  
 gradus est concipere magnum peccato-

rum odium: secundus, viriliter certare  
 contra omnes tentationes, ne in priora  
 peccata recidamus: tertius, est quotidia-  
 nus progressus in viâ spirituali, quo vim  
 nobis faciendo expellimus tepiditatem:  
 quartus, est extirpatio malorum habi-  
 tum: quintus, mortificatio passionum  
 per abnegationem sui ipsius. *Via illumi-*  
*nativa* consistit in virtutum exercitatio-  
 ne. *Via unitiva* est, qua homo cum Deo  
 perfectæ charitatis vinculo conjungitur  
 per conformationem cum voluntate Dei,  
 per excessum & abstractionem mentis,  
 per suspirium ad Deum, per passionem  
 mysticam, qua Deum libenter patimur.  
 Media ad hanc perfectionem necessaria  
 sunt tum interna, ut gratia Dei, oratio,  
 examen, discretio spirituum, & electio:  
 tum externa, ut lectio sacra, recessus, soli-  
 tudo, eucharistiæ frequens perceptio  
 &c.

**VIATORES.** Sic appellantur filii  
 Dei, quamdiu peregrinantur in hac mi-  
 seriarum valle. Eleganter Siberus ad il-  
 lud Thomæ Aquinatis

*Ecce panis angelorum*

*Factus cibus viatorum:*

Sic adnotat: Viatores sunt, qui ut Hebræi  
 solitudines Arabiæ, deserta hujus mundi  
 peragant. Bonaventura in prologo *Brevilo-*  
*quii de theologia positiva* ait: Cum secun-  
 dum lumen supernaturale procedat ad  
 dandam homini viatori notitiam rerum  
 sufficientem, partim per plana verba, par-  
 tim per mystica, describit totius universi  
 continentiam, quasi in quadam summa.  
 De his viatoribus pronuntiant Schola-  
 stici, illis notam esse divinitatem, quate-  
 nus in ænigmate cognosci potest. Quæ  
 ph. al. desumpta est ex 1. Cor. 13. v. 12. *Cer-*  
*nimus enim nunc per speculum, & per ænigma.*

Unde:



Unde huiusmodi cognitio à quibusdam appellatur *specularis & enigmatica*. Porro viatoribus opponuntur *comprehensores*, i.e. homines beati qui sunt in statu patriæ seu vitæ æternæ. Hæc vox itidem desumpta est. ex 1. Cor. 9. Nā parte posteriore versus 12. dicit apostolus καὶ ἀντίθετον: Nunc cognosco ex parte, tunc verò cognoscā prout cognitus fuero. Non tamen est existimandum beatos dici comprehensores, quòd τὸ ἀκατάληπτον θεῶν comprehendant. Hoc enim à creatura non potest comprehendi. Unde in Scholis elegāter distinguunt cognitionem in comprehensivam, & apprehensivam. Illa Deus non potest cognosci ab ulla creatura: hæc potest, sed ita ut sint quidam ipsius gradus, è quibus supremus respectu reliquorum dicitur cōprehensivus. Itaque comprehensores dicuntur in sensu comparato: vel certè, quòd jam comprehenderint τὸ θεοῦ. ex 1. Corinth. 9. Sic currite, ut comprehendatis.

VIGINTI QUATUOR SENIORES. Per hos in Apocalypsi cap. 4. quidam intelligunt veteris illibati Canonis totidem libros, ut quidem illi vulgò ab Hebræis numerantur, qui propterea Canonem Biblicum veteris Testamenti usitatissimè etiamnum ex vetustissima majorum consuetudine non aliter quàm עשרים וארבע i.e. *Viginti quatuor*, vocant. Ad quem vulgarem morem Johannes respexisse putatur. Per *quatuor animalia* iidem intelligunt quatuor evangelistas, & rursus per quatuor evangelistas synecdochicè totum novi fœderis canonem.

VINCO. Vincit 1. Deus Psal. 51. 6. Rom. 3. 4. 2. Christus. Iohan. 16. 33. Apoc. 3. 21. & 5. 5. & 6. 2. & 17. 14. 3. vincunt pii

armis spiritualibus pugnantes Rom. 12. 21. 1. Ioh. 3. 13. 6. 4. 4. 6. 5. 7. 4. 5. Apoc. 2. 7. 11. 17. 26. & 3. 7. 5. 12. 21. 4. vincit bestia mystica Apoc. 11. 7. & 13. 7. 5. vincunt homines armis materialibus, divino favore fultris. 6. vincunt, i.e. superant, impii sceleribus, numero &c. Ezech. 16. 7. 51. 52.

VINCULUM. Est 1. instrumentū quodcunque, quo homo vel aliud quippiam detinetur & trahitur. 2. ipsa captivitas. 3. lex, jus, doctrina. Ps. 1. 3. Ier. 2. 20. & 5. 5. 4. obligatio conjugii Ruth. 1. 12. & fœderis Ezech. 28. 37.

VINDICTA. Est Dei, vel hominis: & hæc, publica vel privata; illa est legitima, vel secus; hæc semper illegitima.

VIR DESIDERABILIUM. Hoc elogio insignitur Daniel cap. 9. 23. Hebraicè נָשִׂים וְאִשָּׁה. Quæ appellatione ista tria significantur. 1. Vir desideratissimus. 2. Vir, cujus studia versantur circa res desiderabiles, cuiusmodi sunt mysteria salutis de Christo, de ecclesia, de providètia Dei &c. 3. Vir, cui omnia desiderabilia & expectenda, revelata & communicata sunt. Quæ verò sunt ista *desiderabilia*? Resp. Illa, quæ parentes nostri in paradiso amiserunt, quæque nobis denuò cōmunicantur à Christo & in Christo. Desiderabilia ista doctrinæ evangelicæ sunt remedium contra desiderium mulieris, quo fructum arboris appetiit. Nimirum arbor scientiæ boni & mali videbatur mulieri esse *desiderabilis* נָשִׂים. Contra hanc deceptæ fœminæ imaginationem angelus ostendit Danieli, quæ nam sint illa vera desiderabilia נָשִׂים, in quibus pernoscentis & perfruendis sit vera & salutaris scientia & felicitas: doctrina nimirum de Christo, ejusque salvifico officio. Et huc pertinet illud Christi Matth. 13. 16. & Luc. 10. 23.

Nnn

Multi

*Multi propheta & iusti desiderarunt videre, quæ videri. Insignis etiam est locus Malach. 3. 1. Ecce ego mitto Angelum meum, qui parabit viam coram me, statimq; veniet ad templum suum Dominus illa, quem vos queritis, & Angelus fœderis, quem vos desideratis.*

**VIR VERBORUM.** Voci *vir* valde crebro adiungitur nomen substantivum genitivi casus, juxta cōstructionem possessoris, qui tamen genitivus plerumque rem possessam significat: ut, *vir verborum*, facundus: *vir virtutis*, strenuus: *vir virium*, robustissimus: *vir pecoris*, possidens pecora: *vir terra*, agricola: *vir pugna aut praelii*, bellator, miles: *vir irarum, rixæ*, iracundus, rixosus: *vir sanguinum*, homicida: *vir dolorum*, gravissimis doloribus affectus, quomodo cognominatur Messias *Isa. 53.* Aliquando contra ille genitivus significat possessorem, ut *vir mortis*, *vir desideriorum*, *vir Belial*, *vir Israël*.

**VIRGO.** Hebræi virginem appellant *עַלְוָה* & *עַלְוָה*. Vox prima talem feminam indicat, quæ domi sub patria potestate continetur & quasi occultatur, sicut id ex radice *עַלְוָה* apparet. Talis fuit Rebecca *Gen. 24. 43.* & Maria soror Moïsis *Exod. 2. 8.* ubi R. Moïses Ben Jischaschar Levita Pragensis utrobique vertit, dicit *Yungstraw*. Similiter *Esa. 7. 14.* mater Messiae appellatur *עַלְוָה*, & quidem præfixo *He Hajediah*, sive demonstrationis, *Virgo illa*, seu *Virgo quedam*, in virginitate scilicet sua. Vox altera *עַלְוָה* semper significat virginem. Unde aliquis non immerito querat, Cur Spiritus sanctus non adhibuerit hanc potius quam illam, quæ non semper significat virginem? Resp. Vox *עַלְוָה* magis est forensis, quam vulgæ usus: quæ nimirum in causis matrimonialibus usurpatur, ubi

de ductæ uxoris virginali integritate disceptatur. Verum ista re hîc nihil opus erat, cum hæc virgo non ideò perhibeatur virgo à Spiritu sancto, quod integram virginitatem ad sponsum attulerit, sed quod citra congressum viri ex Spiritu sancto conceperit. Ubi contra Judæos illud non obiter est notandum, prodigii istius vim totam expirare, si locus Blais de naturali conceptione fœminæ ex congressu viri intelligi debeat, cum hac ratione hujusmodi signorum mundus plenus sit futurus. Quidam sic adnotant ad hunc titulum: Apud Hebræos sunt tres voces, quibus virgo significatur. 1. *עַלְוָה*, virgo sine discrimine ætatis, sive juvenula, sive vetula. 2. *עַלְוָה*, puella ætate & ministerio. 3. *עַלְוָה* adolescentula virgo, qualis erat Maria, quæ, ut vulgo putatur, 16. anno ætatis facta est *θεομήτωρ*. In protevangello Jacobi *Δεξαμένη αγγελίαν* ei tribuuntur. Sed redeamus ad vocem Virgo. Hæc vox *Αἰὼς* mysticè significat eos, qui fisco Antichristianorum prostibulorum non potuerunt corrumpi, ut ejusdem *βδελύγματος* polluerentur, sed veram & incorruptam fidem præstiterunt Agno. Itaque hæc impollutæ virgines opponuntur iis, quos propheta Johannes *cap. 21. 8.* vocat *ἑβδελύγματος*, hoc est, pollutos iis *βδελύγματος*, quæ meretrix Babylonica *Apoc. 17. 4.* gentibus sibi devotis pleno poculo propinat. Et hæc quidem metaphora est specialis. Generatim verò virgines sicut, non tantum qui notitiam sexus non habent: sed multo magis, quarum mentes à simplicitate, quæ esse debet in Christianis, corruptæ non desistant: de quibus apostolus 2. *Cor. 11.* Desponsavi vos uni viro virginem castam, jungendam Christo.

VIRGO

**VIRGO RECLUSA.** Vide supra κατήχησις.

**VIRGA.** Est 1. propriè dicta 2. *Cor.* 11. 25. 2. disciplina moralis, civilis, ecclesiastica. *Prov.* 13. 24. 1. *Corinth.* 11. 25. 3. baculus *Exod.* 4. 7. 2. 4. 17. 20. 4. Christus *Esai.* 11. 1. 5. benigna dominatio & protectio Dei. *Psal.* 23. 6. sceptrum Christi respectu piorum. *Psal.* 45. 7. & 110. 2. 7. sceptrum Christi respectu impiorum. *Psal.* 2. 9. *Apoc.* 2. 7. & 12. 5. & 19. 15. 8. verbum Christi *Esai.* 11. 4. 9. flagellum Dei. *Iob.* 9. 14. *Psal.* 89. 33. 10. vis latens. *Exec.* 14. 14. 11. potens dominatio. *Esai.* 14. 29. 12. tyrannis & violentia. *Esai.* 14. 5.

**VIRGA VIGILANS.** Est ramus amygdalinus. *Ierem.* 1. 11.

**VIRTUTES THEOLOGICÆ.** Tres sunt, videl. fides, spes, & charitas. 1. *Cor.* 13. 7. 30. 1. *Thess.* 1. 7. 3. & 5. 7. 8. De his *Isidorus lib.* 8. c. 2. ait: Tria sunt, quæ in religionis cultu ad colendum Deum in hominibus perquiruntur, id est, fides, spes, charitas. In fide quid credendum, in spe quid sperandum, in charitate, quid sit amandum. Fides est, quia veraciter credimus id, quod nequaquam videre valeamus. Nam credere jam non possumus, quod videmus. Propriè autem nomen fidei inde dictum est, si omnino id fiat, quod dictum est, aut promissum. Et inde fides vocata, ab eo, quod sit illud, quod inter utrosque placitum est, quasi inter Deum & hominem: hinc & fœdus. Spes vocata, quod sit pes progrediendi, quasi est pes. Unde contrarium desperatio, deest enim ibi pes, nulla que progrediendi facultas est, quia, dum quisque punctum amat, futuram gloriam non superat. Charitas Græcè, Latine dilectio interpretatur, quod in duo se ligant. Nam dilectio à duobus incipit: quod

est amor Dei & proximi: de qua apostolus, Plenitudo, inquit, legis est dilectio. Major autem est his omnibus: quia qui diligit, & credit, & sperat. Qui autem non diligit, quamvis multa bona faciat, frustra laborat. Omnis autem dilectio carnalis, non dilectio, sed magis amor dici solet: dilectionis autem nomen tantum in melioribus rebus accipi solet. *Lutherus* eleganter ait de his tribus virtutibus: Homini Christiani est credere invisibilia, sperare dilata, & amare Deum contrarium se ostendentem.

**VITA.** Est 1. *naturalis*, ex consortio animæ & corporis. 2. *carnis*; cum membra servantur peccato. 3. *spiritus*; cum spiritus dominatur carni. 4. *æterna*. Seu: Vita est naturæ, gratiæ, gloriæ. Sic est mors naturalis, carnis, spiritus, & æterna.

**VITA ÆTERNA.** Eas sic dicitur. 1. physice: & sic manet etiam in damnatis. 2. moraliter: & ita competit Deo & electis.

**VITIS AUREA.** Duo diversa erant donaria templi Hierosolymitani, quorum utrumque *vitis aurea* est appellatum. Prior vitis fuit *καμήλιον* domus Hassamonæorum, quam Pompejo dedit Aristobulus Alexandri regis F., posterior dedicata fuit ab Herode in templo à se instaurato. Docent autem Rabbini, hominum trecentorum operâ solitum id donarium loco moveri. Unde intelligimus, cur Strabo non solum vitem illud appelleret, sed etiam hortum.

**VITULUS.** Est 1. animal quadrupes *Gen.* 18. 7. 2. nomen idolorum ab Israhelitis & Jeroboamo erectorum. 1. *Reg.* 12. 28. 3. notat hostes Christi & ecclesiæ. *Ps.* 22. 2. 4. notat sacrificia laudis. *Psal.* 51. 21.



**VITA.** Augustinus de peccatorum meritis & remissione contra Pelagianos lib. 1. c. 24. ait: *Optimè Punic Christiani, baptismum ipsum, nihil aliud quàm Salutem, & sacramentum corporis Christi, nihil aliud quàm Vitam vocant. Unde, nisi ex antiqua, ut existimo, & apostolica traditione? Mox: Quid aliud etiam, qui sacramentum mensa Dominica vitam vocant, nisi quod dictum est, Ego sum panis vita?* Fuit ergo hæc nomenclatura topica, Punicis Christianis propria. Invenias & baptismum in scriptis antiquorum appellari vitam: ut apud Paschasium lib. de corp. & sanguine Christi.

**VIVIFICO.** Vivificat Deus, & quidem Pater, Filius, & Spiritus sanctus. Deinde vivificantur. 1. homines è periculis & morte erepti. 2. electi, vitæ spiritualis & æternæ respectu.

**VIVO.** 1. Vivit Deus verè & propriè: unde jurat, *Vivo ego*; & per eum jurant homines, *Vivit Jehova*. 2. Vivit Filius DEI in electis. 3. Electi vivunt Christo & per Christum: seu vivunt Spiritu. 4. Vivere secundum carnem est carnalia desideria amplecti, & opera mala perficere. 5. Vivere in carne, est in hoc corpore vitam agere. 6. Vivere dicitur de vita æterna, quæ hic inchoatur & in cælis absolvitur. 7. Viveres, sunt homines in præsentī vitā, quæ dicitur terra viventium. 8. Viveres, aquæ, i. e. perennes.

**ULCERA.** Apocalypsis per ulcera primæ phialæ intelligit dissolutæ & depravatæ disciplinæ ecclesiasticæ effectus & fructus, ut ex *Esaia* 1. 6. intelligi potest. Fructus isti sunt cleri luxus profanus, & universi populi effusa peccandi licentia. Hic itaque locum habet illud

*Jeremiæ cap. 23. 15. A prophetis Hierosolymitanis egressa est iniquitas super universam terram. Cæterum in vulg. vers. pro Ulcus scribitur Hulus.*

**ULCISOR.** Dicitur de Deo & hominibus. Et Deus quidem semper est justus ultor, idque immediatè, vel mediatè. At hominis ultio interdum est justa, interdum injusta. Vulgo dicunt vindictam & ultionem publicam esse justam; privatam, injustam. Verùm sæpenumero vindicta publica etiam est injusta. Neque enim omnis pœna à magistratu illata, est justa.

**UNCTIO.** Est alia externa, alia interna. *Unctio externa* est materialis, eaque nuda vel ceremonialis. Illa fit sanitatis, decoris, vel alterius rei physiciæ vel æconomici causâ: hæc est politica, vel ecclesiastica, ita nempe, ut ungere sit certo ritu confirmare in præclaro aliquo munere: ut in sacerdotio, regno, aut prophetia. *Unctio interna* est spiritualis. Et ita ungi est in sublimi officio constitui, & donis ad id obeundum instrui. Sic Christus est unctus oleo lætitiæ, hoc est, ad munus mediatorum instructus omnibus suaveolentibus & lætitiā ipsi atque ecclesiæ ejus afferentibus donis, quæ sunt prophetica sapientia, sacerdotalis sanctimonia, & regia potentia. Eodem modo & nos ungemur secundum mensuram Christi. Hinc gratia Spiritus sancti appellatur unctio. 1. *Iohan.* 2. Qua de re *Cyprianus de unctione chrismatis* eleganter sic ait: Non solum in regibus & sacerdotibus unctionis honor, permanfit, sed in omnem catholicum populum effusa est hujus gratiæ plenitudo: ut sicut Christus à chrismate dictus est, eo quod singularis excellentiæ oleo unxit eum

Deus: :

**Deus** : ita & participes ejus quotquot sunt, consortes sunt tam unctionis, quam nominis, & dicantur à Christo Christiani. Hic incidit quæstio, An in episcoporum ecclesiæ N. T. ordinatione seu consecratione semper fuerit usus externæ unctionis? Resp. Non fuisse inde constare, quod *Dionysius Areopagita in hierarchia ecclesiastica* nusquam facit mentionem unctionis in ordinandis ecclesiæ pastoribus, cum multas alioqui ceremonias describat. Similiter *Ambrosius tom. 4. lib. de dignitate sacerdotali cap. 5. sic describit ordinationem episcopi*: Quis dat, frater, episcopalem gratiam? Deus an homo? Respondes sine dubio: Deus. Sed tamen per hominem dat Deus. Homo imponit manus, Deus largitur gratiam. Sacerdos imponit supplicem dexteram, & Deus benedicit potenti dexterâ. Episcopus initiat ordinem, & Deus tribuit dignitatē. Nulla hic fit mentio unctionis. *Innocent. III. Papa lib. 1. constit. 84. fatetur in ecclesia Græcâ unctionis usum non fuisse*: Cum, inquit, venisset ad Apostolicam sedem B. acatensis episcopus, qui in consecratione sua sanctam nō acceperat unctionem: quoniam apud vos (. Græcos.) non consueverunt Pontifices, cum consecrantur, inungi &c.

**UNGO**. Vim hujus vocis vide ad tit. SANCTUM SANCTORUM. Summa hæc est. Unctio est triplex. 1. medica; ut cum inungitur vulnus. 2. ritualis; ut cum aliquis certo ritu confirmatur in præclaro munere; puta in sacerdotio, regno, prophetiâ: 3. spiritualis. Et hoc modo ungi est in sublimi officio constitui, & donis ad id obeundum necessariis instrui. Sic Christus est unctus oleo lætitiæ ultra cōsortes, hoc est, ad munus mediatorium instructus est donis afferentibus læticiam

tum ipsi, tum ecclesiæ; cuiusmodi sunt sapientia prophetica, sanctimonia sacerdotalis & sacrificialis, & potentia regia. Atque hæc est unctio Christi capitis, à quâ dependet unctio spiritualis membrorum Christi.

**UNITAS**. Est 1. essentiæ, ut in tribus personis SS. Trinitatis. 2. personæ, ut duarum naturarum in Christo. 3. Spiritus, ut electorum. 4. rerum externarum. Porro Deus Pater, Filius & Spiritus sanctus sunt unum naturæ seu essentiæ τὸ αὐτόν, & consensu in volendo & agendo. Electi sunt unum cum Deo Triuno & inter se, unitate Spiritus & fidei.

**UNO ORE**. Est uno sermone, uno consensu. Sic Beza vertit illud *Luc. 14. 18. ὁπὸ μίας, sc. γνώμης*: & Theophyl. ἐξ ἐνὸς οὐδύματος. Alii malunt subaudire ὡρας, hoc sensu: ὁπὸ μίας ὡρας, ex una hora, id est, continuo, statim, ἐν ᾧ ἡ ψήμα.

**VOLUNTAS Dei**. Una est Dei voluntas: sed varia sunt objecta, circa quæ est alius atque alius actus Dei volentis. Scholastici ita distinguunt. Voluntas Dei est 1. beneplaciti; eaque antecedens, seu universè invitans ad salutem sub conditione fidei & obedientiæ: vel consequens, quæ salutem credentibus assignat, & impios damnationi adjudicat. 2. Signi: ut est permissio, prohibitio, præceptio, consilium, & operatio. Et sic quidem Scholastici: ubi duo cavenda. 1. ne distinctionem voluntatis Dei in antecedentem & consequentem absque grano salis usurpemus. 2. ne consilia divina diluto sensu accipiamus, aut ex præceptis consilia faciamus.

**VULNERA CHRISTI**. De sanguine & aquâ, quæ manarunt è latere Christi vulnerato, *Amanus* ita canit:

*Trajectus per utrumque latus, laticem atque cruorem*

*Christus agit: sanguis victoria, lymphæ lavacrum est.*

**VULNUS.** Est in corpore *Luc. 10. 34. 2. animæ. Jer. 30. 17. Apoc. 16. 7. 2. 11.*

**VULPES.** Est animal quadrupes. 2. homo callidus & vafer *Luc. 13. 32. 3. homo noxius in ecclesia. Cant. 2. 15.* ubi est sermo de vulpibus mysticis, i.e. de nocentissimis hostibus; & de vulpeculis, hoc est, de illis, qui non adeo nocent; adeoque ibi agitur de hostibus appetitis & opertis, qui doctrina falsa vel impia vita nocent ecclesiæ.

**URIM ET THUMMIM,** vel sine aspiratione, **TUMMIM.** Quid in pectorali summi sacerdotis fuerit **Urim & Thummim**, non eadem est omnium opinio. Hieronymus ad Fabiolam ait: *Pulchrè hoc ipsum, quod in medio est, appellatur Rationale. Ratione enim cuncta sunt plena, & terrena herent celestibus: imò ratio terrenorum & temporum, caloris & frigoris, & duplex inter utraque temperies, de cæli cursu & ratione descendit. Vnde & rationale cum Ephod fortius stringitur. Porro quod dicitur in ipso rationali *δύλωσις* esse & *ἀλήθεια*, id est, manifestatio atque doctrina vel veritas, hoc ipsum significat, quod nunquam in Dei ratione mendacium sit; sed & ipsa veritas multis signis & argumentis monstratur hominibus, & usque ad mortales veniat. Sed hæc nimis sunt jejuna. Iraque nos paulò penitius inquiramus in hoc argumentum, plena instituta dissertatione.*

#### DISSERTATIO DE URIM & Thummim.

Quoniam præclarum accepimus morem à majoribus, ut in hac panegyri an-

niversaria sub incudem dissertationis vocetur aliquid hoc consensu dignum, quod & gravitate materiæ illiusque dignitate se ipsum commendat, ac utilitatis ubertate sit præstabile: rego non recedam à consuetudine ista, sed de quæstione à professione mea minimè aliena paucis disseram, idque ad auditores, quod mihi firmiter persuadeo sacrarum literarum amantes, & ita amantes, ut cū Clemente Alexandrino asserere nihil dubitent, Scripturam sacram adeo esse perfectam, ut non solum sit integra & firma veritatis regula, sed etiam complectatur multa, quæ faciunt ad communem eruditionem & liberalia studia. Quod ipsum etiam Dionysius Areopagita docet, quando ait, divinas Scripturas interpretari omnia Dei verba & opera, omnes divinas orationes & actiones, quas hierarchia nostra habet Dei beneficii munere. Nimirum tanta est Scripturæ à Deo inspiratæ perfectio, ut illi meritò tribuatur elogium Pandectarum divinarum. Nam si Gellius quosdam Tullii Tironis libros ideo appellat Pandectas, quod omne rerum ac doctrinarum genus, quod aliquis desiderare possit, contineant: si Jurisconsulti 50. libros Digestorum hoc eodem nomine insigniunt: si denique theologi quidam silvas homiliarum suarum inscribunt hoc titulo: quis non videt, longè rectius aliquem facturum, si Biblia sacra nomen Pandectas à Deo profectas, catholicæque ecclesiæ, tanquam catholicum depositum, commendatas. Sunt enim velut mare inexhaustum, ex quo innumera scientiæ juxta & sanctorum flumina in æstuantem animas derivari possunt. De scientia fidem facit Origenes, cujus incredibilis assiduitas & vigilæ sex

millia



millia librorum ē S. literis eruerunt: unde meruit cognomen *σωταρις*. Sanctimoniam quod attinet, nemo nostrum nescit eloquia Dei à Psalte appellari consiliarios, quod consulat in rem nostram, reddendo nos sapientes ad salutē, ut perfecti simus, ad omne bonum opus instructi. Hujus tantæ perfectionis, quā prædictæ sunt S. literæ, varia in utroque canone occurrunt documenta: ē quibus in præsentiarum ego unum persequar, illustre sanè illud, & nobis omnibus, nisi vehementer fallor, oppidè utile. Quæstio est vetus-nova. Quid fuerint *Urim & Tummim*, de quibus Exod. 28. Præscribit eo in loco Deus ornamenta sacerdotum, & ad eò magnificè ornat Aharonem, Pontificem maximum, ut illius habitus longo intervallo superet togam Alexandri Mūn qua firmamentum graphicè fuit depictū: item tunicam Lolliæ Paulinæ ex margaritis, & Tarquinii præci ex puro puto auro contextam. Ceterum in habitu isto Pontificali varia fuerunt ornamenta, quæ inter excellit pectorale, & in pectorali *Urim & Tummim*, non aliter atque Luna micat inter ignes minores. Quid fuerint *Urim & Tummim* quæritur inter viros longè doctissimos. Non una est omnium sententia hac de re. Ego itaq; tanquā Palæmon aliquis conabor aliquid certi in medium adferre, non q̃ omnium optimè hoc possim, sed quia in hujusmodi res, q̃ genuinam antiquitatē sapiunt, & simul ad interioris hominis excitationem atq; exercitationē apprime faciunt, nup̃ adeo cœpi inquirere. Agite itaq; auditores, ingrediamur historiē veteris adyta, & de *Urim & Tummim* tria ista videamus: quid viri doctissimi de hoc divino opere conjectado sint secuti; quid deinde nos eadē

de re affecuti simus; deniq; quomodo *Urim & Tummim* sint regula cognitionis veri & actionis boni. Quæ tria ubi simplici orationis genere persecutus fuero, tacitus animorum vestrorum consensus orationi meæ finem imponet. Atq; ut ab eo ordiar, extra controversiam poni debet *Urim & Tummim* fuisse diversa toto artificio & genere ab ipso pectorali & reliquo habitu Pontificali. Nam ex *Lev. 8. v. 8.* constar, Deum Moysi dedisse hoc artificium manu sua paratū. Tum & illud pro certo haberi postulo, *Urim & Tummim* non fuisse aliquid, quod ex se & sua natura potuerit fundere oracula, sed fuisse typum & veluti sacramentum divinitus sanctificatum. Quid verò fuerint ratione materiæ & formæ adeo difficile est dictū, ut hîc usurpari possit proverbium veterum Hebræorum, *Elias solvet*. Difficultatem istam auget varietas interpretationum. Nam Hebræi & Christiani philosophi atque theologi dissonis hîc canunt tibiis. Principio magni nominis Rabbini, quem Judæi appellant *Morenu*, h. e. magistrum nostrum, dicit fuisse scripturam nominis tetragrammati, repositam intra duplicitatē pectoralis: & addit, hanc scripturam nominis à Jehova fuisse dictā *Urim & Tummim*, q̃ Dominus per eā clarè & perspicuè manifestaret volūtatē suā, ac q̃ loquebatur, etiam perficeret. *Urim* enim significat lues seu ignes, *Tummim* perfectioes seu integritates. Deinde R. *David Kimchi* existimat, In pectorali fuisse inclusos 12. lapides pretiosos, in quibus non solum nomina 12. tribuum, sed etiam Abrahami, Isaaci & Jacobi fuerint inscripta, ita ut in illis lapidibus insculpta fuerint omnia elementa alphabeti. Interrogantē (sunt verba Kimchi.) oportet

tuit faciem obvertere ad sacerdotem, & submisſe interrogare, quomodo Anna, mater Samuelis, precata eſſe legitur. Deinde ſacerdoti hoc pacto reddebatur oraculum. Spiritus S. vi literæ quædam in pectorali eminebant, idque loco, vel fulgore, in quibus ſacerdos oraculum & voluntatem Dei legebat. Hanc ſententiam tuetur R. Salomo, qui in totum canonem veterem edidit commentaria. Et ita quidem ſentiunt Judæi: apud quos hæc duæ opiniones ſunt magiſtrales. E Christianis philoſophis primò ſe offerunt Chymici, qui ſuum decaratum AzOTH ajunt fuiſſe Urim & Tummim. Ajunt autem non ſine ratione. Nam & nomen Azoth, & res ipſa huic ſententiæ patrocinaſi videtur. Nomen certè AZOTH eſt mirabile: utpote quod in ſe continet  $\aleph$  &  $\tau$ , A &  $\Omega$ , A & Z, id eſt, primam & ultimam literam Al. haberi Hebraici, Græci, & Latini. Nihil verò aliud fuit Urim & Tummim, quàm  $\aleph$  &  $\tau$ . Huc accedit, quòd Azoth eſt medicina catholica, cui merito tribuntur duo iſta, quæ ſignificantur per Urim & Tummim, i. e. illuminatio & perfectio. Uramq; enim quàm largiſſimè præſtet panacea Azothica. Inter philoſophos recentiores *Jacobus Schegkius* & *Petrus Ramus* Urim & Tummim ita explicant, ut dicant partes logicę hoc modo nobis commendari. Sic enim Ramus libr. 5. ſchol. dial. Et ſanè, inquit, Exod. 28. capite, quid aliud profiteretur illud pectorale in ſacerdotis pectore, non ſolùm auro & gemmis, ſed duabus noris illuſtribus, Urim & Tummim, diſtinctum & ornatum? Urim nempe ſignificat ſplendorem mentis, lucemque ad cogitandum & perſpiciendū: Tummim ordinis accurationem & perfectionem, ad integrè incorrupteque ju-

dicandum: unde & pectorale ipſum à Moſe judicii λογείον appellatur, tanquam nullis hominum ſophiſmatis inquinata, ſed perfecta & omnibus numeris abſoluta conſiderandi que logica λογείον illud eſſet. Itaque per Urim & Tummim, veluti perfectas abſolutæ ſapientiæ vias, petita oracula in ſacris commemorantur. Hanc Logicæ tam ſingularem laudem Jacobus Schegkius, Tubingenſis Academiæ Cl. philoſophus, in Moſe nobis indicavit. Et hæc quidem eſt ſententia Rami de noſtris Urim & Tummim. *Elias Hutterus* cubum ſuum hoc elogio ornat, quòd ille ſit iſſiſſimum Urim & Tummim. Cubuſiſte nihil eſt aliud, quàm combinatio trium Alphabetorum Hebraicorum, hoc ſine inſtituta, ut radices Hebraicæ eo faciliùs inveniantur, incipiendo ab  $\aleph$ , ſive ab Urim, & deſinendo in  $\tau$ , ſive in Tummim. Hoc ſuum artificium adeo extollit, ut conſuſionem linguarum Babylonice ſperet hæc ratione tolli poſſe. *E recentioribus* ſunt, qui conjunctionem theoriæ & praxis in omni vitæ genere hoc pacto ſignificatam, nobisque commendatam eſſe ajunt: quòd lux mentis, id eſt, ſapientia & prudentia, & integritas voluntatis, id eſt, ſanctitas, ſint duo ſumma ſummarum perfectionum, adeoque Urim & Tummim in omni vitæ ſtatu. Ab hæc ſententia non diſcedunt, qui arbitrantur fuiſſe duos lapillos hoc nomine, & Deum per Urim reſponſiſſe de vero & falſo, per Tummim de bono & malo: ita ut ſi alter lapillorum fulgeret inuſitato modo, ſignificaretur affirmatio aut approbatio divina; ſi verò minùs, negatio & improbatio. Rurſus *inter recentiores* invenire eſt, qui exiſtimant Urim & Tummim idem fuiſſe in Vet. T. quod in Apo-

Apocalypsi sunt A & Ω. Quā quidem formula Christus Salvator æternitatem suam graphice admodum describit, quasi dicat, Ego sum A, omnium rerum principio antiquior, & Ω, omnium rerum fine posterior. Itaque æternitatem suam Christus his verbis innuit: sed non tantum. Hoc enim etiam vult dicere, ut extra ipsum nihil quærentes, in ipso tanquā cornu copię acquiescamus, ipsumque faciamus α & ω cogitationum, dictorum, & factorum nostrorum, quod Gregorius Nazianzenus hoc senatio eleganter expressit: Αεχεν αμντων ηου τα Ομας θεον. Penultimo loco audiamus *magnum quendam theologum*, qui putat hæc ipsa verba Hebraica Urim. Vtummim totidem literis intra duplicitatem pectoralis posita fuisse, sive in lamella aurea, sive in alio subiecto: ut indicaretur & lucem fidei, & vitæ integritatem à Christo summo nostro sacerdote, cuius typus erat Aharon, petendam esse. Unde ille i. Cor. i. dicitur nobis factus à Deo Patre sapientia, iustitia, sanctificatio, & redemptio. Ad extremum videnda est *docti cuiusdam theologi conjectura singularis*. Patat ille Urim & Tummim non fuisse aliquid diversum à duodecim gemmis, seu aliquid is superadditum, aut interpositum, sed fuisse illas ipsas gemmas. Hanc suam opinionem ita confirmat. Exod. 28 gemmæ istæ vocantur lapides plenitudinis, quod ipsis impleantur palæ pectoralis. Appellatur autem Urim, quod velut ignis in pectore summi sacerdotis, (ut est natura tot simul conjunctarum gemmarum.) splenduerint, ac perspicuam de se lucem projecerint. Vocantur & Tummim, quod essent perfectæ & integræ, nec ullo vitio notatæ. Huic sententiæ fa-

ver, quod Judæi quidam scribant, si de una tribu seiscitabantur, tenuisse lapidē, qui eam tribum representabat. Sed missis variis variorum sententiis breviter indicemus, quid sit omnium maxime probabile. Dona Dei alia sunt creata, alia donata, ut loquuntur theologi. Dona creata pertinent ad regnum naturæ, seu potentie, & quidem vel ante lapsum, ut erat iustitia originalis, vel post lapsum, ut bonum ingenium, terra fertilis, & similia, quæ pertinent ad hanc vitam animalem. Dona donata pertinent ad regnum gratiæ & gloriæ. Quod attinet ad dona Dei in regno gratiæ, illa sunt catholica, vel particularia. Dona catholica sunt omnibus electis & dilectis Dei filiis necessaria & communia, ideoque dicuntur essentialia: cuiusmodi sunt Christus Salvator, fides, spes, charitas. Fieri non potest, ut absque his donis suamur communione Dei. Dona particularia certis hominibus, temporibus, & locis sunt propria, ideoque dicuntur accidentalia: cuiusmodi est lumen prophetiæ, donum linguarum, & similia. De Urim & Tummim quæritur, utis donis debeant adscribi? Interest, profectò interest, ut huic dubio satisfiat. Nam non solum Judæi sunt immoderati ceremoniarum & typorum V. T. admiratores: sed etiam quidam Christiani *καμινια* ecclesiæ Judaicæ nimis extollunt. Expediam autem hæc rem uno verbo: Ut tota paedagogia Levitica, sic quoque Urim & Tummim pertinent ad dona Dei particularia & accessoria. Quod vel inde patet. Cōstans est Rabbiorum traditio, rationale iudicii, sive Urim & Tummim, fuisse amissum, neq; unquam visum esse totis templi secundi temporibus. Id enim unum erat ex illis quinque



rebus, quæ desiderata sunt in domo secunda, cum essent in templo Salomonis: nempe Arca, Propitiatorium, Cherubim, Ignis jugis sive sanctus, præsentia divinitatis, id est, Urim & Tummim, seu Spiritus sanctus. Quod si ergo Urim & Tummim defuerunt templo secundo, utique non fuerunt dona catholica. Neque verò huic sententiæ obstat, quod Josephus tradit Originum libr. 3. exiisse quidem tempore secundi templi & super humerale, & rationale; sed utrumque defuisse fulgere annis ducentis, antequam scriberet suam historiam, hoc est, centum circiter annis, priusquam Dominus nasceretur. Et si enim hæc sententia Josephi repugnat traditioni Rabbiorum, quam modò recitavimus: nobis tamen nihil incommodat, sed potius confirmat, quod diximus, Urim & Tummim non fuisse donum ecclesiæ catholicæ, sed peculium ecclesiæ Judaicæ: videl. opus exquisitissimum, à Deo factum ex duobus lapillis, quorum alter Urim, alter Tummim sit vocatus, in sculptis nempe literis  $\aleph$  &  $\tau$ , ita ut lapilli, singuli singulis literis insigniti, fuerint repositi inter duplicitatem pectoralis. Huic sententiæ firmandæ sunt ista. Et primò quidem Urim & Tummim fuerunt aliquid diversum à duodecim gemmis. Nam Deus diserte ait: Deinde pones in sacro illo pectorali iuris Urim & Tummim: quasi dicat, novam aliquam materiam addes pectorali. Ac propterea fortasse iussit Deus pectorale fieri duplicatum, Exod. 28. v. 16. ut Urim & Tummim intus reponerentur, & ab utraque parte laterent. Deinde hoc fuit opus exquisitissimum, utpote à Deo factum. Ex ejus enim manu Moses accepit, & pectorali sacro indidit, Levit. 8. v. 8. Atque hæc

est communis interpretum sententia. Præterea Urim & Tummim fuerunt duo lapilli. Hoc enim docet Josephus, quando ait, prophetiam tunc cessasse, quando lapilli pretiosi summi Pontificis solitum fulgorem, quò præsentiam Dei significabant, mittere desiverunt. Ad quæ verba Josephus Scaliger annotat hunc in modum: Notius autem est, quam ut probari indigeat, illorum lapillorum alterum Urim, alterum Tummim, vocatos. Dicit vir magnus, hoc non indigere probatione. Interim tamē ego probare conabor. Scribit Elianus in libris variarum historiarum, præfatos Aegyptiorum reges, eosdem & sacerdotes fuisse, ex quorum collo suspensus fuerit eximius & ingens smaragdus, nomine *almandra*. Hoc procul dubio Aegyptii sumserunt à populo Dei. Constat enim LXX. Seniores, sive Interpretes, Urim & Tummim reddidisse *δωδεκα καὶ ἀλμάνδραν*. Et verò cum Deus iussit super humerale, itemque pectorale ex gemmis metis conficere, admodum verisimile sit, rationale quoque ex gemmis confectum fuisse: præsertim cum Josephus & Rabbinii scribant, rationale, sive Urim & Tummim, fulgore suo præsentiam Dei significasse. Quam ad rem gemmæ sunt aptissimæ. Hæc porro gemmæ videntur fuisse præstantiores 12. gemmis in pectorali, & duabus gemmis in superhumerali: quia gemmæ 12. in pectorali fuerunt typus ecclesiæ utriusque testamenti Apoc. 21. duæ autem in superhumerali figurant duo testamentum: at duæ in Urim & Tummim fuerunt typus Christi, qui est caput ecclesiæ, & fundamentum utriusque testamenti. Denique  $\aleph$  &  $\tau$  fuisse in sculpta duobus lapillis inde constat. Rationale judi-

judicii fuit typus Christi, sicut pectorale ecclesiarum. Quare ut pectorali insculpta fuerunt nomina XII. tribuum, quæ figurant ecclesiam: ita rationali inscriptum fuit nomen Christi, quod in Apocalypsi est A & Ω; quibus literis respondent *Α* & *Ω*, quæ sunt initiales in Urim & Tummim. Atque hæc est nostra sententia de materia & forma Urim & Tummim. Quam ut nemini obtrudo: sic non facile dimitto, nisi vincat iis argumentis, quæ homini *φιλανθρωπικῶς* satisfacere possunt. Si quis malit in latitudine ambulare, dicat cum Calvino: Probabile est, fuisse duas insignes notas in pectorali, quæ nominibus istis convenirent. Qualis autem fuerit utriusque effigies, non potest certò à nobis definiti. Venio nunc ad ultimum, quod mihi proposui caput de Urim & Tummim. Video enim mihi paratam objectionem, frustra suscipi operosam inquisitionem & disquisitionem de re abstrusissima. Quam primò diluere potest modestia, quam hæcenus adhibui: deinde illa, quæ superest, tractatio de usu Urim & Tummim. Uus ille est proprius ecclesiarum Nov. Testam. vel communis ecclesiarum catholicarum V. & N. Test. inde ab Aharone usque ad finem seculi. Uus concernens ecclesiam V. Test. rursus est geminus. Nam primò cōsulebant Deum per Urim & Tummim: & Deus respondebat rectè consulentibus, putà Josuæ Num. 27. & Davidi 1. Sam. 23. & 30. At Sauli, & aliis non rectè sciscitantibus, non respondebat 1. Sam. 28. Respondebat autem vel per fulgorem lapillorum extraordinarium, vel per angelum, vel per Spiritus S. revelationem, ita ut Sacerdos pectorali indutus, fuerit occupatus Spiritu

sancto. Deinde Urim & Tummim erant typus Christi. Nam quia nondum apparuerat vetus ille sacerdos, angelus magni consilii, & expressa imago Patris: oportuit umbratilem sacerdotem insignibus Christi vestiri, ut esset idoneus Dei apud homines, & vicissim hominum apud Deum internuntius. Uus communiter pertinens ad ecclesiam Vet. & Nov. Testam. continetur hoc axioma: Urim & Tummim fuit exquisitissimum opus, in quo Deus voluit populo suo partim naturam suam, partim sua beneficia & judicia, partim personam & officium Messiae, partim naturam veræ religionis, partim denique regulam vitæ, & examen omnium nostrarum actionum imprimis illarum, quæ faciunt ad salutem animæ, ab oculos ponere: Quæ omnia dum paucis attingo, benevolentiam vestra me non abusurum confido. Urim significat lucem, Tummim perfectiones, id est, omnimodam lucem & perfectionem. Atqui hæc duo in omnibus iis, quæ modò commemoravi, vel insunt naturæ suæ, vel inesse possunt & debent gratia Dei & studio nostro. Atque ut hinc initium sumam, Deus est *ἀνέκδοτος*, & omnis perfectionis cornucopia, ac proinde verè Urim & Tummim, subjectivè & effectivè, ut in scholis loquimur. Hinc Psaltes: In tuo lumine videbimus lumen. Pertinet huc, quod Rampelodus ait de triplici luce. Vide supra titul. *Lux*. Deinde omnia DEI opera sunt Urim & Tummim. Vultis incipiam à creatione? In sacrum Originum libro legimus, Deum primo die creasse lucem, & perfectis cælis acterrâ, omnique exercitu eorum quies-

viffe. En hic habes Urim & Tummim: Placet intueri gubernationem mundi? Speciosa sunt opera Dei omnibus, q̄ delectantur iis; magnificentia est nomen ejus in universa terra; justus est Dominus, & recta sunt ejus judicia. En iterum Urim & Tummim? Oculos convertimus ad regnum gratiæ: Doctrina Jehovæ integra est; testimonium Jehovæ sapientiam affert imperito; mandata Jehovæ sunt recta; judicia Jehovæ sunt veritas; Christus pulchrior effectus est filiis hominum; filia regis (ecclesia) tota est honorata. Quid, amabo, quid hic occurrit præter Urim & Tummim? Sed pergamus ad regnum gloriæ. Ibi Deus habitat lucem inaccessam; ibi est lumen simile lapidi pretiosissimo, ibi gloria Dei illustrat omnia; ibi Agnus est lucerna. Si hoc non est esse Urim & Tummim, nescio profecto quid sit lux; quid perfectio. Naturas porro Christi & officium cōtemplamur in hoc speculo. Christus est verus Deus, lumen de lumine, ἀπὸ φωτός gloria Patris. Idem est homo sanctus, in cujus ore nullus est dolus. Est agnus incontaminatus. Ille est pulcherrimus inter filios hominum. Idem est unica lux mundi, extra quam omnia tenebris plus quam Ægyptiacis plena sunt. In hoc reconditi sunt omnes thesauri sapientiæ & scientiæ: ut merito gloriatur Paulus, se nihil scire præter Jesum Christum; quia nempe ille satis superque illuminat. Hinc Christus dicit: Qui sequitur me, non ambulat in tenebris. Ecce Christus est Urim & Tummim? In ipso splendores & perfectiones omnes invenire est, quibus nos miser homines indigemus. Merito itaque diximus, consilium Dei præcipuum fuisse, per Urim & Tummim ostendere,

non alibi lumen & puritatem oportere nos querere, quam in Christo. Nam ille dignatur nos utriusque facere participes, pro mensura gratuita donationis. O itaque nos beatos, si hoc utrumque in Christo quaerimus! Beatiores, si invenimus! Beatissimos, si retinemus! E contrario autem nos infelices, imò infelicissimos, si vel minimam lucis scintillam extra Christum appetimus, vel guttam puritatis extra illum nobis imaginamur! Hoc enim si facimus, demergimus nosmet ipsos in tenebras ineluctabiles, & pestiferos falsarum virtutum fumos sorbemus in nostrum interitum. Atque hoc est primarium Dei consilium, per Urim, quæ vox splendores significat, notare lucem illam, quæ Christus nos irradiat: per Tummim, quæ vox perfectiones significat, nos manu velut ducere ad integram solidamque puritatem, quæ non nisi in Christo quaeritur. Præter hoc Dei consilium fuit & aliud, quod primario non adversatur. Voluit nempe benignissimus Pater & optimus doctor per Urim & Tummim nos docere, quomodo vera religio debeat esse comparata, quoque modo vita nostra sit instituenda in omni statu. Et religio quidem vera debet esse perspicua & perfecta, simplex & integra, utpote canonica & catholica, i. e. conformis canoni Scripturarum, & perpetua nota ecclesiæ catholice. Sic utraque; totus canō secundum Urim & Tummim, id est, clarè perspicuè & perfectè est conscriptus: ita religio vera iisdem notis est conspicua. Rursus ut ecclesia catholica conuscat radiis sponis sui Jesu Christi, & est in ipso sine ruga & macula: sic etiam religio vera est pura & incontaminata, ideoque plena est Urim &

Tum-



Tummim. Veniant nunc Turcae, veniant  
Pagani, veniant Pseudochristiani, & o-  
stendant nobis Urim & Tummim in sua  
religione. Ad extremum universa nostra  
vita, contemplativa, activa, & factiva, id  
est, omnes nostrae actiones, fides, spes,  
charitas, precatio, disputatio, conversatio  
&c. debent ita esse comparatae, ut susti-  
neant examen Urim & Tummim, tan-  
quam Lydi alicujus lapidis. Hinc Chri-  
stus: Ita luceat lux vestra. Item: Estote  
perfecti &c. Oporteret autem omnes Chri-  
stianos in genere respicere Urim & Tum-  
mim, in primis verò magistratus, doctores  
verbi &c. Et hæc quidem habui, quæ in-  
præsentia simplici orationis genere pro-  
ponerem de Urim & Tummim: ubi bre-  
viter exposui aliorum sententias, meam  
adjeci, & usum hujus doctrinæ subjeci.  
Quod superest, dei Deus, Pater ille lumi-  
nis, sine cujus lumine & numine, nihil est  
in homine, ut in ipso solo per Jesum Chri-  
stum adjuvante gratiâ Spiritus sancti qua-  
ramus Urim & Tummim, & in regno po-  
tentiae, gratiæ & gloriæ refocillemur lu-  
mine nunquam deficiente. Ipse sit laus,  
honor, & decus in omne ævum, Amen.

D I S S E R T A T I O D E U R I M E T

*Tummim μεθοδικώτερον προ-  
posita.*

Duo sunt tenenda. 1. quid fuerint.  
2. quis sit usus. De I. Quatuor hinc per-  
pendenda. 1. Ratio nomenclaturæ. 2. qua-  
le fuerit hoc donum. 3. qualis materia.  
4. qualis forma.

1. Nomenclatura est petita ex intimo  
Hebraismo. Nam Urim significat lucem,  
lumina, ignes, splendores: Tummim, per-  
fectiones, integritates. Et cur aliter ap-  
pellaretur opus exquisitissimum, à Deo  
profectum immediate, qui est mera lux,

& perfectio vera: quod quæ debuit signi-  
ficare meram lucem & integritatem. Ap-  
pellatur autem lucis nomine hoc ratio-  
nale: quia lux est origine cælestis, affectu  
& effectu mirabilis. Origine est cælestis:  
quia ex peculiari natura quintæ substan-  
tiæ oritur, remotissima à terrena face,  
quæ obscuritatis parens est. Affectu &  
effectu est mirabilis: quia inter omnes  
creaturas corporeas primum tenet. Un-  
de Dionysius supra triginta proprietates  
lucis recenset. Nos erimus contenti his  
octo. *Lux est*

1. *Excellentissima*: non solum quia est  
aliena ab omni impuritate, sed etiam est  
vehiculum, quo cælestis virtus in hæc in-  
feriora defluit.

2. *Pulcherrima*: non solum quia in se  
ipsa est formosa, sed etiam est causa om-  
nis pulchritudinis. Unde Ambrosio est  
prima mundi gratia, qua tanquam aurea  
veste circumfunditur.

3. *Latissima, maximeq; delectabilis*. Nam  
quia pulchra ideo delectabilis. Unde vi-  
demus animalia lumine valde affici.

4. *Purissima*: tum quia substantiæ est  
simplicissimæ, quæ ab aliis corporibus  
non inficitur; tum quia purificat.

5. *Latissime patens*. Diffunditur enim  
per immensa cæli aërisq; spacia.

6. *Primum visibile*: quia lucem sine lu-  
ce, & alia quoque sine ipsa non videmus.  
Hinc Apostolus Eph. 5. ait, lucem omnia  
facere manifesta. Et Augustinus: lumen  
& alia demonstrat, & se ipsum. Unde ab  
eodem appellatur regina colorum.

7. *Variorum graduum capacissima*: ut in  
stellis, gemmis & metallis in primis vide-  
re est.

8. *Accommodatissima ad res divinas decla-  
randas*. Nam Deus dicitur lux vera, & pa-

terluminum, & habitare lucem inaccessam. Filius Dei se lucem mundi appellat. Idem in symbolo Niceno dicitur lumen de lumine. Et quis omnia commemoret, quæ in S. literis & apud Patres occurrunt hanc in sententiam? Causa, ob quam lux apprimè apta est illustrandis divinis rebus, sita est in admirabili ejus natura, puritate, subtilitate, pulchritudine, origine ortuq; ac generatione, beneficentia, commoditate, & vi virtuteq;, qua pollet, illustrandi, fovendi, purificandi, calefaciendi, exhilarandi, aliisque affectionibus, quæ Deo & divinis rebus valde sunt affines & congruentes.

Deinde hoc idem rationale insignitur nomine perfectionis: quia nihil potest placere Deo vel hominibus, quod non sit perfectum in suo genere. Hinc Deus est perfectissima, ut ita dicā, perfectio: ipsius dicta & facta sunt perfecta: viri sancti, ut Noë, David, & similes celebrantur perfecti: Christus Servator est perfectus tum in se, tum in actu mediationis: denique sancti in cælis sunt perfecti.

Ex his pater, Urim & Tummim, sic fuisse appellata, quod Deus voluerit significare, nihil esse probandum, nisi quod luce & perfectione aliqua sit præditum.

2. Hoc donum quale fuerit, vide in superiori dissertatione.

3. De materia sic pronuntio. Urim & Tummim fuerunt duo lapilli, & ii quidem præstantiores 12. gemmis in pectorali, & duabus gemmis in superhumerali. Et primò quidē fuerunt duo lapilli: quia hoc docet Josephus. Vide paulò ante. Et verisimile est, ut pectorale & superhumeralē, ita quoque rationale gemmis fuisse insigne: præsertim quia Deus præsentiam suam per Urim & Tummim manifesta-

bat. Quam ad rem gemmæ sunt aptissimæ. Deinde fuerunt præstantiores reliquis gemmis: quia Christum figurant.

4. Forma videtur fuisse talis. Pectorale fuit typus ecclesiæ: Urim & Tummim fuerunt hieroglyphicum, ut ita dicam, Christi. Quare ut in pectorali insculpta fuerunt nomina 12. tribuum, quæ figurant ecclesiam: ita rationali inscriptum fuit nomē Christi, quod in Apocalypsi est A & Ω; quibus literis respondent Α & Ω. Porro Urim & Tummim in medio pectorali fuit repositum ea prorsus ratione, qua Christus *Apoc.* 1. collocatur in medio candelabrorum aureorum, i.e. ecclesiarum; quāq; *Apoc.* 2. arbor vitæ dicitur esse in medio paradisi. Quo quidem situ hæc duo significantur. 1. Autoritas. Nam medium locum occupare, majoris est. Quocirca poëta *Æneid.* 7. ait, Latinū solio medium condesisse. 2. Equalis fidelium felicitas. Nā singulis præsto est Christus: quia etsi sunt infinitæ ipsorum myriades, tamen nemini illorum negabitur fructio Servatoris, utpote qui est in medio ipsorum. His addi potest perfectio, quam significat cætrum.

De II. Uſus est proprius V. T. vel communis catholicæ ecclesiæ. Proprius. N. T. est partim in consulendo Deum, partim in figurando Christum. Communis est primarius, vel secundarius. Primarius est, ob oculos ponere personam & officium Messiae: secundarius, naturam Dei, ejusque beneficia & judicia, irēm naturæ veræ religionis depingere; nec non esse regulam & examen omnium nostrarum actionum. Insignis hanc in sententiam est locus *1. Iohan.* 1. v. 5. 6. 7. Hoc est igitur nuntium, quod audivimus ex ipso, Deum lucem esse, nec tenebras in eo esse ullas. Si nos dixerimus societatem habere cum

eo, & in tenebris incedimus, mentimur, nec sincerè agimus. Quòd si in luce incedimus, sicut ipse est in luce, communionem habemus cum eo mutuam: & sanguis Jesu Christi, Filii ejus, purgat nos ab omni peccato. Paucis his verbis divinissimus apostolus mihi complexus videtur omnia ea, quæ nos hætenus disseruimus de Uim & Tummim. Dicit enim Deum esse lucem, & quidem perfectam, ita ut nullæ in eo sint tenebræ. Rursus dicit, nostrum esse in luce incedere, si velimus cum Deo communionem habere. Cùm enim Deus sit meta lux, nihil in eo est nisi liquidum, purum, & sincerum: & proinde fulgore suo illustrat omnia, ut nihil vitiosum, aut contortum, nullas maculas vel sordes, nullâ hypocrisin vel fraudem latere patiatur. Itaque cùm nulla sit consensus inter lucem & tenebras, quamdiu in tenebris ambulamus, nobis cū Deo est dissidium. Ergo societas illa, cujus meminimus, aliter constare nō potest, quàm si nos quoq; puri & lucidissimi. Maneat itaq; hoc, certum esse symbolum nostræ cum Deo conjunctionis, si illi simus conformes. Hanc verò conformitatem extra Christum obtinere non possumus. Ideo apostolus subnectit: Et sanguis Jesu Christi &c. q. d. nullam esse puritatē, quæ extra Christum queritur. Atque hæc quoque causa est, quòd r. pretiosi lapides, qui fuerunt symbola totidem tribuum, inserti fuerunt pectorali summi sacerdotis. Neque enim illis hac ratione data fuit materia superbiz, ac si propria dignitate ac præstantia tanti æstimarentur: sed moniti fuerunt, totum pretium, quo fideles apud Deum censerentur, à sacerdotii sanctitate pendere. Itaque ex hac figura discamus, utcunq; in nobis viles simus & ab-

jecti, adeoque prorsus nihili quisquilæ, quatenus tamen in corpus suum nos inferere dignatus est Christus, in ipso esse lapides pretiosos. Huc accedit, quòd luce fidei & vitæ integritate debemus testatū facere nos esse lapides pretiosos: videl. lapides viētes cōfessione fidei, chalcedonios illustres splendore zeli, smaragdōs castitate insignes, amethystos sobrietate fulgidos, sardios sanguine Christi resperfos, Chrysolithos albedine sanctimoniz cōmendabiles, topazios patientia invicta splendidos, Chrysoprasos sufficientia micantes, hyacinthos spe divites, denique sapphiros læticia spirituali præditos. Sed, pro dolor, nos sumus duræ filices, lapides impoliti & intractabiles &c.

XANTHICUS. Est nomē mensis septimi post δὺσπον, apud Macedonas 2. *Maccab.* 11. v. 30. 31. 38. Josephus eum sic vocat, qui Hebræis Nitan. Suidas: ξανθικὸς ὁ ἀπὸ πηλίου. Ergo sic dictus videtur, quòd in regionibus calidioribus jam tunc flavescit campus arstis. ξανθός est flavus.

Χάρις. Gratia. Græcis Patribus sæpe nomen χάρις & Latinis Gratia, ponitur pro baptismo aut eucharistia. Hinc istæ phrasēs: τῆς θείας χάριτος μετέλαμβάνειν, divinam gratiam percipere: πρὸς χάριν, πρὸς τὴν ἐγγύσιον χάριν, accedere ad cœlestem gratiam: venire ad gratiam: gratia salutaris: gratia communionis & sancta communionis: ἡ θεία καὶ θεοποιοῦς χάρις, divina, & Deum efficiens gratia: gratia sacramenti &c.

ZABARIA, vel ZABARIUM. Ζαβαρίον est repositoryum τῶν ζαβῶν, id est, armorum. In *hystor. apost.* lib. 4. aliter accipitur hæc vox: Collectis libris magicis, zabarias plenas ad apostolum attulit. Item: Appende zabariis lapides & plumbum, & mitte in mare. Quidam legunt ibi zabyras: sed

Meursius



Meursius corrigit, & legit *Zabaras*. Respicit autem historię istius author ad Ephesinas artes, de quibus *Act. 17*. Ratio etymologica est: quia venefici & necromantici suas artes abscondunt velut ἐν *Ζαβαρείω*. Nimirum hæc artes possunt etiam appellari *μυστήρια ἀνομίας* sive *κακίας*: item *μυστήρια τῆς ἀγνωστῆς κακίας*, *malitia que ignoratur*: qua phrasi utitur Dionysius Halicarnasus in epistola ad Pompejum.

**ZABOLUS.** Aeolicè *Ζαβολος* dicitur pro *Δαβολος*, sicut *Ζαβαλ* pro *Δαβαλ*, calumniari. Itaque *Δαβολος* est calumniator. Hoc nomen principi malorum angelorum tribuitur κατ' ἐξοχήν: quia calumniatur Deum apud homines, & vicissim homines apud Deum. Apud Aristophanem est vocabulum *ἀνπλογικός*, de eo, qui semper aliquid profert, ut contradicat veritati. Quod ipsum etiam optimè competit in diabolum, sive Zabolum. Sunt qui Zabolum, sive Zabulum, putant ita vocari, quia *Ζαβαλαει*, *curvatur*. Sed prius etymon est verisimilius. Hinc Papias: *Zabulus est Satanas, quod Latine sonat adversarius vel transgressor*. Hieronymus in 6. cap. epist. ad Ephes. air, vocem hanc habere quandam similitudinem cum *Zabulon*. Sed hæc notatio est violenta. Quidam putant esse vitium vulgi dicentis *Ζαβολος*, pro *Δαβολος*. Hoc tamen ego non putarim: cum nomen *Ζαβολος* occurrat apud Cyprianum. Hilarium, & alios. Sic in hymno, qui canitur die Michaëlis, & ita incipit, *Tibi Christe splendor Patris*, legitur illa ipsa vox:

*Collaudamus veterantes*

*Omnes celi milites:*

*Sed præcipue primatem*

*Cælestis exercitus*

*Conterentem Zabolum.*

*Michaëlem, in virtute*

Ibi Siberus ita annotat: *Zabulus* *dæmon*, quod sit deceptor, ἀπὸ *Ζαβαλ* εἰν, ἐξαπατᾶν. Posset etiam *Ζαβολος* deduci à Chaldaico *זבול*, *stercus, fœcus*, q. d. Spiritum impurum.


**ZELUS.** In genere est ardentis animi commotio ad vehementiam actionum. Est, inquam, ardens affectus, velut ignis. In specie est impetus mentis erga gloriam Dei cultumq; divinum. Si malus sit iste impetus, appellatur *κακοζήλια*, item *Ζήλος κατ' ὀργήν*. *Zelotypus* est quasi *ζήλω τυπείς*, *zelo percussus*: ut qui præ fervore amoris locum in realiqua ferre non potest, in primis ubi non debet, ut in matrimonio fide. *Zelo, as*: & *Zelor, aris*, deponens, in Latinis Bibliis apud veterem interpretem sæpe occurrit: & dicitur de Deo *Joel. 2. v. 18. Zach. 1. v. 4. c. 8. v. 2.* pro zelo amoris: & de hominibus, pro zelo pietatis, *Num. 25. 1. Reg. 19.* Zelare autem est ardens affectum esse, & erga aliquid, & contra aliquid: & hinc sectari amore, aut insectari odio & invidia. Planè ergo ut Græcum *ζήλω* usurpatur. *Zelotes*, Latine *Zelator*, est qui fervide aliquid amat, vel agit. Sic Deus est *Zelotes*, qui ardens amat eos, qui spiritualis cum ipso in iusti matrimonii fidem servant, & ob ejus violationem graviter indignatur, neque inultam eam sinit: ut est *Exod. 20.* in secundo decalogi præcepto. *Simon Cananites Luc. 6. v. 13. & Act. 1. v. 13.* dicitur *Zelotes* ob insignem in doctrina Christi percipiendâ & propaganda zelum. Idem dicitur *Cananites* eandem ob causam, à *Ναζ.* Itaque *Cananites* Hebræum est, Græcum *ζηλωτής*. In Concordant. Lat. ita legere est: *Zelus Dei est affectus*

affectus ille summus, quo populum suum gratiose complectitur, cum iusta severitate adversus peccata suorum, & ira formidabili in ecclesia hostes conjunctus.

ZIZANIUM, & in fœminino ZIZANIA. In Scriptura significat vitia, quæ virtutum segetem suffocant. Hieron. ad Eustach. Nolo sinas cogitationem cresce-

re. Nihil in te Babylonium, nihil confusionis adolescat. Dum parvus est hostis, interfice: nequitia, ne zizania crescât, elidatur in semine. Ambros. lib. 7. in Luc. Aliud est fermentum zizaniæ, aliud tritici.

ZYMA SCORIÆ. Sic appellatur peccatum originis: quem titulum vide.



## INDEX PARATITLORUM THEOLOGICORUM.

A.	pag.	Agenda	
Αἰὼν	1	Ἀγέννητος	7
Aaron	1	Agnus	7
Abba	1	Agur	8
Abaddon	1	Aër	8
Abyssus	2	Æternitas	8
Abraham	2	Agape	9
Abfinitium	3	Albi	9
Abstinencia mundi	3	Ἀπεργτον	9
Abstractum	3	Alienus	9
Acedia	4	Alius & aliud	10
Acharith	4	Alternatio	10
Acoluthus	4	Amen	11
Actiões Dei ad intra & extra	4	Amor	11
Actus rationales	4	Anagoge	12
Adam	4	Ἀναλῶσαι	12
Ader	5	Anathema	12
Ἀδελφότης	5	Angeli boni	13
Ἀδικεῖν	5	Angelus	13
Adservatio sacramenti	5	Angelus facierum Dei	11
Adventus Christi	6	Angelus fœderis	14
Adulter	6	Anna prophetissa	15
Adultero-Christiani	6	Antichristus	16
Ædificatio	6	Ἀντίδωρον	17
Ægyptus	6	Antiqui	17
Ἀειπαθεῖν	7	Antitypum	18

# I N D E X.

Antiphona.	18	Basilica.	ibid.
Aoristum tempus.	18	Battologia.	ibid.
Apostolus.	19	Batus.	ibid.
Appellationes ecclesiasticae.	22	Beelzebub.	32.
Ἀπαξ λεγόμενον.	22	Belial.	ibid.
Ἀπαύγασμα.	22	Bellum.	ibid.
Apocriphus.	23	Benedico.	ibid.
Apocryphus.	ibid.	Benepiacitum.	ibid.
Apostolo evangelia.	ibid.	Bestiarius.	ibid.
Apodixis theologicae.	24	Βδελύματα ἱερῶν ἑσῶν.	ibid.
Apotelesma.	ibid.	Βεβαιος.	34.
Arca Noë.	ibid.	Behemoth.	35.
Archidiaconus.	ibid.	Benoni.	ibid.
Ἀρχιερεὺς.	ibid.	Bestia.	ibid.
Archimandrita.	25	Behtebem.	36.
Arida.	ibid.	Biblia.	37.
Arma.	ibid.	Blasphemus.	39.
Aaron.	ibid.	Βροντᾶν τὴν Θεοκροτίαν.	ibid.
Arbor scientia boni & mali.	ibid.	Bulla indulgentiales.	ibid.
Arbor vita.	26	Byssus.	ibid.
Aristulus prapositivus.	ibid.		
Ἀστὺς.	ibid.		
Ascensio Christi.	ibid.		
Ascesis, Ascesa, Ascetria.	ibid.		
Attributa Dei.	27	<b>C</b> abbala.	40.
Αὐτοζων.	ibid.	Cadesa.	ibid.
Αὐτὸς ὁ Θεός.	ibid.	Cadus.	ibid.
Αὐτολεξεί.	28	Cado.	ibid.
Auxilium Dei.	ibid.	Calendaria festia.	ibid.
		Calcaneus.	41.
		Calix.	ibid.
		Camelus.	ibid.
	28	Cana.	42.
<b>B</b> abylon.	ibid.	Candace.	ibid.
Baculus.	30	Candidatus.	ibid.
Baja.	ibid.	Caniclinus.	ibid.
Baptismus.	ibid.	Canis.	ibid.
Baptizo.	ibid.	Canon.	43.
Barachias.	ibid.	Canonicus.	43.
Barbarus.	31	Canonista.	44.
Barjona.	ibid.	Canonizatio.	45.
Βαρύτιον.			

Genticum.



# I N D E X.

Canticum	ibid.	Cæna Domini	60
Canticum Moſis & canticum agni	ibid.	Cohen	62
Canticum quaſi novum	ibid.	Collecta	ibid.
Capitulum	46	Columna veritatis	ibid.
Cappa	ibid.	Communicatio idiomatum	63
Captivam ducere rationem	ibid.	Communio ſanctorum	64
Captivitas Judæorum	ibid.	Communio	ibid.
Captivitatem ducere captivam.	47	Competentes	65
Caput	ibid.	Completorium	66
Cardinalis	48	Comprehenſores	ibid.
Carnalis	ibid.	Concilium	ibid.
Carneus	ibid.	Concordia	67
Caro	ibid.	Conſicere corpus Chriſti	68
Caſtifico	59	Confeſſio	ibid.
Caſtigatio	ibid.	Confeſſores	ibid.
Caſus	ibid.	Confirmatio	ibid.
Cataclyſmus	ibid.	Congregare	69
Cataplaſmo	ibid.	Conſubſtantiatio	ibid.
Catecheſis	ibid.	Convivium	ibid.
Catholicus	50	Corban	ibid.
Cauda	ibid.	Corpus Chriſti	70
Cauma	51	Credere Deo, Deum, & in Deum	71
Cauponari	ibid.	Creo	ibid.
Cauterata conſcientiæ	ibid.	Crepuſculum	72
Cella	ibid.	Crethi & Plethi	ibid.
Chartophylax	ibid.	Crucis ſignum	ibid.
Chartularius	ibid.	Crux	73
Chorepiſcopus	ibid.	Cultus rationalis	ibid.
Cham	52	Cyrenius	74
Character	ibid.		
Χεῖρ ἐκ τοῦ πορ.	53		
Chriſtianus	ibid.		
Chriſtus	55	<b>D</b> æmon	74
Ciborium	56	Dagon	75
Ciphera	ibid.	Dalmata	ibid.
Clarifico	ibid.	Damaſcus	ibid.
Claudico	57	Dan	ibid.
Claves regni cælorum.	ibid.	Daniel	76
Clavis David	58	Decalogus	ibid.
Clericus	59		

D.

# I N D E X.

Decisum	79	E.	
Δεκτὴ θυξία	ibid.	E Brietas sobria:	92
Δῆπνον	ibid.	Ecbatana.	ibid.
Desiderata	ibid.	Ecce	ibid.
Demeritum	ibid.	Ecclesia	ibid.
Deminoratio	80	Ecclesia catholica	94
Dens pro dente	ibid.	Ecclesia militans	95
Dependentia	ibid.	Ecclesia triumphans	ibid.
Destructio mundi	ibid.	Ecclesia visibilis	ibid.
Deus	81	Ecclesia profelyta	ibid.
Deum fieri	82	Ecclesia pura	ibid.
Deuteronomium	83	Ecclesiastes	ibid.
Δὲ περὶ πρῶτος	ibid.	Ecclesiasticus	96
Δὲ περὶ δευτέρως	ibid.	Eclstasis	ibid.
Diaconus	ibid.	Elementa	ibid.
Διάκονοι καὶ νῆς διαθήκης	84	Eleemosyna.	ibid.
Διαπορεῖ	ibid.	Electio	97
Dico	ibid.	Embrimia.	ibid.
Didascalus	ibid.	Empyreum caelum	ibid.
Dies	ibid.	Enacim	ibid.
Dies anniversarius	ibid.	Encania	ibid.
Dies Dominicus	ibid.	"Εναῖον κλῆν	ibid.
Dies innocentum	85	Energumenus	98
Dies in off. ia ecclesiastica divisus	ibid.	Enim	ibid.
Dies magnus Dei	ibid.	Enthusiasmus	ibid.
Digamus	ibid.	Epha. Ephi	ibid.
Διχαρτισμος ἐβδομάς	ibid.	Ephemeria	99
Divina liberalitas	86	Ephod	ibid.
Divus	ibid.	Εφῶδιον	ibid.
Dominicum	ibid.	Epiphania	100
Dominus	ibid.	Episcopus	101
Domus	87	Επισκοπός	102
Donativum	ibid.	Επιφοίτης ὁ πνεύματος	ibid.
Donec	ibid.	Επίλογοι	ibid.
Δῶρε	88	Εποφία	ibid.
Δῶρον	ibid.	Equa Aegypti	ibid.
Dormire	89	Equus	ibid.
Doxa	90	Eremita	104
Δοχή	ibid.	Euphrates	ibid.
Dubitatio	ibid.	Exarchus	ibid.
Dulia	ibid.		

Erudita :

# I N D E X.

Erudita inscitia	ibid.	Focaria	ibid.
Ἐγερσις	105	Fœdus	ibid.
Esseni	ibid.	Foris esse	ibid.
Essentia	ibid.	Forma Dei	ibid.
Et	106	Fornicatio	118
Etheca	ibid.	Fortuna	ibid.
Ethnicus	ibid.	Fractio panis	119
Evangelismus	ibid.	Frui, uti	120
Evangelista	107	Fur	ibid.
Evangelium	ibid.	Furor	ibid.
Evangelium aeternum	ibid.		
Eucharistia	ibid.	G. Abbatha	ibid.
Eunuchus	108	Gabalus	121
Εὐχὴ θεοκομιδῆς	ibid.	Gabriel	ibid.
Excommunicatio	ibid.	Gazophilacium	ibid.
Exocataceli	110	Gebenna	ibid.
Exorcismus	ibid.	Genitivus	ibid.
Exorcista	ibid.	Gentes	122
Extunc	ibid.	Gethsemane	ibid.
		Gigas gemina substantia	ibid.
F. Facies Dei	ibid.	Γινώσκω	ibid.
Facio	ibid.	Gloria Patri	ibid.
Fatum	112	Glorifico	ibid.
Fera arundinis	112	Golgotha	ibid.
Ferè	ibid.	Γουναριστός	123
Feretrum	ibid.	Gradus rei	ibid.
Feria	ibid.	Gradus in vitâ aternâ	ibid.
Fermentum	113	Gratia	ibid.
Festum	114	Gratia & Gratia salutaris	124
Fidelis	ibid.	Gratia prima & secunda	125
Fideles	ibid.	Gratiarum actio	126
Fides	ibid.	Gratifico	127
Fiducia	115	Gressus	ibid.
Filius	ibid.	Grex	ibid.
Filialis	116		
Filius hominis	ibid.	H. Abito	ibid.
Filius olei	ibid.	Habitus	ibid.
Filia	ibid.	Hæresis. Hæreticus	128
Filius hominis	ibid.	Hagiographa	ibid.
Finis legis	ibid.	Halelujah	ibid.
Firmamentum	117	Harmageddon	129



# I N D E X.

Harmonia evangelistarum  
 Hasidai  
 Hebdomas  
 Hebraicè  
 Hellenista  
 Henoch  
 Heptateuchus  
 Heptazonus  
 Herodes  
 Herodiani  
 Εσπεροπεσιον  
 Hexaëmerum  
 Hexaplum  
 Hexapsalmus  
 Hierarchia  
 Hichpaël  
 Hipbil  
 Hodie  
 Hoc est corpus meum  
 Homilia  
 Homo  
 Homo Dei  
 Homo iudicatus  
 Homousius  
 Hora  
 Hora placationis  
 Hosanna  
 Hostia  
 Hostia  
 Hospitalia  
 Hostia  
 Humanatus  
 Hymnus  
 Hypapante  
 Υπαγορευειν  
 Υπερογους  
 Hypocrita  
 Hypostasis  
 Hyssopus *ibid.*  
 Iacobus  
 Iah

I.

119	Ianitor	<i>ibid.</i>
130	Iannes & Iambres	<i>ibid.</i>
131	Iapheth	152
<i>ibid.</i>	Ichthys	<i>ibid.</i>
<i>ibid.</i>	Idolum	<i>ibid.</i>
<i>ibid.</i>	Idolum. Idololatria	<i>ibid.</i>
<i>ibid.</i>	Idumaea	153
<i>ibid.</i>	Iehova	<i>ibid.</i>
132	Iehova Zebaoth	155
133	ισραηλικά τελετή	<i>ibid.</i>
<i>ibid.</i>	ισροπεσιική παγματεία	<i>ibid.</i>
<i>ibid.</i>	Ierosolyma	<i>ibid.</i>
<i>ibid.</i>	Ieiunia sabbatica Iudaorum	<i>ibid.</i>
<i>ibid.</i>	Ieremias	<i>ibid.</i>
<i>ibid.</i>	Ieiunium	<i>ibid.</i>
<i>ibid.</i>	Iesus	158
139	Ignis	159
<i>ibid.</i>	Idichum	160
140	Imago Θεού	161
143	Imago Dei	<i>ibid.</i>
<i>ibid.</i>	Immanuel	<i>ibid.</i>
<i>ibid.</i>	Implere legem	163
<i>ibid.</i>	Importunus	<i>ibid.</i>
<i>ibid.</i>	Improperium	<i>ibid.</i>
<i>ibid.</i>	Impossibile natura, & Impossibile natura	<i>ibid.</i>
144	Imputare	164
<i>ibid.</i>	Inclusus	165
145	Inconsutilis	<i>ibid.</i>
<i>ibid.</i>	Incremento	<i>ibid.</i>
149	Infernus	<i>ibid.</i>
<i>ibid.</i>	Initiati	<i>ibid.</i>
<i>ibid.</i>	Initium	169
<i>ibid.</i>	Innatus	<i>ibid.</i>
<i>ibid.</i>	Insensatus	<i>ibid.</i>
<i>ibid.</i>	Instrumentum	<i>ibid.</i>
150	Integellus	<i>ibid.</i>
<i>ibid.</i>	Integritas	170
<i>ibid.</i>	Interminus	<i>ibid.</i>
	Intransitiva communio	<i>ibid.</i>
151	Inventum valde	<i>ibid.</i>
<i>ibid.</i>	Investigabilis	<i>ibid.</i>

Inyoco

# I N D E X.

Invoco  
 Iohannes  
 Ipse  
 Irefione  
 ἰσαπόστολος  
 Iscariotes  
 Israël  
 Ithiel  
 Iubilaus  
 Iudaea  
 Iudeus  
 Iugum Christi  
 Ius appellationum  
 Ius canonicum  
 Ius ad rem, & in re  
 Iustitia  
 Iustus  
 Iustitia seculorum  
 Iustifico

## K.

**K** Ἀρδιογνώσης  
 Karaim  
 Καταβαίνειν εἰς αἶδου  
 Κατάκλεισαι  
 Κηφᾶς  
 Κλειδουχία  
 Κοινωνία  
 Κοινωνία ἰδιωμάτων  
 Κρύφειον δόγμα  
 Kyrieleison

## L.

**L** Abarum  
 Labium  
 Labor  
 Lacus ira Dei  
 Laicus  
 Lampadarius  
 Lampas  
 Languores  
 Lapis

ibid.	Lapidatio	ibid.
ibid.	Epidēs mystic	ibid.
171	Laqueus	ibid.
ibid.	Latitudo	ibid.
ibid.	Latria	239
ibid.	Λατρεία τῆς εἰκονομίας	241
ibid.	Lazarus	ibid.
ibid.	Lavacrum	ibid.
172	Laus	ibid.
ibid.	Leo	ibid.
173	Leviathan	242
ibid.	Levita	ibid.
ibid.	Lex	ibid.
174	Lex nova	243
232	Libellatici	ibid.
ibid.	Libellus in ore dulcis, in ventre amarus	244
233	Liber absconditus	ibid.
ibid.	Liber Dei, vita, & viventium	ibid.
234	Liberatio	ibid.
	Libertas	245
ibid.	Libertini	246
ibid.	Liciani propheta	ibid.
235	Lignum crucis Christi	ibid.
ibid.	Lilium inter spinas	ibid.
236	Limbus	ibid.
ibid.	Limpidus	247
ibid.	Lingua	ibid.
ibid.	Linguae	248
ibid.	Linguosus	ibid.
ibid.	Litania	ibid.
	Liturgia	ibid.
237	Liturgus	250
ibid.	Livor	251
ibid.	Locus	ibid.
ibid.	Locusta	ibid.
ibid.	Λογοθέτης	254
238	Λογοθέτης αὐτῆς ἀνάγκης	ibid.
ibid.	Λόγος	ibid.
ibid.	Lucas Evangelista	255
ibid.	Lucifer	ibid.

Luci

# I N D E X.

Lucifuga Scripturarum	256	Maneo	ibid.
Lucerna	ibid.	Manicheus	ibid.
Ludens coram Deo	ibid.	Maranatha	ibid.
Lumbi	ibid.	Mare	266
Lumbare	ibid.	Mare magnum	ibid.
Lumen	ibid.	Mare rubrum	ibid.
Lumen de lumine	ibid.	Mare salis	ibid.
Lumen propheticum	257	Mare fustum	ibid.
Lumen natura, gratia, & gloria	ibid.	Mare vitreum	267
Lux	ibid.	Maria	ibid.
Lux mundi	258	Maria virgo	268
Λύτξov	259	Martyr	ibid.
		Masclim	269
		Masora	ibid.
	260	Materiale	ibid.
	ibid.	Matricularius	ibid.
	ibid.	Matutinus	ibid.
	ibid.	Maüsim	270
	ibid.	Mausoleum	ibid.
	262	Mederi	ibid.
	ibid.	Media salutis mediata & immediata	ibid.
	ibid.	Mediator	ibid.
	ibid.	Μεγάλη ἡμέρα	271
	263	Melcham	ibid.
	ibid.	Melecheth	ibid.
	ibid.	Memoriale	ibid.
	ibid.	Mendax	ibid.
	ibid.	Mensa Domini	ibid.
	ibid.	Menstruatus	272
	ibid.	Mercenarius	ibid.
	ibid.	Merces	ibid.
	ibid.	Mereri	273
	ibid.	Meritum	274
	ibid.	Mesopotamia	276
	264	Μετewείζειν	ibid.
	ibid.	Messias	ibid.
	ibid.	Μεταλαμβάνειν μετάληψας	ibid.
	ibid.	Μεταποιήσις	277
	ibid.	Michael	ibid.
	ibid.	Middoth	278
	265	Migma	ibid.
			Mille

M.

**M**<sup>Acabaus</sup>  
 Macarismi  
 Macrocosmus  
 Maçto  
 Macula  
 Magi  
 Magistratus  
 Magnalia  
 Magnum sabbatum  
 Magog  
 Majestas  
 Maledico  
 Malignus  
 Malignor  
 Malignantes  
 Malo granatum  
 Malum  
 Mammona  
 Mammona iniquitatis  
 Mamma  
 Mamzer  
 Manda remanda  
 Mandra  
 Mandragora  
 Manduco  
 Mane, Thechel, Phares  
 Manna  
 Mane junctum vesperi



# I N D E X.

Mille	278	Mori in peccatis	287
Miles. Milites	ibid.	Mori legi	ibid.
Militia cœlestis	ibid.	Mors	ibid.
Militia cœli	ibid.	Mortale	288
Militia spiritualis	ibid.	Mortalis	ibid.
Mina	289	Mortifico	ibid.
Minoro	ibid.	Mortificatio	ibid.
Miracula	ibid.	Mortua opera	ibid.
Mirifico	280	Mortua fides	ibid.
Miserabilis	ibid.	Moses	ibid.
Mischpad	ibid.	Muliebria	289
Miseria	ibid.	Mulier	ibid.
Misericors	ibid.	Mundus muliebris	290
Missa	ibid.	Muliebre vas	ibid.
Mœchari	283	Multi	ibid.
Mola asinaria	ibid.	Mundus	ibid.
Mixtum ex theoriâ & praxi	ibid.	Mundialis	292
Misio	284	Mundities	ibid.
Mitzvoth	ibid.	Mundi elementa	ibid.
Mna	ibid.	Municeps	ibid.
Mollis	ibid.	Mutatio	ibid.
Molentes	ibid.	Musach	293
Momentum	ibid.	Mutatoria	ibid.
Monimentum. Monumentum	ibid.	Munus	ibid.
Monachus	ibid.	Myſterium	ibid.
Monarcha	285	Μυστήριον Θεοῦ αἰνόνον	294
Monasterium	ibid.	Myſterium iniquitatis	ibid.
Monialis	ibid.	Μυστήριον Φεακτῆ	ibid.
Mors	286	N.	
Monobambylum	ibid.	Nabla. Nablum	294
Monogamia	ibid.	Nabuchodonosor	ibid.
Monogamium	ibid.	Nadab	295
Monogamus	ibid.	Nagid	ibid.
Monoteſſaron	ibid.	Nanea	296
Mons	ibid.	Naophylax	ibid.
Mons coagulatus	ibid.	Nardus pistica	ibid.
Monstrum	287	Nasus	297
Montana	ibid.	Nascor	ibid.
Moria	ibid.	Natalis calicis	ibid.
Mori morte	ibid.	Nathinaus	ibid.
Mori peccato	ibid.	Nativitatis terra	ibid.

# I N D E X

Nativitatis vultus:	279	Oeconomus magnus:	ibid.
Nativitatis rota:	ibid.	Oeconomi mysteriorum Dei:	ibid.
Nativitus:	ibid.	Oeconomia:	ibid.
Natura:	298	Oecumenicus:	308
Nazaraus:	ibid.	Offertorium:	309
Necessitas:	ibid.	Officia:	ibid.
Nedfyri:	ibid.	Oleum:	ibid.
Neophytus:	299	Omnipotens:	ibid.
Néoc doxoglas:	ibid.	Omnis:	ibid.
Noachus:	ibid.	Omophorium:	310
Nolentia:	ibid.	'Opooúctas:	ibid.
Nomen Dei:	ibid.	Onus:	ibid.
Nomen supra omne nomen:	ibid.	Opinio:	ibid.
Nomen Dei:	ibid.	Opinatissimus:	ibid.
Nomen blasphemia:	300	Opus operatum:	ibid.
Nominum permutatio:	ibid.	Oportet:	311
Non:	ibid.	'Oπτωσία:	ibid.
Nomus. Nonna:	ibid.	"Oεγμα:	ibid.
Nomocanon:	301	Ore gladij, & gladio oris:	ibid.
Nōrunt initiati:	ibid.	Oraculum:	ibid.
Notaria seu Notariata expositio:	ibid.	Oratorium:	ibid.
Notio:	302	Oriens:	ibid.
Novellitas:	ibid.	Originalis:	ibid.
Novissimus:	ibid.	Ortus:	ibid.
Novitiolus:	ibid.	Orthodoxus:	ibid.
Novum mandatum:	ibid.	Osculum:	ibid.
Nudipedes:	ibid.	Ostentui habere:	312
Nudus:	ibid.	Ούσια:	ibid.
Numerus hominis:	ibid.	Ovis:	ibid.
Nuptia:	304		
Nuptia secunda:	ibid.		
Nuxibid:			
<b>O</b> bsignare peccata:	ibid.	<b>P</b> ædobaptismus:	312
Obsignatio hominum electorum:	305	Pacifica:	ibid.
Obsignatio visionis & prophetia:	306	Pacificus:	ibid.
Oblata:	307	Pædagogia:	ibid.
Oblator:	ibid.	Paganus:	ibid.
Oblatio:	ibid.	Palatha:	313
Odibilis:	ibid.	Palestina:	ibid.
Odio ire:	ibid.	Palmoni:	ibid.
Odor vita ad vitam, & mortis ad mortem:	ibid.	Palmes:	ibid.
		Palmus:	ibid.
		Paniscus:	ibid.

# I N D E X.

Panis afflictionis	313	Persectio Dei	356
Panis mendacij	ibid.	Permissio	358
Panis de celo	ibid.	Perpetuus	359
Panis	ibid.	Persona	ibid.
Panis Dei, angelorum, vita	316	Personare	ibid.
Panifragium	ibid.	Περὶ Χωρῆσις	ibid.
Panis propositionis	317	Perusch	ibid.
Panis quotidianus	ibid.	Petra	360
Panis salutis	318	Pharao infanticida	363
Papa	ibid.	Phariseus	364
Papatus	319	Philosophia inanis	ibid.
Parabola	ibid.	Phurim	ibid.
Parabolani	ibid.	Phylacteria	ibid.
Paracletus	ibid.	Physicum	ibid.
Paradisus	ibid.	Phiala	ibid.
Paralipomena	ibid.	Phosphorus	365
Parasceve	320	Φωτισμα	ibid.
Parochus	ibid.	Piaculum	ibid.
Parturio	ibid.	Pietas	ibid.
Paryulus	ibid.	Pietatis sacramentum	ibid.
Πῶς γράφει	ibid.	Pietates	ibid.
Pascha	ibid.	Piafrans	ibid.
πάσχα	321	Piel	366
Pasibilis	ibid.	Pinna	ibid.
Pater	ibid.	Pietas	ibid.
Patres	ibid.	Plasma	ibid.
Patiens	352	Placabilis	ibid.
Patriarcha	ibid.	Planto	367
Patricius	353	Πληροφορία	ibid.
Patrinus	ibid.	Plethi	ibid.
Patronus	ibid.	Plumarius	ibid.
Paulus	ibid.	Pluvia temporanea & serotina	ibid.
Pauper	ibid.	Pneuma	368
Paupercula	ibid.	Pœnitentia	ibid.
Pax	ibid.	Pœna	ibid.
Paximacia	354	Pœtici libri	ibid.
Peccatum	ibid.	Pœniteor	ibid.
Peccatum habere	355	Πολίτευμα	ibid.
Peccatum originale	ibid.	Politia	ibid.
Πεμπεν & Χερσίου	356	Pœnites	ibid.
Pentecoste	ibid.	Pœnitentia	369
Πεντηκοστή	ibid.	Polyandrium ibid.	Pœ-



# I N D E X.

Polymitarium	369	Promereor	ibid.
Polytaurium	ibid.	Propasio	ibid.
Pontifex	ibid.	Propheta	ibid.
Potestas	ibid.	Prophetia	379
Præceptum	ibid.	Propositio	ibid.
Prædamno	370	Propositionis mensa	ibid.
Prædestinatio	ibid.	Profelytus	ibid.
Præmium	ibid.	Propugnaculum	380
Præputium	371	Proscriptus	ibid.
Præscientia	ibid.	Prosperor	ibid.
Præsciti	ibid.	Proseucha	ibid.
Præscribo	ibid.	Prostibulum	ibid.
Præsentia	ibid.	Prosa	ibid.
Præstabilis	372	Protoapostolarum	ibid.
Præsumo	ibid.	Protoplastus	ibid.
Præter	ibid.	Protosyncellus	ibid.
Prævicordius	ibid.	Protelor	ibid.
Præcatio	ibid.	Protestor	ibid.
Prædium	ibid.	Providentia Dei	381
Præmium	ibid.	Procurbor	ibid.
Præstigiis nostris sacramentum	373	Proverbium	ibid.
Præbyter	ibid.	Proximus	ibid.
Præbyterium	ibid.	Psalterium	ibid.
Priapus	ibid.	Pseudochristus	ibid.
Primatus	ibid.	Pseudepigraphus	ibid.
Primicerius	376	Pseudopropheta	382
Primitivus Achaia	ibid.	Ptisana	ibid.
Primitia	ibid.	Ptolemensis	ibid.
Primogenitus	ibid.	Pubertas	ibid.
Primogenitus mortis	ibid.	Publicanus	ibid.
Primogeniti pauperum	ibid.	Pudenda	ibid.
Primus	ibid.	Pulchritudo pulcherrima	ibid.
Primitivus	ibid.	Punio	383
Primitivus	ibid.	Pygmaus	ibid.
Primum	377	Q Vadragesima	383
Princeps	ibid.	Q Quinifectus	ibid.
Principalitas	ibid.	Quomodo	ibid.
Principium	ibid.	R Abbi	ibid.
Problema	ibid.	R Raka	384
Probo	ibid.	Rado	ibid.
Pro archivis esse	378	Raxn	ibid.
Præatica porta	ibid.		Rana
Prologus galeatus	ibid.		

# I N D E X.

Rana	384	Ruficatio	391
Ratio	ibid.	S.	
Ratio superior & inferior	ibid.	Saba	ibid.
Ratio theoretica & practica	ibid.	Sabaoth	ibid.
Rationabilis	ibid.	Sabbatum	ibid.
Rationale	385	Sabbatum magnum	392
Reatus	ibid.	Sabbatum secundoprimum	ibid.
Reconciliare	ibid.	Sabbatum sabbati	ibid.
Redimere	ibid.	Sabbatum Enoch	ibid.
Regeneratio	ibid.	Sabbati iter	ibid.
Regnum Dei	386	Sabbatorum una	ibid.
Religiositas	ibid.	Sabbati intermedium tempus	ibid.
Reliquia hodierna	ibid.	Sacerdos	393
Remittere peccata	ibid.	Sacerdos secundum ordinem Melchisedeci	ibid.
Reprobus	ibid.	Sacerdos unctus	ibid.
Replico	387	Sacerdotalis terra	ibid.
Requisita natura	ibid.	Sacerdotium	ibid.
Resipiscencia	ibid.	Sacramentum	394
Repromissor	ibid.	Sacramentum altaris	395
Repropitiator	ibid.	Sacrarium	ibid.
Requies	ibid.	Sacrificium	ibid.
Res Dei, & res Scriptura	ibid.	Sadduceus	397
Requiescere	ibid.	Sal	ibid.
Requietio	ibid.	Salvator. Servator	398
Responsoria	ibid.	Salvator mundi	ibid.
Restipulor	388	Samson	ibid.
Resurgo	ibid.	Sanctifico	399
Resurrectio	ibid.	Sanctimoniales	ibid.
Resurrectio Christi	ibid.	Sanctimonium	ibid.
Retribuo	ibid.	Sanctificium	ibid.
Retributio	ibid.	Sanctum seculare	ibid.
Resurrectio Dei	ibid.	Sancta David fidelia	ibid.
Revelo	ibid.	Sancta importunitas	ibid.
Revelatio divina	ibid.	Sanctum sanctorum	ibid.
Regulus	389	Sancti	400
Ῥητορ	ibid.	Sanctus	ibid.
Rhythmica poësis	ibid.	Sanguis Iesu Christi	401
Ritualis animus	ibid.	Sapientia Salomonis	ibid.
Robusti	390	Sarabaram. Saraballum	ibid.
Rota	391	Satan	402
Runcinarum levigata de planis	ibid.	Saturitas	ibid.

# I N D E X.

Scabellum	402	Sesach	ibid.
Scala cœli	ibid.	Sessio	ibid.
Scandalum	ibid.	Sexagesima	ibid.
Scaramangis	403	Sicum	ibid.
Scenofactoria ars	ibid.	Siclus	ibid.
Scenopogia	ibid.	Sigajon	415
Schedim	ibid.	Sigilla	ibid.
Schisma. Schismaticus	ibid.	Sigillum	ibid.
Scholastici	404	Signum crucis	416
Scriptura sacra	406	Signaculum	ibid.
Scriba	408	Signator	ibid.
Seculum	ibid.	Signo	ibid.
Secularis	ibid.	Silentium dimidia hora	ibid.
Secularia tempora	409	Sileo	ibid.
Secularia desideria	ibid.	Siloh	ibid.
Seculum	ibid.	Silva domus	417
Secundum opera, & propter opera	ibid.	Silva mellis	ibid.
Securitas	410	Silvestre mel	ibid.
Sedere in cathedra Moysi	ibid.	Similitudo	ibid.
Sedes apostolica	ibid.	Similor	ibid.
Seducio	ibid.	Simoniacus	ibid.
Selah	411	Sinus Dei	418
Semen	ibid.	Sinus Abraha	ibid.
Semicinctia	412	Sion	ibid.
Sempiternum	ibid.	Sitio	419
Sem	ibid.	Sodoma	ibid.
Sensus	ibid.	Sol	ibid.
Septem	ibid.	Solatium	ibid.
Septem dona Spiritus sancti	ibid.	Solus	ibid.
Septentrio	413	Sola fide justificari	ibid.
Septimania	ibid.	Solvere & ligare	420
Septimana magna	ibid.	Σωμνησις	421
Septicollis	ibid.	Somnium	ibid.
Sepultura	ibid.	Somniator	ibid.
Sequens Israelitas petra	ibid.	Somnus	ibid.
Septuagesima	ibid.	Sophista	ibid.
Servus servorum	ibid.	Sors	422
Servile opus	414	Species	ibid.
Seraphim	ibid.	Speculum Trinitatis	ibid.
Serpens vinctus	ibid.	Spes Christiana	ibid.
Serpens antiquus	ibid.	Spiritus sanctus	ibid.
			Spiritus



# I N D E X.

Spiritus septem:	422	Tempus Dei & hominis	431
Sponsus	423	Tempus, tempora, & dimidium temporis	ibid.
Status exinanitionis & exaltationis Christi	ibid.	Temporaneus	432
Status proportionatus & superexcedens	ibid.	Tenebra	ibid.
Status via & patriæ	ibid.	Tepidus	ibid.
Status animalis & spiritualis	ibid.	Teraphim	ibid.
Σταυρός	ibid.	Terminum habere	ibid.
Stella	ibid.	Terra	ibid.
Stella magna ex cælo decedens	424	Terra & mare	ibid.
Stella matutina	ibid.	Terra ultima	ibid.
Stipulor	ibid.	Terrigena	ibid.
Suadeo	ibid.	Terribilis	ibid.
Suadibile	ibid.	Terribiliter	ibid.
Substantia	ibid.	Testeus	433
Succendere pityra	425	Testamentum	ibid.
Successio	ibid.	Testimonium	ibid.
Successio episcoporum Romanorum	ibid.	Tetraplus	ibid.
Συγκατάβασις	426	Θεάνθρωπος	ibid.
Symbolum apostolicum	427	Θεογενεσία	434
Συμβολικὴ θεολογία	ibid.	Θεωσις	ibid.
Συμβόλων δημηγυγός	ibid.	Theophania	ibid.
Synagoga	ibid.	Theologia	ibid.
Synagoga Libertinorum	ibid.	Θεοτόκος	436
Synaxis	ibid.	Θεομήτωρ	437
Syncellus	428	Θεομαχία	ibid.
Συζητητὴς αἰῶνος τέττα	ibid.	Thesaurus	ibid.
		Thorax	ibid.
		Thronus	ibid.
		Totus Christus, & Totum Christi	ibid.
	428	Totaliter totum	438
	ibid.	Tractus	ibid.
	ibid.	Tobu	ibid.
	429	Tradere claves	ibid.
	ibid.	Traditio	ibid.
	ibid.	Traho	440
	ibid.	Transubstantiatio	ibid.
	ibid.	Transfiguratio	ibid.
	ibid.	Τελας	ibid.
	ibid.	Triplex mundi machina	442
	439	Tristega	ibid.

Tristitia

# I N D E X.

Tristitia	442	Vir desiderabilium	449
Τροπικόν	ibid.	Vir verborum	450
Tropologia	ibid.	Virgo	ibid.
Tuba	ibid.	Virgo reclusa	451
Τροπικὸς Παράξενος	443	Virga	ibid.
Τροπικὸς Φορῆν	ibid.	Virga vigilans	ibid.
Τροπικὸς καὶ κυρτός.	ibid.	Virtutes theologicæ	ibid.
Triteuchus	ibid.	Vita	ibid.
Typus	ibid.	Vita aterna	ibid.
Triclinium	346	Vitis aurea	ibid.
		Vitulus	ibid.
		Vita	452
<b>U</b> chal	ibid.	Vivifico	ibid.
Vade post me Satana	ibid.	Vivo	ibid.
Veniale	ibid.	Ulcera	ibid.
Venter	ibid.	Ulciscor	ibid.
Ventilabrum	ibid.	Unctio	ibid.
Verbum	ibid.	Ungo	453
Verbum rei, & res verbi	447	Unitas	ibid.
Verbum scriptum & non-scriptum	ibid.	Uno ore	ibid.
Verba dierum	ibid.	Voluntas Dei	ibid.
Velamen Moſis	ibid.	Vulnera Christi	ibid.
Vespera dua	ibid.	Vulnus	454
Vespere Sabbati qua luceſcit in primam Sabbati	448	Vulpes	ibid.
Vestigium	ibid.	Urim & Thummim	ibid.
Vestes ſcindere	ibid.		
Vestes Christi	ibid.		
Vigilia	ibid.		
Viaticum	ibid.		
Via	ibid.		
Viatores	ibid.		
Viginti quatuor ſeniores.	449		
Vinco	ibid.		
Vinculum	ibid.		
Vindicta	ibid.		

U.

X.

Z.

Τῇ Μοναδί Παναγίᾳ καὶ ὑπεραγνῷ λόγῳ καὶ χάρις εἰς πάντας αἰῶνας ᾤ  
αἰώνων, Ἀμήν.

F I N I S.

